



775  
—  
B. 10 B




plates  
by  
Sedgwick



















COLONIÆ, Apud Cornel. ab Egmond 1631.



ORBIT  
PHAKTHON  
De Universis  
VITIIS LINGVA

WILLIAM DICKSON  
auctor



COLLEGE OF WILLIAMSBURG



REVERENDISSIMO

ET

ILLVSTRISSIMO

DOMINO,

D. P A R I D I

Salisburgensi Archiepiscopo,  
Metropolitano Episcoporum  
Antistiti ;

Apostolicæ Sedis Legato Nato,  
S. R. I. Principi ,

*Domino meo Clementissimo.*

**L**INGVAM fero , sed improbam,  
& quæ nec loqui sciat, nec tacere.  
Quam vel ideo sacræ Tiaræ tuæ ,  
Pedoque subjicio , Illustrissime ac Re-  
verendissime Princeps, ut ad pedū tuo-  
rum vestigia sapere ac loqui discat hoc  
monstrum, aut certe silere. In aula hæc  
mea sunt nata , in aula velim manere.  
Anno Christiano millesimo sexcentesi-  
mo decimo nono , ista pro suggestu do-  
cere cœpi : & inde hæc scriptio. Ter-  
sam ex omni parte ac politam non pol-  
liceor ; enucleatam aliorum industriam  
nō assequor. Sannazarius poëma suum  
de partu Virgineo viginti annorum li-  
ma perpolivit. Hæc illis longe inferio-  
ra, decennio pressa. Ita tandem cum e-  
lephantis parturio , & formidabilem  
A 2 hunc  
Decē  
annis  
gestari  
elephā-  
tem in  
utero . vulgus existimat, Plin, l. 8, hist. nat. c. 10. initio.



## E P I S T O L A:

hunc partum effundo , *Linguam malam.*

Mala Lingua , malorum omnium compendium. Vere Phaëthon, vere Orbis incendium. Vix enim ullum in Orbe malum est , quod non vel incipiat Lingua, vel augeat, & incendat. Quam multos manu innoxios lingua pessumdedit? Plures enim lingua quam factis infames sunt. Lingua instrumentum omnis mali. Nulla pars corporis ad nocendum promptior, ad frenandum difficilior. Sunt plurimi, quibus nihil pejus dedit natura, quam linguam. Bella, doli, adulteria , corruptelæque omnes pæne cessarent, nisi lingua malum semē & spargeret , & foveret. Ego quidem hac scriptione Linguae vitia in numerū cogere laboro. Ah erro; nec tamen aliter possum. Innumeræ sunt mentiendi, pejerandi & fallendi artes , artiumque rursus species infinitæ. Hinc insidiosa blandimenta aurium, hinc morum naufragia , & tot varietates malorum. Et hæc quoque causa fuit cur ad Te , Reverendissime Præsul, hic meus Phaëthō effuso cursu pervolaret. Si quid vero simillime conjectare liceat, affectata tibi minime probantur. Hanc vero scriptionem pæne polliceri ausim , planam & minime affectatam. Intemperantiam linguae non solum tango , sed & ferio. Vitiosis parcendum scio, non vitiis, quæ non solum sine dissimulatione notanda, sed ubi opus, flagellanda etiam, idq;

non



## E P I S T O L A.

non perfunctorie. Suum Lingua acetum plurimis propinat, & ego illi mulsum ingeram ac mella loquar? Liber natus sum, nec auribus servire didici, nec ad pompam loqui, quo vix majus malum vita hominum habet. Quantus est ubique labor loqui, respondere, fabulari, fingere; comere verba, sententias librare, in oblectationem audientium jactare dicta, cogitare anxie, quam suaviter aërem verberes, quomodo dicas ut placeas. Has tales Veritati larvas aptamus, & vel invitam cogimus perpetua fere bacchanalia vivere. Sic efficitur sæpe, ut venustius possimus loqui quam verius, ut elegantius differere quam vivere sciamus. At Veritas nativi decoris amans operosissimas has concinnitates odit, & mavult non esse pulchra, quam picta. Ideo & hîc sermonis hæc pigmenta, ubi res postulat, non immerito perstringuntur. Omnis tamē aries meus in graviora illa Linguae vitia incurrit. Nusquam incendium est quod vel Adu-  
latio, vel Calumnia, vel Obtrectatio, vel Mendacium non excitarit. In hos Phaë-  
thontas pugnandum; contra hos ful-  
ciendus Orbis.

Rebus quidem omnibus, maxime ta-  
men Linguae moderandum esse, vox om-  
nium sapientum est. Quid enim pro-  
dest equum regere, & cursum ejus fre-  
no temperare, Lingua & affectibus ef-  
frenatissimis abstrahi? Romano sapien-



## E P I S T O L A.

*Senec.* ti nil æque ad optimos mores conduci-  
*epist.* bile visum est, quam quiescere, & mini-  
*105.* mum cum aliis loqui, plurimum secum.  
*med.* Non enim est minus artificium, & mul-  
 to tutius, tacere, quam loqui. Si muti  
 fuissent Cicero & Demosthenes, diutius  
*Ruffi-* vixissent, & suavius obiissent. Tanto di-  
*nus A-* gnior laude abbas ille laudatissimus, Or-  
*quil.* nomine, cui scriptores optimi hoc tri-  
*l 2. c. 2* buunt elogii, quod nunquam mentitus,  
*Palla-* nunquam juraverit, nulli male precatus,  
*dus* nec unquam, nisi cum necessitas coë-  
*c. 9. In* gisset, locutus sit. O virum à multis mil-  
*vita* libus unum, quem vere suæ linguæ do-  
*Or.* minum fuisse dixere. Sed bene Orbī:  
 etiamnum linguæ suæ dominos nume-  
 ramus, & forsan plures quam priscum  
 ævum proferat.

Quid de tua, Præsul Reverendissime,  
 parsimonia loquēdi sentiam, consultius,  
 putem, siluero, ne in primam Alphabeti  
 mei litteram peccasse videar. Hoc aper-  
 te ac libere ajo: Verborum Te minime  
 profusum sciunt, quicunque Te norunt.  
 Lingua tibi tam disertā quam modesta,  
 & pæne dixerim, oculata, ut quæ prius  
 circumspiciat, quam prodeat. Disertam  
 dixi, ut quæ in Academiis olim inter e-  
 ruditos publice ausa loqui, cum applau-  
 su & gratulatione. Neque nunc facun-  
 diam in te desiderat, qui te vel semel  
 audiit loquentem. Oculatam affirmavi,  
 ut quæ cum demum progredi soleat,  
 cum iter tutum conspexerit.

Tran-



## EPISTOLA.

Tranquillus memorat, ab Augusto *Suetonius in Augusto.* Imperatore filiam ac neptes sic institutas, ut vetaret loqui aut agere quidquā, nisi propalam, & quod in diurnos commentarios referri posset. Te, Illustrissime Antistes, his legibus vivere, sic loqui ferunt, ut à te dicta in libros referri possint.

Has ob causas è Serenissimi Electoris nostri, & Bavariae Ducis Maximiliani aula, in tuam hunc Phaëthontem meum transfero. Neque tamen hæc uni duntaxat aulae dicuntur. Omnium Regum ac Principum cum Consiliarios tum ceteros aulae comitatus hæc monita spectant, modo institutionis ac veri sint patientes. Non carpere, sed instruere conamur; ne dum linguam vitiosam reprehendimus, vitioso calamo peccemus. Quod si universe has loquendi præceptiones spectemus, eæ omnium primo debentur aulis, etiam optime formatis. Sancta fuit Constantini & Theodosii Imperatorum, sancta Alphonfi & Ludovici Regum aula; sed nulla istarum, arbitror, adulatoribus, susurronibus, obrectatoribus caruit. Et ubi terrarum, quæso, aula tam religiosa & pia, ut eo hoc genus murium non perrepat latentissime. Hi sorices ubique suo se cantu produnt. Ideo ubique, in aulis maxime, in hos ferrum & unguis promendi. Istud hîc facere instituti mei est, sed tua auctoritate, Princeps, tuique nominis



## EPISTOLA.

auspiciis. Huc me non leviter trahit animus tuus in minimam Societatem nostram, & olim, & nunc pronissimus. Parum dixi: Liberalissimam tuam beneficentiā diversæ domus è nostris jam sæpius expertæ, hoc unum laborant, ut ingrati animi accusationem effugiant. Inter hos ego hoc jam ago, tuis beneficiis non ut respondeam, sed ut eorum saltem memoriam apud nos vivere ostendam. Vnum illud infimis precibus contendo, ut ab aula tua sic admittatur hic Phaëthon, ut Orbis Christianus habeat quod imitetur. Naufragium miser in cælo fecit, nunc hospitium quærit in terra. Inveniet, ita mihi spondeo, Te annuente. Illustrissimæ Celsitudini Tuæ Societatem nostram omnem, meq; una submississime commendo. Monachii Cal. Maji, Anno Christiano MDCXXIX.

Rev. mæ & Ill. mæ Celsitudinis Tuæ

*servus in Christo sub-*  
*mississimus*

HIEREMIAS DREXELIUS  
è Societate IESV.

BENE.



# BENEVOLO LECTORI.

**A**D Alphabetum te revoco, mi Lector, sed non ad Christi, nec ad cacodamonis, sed ad Phaëthontis, aut Linguae. Viginti tres litterae sunt, quas tibi omnes, velut tuum nomen, notissimas velim. Nam ut scias, hîc maxima quaeque mala Orbis, si non emendo, saltem deploro. Nemo est, ausim dicere, nemo est, qui non in hoc Alphabeto subinde hasitet, hallucinetur, balbutiat. Quid dissimulemus? hîc nemo non agrotat: ille minus, plus iste. hîc omnes monitoribus egemus, non tamen omnes monitorem sustinemus.

O Lingua, ô maximorum malorum pane maximum malum, si regi nolis! O Lingua maximorum bonorum pane maximum bonum, si tamen frenos patiaris, & parere discas! Et hac ipsa seu damna Lingua seu comoda pensculatius cogitanda proponere institui.

At dices mihi, Lector, semitam me calcare jam aliorum vestigiis tritam. Non nego. Scio annis prioribus de Lingua malo non neminem scripsisse. Sed & hoc te scire velim, quod mihi tuto credes, biennio toto, antequam ea in lucē vulgarentur, me de Lingua vitiiis, in Aula Serenissimi Electoris, Bavaria Ducis Maximiliani, pro suggestis differuisse. Iam ego te, Lector, arbitrum sumo ac iudicem: & illam & hanc scriptionem inspice, videbis, nisi me fallo, non tantum differre nos, sed alios es-



## AD LECTOREM.

*se. In eandem subinde silvam ivimus, sed mea securi ad ligna cadenda idem jus fuit, quod aliorum. Addo: Vitiosam Linguam instar Protei innumeras sibi formas aptare. Præter notiores illas, quarum & alii mentionem faciunt, sunt & ista, Lingua Bifida, Baccha, Bombilans, Blasa, Exprobrans, Hyperbolica, Importuna, Irreverēs, Objurgans, Promittens, Politica, Subsannans, Suspendens, Susurrans, Tumultuosa, Vindicans, Censoria seu Vituperans. Hem quot monstra? Et robusta prorsus nequitia sunt hæc vitia, quorum tamen alii nec mentionem quidem faciunt ullam. Hoc unice miror linguam Susurronem longe pestilentissimā, & a sacris paginis extreme damnatam, ab aliis parcius castigatam, ab aliis penitus omissam.*

*Hoc age, benevole Lector, ad patientiam, sed non nihil curiosam te compone: nec ambabus tantum manibus, quod ajunt, sed & auribus ambabus hauri dicenda. Lernam malorum hinc ingero, & cum poëta veteri jure proclamo:*

*Iamb.  
vet.*

Heu quot scatemus intus homines  
belluis?

*Episto- Quas Lingua unica, velut Augia pecus in  
la de pabulum propellit. Hinc noxa ac damna in-  
duorū numera; hinc infinitus vitiorum cumulus.*

*Iesui- Et en, mi Lector, vitiosa Lingua magnifi-  
tarum cum ac recens specimen. Dum hæc typis pa-  
fuga e ro, ad me robustissima fama defertur, nescio  
dita, quibus non solum urbibus, sed & provinciis  
styli de me spargi, ad alias partes me transisse.  
mei Hic ego Famam in jus voco, cum Fama au-  
nō est. ctorema*



## AD LECTOREM.

*Florem non possim. Nec tamen opus multis Philippicis. Rideo. Iamque rem verbo expediam. Monachii sum & munere illo etiamnum fungor, quod mihi Voluntas Dei ante annos complures, per Praesidum meorum iussa tradidit, tamdiu eo futurus, quamdiu divina Voluntati placuerit.*

*Neque tamen Dresdam, quam Fama ingerebat, ejuravi. Sum namque paratissimus eo pedes & victu mendicare ire, modo constet Serenissimum Saxoniae Electorem, aequitatis amantem, & Germani pectoris Ducem non abhorrere, partis etiam nostrae concionatorem admittere.*

*Hoc interim ago, ut in prisca Catholica Ecclesia sancte moriar. Et quia Deus mandavit Eccli. nobis, unicuique de proximo suo, hoc Deum ar. c. 17. denter rogo, Ut fiat unum ovile, & unus Pa- v. 12. stor. Adversa parti sanctos & pudicos mo- Ioan. res propono: doctrinam illius refellere, institu- c. 10. ti mei non est. Hoc enim laboro, ut è meis scri- v. 16. ptis, si qui velint, discant pie ac pudice vivere; sat librorum est, qui doceant cum priscis sapere. Non nescio, plurimos adversa partis innocentem errare: aliam utique religionem aliosque mores profiterentur, si alios docerentur.*

*Ergo, mi Lector, cum Linguae tam pronum sit hallucinari & impingere, nos hic Linguae vitia reprehendimus, ut emendemus. Nam vitiorum turpitudinem nosse, virtutis primordium est. Vale, mi optime Lector, & Linguae flagitia sic discas nosse, ut scias fugere.*







# A

**I**N antecessum, mi Lector, pauca monendus  
es.

1. Ad omnes Alphabeti litteras, tam Angeli quam diaboli signum reperies. Nam Lingua hominis locuturi vel ab Angelo insidetur, vel à diabolo. Ita in manibus Lingua virtus & vitium, vita & mors. Hinc illud: Lingua Deus, Lingua demon.
2. Omnes imagines flammeum & volentem tibi gladium exhibebunt cum inscriptione illius vitii, quod in eo caractere praeceptum.
3. In quavis autem imagine illud plerunque subijcimus spectandum, cujus in sequentibus fit mentio. Et en ejus rei exemplum.

**ADVLATIONIS** genium Rex Alphonsus in naui exponit, dum avibus escam objicit. Vide Caput I. Paragraphum I. Vbi etiam Cratis Thebani dictum explicatur de avibus quae arbusculas in rupibus, aut parietinis sitas convellunt.



## CAPVT I.

*ADVLATIO quam peruersum sit vitium,  
& quibus titulis adulatorum afficiendi.*

*Hieron.*  
*ad Ce-*  
*lant:*  
**A**DVLATIO inter vitia linguæ ag-  
amen ducit, & ingentem post se vitio-  
rum catervam trahit. ADVLATIO gra-  
ue malum, sed suave; letale malum, sed ci-  
vile; malum grande, sed subtile, & potens  
omni fere priori ævo; sed necdum vires per-  
didit. Tam vegetum, recens, integrum &  
vividum nostro hoc ævo est, quam fuit pri-  
mo illo, de quo Hieronymus: Isto, inquit,  
maxime tempore regnat adlatio: quodque  
est gravissimum, quia humilitatis ac bene-  
volentiae loco ducitur, ita fit, ut qui adulari  
nescit, aut invidus aut superbus reputetur.  
Quid ais, Hieronyme, jam ante mille tre-  
centos & amplius annos hoc vitium in flo-  
re? Nisi me valde fallo, hæc artes ex orco,  
plerumque incrementum sumunt à tempore,  
& quo plus ætatis, plus etiam acquirunt ro-  
boris.

*Hieron.*  
*in ps.*  
*17.*  
Quid hinc illinc in magnatum ædibus, in  
aulis Principum, in Regum palatiis atque  
turribus, adulando patretur mali, tametsi ne-  
sciam, hoc tamen scio, contra hoc vitium  
plurimos gravissime stomachari, & ubi di-  
cendi spatium est, indignatione prolixa in  
hanc pestem invehit. Quicquid sit, hoc vitium  
filendo præterire non licet. At tanguntur a-  
liqui, qui se notatos sentient? Hinc iterum  
Hieronymi monitum juvet, & metum ex-  
imat: Increpatio generalis, non est injuria  
personæ unius. Quod si multi hoc vitio labo-  
rent, ictu levioze ferientur, si plagæ dividan-  
tur in plures.

Quod



## DE ADVLATIONE. 3

Quod si ergo hoc vitium varia clade per Orbem grassetur, nequaquam ei parcendum, sed omnium linguis converberandum est, ut vel cadat omnino, vel saltem incipiat cadere. Quod si jam emigraverit ab Orbe, damnatū longo exilio, ne sic quidem de eo silendum est, nam tanto ampliore gratiarum actione opus est, quanto clarius agnoscimus quam grande malum effugerimus. Ita pergimus: & quia ADVLATIO plerunque à titulis exordium sumit, ita nos, ad vitii genium, principio suis adulatores titulis ornabimus.

I. Primus adulatorum titulus: NUTRICES DIABOLI sunt. Ancillæ infantariæ, seu, gerariæ, dum cunas agitant, plerunque etiam cantant, quo citius & suavius infantem sopiant: Sic & adulatores nō laudanda laudant: hoc grato sed maligno cantu, & in soporem dant eos, quos blandissimis verbis velut in cunas condunt, movēt, *Cunariū* & accinunt. Nutrices, cum infans cadit, distitare solent, bona fortuna cecidit: Adulatores ea quæ acriter forent perstringenda, in benignos & mites sensus trahunt, fortunæ *fuera* favores ubique largissime commendant precanturque: *motor Chari- deme mearū, Mart.*

— quicquid calcaverit hic, rosa fiat. *Perfius*

Sed, quemadmodum provectæ jam ætatis *sat. 2.* homo, nutricis lac sugere nimium erubescat, sic homo cautus jure verecūdetur adulatorio hoc lacte pasci. Salomon monens: *Prov. c. 1. v. 10.* Fili, inquit, si te lactaverint peccatores, ne acquiescas eis. *Vide*

Alter titulus: AVES GAVIÆ sunt adulatores. Solverat Sicilia Rex Alphonfus, uti *imag. Panor- mit. l. 1 de reb. gest. Alph. Plin. l. 10. c. 32.* Panormitanus memorat, cumque navem regiam aves, quas Gaviæ vocant, facto agmine circumvolitarent, rex sermonem de iis ingressus: Hæ aves, inquit, ex se tam officiosæ non sunt, ut hunc nobis honorem deferant velut



#### 4. C A P V T I.

velut comitando, sed expectant dum aliquid projiciatur : ubi projectum quid fuerit ad prædam, celerrime id rapiunt & diffugiunt. Mox firmiore vultu Alphonfus ad suos ver-  
sus : His avibus, inquit, aliquot è meis sunt simillimi ; hiant ad munera , expectantque, dum dederis, & vero etiam inter se litigant quis maximam partem trahat. Vbi præda in manu est, ab obsequiis se subducunt, nec redeunt nisi nova munera esuriant.

*Greg.  
hom.  
40. in  
Evang.*

Tertius : CANES sunt. Adulatores beatus Gregorius canibus confert, Lazari ulcera lingentibus. hi corporis abscessus aliquantisper molli linctu refrigerant , non tamen sanant. Nec aliter solent adulatores , quos eodem nomine insigniens Alanus, Palatinos canes appellat. Insignissime de his Hugo Victorinus : Adulator, inquit, amicus est in officio , hostis in animo ; comptus in verbo, turpis in facto; lætus ad prospera, fragilis ad adversa; inflatus ad obsequia, anxius ad opprobria, immoderatus ad gaudia ; facilis ad humana, difficilis ad honesta. Quid enim vero à cane expectes , nisi aut latratus , aut blanditias, aut morsus ?

*Alis,  
Ari-  
stippus  
fuit.*

Quartus : CORVI sunt. Antisthenis, sed & Diogenis verbum erat vulgare: Melius est incidere in *νεκρῶν*, quam in *κόλωνα*, in corvos quam in adulatores : illi mortuis tantū, hi & vivis eruunt oculos, illi cadaver solum lacerant, isti & animum : nimirum assentator viventes, mortuos corvus comest.

*Valer.  
Pier.  
hieroglyph.  
mihi  
pag.  
521.*

Crates Thebanus eos quorum munificentia in solos assentatores iret, conferre solitus est arbusculis, quæ licet poma ferrent aut ficus, quia tamen in præruptis rupibus aut semirutis muris nascerentur, in neminis usum fertiles dici possent, eo quod milvi & corvi, & hoc tale rapacium avium vulgus omnia diriperet : Ita liberalitatis nomen non obtinet,



# DE ADVLATIONE. 5

net, qui tantum adulatoribus donare novit. Verum adultores, non atros tantum corvos æmulantur, sed & albos. In Islandia terra *Olava* illa glaciali, lege constitutum est, ut quicun- *Ma-* que noxiam bestiam confecerit, à regio Pre- *gnus* fecto præmium recipiat, ob cædem toti Rei- *l. 5.* publicæ profuturam. Cum autem illic loco- *c. 1. 5.* rum corvi etiam albi sint qui agnellos & porcellos impetuoso volatu, & ungularum raptu enecent, juvenes hanc depopulationē sagittis ulciscuntur, & occisorum corvorum rostra præsidibus offerunt, mercedem peti- turi. Corvi candidi sunt adultores, qui cum candorem benevolentie simulent, viros sim- plices, ut mites agnos depascuntur. Felix qui — Corvum delusit hiantem.

Quintus : LOCUSTÆ sunt Ægyptiæ, *Horat.* *l. 2.* vastantes omnia. Beatus Gregorius adulator *sat. 5.* res his animalculis confert, ut quæ omne o- *Greg.* lus, omne virtutis incrementum in aliis fœ- *l. 30.* de depascantur. Cassiodorus : Adulatio, in *mor.* quit, omnibus applaudit, omnibus Salve di- *c. 20.* cit : prodigos vocat liberales; avaros ait esse parcos, & ad rem attentos; lascivos appellat urbanos & aulicos; obstinatis & pervicaci- bus Constantiæ titulum assignat. Adulatio- nis sagitta leviter volat, & celeriter infigitur. Adulatorum lex est, ad omnia subridere, ad omnia dicere AMEN, in omnibus toto capi- te annuere. Notæ illorum voces sunt : Ita, domine, ita est; rectissime factum, nec aliter debuit, jus & fas à te stant; bene, belle, præ- clare, pulchre & festive, magnifice, divine, non potuit melius. Hæc adulatorum mellea spuma est, ita oleum ferunt in auriculam, & instillant, cum potentioribus placita narrât. Nota est vetus cantilena :

Effete, graviter, cito, nequiter, euge, beate. *Mar-* *italis* Ita olim Stratocles ad Demetrium : Quic- *l. 2. epi-* quid rex jubet, id & erga Deum sanctum, & *gram.*

Esb.

c. 1.

v. 18.

erga homines iustum est. Nec aliter assentatores Assueri: Iusta est indignatio Regis. Eo progreditur adulatio, quæ filiolos suos adeo ad omnem obedientiam dociles fingit, ut fuerint qui Domini sui salivam lingere non recusarint. Tales habuit Dionysius rex assentatores, qui expuenti faciem conspuendâ obvertebant. nec satis hoc. Sputa etiam quæ projecisset, lambebant, eaque sibi melle dulciora videri ajebant. O vere locustas, non homines!

Prov.

c. 30.

v. 28.

Plin.

l. 30.

c. 10.

**II. Sextus: STELLIONES** sunt nitido & versicolore tergo, luculentibus guttis velut stellis depicta animalcula. Salomon: Stellio, inquit, manibus nititur, & moratur in ædibus regis. De Stellione affirmat Plinius: Nullum animal fraudulentius invidere homini tradunt. Inde Stellionum nomen ajunt in maledictum translatum. Versicolores maculas quas lacertus terгоре, has lingua fert adulator. Rebus omnibus fucum illinere novit, omnium blanditiarum pigmenta callet; apprime tenet Grammaticæ suæ regulas assentator: hunc laudat, hunc defendit; istum accusat, illum damnat, fraudulento artificio; variegatus Stellio est. Sed moratur in ædibus Regum. In pauperis Hierosolymitanæ viduæ domo tales bestiolæ non hospitabantur, sed in palatio Caiphæ, in aula Herodis, in Pilati prætorio, hîc plures ejusmodi lacerti per dominorum suorum aures serpebant. Et nunquid horribilis alapa illa, Christo pridie mortis inflicta ab aulico adulatore fuit? & ne suus facinori fucus deesset: Sic, inquit, respondes Pontifici?

Joan.

c. 18.

v. 22.

**Henricus II Rex Angliæ**, voce incauta: Ob unicum, exclamat, sacerdotem, in regno meo quietus non sim? Thomam Cantuariensem Antistitem designabat. Vocem vix editam exceperunt adultores, qui ut impio regi



## DE ADVLATIONE. 7

regi placerent, sanctissimum virum obtruncarunt in templo. Ita semper reperiuntur, quibus manus, lingua, conscientia, omnia sint venalia: nimirum in gratiam charissimæ pecuniæ nihil non audemus.

Septimus: **TINEÆ** sunt & vermes adulatorum, sed depexas tunicas, rugosos faccos, & sordida palliola vix infestant, sericas & auro crispantes togas occupant; cibus eorum electus. Alii quidem pinguiorem offam quærunt, alii prædam sectantur pretiosiore, annulos, torques, armillas, obesa marsupia ambiunt, imo & terras ac latifundia, & hi vere morantur in ædibus regum. Hos Constantinus Magnus tineas soricesq; palatii appellabat, uti refert Aurelius Victor. His illud Harpago semper in ore: Mihi placet, quid facit. Hæ tineæ pabulum sibi quærunt in dominicis auribus, nec desinunt dum inveniunt. sic adulator

*Aur.  
Vict. in  
epit.  
Cæs.*

— auriculis alienis colligit escas. Pessimi mures, inquit Anaxagoras, quorum hic unus labor est, triticum perrodere. Lepide Alanus: Quid est, inquit, adulationis unctio, nisi donorum emunctio?

*Persius  
sat. 1.  
init.*

Octavus: **SIRENES** sunt. Hoc eis nomē indit Hieronymus, qui: Nos, inquit, ad patriam festinantes, mortiferos Sirenum cantus, surda aure præterire debemus: Hic opus Vlyssæa cera, ni velis mergi. Petrus Ravennas: Bene, inquit, cum magistratibus ageretur, si scirent inter adulationem & laudem distinguere. Sed cæca laudis ambitio plus credens alii de seipso quam sibi, utrunq; accipit indistincte. Ampliant eos beneficiis, quos torquere deberent. &c. Cum sal correctionis in omni sacrificio acceptetur à Domino; mel in omni reprobatur. Venenatum mel est, Cum laudatur peccator in desideriis animæ suæ, & iniquus benedicitur. Quod si

*Psal. 9.  
v. 23.*

## CAPVT I.

superbus aut vindictæ cupidus tales audiat cantatrices Sirenas, quæ tantopere commendent vitia, fit ille superbior, fit iste ultionis appetentior, fit demum incurabilis; ultionem magis magisque fitit, mergitur.

*Ezech.*  
*c. 13.*  
*v. 18.* Nonus: PELLIONES sunt qui culcitras subalares & cervicalia mollissima faciunt. Sed minatur his Ezechiel: Vē qui consuunt pulvillos sub omni cubito manus, & faciunt cervicalia sub capite universæ ætatis, ad capiendas animas. Qui male agentes commendat, qui improbitatem illorum probat, qui eorum vesaniam defendit, is tomices lana farcit, & substernit. Et sicut paupertini lyricines quærere solent: Quod choreuma placet dominis? quos saltatorios modulos volunt domini? ita hi adulatorii fidicines omni hora serviunt auribus: ecquid, inquit, domino meo collubitum est? quid imperat fieri? vel nutu tantum significet, promptum paratum me habebit. Ita certe,

*Iurvenalis*  
*sat. 3.*  
*v. 78.*  
*Gen.*  
*c. 27.*  
*v. 4.*  
*Is.*  
*c. 30.*  
*v. 10.* *Graculus esuriens, in cælum iusseris, ibit.*  
Isaacus filio edulii genus parandum imperans: Fac mihi, ait, pulmentum sicut velle me nosti. Adulatorum hæc cura maxima est, ita dicere, ita facere, uti velle norunt dominos. Sed jam scitur quid domini velint: Loquimini, ajunt, nobis placentia, videte nobis errores. illa profecto loquuntur, hos vident & sopiunt.

**Oel** Decimus: OLEI VENDITORES vocat  
**Fra:** Gregorius adulatores. Precatur David: Oleum peccatoris non impinguet caput meū:  
**mer.** Corripiet me iustus in misericordia & increpabit me. Prudentes virgines ridebant fatuas, & : Ite, ajebant, ad vendentes & emite vobis. Probæ fuistis dum laudem tulistis, oleum vobis vendebant, qui vos laudibus in cælum extollebant: ite jam ad illos, ite, & notum vobis oleum emite. Hoc ipse expli-



## DE ADVLATIONE. 9

explicans Augustinus : Falsa laus adulatio *Aug. tom. 8. in ps. 140. medio.*  
est, inquit, falsa laus adulatoris, hoc est oleum peccatoris. propterea & homines, cum falsa laude aliquem irriferint, hoc etiam de illo dicunt : Vnxi illi caput. Amate ergo argui à justo in misericordia ; nolite ergo amare laudari à peccatore cum irrisione. En, oleum peccatoris, laus adulatoris.

Sed apage hoc oleum. Nos Christiani, cicadæ simus, quæ oleo sparsæ moriuntur, acetum tinctæ reviviscunt: adulatio per factum occidit, castigatio per Humilitatem vivificat. Sed & diabolus Dei simia extremam unctionem habet Adulationem, hac inungit non tantum morituros, sed & mortuos.

III. Vndecimus : FIGULI sunt, sed *fere* mendaciorum. Sciunt hi figuli lutum suum **Lut:** omnigenis coloribus induere, ut non lutum videatur, sed gemma. Quintiliano ars maxima est, artē celare posse, quod hi sciunt **gi:** eximie ; harum artium magistri sunt, qui nigrum in candida vertunt, qui lucida tegunt **sch:** obscuris, uti pictores, idque faciunt ea dextérité, ut non notentur esse tales, quales revera sunt. Scitissime norunt hi figuli ollas suas incrustare pictis ac nitidis verbis : labra & frons amicū loquuntur, intus fortassis æstuat odium. Agathoclem Regem figuli filium memorant fictilibus cenasse, & regium abacum onerasse luto sed eleganter incrustato. Figlinas has elegantias exactissime callent adulatores ; assentiuntur, laudant, annuunt, mulcent, applaudunt, omnibus omnia sunt, sed aliter quam divinus Paulus fuerat. Nam ut ille idem figulo natus Agathocles è pelluvio variarum sordium receptaculo Deum conflavit subita metamorphosi : ita hi mendaci figuli è muscis aquilas, è cuniculis elephantos efficiunt, ad omnem oris varietatem projecta mancipia.

Duodecimus : FRATRES DIABOLI sunt. Hoc adulatoribus nomen tribuit Augustinus, qui : Tales, inquit, mendacia diligunt, veritatis destructores, odiorum inventores, Satanæ mediatores, Dei persecutores, FRATRES DIABOLI : Vos vero fratres, si verberamini à lingua dolosa, humili & tranquillo animo dicite : Domine libera animam à labiis iniquis, & à lingua dolosa. Hos linguæ dolos, si ullus, certe David expertus est in Saulis & Achis regum aula. Diabolus adulatorum coryphæus, cum Christū triplici aggressu sternere non posset, subtili adulatione superare conatus est : Quid mihi, exclamat, & tibi, fili Dei summi ? Nam modo, inquit Chrysologus, non ut obsequens & devotus hic adorat, sed ut adulator, evadere cupiens pœnam, prædam perdere pertimescens. Credit infelix, ut eum quem tentatione vincere, quem muneribus nequivit inflectere, adulatione possit subjugare.

Verum licet adulatores nemo non oderit, & his titulis dignissimos censeat, pæne tamen ab omnibus etiam amantur ; iidem & hostes sunt omnium & amici. & quamvis adulator unus decem habeat adversarios, id tamen ille nō curat, modo uni, cui vult, placeat. Quam Christus hoc genus hominum oderit, satis ostendit Ioannem laudaturus, nam dum demum Ioanni laudem impertitus est, postquam Ioannis discipulos à se dimisit : sane non more nostro, qui coram & in os laudamus, aut eos auditores quærimus, quos laudato familiares scimus. Dei mater, Virgo beatissima, nunquam sic territa est, quam cum Angelus ordiretur illius laudes

*Hieron.* recitare. De Virginis filio Hieronymus : Christus, inquit, etsi pauperrimus, nulli tamen adulari voluit, ideo in urbe hospitium reperire non potuit, foris illud quærere debuit apud pecudes. *Mat.* ~~Chri-~~ Chri-



## DE ADVLATIONE. II

Christum in hoc emulari studuerunt magni principes. Sigismundus Imperator (res *Æt.* nota) uni est proceribus nimias laudes in se *Sylvius* congerenti alapam inflixit, dicto addito: *l. 1.* Cur me mordes adulator? Cumque sæpius *com-* adulatorum se hostem profiteretur, Brune- *ment. de* nius Neronensis, faceris & ceteris cordatior *rebus* aulicus, capta occasione sermonem blande *gest. Si-* interrumpens: Putabam, inquit, Majestati *gism. de* tuæ hoc genus hominum maxime placere. *Frider.* Cui Imperator: Vincis sane, ait, & sæpe quos singulariter cavendos dicimus, iis plurimum adhæremus: nam neque tu tanto tempore mecum fuisses, nisi meis moribus abblandiri assuevisses. Exemplum præsigne Sigismundi; nec minus illustre Ladislai, qui assentatores colaphis etiam solebat donare; ejus rei *In vita* causam rogatus: Percutientes me, agebat, *ejusdem* repercutio. His jucundius & pæne severius *Cytr. C.* palpationem castigavit Alexander Rex Macedo. *alii.* Librum scripserat de Alexandri rebus gestis Aristobulus, in eo multa supra fidem confinxerat, & ut laboris laudem ferret, in navigatione illum, audiente rege recitavit. Rex palpationi tam crassæ indignatus, raptum è manibus librum in Hydaspem fluvium projecit cum dicto: Te sic mergere deberem, tu hoc balneo dignior esses. Prudentissime Carolus V Imperator vere laudandus, vel etiam ob hoc ipsum, quod ipse suas laudes minus benevole audierit. Parisiis oratione dispersa publice laudatus, oratori respondit: Grata mihi est affinis regis in me benevolentia; sed laudes tuæ, non qualis sim, sed qualis esse debeam, me docent. At sicut vix ulla virtus, aut laus est in qua sibi locum non vendicet Aragonum Rex Alphonsus, ita nulli superiorum principum cedit generosissimo in adultores concepto odio. Ejus judicio novum palpatoribus titulum assigno, & is est

Decimus tertius : LVPOS esse adulatores, dicere solebat rex Alphonsus. nam sicut lupi titillando & scalpendo asinos, prædam sibi eos faciunt, sic assentatores in perniciem aliorum intenti, blanditiis & mendaciis in amicitiam se insinuant, ut eam corrumpant. Quid, quod occulti adulatores plerunque simul obtrectatores occulti sunt, & vere lupi ad alios lacerandos nati. quo genere hominum quæ pestis sit exitialis, non video. Iure igitur ab omnibus reprehenditur assentator, & aliena subsequens verba, paratus ad falsa laudator, ut non immerito divus Gregorius hanc hominum faciem alio etiam titulo afficiat, qui sequitur.

Decimus quartus : SCORPIONES sunt assentatores. Dilucide Gregorius : Adulator, inquit, scorpio est, qui palpendo incedit, sed cauda ferit. Præclare monens Salvianus : Non te moveant, inquit, blandimenta eorum ; venena tibi sunt. Non attendas adulationes ; gladii sunt, ferreis peiores. Illos cuncti vident, hos incauti non vident : illi quia aperte sæviunt, evitantur, isti quia occulte insidiantur, occidunt ; illis qui lædi velit, nemo est. istis multi occidi etiã volunt, nova letalis mali illecebra ; illis qui tangitur, torquetur, istis qui occiditur, delectatur. fuge ergo hoc malum, fuge assentationes tibi insidiantes, fuge obsequelas tibi noxias ; ista sunt officia quæ te jugulant. Demum

Greg.  
l. 1. in  
Ezech.  
c. 9.  
Salviã.  
l. 3. contra  
avarit.  
ipso fere  
fine.

Decimus quintus : DIABOLI HISTRIONES sunt adulatores. Tota palpatorum factio, comœdia est. Ergo cômicos hos actores bene noveris ; hoc cuius illorum perpetuo in ore est :

Terentius  
in Eunucho.

— his ultro arrideo

Et eorum ingenia admiror simul :

Quicquid dicunt, laudo ; id rursum

Si negant, laudo id quoque.

Negat



*Negat quis, nego; ait, ajo &c.*

*Denique imperavi egomet mihi omnia assentari.*  
Hic talis pulcherrime novit, vultum induere  
alienum, varias affectuum alternare facies,  
& nunquam non insidias parare incautis au-  
ribus. Et quamvis histrionem se neget adu-  
lator, re tamen & moribus planissime fate-  
tur. An non hæc

*Natio comæda est? Rides? majore cachinno* *Juvén.*

*Concutitur; flet, si lacrimas conspexit amici.* *sat. 3.*

*Nec dolet: igniculum si bruma tempore poscas,* *v. 100.*

*Accipit endromidem. Si dixeris, aestuo, sudat.*

Pessima comædia, quæ tam spectatori no-  
cet, quam actori. Hanc fabulam festive lusit  
qui cecinit:

*Mentiris, credo: recitas mala carmina, laudo: Martia.*

*Cantas, canto: bibis, Pontiliane, bibo.* *l. 12.*

IV. Prisci, quicumq; inter eos animi me- *epig. 33.*

lioris, extreme oderunt hanc aurium & la-  
bem & pestem. Petiit quid iniqui Antipater  
à Phocione, sed petiit jure amicitiae, cui  
prompte Phocion: O Antipater, inquit, non  
potes Phocionem & amicum habere, & a-  
dulatorem. Nec minus in hoc liber Philo-  
xenus, qui maluit eliminari aula, & in lapi-  
dicinis sudare, quam Dionysii malos versu-  
culos laudare. Maluit & Diogenes olere vi-  
ctitare quam parasitari, cumque eum Syra-  
cusis Aristippus ad fontem olus lavantē cer-  
neret: Si Diogenes, inquit, vellet uti regi-  
bus, ista non esset. Cui mox Diogenes: Si  
tu ista comedere velles, Dionysio non adu-  
lareris, malleſq; homo esse, quam regius ca-  
nis. Athenienses certe in hoc tam severi, ut  
Demadem hujus vitii insimulatum decem  
talentis mulctarint, caput vero abstulerint  
Timagoræ, quod is Darium regem ritu Per- *Valer.*  
fico, prono corpore salutasset. quod saluta- *Max.*  
tionis officium, adulationem interpretatus *l. 6. c. 3.*  
est senatus, censuitque unius civis humilibus

blanditiis, suæ totius urbis decus Persicæ dominationi submissum. Plutarchus adulationem similem esse aiebat Panoplizæ pictæ, quæ delectaret quidem, non tamen defenseret. Sed hoc magnates sæpe non satis capiunt, nam

*Veritas paucos delectat, plures assentatio.*

3. Reg.  
c. 13.  
v. 19.

Rex Hebræus Achab, octingentos quinquaginta viros habuit, qui prophetæ seu theologi videri volebant, reipia omnes regis adulatorem erant. Quadringentos ex his Achab in consilium adhibuit, quæsitque num susceptum bellum videretur æquum? æquissimū, omnes respondebant, quin & victoriam audacissime promittebant: Ascende & dabit

3. Reg.  
c. 22.  
v. 6.

eam Dominus in manu Regis. Vnus atque unicus & solus Michæas huic tanto adulatorum agmini constantissime contradixit, & quanto magis illi clamabant: Ascende, vinces, ascende: tanto magis suadebat iste: Quiesce, vinceris, quiesce. Sed \* potentior fuit vox adulatorum. Michæas pro sincerissimo consilio pessimam gratiam tulit: Ego odium, ait Achabus, quia non prophetat mihi bonum sed malum; huic gratiæ accesserunt colaphus & carcer. hæc præmia veritatis.

Ibid.  
v. 8.

Capitol.  
in Gov-  
erno  
Iun.

Miserus olim principum virorum Iulius Capitolinus: Miser est, inquit, Imperator, apud quem vera reticentur. Et floridus ille Alexandri encomiastes Quintus Curtius: Perniciosa, inquit, adulatio, perpetuum regū malum est, quorum opes sæpius quam hostis evertit. Ergo desinamus quærere, ubi adulatio nascatur & educetur? Plerorumque omnium responsum est, pulchrū hoc monstrum & nasci, & adolescere in aulis, ubi certamen est, & unum pæne omnium officium,

\*'Die Zuditler seind dē Herzen lieb /  
Vnd stelē doch mehr als andere Sieb.



# DE ADVLATIONE. 15

cium, una contentio, quis blandissime fallat, ubi nemo fere ex animi sui sententia suadet dissuadetque. Seneca ore libero: Monstrabo tibi, inquit, cujus rei inopia laborent magna fastigia, quid omnia possidentibus desit. Scilicet ille qui verum dicat, & hominem intermentientes stupentem, ipsaque consuetudine pro rectis blanda audiendi, ad ignorantiam veri perductum, vindicet à consensu concurrenteque falforum.

Dicas: Ergo ad me hæc nihil: aularum proprium est hoc malum, atque si Grammaticis credimus, adulatio idem quod adaulatio: & sunt nostro ævo qui adulationem moschum aulicum vocent; ergo sunt prius dicta, me non feriunt. Ego vero, mi Christiane, cum Seneca hæc sentio, nec ambigo, quin pro sua quemque portione adulatio infatuet, quam enim similis est amicitiae? Non imitatur tantum illam, sed vincit, & præterit: apertis & propitiis auribus recipitur, & in præcordia descendit, eo ipso gratiosa, quo lædit. Hanc similitudinem, non tantum plebei, sed & viri principes ægre dignoscunt. Vbique pro amico blandum inimicum reperias, qui vitia tibi sub virtutum nomine commendet.

V. Neque palatia tantum, sed & tuguria suos habent adulatores, quibus, etiam si bene caveris, par non eris. Habent hoc in se naturale blanditiæ ubique venales, etiam cum rejiciuntur, placent: sæpe exclusæ, novissime recipiuntur. Nimirum Herculana scabies jucunda. Crispus Passienus solebat olim dicere: adulationi nos opponere, non claudere ostium, quæ & plebis & principum domos penetret, sed horum maxime. Itaque, mi homo, non nega te penitus immunem ab hac peste vivere, & hoc etiam Aristoteli crede, detestabile esse non tantum adulari, sed

Sen.  
l. 6. de  
Benefic.  
c. 30.

Hof  
bisā.

ita Lu-  
dov. de  
Mal-  
venda,  
in spe-  
culo  
Princip.  
Seneca  
epist. 45

Arist.

Rhetor.

16 CAP. I. DE ADVLATIONE.

sed & adulationem recipere , quod altera dissertatione fiet evidentius. Coronidem nunc addo istam, non obiter notandam.

Illud nos præcipue impedit , quod cito nobis placemus : si invenimus qui nos bonos viros dicant, qui prudentes, qui sanctos, agnoscimus benevole. Et sæpe modica laudatione contenti non sumus : quicquid in nos adulatio sine pudore congeffit, tanquam debitum prendimus : optimos nos esse aut sapientissimos affirmantibus benigne assentimur, cum sciamus illos sæpe mentiri.

*Iuven.  
sat. 3.  
v. 86.*

*Quid, quod adulandi gens prudentissima laudat  
Sermonem indocti, faciem deformis amici,  
Et longum invalidi collum cervicibus aquat  
Herculis, Antaum procul à tellure tenentis.*

Adeo autem indulgemus nobis , ut laudari velimus in nobis illud , cui contraria cum maxime facimus. Sequitur itaque ut ideo mutari nolimus , quia nos optimos esse credimus.

*Sen. e-  
pist. 59.*

*Maxa-  
garum  
urbs  
fuit, ut  
Curtius  
l. 8.  
c. 20.*

Alexander Rex Macedo, cum in India vagaretur , & agentes nec finitimis quidem satis notas, bello vastaret, in obsidione cujusdam urbis dum circuit muros, & munimenta contemplatur, sagitta ictus est, ille nec obligato quidem vulnere haud segnius destinata exequebatur. Cum vero crus saucium penderet, & cruore frigesceus vulnus aggravaret dolorem, dixisse fertur: Se quidem Iovis filium dici, sed corporis ægri vitia sentire. Idem nos faciamus : cum pro sua quemque portione adulatio infatuet , dicamus : Vos quidem me prudentem & virtuti natū dicitis ; ego autem video quam multa inutilia concupiscam, nocitura optē, ne hoc quidē intelligo quod animalibus satietas monstrat, quis cibo debeat esse, quis potioni modus: quantū capio, adhuc nescio. Prius ergo, quis sim, nosse me discam, quam laudantium voces admittam.

C A



## CAPVT II.

**ADVLATIO.** & *Adulatores melius depin-  
guntur : simul exponitur quam istud adulandi  
artificium nostro aeo sit excultum & subtile.*

**H**ipponis Præsul Augustinus : Duo , in- *Aug.*  
quit, sunt genera persecutorum, *tom. 8.* *Vituper-*  
*rantium & Adulantium* ; plus persequitur lin- *in ps. 69*  
gua Adulatoris , quam manus interfectoris. *postinit.*  
Vtrumque genus hostis fuge. Ille sævit, iste *Idem*  
blanditur ; uterq; malus. Ille iracundus est, *tom.*  
& iste in laude subdolosus est : ille reprehen- *ead. in*  
sor est, iste laudator ; sed & ille in reprehen- *ps. 69.*  
sione inimicus est, & iste in laude subdolosus. *propius*  
*finem.*  
Cave utrumque, contra utrumque ora. Sunt  
qui norint tantum mulcere & lambere ; alii,  
qui tantum mordere & radere ; isti convitiis  
& obtreccionibus , illi encomiis & laudi-  
bus nos aggrediuntur. Pulchre Bernardus ; *Bern.*  
Levis quidem res sermo, inquit, quia leviter *serm. de*  
volat , sed graviter vulnerat : leviter transit *triplicē*  
sed graviter urit : leviter penetrat animum , *custodia.*  
sed non leviter exit : profertur leviter , sed  
non leviter revocatur : facile volat, atque id-  
eo facile violat charitatem. Lingua lingit  
adulando, mordet detrahendo, attrahit men-  
tiendo ; ligat, & ligari non potest ; labitur ut  
anguilla , penetrat ut sagitta ; blanda est &  
subdola , & parata ad exhaurienda bona, &  
miscenda mala.

Interrogatus olim Diogenes , quæ bestia  
venenatissimos aut nocentissimos haberet  
dentes ? Si, inquit, de feris animalibus quæ-  
ras, est obtreccator : si de mansuetis, est adu-  
lator.

*Lingua mali pars pessima servi.*

Vrsus natura mellis appetens, cum capitis *Iuven.*  
gravedine laborat, alvearia quærit, non tan- *sat. 9.*  
tum *v. 120.*

tum ut mel sorbeat, sed etiam ut ab apibus suarum ædium propugnatricibus pungatur, atq; hac scarificatione sanguinem discutiat, hoc illius balneum, hæ cucurbitulæ sunt, sic sibi sanguinem mittit à capite. Hinc facete Iulius Cæsar: Volo, inquit, curari ut ursus si male agam, malo pungi, ut noxio sanguini sit exitus, quam ut spongia mulcear, & sanguinem corruptum retineam. Optime dictum, & sensu Christiano. Nam, meliora sunt vulnera diligentis, quam fraudulenta oscula odientis.

Prov.  
c. 27.  
v. 6.

Sed qua de causa, dicat quis, hoc linguæ vitium tam varie à priscis exagitatum? pronum est credere, hoc ævo tot parasitorum atque adulatorum greges non reperiri, quot olim; alia nunc sunt secula, alii mores. Ad utrumque jam respondendum, & simul adulationis natura melius sub aspectum ponenda, ostendendumque longe nunc artificiosiores, quam olim esse adulatores.

Ecclesi.  
c. 1.  
v. 15.

I. Dixit quispiam olim, libentissime assentiri se Siracidæ affirmanti: Stultorum infinitum esse numerum. Nec ego dubitem reperturum me qui assentiatur, si dixerò: Non stultorum tantum sed & adulatorum infinitus est numerus. hujus farinæ homines reperias ubique quam plurimos. Quod putetur horum numerus hoc ævo decrevisse, inde est. Cum vitia publice pro suggestu accusantur, plerique omnes illud Apostolorum in cena ultima obtendimus: *Nunquid ego sum Domine?* equidem videbo, quis me hujus criminis arguat: non est hoc meæ indolis, ego istud non soleo: ego me ab hac culpa immunem censeo: nemo unquam hoc vitii in me observavit. Miseri & cæci, sæpe quod negamus verbo, facto monstramus: Omnis via viri recta sibi videtur; appendit autem corda Dominus. Itaque verissimum

Prov.  
c. 21.  
v. 2.

etiam



etiamnum judico Senecam asserentem : pro sua quemque portione adulatio infatuat. Vilissimi hominum, ipsi etiam mendiculorum tribuni habent, qui eis adulentur, ideo Christianis omnibus hinc prorsus accurate attendendum. Ars hæc adulandi mire profecit, & ab ævo sumpsit augmenta, ut pleræque artes aliæ, præsertim malæ & infames. Nunc multo subtilius atque politius, quam olim assentari scimus : non ligneis sculponeis, aut crassis peronibus, sed lanatis pellibus, aut calceis holosericeis incedimus, alter alteri per ornamenta nocemus : adulatione clā, artificiose, parce utimur, & ex dissimulato blandimur. Alii ex aperto quidem & palam, sed rusticitate simulata blādimur, quasi hoc simplicitas, non ars sit. Sic adulationes nostri ævi, occulto & subtili veneno grassantur. Et illorum quidē, qui aulas lambunt, proprium est, suos dominos ac principes, non publice, non in os laudare, idq; eo artificio, ut quod ipsi sunt, non videantur esse.

Nestori Oratori Græco tam suavis, prompta, volubilis lingua fuit, ut passim jactaretur, *Lingua Nestoris mellea*. Vivit etiamnum Nestor in adulatoribus, & mille linguis merum mel loquitur. Vulgata jam ars est, qua non tantum anisum & fæniculum, sed & verba saccaro vestimus. Obviæ sunt linguæ, quæ verba sesamo ac papavere sparsa, aut, ut regina Parysatis loquitur, quæ verba byssina & holoserica vendant ad ulnam. Sunt qui butyrum, rosas, mel videantur loqui, unde nil miri sit multos ab illis decipi. Venena non dantur nisi melle circumlita. nullæque occultiores sunt insidiæ, quam quæ latent in simulatione officii, aut aliquo necessitudinis nomine. Tu obsequium putas, amicitiam suspicaris, metiris affectum? insidiæ sunt. Tibi credis impendi famulatum? miseræ servituti

Gro  
be  
hol  
tsch  
uch.

Prov.  
2.29.  
v.5.

vituti subiceris. Ita hæc magis cavenda quia perniciosiora, quæ quodam cautelæ velamento occultantur, & quasi sub imagine increpationis aut correctionis, alteriulve officii aut virtutis irrepunt. Vox Salomonis est: Homo qui blandis fictisque sermonibus loquitur amico suo, rete expandit gressibus ejus. Huc Hieronymus alludens, adulationē, laqueum melle litum vocavit. Nec aliter olim Diogenes. Qui blanditur, inquit, laqueum melleum injicit. Ignatius martyr sui ipsius monitor: Vt sanus sim, inquit, in his quæ ad Deum pertinent, cavendum mihi ab his, qui me temere inflant, laudantes enim me, flagellant me. Fidos puta, ait Socrates, non qui omnia dicta & facta tua laudant, sed qui quæ peccaveris, reprehendunt.

Hieron.  
in c. 4.  
ad Gal.

Sed unde quæso est hæc vitæ labes, quod alienæ linguæ potius quam propriæ conscientiæ credamus, dum quilibet nostrum, seipsum extra se quærit, & nosse dedignatur, quam sit sibi curta supellex, nihil est enim quod credere non possimus, si in laudem nostram sit. Vnde tandem hæc damnanda credulitas? Facile est divinare: Libenter audimus, inquit Hieronymus, quod delectat, & offendit omne quod nolumus; naturali ducimur malo. Nimirum omnes cupimus titulari, & non videmus pessimum inimicorum genus esse laudantes. Atque cum doceri pudeat, laudari volumus. discere & damnari grave est, præsertim diademati & purpuræ; gratum & jucundum laudes audire. Quid agas? damnes? gratia excidisti. Laudes? redarguit Deus, obsistit conscientia. At nos conscientiam & Deum seponimus, ut amplectamur principem, displicere illi pro minimo habetur, ut huic placeamus. ita facile salutem principis & nostram projicimus, ut nesciam, utrum infelicius sit adulatoribus an detractantibus.



## DE ADVLATIONE. 21

detraCTORIBUS aures credulas præbere. Grande interim utrumque malum : illud pæne grandius , quod dulcius est. & quo delectati suauiter ad vitia deflectimus. Confirmans hoc Augustinus : Delectat, inquit, ea facere, *Aug. in psal. 9.* in quibus non solum non metuitur reprehensor, sed etiam laudatur operator. Iucundum est & volupe cum clamantibus nobis responsant silvæ, & acceptas voces numero- siore percussu reddunt , talis Echo adula- tor, flet cum flentibus, cum gaudentibus gau- det : & quia vitiose hæc facit pravoque ani- mo , cum excandescantibus etiam excande- scit : echo est, & simillimas reddit voces.

I I. Sed qui non sapimus tandem, tot li-bris qua sacris, qua profanis moniti? Miretur quis hoc vitium toties tamque liberaliter va- pulasse , nec tamen ullo loco cedere : digito prisci monstrarunt, quantum inde mali oria- tur, letale hoc esse mulsus dixerunt, tã hoc propinantibus, quam respondentibus ex hoc. Et quæ causâ , tot invectivas in hoc unum vitium scriptas? nunquid mendacium supe- rat? Sæpe , & plerunque comes individuus adulationi it mendacium. Et ut omnes opti- me norint hoc vitium, improbos illius mo- res, & quid sit ADVLARI , exactius descri- bemus.

Principio is adulatur, qui præsentis com- mendat. Eam ob causam Tullius : Nolo es- *Cic. l. 1. Rhetor.* se laudator , inquit , ne videar esse adulator. His qui laudes in os ingerunt, deteriores sunt qui excusant aut laudant quod vitiosum est. Exemplo res. patebit. Petiit quis ultionem ex inimico. cum ecce adest palpator , & fa- ctum probans : Optime, inquit, fecisti ; pri- dem hoc hosti tuo præmium debebatur: hæc lactuca his labris convenit: sic tractandi sunt hi nebulones : sciat inimicus tuus te nõ om- nibus dormire, discat sapere, & imposterum

non redire, nisi plagas esuriat, &c: Iste talis hominem vindictæ cupidum, adeo reddit obstinatum pessimæ cupiditatis, ut pæne incurabilis fiat, tam alte animo insidere solet blandiens hæc persuasio. At, væ qui dicitis malum bonum, & bonum malum: ponentes tenebras lucem, & lucem tenebras: ponentes amarum in dulce, & dulce in amarum. Fuit qui Christum secuturus, veniam peteret patris prius sepeliendi. cui Christus: Sequere me, inquit, & dimitte mortuos sepelire mortuos suos. Quid hoc rei? nunquid in Palestina mortui vespillonum officium subeunt? Ad hoc beatus Gregorius respondens: Mortui mortuos, inquit, sepeliunt, cum peccatores peccatorem favoribus premunt. quid enim est aliud peccare quam occumbere, & sepelire quam abscondere? sed qui peccantem laudibus prosequuntur, extinctum sub verborum suorum aggere abscondunt. Ita hi, quos in priori dissertatione diximus esse fratres diaboli, etiam diaboli fiunt libitinarii; homines vivos sepeliunt. Certe fit nonnunquam ut quis variis criminibusmersus, videatur emerfurus, & in hoc conatus suos impendat. Sed dum secum ipse luctatur, & sanctiorem vitam cogitat, adest ex occulto diaboli bustuarius, qui miserum illam verbis aut exemplis in priores vitæ foveam impellit, & obruit blanditiis, ne resurgat ad commendationem.

Secundo, qui alium ideo solum amat, ut sibi profit suæque crumenæ, adulator est. nã ubi spes lucri decollaverit, obvertit tergum, & alium quærit quem sic amet. Ita non virum, sed fortunam coluit, non hominem, sed purpuram veneratus est. amavit dignitatem, nec ultra, & sibi illam amavit, non alteri; non amaturus, nisi commodam sibi fuisset arbitratus. Sibi ergo studuit, placitura dixit

*Is. c. 5.  
v. 20.*

*Matth.  
c. 8.  
v. 21.*

*Greg.  
l. 4. moral.  
c. 25.  
post.  
med.*



dixit sibi, laudavit, damnavit sibi. Quare ut primum vertit fortuna frontē, vertit & ipse dictionem. Tales perinde faciunt quod garulæ hirundines, dum æstas est & sol vicinior, amicissime nobiscum habitant, at cum tristis hiems appetit, in terras alio sole calentes emigrant: ita hi tamdiu amici sunt, quamdiu Phæbus & Fortuna favent, cum severa pauperies sentitur, cum hirundinibus avolant. Et uti Delphini navigio adnatant dum aqua est, in littus ficcum non exeunt: & sicut heliotropium suum solem sequitur, ita hi non nisi sua commoda sectantur; dum est quod attrahant, quod glutiant, mire benevoli sunt, cum largitionis aqua deficit, subducunt se, & venalē benevolentiam transferunt in alios. faciunt quod ii, qui amicitiae causa iter ingredientibus, deducunt per aliquanta spatia, at ubi via sese asperior aperit: hic, ajunt, extremum valedicemus separandi. Non multo secius adulator: in plano promptissimus comes est, ad ardua & confragosa societatem viæ permittit aliis, ipse semitas quærit mitiores.

III. Tertio, adulator præter suum, quandoque & domini sui, aut sui amici commodum quærit, sed pensi non habet, id Reipublicæ profit an obsit. Hinc est studium colligendæ pecuniæ, implendi marsupii, augendi ærarii: præsens moneta, res illi pulcherrima. Hic talis à suo amico, à domino suo solus admitti, audiri solus cuperet, & quandoque id impetrat, alii aut non audiuntur, aut dicta illorum nihili penduntur, iste unus oracula loquitur, itaque hic solus aures domini aut amici occupat, quem ita sibi reddit obnoxium, ut nō difficile quidvis ei persuadeat; mero meridie si dixerit tenebras esse, credulum habebit. Nimirum equus tamdiu mulcetur poppissinis, dum sessorem admit-

tat; ita horum linguæ tamdiu habitant in amicorum, in dominorum auribus, dum videantur non posse nisi verum dicere. Adulatorum tamē genius in persuadendo dispar est: illi dominos tam faciunt munificos & liberales, ut non tam donent sua omnia; quā effundant, sed illi primi sunt ad excipiendū hunc aureum imbrem: alii contra dominos sic erudiunt, ut omnia ad se trahant, undequaque plurimum corradant, & ditescant incremento grandi, neque dubitant qui talia suadent, quin & sibi bonus quandoq; bolus sit obijciendus, sicut cum canis venatorio aut prædatrici avi dominus de ferina, quam natus, partem projicit. In malitia sua, inquit Oseas, lætificaverunt regem, & mendaciis suis principes.

Oseas. 7  
v. 3.

Quarto, adulator nemini non invidet, malletque solus omnia convasare, quæ in plures sparguntur: nunquam non metuit ne loco moveatur, & ab aliis dejiciatur de gradu: quicquid aliis donatur, aut nimium aut male collocatum est. Felibus & erinaceis nō absimiles in hoc adultores. Feles delicatas habent linguas, & gratum illis pingua lambere, arvinā & laridum; neque inter se prædam dividunt. Adulatorum lingua delicatissima, & obesis muneribus semper imminēs. Cuivis illorum familiarissimum est illud Taciti: Cum fortuna tua loquor, nō tecum. neque vero curant, si id fiat cum alterius detrimento. Erinaceus in ore seu rostello fistulam habet, qua sanguinē exugens in ventrem trajicit. nec adulatoribus deest siphunculus, quo aliorum hauriant sanguinem, imo & medullam: verba habent erudita & ad fraudem composita, quibus suaviter & facili labore impediunt dona in alios conferenda.

Eccl.  
c. 20.  
v. 18.

Qui edunt panem illius, falsa lingua sunt. Quod si hæ linguæ Christi sanguine se pascerent,



rent, gauderent utique, & id urgerent, si etiam aliis bene meritis seu amicis seu famulis gratia fieret, quia æquum, quia utile: sed his nec æquum nec utile videtur, quicquid datur aliis. non hoc agunt ut dominus suus ametur, modo timeatur.

I V. Quinto, adulator cocus est, & talis qui id solum spectat, ut cibus sapiat, profit an obsit, hoc ipse non curat. ori coquit & palato, non capiti, non stomacho, non hepatis. ideo thecam aromatum toties exhaurit, tantum croci, tantum piperis & zingiberis, tantum etiam mellis infumit & saccari; plurima fercula larido, cepis, aceto cupit commendare, varia miscet valetudini minime profutura, condimentis exoticis omnia perfundit: modo sapiat edulium, quomodocunque digeratur; id vero miser stomachus, aut languidum caput, aut incensum hepar luet. Sed quid curat hoc coquus? modo cibus delectet. Tales sunt omnes illi Laudenses & Placentini coci, qui in tanta sermonum velut eduliorum varietate hoc unum attendunt, ut dominicum palatum mulceant, ideo hoc unum interrogant, *sapitne?* si hoc, ergo bene coximus, ergo salva omnia. At vero amicus sincerus unam atque unicam observat veritatem, & uti medicus fideliter monet: hic cibus nocet, hic nimium nutrit, iste plus æquo pinguis est, ille ægre digeritur; hic inflammatur, hic nimium refrigeratur. hoc amici veri, hoc fideles famuli faciunt, domino cupiunt satisfacere, idque ex amore & debito, cum tamen necessitas id postulat, verum dicere non recusant, ea qua par est modestia; malunt enim domino proponere utilia & vera, quam grata & noxia. At vero Laudensium illorum & Placentinorum perpetua cantilena est: Placebo domino &c. cum carnibus olivas semper apponunt quam recentissimas.

verba \* mollia & oleosa gestu blando & submisso commendant. salsam capparin, aut mordax sinapi procul amandant à domino-  
rum mensis, nec enim quidquā dicunt, quod suspicentur non placiturum. Conradus Herisbachius Iurisconsultus dicere solebat: merito suspectos esse debere, qui cupiunt in omnibus esse plausibiles, & non tam servire quam placere, qui dextram semper ad nescio quot ulnas protendunt. Adeo vero nullum in laudando modum tenere possunt adulatores, ut etiam insulsa & frigida persæpe comminiscantur. Hegesander refert Nicetiam Alexandri assentatorem, cum Alexander à musca se punctum quereretur, dixisse: Istæ profecto muscæ quæ tuum sanguinem degustarunt, futuræ sunt aliis multo præstantiores. Ineptire etiam satagit assentatio, modo possit placere. Rex Macedo Philippus oculum amisit militiæ; mox repertus est assentator, qui suo alteri oculo linteolum præpanderet, tanquam & ipse sui regis exemplo foret monocus. O fabularum fabulas, sed non innoxias! in tales simias illud præclare convenit: *O pulcher simiolus!* Simiæ laudis admodum appetentes sunt. Hinc pueri olim simiis adulaturi subinde dictitabant: *O simiolum pulchrum, ô elegantem, & formosum!*

Sexto, omnis adulator mutabilis est, ad domini sui gustum; auræ servire novit. Ideo quicunque nosse cupit quam probatæ notæ amicum habeat, subinde simulet prioris consilii poenitentiam, & velut placita displicerent, in aliam deliberationem veniat. Hic amicus fictus & larva veri, ex tempore idem sentiet, & : Domine, dicet, meritissimo dubitas, mirabar ipse mecū cur illud prius placuisset;

\*Glatte/håle/süßzmündige Wort.



cuiſſet; ſapienter mutabis conſilium. Ita ſe vertit ad omnem ventum. Amicus bonæ mentis longe aliter ſe gerit: reſiſtit verecunde, ſi res exigat, rationes poſcit mutandi conſilii, ſuas exponit, utrimque allatas examinat, nec prius mutat animum quam rationibus ſuccumbat, dicitque quod ſentit. At adulatores, ait Alanus, à voluntate vultum, ab animo verbum; à mente linguam, ab intellectu loquelam amplo diſſenſionis intervallo diſſibulant. plerunq; enim exterius plauſibiliter applaudendo collaudant, quos interiorius contradictoria deriſione defraudant: foris vultu fallunt virgineo, intus ſcorpionis pungunt aculeo: foris adulationis mellitos compluunt imbres, intus detractiōnis evomunt tempeſtates.

V. Dicit quis: Ego ſane inter hos numerari me non patior; quod meæ conſcientiæ credo; ſi quid mihi diſplicet, non laudo, ſed taceo. O mi homo, etiam tacendo adulamur, nam uti pictura eſt tacita poëſis, ita ſilentio quoque laudat adulator, nempe vultu & obſequiis. & hæc etiam non ſint, ipſa certe taciturnitate quandoque plurimum blanditur. Et hoc venerabili Bedæ credemus, ſiquidem: Adulator eſt, inquit, qui tacet & *Beda* dat conſenſum, ne offendat illum quem cre- *l. i. in* dit habere propitium. Si ita ſe res habet, mi *S. Lu-* venerande Beda, tunc quandoque totum ali- *cam.* quod ſenaculum, conclavi Apoſtolorum in Pentecoſte collectorum non erit abſimile: illic in omni capite lingua ignea ſtabat; ita quandoque in ſenaculis & curiis, in omnium confidentium vertice ſtat lingua, ſed utinam non chartacea aut papyracea. Fit ut unus alterve præcedant lingua ignea, mox ſequuntur ceteræ omnes; una alterave ignea conſumpſit omnes butyraceas aut papyraceas. Eadem vox omnium eſt. Ita, fiat, ſic ſtatui-

mus. Sed heus, nunquid sententia hæc iniqua est, vel conscientia tua teste? Est, sed quid faciam? non laudo. Etiam obsistere debes & clamare, nisi velis è senatore fieri adulator. Si taces, plus dicis tacendo, quam alii multum clamando. Syrias mulieres ait Plutarchus vilissimæ conditionis, Cypriorū regū uxoribus in rhedam ascensuris dorsum sternere: ita hi tergum præbent calcaturo, qui omnem libertatem suam aut in serviles voces, aut in turpe silentium præcipitant. Vbi es, ô mi Nathan, ubi es sanctissime propheta, qui ausus es potentissimo Regum in os liberrime dicere: *Tu es ille vir*, qui fecisti hanc rem, tu ipse es, mi rex David. Quare ergo contempsisti verbum Domini? Vbi nunc generosa hæc & sancta libertas? Vbi veritatis patroni undequaque sinceri? Veritas & Æquitas non tantum agnosci, amari, honorari, sed & propugnari ac defendi volunt. Narrat de Patroclo Plutarchus, eum omnia Achillis arma, galeam, hastam, gladium, lorricam nactum esse, cum iisdem prodiisse, hastam solummodo, quæ illi nimis gravis, vibrare nequuisse: Ostendere potest adulator omnia indicia boni amici, boni famuli, boni consiliarii, sed libertas efferendæ veritatis, hæc hasta nimis ei ponderosa, nequit illam ventilare; quamvis subinde id tentet, nec adeo imperire. Propterea pestilentissimum adulationis genus est, sub libertatis imagine blandiri. Isti sunt qui fallacissime seducunt, qui sub liberæ sententiæ larva latentes, annuendo aut penitus silendo, assentationis munus non oscitanter obeunt. Cælium oratorem fuisse iracundissimum constat. cum quo, ut ajunt, cenabat in cubiculo lectæ patientiæ cliens, cui difficile videbatur, rixam illius, quicum edebat, effugere. Optimum itaque iudicavit, quicquid dixisset dominus, sequi.

2. Reg.

c. 12.

v. 7.



sequi, & secundas agere. Non tulit Cælius *Obse-*  
 assentientem sed exclamavit: *Dic aliquid* <sup>qui præ-</sup>  
*contra, ut duo simus.* Idem pæne his ingeren- <sup>eunti</sup>  
 dum: Dicite aliquid, ô palpones, ne statuæ <sup>ancilla-</sup>  
 videamini. <sup>ri, de-</sup>  
<sup>mittere</sup>

Ergo nemo se jaçtet: Ego nemini adulator, <sup>se, &</sup>  
 rebus ut fiunt, nil contradico, fileo. Atqui <sup>blandiri.</sup>  
 hoc scias, mi homo, qui Veritatem æquita- <sup>Seneca</sup>  
 temque voragine mersam hædere finit, nec <sup>l. 3. de</sup>  
 pro viribus extrahere conatur, is deserit, ho- <sup>Ira c. 3.</sup>  
 stis est, adulator est. Beata mens, inquit Au- <sup>Refer-</sup>  
 gustinus, quæ perfecte hoc vitium vincit, <sup>tur in-</sup>  
 nec adulatur aliquando, nec adulatori credit; <sup>ter opera</sup>  
 quæ nec decipit alterum, nec ipsa decipitur. <sup>Augu-</sup>  
<sup>stini</sup>

Ergo, Dixi, custodiam vias meas: ut non <sup>tom. 2.</sup>  
 delinquam in lingua mea. Beatus Ioannes <sup>mihi pa-</sup>  
 Climacus: Si Petrus, inquit, quinquagies, <sup>377. in</sup>  
 sexagies, imo centies & sæpius in via ad O- <sup>epist. 17</sup>  
 livetum secum ipse dixisset: Dixi, custodiã <sup>ad De-</sup>  
 vias meas, ut non delinquam in lingua mea: <sup>metr.</sup>  
 si psalmum hunc tempore quo dormiit, reci- <sup>Pf. 38.</sup>  
 tasset, non tam facile ter Dominum negasset, <sup>v. 1.</sup>  
 quod jugi fletu per omnē vitam sibi sumpsit <sup>Ioan.</sup>  
 expiandum. Sanctus Athanasius: Si habes, <sup>Climac.</sup>  
 inquit, tui curam & vides hostem tuum, & <sup>grad. 12</sup>  
 cernis periculum, incipe canere: Dixi, custo-  
 diam vias meas. Quotidie Deus cuius no-  
 strum serio rogandus: Domine ut non de-  
 linquam in lingua mea. Simul firmissime  
 statuendum: Dixi, & dico, & dicam, Cu-  
 stodiam vias meas. Cavebo sollerter ne aut  
 ego aliis aduler, aut aliorum adulationibus  
 decipiar. Scio sententiam jam latam: Qui <sup>Matth.</sup>  
 serio vult damnationē hanc & nigrum theta <sup>c. 12.</sup>  
 evadere, custodiat linguam suam, & custo- <sup>v. 37.</sup>  
 diet animam suam ad salutem, vitam, beati-  
 tudinem.

ADVLATIONIS *damna maxima explicantur.*

**O**Rationem gratiæ parandæ, & ad aurium pruritus compositam Diogenes recte *Letale mulsu*m vocavit, ut quod iucundum, idem tamen esset perniciosum. Adulatio, vere mulsu letale, tam est grata quam noxia, mellitum prorsus venenum, & sinceris affectibus corrumpendis certa pestis. Ea de causa idem Diogenes Adulationem *Melleam prefocationem* appellabat, ut quæ blandimentis oblectaret, strangularet mendaciis.

Sed quis tam sagacis naris sit, ut vel adulatorem satis nosse, aut adulationis malæ æstimare satis possit? illud sat luculentum adulationis indicium est, coram & in os digniorem se laudare. Hinc Gregorius: Sapiens, inquit, cum laudatur in facie, flagellatur in mente. Hinc Christus Dominus, Ioannem Baptistam non tantum nō præsentem, sed nec præsentibus illius discipulis laudavit. Sed cū illi abiissent, dixit: Inter natos mulierum non surrexit maior Ioanne Baptista. Maxima laus, sed absentis. Contrarium faciunt adulatorem. Verum adulationis & adulatorum naturam geniumque utcunque jam descripsimus, restat tamen ut tria potissimū adulationis mala ingentia sub aspectum collocentur, quod nunc facere ingredior, idque fere aliorum scriptorum calculo.

I. Primum Adulationis damnum: Adulator non melior est detractore, imo peior. Clarissime Bernardus: Pessima vulpes, inquit, occultus detractor, sed non minus Adulator blandus. Cavebit sapiens ab his. Aliqui, cum detractoribus urgentur, modestiores fiunt & Humilitate proficiunt, qui vero adulatorem etiam remotos tolerant, inflantur

Greg.  
l. 21.  
mor.  
c. 33.

Bern. in  
Cant.  
serm.  
63.  
med.



## DE ADVLATIONE. 31

flantur & magis ac magis intumescunt. Vere inflat ad superbiam adulatio; monstrum est, Adulatores pati, & non superbiorem fieri. eo inventa est hæc artium pessima, ut doceat hominem crescere in vitiosam altitudinem.

Rex Herodes Agrippa, cum jam tertio *Iosephus* anno Iudææ totius regnum administraret, *plus* in urbem Cæsaream pervenit, quæ prius *l. 17. Anti-* Stratonis turris dicta est, ubi pro salute Cæsaris solennes ludos celebravit. ad hanc festivitatem magna multitudo nobilium ac procerum confluit è toto regno. Hujus celebritatis die altera Herodes mane in theatrum processit amictus veste tota ex argento, opere mirabili contexta, quæ radiis exorientis solis perculsa, & divinum quendam fulgorem emittens, venerationem cum honore incutiebat spectantibus, moxque adulatores perniciosi aliunde acclamantes, Deum consalutabant, rogâtes ut faveret propitius. hætenus enim ut hominem reveritos, nunc agnoscere & fateri in eo quiddam mortali natura excellentius. Hanc impiam adulationem ille nec castigavit, nec repulit: pauloque post suspiciens vidit supra caput suum bubonem funi extento insidentem: moxque ut sensit hunc esse calamitatis nuntium, qui olim felicitatis fuerat, ex intimis præcordiis indoluit. secuta sunt ventris tormina statim à principio vehementia. Conversis igitur in amicos oculis: En, inquit, ego ille vestra appellatione Deus vitam relinquere jubeor, fatali necessitate coarguente vestrum mendacium, & quem immortalem salutastis, ad mortem rapior. Cruciatu deinde per continuos quinquedies nihil se remittente confectus vitam finiit. Atque hic fuit Agrippæ regis exitus. I nunc, & adulationibus crede: post talem prologum talis sequitur epilogus.

Aquila

Aquila testudinem quidem in altum euehit, sed ut ex alto præcipitem ad saxum allidat, & conterat: Adulator in sublime quidē extollit, sed ut elatum in sui admirationem & in fastum præcipitet amabili lapsu. Et quis est, qui laudatus, non se circumspiciat, & maiorem se esse credat quam sit. Hoc enim agit adulator, ut vitia cuiusque dealbet. ut laudatus seipsum ignoret, ut laudati oculos vanitatis nube impleat, & auribus vero assuetis compedes injiciat, easque falsis præconiorum titulis inferciat, ut virtuti somnium inducat, ut omnem moderationis formam, sine qua nunquā recte vivitur, lethæo flumine subvertat, ut animi demissi notas suaviter expungat. Hinc illæ voces pestilentissimæ: *Tibi enim ille respondeat? Non pro fastigio te tuo metiris: ipse te projicis. Hoc toleras & taces?* Et mille talia, quibus vix sanæ, & ab initio bene fundatæ mentes restiterint. Ab his ventis non inflari ad superbiam, tam difficile quam rarum est. Optime Chrysostomus: Quare, inquit, si averfari nonnullos decet, adulatores magis quam contumeliantes odisse oportet. Major enim non attendentibus ex adulatione pestis quam ex vituperatione oriri solet: & facilius est hanc quam illam passionem superare. quare qui superat illam, tum mirabilior videtur, tum etiā majora consequetur præmia. Vere, meliora sunt vulnera non tantum diligentis, aut defendentis, sed reprehendentis, aut etiam persequentis, quā fraudulenta oscula blandientis. Illa in salutem, hæc in interitum eunt: illa secum medicamenta trahunt, hæc venena: illa feriunt & ungunt, & plus valetudinis bonæ promittunt, hæc sub molli sponsia toxica jaculantur, & dum leniunt interimunt, eo lævius quo sub amici persona incautum opprimunt, quod omnium fere adulatorum

*Chrys. in  
c. 27.  
Matth.  
hom. 89  
prope  
finem.*



## DE ADVLATIONE. 33

latorum proprium , qui sponſionibus di-  
ſes, inaniffimi rebus, niſi quod tacita hoſtili-  
tate locupletes , in omnem nocendi occaſio-  
nem intenti ſunt.

*Aſtutam vapidò ſervant ſub peſtore vulpem.* *Perſius*

Magis etiam ſub vulpe lupum & pardum. *ſat. 5.*

Apertus hoſtis mitior eſt inſidiatore tam oc- *circa*  
culto. arma enim armis repellere proclive *med.*

eſt ; dolos quæ virtus antevertet ? quis no-  
vaculam vitabit ſpongia teſtam ? quis vene-  
na cavebit domeſtica manu porrecta ? quis  
denſa nocte ſcorpium obſervabit calcaneo  
inſidiantem ? Hoſtis vero , omnis adulator  
eſt , ſub ovina pelle lupus ; ſub mellis favo  
fel propinans , exporrecta blanditur fronte ,  
oculisque ſuave ludentibus, verbisque ſacca-  
ro plenis amicum inefcat, & ut re alia nulla  
noceat, ſaltem ſuperbire docet. & ſæpe non  
grande minerval poſtulat; ſatis eſt ei, habere  
diſcipulos quibus placeat. Itaque ſi ſuperbi-  
re neſcis, non eſt quod anxie magiſtrū quæ-  
ras ; os adulatori tantum ne obtura , & jam  
profeciſti. nec eſt quod magiſtri tui offen-  
ſam verearis , aut ferulam : omnia tecum  
ſentiet; quicquid te velle ſcierit, volet. pro-  
ba an improba ſint , juxta habet , ſatis illi  
damnaffe, laudaſſe, quæ damnas, quæ laudas  
ex vero id ſit an ſecus , poſtrema illi cura ;  
prima eſt, placuiſſe. Et ne tu tibi ipſe diſpli-  
ceas, molliſſimis verborū involucris teipſum  
tibi abſcondit. Omnis adulatio inflat ad ſu-  
perbiam. Itaque melius eſt à ſapiente corri- *Eccl̃.*  
pi, quam ſtultorum adulationibus decipi. *c. 7.*

I I. Alterum adulationis damnum , in *v. 6.*

flamat ad iram , temeritatem , aliaque his  
agnata vitia. Multis alioquin haud immiti-  
bus improbum calcar addidit ad iram & fu-  
rorem lingua blandiens , quæ cum naſta eſt  
hominem remiſſioris impetus , has ei voces  
ſæpius ingerit : An vires tuas neſcis ? auden-  
dum

dum est, audaces fortuna iuvat. nimium in-  
solescunt adversarii tui, nisi & tu dentes tibi  
esse ostenderis. Aude, & vir sis; potentiam  
tuam experiantur, qui nolunt benevolen-  
tiam; dignus es pridem cui se submittant,  
qui te læserunt. Blandissimis his stimulis a-  
dulatores quandoque ovinam etiam bilem  
ad rabiem efferant. Et quis sibi non credat  
futurum facile, quod aliis videtur tam lau-  
dabile? magna merces operis, laus. Hinc om-  
nia vitia in pretio habentur, cum laudē me-  
rentur. Adulatio, omnium fere in regibus  
scelerum causa. si enim demas laudatores,  
probatores, consultores; crimina prope om-  
nia à sceptris & purpura excluderis. Lau-  
dasse enim in principe crimen, impulisse in  
illud, & in maiora est. Animos addit, qui  
laudat, & audentiores laudatio facit, & ad  
paria, aut deteriora quasi manu ducit. Au-  
deo dicere: Tolle à principe scelerum lau-  
datores, nulla aut perrara erunt scelera. ne-  
mo enim fere gratuito improbus aut malus  
est. aliter crescitque improbitas cum lauda-  
tur. Recte Chrysostomus: Hoc est, inquit,  
causa omnium malorum, hoc est quod vir-  
tutem maxime evertit, quod retardat, ac re-  
primit studium multorum ad ea quæ sunt  
honestæ: quando non solum non reprehenden-  
dunt aliqui; sed etiam una cum iis qui pec-  
cant se oblectant, eisque gratulantur. Hoc  
autem non est minus quam peccare. Audi  
Paulum dicentem: Non solum hæc faciunt,  
sed etiam consentiunt facientibus. Hoc est  
autem non parvum peccatum, etiamsi quis  
mala non faciat, una cum malis gaudere, eis-  
que gratulari. Ille enim potest dicere neces-  
sitate, causari paupertatem, etsi non sint  
iusti prætextus. Tu autem curam laudas  
quod factum est, cum nec ullam quidem ex  
eo voluptatem percipias? Atque ille quidem  
fortasse



fortasse ducetur poenitentia ; tu autem has quoque tibi fores occludis, & medicamentū tollis, & tantum remedium evertis, portum undique tibi obstruens ad poenitentiam. Quando ergo te viderit quispiam, cum non sis peccato affinis, & debeas reprehendere, non solum non id facere, sed etiam prætēxere & adumbrare: & non solum adumbrare, sed etiam opem ferre & consentire: quid de seipso putabit, & quid de eo quod admisum est? Multi enim homines, ut plurimum, non ex iis solum quæ animo conceperunt, ferunt de rebus agendis sententiam, sed etiam ab aliorum instituto & voluntate corrupti: & si, qui peccavit quidem, viderit omnes eum averfantes, existimabit se aliquod magnum & indignū scelus admisisse. Quando autem viderit non solum non indignantes, sed etiam facile & placide ferentes, atque adeo blandientes & applaudentes, corrupto deinceps conscientiae iudicio, multorum sententia depravatæ eorum menti assentiente, opemq; ferente, quid non audebit? quando autem seipsum condemnabit, & secure peccare cessabit? Oportet igitur seipsum, si quis malum faciat, condemnare, per id enim eo devenitur, ut à malo cessemus: & licet quæ bona & honesta sunt non faciat, ea tamen laudare. Per animi enim promptitudinem & alacritatem via patet ad operationē. At hic, quoniam iis quæ fiunt, applauditur, jure eum insigniter & vehementer pungit ac notat. Si enim vel reprehensum vitium adeo viget, & laudata virtus vix suos ad su-  
Chrys.  
tom. 1.  
in ps.  
49. post  
med.  
dorem provocat: quid erit si hoc nō factum fuerit. Quisquis igitur non suus ipse hostis est, adulatorem omnem, ut juratum nominis sui hostem fugiet, & consilia illius laudesque non nisi timide ac caute tanget. Hosti non fidit? nec fidat adulatori. Suspecta habet

habet inimica consilia? habeat & adulatoris. hostiles molitiones omnes quocunque amico velamine tectas auersatur? & adulatoris auersetur qualicunque mantelo nitidas. inimici laudes ad contemptum refert? referat & adulatoris, & quicquid ab hujus ore & manu quocunque coronatum flore propinatur, tanquam ab inimica dextra prudens ac providus non tangat. quin & alia omnia, quam quæ ab adulatore denuntiantur, cogitet. Laudat ille? damnanda sciat. damnat? laudanda sibi persuadeat. consulit? vitet ut mala. dissuadet? sequatur ut bona. Optime

*Aug. rom. 8.* Augustinus: Non timebis, inquit, comminatorem, si non amas adulatorem.

*in ps. 57 post init.*

Tertium Adulationis damnum: Instigat ad omne genus mendacii, nam adulari non mentiri difficillimum: & sæpe quo plus tegitur adulatio, eo plus detegitur mendaciū. Habuit vir è primatibus in Gallia hominem fatuum, qui heri mensam falsis & insulsis delirationibus solebat exhilarare. Fuit ut affideret conviva cui nasus nonnihil grandiusculus erat. Observans id herilis stultus, & hominem identidem aspiciens, tandem prorumpit, & : O quantū, inquit, nasum habes? Erubuit conviva, & pæne magis qui invitaverat. Mox fatuus loco ejicitur, non sine plagis. ab his miser didicit, se perperam locutum, cum tamen herum nollet offensum. Paullo post subrepat in eandem cenationem stultus iste, ut quod antea pejus dixisset, suavioribus verbis repararet. adstat ergo mensæ, & convivam eundem diutule contemplatus, tandem ait: Pusillum certe nasum habes. Iratior herus: Contundite, exclamat, insanum caput & pugnis docete huc non redire. Post apud convivam multa excusans, deprecatus est alieni oris stultissimā & prorsus injussam dicacitatē. Miser probe contu-



contusus, nec tamen sapere didicit; reditum sibi haud interdictum, sed verba tantum putabat corrigenda. itaque rediit; & primo statim ingressu velut emendatissime locutus proclamat: Nullum omnino nasum habes. Fatuam hanc loquacitatem pulcherri-me adultores æmulantur. hi sæpe quo plus erroris tegere conantur, plus errant; mendacia palliant mendaciis, futum fucodunt, & quo plus timent deprehendi, hoc audacius mentiuntur.

Omnis adulatio vestitur mendacio: de-  
 trahere illi hanc vestem, & informis appare-  
 bit nuditas, ridenda, non admiranda. Neque  
 enim aliud est adulatio, quam perpetuis pro-  
 pe mendaciis vestita oratio. aut enim infra  
 aut supra fidem adulantis verba sunt. Nam  
 dum placere studet, si quem laudibus capi  
 videat, auget illas longe etiam supra verum,  
 ut placeat magis. si nihil quod laudem me-  
 reatur repererit, è suo cerebro nova commi-  
 niscitur; etiam vitia in laude ponere, &  
 damnanda probare audet. quo fit ut in ma-  
 jora impellat scelera. hæc enim laudasse, est  
 ad paria aut majora incitasse. Heu quid opus  
 ad id calcem addere, quo jam ante natura aut  
 educatio properat? nil aliud hoc est quam si  
 quem præcipitio vicinum injecta manu pro-  
 trudas, quo facilior proniorque lapsus sit.  
 Facit hoc assentator, qui e mentitis laudibus  
 incautos in verarum virtutum opinionem  
 trahit, damna tegit, pericula minuit, aut uni-  
 versim tollit, & ut ille stultus sine ratione,  
 sic iste sine fronte, sine conscientia, ei cui  
 grandis nasus est, audet tamen dicere parvū  
 nasum habes; ei cui grandes & plurimi sunt  
 nævi, persuadere tamen nititur, & paucos &  
 minimos esse: non veretur dicere Nasoni,  
 nullum nasum habes. Cum enim benevo-  
 lentiam alicujus sibi suisque rebus persuase-  
 rit

rit commodam aut necessariam esse, quacunque illam via parare studet. veris nudatur? protrudit falsa. satis illi si optata consecutus fuerit, quocunque demum flumine deducatur ad hunc portum.

Accedit, plurimum tales quæ hic laudant, alibi damnare; quæ apud hos probarunt, apud illos improbare, siue innata naturæ inconstantia, siue omnibus placendi studio. Vnde fit ut nihil stabile firmumque ab his sperari possit, nihil illis tuto credi: commissa produnt quæcunque, si è re sua id futurum arbitrentur, omnium se successibus expandentes, omnium subservientes: tam faciles in prodicionem, quam faciles in assensum, ut nulla illis fides adhiberi, nulla verbis fiducia possit. Tam venalis oris homo probat præfens, damnat absens, magnumque quem in os tulisti laudatorem, sævum, ubi retuleris pedem, patieris iudicem; quemque præsentem fortem senseras propugnatorem, absentem validum feres oppugnatorem. applaudit nimirum coram, sævit cum latet: frontem blande delinit, tergum unguibus ac molaribus occupat, & qui sub aspectum mella & flores effundebat, cum procul est, venena & ignes jaculatur, tanquam si quis præsentem extremis digitis demulceat, absentem fulmine perimat, aut integris montibus sepeliat.

I V. Ergo, quisquis veritatis amicus es, aut falli non vis, quisquis ingentia mala cupis exire, adulationē fuge. tu ipse aliis nunquam blandire: aliorum blandimenta sperne. Sprevit ea insigniter Augustus Imperator. Nam cum Tarraconenses velut lætissimum ostentum nuntiarent, palmam in illius ara enatam esse: Apparet, inquit, quam frequenter sacrificetis. Quod illi adulando de Deorum favore ingerebant, hoc ille negligentiae ipsorum tribuebat.

In ve-



In veteri arce parieti inscriptum legisse me memini : *Omnibus sis familiaris , nemini blandus.* Nemini prorsus , nemini blandiendum , etiamsi spes affulgeat magni emolumenti. Vox regia fuit Imperatoris Theodosii ad Arsenium præceptorem , Arcadio & Honorio filiis audientibus : Præstat, aiebat, pie mori quam impie regnare. Sic omnino, præstat pie mori quam impie servire ut regnes : præstat pie latere quam his artibus emergere. Quid iuvat fama magna , si non bona? Quid prodest homini, si mundum universum lucretur, animæ vero suæ detrimentum patiatur? Ergo nullius hominis gratiam sic ambias ut illi noceas, & tibi ipse plus obis quam prosis. Chrysostomi dictum est : Blandiri ut noceat, diaboli est: corripere vero ut profit, Dei. Quis autem alteri blandiri potest , & non nocere ? Ergo humanum te præbe omnibus, nulli blandum. Ita vero adulationem cave , ut illam tam in te oderis , quam in aliis :

*Assentationes arce, si non arces, provocas.*

Optime monens Bernardus : Tolle , inquit, occasiones, respue blandimenta, adulationibus claude aures , te interroga de te, quia tu te melius nosti , quam alius. Attende cor tuum, discute intensionem , consule veritatem ; tua tibi conscientia respondeat. Et licet te tota vicinia modestum dicat ac pudicum, minime vel jurantibus credas : licet te omnes honorent , ne tibi magnus videaris : qui de amore non venit honor , non honor est, sed adulatio. Qui te blandis , ut Plautus loquitur, & benedictis dictis subagitant, non amici, sed palpatores & parasiti sunt. Memoria tene quod parvulus didicisti :

*Plus aliis de te, quam tu tibi, credere noli.*

Bonum est laudari , sed præstantius est laudabiliter agere. Cura esse quod audis. Ber-

nardi iudicio qui conscientias suas in alienis labiis posuerunt, hi modo magni, modo parvi, modo nulli sunt, prout adulantium linguas vel admittunt vel rejiciunt. Ioannis Sarisberiensis: Non facile dixerim, inquit, uter sit prior in vitio, qui linguam adulationibus polluit, aut cuius cor ex eis se in lætitiā resolvit. In hoc enim elationis cæcitas, in illo fraus excæcandi damnatur. Ubique vero damnatur dolus, sed & cæcitas. Quæ à superbia est, nusquam absolvitur. Esto quod adulator sit nequior, iste non minus contemptibilis est. Nec caperetur linguæ tendiculis alienæ, si non blandiretur ipse sibi. Quid itaque alium arguit elationis, qui sibi met adulator? In quo enim alium accusat, seipsum condemnat, eadem enim facit quæ iudicat. Laudatores ergo tolle, & magnam scelerum materiam sustuleris. neque quicquam facile improbata omnibus aut aggreditur aut iterat. Laudem & propugnatorem crimina poscunt ut repetantur. tolle hæc formæta, ligna ignibus; & partem longe maximam ademeris incendii. Tiberius Imperator hoc nomine commendandus, qui adulandi studium in primariis Reipublicæ Romanæ vitiis detestatus, cum è senatu egrederetur, subinde dicere solebat: O homines ad servitutem paratos!

O magni Principes, ô Reges, & Cæsares, quam subtili veneno incolumitas vestra impetitur. Misertus vestrum omnium Bernardus: Potentibus, exclamat, omnes invident, omnes adulantur. Ea de causâ Soloni dixit Æsopus: Non accedendum ad reges, aut illis placendum. Scio, negari passim, in aulis bene compositis adulatores esse. Ah! quam hoc difficile creditu est? illud non nemo sibi potius persuasit, nullos tolerari quam nullos esse. Quis enim credat nihil esse murium,

ubi

Bern.  
serm. 4.  
de Ad-  
ulcent.  
Dom.



# DE ADVLATIONE. 47

ubi tam multum frumenti est ? & quis capi-  
piat, in tanta turba hominū, qui omnes con-  
tentissimis studiis aucupantur gratiam, non  
multos esse qui rete tendant adulationis, si-  
ne qua sterile censetur hoc aucupium. Aula  
Theodosii Iunioris, aula sancta fuit, sed adu-  
latoribus minime caruit. Atque hi eo virium  
progressi, ut non tantum Theodosianam au-  
lam, sed universam pæne Rempublicam il-  
lam everterint. Nusquam deest sæx ista ho-  
minum, sepe tam grata pestis aularum quam  
noxia. Qui vero adulatores cavere cupit,  
nosse debet; hoc autem melius noscet, quo  
studiosius cavebit. Tanti mali remedium,  
non sat efficax est, nolle laudari. Reperias  
fortasse non paucos, à quibus etsi nō sit laus  
quæsita, nihilominus eos delectat oblata.  
Vitandus est adulatorum sermo, & fortiter *Seneca*  
rejiciendus; nunquam sine noxa erit, illum *epist.*  
benigne admisisse. Nam etiamsi non statim *123.*  
officit, semina tamen in animo relinquit, se- *med.*  
quiturque nos etiam cum ab illis discesseri-  
mus, resurrecturum postea malum. Quem-  
admodum qui audierunt symphoniam, fe-  
runt secum in auribus adulationem illam ac  
dulcedinem cantus, quæ cogitationes impe-  
dit, nec ad seria patitur intendi: sic adula-  
torum & prava laudantium sermo diutius  
hæret quam auditur; nec facile est animo  
dulcem sonum excutere. prosequitur & du-  
rat, & ex intervallo recurrit. Ideo clauden-  
dæ sunt aures malis vocibus, & quidem pri-  
mis. nam cum initium fecerunt, admissæque  
sunt, plus audent.

V. Sed quis vir ille inexpugnabilis, ad-  
versus has aurium insidias, quas nemo non  
in sinum recipit? Eo jam dementiæ veni-  
mus, ut qui parce adulatur, pro maligno sit.  
Ita est; quo apertior incedit adulatio, quo  
improbior, quo magis frontem suam perfri-  
cuit.

cuit, cecidit alienam, hoc citius expugnat.

O Principes, ô Reges, & Imperatores, vos esse convenit viros illos inexpugnabiles in omne adulationum genus. Parum est. subtilissimum hoc venenum non appetere, ei etiam insuper resistendum est, & subinde prima statim verba blandientium præcidenda. Ii qui blandiri aut placentia loqui nesciunt, nō continuo, ut agrestes & barbari rejiciendi. suum illis pretium stet, nec vile, qui ignorantia laborant tam malignæ artis. Utinam liceret affirmare de Principibus Christianis, quod Seneca de fratre suo Gallione dixit: Eum alia vitia non nosse, hoc etiam odisse. Ita sane, injustitiam, libidinem, temulentiam, aliaque similia portenta non norit Princeps, adulationem etiam oderit, & omni aula exturbet. Modus Adulatores ab Aula excludendi non deesset, si non displiceret. Ad Hispaniarum Regem Philippum IV Politicæ Christianæ doctor, hæc omnino verba perscripsit: Beati, qui vera dicentem sortiti! Quo infeliciores Principes sunt, qui è multis millibus vix unum sortiuntur, qui vera profari audeat. Delictum in Principe est; vera dicerent, si audire vera Principes vellent, si falsa denuntiantibus poena astaret, si nulla impunita assentatio abiret, si vera dicentes præmia manerent. nunc cum hos poena, præmia illos maneant, omnes in adulationem devolvuntur.

Sen.  
l. 4.  
Nat.  
qq. in  
præfat.

Carolus  
Scribā.  
l. 1. Po-  
litico  
Christ.  
c. 9. post  
medin.

Quod si via desit comprimendi adulatores, pellantur familia. Fecit Alexander Severus, Septimius etiam Severus, fecerunt alii. feliciter semper, bono Reipublicæ, regni, & suo. Ut merito gratior esse debeat inimicus damnatus, quam assentator laudatus. ab illo vera sperari possunt: & mala nostra discimus, quæ ignorata emendari non possunt. possunt cognita, à quacunque manu cogni-  
tio



tio illa veniat, ab amica censeretur debet venire, quæ in præcautionem est, & vitiorum fugam.

Verum non imperite mihi dixisse visus est, qui asseruit, omnes pæne principes viros eo fato nasci, ut aliquid saltem pennarum ad hunc adulationis viscum relinquant. Ita improvidi cives dum vilitate laudandi unusquisque magnatum vitia ad amicitiam sollicitant, se simul & illos miserrimos fieri non sentiunt. Quanto enim incommodo suo imperantes sic fingunt, ne quid eos pudeat, sed licentissimi assuescant seipsos amare & mirari. utique postquam diu omnes eorum affectus adulatione & præconiis consecraverunt.

Quid miremur principes violenta adulationis procella inclinatos quo sponte jam volunt, iis vocibus cedere quas solas accipiunt? præsertim nemine ruinam sustinente, ad quam tanta vis impellit. Nam illi sapientes quos negotiis adhibent, seu verentur frustra monere, seu medicamentum, quamvis infundat salubritatem, tamen ingratum esse sciunt, his vulneribus non adhibent manum: Aut certe vitia distinguunt, quibus se ipsum Rex maculat, ab iis quibus Rempublicam perdit. Et contenti utcunque mederi publicis, non restitunt principi oculos, quibus ipse suam sortem & blandientium fallaciam damnet. Quis familiarium sapienter *Barcl.* Reges admonuit, si aviditate æris, aut nimia *Argen.* liberalitate infames sunt, si nimio venationum studio amittunt Reipublicæ curam: *l. 3. post med.* aut cum libidinum exemplis sæculum inficiunt, vel inconsultis amicitiiis publicam invidiam concitant. Laboramus etiam virtutum nomina his cupiditatibus foedare: cura futuri, laborum assuetudo, comitas, liberalitas appellantur hæc dedecora. Nec vitia illa

tantum, sed etiam leviora, in his adoleſcunt mendaciis. Et niſi maiorē Regibus genium, quam qui populum informat, fors dediffet, quotuſquiſque ex his plagis evaderet, quæ vel ipſa conſuetudine placent, quæ naſcentium cunas circumdant, nec eas meminerunt ſibi poni.

Sed neque his periculis ſoli Reges infeſti ſunt. Plerique regiis malis in privata fortuna laboramus. Reges ſumus ſupplicibus; ruruſq; Rex nobis, in cujus manu eſt quod petimus. Hunc tentamus blanditiis, hunc illa vanitate conficimus, ultro amantem tela quibus percelli ſolent Reges.

Ergo non ſolis Principibus odio proſequenda eſt adulatio, neque enim ſolos Principes ſeducit; omnibus infeſta, omnibus exitioſa qui eam non ſtudioſiſſime caverint. Veriſſime Paulinus: Nihil eſt, inquit, quod tam facile corrumpit mentem hominum, nihil quod tam dulci & molli vulnere animam feriat. Non vis vulnerari? cave eos qui volunt adulari. Quiſquis adulatorem domo recipit, ſerpentem ſinu fovet. Torpet jam ſerpens? brevi venena explicabit ubi incaluerit, & diffundet virus in amicum ſibi ſinum. Non magis fere adulatorem beneficia vincunt quam ſerpentē. Semper hic ſerpens eſt, & ille ſemper adulator, hoc eſt, amicus falſus, qui quanto eum plus foveris, plus inſurget; coram amicum mentietur, inimicum abſens loquetur. Ergo cave omne mercenarium præconium, adulatorem omnem à te repelle, neminem horum admitte, quocunque virtutum colore tinctum. Lyſandro quidam dixerat: Laudo te & defendo. Huic mox Lyſander: Duos, inquit, ruri boves habeo, quibus tacentibus ſatis ipſe novi, uter illorum ſit piger, uter laboris amans. tali reſponſo adulatori os obturandum, ne, ſi tam bene-



# DE ADVLATIONE. 45

benevole audiatur, eandem cantilenam sæpius occinat. Et hæc de Adulatione. Multa, inquis, & proluxa. Crede mihi, Lector, pauca diximus, si flagitii genium spectemus. Pluribus & gravioribus plagis hæc linguæ improbitas fuisset excipienda. Affectus veri venenum pessimum Assentatio.







# B

- A.** De *Lingua BACCHEA*, quam *Vrcens* designat, Vide *Caput IV. §. I.*
- B.** De *BOMBILANTE*, quam *Apes* significant, idem *Caput IV. §. III.*
- C.** De *BLÆSA* quam *mutus Canis* representat, idem *Caput IV. §. II.*
- D.** De *BIFIDA* quam *Serpens bisulca lingua* denotat, Vide *Caput V totum.*
- E.** *Iulianus Imperator Apostata* telo percussus, sanguinem e recenti vulnere in auras spargit, una cum *BLASPHEMIA* in Christum. Vide *Caput VI. §. III.*
- F.** *Iuvenis in duello Matrem Domini BLASPHEMIA* notans, antagonistam gladio transfixis faucibus, & *Lingua* & *vite usum* perdidit meritisimo supplicio. Vide *Caput VII. §. II.*

## B

## CAPVT IV.

BACCHEA, BOMBILANS;  
BLÆSA *lingua quid sit.*

**I**nterrogat olim Paulus monachus, quem simplicem nominabant, priorne Christus fuisset an prophetæ? Vbi vero aliis monentibus comperit, quam id insulse interrogasset; cumque illi insuper à majoribus imperatum esset, ut quæstionem tam ridiculam silentio expiaret, triennium silendo exegit, eaque ratione pœnas à seipso graves repetiit.

Subinde tanta est humanæ linguæ intemperantia, ut hoc unum satagat, garrere ac loqui, apte, inepte; utiliter, damnose, id juxta habet. Tres hoc capite vitiosas linguas proferimus, quarum prima, quam *Baccheam* nominamus, hæc cum vini vim admisit, ita rationem excutit, ut insulse plerunque interroget, insulsius respondeat interrogata. Nichil tam fatuum est, quod ab hac lingua sit alienum. Huic meribibulæ linguæ, & nunquam non vacillanti *Blasam* atque *Bombilantē* censuimus adjungendam. Quid singulis inhæreat vitii, explicabimus.

I. \* BACCHEA hominis ebrii lingua est, quæ quasi grallis nixa incedit, adeo & titubabat & claudicat. diceres illam *Ascoliasmum*, *Empusæ* ludum ludere, qui ea lege fiebat, ut pede altero in aërem sublato, uno subsilirent pede. Hæc lingua nil arcani retinet, fanda infanda simul omnia effundit, velut qui navigii merces in iratū mare opere tumultuario ejicit. Hæc lingua velut vacuum dolium usque & usque tinnit, & plerunque divitias

aut

\* *Weinsteltzerin.*



DE BACCHEA &c. LINGVA. 49  
aut læticias inanissimas. Nam

*Quis post vina gravem militiam aut pauperiem* Horat.  
*crepat?* l. i.

Verissime Romanus sapiens : Non est animus in sua potestate , ebrietate devinctus. *ode 16. Sen. e- pist. 83. med.*  
Quemadmodum musto dolia ipsa rumpuntur, & omne quod in imo jacet, in summam partem vis caloris eiecit : sic vino exæstuante, quicquid in imo jacet abditum , effertur & prodit in medium. Onerati mero quemadmodum non continent cibum, vino redundante , ita ne secretum quidem : quod suum alienumque est, pariter effundunt. Vbi possedit animum nimia vis vini, quicquid mali latebat, emergit. Non facit ebrietas vitia, sed protrahit : tunc impudicus morbum profitetur ac publicat ; tunc petulans non linguam , non manum continet : crescit insolenti superbia, crudelitas sævo, malignitas livido : omne vitium detegitur & prodit. Adjice illam ignorationem sui, dubia & parum explanata verba (*en linguam Baccheam*) *† Plut. l. 3. sympo.*  
incertos oculos, gradum errantem. Sed Bacchi victoria plerumque omnium primo in *\* Nannius sic vertit : Aurum, atque argentum fabris dignoscitur igni, Vinum hominis prodens arguit ingenium.*  
vincula rapit linguam.

† Æsopum quidam non illepide reprehendit, quod fenestras in homine, per quas intimæ cogitationes perspicerentur, requireret, cum vinum scilicet id præstare possit. Et eleganter Theognis poëta , quem Lævinus Torrentius sic latine loquentem fecit.

\* *Ignibus explorant auri argenti que metalla*

*Artifices, mentem libera vina viri.*

Ideo magnates hominem illum poculis urgent, è quo elicere cupiunt intima sensa animi. Venusinus vates affirmat :

*Reges dicuntur multis urgere culullis,*

*Et torquere mero, quem perspexisse laborant,*

*An sit amicitia dignus —*

Hoc est ingenii duris lene tormentum adpropius *† Propius finem.*  
movere,

movere, & arcanum consilium jocosò retegere Lyæo. M. Crassus bello quod contra Dacos & Bastarnas gerebatur, eorum legatos admisit, retinuitque, postridie responsurus. Interim legatis hilare vini tormentum admovit, itaque eos vino sepeliit, ut omnia eorum consilia eruerit. Arte consimili ajunt olim Bonosum Imperatorem usum, qui sæpe dixisse fertur, non ut viveret se natum esse, sed ut biberet. is igitur quoties barbarorum legati undecunque gentium ad eum venissent, vino liberalissime propinato ebrios reddidit. Itaq; è temulentis his linguis quæ voluit, expiscatus est. Nemo tantæ continentiae est, quin mero mersus & madens effutiat omnia: quicquid fraudulentò ac vapidò in pectore latet, protruditur; Linguae sunt liberæ, ubi eas Liber copiosior irrigarit. Quod sobrio in pectore, id in palato natat ebrio.

Audiverat Rex Pyrrhus quosdam Tarentinorum in convivio parum honoratum de se sermonem habuisse, accersitos percunctabatur, an dixissent ea quorum accusarentur. Tum unus ex iis: Nisi, ait, vinum nobis defecisset, ista quæ tibi relata sunt, præ iis quæ de te locuturi eramus, lusus ac jocus fuissent. Tam urbana crapulæ excusatio, tamque simplex veritatis confessio iram regis avertit in risum. Profuit his juvenibus vini penuria, & mite ingenium Pyrrhi, alioqui Bacchea lingua in fraudem eos maximam egisset.

Apud Romanos statua erat quæ Citeria dicebatur. In hujus capite articuli vertebraeque sic locatae erant, ut os sursum deorsum diducere, & nescio quid inamoeni strepere potuerit, perinde si loqueretur. Hanc garrulam statuam in ludorum pompa, ridiculi gratia trahebant. Inde M. Cato in Cecilium ludens: Veheris, in pompa ludorum,  
pro



# DE BACCHEA &c. LINGVA. 51

pro Citeria , ut populo sermocineris. Tales omnino sunt linguæ vino natantes & temulentæ , garriunt ut statuæ , quarum labra funiculo trahuntur ; strepitus & verborum plurimum est , nihil rationis. En quot statuas Citerias in unico convivio reperire est !

De garrulitatis vitio Plutarchus elegantē scripsit libellū , in quo verissime dixit : Quod in corde sobrii est , id in lingua est ebrii. Suidas<sup>voce</sup> , sapienti tres ait meri caliculos permitti. <sup>div.</sup> & primum quidem esse valetudinis , alterum voluptatis , tertium somni. Eodem pæne modo bibendi vices distinguens Anacharsis : Primus caliculus , inquit , necessitatis est sedandæ siti : Alter sobriæ hilaritatis : Tertius voluptatis : Atque hîc jubet Plato quiescere. Nam quartus calix ebrietatis est & contumeliæ : Quintus clamoris & stultissimæ garrulitatis : Sextus comessationum , etenim quo plus potantur uvæ , plus sitiuntur : Septimus libidinis & lasciviæ : Octavus bilis est & pugnæ : Nonus vulnerum & cædis : Decimus furoris & insanix. Ad has omnes tragoedias sese auctorat Bacchea Lingua , quæ cæco impetu ruens , qua data porta , nullum formidat præcipitium. Quisquis huic linguæ mederi vult , medicinam omnem petat è sicco ; culullos subtrahat & cirneas , docilemque sitim assuefaciat ad limpidum fontem. Nam lingua velut molendini rota , si vino agitetur , omnem molitoris peritiam eludit , nec facile sisti potest. Quis inter cyathos texit , quod latere cupiebat ?

Cum autem temulenta lingua plurimum peccare soleat ; frivola nimis excusatio est , dicere : Per vinum hæc feci , per vinum illa dixi. Non minus , ô bone , sic reus es , imo duplici noxa obstrictus es , & quia nimium bibisti , & nimium garrivisti. Cum enim linguæ tuæ furores noris , cur eos vino tam copioso

copioso impellis & extimulas? Tanto magis cavendum tibi, quanto incautiores natus es linguam: tanto temperantius tangendi calices, quanto appota lingua intemperantius blaterat. Fuge igitur si non convivium, certe remulentiam. Hæc namque periculosissima est lingua, quæ omne pectoris arcanum detegit, & sepiissime protrudit omnibus vitæ partibus pœnitenda. Corpus, animum perdat, id lingua ebria non curat; præceps rapitur in omne nefas. Horrendum est quod Cameracensis proepiscopus narrat. Cum tres, inquit, combibones in taberna mero incaluisse, de alterius Orbis arcanis, de immortalitate animæ, de suppliciis gehennæ sermonem injecerunt inter facundos calices. Hic unus procacior, id totum pronugis habere, & velut sacrificorum commenta explodere, ceteri jocanti applaudere. Hoc audet lingua Bacchea & ebria. Decipiunt nos sacerdotes nostri, ajebat ille impius, qui nescio quæ aurea sæcula somniant futura. Dum hæc garriunt & rident, interim adest vir altæ staturæ, & ut videbatur, eximie robustus, qui blande assidens: Ecquid ô viri, ait, sermonis, quid risus & hilaritatis est? De anima, inquit protervus ille, sacerdotum somnia narramus. Addit etiam, se quidem licitanti haud magno pretio animam venditurum, quin & pecuniam pro symposii symbola collaturum. Tu vero, inquit adventor, quanti eam mihi indicas? emptorem habes, si tu velis esse mercator. Nec mora; conveniunt de pretio. Numerat emptor præsentem monetam; addicitur illi anima, potatur strenue, liberalitas emptoris commendatur, cachinnis & poculis certatur. Denique sub adultam noctem: Equidem, ait emptor, succumbimus vino & in somnum fatiscimus; tempus est, ut suam quisque domum

*Thom.  
Canti-  
prat. 1. 2  
c. 56.*

*Diabo-  
lus fuit.*



DE BACCHEA &c. LINGVA. 53

mum repetat. Sed vos, ô focii, jus dicite: si quis equum capistro ligatū emerit, nunquid & capistrum cum equo auferat sine venditoris injuria? Dixit, & trementem venditorem in omniū oculis abripuit, eo ducturus, ubi videret miser, quod credere noluit. Talibus sese flagitiis lingua Bacchea, lingua ebria obstringit. Caveat vinum qui linguæ suæ, imo qui suæ vitæ vult cautum.

II. † BLÆSA lingua nominatur hîc illa, quæ focali seu mappula circumvoluta velut ægra, tumescentibus colli glandulis aut vocē continet, aut verba mutila submisit jactat. Hæc defectu errat, non excessu; nimis parum, nimis exiliter & modice loquitur. Hæc etenim ea quæ monenda, arguenda, reprehendenda, castiganda forent, nec monet, nec arguit, nec reprehendit, nec castigat, aut certe non satis verborum & acrimoniæ habet; blæsa est, ægra est, aut ægram se simulat, metuit responsum duriusculum, timet afflatum iniquiorem. Hæc lingua dicere solet: malus est cantor, qui nescit \* spiritum in cantu suspendere. Pausandum est subinde, & respirandum. Est omnino, sed non eo modo quo Lingua Blæsa consuevit. Hæc quandoque pausat & respirat largissime, sed cum maxime cantandum, aut clamandum esset. Canta, canta, ô cessatrix, canta: argue, obsecra, increpa. Sed video quid te moretur, cogatque subsistere: pausæ atque suspiria tua sunt argento vel auro scripta. ad hos aureos argenteosque apices subsistis & hæres: hîc devotissimi gemitus subsiliunt: numos cernis, & os comprimis. Et ne cum vitio videaris filere, tuum illud susurras: Aliquando melius est loquendo pausam fieri. Væ  
E mihi,

† Statzgerin.

Ser nit pausiern Fan.

# 54. C A P V T I V.

Isa. 6. mihi, clamat Isaías, quia tacui. Væ tibi quia  
 Ps. 5. taces aut submisisse nimis loqueris, cum foret  
 clamandum.

Hæc lingua delictis alienis sese involvit  
 tacendo, dissimulando, connivendo, aut  
 presse nimis ac leniter loquendo. Nota vox  
 Gregorii Magni: Qui non corrigit refecan-  
 da, committit; & facientis culpam habet,  
 qui quod potest corrigere, negligit emenda-  
 re. Ita graviter delinquit hæc lingua, tam  
 in suis quam in aliorum defectibus patefa-  
 ciendis, coarguendis, corrigendis: hinc illa  
 timore pessimo impedita trepidat; & vel to-  
 ta filet, vel nimio oris pressu loquitur; pau-  
 culis verbis innuit dicenda, non dicit:

*Enclit.* — *pausam facit ore loquendi.*

Is. 1. sat. Aliæ omnes vitiosæ linguæ verborum copia  
 peccant, hæc inopia. Videte mihi blæsam  
 linguam Hebræi sacerdotis Heli. Corripien-  
 di erant filii, & castigatione acerrima libi-  
 dines eorum & avaritia coërcenda. At bo-  
 nus Heli lingua blæsa impeditus: Nolite, in-  
 quit, filii mei: non enim est bona fama, quam  
 ego audio. Tonitru ab ore fundere debuif-  
 set hic parens, atque si verba non profecis-  
 sent, severiores poenas tentare: At ille lin-  
 gua imbecilli & fracta omnem invectionis  
 acrimoniam vitiose compressit: nec sine suo  
 suorumque filiorum maximo malo.

Atheniensis orator Demosthenes linguam  
 habuit eodem vitio laborantem. Milesiorum  
 legati Athenas veniunt, suppetias rogaturi.  
*Sellius* Admittuntur in curiam, exponunt quæ po-  
*Noët.* stulent, sed opponit se Demosthenes, & in  
*Attic.* iras exurgit. Quare illius diei conatus irri-  
*l. 11.* tus fuit, & ne sequentis etiam sit, legati præ-  
*c. 9.* occupât, & noctu Demosthenem accedunt,  
*c. 10.* jubentque non esse noctem auri splendore.  
 Imo Æsculapios dixisses hos oratores Mile-  
 sios, qui asperas & immites Demosthenis  
 fauces.



DE BACCHEA &c. LINGVA. 55

fauces tam periuro pharmaco levissent, & mites mollesq; effecissent aureo pittacio. Nam Demosthenes qui primo die ut canis legatos allatrabat, in alterius diei concione se piscem futurum pollicetur. O bone canis, quam nō tantum argenteis his offis placidus efficeris, sed etiam mutus! quam cito ē cane in piscem mutatus Græcus hic orator! nam die postero, cum in curiam reditum esset, etiam Demosthenes adfuit sed æger, ex gutture scilicet laborabat. Lacescit ad dicendum, collum focali obligatum parcente manu ostendit: Et quæso, inquit, has loquendi vices hodie mihi nemo tribuat, anginam patior. Excepit vocem unus aliquis, & urbane: Atqui, ait, ô Demosthenes, angina hoc non est, sed argentangina. Certe fuit; argentum tetigit & læsit, non collum, sed animum. Ea de <sup>Nō syn-</sup> <sup>anchen-</sup> causa hic orator sponte blæsus ex Aristodem<sup>sed argy-</sup>o quæsiit: Quantum accepisset ut diceret, <sup>ranchen-</sup> & causam ageret? Talentum, ait ille. At e- <sup>pnto.</sup> go, subjicit Demosthenes, plus accepi ut tacerem.

Idem blæsa linguæ morbus incessit etiam Thrasylbulum. Hic Lacedæmoniorum legatis responsurus, largitione opulenta jam <sup>Suidas,</sup> corruptus, ē silvestrium pirorum esu ravim <sup>voce</sup> se contraxisse simulavit. Hinc verbum Athenis natum: Bos in lingua. Erat Atheniensium æs bovis imagine signatum, & hæc moneta octo \* sesteritiis æstimata, bos dice- <sup>\* Aut</sup> batur. Hi boves argentei plurimorū linguas <sup>quatuor</sup> adeo blæsas effecerunt, itaque degravarunt, <sup>victio-</sup> ut eæ libere proloqui, quod decebat, non <sup>riatis</sup> possent. <sup>sen bi-</sup> <sup>ciis.</sup>

Ajunt campanam funiculo circumligatam malignissime respondere, si pulsetur: ita lingua vano timore vineta tremulum ac vitiosum edit sonitum; quædam tacet dicenda, quedam solū inussitat apertius proponenda.

*Scriba-  
nii Poli-  
tico  
Christ.  
l. 1.  
c. 18.*

Hic ego eos convenio qui à Regum Prin-  
cipumque sacris Confessionibus, Consiliis,  
Concionibus sunt: hos ego per salutem ip-  
sorum obtestor, muneris sui obligationem  
cogitent, & blæsam hanc tremulamque lin-  
guam procul à se amittant. Fortitudine pror-  
sus hic opus est. Vir fortis dicet: Cadere  
possum, à vero & recto flecti non possum.  
Non me minæ, non tormenta terrent quæ  
finiuntur, terrent æterna. Obsequendū Prin-  
cipi? si illi possum & Deo. at, si in illum lo-  
cum reductus fuero, ut alterutri renuntian-  
dum sit, renuntiabo principi. Poenæ propo-  
nuntur sæculi hujus & futuri? amplectar  
hujus. Præmia invitant Mundi & cæli? de-  
ligam cæli. Indignatio terret Principis &  
Dei? negligam Principis. Possum hic nume-  
rari inter magnos, si assentiar Principi? me-  
lius est adhærere Deo, ut numerer inter cæ-  
lorum magnos. Destituatur hic omnibus, si  
non parvero Principi? consultius hic desti-  
tui, quam æternum. Spoliabor fortunis?  
modo non spolier cælo. Censebor inter ple-  
bejos? factum Apostolis à veteri synagoga.  
Exuar dignitatibus? summa dignitas est ser-  
vire Deo. Excludar aula? optatius aula ex-  
cludi, quam cælo. Excidam Principis gratia?  
non excidam Dei. Inglorior hic vivam?  
stulta Mundi elegit Deus. Moriendum erit?  
non dixi me mori non posse; dixi, à recto,  
à vero flecti non posse. Ita vir fortis loqui-  
tur, hæc verba, Regum Principumque Con-  
fessariis, Consiliariis, Concionatoribus pen-  
sificate sæpius expendenda. Sed lingua Blæ-  
sa sui moris tenacissima, balbutire, tremere,  
mutire, dicenda filere, aut obscure proferre,  
inter ornamenta sua numerat. Ita Blæsa lin-  
gua se gerit.

III. BOMBILANS vero lingua huic  
rei unice studet, ut, sive disputet, sive fami-  
liariter



DE BACCHEA &c. LINGVA. 57

liariter altercetur, sive litiget, plagam ultimā non accipiat, sed inferat. In eo enim victoriam omnem esse sitam autumat, adversario semper respondere posse, & ultimas dicendi vices occupare. Bombylius, exiguum volatile, apīs quoddam genus est, sed obstreperū; apem magnam non male dixeris, quæ à bombo, quem edit, nomen invenit. Hoc volucre animalculum se quidem miscet apibus, sed ad mellificium prorsus est inutile, nam favos sibi nectit è luto. Hinc verbum vetus, Homo bombylius, homo verbosus, \* multique strepitus, cetera inutilis, & cui verba sunt sine penu & pecunia. Hinc lingua Bombilans nunquam non obstrepera, hoc sibi laudū ducit, se altercando primam, se fuisse ultimam, nec verborum copia ulli cessisse. Quicquid ei obijciatur, habet illa, ut Iureconsulti loquuntur, replicas, habet triplicas & quadruplicas: sicut Echo, clamoris iteratione vinci se non patitur, quotiescunque laceffitur, toties respondet, & semper voce ultima triumphat: ita Bombilans lingua litigiis omnibus nectit epilogum è suo promptuario.

Anno millesimo sexcentesimo decimo nono, editus est liber Musicus hac inscriptione: ‡ Polyhymnia Panegyrica, à qua proponuntur cantiones quæ ternione, quaternione, quinione, senione, ogdoade musicorum constant, quæ & viginti vocum sunt, sex choris partiendæ: difficilis hæc symphonia est quæ tot eget cantoribus: bicinia rariora sunt, sed & faciliora: & in his Bombilans lingua exercitatissima est. Fit creberrime ut duo litigiorum amantes bombilante lingua canant bicinium prolixum. Hic audi-

E 3 re est,

\* *Vil gschray/wenig Woll.*

‡ *Sollēnische Srid und Grewdēs concert.*

re est, quomodo contentiore voce altum & acutum scansim insonent, quomodo ab acuto sono usque ad gravem se recipiant, qui se modo helluones & lucrones reciprocis cavillis nominabant, jam etiam mastigias & nebulones vocitant, mira bicinii varietate. Neutri propositum tacere, neuter feriri vult ultimum. Et quia uterque Bombilantis est linguæ, in hoc bicinio suo etiam † chromate utuntur: hic decies, hic vicies audias: *Tu mentiris improbe*. Mox alter pæanem citans dia pausôn: *Non ego, inquit, sed tu mentiris furcifer*. Hæc illorum chromatica sunt ornamenta, his cantum ornant, pingunt, celebrant. Hæ nobiles Bombilantis linguæ concertationes sunt, hæ vocum fugæ, hæ rotundatæ clausulæ, hi teretes illius moduli, his alter alteri responsat & obstrepat. Si alteruter mature nosset tacere, omne hoc biciniū pridem finiisset, aut nec initium quidem habuisset. Sed hoc, ut dixi, Bombilantis linguæ proprium est, voce ultima triumphare. Optime monet Ausonius:

\* *Virtutem primam esse puta, compescere linguā;  
Proximus ille Deo est, qui scit ratione tacere.*

Tacuisse cum ratione ac prudenter, nemini unquam nocuit; locutum fuisse, licet non sine ratione, nocuit innumeris. Ergo linguam Baccheam cave, Blæsam instrue, comprime Bombilantē. Ad sapientum tribunal is victor in lite iudicatur, nō qui diutius altero loquitur, sed qui citius conticescit. CA-

† **Coloriren.**

\* **Es ist auff Erdn kein besser  
list/ (Her ist:  
Dan wer seinr Zung ein Maiz  
Dil wissen und wenig sagen/  
Mit antworten auff alle fragen.**



## CAPVT V.

*Quid Lingua BIFIDA sit, & quam noxia.*

**N**on sine gravi causa Christus surdum  
 & mutum curaturus, adeo altum inge- *Marc.*  
 nuit, ac si hoc beneficii ægrius impertire- *c. 7.*  
 tur. Tam profundi gemitus mysterium non *v. 34.*  
 eo spectabat, quod miseris non quam prom-  
 ptissime succurrere soleret Dominus, sed  
 quod muto expediturus erat linguæ usum,  
 quo ille accepto jam sanus, pluribus delin-  
 quendi periculis exponebatur, quam æger &  
 elinguis fuisset expositus. Siracides adstruit: *Eccli.*  
 Multi ceciderunt in ore gladii, sed non sic *c. 28.*  
 quasi qui interierunt per linguam suam. *v. 22.*

In linguæ alphabeto primam & initialem  
 litteram satis censeo cognitam. Cœpimus  
 & primæ proximam explicare. Itaque nunc  
 à lingua Adulatoria, Bacchea, Blæsa, Bom-  
 bilante progressum faciemus ad linguam BI-  
 FIDAM Adulatoriæ cognatam. Cujus autē  
 hæc naturæ sit, quantumque sub ea mali la-  
 teat, jam differemus.

**I.** Vbi cor duplex est, ibi etiam lingua:  
 unde homo BILINGVIS dicitur. Lingua  
 hæc fissa est & diuisa, sed non ut illæ in Pen-  
 tecoste. De hac Bifida clarissime Siracides:  
 Omnis peccator, inquit, probatur in duplici *Eccli.*  
 lingua. Omnis peccator invidus & bilinguis. *c. 5.*  
 Hi tales ad amicitiam cum Deo ineundam *v. 11.*  
 minime sunt idonei; Deus simplicissima Ve- *c. 6.*  
 ritas est, & homine sincere simplici mire de- *initio.*  
 lectatur. Nam Salomone teste: Cum sim- *Prov.*  
 plicibus sermocinatio ejus. *c. 3.*

Narrat Diodorus Siculus in Australi qua- *v. 32.*  
 dam insula gentem degere, quæ ab ima fauce *Diodor.*  
 linguam naturaliter diuisam, tamque volu- *l. 3. sub*  
 bilem habeat, ut nō tantum voces humanas *finem.*  
 omnes, sed omnigenarum avium cantus imi-

tari, & unus quidem ex illa gente duobus hominibus commode respondere possit. Pulchrum, arbitror, figmentum, huc tamen aptum. Artificium istud hominis bilinguis est; inter corvos crocitatur, inter acanthides fringultit, inter lusciniæ cantat, inter columbulos pipit: bilinguis uno eodemque tempore duobus, imo pluribus respondet, his nigrum, illis album, cum ista parte de cepis, cum illa de alliis loquitur. In homine bilingui cor & lingua minime conveniunt, prout improbi senes illi loquebantur, qui Susannæ pudicitiam sollicitarunt, quorum ille dixerat sub schino, iste sub prino. hoc unus idemque homo potest, si sit bilinguis. Nam, ut vetus verbum est; Aliud stās, aliud sedēs; mel illi in ore est, sub cingulo novacula; altera fert lapidem, altera panem ostentat; servitium offert, & meditatur exitium. Prisci poëtæ talem sic depinxerunt. Venit ad Satyrum tremens frigore viator, qui & manus conglobatas halitu calefecit. Quæsiit ab eo Satyrus, quid id faceret? respondit: manus calefacio. Ventum est ad mensam, & appositæ pulces fumantes quas hospes eodem halitu attemperavit ori. Interrogatus, & quid hoc sibi vellet? Opsonium, inquit, refrigero; nimium calet. Cui Faunus: Ecquid tu tandem hominis es? calidum & frigidum flas eodem ore. apage sis à meo contubernio. Omnes bilingues tales sunt, Salomone attestante: Qui benedicit proximo suo voce grandi, de nocte confurgens maledicenti similis erit.

Prov.

c. 27.

v. 14.

II. Bilinguis pæne detractorem superat: detractor est, si absentis famā laceret; quod si insuper præsentem illū, de quo talia sparsit, lenibus & phaleratis verbis ducere studeat, vere bilinguis est. Ex huius ore velut ex eodem fonte & saccarum fluit, & aqua stygis



# DE BIFIDA LINGVA. 61

stygis mordacissima. Iure optimo Salomō : *Prov.*  
 Arrogantiam, inquit, & superbiam, & viam *c. 8.*  
 pravam, & os bilingue detestor. Nec mirū, *v. 13.*  
 est enim homo bilinguis monstrum, cum  
 nullum animalium bilingue fecerit natura.  
 Plebejus error serpentibus plures linguas af-  
 fingit, cum una sit, sed duplex videatur ob  
 celerrimum motum. At homo unam puta-  
 tur habere, & duabus utitur. Quod si una  
 nequeat satis domari, duæ quomodo doma-  
 buntur? Atque hæc duæ linguæ, velut filiae  
 sunt & quidem gemellæ Mendacii, secundis-  
 simæ matris, nam cum gemina hæc lingua  
 unam eandemque rem eadem de causâ &  
 laudet & vituperet, alterutrum certe confi-  
 ctum sit necesse est. Ecclesiasticus : Super *Ecclesi.*  
 furem, inquit, est confusio & poenitentia, & *c. 5.*  
 denotatio pessima super bilinguem. Fur de- *v. 17.*  
 prehensus mirum quantum erubescit ac pu-  
 nitur : & in prisca quidem lege quadruplum *Exod.*  
 ejus quod abstulit, reddere debuit, & quan- *c. 22.*  
 doque etiam septuplum, quo soluto abibat *v. 1. &*  
 liber. At vero bilinguis nota pessima inure- *2. Reg.*  
 tur ( *denotatio pessima super bilinguem* ) apud *c. 12.*  
 omnes male audiet, monstrantium digitis *v. 6. &*  
 devorabitur. Persius : *Prov.*  
*c. 6.*

At pulchrū est digito monstrari, & dicier hic est. *v. 31.*  
 Sed turpissimum est bilingui. Susurro & *Pers.*  
 bilinguis maledictus, multos enim turbavit *sat. 1.*  
 pacem habentes. Et quamvis improba hæc *Ecclesi.*  
 lingua, domino suo emolumentum aliquid ad- *c. 28.*  
 ferre videatur, id tamen fit Deo minime an- *v. 15.*  
 nuente : nihil hic solidæ prosperitatis som-  
 niandum. Nam, Cor ingrediens duas vias *Ecclesi.*  
 non habebit successus, & pravus corde in il- *c. 3.*  
 lis scandalizabitur. Seipsum miser illaquea- *v. 23.*  
 bit, & fraudabit omni spe bona. Fit enim  
 plerunque, ut qui duos lepores sectatur, nul-  
 lumprehendat. Nam uti nemo potest duo-  
 bus dominis servire, Numini & Mammo-

næ, Deo & Baalim ; & sicut Arca Dei & Dagon nullam loci societatem inire inter se poterant ; & quemadmodum Deus agrum unum duplicis generis semente conseri, unā vestem è lana & lino texi vetuit, bovem & asinum ad aratrum jungi prohibuit : Ita odit Deus gravissime linguas duplices, verbis tam sibi contrariis instructas. In illo Salo-

3. Reg.  
c. 3.  
v. 26.

monis iudicio integerrimo, vera mater infantis, vivum voluit infantem servari, & nequaquam dividi ; ita Deus in omnibus obsequiis sibi deferendis jure suo postulat cor indivisum, linguam non duplicatam. Ideo

3. Reg.  
c. 18.  
v. 21.

proclamat Elias : Vsq̃uequo claudicatis in duas partes? Qui vult censerì à parte Catholica, sentiat cum Catholicis : improbum votum & studium est, cupere modo his, modo illis non displicere. Os divinum semifrīgidus aut semicalidus non tolerat : Quia tepidus es, ait, incipiam te evomere ex ore meo.

Avoc.  
c. 3.  
v. 16.

III. Hic, ô Christiani, quotidie proficiendum nobis est, ut, sicut cum Deo quam sincerissime, sic etiam cum hominibus agamus. Deum non fallit homo, sed homines.

Ad  
Phil.  
c. 1. v. 9

Ideo Paulus : Et hoc, inquit, oro ut charitas vestra magis ac magis abundet, ut sitis SINCERI. Quo fidelior quis est ac sincerior, hoc & beatior, etiam in hoc Orbe. Multi è tribu paupertina emerferunt ad opes & clarum nomen sollerti sinceritate. Et fit quandoque ut homines litterati, & qui sibi non parum videntur sapere, sequi cogantur rudes & illitteratos sed sinceros; horum sinceritatem Deus præ illorum eruditione vult honorari.

Gen.  
c. 17.  
v. 1.

Abrahamo Deus plurimam gratiam factururus, hoc in vicem petiit: Ambula coram me & esto perfectus. Hoc idioma bilinguis non capit, nam etsi fingat se hac coram Deo ambulare, illac certe ambulat coram diabolo:

duplici



# DE BIFIDA LINGVA. 63

duplici graditur via, & ob hoc ipsum neutra bona, ut si quis velit in uno pultario pulcem albam & nigram coquere, neutram bene coquet. Sunt quidam bilingues, sed laude digni, ut qui paci restaurandæ, non excitandis litibus gemina lingua utuntur. Hi partes inter se dissidentes, quibuscunque licitis rationibus in pristinam concordiam student reducere. Neque vero aliud huic parti occurrunt, & aliud alteri, neque hanc ita deprimunt ut illam nimium extollant, utrique favent; quantum honeste possunt, & cum utraque ea solum agunt quibus animos jungant, & gratiam reconcilient. Hos bilingues nemo damnaverit, linguas enim suas quasi duplicant, ut ad consociationem reducant alienas. Linguæ Apostolorum igneæ sic fissæ erant, ut per eas diversissimarum linguarum gentes in unam Religionis consensionem componerentur. Bene ergo his bilinguis, sed male illis qui unum eundemque hominem, unam eandemque actionem & commendant & vituperant; audienti mel ingerunt, fel spargunt in absentem. Adulatorem bilinguis hac parte superat: Adulatori plerunque satis est, in os dixisse placentia, plurima laudasse, annuisse ad omnia: de cetero cavet, ne, quem tam molli sermone demulsit, incauto apud alios offendat. Primum illud bilinguis eximie novit, abblandiri, arridere, dilaudare amplissime: sed & istud insuper solet addere, obrectare à tergo, de absentibus pessime loqui, dictis prioribus omnia contraria dicere, ita eodem ore calidum & frigidum flare, idem tam facunde carpere, quam ante largiter deprædicaverit. Rannarum genium novisti? clamor illarum absensus procul auditur. accede ad paludem, & jam fere tacebunt. Ita quandoque bilinguis importunos clamores ciet; tonat, sævit, improbat,

probat, detestatur. Accede, & videbis quam lingua sit usus longe alia. jamque ad modestiam compositus, aut filebit ut rana, aut quem antea diris omnibus devovit, jam pæne attollet in cælum. En duas linguas diversissimas in uno eodemque homine, ab unis eisdemque faucibus. Sed obsecro, paululum ab hoc ore bilingui recede, & rana hæc importunissimos clamores iterabit.

Et videte mihi quam etiam parentes sæpe sint bilingues, cum se esse nesciunt. Filiolum habuit Aristomenes, sed delicatum & quem plus æquo amavit. Vt ergo spes familiæ ad alta cresceret, filio pædagogum dedit, qui primam ætatem moribus & litteris imbueret. Puer impatiens freni, monitori asper, nec amans litterarum, præceptoris industriam averfari, monita non audire, jussa non facere, optimas horas pessime perdere, arctiorem disciplinam molestissime ferre: sed & petulantia patronum quærere, graves querelas apud patrem deponere, præceptorem inusitata severitatis accusare, plagiarium, tyrannum appellare. Hic pater plane patrem se gessit, & filii querulam molliem castigavit, sed una lingua: utinam non & aliam linguam habuisset, qua dicta revocasset. Nam filio quidem præceptoris accusatori paullo severius: Heus, inquit, puer, vacandum est Musis, aut vapulandum; qui vapulare non vult, discat. O recte dictum, ô linguam bonam! Sed habuit Aristomenes linguam etiam alteram, vere bilinguis. Nam & pædagogum clam filio vocavit, &: Velim, inquit, mitius agas cum filio, puerum tenerum esse nosti: & sæpe plagis non docemur, sed efframur. sis lenior, & amari malis quam timeri.

O Aristomenes, ô vir bilinguis, quam bona fuit lingua prior, tam mala hæc altera:  
omnia



## DE BIFIDA LINGVA. 65

omnia corrupisti linguam sic duplicando. Ita severus & indulgens pater es, nigram & albam pulcem in eodem coquis pultario.

Attendite, bilingues, cælum vos odit & terra. Sufurro & bilinguis maledictus.

*Eccli.  
c. 23.  
v. 15.*

## CAPVT VI.

BLASPHEMIA *quam grave sit peccatum.  
& quam varie punitum.*

**F**Alluntur, inquit Valerianus, qui putant *S. Valerian.  
hom. 5.  
de oris  
insolentia.* nihil esse ferro robustius, nihil violentius veneno. Et quamvis ista in perficiendis mortibus habeant peculiare naturæ beneficium, cedunt tamen in contentione verborum. Nihil enim tam noxium aut malitiosum, quod non viribus ejus minus sit, si se incitata semel lingua commoverit. Multa sunt quidem humani corporis vitia & satis gravia, sed parum possunt consiliis viribusque suis, nisi sceleribus ornentur alienis. Crudelitas impietati servit, & portas inferorum cruenta mortis lege custodit. Quid falsitas posset, si cupiditas otiosa dormiret, &c. Singulare autem malum est Lingua, in qua tantum malitiæ subsultat, ut in perficiendo opere suo, alterius auxilium non requirat.

Vere tanti roboris quantæ nequitiae est, hoc alioqui non maximum membrum. Et hic impia se offert conviciorum jaculatrix BLASPHEMIA, quam & idololatrie invivam docent historiae: quid ni Christianae aures eam extreme abominentur? Divini voluminis seriem si percurramus, ubi non ea repressa & punita? Qui blasphemaverit non *Levit.  
c. 24.* Domini, morte moriatur.

Qui autem blasphemi sint, & quam graviter ac horrendè à Deo semper puniti sint, pluribus nunc differemus.

I. Non minus peccant, inquit Augustinus,

*Aug. in* nus, qui blasphemant Christum regnantem  
*c. 26.* in cælis, quam qui crucifixerunt ambulante  
*Matth.* in terris. Sacra pagina varie monet studio-  
 sissime cavendum hoc linguæ vitium, Deum  
 enim ori blasphemo minime parcere. Blas-  
 phemiam hic vocamus maledicentiam con-  
 tra Deum, aut Divos, seu verbum prolatum  
 in contumeliam Dei, eorumque qui Dei lo-  
*Chrys. in* co habendi. Chrysostomus blasphemum ho-  
*c. 7.* minem noscendum proponens: Si quis lu-  
*Matth.* pum, inquit, cooperiat pelle ovina, quomo-  
*hom. 19* do cognoscet illum, nisi aut per vocem, aut  
 per actum? Ovis inclinata deorsum balat,  
 lupus in aëra convertit caput suum contra  
 cælum, & sic ululat. Qui ergo secundum  
 Deum vocem Humilitatis & confessionis e-  
 mittit, ovis est: qui vero adversus veritatem  
 turpiter blasphemii ululat contra Deum,  
 lupus est. Quam vero severe Deus in hoc  
 genus hominum vindicet, exemplo ab uno  
*Levit.* licet discere. Juvenis Hebræus (cui mater  
*c. 24.* Israëlitis Salumitha, pater Ægyptius) jur-  
*v. 13.* gatus est in castris cum suæ gentis viro.  
*Ex. 14.* Cumque blasphemasset nomen Domini, adductus  
 est ad Moysen, qui eum in vinculis attineri  
 iussit, donec nosset quid eo fieri juberet Do-  
 minus. Ergo divinum oraculum super hoc  
 reo consultum, respondit in hæc verba: E-  
 duc blasphemum extra castra, & ponant  
 omnes, qui audierunt, manus suas super ca-  
 put ejus, & lapidet eum populus universus.  
 En, liquidissimam sententiam è divino tri-  
 bunalis in blasphemum: *Lapidet eum populus*  
*Phil.* *universus.* Eleganter de hoc & facinore, &  
*l. 3. de* supplicio Philo: Non modo Moysen, inquit,  
*Mosis* Dei amantissimum, verum etiam quemvis  
*vita.* mediocriter pium exasperare potuit istius  
 hybridæ blasphemiae, declinantis ad Ægy-  
 ptiacam patris impietatem, fastidito ritu ma-  
 terno. Et Moyses quidem amentiam perdi-  
 tam,



DE BLASPHEMA LINGVA. 67

ram, & immanem audaciam effervescentem miratus, quamvis generosa indignatione cuperet manu sua scelestum conficere, veritus tamen est, ne is ad hunc modum levior, quam pro merito, defungeretur supplicio; par enim tantæ impietati pœna ab hominibus inveniri non potuit, cum impius ille polluta lingua voceque ausus sit eum execrari, quem nec honoris quidem gratia fas est nominari ab omnibus. Ideo Moses, dum vinctum servari in carcere præcepit, suppliciter à Deo flagitabat, veniam daret oculis auribusque non sponte pollutis, simulque rogabat, quid oporteret pati inventorem sceleris nefandi, & inauditi ad eam diem. Deus sic consultus lapidari iussit, quod animam haberet blasphemus durissimam & plane saxeam; utque manibus totius gentis in unctionem avidæ sumeretur supplicium, quia non poterant aliter quam eminus ferire tot millia; & ut sanguis ipse illic sparsus horro-  
 ri esset omnibus, doceretque blasphemiam detestari. Sumpto itaque supplicio de blasphemæ linguæ homine, decretum divinum audiente omni populo, jussu Dei, proclamatum est istud: Homo qui maledixerit Deo suo, portabit peccatum suum: & qui blasphemaverit nomen Domini, morte moriatur: lapidibus eum opprimet omnis multitudo populi, sive ille civis, sive peregrinus fuerit. Qui blasphemaverit nomen Domini, morte moriatur. En, repetita sententia & calculo velut geminato blasphemus morti addicitur, ut qui perimendus simul & sepeliendus saxeâ grandine, tanquam cæli terræque odium ac probrum. Ah, mi Deus, si omnis jam blasphemia ad hanc normam expianda sit, quam frequentes cadent lapidei hi imbres!

*Libro.  
 supra  
 citato.*

II. Sed etiamnum mihi in mentem est  
 Hebræi

Hebræi iuuenis blasphemum os, in cuius expiatione hæc probius observanda.

1. Auditores blasphemix non riserunt, nec tacuerunt, sed eadem ipsa hora detulerunt reum ad iudicem. O Christiani, quoties inter vos litigantes & blasphemantes cum risu & applausu mutuo audiuntur? & is demum victor pronuntiatur, qui voces iactaverit atrociore.

2. Varii magistratus erant Iudæis: Decani, Quinquagenarii, Centuriones, Tribuni. Blasphemus iste ad supremum ducitur, tanquam in omnium gravissimo crimine prehensus.

3. Moses tanti momenti rem habuit, ut auctoritate sua nil ausus decernere, causam omnem ad divinum tribunal detulerit, inde responsum accepturus.

4. Deus ipse tulit sententiam Mosi exequendam. Saxeus & scelestus ille homo lapidandus fuit ab omni populo, ut omnes lapidis iactu testarentur, quam oderint blasphemiam, & quam faveant illi puniendæ.

5. Testes manus suas imposuerunt lapidando capiti, hoc ipsum attestati, hominem esse impium, maledictum, mortis reum. & Lirani sensu, hoc ei in os opprobrabant: Malitia tua adduxit te ad mortem, non nos.

6. Blasphemi hominis parentes studiose describuntur, qua gente, quo ortu, qua domo fuerint; mater etiam nominatur, ut hoc utrique æternum sit dedecus, quod filium nō in timore Domini educassent, & moribus imbuissent sanctioribus.

Theodo-  
retus  
Græca-  
nicar.  
99.  
a. 33.

Recte hic Theodoretus: Iure meritissimo, inquit, homicidii pœna & morte puniri vult Deus blasphemiam, blasphemus enim cum conditorem nequeat perimere ferro, lingua ferit. Ergo, *Qui blasphemaverit nomen Domini, morte moriatur.*

En,



# DE BLASPHEMA LINGVA. 69

En, tam atrox & immane facinus est blasphemia, ut quod Paulus de luxuria, hoc idem pæne de hac possit asseri, nec nominandam quidem esse. Eam certe patientissimi Iobi uxor improba nominare reverita: Benedic, inquit, Deo & morere. Bona scilicet mulier religioni sibi duxerat dicere, maledic Deo. De improba hac stultitia Gaudentius Brixianus: Stultissima femina, inquit, marito in remedium ærumnarum suadet mortem blasphemix debitam. Sed heu, blasphemantis furor non medelam doloribus præstat, sed cruciatum mortis accumulat, & illius quidem mortis quæ finem non dabit miseriis, sed exordium erit ad supplicia æternitatis. *Qui blasphemaverit nomen Domini, morte moriatur.*

Iam olim questus est Deus: Et jugiter *Is. c. 52* tota die nomen meum blasphematur. Im- *v. 5.* mane crimen blasphemia, nec tamen minus commune. Catalogum blasphemorum, quos sacra pagina enumerat, non percensebo. Abelis frater Cainus, diaboli discipulus, homicidarum & blasphemorum magister, exemplo pessimo præiens: Major est, inquit, iniquitas mea, quam ut veniam merear. Cui Bernardus respondens: Mentiris, inquit, ô *Bern. in Cant. serm. 11* Cain, major est enim Dei pietas quam quævis iniquitas. Culpam bene exaggerabat, sed male confitebatur, nec veniam flagitabat, sed scelus addens sceleri desperabat, quod blasphemia est in Spiritum sanctum. Putabat enim Deum aut nolle reo ignoscere, aut non posse. De hoc crimine diserte Christus: Qui autem, inquit, blasphemaverit in Spiritum *Marc. c. 3. v. 29.* sanctum, non habet remissionem in æternum, sed reus erit æterni delicti.

Discipuli Caini fuerunt Pharao & Nabuchodonosor, qui tamen resipuit, Holofernes, Antiochus, & ejus dux in bello Nicanor,

F quem

quem cum Iudæi rogassent, parceret sabbato, & honoraret sabbati Dominum qui cerneret uniuersa. Ad quæ blasphemus Nicenor: Quis ille sabbati Dominus, à quo hoc imperium? Respondentibus Deum esse, potentem in cœlo, & huic sacram esse diem septimam. At ille: Et ego, inquit, potens sum in terra, qui impero sumi arma, & negotium regis confici. Sed hæ voces per jugulum redierunt. Nam cum in prælio inter triginta millia suorum cæsa & ipse cecidisset, caput impii & manus cum humero abscissa Hierosolimam perlata sunt. Sed & linguam blasphemii Iudas Machabæus, avibus in cibum particulatim obsipari iussit, manus autem insani contra templum suspensa est. Hoc blasphemix præmium debebatur.

2. Mach.  
c. ult.  
v. 2.  
30.

Ita Iustinus I Imperator, anno primo imperii, blasphemio linguam radicitus evelli iussit, uti Euagrius & Nicephorus testantur.

4. Reg.  
c. 19.  
v. ult.

Rex Sennacherib ille blasphemorum signifer, ducenta pæne millia suorum militiæ amisit, quos omnes unicus Angelus nocte una necavit, vel ideo etiam, quia per cavillum dixerant: Hebræorum Deus, tantum est Deus montium non vallium. Morte stetit hic iocus. Liranus addit cæsorum ab Angelo cadavera in cineres redacta. Sennacheribus ipse, crudeliori fato servatus, tanquam indignus qui ab Angelo caderet, à suismet filiis in templo Nesroch occisus est.

En, tot centena millia ceciderunt in castris Assyriorum ob blasphemiam, & qui in castris Christianorum stare possit Victoria, ubi regnat blasphemia?

III. Taceo hinc blasphemos hæreticos. Hæreseos enim, sicut & Idololatriæ, genius est, scelesti lingua Deum violare. Manes hæresiarcha, Spiritum sanctum se esse ausus est dicere. David Georgius Hollandicus factor,

Bayon.  
1671. 2.  
anno  
277.



## DE BLASPHEMA LINGVA. 71

tor, præter vernaculum idioma aliud nullum  
calluit, & tamen è bibliis tantum profecit,  
ut filium Dei se assereret. Manetis discipuli  
panem in altum jacentes, ipsum & auctore  
ejus execrati sunt. Nota est lingua Iuliani  
apostatæ: qui bello Persico incerta sagitta i- *Ita Sa-*  
ctus, exclamavit: Vicisti, Galilæe, vicisti. & *romen.*  
cavam manū supponens vulneri, exceptum- *Rusin.*  
que inde sanguinem in aëra ejiciens: Naza- *Eutro-*  
rene, inquit, bibe, & saturare. Iscariotes, Do- *pius.*  
mini proditor, & Arrius Orbis impostor,  
miserabili partu simul & animam & viscera  
effuderunt. Anglus quidam Rendatus no- *Flori-*  
mine, asseruit Deum æque caussam esse pro- *mund.*  
ditionis in Iuda, quam conversionis in Pau- *Ram.*  
lo; non multo post in poenam dicti, suus ip- *l. 7. de*  
se carnifex, in suo cubiculo gulam laqueo *ortu hæ-*  
præfocavit. Simon de Tornaco Doctor Pa- *ref. c. 15*  
risiensis, ævo suo magni nominis, sed nō mi- *n. 3.*  
noris arrogantia, & parum continentis vi- *Thom.*  
tæ, ausus est publice dicere: Tres sunt qui *Canti-*  
Orbem miserunt sub jugum docendo, Mo- *prat. l. 2*  
ses, Christus, Mahometes; Moses Iudæos *c. 48.*  
infatuavit, IESVS Christianos, gentes Ma- *fine.*  
hometes. Vix hæceffatus corruit, & everfis  
oculis, instar bovis horrendum mugit. Ita  
domum delatus in morbo jacuit, jam etiam  
alphabeti ignarus. Illud singularis supplicii  
loco censendum, quod solam pellicem suam  
Aleydem nominare potuerit, æterno suimet  
probro: Boëtium de Trinitate juxta se po-  
situm, & quem pæne memoria comprehen-  
derat, nominare non potuit. Ita miser exa-  
cto triduo, pecudis instar obiit.

Alphonfus X Hispaniarum Rex, dicere *1. Lip-*  
ausus: Si principio Mundi ipse Deo adfuis- *sius in*  
set, multa melius ordinatiusque condenda *exempl.*  
fuisse. O miser, sapientia supra Deum es? *polit.*  
Lingua quo abis, mens quo abisti? Theo- *l. 1. c. 4.*  
phrastus Paracelsus, cum Basileæ vernaculo

idiomate publice medendi artem doceret ,  
 subinde dictitabat : \* Iuuet diabolus , si no-  
 lit Deus. Impium dictum, & ad futuræ re-  
 gna Proserpinæ relegandum. Deus nos præ-  
 cunctis animalibus lingua donauit, vocis in-  
 strumento tam nobili , & nos in Deum sic  
 pugnemus suismet beneficiis ? Et quamvis  
 non semper tam serii sumus, cum ejuscemo-  
 di dicta evomimus, hæc ipsa tamen petulan-  
 tia linguæ horrende sæpius vindicata est.  
 Deus nō irridetur, nec nos homunciones se-  
 cum, aut in se joculari finit. Qui jocos amat, cū  
 Deo aut de rebus divinis , obsecro , ne joco-  
 tur. Tam enim odit Deus hunc blasphemæ  
 linguæ vomitum, tamque severe advertit in  
 hæc talia oris vitia, ut ea nec in pueris quidē  
 aut infantibus dissimulet. Notum ē Grego-  
 rio Magno puerulum quinquennem male e-  
 ducatum , ejusmodi voces impias spargere  
 consueſſe. Cumque sæviante peste , hic eti-  
 am puerulus ea correptus eſſet , ac parentis  
 ſui brachiis & collo hæreret, teterrimos Æ-  
 thiopas duos ad abripiendum ſe adeſſe vidit,  
 & opem patris inclamavit. dum autem tre-  
 pidat pater, filius una cum verborum impie-  
 rate animam ejecit. Non omnibus ad ſeram  
 vindictam dormitat Deus.

Narrat Gregorius Turonensis , Aurelia à  
 Gothis obſeſſa, Anianum urbis præſulē, cum  
 omni ſacerdotum numero intra mœnia ob-  
 iſſe, & litanias cantafſe. Audiens hæc ſacer-  
 dos apud Gothos captivus : Fruſtra hæc, in-  
 quit , Aniane ; ſi tu putes hoſtem cantibus  
 arceri poſſe. hæc eadem nec aliis urbibus  
 quidquam profuerunt. Audierunt Superi ſe  
 rideri : nec impune tulit has voces miſer ,  
 quas morte ſubita luit. Huic accenſendus

Olym-

\* Will Gott nit helfen / ſo helff  
 der Teuffel.



# DE BLASPHEMA LINGVA. 73

Olympius Arrianus episcopus, qui in balneo *Paulus*  
 scelestâ lingua sanctissimam Triadem viola- *Diac.*  
 vit, mox eos dolores sensit, perinde si triplici *l. 15. in*  
 telo confossus animam ageret, ita defluente *Ana-*  
 carne expiravit infelix. Anno Christiano *stasio.*  
 quingentesimo decimo.

Ad ista in Deum convicia pertinet, asserere, Deum peccati causam & auctorem, rigidum nimis & crudelem esse, qui pro noxa momentanea supplicium inferat æternum: Aut omnigenam Dei scientiam negare, pro-  
 ut illi: Quid novit Dominus, ajunt, & quasi *Io. 3*  
 per caliginem judicat. Nubes latibulum e- *c. 22.*  
 jus, nec nostra considerat, & circa cardines *v. 13.*  
 cæli perambulat. *c. 14.*

I V. Inter homines ingratus est in suum conditorem blasphemus. Linguam enim quam accepit in divinas laudes amplissime laxandam, hanc solvit in gravissimam conditoris contumeliam. Deinde blasphemus inter eos numerandus est, de quibus beatus Paulus: Rursum crucifigentes sibi- *Hebr.*  
 metipsis filium Dei, & ostentui habentes. *c. 6. v. 6*  
 Imo Augustinus: Minus est, inquit, offendere Christum in cruce pendentem, quam *Aug. de*  
 in cælo sedentem. Nam illi crucifixerunt eum *verb.*  
 quem non agnoverunt, hi maledictis confis- *Apost. serm. 15*  
 gunt illum, quem optime agnoscunt. Ideo hi tales proxime absunt à damnatis, quorum hoc unum negotium est, & dirissima pati, & assidue conditorem execrari. Horum regnum factum est tenebrosum, & comman- *Apoc. c. 16.*  
 ducaverunt linguas suas præ dolore, & blasphemaverunt Deum cæli præ doloribus & vulneribus suis. *v. 10.*  
 Æternum damnatorum carmen est, Deo maledicere, quod qui tam mature canere assuevit, videat ne semper canat. *c. 11.*

Hoc flagitium non tantum lex divina gravissime damnat, sed & lex Ecclesiæ in blasphemos sic statuit: Qui maledixerit sive

blasphemaverit Deum, vel matrem Dei, aut sanctos, septem diebus Dominicis stet sine calceis & pallio, lorum à collo dependeat. His septem hebdomadibus quovis die Veneris pane & aqua jejundet, nec templum ingrediatur. Quolibet etiam dictorum dierum tres pauperes reficiat, si facultates suppetant. Quod si renuat hæc subire, ingressu templi arceatur, & post obitum sepultura privetur. Lex etiam civilis punit blasphemos, quod gravius sit (uti lex loquitur) æternam quam temporalem lædere maiestatem, atqui graviter punitur qui conviciis regiam violat maiestatem in homine, gravius ergo puniendus, qui divinam afficit contumelia. Ideo Chrysostomus: Si regem terræ, inquit, blasphemantes, puniri oportet, multo magis regem cæli contumelia afficientes.

*C. de  
hære. l.  
Gaza-  
ros.*

*Ioannes  
Nyder.*

*Io. Ny-  
der. l. 4.*

*Formic.*

*c. 3.*

*propius  
finem.*

Superioris ævi theologus rem æterna memoria dignam commemorat in hunc modum: Rupertus Imperator, anno millesimo quadringentesimo electus Rex Romanorum, puræ conscientie tam amans, quam exactæ iustitiæ, ad urbes Imperii cœpit revisere. ita Spiram venit, & cum eo proscriptionum non exiguus numerus. Is enim Germaniæ mos erat, ut civitatibus extorres, cum Imperatore velut affectæ tam magnifici agminis, urbem subirent qua eiectioni. Idem hic contigit, veniæ per complurium principum preces impetrandæ. Cæsar auditis proscriptionis causis, partes suas interponere solebat cum delectu exulum. Ita & Rupertus Imperator accersitis Consulibus, omnium eorum qui suæ tutelæ favore urbem ingressi essent, causas prius audire voluit, quam eis reditum exorare. Varia hic crimina allata, ob quæ cives illi solum vertere iussi essent. Inter hos fuit civis Spirensis vir non infimæ familiæ. Huic reditum in urbem urbis proceres & magna

cognat.



# DE BLASPHEMA LINGVA. 75

cognatorum caterva impetratum voluit. Imperator, quænam exilii causa fuisset, sci-  
scitatus. responsum est hominem ludo inca-  
lescentem aliquoties impias voces in Deum  
jecisse. Hic religiosissimus Imperator in di-  
vinum honorem exardescens: Pro omnibus,  
inquit, rogaverim, ut recipiantur urbe, hoc  
solo in exilium remisso. Nam alii, ô viri,  
deliquerunt in homines potissimum, iste ve-  
ro in Deum: ceteris igitur omnibus, si pla-  
cet, parcite: hic in locum, quo dignus est,  
denuo exulatum abeat. Iure merito hic u-  
nus rigidiore, quam alii, censura notatus est.  
Certe & Iustinianus imperator capite san- *In An-  
thent.*  
xit in tales. Ludovicus IX sanctissimus *l. 4.*  
Rex Galliarum, edictum perscripsit, cum *c. 14.*  
pœna & iudicio, ut blasphemis inhonoro *Constit.*  
stigmatate labra inurerentur. Fuit ut vir no- *77.*  
bilis in hac noxa reus deferretur ad regem. *Paulus*  
Plurimi erant qui precibus infimis insiste- *A Em-  
lius l. 7.*  
rēt, ut infame cauma liceret alia pœna com- *hist.*  
mutare. Surdus ad has preces Rex: Ego ip- *Franc.*  
se, inquit, honori mihi ducere vel mea fron-  
te hoc signum recipere, modo vel hac ratio-  
ne damnatissimum istud vitium regno meo  
pellerem. Philippus VI Valesius blasphemū  
tribus horis publico loco numellis inferi, &  
in spectaculum exponi iussit, ita ut fas om-  
nibus esset, eum testaque lutoque petere.  
Philippus II Rex Galliarum & Imperator  
vivo patre coronatus, primum in blasphe-  
mos mandatum edidit, ut citra mortem in  
flumen excuterentur. Hæc lex Metis etiam-  
num pristini vigoris est. Alterum Philippi  
decretū fuit in moriones, parasitos, histrio-  
nes aula ejiciendos.

Sane olim consuetum blasphemorum  
præmium fuit, maledicam linguam assercu-  
lo clavis affigere, & una cultrum dare reo in  
manus, quo se liberaret ut posset. Anno mil-

lesimo quingentesimo sexagesimo nono Argentorati duo milites præsidarii in vincula rapti, horum alter Deum, alter ducem conviciis inceserat : & huic quidem nulli, illi vero plurimi erant deprecatores. causa tamen discussa, ille qui Deum execratus est, lingua prius extracta, capite plexus est; mitius actum cum altero.

Beatus Paulus hac in re videri potest severior, qui reos non carnifici sed diabolo tradidit. Ipse hoc affirmans : Ex quibus est inquit, Hymenæus & Alexander, quos tradidi Satanæ, ut discant non blasphemare.

1. Tim.

c. 1.

v. 20.

Robertus Galliarum Rex laudatissimus Hugonis Capeti filius, regni sui pacem à Deo petiit. Huic Christus visendum se præbens : Pacem, inquit, non impetrabis, Roberte, priusquam blasphemias & flagitia omnibus nota, regno extirpaveris. Hinc liquet non tantum à Deo puniri hos maledici oris homines, sed totas sæpe domos, urbes, provincias, totos exercitus horum sceleribus involvi : ideo nusquam tolerandi, à nemine hospitandi, multo minus ad officia & dignitates extollendi sunt. Ratio est : Blasphemi Turcis & Iudæis deteriores, qui saltem aures obturarunt, & vestes lacerarunt, cum talia audierunt, tanquam si lugubri hoc gestu profiterentur cor sibi præ dolore pæne rumpi. Blasphemi peiores hæreticis, qui loquuntur de Deo quæ vera credunt, at illi contra conscientiam de Deo effutiunt, quæ sciunt æterno silentio sepelienda. Sed & idololatriæ subinde peiores blasphemi : idololatria suum Deo honorem aufert, blasphemia insuper etiam infert contumeliam, uti Romani mortalem Christum crucifixerunt, quem non agnoverunt, hi configunt regnantem in cælo quem agnoscunt. Illi si cognovissent, nunquam dominum gloriæ crucifixissent.

1. Cor.

c. 6. v. 8

Blas-



DE BLASPHEMA LINGVA. 77

Blasphemi nec suo quidem domino parcunt, & altricem Dei manum quæ panem porrigit, commordent: Christi tormenta renovant, vulnera ampliant, corpus & sanguinem maligni oris spuma contaminant: Spiritus blasphemiae non remittetur. Ideo Deo amicus non erit, qui non his inimicissimus fuerit. Et hic verissimum illud: Qui non corrigit refecanda, committit.

V. Sed ô quantum inter Christianos huius flagitii foret refecandum, si serio res ageretur? Reperias non impios milites, nec Belonæ, sed Minervæ & litterarum alumnos, qui tam immanes evomunt execrationes, ut nemini mirum videri posset, si terra illis dehisceret. Omnia Christi sacramenta, Orbis elementa, omnia Christi vulnera, crucem, angores, cruciatus, omnia cæli fulgura & fulmina in eos cogunt numeros, ut illis ludus & jocus sit centies centena, aut, tricies millies millia vel fulminum, vel sacramentorum, vel vulnerum ore impio jactare. & cum numeri deficiunt, stellas & sidera ad numeros vocant, & iis triremes, turres, maria, imo & tartarum implent, ut nemini non serio improbi videantur. Et quoties audiuntur talia, & dissimulantur? non est qui mutiat vel verbulum. Quisque auditorum secum cogitat; frustra hæc accuso, si non duos minimum testes produco: quod si resciaur me sceleris detecti fuisse auctorem, vix vitæ securus agam. Ita divinum honorem convelli frigidissime dissimulamus, nec curamus alieno nos scelere involvi. Hinc maxima ejuscemodi vitiorum impunitas. Quæ autem loquendi libido in apertum non evolabit, aut occultatione proposita, aut impunitate, aut licentia? Ideo Deus præsentissimo quandoque supplicio in hanc linguæ nequitiam vindicat. Anno millesimo quingentesimo

octogesimo Oliverius Tempelius, vir militiæ gnarus & acer, Bruxellæ præerat, quæ tunc quoque in alias partes iverat, non capta sed decepta. Iste imminebat oppido Hallis assidue: quas, cum Hannonia & Artesia, restitutas jam regi audiebat. Bis igitur tentat, eo audacius quod & finitima oppida sue potestatis essent; & in ipsis Hallis vix quadraginta novelli milites, qui tuerentur. Primo die repellitur, & callide, quasi omisso incepto abit: sed in animo aliud versat, & clam conductis in unum præsidiis, vires auget, & inopinatus sub noctem sequentem redit. Et jam cum scalis & reliquo apparatu, in via, ut fit, incedunt alacres, mutuo sese adhortantes. Erat inter copias Ioannes Svvyckius, homo non religionis solum & vitæ improbus, sed & linguæ. Is canere jam triumphum & jactitare palam, *se suis manibus Hallensi muliercula* (Dei parentem intelligebat) *nasum abscisurum*. Itur porro, pervenitur: quid factum? Diva audierat, & quasi talionis poenam machinata, procurat glande plumbea, inter primas excussa, illi ipsi scurræ nasum auferri. Poenam habuit, & irrisum inter ipsos commilitones perpetuum meruit: qui idem titidem hominem monebant, Porro Hallas iret, & nasum suum reciperet.

Sed & alter in eadem expeditione, Ioannes Rysselmannus, immaniore etiam sævitia, & ore tetriore effuderat: Sacratam se statuam Bruxellam adducturum, atque ibi igne subiecto publice crematurum. Deus revera, Deus (mitissimam Virginem hic omitto) audiit, & illi impio blasphemum os ac mentum tormenti ictu abstulit, & paullo post ipsam vitam.

Triginta anni sunt, ex quo Batavi Beatissimæ Virginis Sichemiensis sacellum expilarunt, ab eo tempore plurima illorum retro ferri



DE BLASPHEMA LINGVA. 79

ferri cœpere, nam Ostendam ac Bredam oppida munitissima amiserunt, & multa gesserunt infelicitè. Inter illos autem Mariani sacelli prædones eques erat in equo cæco, qui ubi jam sacello vicinus, per risum & contumeliam dixit: *Si Maria hic miracula facit, oculos reddat equo meo.* Audiit virgo blasphemum, & mox visus restitutus est equo, eques vero excæcatus. Id ante mortem, & in morte ipsa confessus est equitis illius commilito, qui ob aliud crimen VVerteti extremo supplicio affectus est, quod ipsius VVertensis Prætoris litteræ testantur.

Rex Nabuchodonosor, ubi tres Hebræos juvenes in illis mitissimis & jam frigidis flammis vidit, edictum conscripsit in hæc verba: \* A me positum est hoc decretum, ut omnis populus, tribus, & lingua, quæcunque locuta fuerit blasphemiam contra Deum Sadrach, Misach & Abdenago, dispereat, & domus ejus vastetur. Hanc sententiam in blasphemos dixit Nabuchodonosor, quos non in nervum compingendos, in carcerem contrudendos, aut catenis vinciendos, sed vita privandos, & capite plectendos, illorumque ædes subruendas præcepit. Durius videtur hoc magistratui? primum delictum mulctetur ære, adjuncta ignominia. redit reus? gravius puniatur. necdum se emendat? noxam pelle luat. Sic VVormaciæ anno millesimo quadringentesimo nonagesimo quinto in Comitibus decretum, ut si blasphemus Deum ut injustum, aut non veracem conviciis incessat, corpore id luat; si Christi tormenta aut vulnera, auri marcam rependat; si pauper sit, de tergo illius detur supplicium. Bonæ leges, sed mali mores nondum exulant.

Nescitur quandoque origo cladis in domo, urbe, provincia enatæ: si indageretur, plerunque unum ex his tribus caput mali de-

*Ad P.  
Corneliū  
de Lapi-  
de. Vide  
hunc in  
cap. 24.  
Levitici,  
fise.  
\* Dan.  
c. 3.  
v. 96.*

prehen-

2. Reg.  
c. 12.  
v. 14.

prehendetur, aut egenorum oppressio, aut luxuriæ, aut blasphemix peccatum. Et sæpe cum nos ipsi Deum & divina non violamus dictis, ad id tamen faciendum aliis causa sumus, aut exemplo malo, aut conniventia nimia: Ita Nathan Davidi veniam scelerum denuntians: Dominus transfudit peccatum tuum, inquit, non morieris. Veruntamen quoniam blasphemare fecisti inimicos Domini, propter verbum hoc, filius qui natus est tibi, morte morietur. Ipse quidem rex David blasphemus non fuit, sed geminato flagitio plurimos offendit, & ansam præbuit pessime loquendi, ideo nullis neque precibus, neque lacrimis, sed neque jejuniis ullis vita prorogari potuit Betsabees filio.

Iraque sollicitè quivis caveat, ne hostibus Dei, corrupto videndi genere det causam, religionem & Deum vituperandi. Et nunc quid adversæ partis quotidiana cantilena est: En Papicolarum mores: en præsules, canonicos, sacerdotes, monachos illorum, quam nec caute nec caste, quam nec vigilanter nec sobrie vivant! Hinc audax religionis contemptus. Veruntamen, quia blasphemare fecisti inimicos Domini, &c: viderint tales quid agant, Sic & patresfamilias id unice caveant, ne hæc linguæ pestilens in suis ædibus grassetur, nec ullus alteri sit hac in re offendiculo. non tantum non perjuriam, sed nec juramenta sunt toleranda: neque solum blasphemix, sed omnes verborum contumeliæ domibus eliminandæ sunt: ab his ad illas facilis est transitus. Ad id nos exhortatus Paulus: Nunc autem, inquit, deponite & vos omnia, iram, indignationem, blasphemiam. Blasphemos plerunque non sua morte defungi, præcipitata sæpius funera nos docuerunt. Lento ac laneo pede graditur vindicta divina, sed tarditatem poenæ gravitate compensat,

Coloss.  
c. 3. v. 8



DE BLASPHEMA LINGVA. 81  
fat, & subito ferit quos diu toleravit impu-  
nitos. Optime Guilielmus Peraldus : Quem *Perald.*  
admodum, inquit, blasphemi, filii diaboli ea *tom. 2.*  
cantica discunt in mundo quæ canant in in- *Sum.*  
ferno : ita filii Dei divinis laudibus affueti, *Vii.*  
eos psalmos addiscunt in terris, quos canta- *tr. 9. c. 1*  
bunt in cælis.

## C A P V T V I I.

BLASPHEMIA jure denuo flagellatur, & dicta  
firmantur exemplis.

**C**hrysoftomus linguam impiam non im-  
merito *Vehiculum diaboli* appellat, nam u-  
bi ater ille auriga ex Orco conviciis, execra-  
tionibus, blasphemis vehiculum suum one-  
ravit, illo contra Deum vehitur, tanquam si  
opprobret Deo : En, tui homines rationis  
compotes, à te conditi, ut te omnibus pro-  
bris ac maledictis figant, quantis verborum  
contumeliis te lacerent! me crebrius vocant,  
familiarius me invitant, animas mihi suas  
transcribunt & oppignerant : plurimorum  
hominum linguæ, mea sunt esseda & plau-  
stra, variis oneribus recipiendis apta, his ego  
curribus sublimis eo, & Orbem peragro.

Nimis quam veri sunt hi plausus Satanz.  
Lingua, quam Christi currum triumphalem  
esse convenit, ea sæpissime carpentū est dia-  
boli, qui eo utitur in Dei contumeliam. Hoc  
autem stygius veterator potissimum assequi-  
tur blasphemia, de qua priore dissertatione  
loqui cœpimus. Iam cœptum sermonem de  
hac ipsa linguæ rabie prosequemur.

I. Tortuosus ille coluber, pessimus pata-  
disi orator, ut nostrum omnium matrem sui  
consilii faceret patientem : Nequaquam, ait, *Gen.*  
morte moriemini, scit enim Deus quod in *c. 3. v. 5*  
quacunque die comederitis ex eo, aperientur  
oculi vestri, & eritis sicut Dii, Hic Rupertus  
Tui-

Tuitiensis : En , inquit , quomodo nequissimus impostor , altissimum Deum sibi simile facere contendit. mendax ipse & invidus , mendacii , & inuidiæ insimulare vult Deum : Nequaquam , ait , moriemini ; aliter est atque Deus vobis dixit ; scit enim vos sibi æquales futuros. Vnde enim ortam putatis hanc tam rigidam interdictionem , nisi ab invidia , ne sitis sicut ipse est ? En auctorem ipsissimum blasphemiae , de quo Chrysostomus : Diabolus , ait , linguam habet , qui ut diabolus loquitur. Ad inferos damnati in omnem prorsus æternitatem Deum execrabuntur : hic illorū perpetuus psalmus , nullum unquam habiturus finem est. Quod si tartarum omni alio dolore vacet , hoc uno supra omnem modum terreat. Quilibet bonæ mentis homo dixerit : Ergo ego conditorem meum , Dominū ac Deum meum æternū blasphemē ? De quibusdam sanctissimis viris monumenta publica testantur , eos vel hoc nomine inferorum ergastula summe horruisse , & potius omnia cupivisse perpeti , quam Deum ea ratione semper detestari. Blasphemia proprie Orcinum idioma est , neq; enim aliud ibi vel clamatur , vel canitur , vel ploratur quam blasphemia. Ita ut si quis in Orbe hoc nostro audiat Deo aut superis maledicentem , jure illi objiciat : Vere tu ex illis es ad inferos dejectis aut deijciendis , nam & loquela tua manifestum te facit.

Hoc vitium extra ceterorum orbitam pæne abit , nam summa temeritate Deum ipsum invadit. Graviter ille offenditur , cujus subditi læduntur : ille vero gravius , cujus domesticæ servi ; præ ceteris tamen injuriam sentit , qua filii aut filiæ afficiuntur : gravissime tamen omnium is læditur , cujus persona violatur , & quo ista dignior , hoc & injuria major : atqui Deus infinitæ , inæstimabilis digni-



## DE BLASPHEMA LINGVA. 83

dignitatis est , ergo & injuria Deo illata quamcunque aliam excedit infinite.

Hoc vitium omnium vitiorum inutilissimum , quid enim utilitatis habet aut voluptatis , ore insano in cælum & superos baccari ? Ad alia vitia pertrahimur voluptate , quamvis illa spurca sit & homine indigna : quid autem hic oblectationis est , instar amentis & furiosi verba impia in Deum cælestesque jacere ? nequitia est sterilissima.

Hoc vitium precari non finit , qua enim ratione blasphemus dicat : *Sanctificetur nomen tuum* , qui hoc ipsum sanctissimum Dei nomē mille maledictis convellit, & aliis etiam auctor est ad idem audendum.

Hoc vitium non male nominetur libellus famosus in Deum : hac noxa rei si quiprehenduntur, jure graviter luunt. Augustinus ratione concludens : Cum probrum jacitur, inquit, in principem patriæ bonum atque utilem, nonne tanto est indignius, quanto à veritate remotius , & à vita illius alienius ? quæ igitur supplicia sufficiunt, cū Deo fit ista tam nefaria , tam insignis injuria ?

Cruce sanguine Christi purpurata tantæ fuit virtutis , ut juxta illam latronum alter, eodem omnino die è sua cruce migrarit in paradysum : illum tamen alterum crux ad rogos misit æternos , id merentem ; dixerat enim : Si filius Dei es , saluum fac te ipsum , & nos. O miser, pro verbis poenitentiae, verbis superbiæ blasphemasti , & crucifixus crucifixum fædius sauciasti, quam ipsi qui crucifixerant ! In hanc rem opportuna erit hæc narratio.

Vir honestus & pius templum aditurus multo mane, cauponam transiit, in qua ebrii juvenes præteritam noctem computationibus & lusibus sepelierant, & quod lusoribus familiare est, atroci blasphemia Deum offenderant.

*Aug.  
l. de civ.  
Dei.  
c. 9.  
fine.*

*Ioan.  
Herold.  
Promp.  
de Blasph.*

derant. At vir ille in via hominem conspexit multis vulneribus & quidem recentibus deformem. Exhorruit ad tam subitum & miserabilem aspectum, & , quæ humani ingenii cupiditas est , ignoti causas indagare , quæsiuit , à quonam mortalium tam immaniter esset habitus ? Huic saucius respondēs : Ab iis , inquit , qui in proxima taberna hanc noctem temulentia & blasphemis pervigilarunt. His vocibus ad indignationem accensus vir ille. mox tabernam ingressus, è potatoribus illis , mascula fronte percontatur , quam ex causa miserum illum hominem sub dio iacentem tam crudeliter tractassent ? Iuvenes potulenti velut expergefacti hac voce , neminem à se vulneratum ea nocte , constanter affirmant. At ille constantius ; His oculis meis , inquit , & his auribus meis fidem negare non potestis. Ergo egressi una omnes neminem usquam reppererunt. Inde turbati animis , & conscientia impellente crediderunt, blasphemiam inter ludendum toties repetita, Christum à se sauciaturum esse.

II. Enimvero non semper vulnera Christus accipit à blasphemis , frequenter etiam infert. Duo una luserant : alter ubi advertit inauspicatissimum sibi lusum esse, & omnem à se pecuniam ad alterum abire , contumeliosam linguam in Deum cœpit solvere. Hunc socius maligniore fidere afflatus, joco comescens : Sile, inquit, artis hujus magister non es. & velut præiret voce , Deum Deique matrem horrendis blasphemis cœpit incessere. Illico vox ruit : Injuriam meam dissimulavi ; matris mææ ulciscor. Et repente miser ad mensam letali vulnere afflatus, spumans evomuit animam. Nec multo mitius punitus est vir nobilis. Hic quotidianam pæne aëris intemperiem nimis intemperanter tulit, cumque alias iterum procellas

immi-

*Cæsar*  
*Heister-*  
*bach.*  
*l. 7.*  
*Hist.*  
*c. 44.*

*Idem*  
*l. 4. hist.*  
*c. 21.*  
*initio.*



## DE BLASPHEMA LINGVA. 85

imminere cerneret, graviter excandescens: En illic, ait, diabolus se denuo attollit. Vix verbum ore abiit, & cælum omne mugire, fulmen cælo ruere, & filiolum blasphemi in nutricis sinu ferire ac extinguere, incolumi nutrice. Sed & alia ejusdem viri nobilis ædificia vi cælesti quassata, & jumenta misere vexata sunt, ut disceret non blasphemare. Huic affine quod idem scriptor recitat.

Comes Fulkenfis, hæreseos fidelis patronus, cum castrum quoddā quereretur amissum, in eam erupit blasphemiam (ita nimirum gratias agebat) ut dicere nō vereretur: Velit nolit Pontifex, velint nolint superi omnes, ego terras meas recipiam. mox equo lapsus miserum in modum torquebatur. Ita domum delatus, cruciari se dicebat pedum dolore incredibili, qui certis incrementis augescens, ad ipsum usque pectus cœpit serpere: Sola supererat lingua, quæ officio suo fungi poterat. Sed tam alienus erat miser ab omni exomologesi, ut malis suis tabescens infelicissime expiraret:

*Discite justitiam moniti, & non temnere divos.*

Anno Christiano millesimo quingentesimo octogesimo Vercellis in Italia juvenis <sup>Bentius in annuis literis dicto anno.</sup> quidam amore ludi & alexæ insaniebat. Quodam die vespere cum haberet domi collusores, orta est, ut sæpe fit inter eos contentio. Cum hic pejerans audacius veluti liti finienda: Ne vivam inquit, invadat me malus dæmon, ni hoc ita se habet. Visus jecisse fulmen. Eodem vestigio temporis totum cubiculum intremuit, & terra umbra ante oculos oberrans circum parietes apparuit: metu ille exanimatus in terram cadit. Vbi primum ad se rediit, multo magis pavidus & vecors conscientia, veniam à Deo ejusq; Matre suppliciter petit, votoque obstringit curandi sacri in proximum diem beati Nicolai

colai Tolentinatis, pedestrisque itineris, religionis causa ad Varalli montem suscipiendi. Nihilominus fuliginosa volitat effigies circum cubiculum, & lucernam conatur extinguere : at socii terribili spectro crucem ligneam, quacunque ferretur, opponere. Ab hora altera noctis ad diluculum usque formidolosa ducavit pugna : ita aleatores, renovantes subinde oleo infuso, ne deficeret lumen, æquaverunt nocti, tuleruntque in lucem non ludum, sed timorem : tum vero audito matutino signo salutationis Angelicæ, nocturnum monstrum, quod omnes terruerat, in suas tenebras recessit, consternatorum magis oculos quam animos relinquens. Ad templum illico juvenis exanguis properat, nec satis securus sibi visus, nec ante carere metu, quam peccatorum vinculis absolveretur. Minatur Deus, terret, punit varie, ut demum voces impias dediscamus.

Guil.  
Baldef.  
l. 3.  
Stim.  
vitt.  
c. 21.

Guilielmus Baldesanus fideli narratione dicta confirmans : Superioribus annis, inquit, vir religiosus & gravis mihi narravit, in Mediolanensi provincia juvenem fuisse, ut genere sic & vitiis nobilem. Hic cum in contentione cum socio venisset, gladio rem decernere voluit. In ipso congressu impium aliquid in matrem Dei effudit. Mox adfuit ultor, & à tergo & à fronte, Deus. nam iustissimus iudex permisit ut os illud in divinx matris injuriam apertum, eo ipso temporis articulo, interciperetur adversarii gladio, tam ad punctum vibrato ictu, ut ipsis lingue radicibus convulsis, & transfixo palato conciderit mortuus. I nunc, & discite, quod

It. c. 3.  
v. 1.  
Eccli.  
c. 27.  
c. 23.

Paulus monet, neminem blasphemare. Qui in altum mittit lapidem, super caput ejus cadet. Idem hoc hēdecasyllabis sic breviter descriptum est:

Rixari duo cœperant ephēbi,  
Et jam mutua fecerant in hoste

strictis



*Strictis vulnera luculenta verbis :  
 Blasphemam interea movere linguam,  
 Et Magnam nihil alter in parentem  
 Horret frendere : non inulta Virgo  
 Hoc tulit. Iuvenem relinquit hosti.  
 Hostis sacrilegam volante telo  
 Figit, stirpitus eximitque linguam :  
 Credo hac impia lingua post fletat.*

*Ioan.  
 Niesi  
 Alpha.  
 diab.V  
 Blasph.*

O miser, cui exprobrasti, & quem blasphemasti? contra quem exaltasti vocem tuam, <sup>4. Reg. c. 19.</sup>  
 & elevasti in excelsum oculos tuos? contra <sup>v. 22.</sup>  
 sanctum Israel, contra matrem Domini. Docuit iniquitas tua os tuum, & imitaris linguam blasphemantium Tibi ad Christi tribunal rationem reddituro jure merito dicitur illud: Condemnabit te os tuum, & nō e- <sup>Iob c. 15.</sup>  
 go, & labia tua respondebūt tibi. Ita nunquā <sup>v. 5.</sup>  
 habuit claudicantem blasphemia vindictam. <sup>v. 6.</sup>

Quod vero narrant de gallo gallinaceo cocto & dissecto, redivivo tamen, collisisque <sup>De hoc Vincen- tius</sup>  
 alis jusculum in blasphemorum ora effundente, cujus attactu, quotquot aderant, leprosi <sup>25.</sup>  
 puniti sint, non refello, sed fidem penes auctorem esse jubeo. <sup>c. 64.</sup>

III. Ex dictis observandum primo, quædam subinde dicta videri nobis jocularia, quæ tamen blasphemias proxime accenseantur. Regis Sennacheribi milites dicebant, Deus Hebræorum non est vallium, sed montium duntaxat Deus, hoc illis futilis jocus videbatur, sed ob hanc oris temulentiam, ad interneccionem omnes cæsi sunt. Ejusmodi complura sunt dicta, quæ leviter & per ludum prolata, gravissime punita sunt. Ideo Paulus ad Titum: Admone illos, in- <sup>ad Tit. c. 3.</sup>  
 quit, principibus & potestatibus subditos <sup>v. 1.</sup>  
 esse, dicto obedire, ad omne opus bonū paratos esse, neminem blasphemare. Hieronymus: Absolute neminem, inquit, non tantum non Deum, sed nec Angelum, nec hominem,

nec ullam rem creatam : omnia quippe quæ à Deo facta sunt, valde bona sunt.

Observandum secundo, complures sanctissimorum virorum maluisse omnia potius perpeti, quam vel voculam unicam contra Deum edere; nulla iis tanta calamitas est visa, quæ vel verbum extorqueret liberius in Deum iactatum, Iobus extremis mergebatur angustiis, ferrea super eum stabant nubila, solatii aut spei nihil affulgebat, diabolus ipsam etiam conjugem in illum immittebat quæ diceret : *Benedic Deo, & morere*. Perinde si dixisset : *Execrare Deum, & transi ad plures*. credidit forsan maritum vita privandū, si Deo malediceret. Et tamen tam calamitoso nec verbum excidit impatientius. Vtinā & inter Christianos, cū calamitatibus exercentur, hæc oris moderatio vigeret : Est cum audias contrarium. Ægroti subinde tam impares sunt ferendis doloribus, ut dicere non vereantur : Nunquid me sibi Deus metam posuit, ad quam omnes sagittas suas ejaculetur ? si vivos homines glutissem, tantū supplicii vix meritis essem : crediderim mei penitus oblitum esse Deum. Cavete, Christiani, cavete : improbi sunt hi latratus in divinam providentiam. Homo qui maledixerit Deo suo, portabit peccatum suum.

*Iob c. 2  
v. 9.  
Levit.  
c. 24.  
v. 15.*

Tarsensis Paulus quid laboris & periculorū nō subiit, quoties vinculis & plagis multatus, quoties gravissima quæque passus, & quotidie pæne, ipso teste, mortuus, non tamē quidquā blasphemi protulit, sed illud cū ingenti fiducia sæpius dixit : *Gaudeo in passionibus meis : nō solū, sed & gloriamur in tribulationibus*. Polycarpus, Apostolorum ævo sanctissimus martyr, in more positū habuit, ut hæc linguæ probra audiens diceret : *Quibus, mi Deus, temporibus me reservasti ? talia ego in te dici audiam ? Cumque ad ignem*  
dam

*Euseb.  
l. 4. hist.  
Eccles.  
c. 15.*



DE BLASPHEMA LINGVA. 89

damnandus urgeretur, ut si vitam vellet salvam, Christū malediceret; in hæc verba respondit: Octoginta & sex annis ipsi servio, & nihil me unquam læsit, quomodo ergo possim maledicere regem meum qui salutem mihi dedit? Ita flammæ constātissime tulit.

Observandū tertio, quanta Dei sit bonitas & patientia. Innumeras Deus quotidie blasphemias audit, & tamē fulminantem dextrā continet, Angelos conditoris injuriam vindicare paratos cohibet, incredibili longanimitate poenitentia expectat. Pone hominē vel mitissimū in folio tam sublimi, nec ad horā ultricia fulmina continebit tam gravibus injuriis laceffitus. Deus tacet & dissimulat. Hæc Ps. 49. fecisti, dicet, & tacui. Ideo graviter monet v. 20. Siracides: Ne dixeris, peccavi, & quid mihi Eccli. accidit triste? Altissimus enim est patiēs red- c. 5. v. 4 ditor, & in peccatores respicit ira illius. Hoc sensu beatus Ephrē: Quousq; tādē, inquit, ex- Ephr. acerbamus eū qui tanta nobis bona donavit? paranesi

Observandū hīc quarto, quod Augustinus 43. æquissima censura perstringens; Raro jā in- Aug. veniuntur, inquit, qui lingua blasphemāt, sed trād. multi qui vita. Oras forsā, & Deo gratias a- 17. in Ioan. gis, at cibo potuq; te farcis. Ecclesię leges negligis, quod Deus præcipit, omittis; voce laudas, vita blasphemias. Nō aliter ac si duo musici convenient cantaturi, quorū alter quidē quia sobrius, ex arte admoduletur, alter vero quia ebrius, incondite & omnibus Musis a- versis canat, concentus erit plane absurdus & fæde dissonus. Ita nos sæpius: preces nostrę in templo bonæ sunt, hic Angeli sumus, & dulce modulamur; at facta nostra domi pessima sunt, hic philautia ebrii absurdissime canimus, aut potius ululamur. Optime Tobias: Maledicti erunt, inquit, qui contempse- Tob. rint te, & condemnati erunt omnes qui blas- c. 13. phemaverint te. Ergo, mi Deus, nomē tuum v. 15. ab omnibus sanctificetur.

A. Pe-





# C

- A.** *Perillus artifex Phalaridi tyranno ea solertia bovem aneum fabricavit, ut homo in eum inclusus, ad subjectum ignem velut bos mugiret. CONSILII MALI premium hoc tulit. Phalaris ei precipiens: Tu, inquit, primus artis tuae capies experimentum. Vide C VIII. §. II.*
- B.** *CONTENTIOSAM Linguam representant duo isti qui litigant. Vide C. XIX totum.*
- C.** *Cornix Aquilam laceffens CONVICIANTEM Linguam adumbrat. Vide C. XI totum, maxime §. IV.*

## CAPVT VIII.

*De Lingua maligne CONSVLENTE ; simul dictum explicatur , Consilium malum consultiore pessimum.*

**I**Sidorus, omnia quæ loquimur, hoc discrimine iudicat æstimanda. Aut enim bonum bene loquimur, aut malum male loquimur ; Aut bonum male ; aut malum bene proferimus. Bonum bene narramus , si, ut Paulus præcipit, quæcunque sunt vera , quæcunque  
*Phil. c. 4. v. 8* pudica, quæcunq; iusta, quæcunque sancta , quæcunque amabilia , quæcunque bonæ famæ, si qua virtus , si qua laus disciplinæ , in sermonem adducimus, idque submisce, reverenter , modeste. Malum male in verba digerimus , cum flagitium suademus , cum ad improbitatem impellimus ; hæc res & voces detestandæ. Bonum effertur male , cum decentia quidem, sed arroganter, sed volantibus & fastuosis vocibus proloquimur, cum ampullamur , & sesquipedalia verba jactamus. nam etsi quis mulsum & rosas loquatur , si verbis desit modestia, & mulsum & rosæ evanescunt. Malum bene profert, qui de vitiis differit , & sordidas ineptias crepat, sed vocabulis utcunque honestis utitur. Pleræque vitiosæ linguæ hanc sermonis varietatem omnem exprimunt, id solum nesciunt , bonum bene commemorare. Inter linguas vitiosas summæ auctoritatis est Maligne CONSVLENS, hæc enim non tuguria tantum & casas, sed curias , palatia , regumque turres inquinat. Maximorum malorum mater est lingua hæc, nisi non solum perite, sed & sancte optimaque fide gubernetur. De hac igitur Lingua maligne CONSVLENTE differimus ,



feremus, illudque cum primis explicandum :  
Consilium malum consultori esse pessimum.

I. Luculentissime dixit Siracides : Fa- *Ecclesi.*  
cienti nequissimum consilium , super ipsum *c. 27.*  
devolvetur , & non agnoscet unde adveniat *v. 30.*  
illi. Qui in altum mittit lapidem , super ca- *Eccl. 28.*  
put ejus cadet &c : & qui foveam fodit, in- *Eccl. 29.*  
cidet in eam : & qui statuit lapidem proximo, offendet in eo : & qui laqueum alii ponit , peribit in illo. Quisquis ergo principi , quisquis regi , imperatori malum suggerit consilium , in sublime jactat lapidem ; sed caveat, recidet lapis, & suasoris caput feriet : foveam effodit , sed primus illam implebit. Consilium malum consultori pessimum. Atque hoc sapienter & vere videtur Hesiodus dixisse, Malum consilium rem pessimam esse consulenti, fit enim Numinis permisso (quod iterum ac sæpius testata est experientia ) ut mala consilia in auctoris perniciem vertant , & unde fraus profecta est, illuc cum damno revertatur , quod sexcentis testimoniis firmari potest.

Cum in Pannonia Solimannus Herculiam urbem, seu , Budam ab incolis desertam occupasset , arcem vir strenuus & exactæ fidei Thomas Nadaustus defendit, & servasset etiam, ni turbasset miles, clamassetque deditio- nem. Nam cum Nadaustus solus persisteret in fide , milites arreptum vinxerunt , & in carcerem contruserunt , arcem dediderunt hosti. Promiserat quidem Solimannus militi securum abitum castro tradito : at audita hac in ducem sævitia , omnes trucidari jussit, ducem è vinculis abire saluum. Quam luculenter de his talibus prædixit regius vates : In laqueo isto quem absconderunt, *Psal. 9.*  
comprehensus est pes eorum ; cognoscetur *v. 16.*  
Dominus judicia faciens. Consilium ma- *Eccl. 17.*  
lum consultori pessimum.

Marius , tyrannorum septimus ævo Gal-  
lieni Cæsaris , uno die factus Imperator , al-  
tero visus imperare , tertio occisus est à mi-  
lite , qui illum gladio confodiens : Hic est ,  
inquit , gladius quem ipse fecisti. Fuit enim  
Marius antea machæropœus. Nimirum fa-  
ber quas fecit compedes, gestavit.

*Sponda-  
nus ,  
anno  
571.*

Non minus suis artibus periit Regis Lon-  
gobardorum Alboini conjux , Rosimunda.  
Hæc marito cædem machinata est ob hanc  
causam. Alboinus Veronæ in convivio jam  
hilarior , merum propinari iussit è poculo  
quod craneum fuit Chunimundi , qui pater  
fuerat reginæ. Illa parentis necem altius ad-  
mittens animo, & vindicatura, Helmigem &  
Peredeum in Alboini necem instigavit. Post  
mariti cædem , Helmigi juveni ejus gentis  
nobilissimo impie nupsit, regnum illi astrue-  
re conata. Ceterum spe sua decepta, Verona  
Ravennam secundo Athesi aufugit cum gaza  
regia & sponso. Hic illa novo connubio  
Longini Exarchi plecta , venenum priori  
sponso miscuit , obtulitque è balneis egres-  
so. Sensit ille confestim poculo nondum e-  
poto, pestem membris receptam, placideque  
in conjugem conversus : Tu , inquit , quod  
reliquum est, bibe. Negat illa se potu egere,  
ac quo acius recusabat, eo juvenis impetius  
id poscere , & jam minas hortationibus mi-  
scere ac ferrum intentare. Tum illa metu  
subacta, etsi conscia veneni, hausit tamen po-  
culum à se dilutum , atque una cum eo ex-  
tincta est. Lacum aperuit , & effodit eum ,  
& incidit in foveam quam fecit.

*Psal. 7.  
v. 16.*

Idem ille, quem dixi, Imperator Soliman-  
nus in expugnanda Rhodo , opera prodito-  
ris usus , cui post partam victoriam , filiam  
cum dote grandi spondit. Vicit, at pactis  
sic stetit. Filiam produci iussit ornatissimā ,  
& ad hominem ; Videsne, inquit, quod pepi-  
gimus ?



DE MALE CONSVL. LING. 95

gimus? at mali conjuges eritis, nisi tu intus  
& in cute Musulmanus, hoc est, fidelis sis.  
Quare, non tantum tuus tibi Christus negandus, sed pellis etiam Mahumetana est inducenda. Et mox misero cutem diripi, sic excarnificatum in lectum sale conspersum abjici jussit. Inter hæc tormenta exhalavit infelix. In hunc etiam vaticinium Davidis aptissime cadit: Convertetur dolor ejus in *ps. 7.*  
caput ejus: & in verticem ipsius iniquitas *v. 17.*  
ejus descendet. Consilium malum consultori pessimum.

Explicatissime dixit Salomon de Lingua tam maligne Consulente: *Suis consiliis saturabitur.* Tarpeja Romana virgo; Capitolium *Prov. c. 1.*  
Tarpeji patris custodiæ commissum proditura Sabinis, in mercedem petiit quicquid finistris brachiis gestarent, armillas intelligēs, quas illi aureas gemmatasque lævo brachio ferebant. Annuerunt illi, jamque arce Capitolina potiti, virginem armillarum & scutorum congestu obruerunt & necarunt. Aurum & armillas appetiisti, en auri affatim est; saturare tuis consiliis. Ita Senonum dux Brennus, Demoniam mulierem, quæ aviditate monilium, quibus ille spectabilis erat, Ephesum illi prodidit, urbem ingressus jam victor, tanto auro feminam oneravit, ut studio vivam oppresserit. Ergo, & tu, ô misera, tuis consiliis saturare. omnis in te felicitas convolat, votorum tuorum summam attingisti, imbres tibi fluunt aurei, excipe, saturare. En etiam feminas habemus testes, Consilium malum consultori esse pessimum.

II. Diomedes Rex Thraciæ suis equis hospites suos apponebat laniandos (si fides Tragicis) demum & ipse ab Hercule laniatus datus est illis ipsis convivis. Ita supplicium, quod in alios fuerat commentus, multo justius ipsemet expertus. Huic recte jungitur  
Perillus

*Valer.* Perillus Atheniensis , ænei tauri sævus in-  
*l. 9. c. 2.* ventor, qui execrabilem illam machinam ex  
*inter ex-* ære sic fabrefecit, ut ea inclusi subditis igni-  
*terna,* bus, longo & abdito cruciatu mugitus edere  
*Plin.* cogereantur, ne illorum ejulatus vocis hu-  
*l. 34.* manæ sono expressi, Phalaridis tyranni mi-  
*c. 8. an-* te finē. sericordiam implorare possent. Sed tantæ  
 diritatis ultio nihil cunctata est. Nam ipse  
 artifex bove hoc æneo inclusus, tam dete-  
 stabile artis suæ opus, sui supplicio primus  
 imbuat, & mugit ut bos, qui hominem in-  
 ventu tam crudeli exuerat. Ita oportuit, ut  
 Consilium malū consultori esset pessimum.

*Claudia.* Quod Claudianus, ille poëtarum ocellus, e-  
*l. 1. in* leganti expressit metro :

*Eutrop.*

*Quam bene dispositum terris, ut dignus iniqui  
 Fructus Consilii primis auctoribus instet !  
 Sic multos fluvio vates arente per annos,  
 Hospite qui caso monuit placare tonantem  
 Inventis primum Busiridis imbuit aras,  
 Et cecidit sævi, quod dixerat, hostia sacri.  
 Sic opifex tauri, tormentorumque repertor  
 Qui funesta novo fabricaverat ara dolori  
 Primus, inexperto Siculo cogente tyranno  
 Sensit opus, docuitque suum mugire juvenem.  
 Nullius Eutropius, quam qui se protulit ante,  
 Direptas possedit opes, nullumque priorem  
 Perculit exilio; solumque hoc rite peregit,  
 Auctorem damnare suum —*

Agrippina Neronis mater tot flagitiorum  
 consultrix, extremum & ipsa filii sævitiem  
 perpeffa est, suis saturata consiliis. Sic Iusti-  
 na Imperatrix, quæ sacerdotibus exilia &  
 desertissimas insulas minabatur, post varios  
 eventus cum filio in fugam versa, exilium  
 prima ipsa, quod aliis intentabat, coacta est  
 tolerare. Ita Euthymius Ambrosio exilium  
 paravit, domo juxta templum ad id condu-  
 cta, & curru ad Ambrosium repente abdu-  
 cendum disposito, Tandem elapso anno Eu-  
 thymius

*Baro-*  
*nus &*  
*Sponda-*  
*nus*  
*anno*  
*387. è*  
*D. Pau-*  
*lino, qui*  
*vitam*  
*Am-*  
*brosii*  
*scripsit.*



thymius ipse, eodem prorsus die, quo Ambrosium abripere cogitarat, & ex eadem domo, eodemque curru in exilium deportatus est, ipso nihilominus Ambrosio victus necessaria subministrante. O infelix Euthymi, lacum aperuisti & effodisti, & incidisti in hanc ipsam foveam quam fecisti. hoc uno tamē felix es, quod eum nunc altorem amicissimum experiaris, cui tamdiu insidiabaris ut hosti.

Anno millesimo octogesimo quarto Henricus III Imperator degebat Romæ. Hic in Aventinum montem se recepit, ubi beatæ Mariæ Virginis ædem frequentabat. Invitatus loci opportunitate homo nefarius è plebe, qui necem Imperatori moliebatur, prægrande saxum in transeuntis caput devolvere cogitabat. Sed dum occasionem captat, dum saxum parat movetque, ipse cum saxo præceps devolvitur, & occumbit. In hunc longe verissime Siracides pronuntiavit : Et *Eccli.*  
qui volvit lapidem, revertetur ad eum. Huic *c. 26.*  
tali merito precatur regius psalter : Veniat *v. 27.*  
illi laqueus quem ignorat, & captio quam *Psal. 34*  
abscondit, apprehendat eum. Nempe malum *v. 8.*  
consilium consultori pessimum. Et hujus quidem dicti originem Noctium Atticarum scriptor sic recenset : Statua Horatii Coclitis in Comitio Romæ posita de cælo tacta *Gellius*  
est. Ob id fulgur piaculis luendum haruspi- *l. 4.*  
ces ex Hetruria acciti, inimico atque hostili *Noct.*  
animo in populum Romanum, instituerant *Attic.*  
eam rem contrariis religionibus procurare. *c. 5.*  
Ideo statuum illam suaferunt in inferiorem locum perperam transponi, ubi eam sol oppositu aliarum ædium nunquam illustraret. Quod cum ita fieri persuassissent, delati ad populum proditiq; sunt; & cum de perfidia confessi essent, necati sunt : constituitq; eam statuum, proinde ut verè rationes post com-  
pertæ

pertæ monebant , in locum editum subducendam. Tunc igitur, quod in Hetruscos haruspices male consulentes animadversum vindicatumque fuerat , versus hic scite factus , & à pueris Romæ urbe tota cantatus est : Malum consilium consultori pessimum est.

*Plin.  
l. 35.  
c. 10.  
med.  
fere.*

Apelles , ille pictorum Deus apud Ptolemæum regem gratia parum valuit. Sciverunt hoc æmuli , & fraude subornarunt sycophantam qui Apellem ad regis Ptolemæi cenam vocaret. Stitit se invitatus conviva , adfuitque tempori, cum rege, ita putabat, cenaturus. At Ptolemæus rex convivam non vocatum mirari , frontem contrahere, indignari, demum interrogare : Ecquis ad mensam vocasset ? imo & vocatores suos ostendere, ut diceret à quo eorum invitatus esset? Apelles cum illorum neminem reum cerneret, carbonem è foculo extincto arripuit , & imaginem in pariete delineavit , eaq; ante sycophantæ vultum expressit, ut Ptolemæus ex inchoato protinus agnosceret , quem hominem designaret. Ita detectus impostor in casses incidit , quos alteri tetendit. Consilium malum consultori pessimum.

*Cardan.  
l. 11. de  
rerum  
varietate.  
c. 53.* III. Atque ut incepto perstemus , Hieronymus Cardanus rem inauditam narrat hoc modo : Antverpiæ inter duos contentio fuit ; alter nomen habuit Simon Turca, iste Ioannes Baptista Deodatus. Rixa inter eos suborta, à verbis uterque ad ferrum & arma profiliit. In pugna Simonem Baptista secundum faciem vulneravit. Conditis demum gladiis , amicos se fore promiserunt , sed simulata pace. Non multo post tempore Baptistam Simon qui læsus fuerat , in hortum suburbanum , amœnum sane viridarium invitavit. Prius autem cathedram illic seu sellam collocavit, eo artificio factam, ut quam primum



DE MALE CONSVL. LING. 99

primum aliquis sensum se recepisset, sella sponte clauderetur, & sessorem arcte undiq; constringeret. Baptista Deodatus nil fraudis suspicatus, insuper humanissime invitatus, ejusdem commercii nomine (nam ambo erant Lucenses, ambo mercatores) in hortum exiit. Simon hospitem honoris causa priorem sedere iussit. Paruit; sedit. Mox vinculis ferreis undique constrictus; unde subsidium peteret, non habebat. Simon stricto gladio: Iam es, inquit, in manibus meis improbe: eo te pertraxi, quo volebam. Ille veniam petere, per omnia sacra rogare, per omnes cœlites obtestari, & supplicare. Frustra clamores, frustra fuerunt preces. Simon multis prius vulneribus affectum, præsertim ejus vultu (quia ipse in illo læsus) fecte lacerato, hominem misere vociferantem confodit. Non latuit flagitium, quantumvis tectum & arcanum. Nam Simon eventu inopinato deprehensus, in eadem omnino cathedra, totidē etiam vulneribus ante confectus, Perilli exemplo, supplicium quod excogitavit, sustinuit. O vere verissime dictū: Consilium malum consultori pessimum. *Ve- Psal. 34*  
nit illi laqueus quem ignorabat, & captio *v. 7.*  
quam abscondit, eum apprehendit.

Perrinus è Calvinì schola homo factio- *Flori-*  
sus, ex ara sacrum lapidem in quo Christi *mund.*  
corpus offerri consueverat, in infamem sup- *Ra-*  
plicii locum, ubi rei plectebantur, transferri *mund.*  
curavit, ut deinceps maleficorum sanguine *l. 7. de*  
tingeretur. Non putabat miser se primam *Ortu*  
fore victimam ad hoc altare immolandam. *hare-*  
Sed neque hic aliter evenit: Consilium ma- *sum*  
lum consultori pessimum fuit. Perrinus ad *c. 17.*  
hunc ipsum lapidem capite truncatus est. *n. 2.*  
Sic & Eutropius qui Arcadio Imperatori à *Suila,*  
cubiculis fuit, homo flagitiis coopertus, ma- *verbo*  
gistratus vendebat, milites calumniabatur, *Eutro-*  
senatum *pius.*

senatum variis contumeliis afficiebat, eos qui in templa confugissent, comprehendi iubebat, legem incredibili supercilio dictabat, qua illos vel ab aris abstrahere permissum esset. At ea lex promulgata est, cum pessimi consilii tyrannis suum tetigit auctorem. Nec enim multo post Eutropius, Imperatore offenso in templum confugit ad aram, sed inde sua lege abstractus, & noctu capite plexus est. Ita Goliathus suo gladio periit; ita gigas Ægyptius sua hasta occisus est à Banaja. Ita Saul suo ense cecidit, quem Davidis jugulo toties intentavit; ita Pharao ipse sibi pessimus consiliator: Ecce populus filiorum Israel, inquit, multus & fortior nobis est. Venite, sapienter opprimamus eum. Oppressus ipse, Oceanum pro sepulcro habuit, qui ipsis pæne astris minabatur. Sic & Aman, ille Assueri regis oculus, suam ipse crucem, quam Mardochæo statuerat, suo corpore vestivit, dignissimum hac trabe funus. Exitium impendebat ab Ammane Hebræis omnibus: ferales litteræ jam valvis pendebant, jam laqueus omnium jugulis hærebat, jam machæra cervicibus imminebat. Subito Dei iussu sors vertit, & omnis in auctorem suum recidit calamitas. Crux altissima Mardochæo fixa, Amanem amplexa est, Hebræorum jam jam pereuntium ingenti plausu. Nimirum facienti nequissimum consilium, super ipsum devolvetur, & non agnoscet unde adveniat illi.

Ita Roboam rex, spreto senum consilio, imperitos juvenes consiliarios secutus, à v. 1. sperrime populo respondit, & duo regna fecit ex uno, irreparabili clade.

Ita rex Hanon à pessimis consiliariis miseric. 10. & sere infatuatus, jus gentium in Hebræis legatis violavit. At caro steterunt temeraria hæc consulta. Nam præterquam quod trigelies

1. Par.

c. 11.

v. 23.

Exodi

c. 1.

v. 9.

c. 10.

Esth.

c. 7.

v. 10.

Eccli.

c. 27.

v. 30.

3. Reg.

c. 12.

à v. 1.

ad 17.

2. Reg.

c. 10.

1. Par.

c. 19.



DE MALE CONSVL. LING. 101

gesies centena millia aureorum in militem  
expensa, idque sine ullo effectu, imo cum de-  
trimento maximo, militum insuper octo-  
ginta septē millia ab ipsius parte occisi sunt,  
fugatis ceteris. In tanta mala præcipitavit  
florens regnum illa, ut sic dicam, consultif-  
sima temeritas.

Quid memorem Architophelem qui Da- <sup>2. Reg.</sup>  
vidi regi ab arcanissimis consiliis, velut ora- <sup>c. 16.</sup>  
culum adorabatur. Vbi vero Absalonem de- <sup>17.</sup>  
generem filium pessimis consiliis armavit in  
patrem, sua ipsius consilia primus luit, & in-  
fami laqueo vitam abruptit. Nempe suis con-  
siliis saturatus est. Ita prorsus, qui operit o- <sup>Prov.</sup>  
dium fraudulenter, revelabitur malitia ejus <sup>c. 26.</sup>  
in consilio. <sup>v. 26.</sup>

An non Chaldæi principes in Hebræum  
Danielem consilia iniquissima struxerunt?  
Foveam foderunt innocenti, sed eam ipsi ca-  
daveribus suis oppleverunt, imo quod mire-  
ris, nec cadaveris quidem pars relicta est, quā  
carnifex unco traheret. Si vires & initium  
spectes consiliorum, quæ Daniele præcipi-  
tarunt in leoninum cayum, fatendum erit:  
Periit insons Daniel, jam lata est sententia,  
leonum dentibus lacerandus est Daniel: imo  
jam abripitur, ad belluas pertrahitur, præci-  
pitatur. Sed post omnem desperationem re-  
perit innocentia defensorem. Inter impa-  
stos leones, velut inter innoxios agnellos  
tutissimus fuit Daniel: ita illæsus è fovea i-  
terum emerfit; improbi consilii satores eo  
præcipitati, antequam solum contingerent,  
jam leonum dentibus hærebant. Nempe  
malum consilium consultori pessimum. Lu-  
culentissime de his ipsis dictum dixeris: La-  
cum aperuerunt, & effoderunt eum, & inci-  
derunt in foveam quam fecerunt.

IV. Pari exemplo vindicata est à calum-  
nia Susannæ pudicitia. Duo vetuli iudices,  
H nobile

*Dan.*  
c. 13.  
*toto.*

nobile par nebulonum, capitalem noxam infonti altruxerant ; sed scelestissimi consilii convicti, capitale supplicium in se verterunt. Ita & hi fabri quas fecerunt compedes , gestarunt.

*2. Mac.*  
6.9.

Quæ non consilia in Iudæos coxerat improbus rex Antiochus , jamque Hierosolymæis arcibus imminebat , omnia in unam tumuli congeriem redacturus. O miser! tu ne Palæstinæ metropolim solo es æquaturus ? nec vermiculis quidem è tuomet corpore ebullientibus resistere valebis. Eadem agitarat consilia facinorosus Nicanor , in universam Isacidarum gentem. Decreverat certe nonaginta Iudæos talento vendere. Sed improvidus consultor triumphum cecinit ante victoriam, cæsus fugatusque. Et tu Nicanor, fodisti foveam & incidisti in eam.

Plutarchus memorat, Melios populos cum solo ampliore indigerent , ex insula sterili abiisse, Nymphæo juvene coloniæ ducendæ præfecto. Decretum autem erat , illic habitare, Deo jubente, ubi naves, quibus veherentur, amitterent. In Cariæ littora delati , naves tempestate convulsas amiserunt. Cares qui Cryassam urbem incolebant , sive illorū miserati, sive audaciam veriti, secum eos habitare jusserunt, & agri sui parte impertiverunt. Melii à Caribus tam benigne suscepti, agros sibi assignatos lætis successibus coluerunt. At Cares peregrinam gentē brevi temporis spatio , nimis incrementis auctam videre, & invidere fortunam, atq; de illa comprimenda cogitare : habuitque ea res seriam deliberationem. Hoc denique conducibile visum , Meliorum primores ad convivium vocatos , ubi mero incaluisent , trucidare. Consilium hoc quantumvis arcanum virginem Cariam, cui Caphena nomen, nō latuit. Hæc Nymphæo Meliorum duci civium suorum



rum consilium aperuit, monuitque insidias cavere. Quocirca & Nymphæus cum suis consilium prensat, qua ratione sicarios in suum jugulum conductos præverterentur. Re deliberata convivas se stiterunt Melii, sed una cum uxoribus, quarum veste abdebant arma. Cena ad umbilicum perducta, tesseram dederunt Cares aggrediendis jam & obtruncandis Meliis. Nymphæus ad rei gerendæ articulum attentissimus, suos fortiter iussit agere. Hic Melii gladiis uxorum fide subministratis, barbaros adorti universos interfecerunt, agro & urbe illorum potiti, à quibus interficiendi fuere. Et hic quoque consilium malum consultoribus fuit pessimum: suis consiliis saturati sunt Cares, & ferrum quod aliorum cervicibus acuerunt, suis receperunt. Adeo nihil in sacris, nihil in profanis vulgatius, nihil quotidianis experimentis testatius, quam malos malis consiliis male perire. Eleganter dixit Petrus Chrysologus: Fremit dolositas se *Chrysol.* decepta, & in se fraus reversa colliditur. *He. serm.* rodes stridet, cadens ipse in laqueum, quem *152.* tetendit. In altum tendens cadit ab alto, cælum pulsans intrat profundum, in se vadit qui vadit in Deum. Nemo unus facile inventus est hactenus, qui mali consilii malum eventum non & ipse senserit. Astutos Deus *Iob c. 5.* apprehendit in astutia eorum. Optime Augustinus: Prorsus fratres mei, inquit, ita create, ita certi estote, ita si est in vobis excel- *Aug. in ps. 7.* lentior prudentiæ ratio, videte atque perspicite: nemo malus quin prius sibi ipse noceat. Consilium malum consultori pessimum. Dicta consignans sapientissimus Ecclesiastes: Qui fodit foveam, inquit, incidet in eam, & *Eccles. c. 10.* qui dissipat sepem, mordebit eum coluber. *v. 8.* Qui transfert lapides, affligetur in eis, & qui *v. 9.* scindit ligna, vulnerabitur ab eis.

## CAPVT IX.

*Cesareorum, Regiorum, Principalium; omnium deniq; sacrorum & politicorum senatorum ac Consiliariorum CONSVLTRIX Lingua formatur, firmaturque contra lapsus.*

*Esli.  
c. 1.  
v. 12.*

*Iudith  
c. 2. v. 3*

*Prov.  
c. 11.  
v. 14.  
& c. 12  
v. 18.*

*Ambros.  
l. 3.  
offic.  
c. 15.*

*Sarisb.  
l. 5. Po-  
licrat.  
c. 1.*

**M**iror equidem vehementer Assuerum potentissimum regem adeo dominum iræ fuisse, ut licet gravissime in reginam Vasthi excandesceret, in eam tamen non prius animadverterit, quàm procerum suorum sententiam exquisivisset. Luculente sacer scriptor: Iratus rex, inquit, & nimio furore succensus, interrogavit sapientes, qui ex more regio semper ei aderant, & illorum faciebat cuncta consilio, scientium leges ac jura majorum. Sed & Nabuchodonosorem miror turgidissimi supercilii monarcham, deliberatum sibi bellum nō ante coepisse, quam consiliarios omnes, ducesque bellicos super ea re consultantes audiisset. Nam, quod sacra pagina testatur, Vocavit omnes majores natu, omnesque duces & bellatores suos, & habuit cum eis mysterium consilii sui, dixitq; cogitationem suam in eo esse, ut omnē terram suo subjugaret imperio. Nimirum, salus ubi multa consilia. Est enim lingua sapientum sanitas. Dissipantur cogitationes ubi non est consilium, ubi vero sunt plures consiliiarii, confirmantur. Præclare Ambrosius: Pecunia, inquit, facile consumitur; consilia exhauriri nequeunt. Hæc usu augentur, pecunia minuitur, & cito deficit.

*Parvi arma sunt foris, nisi consilium est domi.*

Consilium autem collatum, quo in plures diffunditur, eo redundantius manat, & in suum fontem recurrit. Adeoque verissime Ioannes Sarisberiensis: Impossibile est, inquit, ut salubriter disponat principatum, qui non agit consilio sapientum. **Con-**



## DE CONSVLTRICE LING. 105

Consiliarios Ducibus, Regibus, Imperatoribus, civitatibus, provinciis, regnis plane necessarios esse, nemo est qui sapiat & dubitet; quales sint necessarii, à nostro instituto alienum est fuisse disceptare. Hoc unum hic agimus, ut Consiliariorum linguas à lubrico abducamus, firmemusq; contra lapsus. Quare, ut hoc ordine faciamus, & cum venia vestra, eruditissimi, nobilissimi viri, septem duntaxat Aphorismos in medium dabimus, CONSVLTRICIS linguæ directores. Non facile delinquet lingua Consiliarius, senator, quicumque demum suasor, qui septemplex hoc documentum ausus fuerit non respuere.

APHORISMVS I. Consiliarius secreti tenacissimus sit, privataque cum aliorum principum legatis colloquia vitet.

2. Consiliarius Linguam Audacem abhorreat, Modestam assumat.

3. Consiliarius tam linguam Ancipitem quam Præcipitem summe caveat.

4. Consiliarius Lingua Pervicace careat, Constante vigeat.

5. Consiliarius Adulatoriam linguam excretur, sectetur Veracem.

6. Consiliarius Linguam Argenteam extreme oderit.

7. Consiliarius ante omnia Linguam habeat Liberam.

Has leges rogamus, has figimus tabulas, consiliariorum ac senatorum omnium linguis. Quam autem hæ sanctiones, & rationi, & sapientum vocibus, & sacris voluminibus, & omnis antiquitatis consuetudini sint congruæ, nunc paullo explicatius trademus.

I. APHORISMVS PRIMVS filere docet jubetque fidelissima taciturnitate secretum tueri. Principis aut Reipublicæ consilia enuntiare, est Principem aut Rempublicam prodere. At res rara est inter multos,

*Tacitus*  
*l. 1.*  
*histor.* silentium. Illud hic remedii est, ut quid faciendum sit, multi judicent, quid facturus sit princeps, pauci sciant, aut nulli. Ideo tam nescire quædam consiliarios, quam scire oportet. Taciturnitas optimum est tutissimumque administrandæ rei vinculum. Sacramentum regis abscondere bonum est. Apud Persas certe in consiliorum societatem nemo venit, nisi taciturnus & fidus: & è veteri eorum disciplina, Regum arcana cum vitæ periculo custodiebantur. Et vera vox  
*Tobia*  
*c. 12.*  
*v. 7.* Curtii est: Res magnæ ab eo sustineri non possunt, cui tacere grave est. Ægyptii hac in re severi, quibus lex erat linguam ei abscindere, qui arcana Reipublicæ detexisset, cum merito dici possit proditorem secretorum, regnorum proditorem esse. Neque ab hoc multū abest, qui privata cum aliorum principum legatis colloquia init; proditionis certe suspicionem incurrit. Romani cruce aut rogo tale genus piaculi multarunt. quamvis supervacanea videri potuerit hæc lex apud eos, quorum curiam sic clauserat silentium, ut non dicam unum, sed neminem audisse crederes, quod tam multorum auribus fuerat commissum. Enituit hac in re virtus  
*Valerius*  
*l. 3. c. 3.* Pompeji, qui dum legationis officio fungeretur, à Gentio rege interceptus, cum senatus consilia prodere juberetur, ardenti lucernæ digitum admovit cremandum, eaque patientia regi simul & desperationem tormentis quidquam ex se cognoscendi excussit, & ambiendæ apud populum Romanum amicitiae cupiditatem magnam ingeneravit. Notum Papyrii apud matrē tam silentium, quam lepidum ac festivum mendacium, quo curiæ secreta tegerentur. Nota vox Cæcili Metelli: Si scirem, ajebat, hanc vestem mei consilii consciam esse, protinus eam exuerē, & in flammæ abjicerem. Non stultitiam  
solum



solum sed & perfidiam suā prodit, qui Rei-  
publicæ arcana continere nescit. O quanta  
regna & exercitus steterint, si steteret lin-  
gua sui non oblita ! Prædicanda sane Spi-  
rensis curiæ lex est : In senatu dicta, gesta,  
judicata æterno silentio tegunto ; nihil in-  
jussu Cæsaris revelanto. Scitum utile ac ne-  
cessarium. Nihil illi tuto committitur, nec  
omnino consiliis admovendus est, cui oc-  
cultæ principum vita ipsa potiora non sunt.  
Profecto cum iis minime communicanda  
sunt consilia, qui instar dolii in plurimas ri-  
mas fatiscentis, ea quæ infunduntur, conti-  
nere nequeunt. Merito rex Syriæ molestis-  
sime tulit, sua hostibus consilia patere, quod  
tamen nullius regi consilarii vitio evenit,  
sed Deo Elisæo vati rem patefaciente. Hoc  
quia rex ignorabat, se suaq; omnia hostibus  
prodita ratus, convocatis servis suis, ait :  
Quare non indicatis mihi quis proditor mei  
sit apud regem Israël ? dixitque unus servo-  
rum ejus : Nequaquam domine mi rex, sed  
Elisæus propheta, qui est in Israël, indicat  
omnia verba quæcunque locutus fueris in  
conclavi tuo. Ergo consiliarius silere discat,  
ne proditor fiat.

**II. APHORISMVS SECVNDVS.** Con-  
siliarius linguam Audacem abhorreat, Mo-  
destam assumat. Audacia consilia mutandis  
rebus, quam servandis aptiora sunt. Audac-  
cium consiliorum auctores reprimuntur, si  
quod ore suadent, manu prosequi cogantur.  
Nulla tamen his reprimendis efficacior ra-  
tio, quam dictorum rationem exigere. Hic  
illi aut in vado hærebunt, aut absurdiora re-  
spondebunt. Imprudentis namque dicti ra-  
tio longe solet esse imprudentior. Dubium  
sit, plusne noceat nimis cautus, an nimis au-  
dax consiliarius. Ajunt in curiis consiliarios  
triplici fere discrimine censerî : quosdam il-

4. Reg.  
c. 6.  
v. 11.

Vide  
quæ  
de Lin-  
gua Re-  
velante.  
c. 18.

lorum à litteris innataque prudentia atque ab experientia, non multum præsidii adferre ad tantum munus, hoc uno valere, in dicendo esse omnium audacissimos : alios vero tam lectione quam auditione rerum præstare, cetera timidissimos esse, & raro ex animi sui sententia dicere : demum alios tam dicendi libertate quam eruditionis ac prudentiæ dotibus excellere, sed horum esse quam paucissimos, eosque in singulis curiis vix numero æquare portas quæ Thebis fuerunt. Hinc illæ lacrimæ & magna rerum dispendia. Audacia consiliarii laudanda est, si sola non sit, sed doctrina, probitate, experientia nitatur, ubi hæc fulcra defuerint, omnia in præceps ruere necessum est. Modesta lingua dignitatis suæ fiducia non effertur, nec in aliorum injuriam vertitur, & sine asperitate loquitur. Consiliarius modestiæ amans, caveat ne quid in alterum atrocius dicat faciatve. Nam sæpe quo potentior est, qui facit injuriam, eo gravius dolet is cui infertur. nam propter illius qui nocet auctoritatem, putat offensus hoc magis ad infamiam suam spectare. Quam vero ille à modestia procul abit, qui plenus sui, quidlibet in quemlibet dicere, alios præ se nihili ducere, intolerantius sese jactare, & altos proflare spiritus nō veretur, quasi solus vidisset, legisset, nossent omnia. Hesiodus poetarum prudentissimus, linguam non vulgandam sed recondendam esse dixit perinde ut thesaurum, ejusque in promendo gratiam esse plurimam, si & modesta sit, & parca, & moderata. Porro ad modestam consiliarii linguam pertinet, præsentis animo, patientique silentio aliorum opiniones audire, nec dicentis orationem interrumpere, quantumvis absurda & nullis fundamentis nixa dicantur. quin imo finita jam oratione, non subito contradicere, & in

contra

Cell.  
l. i.  
No 67.  
Attic.  
c. 15.



contrarias rationes erumpere convenit: dandum potius aliquid spatii quo integrum sit dicenti, aliquid dictis addere, demere, mutare. Nam eos qui statim contradicunt, alieni sermonis molestos interpellatores imprudentiæ notans Salomon: Qui prius, inquit, <sup>Prov. c. 18. v. 13.</sup> respondet quam audiat, stultum se esse demonstrat. Linguae modestiam mirifice juvant, non facilem esse credendo, dando, promittendo, decernendo, multo minus irascendo. cito credere, leviter promittere, temere dare, plerunque poenitentiam accersunt. He- <sup>2. Reg. c. 16. v. 3.</sup> bræus rex David nimis cito credidit servo contra dominum mentienti, & sententiam tulit non æquam. Illud denique modesta lingua unice curat, ut excocto, simplici, ac restricto sermone, non crudo, non affectato, non prolixo utatur, ne fastidientes & saburratas, ut Comicus loquitur, auditorum aures efficiat. Lingua modesta etiam errando non errat. Amica certe omnibus est Modestia.

III. APHORISMVS TERTIVS & Ancipitem Linguam & Præcipitem cavendam monet. Ancipitem linguam eam vocamus, quæ verba jacet ambigua & perplexa, quæ vase artificioseque dicenda construit, ita ut in \* omnem partem torqueri facile possint. Fridericus Imperator optabat à consiliis dandis abesse duo hæc, *simulationem & dissimulationem*. Itaque Consiliarii loco habendus non est, qui ita verba moderatur, ut quicquid evenerit, recte dixisse videatur. Improbi hominis est, initio verum celare, tandem quo res inclinarit, sententiam torquere. Bonæ notæ Consiliarius mavult errare sincere loquendo, quam scopum tangere maligne simulando. Atque hoc Iustitia jubet. A Charitatis officio Iustitiæ officium hoc differt,

H 5      quod

\* Alles auff schraufen setzen.

quod illud intermitteri possit, cum aut privatum timeatur damnum, aut nullus officii speratur fructus: istud vero quod Iustitia exigit, etsi nulla spes fructus sit, etsi proprium terreat detrimentum, est tamen præstandū. Et tale Consilarii est officiū. Sed objicias: Frustra dissentit, & odium sibi quærit, qui plurimorum calculis contradicit. Nō frustra hoc fit, mi homo, ea enim veritatis vis est, ut emergat demum, vincatque. Sed nec ullo modo frustra est, officium suum facere, quisquis sit eventus laboris. Mali Consilarii signum evidens est Anceps lingua.

Nec Ancipitem tantum, sed & Præcipitē linguam caveat in medium consulturus. Tunc solum celeritati locus est, cum mora periculum creat. Alias præceps lingua semper proxima ruinæ; nec diu vires retinet, quicquid impetu agitur. Nulla res potest esse eadem festinata simul, & examinata. Itaque fit ut Præcipitem linguam poenitentia, sed sera & inutilis sequatur, cum præcipitata raptim consilia, neque revocari, neque in integrum restitui possint. Corbulonis apud Tacitum præceptum est: Compositius cuncta quam festinantius agere. Nam festinatio improvida est & cæca, quam proinde error sequitur, errorem infelicitas, infelicitatem poenitentia. Cum legati Thebani vehementer urgerent responsum Athenis, Agesilaus prudenter cunctatus: An non scitis, inquit, cum seria res agitur, in mora multum esse consilii? Vt merito Diodotus apud Thucydidem dixerit: Celeritatem, & Iram bonæ consultationi maxime contraria, quorum alterum cum amentia conjunctum esset, alterum cum imperitia & consilii tenuitate. Thomas Morus illud Angliæ sidus, ad maturata consilia regios senatores cohortabatur, imo ut nihil nisi probe examinatū in senatu

statue-



### DE CONSVLTRICE LING. III

statueretur, censebat, quo die primum quid proponeretur, nihil de eodem disputandum, sed in proximos conventus differendum, ne quis temere, quod in buccam venisset, effutiret, dein absurda quæque stabiliendis suis decretis excogitaret, malletque publicæ salutis quam suæ existimationis jacturam facere, perverso ac præpostero pudore. Quod quidem monitum videtur sumpsisse ab Alexandro Severo Imperatore, qui re Consiliariis proposita, spatium ad disquirendum cogitandumque dedit, ne de rebus sæpe ingentibus incogitati sententias dicere cogerentur. Itaque bene prudenterque monebat filium Leo Imperator: *Delibera tarde, nisi aliqua necessitas celeritatem requirat: at ubi consulueris, festinanter exsequere.* Tarditas, anima est consilii, celeritas executionis. Quocirca Consiliario cauta potius consilia cum ratione, quæ felicia ex casu placeant: & Anceps lingua & Præceps summe displiceant.

IV. APHORISMVS QVARTVS. Consiliarius omnem linguæ pervicaciam declinet, Constantiam amet. Sapientis est suæ sententiæ non nimis tenacem esse. Neque levitatis est aut inconstantiae, sua sententia cedere, ut sequi liceat meliorem. Nam uti viator, bona etiam via decedet, si quis monstret meliorem aut compendii faciliorem; ita consilii mutatio nequaquam indecora est, quantumvis gravi & erudito viro. Magnæ felicitatis est optima primo intuitu vidisse, sed potior est ille qui se minus alio vidisse ingenue profitetur. Nam melius est recurrere è medio cursu, quam male currere. Stoicam philosophiam hac in re meritissimo damnans Seneca: *Secta vestra, inquit, hoc loco titubat, & illud superbum promissum, nunquam sapientem facti sui poenitere, nec unquam emendare quod fecerit, nec mutare* *Sen. l. 4. de Benef. c. 34.*

con-

consilium. Non est levitas à cognito & damnato errore discedere ; & ingenue fatendum est : *Aliud putavi ; deceptus sum.* Hæc vero superbæ stultitiæ perieverantia est : *Quod semel dixi, qualecunque est, fixum ratumque sit.* Nō est turpe re mutare consilium. Quotus enim quisque est , quem non aliqua pars ignorantiae attingat ? Ideo boni & prudentes viri, sic ubi ipsos errare contigerit , indicatæ veritati libenter assentiuntur ; at vulgus ineptū contumacissimum est. Tanto dignior laude

Tacit.

l. 14.

Annal.

C. Cassius qui auctoritati servandæ nunquam ulli facile contradicebat, si Tacito credimus, qui Cassium ita locutum memorat : Simul quicquid hoc auctoritatis in nobis est , crebris contradictionibus destruendum non existimabam, ut maneret integrum, si quando Respublica consiliis eguisset. Hoc ipsum salubriter cavetur ab augustissimo illo Spirensi ac totius Imperii senatu, lege, quam Cæsar, atque ipsi Assessores sibi dixerunt : *A dissidiis utrinque contumeliisque abstineto, & concordia mutua studento.* Dissidia lex damnat, non quæ ab ratiocinatione, sed quæ à pravis affectibus emergunt. Hi ubi Consiliarii animum occuparunt, eo hominem impellunt, ut omnis consilii quamvis egregii , quod non ipse affert, inimicus sit , & adversus peritos pertinax pugnet. Sunt qui suæ sententiæ sic inhæreant , ut alios omnes grandi supercilio despiciant, tanquam bardos & nullius iudicii homines. Talis omnino Caiphas Pontifex : Vos, inquit, nescitis quidquam, nec cogitatis.

Ioan.

c. 11.

v. 49.

Memoranda hic Aristidis ingenuitas, qui cum Themistocle minime amico in legationem missus : *Visne*, inquit, *ô Themistocles, ut in his montibus inimicitias paulisper deponamus, recepturi eas cum redierimus ?* Quo quidem docuit vir prudentissimus, simultates tunc maxime ponendas, cum Reipublicæ negotium promo-



promovendum. Quod si legem Christianam sapuisset Aristides : Velis jubeas , dixisset, & Themistocles , ut inimicitias ponamus , eas æternum non recepturi.

Inter Romanos Plancus ille Ciceroni familiaris , hac animi moderatione excellens : Non me impediunt, inquit, privatæ offensio-  
Lib. 10.  
epist. 11  
 nes, quo minus pro Reipublicæ salute, etiam cum inimicissimo consentiam. Audite Christiani , audite senatores ac consilarii , qui quandoque bonum publicum privatis publicisque simultatibus affligitis, & plurima pro affectu, non pro ratione suadetis, omnes Aquilæ plumas evulsuri ( nisi vis obstet ab alto) omnes leoni ungues præcisuri, ut vester imperet affectus aut impetus.

Atque ego hic pertinaciam damno , non Constantiam , eosque Ciceronis etiam calculo perstringo qui errare malunt , eamque sententiam quam adamaverunt , pugnacissime defendere , quam sine pertinacia , quid constantissime dicatur , exquirere. Perviciaciæ est post discessionem è Curia, & re, quæ in deliberationem venit, peracta, suæ sententiæ etiamnum mordicus inhærere. Nam re integra quin liceat in alia omnia ire , nemo est qui id nesciat. Atque hic opus Constantia Veritatis comite , quæ Consiliario inter primas necessaria. Nihil enim est Tullii sensu , quod tam deceat , quam in omni re gerenda consilioque capiendo servare constantiam. Non satis est veracem esse, ac ingenue indicare quid expetendum , fugiendumque sit, sed præsentis constantique animo gradum in eo figere oportet, ac stare, quod semel deliberatum est , judicatumque. Non natæ sed constare sibi debet animus. Ficulnei Consilarii sunt , qui huc illuc fluctuantes agitantur. interdum alia , deinde alia decernunt , ut eorum qui dominantur , simulas

aut arrogantia fert, ita bonum malumve publicum existimant, ita in omnem auram eventilantur.

Alium se gessit Metellus Numidicus, nobilissimum Constantiæ specimen. Hic cum animadverteret, quo seditiosi conatus Saturnini tribuni plebis tenderent, quantoque malo Reipublicæ, si non his occurreretur, erupturi essent, in exilium quam in legem ejus ire maluit. *Valer.* Potestne aliquis, inquit Valerius, *l. 3. c. 8.* hoc viro dici constantior, qui ne sententia sua pelleretur, patria, in qua summum dignitatis gradum obtinebat, carere maluit. Non minus Scævola animus sibi constabat. Cum enim Sylla urbem occupasset, senatum armatus coëgisset, jamque unum illud ageret, ut C. Marius hostis judicaretur, & illius voluntati nullus auderet se opponere, solus Scævola hac de re interrogatus, sententiam dicere noluit: Et Syllæ truculentius minitanti: Licet, inquit, mihi agmina militum, quibus curiam circumdediti, ostentes, licet mortem identidem miniteris, nunquam tamen efficies, ut propter exiguum ac senilem sanguinem meum, Marium à quo urbs & Italia conservata est, hostem judicem.

Quis Thomas Morus, illud Angliæ decus, quam constans in tuendo vero? Revera illi æs triplex circa pectus & ahenum robur. Mori maluit, quam non verum dicere: Itaque caput perdidit, ne perdere cogeretur libertatem veritatis tenacissimam.

Quis in eadem gente Reginaldus Polus? qui jus & æquum ea constantia defendit, ut cum caput illius quinquaginta millibus aureorum proscriptum esset, diceret: Iam satur sum vitæ; qui eam mihi ademerit, hoc præstabit officii, quod ille qui dormitum ire cupienti vestes detrahit. Hanc ergo Constantiam laudamus, non Pertinaciam. Artificio-



# DE CONSULTRICE LING. 115

ficiofissima mixtura est, pertinacem non esse, & tamē esse constantem. quis enim neget consilia mutari posse? quo sensu illud Oratoris capiendum: Non inconstantis puto, *Cic. orat.* sententiam tanquam aliquod navigium ex *pro Cn.* Reipublicæ tempestate moderari Hinc Leonidas obijcienti quod facile mutaretur: Mutator, inquit, sed temporum ratione, non ut vos, proprio morbo. Nimirum pro re & tempore variari potest consilium. In quam sententiam optime Augustinus: Turpe est, *August.* inquit, mutare sententiam, sed veram & re- *epist.* ctam. Nam, & stultam & noxiam, laudabile & salubre est. Sicut autem constantia non finit hominem depravari; sic pervicacia non finit corrigi. Proinde sicut illa laudanda, sic ista est emendanda. <sup>214.</sup>

V. APHORISMVS QVINTVS. Consiliarius adulatoriam linguam excretur, veracem sectetur. Nam assentari (uti Græcorum disertissimus loquitur) & placida loqui, in concilio perniciem Reipublicæ maximam adferre solet. Medicus si vel semel pro pharmaco venenum propinarit, invisus semper est, ita consiliarius si vel semel vitiis benignus detestanda commendarit, aut Domini sui virtutes supra verum extulerit, in aliis fidem ægre faciet. Neque enim fideles sunt censendi, quorum hoc unum officium est, una hæc contentio, *placere Principi*, & eum quam blandissime fallere. Ut umbra, quicquid egeris, quoquo te verteris, semper adest & respondet suo corpori, sic isti, quocunque purpura vel sceptrum verterit, eo circumagunt se, & sui semper dissimiles pro re nata sese adaptant, plane similes Heliotropio floriri, cujus tantus est amor in solem, ut cum ipso circumagatur, & quocunque sol deflexerit, eodem flos iste caput suum declinet. Ita hi Laudenses & Placentini Consiliarii, in rebus

rebus omnibus ad dominorum suorum voluntatem sese accommodant, nec quidquam nisi ad gratiam loquuntur. Quocunque herilis vel oculus vel manus, etiam sine voce annuerit, abnueritve, eodem ipsi toto corpore propendent, nec unquam ad hoc virtutis aut virium proficiunt, ut adversari audeant & refellere non probanda: omnia compositis verbis & assentatione tortuosa transigunt, modo pax sit in diebus illorum: verum tegere, nihil esse piaculi censent, modo gratia non excidant. Aliter longe Isocrates: Abesse, inquit, omnis assentatio, & ejus, cui consilium datur, utilitas, & rei veritas spectari debet.

Ochozias Rex improbitatem suam Consiliarios suorum adulationibus imputet. Rex Ammon suum suorumque interitum consiliariis suis acceptum referat. Philippum Macedoniæ regem Demetrius ejus consiliarius in maximam quoque calamitatem impulit. Norat Demetrius Philippum ardere cupidine alieni soli, quare non difficulter illi persuasit, Græciam & Italiam occuparet. Consilium hoc adulatione mera formosum secutus Philippus, bellum movit Atheniensibus. Hi foedus composuerunt cum Romanis, qui Philippo victo Macedoniam occuparunt. ita rex & aliena quæ appetierat, non obtinuit; & sua quæ possederat, amisit. Tales ut plurimum eventus, sequuntur adulatorum consilia, quorum principia quidem jucunda; at eadem exitus habent amarissimos. Antiochus Rex adulatorum vocibus infatuatus, veritatem nunquam audiisset, nisi venationis studio avius & aberrans in rustici tuguriolo divertere coactus fuisset. Hic super mensam injectus sermo de rege. Paterfamilias regem quidem virum bonum, sed duplici nota infamem esse dixit, quod con-



consiliarios haberet malos, & regni negotia ob insanum venandi studium negligeret. Tacuit rex in præsentia. At primo diluculo advolantibus ad casam famulis: Heri demum, inquit, veritatem audiui; vos palpum pro veritate obtruditis.

Iustinianus cetera sagax Imperator, in hos ipsos tamen casses incidit, à Triboniano Iurisperito per adulationem turpiter deceptus.

Rem mirissimam narrant de Senatore, imo adlatore regio. Ajunt Lutetiæ in foro *Ioan. à* frumentario, os cloacæ ostendi hodieq; ubi *Cocquier* sepeliri voluerit consiliarius, quem pravæ *l. 4. the-* adulationis sero pœnituit. Regem is tristem *saui po-* ac sollicitum viderat, ob angustias ærarii. *lit. c. 4.* Suasit igitur vir catus, ut rex è minimis re- *quē hic* bus quas rustici in mercatum deferrent, u- *secuti* num alterumve numulum exigeret, idque *sumus* in biennium duntaxat. Collecta pecuniæ vi *præun-* nō modica, exactiones plures eodem exemplo excogitatæ sunt. Hic primus exactionum talium inventor, cum videret idem auctoritatis sibi non esse in dissuadendo, quod in suadendo fuerat, extremis mœroribus confici cœpit, & animi salutem desperare. Atque ut à seipso pœnas consultæ adulationis expeteret, aliosque calamitate sua doceret, testamento cavit, ut illic sepeliretur, quo fori purgamenta confluerent. Dignum hoc auctore monumentum. De blandientibus his adulatoribus verissime Alexander Severus pronuntians: Hi sunt, inquit, qui principes *Lampri-* perdunt, qui eos à populo semovent, qui soli *dus in* internuntii sunt, aliud quam respondetur, *Alex.* sæpe referentes, claudentes Principē suum, & agentes ante omnia, ne quid sciat.

VI. APHORISMVS SEXTVS. Consiliarius linguam argenteam extreme oderit. Siquidem

Iuven.

sat. 14.

v. 178.

— *qua reverentia legum**Quis metus aut pudor est unquam properantis  
avari?*

Quid enim iudicii, ac consilii, quid fidei in eo erit, qui non bonum publicum, sed privatum, sed suum tam sollicitè querit. Nimirum nec pensi quidquam nec sancti habebit, qui linguam habet argenteam. Eam porro argenteam voco linguam cui omnia sunt venalia, modo argentum impetret. Sunt, quibus nulla nec salaria nec præmia satis grandia, seque digna censentur: plus petunt, ulterius exigunt, nunquam satiabiles, nullis donis explebiles. Quam hic Romani temperantes, & à corruptelis istis alieni? Fabius Pictor, Q. Fabius Gurgès, Q. Vgolinus, C. Numerius legati ad regem Ptolemæum missi, munera quæ ab eo privatim acceperunt, in ærarium Romæ prius detulerunt, quam ad senatum legationem referrent. Scilicet de publico ministerio nihil cuiquam, præter laudem bene administrati officii, accedere debere iudicantes: sic animo adversus cupidinem invicto publicam rem antehabuerunt privatæ utilitati. Verum (quæ senatus humanitas fuit) reddita sunt legatis, quæ in ærarium contulerant, non solum Patrum decreto, sed etiam populi permissu. En, quam solliciti fuerunt viri integerrimi, ne quid de sua fide & integritate delibaret tanti regis in se munificentia. quare Romanum ærarium potius, quam suas domos opulentas malebant. Sed cum hac continentia liberalitas senatus merito certavit & vicit. Hem! quam alii sunt mores, nostro hoc ævo? Omnes pecuniæ vias novimus. Phænicem dixeris illum, qui munera, oblata ultro audet nō accipere. Sed nec ii laudandi, qui hoc unum satagunt, ut domino suo ærarium struant, quacunque demum ratione id fiat; qui æsti-

mant



DE CONSVLTRICE LING. 119

mant lusum esse vitam nostram, & conver-<sup>Sapient.</sup>  
sationem vitæ compositam ad lucrum, & <sup>c. 15.</sup>  
oportere undecunque etiam ex malo acqui-<sup>v. 12.</sup>  
rere. Vbi nunc Helvidii Prisci, qui cunctis <sup>Tacitus</sup>  
vitæ officiis æquabiles, opum contempto-<sup>l. 4.</sup>  
res, recti pervicaces, constantes adversus me-<sup>Annal.</sup>  
tum. Interrogavit hominem aulicum unus  
aliquis è purpuratis Patribus: Cujusnam  
consiliarii fidelissimū esset censendum consi-  
lium? respondit alter: Contemnenti aurum.  
Prudenter dictum ac vere, & ad mentē De-  
mosthenis qui assererat, Non esse apud eos,  
quorum omnia studia, & cogitationes ad a-  
varitiam referuntur, quidquam vel firmi vel  
sancti. Dixit, sed non fecit Demosthenes.  
Quocirca provide apud nonnullos populos  
lege cautū est, Ne ii in consilium adhibean-<sup>Ari-</sup>  
tur de bello, qui agros hostibus finitimos <sup>tot. l. 7.</sup>  
haberent, quod rei privatæ aspectus, prudens <sup>polit.</sup>  
consilium impediatur. In hunc ipsum finem <sup>c. 10.</sup>  
Consiliarius privata cum aliorum Principum  
legatis colloquia vitet, nec in circulis de re-  
bus magni momenti disputet. Hæc talia ve-  
nalem & argenteam linguam sapiunt.

Memoratu dignissimum est, quam ille, <sup>Hieron.</sup>  
magnatum gemma, Comes Elcearius, hac in <sup>Platus</sup>  
re moderationem animi præ se tulerit. Erat <sup>de Car-</sup>  
Elcearius ob eximias suas virtutes Roberto <sup>dinal-</sup>  
Galliarum regi, ejusque filio Carolo, inter <sup>dignit.</sup>  
primæ admissionis amicos charissimus. Hinc <sup>& offi-</sup>  
fiebat ut è regum domo lautissima munera <sup>cio.</sup>  
ad Elcearium sæpissime commearent: sed  
ille continentissimi propositi tenax omnia  
constanter repudiabat. Et ne regiam libera-  
litatem nimis agresti contumacia spernere  
videretur, dicere solebat: Se quidem tam  
munifice oblata posse accipere sine culpa,  
vereri tamen, ne suo exemplo alii traheren-  
tur, qui acciperent munera etiam cum cul-  
pa. Itaque Elcearius in conclavi inter preces

auditus est dicere : Domine, tu mihi in cælo debes centum auri uncias, itemq; duos panes purpureos. Interrogatus, quid hæ preces sibi vellent? respondit, eo die munera sibi oblata, à se tamen repudiata esse.

*Lib. de  
Bellico  
appara-  
tu, quem  
è Græco  
in Latini  
ver-  
tit Ioan.  
Chæcus  
Canta-  
brigien-  
sis. hic  
interpret  
Quintu  
eius no-  
minis  
Leonem  
fuisse  
autu-  
mat.*

Parendum igitur sapientissimæ Leonis Imperatoris cohortationi, quam ad filium Principem instituit, hunc in modum : Consultores adhibe experientes rerum, providos, perspicaces, erumnarum ac prosperitatis tuæ socios; ad cogitandum solertes, fideles, qui tibi neque ad gratiam obtemperabunt, neque illi qui rei susceptor existit, neq; sibi mutuo, sed qui quod cogitant, dicunt, qui simplici animo & incorrupto sunt, nullumque ex iis rebus (notate obsecro, notate) lucrum quærunt, sed in eo ipso tempore, quid maxime utile sit explorant. Sunt enim, qui cum lucrum aliquod vel compendium, aut ad se, aut ad eos quos charos habent atque diligunt, pertinere posse vident, totam iudicationem rei eo transferunt : & quia pertinentes sunt, universum consilium, ab utilitate communi ad id quod ipsi volunt, devehunt.

Ita prorsus fit : ita Christiani principes inter se committuntur, dum consiliarii eorū pro suis quisque loculis pugnant. Consiliarius avarus & numis inhians, aut proditor, aut nequam est. Fidelis nunquam erit, qui magis suam crumenam, quam conscientiam suam attendit.

*In mo-  
nost.* *Semper avarus amat mendacia, furta, rapinas.*  
*Nov. de  
Mand.  
Princ.  
c. 5.* Quemadmodum Leo, sic & Iustinianus Imperator, quemlibet Principem cohortatus : Festinabis, inquit, consiliarium, & quicumq; circa te, assumere virum optimum & purum undique, & contentum iis quæ à Fisco dantur : si quid præter spem accesserit, & non inveneris eum custodientem tibi fidem iustam, illum quidem expelles, alio vero uteris con-

con-



DE CONSULTRICE LING. 121

consiliario, legem & Iustitiam cum puris  
servante manibus. Compertissimum est: V-  
bi munera, ibi & perversa esse judicia. Sa-  
muelis prophetæ sanctissimi viri filios con-  
sidera, de quibus Regum fasti testantur: *De- 1. Reg.*  
*clinaverunt post avaritiam, acceperuntque munera. c. 8. v. 3*  
Quid inde? & perverterunt iudicium. Ex illo  
istud exploratissima ratione concluditur. Er-  
go, aut Consiliarius fidelis non erit, aut lin-  
gua carebit argentea.

V I I. APHORISMVS SEPTIMVS.

Consiliarius ante omnia linguam habeat li-  
beram. Hic Rhodus, hic saltus: hinc Orbis  
lacrimæ, quod linguæ aulicæ plerumque non  
sint liberæ. Sed ipsi sæpe Domini rerum ac  
principes in causâ sunt tam mutilæ liberta-  
tis; grata malunt audire quam vera; vehe-  
menti scilicet & acri liberaque oratione of-  
fenduntur, odiumque parit veritas. Hoc ex-  
pertus est Achior qui apud Holofernem de  
Israëlis populo libere pronuntiavit quæ sen-  
sit. Sed ægre tulit hanc oris libertatem tur-  
gidus imperator, compulitque fidissimum  
suasorem transire ad hostes. Quæ res exitium  
attulit Holoferni, salutaris fuit Achiori. Nā *Judith*  
qui cum Assyriis periisset, eadem involutus *c. 5.*  
clade, cum Hebræis incolumitatem est con- *v. 5.*  
secutus. Revera periit rex, periit princeps,  
cui bona consilia dare periculosum est.  
Theopompus interrogatus, quæ ratio regni  
servandi esset? respondit: Si justam dicendi  
libertatem Princeps indagandæ veritatis cu-  
pidus, consiliariis suis facultatem tribuat li-  
bere proloquendi quæ senserint; neq; factis  
dictisve, sed nec nutu ullo cujusquam sen-  
tentia se offensus ostendat, nisi veritatis ve-  
lit facere jacturam: Siquidem plerique ho-  
minum adeo sunt imbecilles, ut vel minimā  
Principis offensiunculam plurimum refor-  
mident. Propterea cū consuluntur, ut etiam

*Isaia*  
c. 5.  
v. 20.

sibi consulant , Dicunt malum bonum , & bonum malum,ponentes tenebras lucem,& lucem tenebras,ponentes amarum in dulce, & dulce in amarum.

At hic de loquendi libertate loquimur ; effusæ licentiæ vel garrulæ impudentiæ nos minime patrocinaur. Sunt enim aliqui ab ipsa natura sic facti , ut modestiæ ac reuerentiæ immemores , paullo etiam quam par esset concitatus in ipsos Principes ipsis audientibus invehantur,vibrentque linguas, & carpant potius quam moneant instruantque. Talis omnino fuit Ioabus dux belli supremus,& consiliarius regis Davidis, homo efferi oris , qui licet regis sui amplitudini studeret , vehementius tamen & acrius quam par erat, regem super Absalonis filii interitu dolentem allocutus : Confudisti hodie , inquit,vultus omnium servorum tuorum &c: Diligis odientes te , & odio habes diligentes te,& ostendisti hodie quia non curas de ducibus,& de servis tuis. Ohe, Ioabe,ohe ; nimis hæc acerba sunt in regem:hanc verborū amarulentiam non veritas, sed linguæ furor effundit. Licet vera dicere , etiam regi , sed modeste. Achior,quem dixi,hoc observavit, qui ad Holofernem dicere sic ingressus : Si digneris, inquit , audire domine mi , dicam veritatem in conspectu tuo de populo isto , qui in montanis habitat , & non egredietur verbum falsum ex ore meo.

*Judith*  
c. 5.  
v. 5.

Hanc modestam dicendi libertatem in consiliario , cumprimis desideramus. Sit fortis & liber , nec ad frontem sui domini sententias, sed ad suam conscientiam , & ad Dei gloriam dicat,& quamvis plurium conviciis exagitetur, nō tamen à recto discedat. Qui vera reticent, & falsa suadent, non tam se quam Rempublicam, & Principem in casum dant, Illud Senecæ centies his occinendum ;



dum : Non vides, inquit, quemadmodum il- *Sen.*  
 los in præceptis agat extincta libertas, & fides *l. 6. de*  
 in obsequium servile submissa, dum nemo *Benef.*  
 ex animi sui sententia suadet dissuadetque, *c. 30.*  
 sed adulandi certamen est, & unum amico-  
 rum omnium officium, una contentio, quis  
 blandissime fallat. Nimirum vel spes eos vel  
 metus abducit à vero. ita fit ut dissimulent,  
 tegant, colorent, ambagibus & amphiboliis  
 utantur, veritatem verbis sic circumvestiant  
 ac involvant, ut nescias negantem an affir-  
 mantem partem tueantur, nam dicta sic \* ar-  
 tificiose ac vafre construunt, ut quicquid de-  
 mum principi placuerit, hoc ipsum illi dixisse  
 videantur. neque curant hi tales quorsum  
 res evadat, dummodo sui Principis offensio-  
 nem non incurrant. hic scopus, hæc votorū  
 summa est. Hos præclare monens Tullius :  
 In omnibus consultationibus, inquit, neque *Apud*  
 gratiam spectandam, neque odia existimo ; *Dion.*  
 sed eam unumquemque sententiam dicere *l. 44.*  
 debere, quam ipse optimam censeat. Deplo-  
 randum est ævum illud, quo Curiae sunt e-  
 lingues, in quibus dicere quod velis, pericu-  
 losum est ; quod nolis, miserum. Boni pror-  
 sus ac laudabiles ii, & auro contra à Princi-  
 pibus æstimandi, qui excusso omni metu, li-  
 bere pariter & modeste sententiam promūt,  
 velut Theodorus ille Amniani, qui solus *Am-*  
 pæne omnium erat, cujus linguam non ef- *Amian.*  
 frenem, sed despicientem quæ loqueretur, *l. 29.*  
 nullus claudebat periculi metus. Solebat Lu-  
 dovicus XI Rex Gallorum dicere, se in suo  
 regno, & potissimum in aula sua, rebus pæ-  
 ne omnibus abundare, excepta re una, VERI-  
 TATE. Nec degener ab hoc pater filius Ca-  
 rolus VIII è pincerna suo familiariter sci-  
 scitabatur, an nō censeret paucos cælo reges

I 4 admitti,

\* Sie verschraufens gar artlich.

admitti, & quid causæ assignandum? cumq;  
alter verecunde cunctaretur, subjunxit: Quid  
miremur, si rari ad cælum reges commeent;  
raros habent circa se veri monitores.

Quocirca principi quandoque suo corti-  
ce, ut ajunt, natandum: audienda consilia, &  
non sequenda sunt, si consiliariis reclamet  
ratio, conscientia, lex divina. Fecit hoc Fri-  
dericus III Saxonizæ dux, qui Erfordensium  
injuriis laceffitus Comitia indixit. Erat in-  
ter procures magnæ auctoritatis eques, qui  
bellum omni studio suadebat, argumentis à  
dedecoris nota, & victoriæ facilitate ductis.  
Huic ita suadenti dux: Præclare tu quidem,  
inquit, Sigismunde Listi, pro teipso, cujus  
interest bella ex bellis feri, concionatus es;  
pro me non item, cujus gloria & incolumi-  
tas è subditorum commodis potius quam ex  
hostium ruina & interitu pendet. His mali

*Aeneas* consilii auctorem repressit. Nec aliter egit  
*Sylv.* Fridericus III Romanorum Imperator, qui  
*l. 3.* Ladislaum Hungariæ ac Bohemiæ regem,  
*com-* sed etiamnum puerum, sanguine sibi con-  
*ment. de* junctum educavit. Non defuerunt homines  
*reb. gest.* maligni, qui puerum suavi sed clandestina  
*Al-* nece tollendum censerent, cujus mors opes  
*phanzi.* & regna esset allatura. At Imperator: Qui  
sit, ajebat, quod me opulentum potius quam  
pium erga meos esse cupitis? Faceffat consi-  
lium impium: ego divitias non sic amo, ut  
propter illas committere velim rem nefariâ.  
Non libertatis hoc fuit suadere, sed crudeli-  
tatis. Nos eam à consiliario libertatem ex-  
igimus, ut aperte, ingenue, libere, & ex inte-  
riore sensu suadeat dissuadeatque, non utili-  
tate solum, sed & honestate spectata. Vbi  
spiritus Domini, ibi libertas. Quod & pri-  
scorum illud submonet: *Aperto pectore.* Res  
maximi momenti & non levis flagitii est,  
Consiliarium principi jurejurando obstri-  
ctum

*2. Cor.*

*c. 3.*

*v. 18.*



etum aliter dicere quā scientia & conscientia dicent. Extincta est libertas, si metus terreat, spes gratiæ os claudat, aut aliud promat Lingua, aliud recludat pectus: si dicturus seipsum aut suos attendat, si taceat, dissimulet, contorte dicat: Vbi libertas non est, nec spiritus Domini est.

VIII. Sed hic plurima solent objici. Est qui dicat: Solus ego torrentem sistam, aut contra nitar, solus ego negem tot ceterorum agentibus, præsertim si mihi noceam, nec causæ prosum? Sint hæc ita; nihilominus tamen cum libertate promenda veritas, nam ceteri aut sententiam mutabunt, aut certe in posterum cautius dicent. Sed iterum obducunt: Sæpe deliberari de re jam constituta: hic frustra sit, ajunt, multa movere, aut contradicere. Non frustra erit, mi homo, nam deinceps statuatur consideratius, si quis jam reclamet cum ratione. Dein alii his exemplis fient animosiores. Vnicus dux belli nescio quot fugientes in aciem & ordines potest compellere. Et quamvis hic restitisse nihil proficiat, satis est officium suum fecisse; fructus conscientiæ maximus est, muneri suo non defuisse. Cur autem, objiciunt iterum, meo me damno invisum faciam, & ultro in aliorum odium veniam, quod ego meique posteruli luant? Respondeo, qui sola charitatis lege obstringitur alium libere monere, potest id quandoque certis de causis omittere: at vero qui lege justitiæ verum dicere obligatur, etiam cum detrimento suo verum dicere tenetur, & contra torrentem niti, quod Hieronymus Albanus explicatius tradit. *Alban. de Cardinal.* Exemplo id quod dicimus, demonstratur. Quindecim senatores sententiam dicunt in curia; quatuordecim ore uno affirmant: decimus quintus, si quidem ei aliter visum, etiam sine spe profectus, etiam cum

suo damno, illis non assentiri obligatus est, nec ullo modo potest dicere, *Placet*. Dicat ergo, sed modeste: Domini faciant quod placuerit, de re proposita ego quidem sic sentio &c: Et hujus rei causa est. præcepta enim quæ vocant negativa, semper obligant, qualia sunt: Ne consentias, ne sis particeps sanctionis malæ. Si hoc fide bona decimus quintus senator, quem dixi, fecerit, etiamsi è ceterorum sententiis damnum grande proveniat, is solus tamen à sarciendi damni restitutione immunis erit, obligatis ad id ceteris. Nec quisquam hic dixerit: Sum juvenis, nec tantæ auctoritatis; meis etiam liberis prospiciendum &c: Ficulneæ rationes sunt, & nec assem valent. Iusjurandum principi datum, & conscientia divini timoris non expers, illa omnia humana terribilissima contemnit. Sed prout ævi nostri mores sunt, hic varie peccatur à multis, qui prolixis ratiocinationibus veritatem studio confundunt, qui ex ambiguo loquuntur, ut atrum an album calculum addant, nescias. Veritatis vox est: Qui facit veritatem venit ad lucem.

*Ioan.*

*c. 3.*

*v. 21.*

Pessime stabunt ad divinum tribunal, qui fidem iusjurandumque sic negligunt, dum aliud dicunt, aliud sentiunt, turpi inter Linguam & Animum discordia.

Vna mecum, obsecro, curiam Hierosolymitanam subite, & audite septuaginta duos senatores consilia conferentes. Quæstio erat: Vtrum IESVS Nazarenus capite damnandus? Hic Caiphas, Annas, hic Rabbi Samuel, Rabbi Simon, Rabbi Iosias, hic ceteri omnes voce una pronuntiarunt; Reus est mortis. Sed & hic Ioseph ab Arimathæa unus omnibus restitit: Hic non consenserat consilio, & actibus eorum. Cogitarit Arimathæus, nobilis hic decurio; Quid ego unus ac solus oblucter? tot sapientibus viris

*Luc.*

*c. 23.*

*v. 51.*

contra-



contradicam? Contradixit. A toto senatu me disjungam? Disjunxit se. Omnium odium subibo? Subiit, & sententiam dixit, quam sciebat à nemine audiendam, IESVM Nazarenum videri innocentem. Hæc vera dicendi libertas est. Sic & Nicodemus unus omnium impetum ferens: Nunquid lex no- *Ioan.*  
stra, inquit, iudicat hominem, nisi prius au- *c. 7.*  
dierit ab ipso, & cognoverit quid faciat? *v. 51.*  
Horatios Coclites dixeris hos viros, qui reliquis omnibus attonitis, & in fugam aver-  
sis, hostiles impetus soli remorantur.

Nec prisce tantum in hac laude: Philip-  
pus II Burgundionum dux, libellorum ma-  
gistrum habuit, qui cum super re rationi &  
æquitati dissentanea consultaretur, omnesq;  
eo propenderent, ut annuendam judicarent,  
solus Cancellarius reclamavit, ultroque duci  
sigillum remisit, satius esse ratus, omnem di-  
gnitatis splendorem ponere, quam iniquis  
consiliis, adversante conscientia, subscribere.  
Quæ quidem integritas viri exinde Duci ad-  
eo placuit, ut eum amplioribus etiam hono-  
ribus donandum, paullo post revocarit. Fal-  
luntur ergo qui dicendi libertate omnem  
principum gratiam amitti existimant, cum  
eam magis ac magis demereantur; nisi prin-  
cipes sint exleges, & magis pro voluntate  
sua quam pro ratione stent. Virtus & veri-  
tas ubique amabilis; quandoque torvis ocu-  
lis primo aspectu salutatur, sed agnita beni-  
gnius aspicitur & humanius. Et vero Prin-  
cipis gratia merito excideret, qui sciretur  
Principem aut veritatis hostem, aut certe il-  
lius audiendæ impatientem judicare. Dixe- *Vita*  
rat Cardinali Bellarmino sæpius Clemens *Bel-*  
VIII Pontifex Maximus, ad purpuram illū *larm.*  
à se propterea evocatum, ut haberet apud se *l. 3. c. 5.*  
vocem virtutis, à qua libere inter voces fal- *initio.*  
lentis Aulæ (quæ Principum calamitas est)  
audiret

audiret verum. Proinde injunxerat, mone-  
ret serio si quid adverteret pro Ecclesiæ bo-  
no posse consultius agi.

*Esth.*

*c. 16.*

*v. 6.*

*& 7.*

Quocirca consiliarii, Senatores, Assessores  
quicumque, uti & mente, sic & lingua sint li-  
bera, Neque Duces ac Reges (quod Estheris  
monet historia) mendaciorum cuniculis conentur  
subvertere, dum aures Principum simplices, & ex  
sua natura alios aestimantes callida fraude deci-  
piunt. Quæ res & ex veteribus probatur historiis,  
& ex his quæ geruntur quotidie, quomodo malis  
quorundam suggestionibus regum studia depraven-  
tur. Præcipuum Consiliarii munus est libe-  
re, aperte, ingenue sententiam proferre, quæ  
vel Principi vel Reipublicæ futura sit salu-  
taris. Assentatio ante omnia caveatur. Hic  
multorum scopulus est: Dominorum aures  
suavibus næniis permulcent, omnibus eo-  
rum dictis applaudunt, ad omnem auram  
velificantur gratiæ, ita non Reipublicæ, sed  
suam causam agunt. Eo demum audaciæ  
prolabuntur hi tales, ut cum famulitio regis  
Cambysis dicere non vereantur: Regi lice-  
re, quicquid liberet. Talis Stratocles ille  
Demetrii, qui nō raro illud usurpabat: Quic-  
quid rex Demetrius jubet, id erga Deum esse  
sanctum, id apud homines esse longe justifi-  
simum. Velit Deus, nullos hodie tales repe-  
riri.

*Sapient.*

*c. 6.*

*à v. 3.*

*ad 10.*

Audite ergo quicumque dominatum in a-  
lios tenetis, audite divinæ æternæque Sa-  
pientiæ concionem quam maxime seriam;  
sic illa vociferatur: Præbete aures vos qui  
continetis multitudinem, & placetis vobis  
in turbis nationum: Quoniam data est à Do-  
mino potestas vobis, & virtus ab Altissimo,  
qui interrogabit opera vestra, & cogitatio-  
nes scrutabitur. Quoniam cum essetis mini-  
stri regni illius, non recte judicastis, nec cu-  
stodistis legem justitiæ, neque secundum  
volun-



DE CONSULTRICE LING. 129  
voluntatem Dei ambulastis. Horrende & cito apparebit vobis, quoniam iudicium durissimum in his qui præsumunt, fiet. Exiguo enim conceditur misericordia, potentes autem potenter tormenta patientur. Non enim subtrahet personam cuiusquam Deus, nec verebitur magnitudinem cuiusquam : quoniam pusillum & magnum ipse fecit, & æqualiter cura est illi de omnibus. Fortioribus autem fortior instat cruciatio.

Audite Principum, Regum, Imperatorum Consilarii, regis Iosaphati verbis vos alloquor : Videte, ait, quid faciatis : non enim hominis exercetis iudicium, sed Domini : & quodcunque iudicaveritis, in vos redundabit. Sit timor Domini vobiscum, & cum diligentia cuncta facite : non est enim apud Dominum Deum nostrum iniquitas, nec personarum acceptio, nec cupido munerum : Cum diligentia cuncta facite. Hæc de Lingua male Consulente.

*1. Par. c. 9. v. 6. 7.*

## C A P V T X.

*Lingua CONTENTIOSA quam sit exitiosa ; & quam lites studiose sint cavenda.*

**N**on satis est, pedes laqueis indui, laqueos & lingua gerimus, & vertice. Certe complures è sanctis feminis, comis & crinibus velut funibus suspensæ sunt. Illud formæ miraculum venustissimus Absalon, ingentem laqueorum numerum capite portabat, quot enim capillos, tot fere laqueos ferebat qui è quercu pendulum misere necabant. Qui lingua latentes ferant laqueos, innumeri sunt. Cui permissum tot laqueorum insidias evadere, ingentes Deo gratias agat cum Siracide, qui aperte : Confitebor, inquit, nomini tuo, quoniam adiutor & protector factus es mihi, & liberaisti corpus meum à per-

*Eccli. c. 51. v. 3.*

à perditione , & à laqueo linguæ iniquæ.

*Epiphā.  
hæresi  
69.* Hæresiarchæ olim tot ore laqueos conde-  
bant , ut iis magnam Orbis partem illaquea-  
rint. Epiphanius Arrium tam dulcis eloquii  
fuisse ait, ut brevi tempore multos sacerdo-  
tes , antistites , & septingentas moniales in  
suas partes traxerit. De Fausto Augustinus :

*Aug.  
l. 5.  
Confess.  
c. 3.* Faustus Manichæorum episcopus , inquit ,  
magnus diaboli laqueus , & multi implica-  
buntur in eo per illecebram suaviloquentiæ.

Alii hæresum propagatores plerique, si non  
lingua, certe calamo disertissimi, mel & ro-  
sas loquebantur , sed laqueos blanda manu  
injiebant. Decem illi Hebræorum explo-  
ratores , seditiosis concionibus sic populum  
omnem inflammabant, ut nemo pæne aliud  
moliretur quam reditum in Ægyptum. V-  
nicus Iudas Iscariotes sic ceteros Apostolos  
in Magdalenam concitavit , ut dicerent : Ut  
quid perditio hæc ? & fremebant in eam.

*Marci  
c. 14.  
v. 3.*

Quod si duæ linguæ talibus laqueis instru-  
tæ convenient , facillime contentiones in-  
ter eas oriuntur, unde merito Linguæ CON-  
TENTIOSÆ sunt appellandæ. Atque de  
his nunc agendum.

*Prov.  
c. 18.  
v. 6.* I. In homine fatuo id unum sæpe lauda-  
ri potest, quod ille stultitiam adeo tegere nō  
possit , ut eam plerunque prodat multiplici  
signo. In his stultitiæ indiciis recte nume-  
ratur , facile & libenter rixari. Salomon id as-  
ferit : Labia stulti miscent se rixis , & os e-  
jus jurgia provocat. Facillimum est iræ sti-  
mulos admoveere homini fatuo ; ad lites &  
jurgia eum evocare nullius est negotii: eun-  
dem autem iterum tranquillare difficillimū.

*S. Vale-  
rian.  
hom. 12*

Cantante gallo gallinaceo vel unico cantant  
omnes, cane uno latrante latrant & alii, nec  
tam cito larratus desinunt ; ita fatuus si in-  
cidat in hominem contentiosum, ambo cla-  
mare & extra se ire incipiunt ; hic jam plu-  
rimum



## DE CONTENTIOSA LING. 132

rimum verborum est, & minimum rationis; utrinque pugnatur felle, utrinque turbulenta vociferatio est. Vbi enim verbis verba succedunt, incendio fomenta præstantur.

Et quoties non verbis solum stat pugna; sed ab ore ad manus descenditur, nec jam argumētis, sed pugnis, sed pugionibus aut gladiis res agitur. Hinc sæpe, si alia desint mala, immortale odium nascitur. Recte Basilus: Contentiones, inquit, à principio quidam exiles esse solent, & facile curantur: at procedente tempore auctæ, insanabiles omnino evadunt. Siracides hoc confirmat: Ceramen festinatum, inquit, incendit ignem, his festinans effundit sanguinem. Ingentia oriuntur mala è litibus, jactura pecuniæ & famæ, simultates, inveterata odia, cædes. Isaias abbas dicere solebat: Noli esse contentiosus, ne omnis in te inhabitet improbitas. Et hoc à beato Paulo didicit, qui à jurgiis gravissime dehortatus: Noli contendere verbis, inquit, ad nihil enim utile est nisi ad subversionem audientium. Et Corinthios acriter objurgans: Cum sit inter vos, inquit, zelus & contentio, nonne carnales estis, & secundum hominem ambulatis? Vel hinc apparet qui sitis, cum toties jurgemini.

Contentionis indoles multiplex est & varia. Prima quidem cum cognita veritas in re gravi non leviter oppugnatur. Piacularis hæc noxa est, & grande nefas. Nihil non audebit, qui hoc audet. Altera contentionis indoles, cum non magni momenti veritas impugnatur. Hic scopulus velis & remis vitandus est. Qui enim levia quæque contentionibus pervellit, suspicionem movet, se nec in gravioribus fore pacatum. Tertia, cum rei non bene cognitæ audacter contradicatur, hoc plerunque fit ardenti litigandi studio, quo rapitur in contentionem animus.

mus & propemodum excæcatur. Quarta, cum veritati quidem tuendæ, res in litē trahitur, sed sine modo, & nec suo loco, nec tempore suo: hoc non dispartire est, sed furere. Magnæ virtutis est, paratum esse, quod Cicero agebat, & refellere sine pertinacia, & refelli sine iracundia. Quinta, cum quis nititur tueri veritatem tam exigui momenti, ut plus nocitura sit altercatio, quam controversæ veritatis defensio. Concedamus hoc tibi, mi litigator, quinque lupos simul à te visos esse, quid tum postea? tu excanduisti, vociferatus es, offendisti non paucos, causam dedisti prolixæ simultatis. quanto consultius fuisset, à lite tam sterili linguam abstinere, quam moribus tuis maculam tam multiplicem affricare? Isocrati videtur humanitatis officium deferere, qui rixosus est, & contra omnia contendit. Assentitur Salomon, &: Homo perversus, inquit, suscitatur lites, &, homo apostata omni tempore iurgia seminat. Ideo rogans: Quæ, ait, videntur oculi tui ne proferas in iurgio cito, ne postea emendare non possis cum dehonestaveris amicum. Ideo & Iob rogans: Respondete obsecro, inquit, absq; contentione. Optime Plato; Vbi multæ rixæ, ibi multæ injuriæ. Contentiosa lingua plagas ambit, & obtinet, ideo sibi met agat gratias, cum sentit plagas.

*Prov.*  
c. 16.  
v. 28.  
*Prov.*  
c. 6.  
v. 12.  
*Prov.*  
c. 25.  
v. 6.

II. Et quamvis omnis contentio fugienda, nec cum ullo mortalium miscenda sit lis, hi tamen inter homines præcipue declinandi: I. Adversarius potens: Siracides monet: Non litiges cum homine potente, ne forte incidas in manus illius. Per hominem potentem etiam magistratum designat: Cum magistratu contendere, non stultitia, sed insania est. Qui sumptuose perire vult, controversias alat contra magistratum. Rarissima hic

*Eccli.*  
c. 8.  
v. 1.



DE CONTENTIOSA LING. 133

hic victoria, si qua tamen est, sine graviore damno non est, & minus perdit, qui se vinci liberaliter permittit. Optime Romanus Sapiens: Cum pare, inquit, contendere, anceps *Seneca* est, cum inferiore sordidum, cum superiore *l. 2.* furiosum. In tali pugna nemo aliud cogitet, *de Ira* quam vinci. Ergo magistratum, aut præfides *c. 34.* tuos ne tange. 2. Nec cum divitibus unquam litigandum. Idem Siracides id docet: Non contendas cum homine locuplete, ne *Ecclesi.* forte contra te constituat *litem* tibi. 3. Nec *c. 8.* cum garrulo rixandum, ut idem sapientissimus præceptor monet: Non litiges cum homine linguato, neque struas in ignem illius *v. 2.* ligna. Imo potius ea subtrahe. Notum monitum: *Idem*

*Contra verbosos noli contendere verbis. Cato.*

4. Hominem iracundum, etiam provocantem & laceffentem cautissime declina. Monitorem hic habes eundem Siracidem: Cum *Idem* iracundo non facias rixam, ne scilicet oleum *c. 8.* affundas flammæ. Vir iracundus provocat *v. 19.* rixas, qui patiens est, mitigat suscitatas. *Prov. c. 15.* 5. Non minus cave hominem fatuum, & *v. 18.* ne illum tanti æstima, cum quo descendere in certamen expediat. 6. Nec cum uxore altercationem facias: perdidisti quietem, si hic coeperis. Tecta jugiter perstillantia, litigioia mulier. Si tectum male materiaturum *Ibid. c. 19.* penetrare coeperit pluvia, cave domui: tu *v. 13.* forsan hic illic sarcies, sed uno foramine obstructo, aliud hiabit. Litigiosi conjuges nulla fruuntur tranquillitate, & ægre illis est inter divitias & delitias. Melior est buccella *Prov. c. 17.* sicca cum gaudio, quam domus plena victi- *v. 1.* mis cum jurgio.

Sed, quicquid dicamus contra rixas & jurgia, ii sunt ævi nostri mores, ut non immerito quis arbitretur, ubicunque locorum agat, in taberna se agere, quæ plena sit ebriis

K

rusticis,

rusticis, quibus nullum potius negotium, quam certare & conflagere: tot ubique dissensiones & lites, ut nusquam non præfari oporteat, Pax, Pax; ubique discordiarum & altercationum plurimum est. Merito Angeli Christo vix nato proclamant in Orbe nostro: Pax in terra hominibus: Pacis dominus jam natus est; tollantur omnia quæ paci obstruunt.

At nos & hominum & Angelorum exhortationes parum curamus: illi velut laniatæ, cum nos instar pugilum in congressu nimium effervescentes, hastili intercurrent; at furor noster omnia pacis signa contemnit, transilitque limites, & ita pertinaciter quandoque alter alteri inhæremus, ut divelli non possimus, dum alter alterius pecuniam, famam, corpus, animum insigniter læserit. Rixas & discordias nunquam non comitari solent & magna damna, & multa peccata.

*Paulus,* Contendere verbis, ad nihil utile est, nisi ad  
*jam su-* subversionem audientium, imprimis vero  
*pra.* contententium. Sapientissime monet Sira-  
*Eccli.* cides: Abstine te à lite, & minues peccata.  
*c. 28.* Et sane non raro minus damni est, damnum  
*v. 10.* accipere, quam rixam committere. Doctissi-  
*Philo l.* mus Philo: Quod si quando, inquit, majore  
*de agri-* vi coactus fueris in certamen descendere, ne  
*cult.* te vinci pudeat. Sic enim demum, si vincaris, victor evades, quando in hoc genere victor vincitur. Hoc ipso sensu Plutarchus:

*Plu-* Non enim, inquit, tantum egregium est sci-  
*arch.* re vincere, sed etiam posse vinci pulchrū est,  
*l. de e-* ubi victoria est damnosa. Hoc ipsum con-  
*ducat.* firmans Nazianzenus: Præstat, inquit, ho-  
*liberor.* neste vinci, quam periculose ac nefarie vin-  
*Greg.* cere. Excellentissime dixit Ambrosius: Vin-  
*Naz.* cis, dum cedis. Animosis ad convicia semper  
*orat. 1.* cedendum. Sed nos, à nobis male persuasi,  
*n. 180.* gravibus causis impelli credimus, ut ad ar-  
*Ambro.* ma &  
*in c. 4,*  
*ad Co-*  
*loss.*



ma & rixam profiliamus. Persuasio pessima. Ius suum modeste prosequi, cuique permis- sum est ; verum ob quamvis injuriolam in aciem & dimicationem venire , ac de lana caprina , aut de hirundinis nidulo , aut de Parni scaphula disceptare, admodum culpa- bile, præsertim si tua (quod plerunque acce- dit) non tanti intersit. Hebræi sapientis præ- ceptum est : De ea re, quæ te non molestat, *Eccli.* ne certeris. Cede, & tace ; hac via ibis tutis- *c. 11.* simus. Qui se jactat & dilatat, jurgia concii- *v. 9.* tat. Hinc, inter superbos semper sunt jurgia. *Prov.* Enimvero qui velit cedere, nemo est; nemo *c. 28.* vinci, nemo videri vult perdidisse causam. *v. 25.* Vnde litigiorum nullus finis. *Eccl. c. 13 v. 10.*

**I I I.** Beatus Egidius, sancti Francisci so- cius dicere solebat : Quando quis contendit tecum , si vis vincere , perde : si vincis teip- sum , omnes inimicos tuos vicisti. Magnæ virtutis est, si quis benevole se vinci permit- tat, quia talis est dominus Orbis. Honor est *Prov.* homini qui se separat à contentionibus. A- *c. 20.* brahamus & opes & honores suos auxit , *v. 3.* quia cum Lotho litigare noluit, etiamsi per- dendum quid foret , dixitque : Ne quæso sit *Gen.* jurgium inter me & te , & inter pastores *c. 13.* meos & pastores tuos, fratres enim sumus : *v. 8.* ecce universa terra coram te est. arbitrii tui est, hoc illudve eligere. Si ad sinistram ie- ris, ego dextram tenebo : si tu dextram ele- geris, ego ad sinistram pergam. Cavendæ li- tis modus optimus. Quod si homines con- veniant sui sensus & cerebri , & omnes aut ad dextram , aut ad lævam omnes ire con- tendant, nec ullus alteri deferat, controver- siæ nunquam satis componentur. Ergo , vi- *Philipp.* de, mi Christiane, ut nihil per contentionē *c. 2.* à te fiat. Nam servum Domini non oportet *v. 3.* litigare, sed mansuetum esse ad omnes. Tor- *2. Tim.* menta bellica majora si muro illidantur, *c. 2.* *v. 24.*

perfringunt, si in saccum laneum deferantur, non penetrant, & sine noxa sunt: ita morosus, iracundus, litigiosus homo, si modestum ac mitem incurrat, vim nocendi amittit. si offendat in sui similem, utrinque detrimentum contrahitur. Hieremias pro-

*Hierem.* pheta diserte affirmat: Quia fortis impegit  
c. 46. in fortem, ambo pariter conciderunt.

*v. 12.* Chrysostomi saluberrimum consilium  
*Chrys. in* est: Malum hominem, inquit, tacendo &  
*Matth.* locum dando melius vincis quam respon-  
c. 21. dendo, quia malitia non instruitur sermoni-  
*hom. 38* bus, sed excitatur. ita Dominus recedendo  
*fine.* compescuit, quos non potuit respondendo.

Nam si contendis irrationabilem ratione placare, & illum non placeas, & te ipsum sub-

*S. Vale-* vertis. Plena victoria est, inquit Valeria-  
*rian.* nus, ad clamantem tacere, & non respondere  
*hom. 12* provocanti. Huc referri potest illud Bernar-

*Bern.* di dictum: Infelix victoria est, qua superans  
*serm.* hominem, succumbis vitio. Os pravum tanti  
*ad mil.* non est, ut quis illud dignetur responso.

*Imit.* Notus scriptor: Quid enim, inquit, sunt ver-  
*Christi* ba nisi verba? per aërem volant, sed lapidem  
*l. 3.* non lædunt. Si reus es, cogita quod libenter  
c. 46. emendare te velis. Si nihil tibi conscius es, pensa quod velis libenter pro Deo hoc sustinere.

Intuta manus est quæ ravidum canem auribus tenet, brevi enim dentes sentiet. Ita

*Prov.* Salomon philosophatus: Sicut, inquit, qui  
c. 26. apprehenderit auribus canem, sic qui transit  
*v. 17.* impatiens & commiscetur rixæ alterius. Et

quoties duo canes de ossè uno rixati, ambo illud amiserunt, quia fugati. Sic anno Christiano millesimo trecentesimo quinto, dum Carolus Robertus & Venceslaus de regno Hungariæ contenderunt, Hungari Othonem Bavariz Ducem Hungarorum regem salutarunt, & Albæ Regali coronarunt. Anno mille-



DE CONTENTIOSA LING. 137

millesimo trecentesimo supra sexagesimum,  
Græcis dissidentibus, & de imperio litigan-  
tibus, Amurathes tertius ejus nominis Im-  
perator Turcicus, per Hellespontum ducens  
exercitum, urbes complures occupavit, ita-  
que primus ex Asia in Europam regnū suum  
propagavit. Roboam & Ieroboam dum vi-  
vebant, altercationem faciebant. quid inde  
obsecro provenit lucri? ex uno regno fece-  
rant duo, cum ingenti clade posterorum. *2. Par.  
c. 12.*  
Hic Chrysostomus auream præscribit legē, *Chrys.*  
iis præsertim qui cupiunt non succumbere: *dicto*  
Si vindicare vis, inquit, file & funestam ei *loco.*  
dedisti plagam. Vere,

*Proximus ille Deo est qui scit ratione tacere. Cato.*  
Pusilli hominis, & miseri est, repetere mor-  
dentem: mures & formicæ, si manum ad-  
moveris, ora convertunt; imbecillia se læ-  
di putant, si tanguntur,

— quippe minuti *Juvén.*  
*Semper & infirmi est animi, exiguique voluptas sat. 13.*  
*Vltio. continuo sic collige, Quod vindicta v. 190.*  
*Nemo magis gaudet quam femina —*

I V. Hic lepidum quid occurrit quod si-  
lentio non videtur involvendum. Prudenti  
viro femina querebatur, maritum suum vix  
ullo die non ebrium esse, & omnia susque  
deque rotare, ac domum miscere. Querelas  
benignis auribus vir accipiens, arbitrabatur  
id quod res erat, insanam viri crapulam so-  
luta uxoris lingua mire stimulari, remedium  
ergo nō tantum spondebat, sed etiam in ma-  
nus dabat. Et, En, ajebat, ô bona mulier,  
hanc tibi aquam cape, & ubi maritus tuus  
probe appotus domum venerit, tu hunc ip-  
sum liquorem (erat aqua è proximo fonte)  
quam primum sorbe, & eum in ore retine,  
dum in lecto virum composueris. Quanta-  
rum sit virium hæc aqua, res ipsa loquetur:  
experieris conjugem nō multa turbaturum.

Dicto audiens fuit mulier, comperitque spei suæ respondisse omnino tam arcanæ nobilitatis pharmacum. Hic femina sollicitè quærere : Et quæ obsecro hæc aqua esset, & quo pretio comparari posset? O bona, è proximo quovis fonte petere illam licet. sine ullis impendiis. quod enim liquori tribuisti, hoc silentio tuo adscribendum fuit : quicquid linguam ligat, præstantissimi pharmaci loco haberi potest. Quisquis contentiosam sibi sentit esse linguam, obsecro emat hanc aquam, quæ illi plurimum conducet, contra omnem iracundam & turbidam Xantippen ; nunquam non vincet quoscunque litigiosos homines, imo lites cessabunt, ubi pars altera silere noverit. Sed aqua hæc ore continenda erit, & quidem clauso. Et huc certe Hebræus Sapiens apposite monet : Qui dimittit aquam, caput est jurgiorum. His congrue dixit Gregorius : Aqua dimittitur, cum linguæ fluxus effunditur. Ergo, mi litigator, mi molitor, si vis ut illa litigiorum rota non currat, & in orbem revolvatur, siste aquam, contine linguam : quod si hæc rota permittatur agitari, quivis volet ultimus dixisse, nullus erit litium finis, remedium nullum. Echo silvarum tamdiu clamoribus respondet, quamdiu clamatur : vis illam tacere ? tu tace prius. Nec mireris, si te litigante, ad unicam vocem septenæ resultent :

Prov.  
c. 17.  
v. 14.  
Greg.  
l. 5.  
mor.  
c. 11.

Lucretius.

*Sex etiam ac septem vidi loca reddere voces,  
Vnam cum faceres : ita colles collibus ipsi  
Verba repulsantes iterabant verba referre.*

Eadem pæne ratio est litigantium : pro uno quandoque verbulo contentiose prolato sex septemve redduntur. Vis ut fileat hæc Echo, à tuo id discat silentio, alioqui nunquam non reclamatura.

Leontius in  
vita  
S. Ioannis  
Patriarchæ  
c. 14.

Leontius de rebus gestis Ioannis Patriarchæ Constantinopolitani differens: Angelorum



rum est, inquit, imperturbata pace perfrui : hominum vero est, altercari quidem, sed statim reconciliari : dæmonum autem est litigare, & totum diem sine reconciliatione perdurare. Hac velut præfatione usus, narrationem ejuscemodi est ingressus. Lis erat inter Ioannem Patriarcham, & Nicetam Patricium. Nicetas fori lucrum spectabat, rem pauperum minus curabat, Ioannes id minime tolerandum censebat. Hinc ortum dissidium, & prolixior verborum pugna. ita discessum est lite non composita. Iamque dies in noctem vergebat, cum Patriarcha homines submittit, qui dicant solem in occasum properare. Patricius verbi modestia & vi motus, mox ad Patriarcham rediit. hic alter in alterius amplexum ruere, & litem omnem extinguere, Patricius etiam affirmare, se non amplius iis præbiturum aures, qui concertationes suadere, & lites solent serere. Cui Ioannes : Crede mihi, ait, si his talibus credere voluerimus, peccatis non levibus involvemur, nimis enim multi sunt invidorum, quibus hoc unum negotium est, accusare & calumniari. Sed jam sanxi poenam, ut si quis iniquorum delatorum alium falso accusaverit, supplicium accusato subeundum luat. Idem tibi suaserim in tuos statuendum.

Ita & nobis omnino agendum, atque si quando exerraverimus, præsertim his lingue vitiiis, ne spernamus inquilinum monitorem nostrum, tutelarem Angelum, qui nobis idem quod Patricio Ioannes, occinit : Mi homo, sol in occasum properat : vis ire cubitum cum hoc peccato, cum hac invidia, hac ira ; cum hac luxuria aut impatientia, cum tot linguæ vulneribus nondum curatis ? vide, ne sicuti sol occumbit, ita te non cogitante, vita tua : Pone prius invidiam, extingue iram ; corrige luxuriam, emenda impatien-

tiam, oblige linguæ vulnera, elue prius quicquid maculat conscientiam, ne te hostē Dei plumæ recipiant, & ex his flammæ. Litigasti? jam ignosce; offendisti alios? jam dole; discordias excitasti? statue, nil simile facturum.

*Gal.*

*c. 5.*

*v. 19.*

*Iac. c. 3.*

*v. 16.*

*Smaragdus in*

*c. 4. reg.*

*instr. 66*

*Bern. de*

*modo*

*bene*

*viv.*

*serm.*

*17.*

*Gen.*

*c. 37.*

*v. 4.*

*Gen.*

*c. 46.*

*v. 24.*

Nosti quid Paulus moneat: Manifesta sunt, inquit, opera carnis, quæ sunt fornicatio, immunditia, impudicitia, luxuria &c. contentiones, æmulationes, iræ, rixæ, dissensiones &c. quæ prædico vobis, sicut prædixi, quoniam qui talia agunt, regnum Dei nō consequentur. Nam ubi zelus & contentio, ibi inconstantia & omne opus prævum. Omnium malorum fomes est contentio, periculum animarum, & subversio auditorum, ait religiosus ille scriptor. Clarissime Hieronymus dum epistolam Pauli ad Galatas interpretatur, inter opera carnis Contentionem septimo loco poni observans: Quodam, inquit, sacrato & eminenti inter vitia numero collocata est. Hinc liquet quam sit ex opinione Hieronymi, beato Paulo detestanda Contentio. Verissime Bernardus: Lingua rixosa, inquit, veneno est plena: quæ si non fuerit castigata, omnes socios suos perducet ad scandala.

Iosephi Ægyptii proregis fratres contentiosa lingua instructissimi, Non poterant ei (ut Moyses narrat) quidquam pacifice loqui. Ideo & Iosephus jam ab eis agnitus, jam adoratus Ægypti princeps, rediturus in terram patriam hoc unicum imperat: Ne irascamini in via. Perinde si dixisset, quod modestè tacuit: Ingenium vestrum novi; ubi foras progressi fueritis, alter alteri, ob me venditum, impinget culpam, & hæc \* velitatio in graviores rixas abibit, ni præcaveam.

Ergo,

\* das wörtlen.



## DE CONTENTIOSA LING. 141

Ergo, non irascamini, ne, ubi lingua contentiosa se miscuerit, ad manus res deveniat, aut omnis inter vos fraternus amor extinguatur.

Sanctus Ephrem testamentum conscripsit non numis sed meritis opulentum, in quo gratias agit Deo, quod nunquā litigarit cum ullo homine. Qui tale nequit testamentum componere, hoc saltem conetur testari posse, se nunquā lite ac discordia durante, nunquam ira aut similitate perseverante cubitum ivisse. Labi humanum, lapsum nolle surgere tartareum est. Non est dissensionis Deus, sed  
 1. Cor.  
 c. 14.  
 v. 33.

## C A P V T X I.

*Qua lingua sit CONVICIANS, & quid inferat damni.*

**C**onvicium malus filius pessimæ matris. Contumelia hujus sobolis parens deformis deformi partu lætatur. A contumeliis aut conviciis audiendis aliqui tutiores sunt quam à detractiōibus. Nam sicuti nec Ægyptus ob calorem, nec Scythia ob rigorem sentit fulmina: ita vel ingens potentia, vel extrema fortunæ humilitas utcunque tutum à conviciis reddit. Magnatibus qui detrahaunt, innumeri sunt, qui convicium dicant vix ulli. Et hoc discriminis est, uti Theologus Aquinas docet, inter Detractionem & Convicium, Conviciator manifeste contra aliquem loquitur, Detractor autem occulte: ille derogat honori, iste famæ. Orator Romanus: Contumelia, inquit, si petulantius jactatur, conviciū; sin facetius, urbanitas nominatur. De convicio nunc nobis sermo est.

I. Convicium res frequentissima. Nam Promptius nil est quam in omnes invchi conviciis. Diximus à conviciis eximios reddi potentia

*Aeneas*  
*Sylv. l. 1.*  
*com. de*  
*rebus*  
*Al-*  
*phonfi.*

quosdam, non omnes. Siquidem Fridericus III Imperator, cum multa in se convicia jactata comperisset, ad proceres suos conversus: An nescitis, inquit, principes quasi signū ad sagittas expositos? turres enim præaltas fulgura feriunt, humilia tecta prætereunt. Malis displicere laudari est, nec ullam auctoritatē habet, ubi qui damnatus est, damnat. Nec inferioris animi vel patientiæ in convicia fuit Ludovicus XII Galliarū rex, qui Carolo octavo etiamnum superstitē, multis laecessitus contumeliis, cum in regni hæreditatem eo functo successisset, conviciatores sibi fuga consuluerunt, at illos Ludovicus sua sponte revocans: Privati, agebat, personam exui. Rex quippe constitutus, convicia illa neque curo, neque ulciscar.

*2. Reg.*  
*c. 6.*  
*v. 20.*

Et quam illiberali fronte regina Michol in regium conjugem convicia plenis buccis effundens: Quam, inquit, gloriosus fuit hodie rex Israël, discooperiens se ante ancillas servorum suorum, & nudatus est, quasi si nudetur unus de scurris. Protervum nimis & petulans convicium in tantum principem. Sed longe protervius ac petulantius injuriosus Semei, illum ipsum religiosissimum ac mansuetissimum principem, tertium electū & unctum regem, regumque potentissimum conviciis onerans, *virum sanguinum & virum Belial* proclamavit. Ita Tobiam uxor nimis simplicitatis virum, Ita Saram ancilla maritorum interfectricem, Ita Paulum philosophi Seminiverbium & novorum dæmoniorum annuntiatorem. Ita Christum ipsum Hebræi, filium fabri, potatorē vini, seductorem populi, publicanorum amicum appellabant, ita eundem impius Iulianus Galilæum vocitabat. Amicissima est lingua conviciis. hinc omnia conviciorum plena, hinc illa præclara encomia, cū alter ab altero luseus, lippus,



lippus, tardus, bardus, stupidus, stupor, infanus, canis mortuus, mastigiarum corypheus, nebulonum rex audit. Scipio Æmilianus apud Numantiam C. Metello iratus: Si quintum, inquit, mater tua filium peperisset, asinum fuisset paritura. Hæc vero nomine sunt convicia, quæ sic aperte in os objiciuntur.

Hic quærat aliquis, an non liceat convicium in conviciatorem retorquere? Priscorum plurimi facete & dextre id fecerunt. Diogenes hac in re mirus artifex, à quodam calvo conviciis appetitus, respondit: Tibi contumeliam non dico, sed capillos tuos laudo, quod malam effugerint calvam. Huic eidem philosopho quidam objiciebat, quod olim falsam monetam signasset: Fateor, inquit Diogenes, fuisse tempus quo talis eram qualis tu nunc es, qualis autem ego nunc sum, tu profecto futurus es nunquam. Convicium rotunde regeffit. Chrysippus ab improbo quodam multis conviciis oneratus: Optime, inquit, fecisti, quod nihil eorum quæ in te sunt, tacueris. Hoc est falsam potionem propinanti, ex eodem poculo iterum propinare. Idem fecit Anacharsis, qui cuidam Attico exprobranti, quod natus esset in Scythia: Mihi, ait, probro est patria, tu patriæ. Levis plaga, sed grande vulnus. Q. Optimus vir consularis non adeo bene audiit adolescens, hic Ægilio homini festivo, sed qui mollior videbatur ac fractior, mores femineos sic exprobravit: Quid tu Ægilia mea, quando ad me venies cum tua lana & colu? Lepide hoc retorquens Ægilius. Non pol, inquit, audeo, nam me ad famosas accedere, mater vetuit. Ita Catulus oratori Philippo dicenti: Quid latras Catule? Promptissime respondit: Furem video: Sic convicium convicio repressum est, ille hunc vocabat canem, hic illum notabat furem, Ita L. Crassus censor,

censor, Cn. Domitio collegæ per convicium exprobravit, quod murenâ in vivario mortuam lacrimis fuisset prosecutus: At tu, inquit Domitius, cum uxores tres extuleris, nullam emisisti lacrimam. Perinde si dixisset: Turpius est, mi Crasse, in uxoris funere nihil doloris ostendere, quam ob murenam perditam dolere. Nuptiarum sollennia nostro ævo celebravit vir magnus, sed non tam censu quam avorum imaginibus opulentus. Ad nuptias magna nobilium virorum ac feminarum caterva confluit. Aduit inter nuptiales vir amplissimæ familiæ, & auri perquam dives. Sponsus nonnihil protervus & vetustate prosapiæ turgidus, ut convivam illum minus prisce & mercimoniis contaminatæ nobilitatis sugillaret: Olfacio, ait, saccum piperis. Alter fœnum in cornu gerens, & hanc dicti proterviam dexterrime retundens: Et ego, inquit, \* olfacio saccum mendicitatis: atque mox convivii loco excessit.

*Plautus  
in Ca-  
ptiv.  
Act. I.  
Scen. I.*

Notum illud Plautinum: Ire ad saccum. Ita conviva ille tam numis quam nobilitatis insignibus ornatissimus, cum mercimonia sibi & avorum paucitatem objectari audiret, ut conviciatori os oppilaret, mendicitatē mercimoniis turpiorem objecit. Qui conis vult ludere, ne recuset numos perdere. Qui convicia jactat in alterum, hoc idem ab altero expectet.

*Matth.  
c. 5.  
v. 39.*

I I. Atque hæc quidem fieri diximus, & convicia conviciis passim repelli, sed ritu Christiano id fieri negamus. Lex Christi est: Si quis te percusserit in dexteram maxillam tuam, præbe illi & alteram. Sed hoc primum conviciantis linguæ malum est, & conveniens

\* an Bettelstab gerathē; den Bettelstuck anhängen.



# DE CONVICIANTE LING. 145

niens supplicium , pro conviciis plerunque convicia recipere. Verbum vetus & verum est :

*In caput conviciantis dicta recidunt.*

*Vet. Tre-  
chaicus.*

Chrysostomus id confirmans : Quemadmodum, inquit, si infles in scintillam ignis, excitas incendium, contra vero si inspicias, extinguas : & utrumq; tibi in manu est, quoniam utrumque ex ore tuo proficiscitur. Idem fit si conviciis asperseris proximum : si inflatos ac vecordes ingeras sermones, excitas ignem illius, & accendis carbones : sin mites ac moderatos admoveas sermones, priusquam excandescat, iram omnem extinxeris.

*Chrys.  
hom. 3.  
Pericu-  
losum  
esse ad-  
ire spe-  
ctat.*

Deinde crebrius conviciando, ea nonnunquam contrahitur conviciandi consuetudo, quæ nullis monitis satis emendetur. Siracides luculente id affirmat : Homo assuetus in

*Ecclesi.  
c. 23.  
v. 20.*

verbis improprietatis, in omnibus diebus suis non erudietur. Ecquid opus argumentorum mole ? mille rationum loco est unicū Christi decretum, sed ut videtur, severissimum, & quod facile silentium persuadeat conviciatoribus omnibus. ita edicit Christus : Qui

*Matth.  
c. 5.  
v. 23.*

dixerit fratri suo, Raca ; reus erit concilio. Qui autem dixerit, Fatue ; reus erit gehennæ ignis. Non equuleum minatur Christus, non furcam, non catastram, nō rotam, sed gehennam. Neque ad iudicium Triumvirorum hanc convicii causam spectare, sed ad tribunal divinum ait. Quam autem severe Deus judicet, nonnunquam vel oculis facta est fides. Vnus aliquis è Valentis Imperatoris

*Theodo-  
ret. in  
Aphra-  
ate c. 33*

aula divinum virum Aphraatem conviciis est insectatus, & minatus mortem. Nec cunctata est Nemesis : brevi poenas audaciæ de-

dit. Imperator balneo usus, illum Aphraatis conviciatorem misit, videret an nymphaeum ad temperiem esset redactum. Ille

caldariam cellam ingressus, velut amens in

bullien-

Prov.  
c. 25.  
v. 8.

Sap.  
c. 5.  
v. 23.

bullientem aquam insiluit, liquido illo incendio extinctus. Mox tota civitate rumor volavit, quales infelix luerit poenas contumeliæ qua Aphraatem affecit. Hæc Theodoretus testis locupletissimus narrat. Ea de causâ Salomon ut à conviciis absterreat provide monens: Quæ, inquit, viderunt oculi tui, ne proferas in iurgio cito, ne postea emendare non possis, cum dehonestaveris amicum tuum. Conviciorum non surdus auditor Deus est, nec cæcus iudex; à petrosa ira, uti Sapientia loquitur, plenæ mittuntur grandines, in eum qui alios conviciis velut lapidibus insternit.

Et quam absurdum est, ulli corporis vel animi vitium opprobare, à quo ipsemet immunis non sis? Huc & illud accedit, quod non raro exile conviciolum excitavit cruentas tragoedias. Non ignotum est priscorum monitum:

Thro-  
chaic.  
vet.

Spav-  
tian. in  
Sever.  
et Pe-  
scenn.

*A conviciis ad eadem transitus valde est brevis.*

Severum Imperatorem Romanū innocente joco perstrinxerunt nō pauci, dixeruntque:

Vere Imperator nominis sui, vere Pertinax, vere Severus. Imperator gravissimum hoc convicium interpretatus, plerosque omnes capitis damnavit. Sic convicia per jugulum redire solent. Quantæ sæpius inimicitiae ac similitates ab innoxiiis, ut videri potuit, conviciis sunt ortæ? Murena fuste non potest interimi, ferula potest: ita quosdam leve convicium exanimat, qui gravissimas fortunæ procellas infracto animo tulerunt. Multis non satis est par pari reddidisse; convicium non tantum reponunt, sed cum amplo foenore; verba regerunt, sed & colaphos addunt, aut etiam gravius puniunt cavillos in se prolatos. Teste Plinio porticus fuit Olympiæ, quæ vocem acceptam arte modoque mirabili septies reddidit, ob id heptaphonon appellata.

Plin.  
l. 36.  
hist.  
Nat.  
c. 15.  
initio.



pellata. Ita reperias patientiæ tam ignaros ,  
ut si eos unico tangas conviciolo , sexcenta  
mox reddant convicia.

At Christiani hominis est , non tantum  
convicia non dicere, sed neque in se dicta re-  
gerere. Gregorius Nyssenus : Dedecus est , Greg.  
Nyss.  
orat. 4.  
contra  
Euno-  
mium.  
Theodo-  
ret. l. 4.  
Eccles.  
hist.  
c. 20.  
inquit, viro prudenti, non sane conviciantem  
audire, sed ad ea quæ dicuntur, convicia re-  
torquere. Ergo prudenter dixit Petrus Ale-  
xandrinus : Convicium , qualecunque sit il-  
lud, est tolerabile, præsertim his, in quorum  
animis Christi prudentia & doctrina habi-  
tat. Imo idololatri etiam visum hoc inde-  
corum & turpe, conviciatores tolerare non  
posse. Demosthenes ille Græcus fandi ma-  
gister, conviciis itidem laceratus : Commit-  
tor, inquit, in certamen, in quo qui superior  
evaserit , inferior est ; & qui vicerit , victus  
est. Aristippus affectus contumelia à quo-  
dam, secessit nonnihil. maledico autem per-  
sequente ac dicente, fugis improbe ? Etiam ,  
inquit, fugio, nam tu potestatem habes male  
dicendi, ego vero non audiendi.

Cum Agathocles Siciliæ rex , patre figulo  
natus, nescio quam urbem obsideret, è muris  
audacissime milites convicia in ipsum regem  
jacere, & proclamare non sunt veriti : *Figu-  
le* , *ecquando tuo militi stipendium persolves ?* Ille  
placidus ac renidens responderi iussit : *Cum  
hanc cepero.* At cum urbe vi potitus fuisset, ca-  
ptivosque venderet : Si me , inquit, denuo  
conviciis affeceritis , de vobis apud vestros  
dominos querar. Salse & civiliter, dum in-  
tempestivam conviciandi libidinem ejusque  
præmium servitutem commonstravit. Si  
homines divinæ legis & Christianæ religio-  
nis ignari , tam facilem à se conviciorum  
veniam impetrare potuerunt, quid eos facere  
par erit , qui Christianis sacris imbuti , in  
schola Christi sunt educati ?

*Epictet. enchir. c. 27.* III. Insigniter hic Epictetus : Memen-

*Elem*

*l. 1. dis-*

*sertut.*

*c. 25. ad*

*finem.*

*Simpli-  
cius in-  
terpres  
in Epi-  
cteti  
Enchir.  
c. 65.*

*Vet. Tro-  
chaic.  
L. 4. e-  
pist. 49.*

to , inquit , non eum qui convicietur aut verberet , auctorem esse contumeliæ , sed opinionem de eis tanquam contumeliosis conceptam. Cum igitur te quispiam irritarit , opinione tua te irritatum esse scito. Quapropter in primis operam dato , ne visa tibi assensum extorqueant. Nam si semel tempus & moram impetraris , facilius ipse tibi imperabis. Illud omnino meminisse oportet , nos à nobis ipsis urgeri , à nobis ipsis in angustias redigi. hoc est , opinionibus nostris impelli nos & coarctari. Nam audire convicia quid ipsum per se est ? Adsta lapidi , eique conviciare. Quid proficies ? si quis ergo ut lapis audierit , quam è suis maledictis capiet utilitatē conviciator ? Sin conviciator ejus cui maledicit imbecillitatem tanquam scalas prehenderit , tunc aliquid proficiet. Ergo , si Epictetum audis , ubi quis conviciis te appetierit , responde illi : *Bene tibi sit.* Nam quod Simplicius præclarissime dixit , Contumelia & convicium tolerabilia ista habent , interdum quidem quod ea de rebus nostris cognoscimus , quæ prius ignorabamus , semper vero quod nostra patientia provocatur. Atque , ut idem optime monet , etiam fructus aliquis est capiendus , isque haud dubius. Nam aut verum est convicium , aut falsum ? si verum ; quid ringimur & sævimus ? malum aliquod nostrum reiectum est , nobis fortasse ignotum. si falsum est convicium , nihilominus ferendum est , cum nihil nobis noceat , si nolumus nocere. Hic multorum mos est , cum veritate destituuntur , conviciis lancinant , nec tamen obsunt. Nam , quod veteres dicebant :

*Mali hominis convicium probo multum confert.*

Beatus Isidorus Pelusiota : Falso , inquit , ob-  
jectum probrum non ultra aures progredi-  
tur ,



# DE CONVICIANTE LING. 149

tur, neque enim attingit audientis mentem. Excellentissime Augustinus in compendium *Aug. in* hanc artem conferens: Passus es malum? *ps. 54.* inquit, ignosce, ne duo mali sitis. Nec aliter, quem dixi, Simplicius: Ad convicium, *Simpli-* inquit, propulsandum patientia præsto erit. *cus in* neque enim laborem neque afflictationem *c. 14.* suapte natura convicium iis, qui id audiunt, *Enchir.* infert, sed decretum quod in nobis est, sive *Epiet.* vanum sive iracundum. Illud quidem tantum facit, ut improbet conviciatorem. Ne igitur ex affectu nostro illa improbatio fiat: cognoscenda quidem est conviciatoris improbitas (aut enim falso conviciatur, aut ob similitudinem aliquam) ipsum vero convicium ferendum, cum nihil nobis noceat. quid vero si conviciatoris improbitas vel hac de causa, quod is ipse læditur, ferenda est, qui voluntatem suam, hoc est, qui se ipsum contaminarit. Et uti jaculum si in solidum quid inciderit, nonnunquam in mittentem reuertetur: ita convicium in virum fortem & constantem missum recidit in auctorem. Fuit qui Theffalum Prometheum occidere conatus, gladio tuber dissecuit, ac sanavit: ita sæpenumero convicium per iracundiam, ab inimico dictum, animi vitium vel ignotum, vel certe neglectum sanat. Et quemadmodum Telephus non hostem attendit, cuius hastam sibi salutiferam comperit, sed salutem quam adferebat hasta: ita non tantopere offendi oportet inimici convicio, sed quicquid aspergit maculæ, vertendum est ad emendationem vitæ. Si quis tibi ostendat lutum adhærere vesti, non rejicis in illum, sed abstergis: eodem prorsus modo, si quis conviciator nævum ostendat in moribus, non regerendum est convicium, sed abstergenda labes. Claudius Ælianus: Leoni æ-

L

beri, *Ælian. l. 1. Var. h. flor. c. 9.*

*Plin.*  
*l. 8. hist.*  
*Nat.*  
*c. 18.*  
*med.*  
beri, quam si comedat simiam, id ei remediū morbi existit. Idem Plinius testatur his verbis : Leo ægritudinem fastidii tantum sentit, in qua medetur ei contumelia, in rabiem agente annexarum lascivia simiarum : ita conviciū aut contumelia nonnunquam excusso veterno ac desidia ad honesti studium nos acuit. Cum Platoni amicorum aliquis retulisset, esse nonnullos qui ipsum conviciis insectarentur: At ego, inquit, ita mores componam, ut conviciatoribus fides nulla habeatur. Optimum est istud contra omne contumeliarum genus remedium. In hunc sensum

*Isid. Pe-*  
*l. 1. 1.*  
*epist.*  
*480.*  
Isidorus Pelusiota : Quid enim, inquit, injuria studes afficere, quem potius charum habere debebas, ut qui tibi, quæ de te omnium existimatio ac sententia esset, aperuerit? Simultates enim ac dissidia homines acutos ac solerti ingenio præditos persæpe correxerunt, dum effecerunt ut quæ ab iis contumeliose perpetrata fuerant, sanarentur. Quocirca si contumeliæ ducis ea quæ audiisti, cura ut per probas actiones teipsum ab omni contumelia purum atque immunem custodias. Nam si opera emendaveris, maledicta quoque & convicia de medio tollentur. Et ut probe intelligamus, nec pessimos quidem homines conviciis proscindendos : Il-

*Isid. l. 3.*  
*epist.*  
*231.*  
lud, inquit, in te minime probo, quod Zosimum specie tenus presbyterum, urbis piaculum, Ecclesiæ labem, libertatis probrum, eorumque, qui cum ipso consuetudinem habent, pestem & perniciem, ac denique nullo non foedissimo nomine appelles. Etsi enim ipse talis est, at linguam tamen tuam, quæ veritatis organum est, hujusmodi sermonibus contaminari, minime convenit. Quamobrem tibi ipse contumeliam inferre desine. Quamvis enim vera sint, quæ abs te dicuntur, nec quisquam est qui te mendacii insimulare



mulare queat; tamen cum vir probus ac moderatus sis, patientiæ quoque ornamento gestire te atque gloriari æquum fuerit.

IV. Isidori sententiæ Ambrosius Mediolanensis Pontifex, copiosissimus testis accedens: Quid opus est, inquit, moveri cum audis convicia? Cur non imitemur dicentem? *Ambr. l. 1. of- sic. c. 6.* Obmutui, & humiliatus sum, & filii à bonis. An hoc dixit tantum, non etiam fecit David? Imo & fecit. Nam cum ei conviciaretur Semei, tacebat David, & quamvis septus armatis, non retorquebat convicium, non ultionem quærebat, eousque ut dicente sibi Sarviæ filio, quod vindicare in eum vellet, non permiserit. Ibat ergo tanquam mutus & humiliatus, ibat tacens: nec movebatur, cum vir appellaretur sanguinis, qui erat conscius propriæ mansuetudinis. Non ergo movebatur conviciis, qui abundabat bonorum operum conscientia. Itaque is qui cito injuria movetur, facit se dignum videri contumelia, dum vult ea indignus probari. Qui enim contemnit, quasi non sentiat, ita despicit: qui autem dolet, quasi senserit, torquetur.

Prisci ut hunc conviciorum contemptum oculis spectandum exhiberent, Aquilam pinxerunt non oculis minacem, non rostro terribilem, non alis volantem, non unguibus fulminantem, nec prædas quærentem, sed immobili quiete confidentem: huic cornicem adstituerunt avem inquietam & garrulam, quæ laceffere videretur & obstrepere rostro ac pennis. Ergo, mi Christiane, vide, sis Aquila, & loquaces corniculas contemne: permitte cornicari ineptos, tu tuam quietem tuere: quicquid conviciatores garriant, Aquilam non irritabunt. Conviciis optime respondet, qui ea obliterat silentio. Hic te Magnus Basilius firmet: Si mihi credis, in-

*Basil.  
serm.  
de Ira.*

quit, probra contumeliasq; minime curabis. Ille te obscurum, nulliusque æstimationis vocavit, tu terram te ac cinerem esse dicas. Quando enim verborum contumelia tentaris, existima periculum de te fieri, an Deo per patientiam adhæreas, an per iram in adversarii partes inclines. Nam è duobus alterum procul dubio consequeris, aut inimicū tuæ mansuetudinis exemplo mitiorem reddes, vel certe si despexeris, acrius illum vindicabis. Quid enim adversario durius esse potest, quam te animum gerere contumeliis omnibus altiore? Porro quale nomen uterque vestrum assequatur, videamus. Ille contumeliosus, tu magnanimus vocaberis: Iracundus ille ac durus, tu longanimis ac mitis: Illum quandoque horum quæ loquitur, poenitebit, te virtutis & benefacti nunquam. quid plura? Illi contumelia regnum cælorum clausit, quod contumeliosi regnum Dei non consequantur; tibi taciturnitas idem aperuit.

*Chrys.  
hom.  
21. in  
epist. ad  
Rom.*

Finem huic dictioni Chrysostomus imponens: Vince, inquit, in bono malum, quandoquidem & istud vincere est. Pugnans enim tum potissimum vincit, non quando suum ipsius corpus pugnæ exponit, ut plagas excipiat, sed quando seipsum eruens, efficit ut omnem suam potentiam adversarius in aëra frustra & inaniter effundat: id quod & in conviciis fit. Nam quando vicissim convicia regeris, vinceris non ab homine, sed quod turpius est, ab illibero illo iræ affectu. Si vero tacueris; & vincis, & trophæum figis, & innumeros acquiris qui te coronent, quique convicium ipsum mendacii damnent. Qui enim contradicit, ut qui convicii morsum senserit, contra luctari videtur. Morsum vero sentiens, suspicionem de se præbet, dictorum se conscium esse. Si vero deriseris,

risu



# DE CONVICIANTE LING. 153

rifu statim sententiam & judiciū , quod qui audierant , contra te laturo erant , exolvisti. Atque si volueris apertum dictorum argumentum accipere , ipsum tuum inimicū interroga , quando magis doleas : an cum prorsus accensus vicissim conviciaris , an cū conviciantem derides. Atque postremum magis audies. Neque enim tantum juvat conviciis non impeti , quantum mordet quod te ad iram permovere & accendere nequit. Non vides ira percitorum ingenium , quomodo plagarum suarum non adeo multam rationem habentes , magno impetu irruant , proximique vulnera pejus quam soleant agreste; fues , quærant , & ad hoc unum respiciant , inque eo magis , quam ut quid patiantur observent. Quando ergo eum qui hujusmodi est , ea potissimum re privas , quam ipse potissimum concupiscit , omni jam illum proposito evacuaſti , spoliaſti , contemptibilemque puerum magis quam virum ostendisti.

Non ergo minoris est artis , convicia sustinere , quam abstinere posse conviciis.







# D

**A.** *Linguam DERIDENTEM exhibent quadraginta duo pueri, qui Elisaum vatem deriserunt, ob id à duobus ursis lacerati. Vide Caput XII. S. I.*

**B.** *DETRAHENS Lingua semper tres ledit. Primo eum cui detrahitur, deinde detractionis auditorem benevolum, tertio detractorem ipsum. Hoc nobis repræsentat Dux Lotharingie Godfridus, postea rex Hierosolymorum, qui dum urbis illius expugnationem molitur, bono omine tres alites uno jaculo configit. Vide Caput XV. S. III. fine.*

## CAPVT XII.

DERISIONIS *proprium esse, nemini parcere.*

**D**Vbitem sane num operæ pretium sit, hanc Linguam quæ desperatę plerunque petulantiaę est, multis rationibus urgere. Ea est enim deridentis linguę indoles, ut quo plus eam erudieris, plus illa rideat & illudat. Sapiientissimus rex jam olim submonens: Qui erudit derisorem, inquit, ipse sibi injuriam facit. Nam si Augustini sensu, Merces doctoris est profectus auditoris, ille qui salubria monita audit, nec proficit, magistro suo minerval subtrahit; atqui tales profecto sunt omnes derisores, qui quo fidelius monentur, hoc obstinatius irrident, & oderunt monitorem. Ideo Gregorius: Neque enim, inquit, timendum est justo, ne derisor, cum corripitur, contumelias inferat, sed ne tractus ad odium, pejor fiat. Itaque Salomon subjungit: Noli arguere derisorem, ne oderit te. Nam uti cænum tunc maxime foetet, cum illud moveris; & ignis tunc maxime ardet, cum eum foderis; & rabies tunc maxime sævit, cum eam provocaveris; ita derisor necessariaę objurgationis stimulos calce contrario frangit, & tunc præcipue cachinnatur cum arguitur. Adde: beneficium invitis facere, subinde pro tyrannide haberi.

Nihilominus audebo & perfringam, neq; enim unus aliquis derisor mihi corripendus est, sed omnes. Hic tutius pugnandi genus est in multos quam in unum pugnare. Et quamvis sic omnes monendi sint, ut etiam singuli se monitos sciant, eamque ob rem, & iste & ille irrisor corripendus sit, non tamē vitiosi, sed vitium perstringendum est. Ideo  
hic

Greg.

l. 8.

Prov. 24

med.

Prov.

c. 9. v. 7

c. 8.



# DE DERISIONE. 157

hic pæne proclamem, quod ille in arena gladiator : Non te peto, sed piscem peto ; sic ego, mi derisor, non te, sed linguam tuam, prout meretur, aceto confricabo. In primis autem quam irrisores nemini parcant, exponam.

I. Triplici colore insignis est Iris, croceo, purpureo, & prasino seu viridi ; soli semper opposita : atque si plebeis fabulis sit fides, aurum jacet in neglectos fontes. Derisores tribus fere coloribus insigniuntur, quibus se nostendos præbêt: primus est croceus, lucis & splendoris æmulus, nam illi nec superis, sed nec Deo quidem parcant, qui lucem inhabitat innaccessibilem. Alter virentis terræ assimilis est, indicatque eos, qui etiamnum superstites & terram inambulant, derisoribus expositissimos esse. Purpureus denique color designat derisorum linguas, ad ipsas usque piaculares flammæ, aut Erebi sedem extendi, neque enim sepultis parcitur; etiam manes irrisui sunt. Derisor si quid auri, hoc est, purioris amoris habeat, id omne in loca humida, avios fontes, in putidas carnis voluptates derivat. Severissime in hos tales oraculum divinum pronuntiat : Abominatio Domini est omnis illusor. Id quod dixi, facile demonstravero.

Deo quidem minime parcant derisores. Quam crebræ sunt impiæ illæ voces : Deus vir bonus est ; Diabolus tam ater non est atque pingitur; Inferorum flammæ non sic urunt atque creditur ; Cælum longe capacius est atque dicitur ; neque vero anseribus ædificatum est amplissimum illud cæleste palatium ; facile omnes hac domo claudemur. His cavillis Dei misericordiam atque justitiam lingua petulans proscindit. Cavete irrisores, Deus non irridetur. Et cælum quidem Angelis exædificatum est, neque ii tamen

L 5 omnes

omnes illud incolunt, quanto minus illuſores, Dei contemptores? Fuit ex hac hominum ſæce, qui cum tonante ac mugiente cælo moneretur, ſurgeret, Deumque precibus placaret, reſpondit temere: Deus vir bonus eſt, non ferit jacentes. Vix demum multis precibus uxoris motus ſuſceſcit, & mox fulmen lectum percuffit, hominem certe tacturum, ni vocem impiam correxiſſet ſurgendo.

*Jacob.  
Gaulte-  
rius in  
Tabula  
ſua  
chron-  
ographica  
pag.  
817.*

Anno milleſimo ſexcenteſimo nono, die ſancto Iacobo Apoſtolo ſacra in Galliis matrona nobilis Carolicenſis, ſed Calvinianæ ſcholæ, in caſtro ſuo, una cum ſuis ancillis intenta operi reſidebat, cum ecce fulmen è ſumma arce in ipſum conclave trajectis tabulatis irruit. Ancillæ, Catholico ritu, cruce ſe ſignant, heramque rogant idem faciat. At illa ſectæ ſuæ minime oblita, omnes has tales nugas proterve irriſit. Nec diſtulit Deus, & fulmen illuc denuo perrupit, ſolamque illam, inter illæſas ceteras, velut iſtui deſtinatam, protinus interemit. *Hoc habet* petulans lingua. I nunc & ſacros ritus irride. Pomis & nucibus ludere conceſſum quidem, ſed non cum ſuperis, non cum Deo.

*Hier.  
c. 20.  
w. 8.*

Sed uti Deo non parcitur ab irriſoribus, ita nec divinis oraculis. Hieremias vates jam olim queritur, & Factus eſt mihi, inquit, ſermo Domini in opprobrium & in deriſum tota die. Super auditis concionibus quæ non gloſſemata cuduntur, nec unquam deeſt quod in concionatoris verbis aut carpatur aut eludatur. Et hoc cacodæmonis artificioſum eſt, hos naſutulos ita condocere, ut quicquid pro concione dicatur, hoc ipſi in cavillum trahant, & irriſui habeant. Hic ſane nec Chriſti, nec Chryſoſtomi verba quidquam proficiunt. Vbi enim Phariſæi cavillatores cavillari & irridere incipiunt, ibi nec Petrus nec Paulus, nec ipſe Chriſtus ali-  
quid



quid effecerit clamando; frustra sunt omnia. Hæc, inquit irrisor, in concione frequentius audiui, quid crambe bis cocta ponitur? quid usque, & usque, & usque eadem? hæc mihi jam sæpius audita. Sed num etiam hæc tibi jam sæpius facta, mi Mome? Verissime dixit Siracides: Homo assuetus in verbis improperii, in omnibus diebus suis non eruditur. *Ecclesi. c. 23. v. 20.* Hujus generis auditores habuit Isaias propheta, qui hoc ipsum sic queritur: Et erit eis verbum Domini, Manda remanda, *Isa. 28. v. 10. c. 13.* Manda remanda: Expecta reexpecta, Expecta reexpecta; Modicum ibi, modicum ibi: ut vadant & cadant retrorsum, & conterantur, & illaqueentur, & capiantur. propter hoc audite verbum Domini viri illusores. Nimis magno stat, in Deum jocos jacere. Deus non irridetur, Deus neque se neq; suos nuntios, neque suas denuntiationes impune finit esse ludibrio. Abominatio Domini est omnis illusor.

Tanto autem odio Deus Deridentem hanc linguam prosequitur, ut eam nec in rebus quidem levissimis, nec in pueris etiam & balbutiente ætate toleret. Elisæus irrisus à pueris, quam horribili poena vindicatus est! Regum fasti rem ita narrant: Cumq; ascenderet (Elisæus) per viam, pueri parvi egressi sunt de civitate, & illudebant ei, dicentes, *4. Reg. c. 2. v. 24.* Ascende calve, ascende calve, &c: egressique sunt duo ursi de saltu (velut duo carnifices) & lacerarunt ex eis quadraginta duos pueros; *Pueros parvos*, qui vix fari poterant, quos tenella ætas tam rigido supplicio subtraxerit. Sed non parsum est. Abominatio Domini omnis illusor, quantumcunque teneræ sit ætatis.

Itatissimus quoque Deus fuisse dicendus est, cum legati quos miserat, passim ab omnibus ludificarentur; res sic narratur: Mittebat

2. Par. tebat autem Dominus Deus patrum suorū,  
 c. 36. de nocte confurgens, & quotidie commo-  
 v. 15. nens: eo quod parceret populo & habitacu-  
 lo suo. At illi subsannabant nuntios Dei, &  
 parvi pendebant sermones ejus, illudebantq;  
 prophetis: donec ascenderet furor Domini  
 in populum ejus, & esset nulla curatio.

II. At sicut ab irrisoribus Deo non par-  
 citur, ita nec Christo filio Dei, nec Christi  
 discipulis. Archisynagogi ædes ingressus  
 fuerat Servator, filiamfamilias ad vitam re-  
 vocaturus. At turba tumultuans, & tibici-  
 nes sibilis & cachinnis Servatorem excipie-  
 bant, & irridebant eum. Quam humaniter rex  
 Herodes Antipas Dominum salutavit? Alba  
 veste velut fatuum, & albæ mentis hominē  
 indutum, toti exercitui suo ridendum pro-  
 pinavit. Hic idem Dei filius in Pilati præto-  
 rio per ludibrium salutatus rex, & varie de-  
 risus est. Et quas in cruce ludificationes non  
 tulit? quam acerbæ cavillationes tunc jacta-  
 bantur? Sinite videamus, ajebant, an veniat  
 Elias liberans eum; alios salvos fecit, seip-  
 sum non potest salvum facere; Vah, qui de-  
 struis templum Dei, & in triduo reædificas,  
 salvum fac te ipsum. Sed nec latronum  
 alter cavillis abstinuit. Nec mitius actum  
 cum Christi discipulis; quoties illi fabulæ ce-  
 rant & ludi fiebant? Die Pentecostes cum  
 Deo pleni profilirent in vias, & cælesti fa-  
 cundia perorarent, varie auditores affece-  
 runt: Alii autem irridentes dicebant, quia  
 musto pleni sunt isti: quid miramini, calices  
 fecere disertos, largius boni viri obbiberunt.  
 Matth. Christus futurum hoc vaticinatus: Si pa-  
 c. 10. tremfamilias, inquit, Beelzebub vocaverunt,  
 v. 25. quanto magis domesticos ejus?

David optimorum regū optimus, ab omni  
 hominum genere illusos est. Goliathus ca-  
 villator improbus: Nunquid ego canis sum,  
 ait,



ait, quod tu venis ad me cum baculo? veni <sup>1. Reg.</sup>  
ad me, & dabo carnes tuas volatilibus cæli, <sup>c. 17.</sup>  
& bestiis terræ. Et fatuus Nabal quam ore <sup>v. 44.</sup>  
temerario Davidem cavillatus: Quis, inquit, <sup>1. Reg.</sup>  
est David, & quis est filius Isai? hodie incre- <sup>c. 25.</sup>  
verunt servi qui fugiunt dominos suos. Mea <sup>v. 10.</sup>  
igitur dem hominibus ignotis, servis fugiti-  
vis? Neque hic Deus supplicium distulit:  
Cumque pertransissent dies decem; percussit <sup>1. Reg.</sup>  
Dominus Nabal, & mortuus est. Idem rex <sup>c. 25.</sup>  
David ab ipsa conjuge sua Michole quam <sup>v. 38.</sup>  
proterve irrisus est? Saltaverat rex sanctissi-  
mus ante Arcam Domini mente rectissima,  
& miros in Deum affectus ediderat. At Mi- <sup>2. Reg.</sup>  
chol sinistre hoc interpretata: Quam, inquit, <sup>c. 6.</sup>  
gloriosus fuit hodie rex Israel discooperiens <sup>v. 20.</sup>  
se ante ancillas servorum suorum, & nuda-  
tus est quasi nudetur unus de scurris! At ve-  
ro David placidissime: Ludam, inquit, & vi-  
lior fiam plusquam factus sum; & ero hu-  
milis in oculis meis. Nec sua Micholi dica-  
citas impune stetit: matris nomen nunquam  
obtinuit.

Iobum patientiæ magistrum, quam ama-  
rulento scommate perstringēs uxor: Adhuc, <sup>Iob. c. 2.</sup>  
inquit, tu permanes in simplicitate tua? Sed <sup>v. 9.</sup>  
responsum tulit se dignum: Quasi una de <sup>v. 10.</sup>  
stultis mulieribus locuta es; si bona suscepi-  
mus de manu Dei, mala quare non suscipia-  
mus? Sed & ab aliis irrisus Iobus: Nunc, <sup>Iob.</sup>  
inquit, in eorum canticum versus sum, & <sup>c. 30.</sup>  
factus sum eis in proverbium. <sup>v. 9.</sup>

Nec Tobias suos habuit benevolentiores:  
Nam sicut beato Iob insultabant reges, ita <sup>Tob. c. 2.</sup>  
isti parentes ejus; & cognati irridebant vi- <sup>v. 15.</sup>  
tam ejus, dicentes, ubi est spes tua pro qua <sup>16. 17.</sup>  
eleemosynas & sepulturas faciebas? Tobias <sup>v. 18.</sup>  
vero increpans illos: Nolite, inquit, ita lo-  
qui, quoniam filii sanctorum sumus; & vi-  
tam illam expectamus quam Deus daturus  
est his,

est his , qui fidem suam nunquam mutant ab eo.

Divinus Paulus apud Athenienses , ansam dicendi sumens ab Ignoto illorum deo , deque universis mortalibus in vitam revocandis ; & quem plausum tulit? multorum irrifionem. Nam cum audissent resurrectionem mortuorum , quidam quidem irridebant , quidam vero dixerunt; Audiemus te de hoc iterum. Adeo paucis fructuosa fuit facundissima Pauli oratio.

Idem omnibus bonæ mentis hominibus contingit , nec est quod hic expectent usitatus suæ probitatis præmium , quam sperni & irrideri. Francisci Assisnatis, viri sanctissimi germanus frater, sed parū sanctus, cum videret Franciscum sæva hieme, rigente cælo, seminudum frigore concuti, misit puerū qui per ludum peteret , sudoris sibi aliquid vendi sestertio. Huic Franciscus ore hilari : Dic, inquit , fratri meo, me jam & algorem. & sudorem meum omnem Domino meo vendidisse , idque ingenti pretio. Nimirum deridetur iusti simplicitas. Et quod longe pejus est , derisor hoc sibi jus esse autumat , neminem sine scommate præterire . omnes deridere. At finite cavillatores hoc sibi jus fingere, ipsi demum fatebuntur Orbi , quam nullo id jure fecerint. Audite quam serio sed sero nimium ex inferis illi ipsi vociferentur : Hi sunt quos habuimus aliquando in derisum, & in similitudinem impropertii. Nos insensati vitam illorum æstimabamus insaniam, & finem illorum sine honore: ecce quomodo computati sunt inter filios Dei, & inter sanctos fors illorum est ! En illi supra sunt, nos in Orci barathro jacemus. Sed dicite , ô Phryges sero sapientes , num hoc unum solummodo peccatum patraastis ? cur libidines vestras tacetis , cur temulentiam vestram

Platus  
de bono  
status  
relig. l. 3  
c. 16.  
ante  
med.

Iob  
c. 12.  
v. 4.

Sapient.  
c. 5.  
v. 3.  
4. 5.



vestram dissimulatis? quid avaritiam & invidiam tacetis, quid tot alia flagitia vestra tegitis? Ah, satis est, ajunt, hoc unicum fateri grande piaculum. vitæ nostræ epitomen damus, *irrisores fuimus*. Hinc, quicquid salubrium monitorum instillabatur, contempsimus, & hinc ruina præceps in vetitum, hinc tot scelerum formæ. ergo fatemur demum: Hi sunt quos habuimus aliquando in derisum.

III. Inter eos qui plurimum ridentur, primi numerantur pauperes, quos ditiorum supercilium non alio quandoque nomine compellat, quam famelicos mures, pediculorum thesauros, extrema busti cadavera, damnata fortunæ ludibria, &c. quis non disertus est, cum spargenda sunt ejuscemodi infamia agnomina, quæ non tantum dictu audituque indecora, sed & infimos quosque graviter offendunt, & exacerbant, subinde mali non exigui causa. Exemplo res demonstratur. Cum audisset Sanaballatus Hebræorum hostis, murum ab ipsis strui, Iratus est valde, & motus nimis subsannavit Iudæos, & dixit coram fratribus suis, & frequentia Samaritanorum: Quid Iudæi faciunt imbecilles? nunquid ædificare poterunt lapides de acervis pulveris qui combusti sunt? Sed & Tobias Ammanites proximus ejus, ait, *Ædific-* 2. *Esdr.*  
cent: si ascenderit vulpes, transiliet murum *c. 4.*  
eorum lapideum. Nihilominus opus cæptum *v. 1.*  
feliciter surrexit. Factum est ergo cum au- *2. 3.*  
dissent omnes inimici nostri (ajunt irrisi *c. 6.*  
Iudæi) ut timerent universæ gentes quæ *v. 16.*  
sunt in circuitu nostro, & conciderent intra semetipsos, & scirent quod à Deo factum esset opus hoc. Ita Deus irrisores punit, & eos qui irrisi sunt, singulari patrocinio defendit.

Sed quemadmodum vivorum nemini par-  
citur

Plin.  
l. 2.  
c. 43.

citur ab irrisoribus , ita nec cuiquam mortuorum. Effertur quis ? ridentes sequuntur non pauci: nulla in eis memoria mortis; parum orationis, confabulationis plurimū est, perinde si canis mortuus efferretur , aut si corvum occisum ad rogam deportarent Æthiopes præcedente tibicine, ut olim Romæ. Et quid sermonis miscetur in exequiis duccendis ? O bone, ajunt, devixisti, nunc subi scrobem , subi ; opertus altum dormies , interstrepente nullo.

Non tu hos dixeris Micholis esse filios, à quibus omnia habentur irridiculo ? Hac cavillandi ratione omnia peccata eludi solent.

Valer. l. 1. c. 2. Ita Dionysius Syracusis genitus , illud ævi sui dedecus , tot sacrilegia sua jocosis dictis prosequi voluptatis loco duxit. Fano enim Proserpinæ spoliato Locris , cum per altum secundo vento classe veheretur : ridens : Amici , videtisne ( ait ) quam bona navigatio ab ipsis diis immortalibus tribuatur sacrilegis ? Idem Iovis Olympii statuæ amiculum aureum magni ponderis detraxit, injectoque laneo pallio : Æstate, inquit, gravis nimium est aureus hic amictus , hieme frigidus , laneus autem ad utrumq; tempus anni aptior, & hieme fovebit, & æstate non gravabit. Idem Epidauri Æsculapio barbam auream demi jussit, quod affirmaret non convenire patrem Apollinem imberbem , ipsum vero barbatum conspici. Idem mensas argenteas atque aureas è fanis sustulit : quodque in his more Græciæ scriptum erat ; bonorum Deorum eas esse, uti se bonitate eorum prædicavit. Idem Chrysendeta & pateras coronasve, quæ simulachrorum porrectis manibus sustinebantur, tollebat : & eas se à dantibus accipere , non auferre ab invitis dicebat : perquam stultum esse argumentando, à quibus bona precamur , ab iis porrigentibus nolle



nolle sumere. Huic regio cavillatori non multum absimilis fuit Leo IV Imperator Copronymi filius, qui è S. Sophiæ capite coronam auream abstulit, quam priores Imperatores regiis sumptibus fieri curarant. Hi tametsi debita supplicia non exolvant, mortui tamen rependunt pœnas, quas vivi effugerant. Lento enim gradu ad vindictam sui divina procedit ira, tarditatemque supplicii gravitate compensat.

Verum, ne sic quidem ad frugem se corrigunt irrisores. Quantum hodieque piaculum foret, inter potatores dicere: *Non sitio amplius*. Sibilis exploduntur hæ voces: O te, ajunt, hominem asinum, qui non bibas, nisi sitias! Si quis vitæ sit seductioris ac castigatioris; En, inquit, eremicolam istum, en sanctum hunc misanthropum! si quis Christiana nobilitate calumnias concoquere, injurias obliterare cupiat; en, ajunt, simplicem oviculam, hominem ficulneum, en virum antiqui sæculi, cui vanæ & sine viribus iræ sunt, qui nec sui ipsius quidem scit patrocinium gerere. Inde fit, ut qui rideri non vult, ulcisci velit impie, malitque malus Christianus esse, quam imbellis & effeminatus ultor haberi. Eo rerum devenimus, ut optimos quosque mores noxæ nobis esse censeamus, cum eos sæx hominum irridet. Hinc & ventri & conscientiæ vim facimus: ventri quidem, ut quam plurimum vini capiat; conscientiæ vero silentium præcipimus. Quotusquisque est qui se ad flagitium non animet his vocibus? Ego vero quam me rideri patiar, potabo potius & genio meo benigne faciam; si probro sit injurias oblivisci, ulciscar. O nequissimam cacodæmonis vafritiem, quod machinis ac insultibus non obtinet, hoc sanis ac sibilis impetrat. Sane hac in re optimos omnium magistros & artifices prima-

rios agnoscimus Phariseos , qui omnibus Christi dictis factisque proteruissime illudebant. Assiduæ illorum voces volabant : Videte, obsecro, sanctitatem viri, qui cum nequissimis quibusque hominibus tam socialiter agit ; en prophetam qui publicanos & profligatæ pudicitiaë homines accedit, ut scilicet lautiores mensas inueniat.

IV. Hic quæso , Christiani , diem illum quo Christus asina vehēs Hierosolyma contendebat , una mecum exactius perpendite. Cum igitur Christus Dominus utcunq; jam vicinus iret urbi , Pharisei, Scribæ , Rabini certatim spectatum proruebant diversis locis. Pars spectatorum istorum fenestras occupabat, & oculos vitreos in novum equitē defigebat, pars in via ad circulos coibat, omnes ad irridendum paratissimi. Iamque urbem ingresso Domino , Pharisei omnes & Scribæ velut Epidaurii serpentes curiosissimis oculis observabant , quinam è suis civibus Dominum comitarētur, qui palmas ferrent, qui lætum acclamarent , qui vestem in via sternerent , hos ipsi digitis devorantes : En, ajebant, stultissimos homines ! hic magister Zacharias sutor , ibi magister Samuel faber comitantur : en illic magister Ioseph pistor , & magister Iacob cæmentarius palmas ferunt: etiam vicina nostra, domina Iudith à nobis defecit, siquidem palmam fert , & asinum sequitur : en illic cognatam nostram Salomen cum ceteris insanientem. Ita modo hos, modo illos digitis monstrantes , extreme cavillabantur humillimam Christi equitationem, & omnes illius comites. Hic irrisorum mos est.

Non aliter Hæresis suos instituit ; hinc quicquid sacrorum rituum est , petulantissime deridetur. Sed neque Catholici dogmatis omnes hic extra culpam, Fit non raro, ut  
Christus



Christus Dominus cælesti ferculo vel per templi ambulacra, vel per urbis compita deferatur, longo deducantium agmine. Hos inter non infimæ plebis homines effuse garrire, joculari, ridere, fabulari audent liberrime, tanquam si eos modestiæ publicæ puderet. Hic jure quærat nonnemo: Quo in loco estis, aut quem deducitis? num fabulaturi ad estis? num in choreo agitis? num saltaturi convenistis? Vbi fides, ubi religio? Ah, quam vestrum, & Orbis judicem non attenditis! itane vobis cæcus & surdus est Christus, ut illius oculos & aures nihil vereamini? Hoc non hæresin solum, sed & idololatriam sapit.

Iulianus apostata, peritissimus cavillator, & sannio maximus, in quem propriissime dictum putes: Abominatio Domini est omnis illusor. Hic Christianos de injuriis conquerentes, per cavillum eludere solitus: Hoc, aiebat, lex vestra imperat, ut percussus una maxilla, porrigat & alteram. Si quis iniquissime ablata reddi cupiisset: Adimenti pallium, aiebat, tunicam etiam in auctarium addendam, vestris legibus sancitum est. Hoc irrisu omnia despuebat perfidissimus Apostata. Ab hoc non multum dispar dux Aquitanæ Guilielmus, sed demum vir sanctissimus. Hunc Guilielmus Malmesburiensis asserit ad id potentiæ pervenisse, ut in Palæstinam sexaginta milia equitum, & longe plures pedites duxerit; dives auri, sed multo magis vitiorum; in omni sordium genere volutatus, cum male faceret, gloriabatur, cuncta, ut Malmesburiensis loquitur, malefacta condiens salibus nugarum & facetiarum. Hunc Petrus Pictavorum Pontifex liberrime reprehendit, & officium facere detrectantem à piorum societate seclusit. At ille stringens gladium, & capillos præsulis

apprehendens : Iam, inquit , morieris senecio, nisi Ecclesiæ me restitueris. Præsul sibi præsentissimus , & plane impavidus : Sine, inquit, loquar. Concesso dicendi spatio, dirum in eum compositum carmen absolvit , & inferorum pœnis devovit; dein porrecto iugulo : Feri jam, inquit , feri. At Guilielmus pro more tam seria ludificans : Adeo, inquit, te odi, ut nec te meo digner odio; nec unquam cælum ingredieris , hac mea manu adjutus. Fuit autem & sua Guilielmo Herodias , quæ Petrum antistitem in exilium ejiciendum suavit. Guilielmus pellicis consilium secutus , exilio damnavit sanctissimum monitorem , quem ubi mortuum inaudit : Pœnitet me, inquit, quod senem illum non citius ad cælum miserim. His sarcasmis scelerata non textit, sed auxit.

At ubi animum mutavit Guilielmus, quæ non à semetipso supplicia exegit vitæ licentius actæ ? quibus lacrimis cachinnos ipse suos eluit? quântis rigoribus corpus domuit? cum vita reliqua omni, loricam nudo corpori appressam gesserit , acerrimus ipse vindex priorum noxarum. Hic jam Ambrosii voce uti liceat : Si secuti sumus errantem, sequamur & pœnitentem. Deus , ô Christiani, non irridetur , sed neque suos impune irrideri patitur : Abominatio Domini est omnis illusor. Eccur alteri alteros irridemus ? Omnes peccavimus , & egemus gloria Dei. Quisque suos patimur manes ; nemo sine vitiis. Ergo ,

Dom.  
c. 3.  
v. 23.

Inven.  
sat. 2.  
v. 23.

Sen. e-  
pist. 50.  
initio.

*Loripedem rectus derideat, Æthiopem albus.*

Et quis ille qui ad omnem amissim se dixerit tam rectum , ut solus alios ridere possit ? Tu ergo, mi homo, in teipsum tuos cachinnos verte , & quæso vel hoc uno Annæum Senecam imitare , qui : Si quando , inquit, fatuo delectari volo, nō est mihi longe quærendus ;



rendus ; me rideo. Æmulemur, & nos ipsos nobis proponamus : hic nostra jocularis lingua satis habebit abunde quod convellat , nos ipsos rideamus.

## CAPVT XIII.

*Derisorum natura, & DERISIONIS damna uberius explicantur.*

**D**Iximus, quam nemini parcant irrisores : sed accuratius nunc in eorum mores indagandum , simul etiam damna quæ hanc linguæ intemperantiam sequuntur , explicanda.

**I.** Robertus Holcot Anglus , vir eruditus & divi Dominici familia , librum Sapientiæ commentariis illustravit. In his de hoc ipso linguæ vitio differens : Derisio, inquit, quatuor parit mala : Ostendit enim stultitiam , suspendit amicitiam, offendit justitiam , intendit malitiam. Ordine ista , sed strictim persequemur.

**1.** *Ostendit stultitiam* derisor : quisquis enim alterius defectus irridet, profecto ignorat suos ; & sæpe illo maxime vitio laborat , quod in alio fugillat. Præclare Gregorius : Quid, inquit, simus hodie, novimus, quid autem paullo post esse possimus, nescimus. Hi enim quos despiciamus, tarde possunt incipere , & tamen vitam nostram ferventioribus studiis anteire. Timendum itaque est, ne nobis cadentibus surgat, qui nobis stantibus irridetur , quamvis stare jam non novit , qui non stantem novit irridere. Apud Iobum dicitur : Cum ceteros, inquit , irriseris, tu à Iob  
nullo confutaberis ? Væ qui spernis , nonne c. 11.  
& ipse sperneris ? cum fatigatus desieris con- v. 3.  
temnere, contemneris. Is. c. 33  
v. 1.

**2.** *Suspendit amicitiam* derisor. Vbi enim derisio, ibi rixa & contentio. Ideo illud fa-

*Prov.*  
c. 22.  
v. 10. pientiae oraculum monet : Ejice derisorem,  
& exibat cum eo jurgium, cessabuntq; caus-  
sæ & contumeliæ. Irrisio gravissimarum  
sæpe litium fuit seminarium. Multi, ne di-  
ctum sibi pereat, quod ægre in ore tenetur  
conceptum, dulcedine urbanitatis prolapsi,  
dum ludo irrident, serio lædunt.

3. *Offendit justitiam*, id enim alteri facit,  
quod sibi nollet fieri. Quis enim ille, & lau-  
dabimus eum, qui æquo animo ferat se irri-  
deri? Quam hoc omnes fugimus, quam in-  
digne ferimus, risu aut sibilis excipi? Cur  
ergo quod ipsi tantopere horremus, aliis tam  
petulanti temeritate obtrudimus? Siracides  
corripit : Intellige, inquit, quæ sunt pro-  
*Ecclesi.*  
c. 31.  
v. 18. ximi tui ex teipso.

4. *Intendit malitiam*, nam per jocum inci-  
pit, sed è joco res nascitur; ludendo ferit,  
ridendo sauciat. hoc certe non raro efficit,  
ut irrisus minoris quam antea fiat. Omnis  
*Hierem.*  
c. 9. v. 4. amicus, inquit Hieremias, fraudulenter in-  
cedet, & vir fratrem suum deridebit, & ve-  
ritatem non loquetur.

*Ovid.*  
l. 1. me- — non hospes ab hospite tutus.  
*Terent.* Nec socer a genero, fratrum quoque gratia rara est.  
Sed pergit Robertus, & : Eam ob causam,  
inquit, quadrupliciter minatur scriptura hoc  
modo : Irrisores non sunt arguendi de ini-  
quitate, Non sunt instruendi de fatuitate;  
Sunt ejiciendi è societate; Sunt deridendi  
à Dei majestate.

I. *Non sunt arguendi de iniquitate.* Hoc cau-  
*Prov.*  
c. 9.  
v. 9. te præmonens sapientissimus regum : Noli  
arguere derisorem, inquit, ne odérit te : ar-  
gue sapientem & diliget te. Vti frustra se  
fatigat medicus in eo ægroto persanando,  
qui pharmaca omnia effundit, non in ven-  
trem, sed per fenestras: ita oleum & operam  
perdit, qui cavillatorem multitudine moni-  
torum obtundit. Inter irrisores autem fa-  
cile



cile principes fuerunt Iulianus & Lucianus apostatæ perfidissimi, & ex asse momi exercitatissimi, ad quævis irridenda. Sed uterque meritissimas dedit pœnas : ille incerta sagitta sauciatus, iste à canibus laceratus interiit.

2. *Non sunt instruendi de fatuitate.* Salomon id affirmans: Quærit derisor sapientiam, inquit, & non invenit. Avetis linguam nobilissimi derisoris inspicere? Herodis Antipæ linguam considerate, qua ipsam æternam sapientiam ostentui habuit, qua filium Dei ut fatuum irrisit, & ut ab omnibus irrideretur, fatui veste donavit, & sic Romano præsidî remisit. Sapiens sibi videbatur rex iste, & ideo Christum variis quæstionibus urgebat. Aperte divinus Lucas: Interrogabat eum multis sermonibus. Quis hic non cupiat explicatius nosse curiosissimi hominis tot quæstiones? At ipse nihil ei respondebat. Caiphæ, Pilato, Malchi cognato, aliis respondit Christus, huic irrisori nihil. In hoc tali homine desperanda est sanitas. Monetur, punitur? ridet, ludit. Iterum monetur, iterum punitur? iterum ille & ridet & ludit, Derisor non invenit sapientiam.

3. *Sunt ejiciendi e societate.* Ita monent divina oracula: Ejice derisorem, & exhibit cum eo jurgium. Sub initia nascentis Orbis, deerat hæc hominū fæx, idque in ipsa Noëmi & Abrahami domo: talis erat Cham, talis Ismaël: Cumque vidisset Sara, filium Agægyptiæ ludentem cum Isaac filio suo, dixit ad Abraham: Ejice ancillam hanc & filium ejus, puer hic ludibundus nimium & petulans est; ipsa vidi, quam is filium meum sugillarit, irriserit, vexarit; res non ferenda: male liberos educabimus si hoc dissimulemus. Irrisionis autem istius caussa fuit invidia, nam Ismaëlem natu majorem pessime

habuit, epulum tam nobile instructum, cum Isaacus à lacte depelleretur. Neq; in Ismaëlem tantum excanduit Sara, sed & in matrē illius, ut quæ improbos filii mores non corrigeret. Ergo ejice ancillam, inquit, has illusiones in nostra domo non feremus.

4. *Sunt deridendi a Dei majestate.* De his ipsis Psaltes regius: Ecce, inquit, loquentur in ore suo (voce submissa & gracili) & gladius in labiis eorum : verba illorum mire penetrant punguntque, ipsi tamen ea securi effundunt, & eo se solantur, *quoniam quis audivit?* Non est hic qui nos in jus ambulare cogat ob nostros sermones. *Et tu, Domine, deridebis eos.* Putant se non audiri, sed tu Domine, qui vel latentissimos ipsorum nutus observas, in tempore aderis, risui & illos etiam propinaturus.

*Prov. c. 3. v. 34.* Salomoni hoc credamus : Ipse deludet illusores, inquit, & mansuetis dabit gratiam. Et velut dextrerrimus irrisor aliquis nō multum sese agitat, cum alios risui exponit, sed ore solum aut oculis dat signū, ita Deus per vilissima quæque in nostros irrissus animadvertit. Isaias attestatur : Sibilabit Dominus muscæ quæ est in extremo fluminum Ægypti, & api quæ est in terra Assur. Non opus hic magna vi, sibilo res agitur : Veni apicula ; hunc mihi punge; adsis musca, hunc mihi vexa. Quia vero Isaias vates hoc loco per muscam Ægyptios, per apim Assyrios, & omnes illorum exercitus designat, compendio hoc asserit: Deus vel unico nutu tam facile immittit instructissimum exercitum, quam facile quis cani aut feli apponit scarbæolum. Ergo ut illusores dignum se præmium ferant, exiguis sæpe contumeliis pugnat in illos Deus, sed his illi sic consternantur, ut velut æstro perciti furant & insaniant, postquam *sibilavit Dominus muscæ.*



II. Narrat Plinius, in illis Orbis partibus, quæ leones gignunt, vermiculum reperiri Leontophonon, quo gustato tanta illa vis, ac ceteris quadrupedum imperitans illico expiret. Habet Deus vermiculos suos quibus immanes illas bestias sternat. Ita cum Herode Magno Ascalonita tot infantium interfectore actum; à vermibus miser occisus est: sic hostes Deus, sic illusores tractat: sibilat muscæ, ut exagitet; immittit vermiculum, ut necet: *Tu Domine deridebis eos.*

Rem miram refert Surius de Charilepho *Sur.* viro sanctissimo, qui suo cœnobio id prærogativæ obtinuit à Deo, ut ingressum nulla *rom. 4. die* feminarum tentaret impune. Audiit hoc *1. Iulij.* spargi ceteris curiosior femina, Gunda nomine, & has superum minas velut fabulam irridens, mentito habitu clam subrepere instituit. Viriles ergo vestes induit, & hilaris contendit ad monasterium. Hic Deus sibilavit muscæ, quæ mox ab inferis emerfit. Siquidem mulier illa temeraria, jam pedem illatura limini, à malo genio infessa, à cœnobii aditu vi rejecta, & pessime habita est ab hoc inquilino. In posterum, discere manere domi, & privilegia divi concessa non ridere.

Quam porro illusores in gente Christiana sint noxii, Guilielmus Peraldus Lugdunensis Præsul erudite demonstrans: Hæc, inquit, diaboli vafrities est nequissima, qua filios Dei suffocat dum parvuli sunt, bonum inceptum destruens in germine. Sicut enim Pharaos Hebræos infantulos aquis submergi, Herodes gladiis confodi voluit: ita Lucifer Christianorum partus jugulari vult antequam adolecant. Et quantum impeditur bonorum actuum per unicum hoc diaboli vafrementum, Irrisionem. Ita enim fit, ut

qui non robustæ pietatis est si videat se rî-  
deri , quod tam facilis sit ad dandam inimi-  
cis veniam , deinceps inexorabilem se futu-  
rum statuit : sic & alii nondum adultæ vir-  
tutis , si notent deridiculo esse serio precan-  
tes , sacramenta frequentantes ; si pietati va-  
cantes , & in omnibus se continenter ac sub-  
misse gerentes ludibrio haberi , & fabulam  
esse observent , in eam facile mentem addu-  
cuntur , ut statuunt illa omnia velut super-  
vacua ommittere , ceterorum more vivere , fa-  
cere quod isti & istæ solent , & sic irrisiones  
exire. En , ut optima seges suffocetur in se-  
mine ! Irrisio acutum spiculum est in animo ,  
quod fortissimum quemque , ni Deus singu-  
lariter eum tueatur , de mentis statu dejiciat.

Greg.  
l. 9.  
mor.  
c. 5.

Iob  
c. 12.  
v. 4.

Greg.  
l. 10.  
mor.  
c. 16.

Vere Gregorius: Sæpe, inquit, lingua à bono  
opere, dum vituperat, revocat. Iobus inter  
tot tormenta hoc unum gravissime questus  
est se ab amicis irrideri, & quasi prolixæ pa-  
tientiae oblitus , quamvis constantiam reti-  
neret, prorupit in hæc verba : Qui deridetur  
ab amico, sicut ego, invocabit Deum, & ex-  
audiet eum, deridetur enim iusti simplicitas.  
Nimirum hoc ariete Iobus non quidem de-  
jectus, sed tamen valde conquassatus est. Su-  
per hac Iobi querela differens Gregorius, va-  
nissimas mortalium artes compendio com-  
plexus : Hujus Mundi sapientia est, inquit,  
cor machinationibus tegere , sensus verbis  
velare, quæ falsa sunt, vera ostendere, quæ  
vera sunt, fallacia demonstrare. Hæc nimi-  
rum prudentia usu à juvenibus scitur ; hæc  
à pueris pretio discitur, hanc qui sciunt, ce-  
teros despiciendo superbiunt , hanc qui ne-  
sciunt , subjecti & timidi in aliis mirantur :  
quia ab eis hæc eadem duplicitas, iniquitatis  
munimine palliata diligitur , dum mentis  
perversitas, urbanitas vocatur. Hæc sibi ob-  
sequentibus præcipit , irrogata ab aliis nulla  
multi-



multiplicius reddere, cum vires suppetunt; nullis resistentibus cedere, cum virtutis possibilitas deest; quicquid explere per malitiam non valent, hoc in pacifica bonitate simulare. At contra sapientia justorum est, nil per ostensionem fingere, sensum verbis aperire, vera ut sunt diligere, falsa devitare: bona gratis exhibere, mala libentius tolerare quàm facere, nullam injuriæ ultionem quærere, pro veritate contumeliam lucrum putare. Sed hæc justorum simplicitas deridetur, quia ab hujus Mundi sapientibus puritatis virtus fatuitas creditur: omne enim quod innocenter agitur: ab eis procul dubio stultum putatur. En hæresin irrisorum amplissimã! Imo hæresum omnium istud sollennissimũ est, mimum agere & momum, sancta omnia irridere, convicia & scommata de plaustris jacere. Talis eorum hæresis fuit, quos Coterellos vocabant. Hi anno millesimo centesimo octogesimo apud Gallos Bituriges, uti divus Antoninus memorat, rapinis, stupris, incendiis omnia turbarunt. Exordium fecerunt ab irrisione Coterelli: sacerdotes per ludum cantores vocabant; si quem è sacerdotibus arripuissent torquendum, primum erat imperare: Canta sacrificule, canta: illi alapas interim ingerebant cantanti; quosdam virgis ceciderunt, ea liberalitate plagarum, ut brevi obierint. Ab iisdem calices sacri, malleis & saxis contusi, sacrosancta Eucharistia pyxidi excussa, per aërem sparsa, non sine cachinnis & conviciis, ac pedibus (horreo dicere) conculcata: sacræ vestes conscissæ, & inde pellices ornatæ. *At tu Domine derisisti eos.* Philippus rex Galliarum ob crebriores victorias appellatus Augustus, exercitum misit qui Coterellos ad unum omnes delevit: instar canum macerati sunt. Hoc judicium irrisoribus debebatur.

*Anto.*

*nin.*

*tom. 2.*

*tit. 17.*

*§. 17.*

**III.** Non absimilis his Michaël III ejus nominis Imperator in Oriente, anno octingentesimo quadagesimo secundo; hic sacerdos, antistites, sacra omnia irrisit. Quam in re primum famulum, Bardas nomine, egregium adiutorem habuit. Hæc irrisorum scelera deus oculis veluti clausis præteribat, & tanquam dissimulanter ea intueretur, conivebat usque in annum vicesimum sextum, quo anno Michaël Imperator charissimum Bardam præcepit occidi: ille strictis gladiis perterritus, genua Imperatoris advolutus, vitam solum rogabat; sed extractus & frustillatim concisus est, caput conto suffixum, & velut in Iunonis pompa prælatum: *Tu Domine deridebis eos.*

Eodem anno & ipse Imperator Michaël debitum sibi præmium tulit. Nam cum Basilus in eodem solio successor, illum impietatis moneret, Imperator monitoris impatiens, aulicum famulum subornavit, qui Basilium impeteret hasta, veluti feram fixurus. Sed error hastæ saluti fuit Basilio. Cautior exinde Basilus, re cum aliis deliberata, ebrium Imperatorem in cubiculo aggressus, & multis vulneribus confectum, manibus pedibusque mutilavit: ita Zonaras & Cedrenus. Iudicia derisoribus debita, etsi sopita videantur, tandem tamen evigilant.

Hic mihi alius in mentem est Michaël Theurlinus, homo gente Germanus, sed inter cavillatores minime postremus, hic in Pannonia infra Strigonium, à sacerdote sphærulas precatorias, ac si à Iudæo tesseras peteret, importunissime exigens: Da cito, agebat, mysta globulos precatorios. Dedit ille, sed qui petiit, paullo post & globum accepit pectore, sed plumbeum, post quem nil amplius petiit. Hoc narravit vir nobilis, qui Michaëlis, cum glande trajiceretur, latus tegebat: *Tu Domine deridebis eos.* Tria



Tria certe constituta sunt tempora illuſoribus. Primum eſt quo ſe iudex ſeſſum recipit, & ad ſententiam dicendam componit. Eo ſpectat illud Salomonis : Parata ſunt deriſoribus iudicia. Alterum eſt monitionum & minarum. Eo pertinet illud Iſaiæ : Et nunc nolite illudere, ne forte conſtringantur vincula veſtra. Per Salomonem quoque <sup>Is.c.28</sup> <sup>v.22.</sup> monentur à Deo, qui jure queritur : Deſpexiſtis omne conſilium meum, & increpationes meas neglexiſtis, ego quoque in interitu <sup>Prov.</sup> <sup>c.1.</sup> veſtro ridebo. Tertium eſt denique ſententiæ exequendæ. Hic jam proclamat Iſaias : Consummatus eſt omnis illuſor, & ſuccifiſunt omnes qui vigilabant ſuper iniquitatē, <sup>Is.c.29</sup> <sup>v.20.</sup> qui peccare faciebant homines in verbo, & arguentem in porta ſupplantabant. Cavete ô Iuliani, ô Luciani, irriſores improbi : Cavete ô Momi, Noctē matre, Somno patre progeniti, qui ipſi quidem nil præclari operis edere, ſed aliorum opera curioſis oculis contemplari, & ſi quid omiſſum aut perperam factum, petulanter irridere conſueviſtis. Cavete, ô Chriſtiani, dicacitatem & irriſionem. Præſtat vel millies irrideri, quam alios vel ſemel irridere. Iudex jam conſedit, monemini; jam ſæpius minatus eſt, reſipiſcite; jam ſententiam pronuntiabit Iudex. Parata ſunt deriſoribus iudicia.

## CAPVT XIV.

DERISORES *quam graviter ſape puniri ſint.*

**S**olent ignes, quos fatuos vocant, plerumque noctu vagari, & viatorem ſe ſequentem, ad vada periculofa, aut præcipitia ſenſim deducere. Lingua ignis eſt, & fatuus, qui ſibi obſecundantes præcipitiis proximos ducit. Lingua Deriſoris eo frequenter excurrit,

currit, ubi vicinæ sunt voragine, ut subito quem duxerat, præcipitet. Derisor quo minus timet, plus habet quod timeat. Reuera Salomone teste, Parata sunt derisoribus iudicia, & mallei percutientes corporibus stultorum. Quam autem hæc iudicia sint severa, & quid supplicii expectet irrisores, post ea quæ jam diximus, confirmatius exponemus.

Prov.  
c. 19.  
v. 29.

4. Reg.  
c. 4.

Matth.  
c. 5.  
v. 23.

Sapient.  
c. 5.  
v. 1.  
usque  
ad 5.

I. Ille Domini ocellus Ioannes Apocalypticus vidit è faucibus draconis tres impuros spiritus emergere, velut tres ranas. Ex ore irrisoris triplex vibratur lingua, nam tribus modis irrideri quis potest. Primo quidem cum corporis vitia, calvities, claudicatio, balbuties, hisque similia opprobrantur: ita pueri Elisæi calvitiem irridebant. Deinde, cum animi defectus, simplicitas, ignorantia, stupiditas, ingenii tarditas, stultitia obijciuntur. Hic mille sunt agnomina; caudex, stipes, fungus, stupor, bardus, asinus, stultus. In hanc impiam dicacitatem Christus sententiam mortis, & quidem æternæ tulit: Qui autem, inquit, dixerit fratri suo, Raca, reus erit concilio; qui autem dixerit Fatue (animo scilicet injuriam spirantem) reus erit gehennæ ignis. Tertio, cum defectus fortunæ, paupertas, generis obscuritas, officii vilitas oggeruntur. ita Pharisei Christum non nisi fabri filium vocabant. Hic sæpe graviter peccatur, cum à nobilioribus & ditioribus, tenuioris fortunæ hominibus insultatur. Alienus ab hoc vitio Salomon: Sum quidem, inquit, & ego mortalis homo, similis omnibus, & ex genere terreno (de meliore luto duntaxat) & ego natus accepi communem aërem, & in similiter factam decidi terram, & primam vocem similem omnibus emisi plorans. Nemo enim ex regibus aliud habuit natiuitatis initium.

Et ge



*Et genus, & proavos, & quæ non fecimus ipsi.*

*Vix ea nostra voco* —

Quid ergo suas inopi reculas objicio, cum eum plerunque plus ornet paupertas, quam me divitiæ? Sed parata sunt derisoribus judicia.

Gedeon fortissimus heros insequabatur hostes cum trecentis militibus, quibus præ lassitudine & fame deficientibus, panes suppeditari petiit, ut restauratis viribus, reges Zebee & Salmana liceret persequi. At Soco-  
thani principes, à quibus subsidium illud peti-  
tum, illiberali prorsus sarcasmo ludentes:  
Nunquid, ajunt, victoriam jam manu tenes?  
nempe jam triumphum canis, ideo postulas,  
ut comeatū agmini tuo suppeditemus. Qui-  
bus Gedeon: Vbi vicero, inquit, vos dicte-  
rium vestrum luetis. Vicit, & ad cavillato-  
res istos quam primum regressus, septuagin-  
ta septem viros, primores urbis, inusitato  
supplicio affecit, nam eos humi stratos, &  
spinis ac paliuris laceratos, magnoque impe-  
tu contusos necavit, turrim Phaniel evertit,  
& omnes urbis incolas trucidari jussit. Sci-  
licet novum & antehac inauditum derisori-  
bus supplicium debebatur. Sic omnino, sic  
parata sunt illusoribus judicia. jam calet li-  
xivium quod illorum capita confricabit: jam  
stat patibulum, quod illos in altum elevabit.  
Res patebit à pluribus exemplis.

II. Anno à pariente Virgine millesimo  
trecentesimo quadragesimo Philippus Va-  
lesius Rex Galliarum contra Flandros Gan-  
denses arma movit. Illi ad conflictus exor-  
dium, gallum gallinaceum in tabula pictum  
velut labarum prætulerunt cum hac inscri-  
ptione: Cum gallus hic cecinerit, Francorū  
rex victor erit. Magno stetit hic locus; nam  
è Flandris novemdecim millia & octingen-  
ti in acie cæsi sunt. Nimirum parata erant  
deriso-

derisoribus iudicia. Quemadmodum puero in plateis improbe se gerenti dicitur : Adsis modo , parens te domi salutabit recentibus virgis.

Anno millesimo quingentesimo septuagesimo quinto, tempore verni jejunii, anniversaria Christi patientis hebdomade, miles Comitum Ludovici Nassovii in Belgio hibernabat, & carnibus temere vesceretur, nec sine mutua gratulatione, quod liceret esse tam improbis & exlegibus. A castris non procul aberat Philippus Olmanus parochus, theologus, hic suos cohortatus ne pessimis exemplis animati, legibus Ecclesiæ fraudem facere in animum inducerent : impios illos milites nunc quidem ridere, forsan brevi platurus. Dictum viri vaticinium videri potuit.

**Pf. 77.** Nam quarto paschatis die, *cum adhuc esca eorum erant in ore ipsorum, & ira Dei ascendit super eos.* & totus eorum exercitus, cum omnibus ducibus, inter quos Ludovicus & Henricus Nassovii, ad internecionem ab Hispanis cæsus est. Parata sunt derisoribus iudicia. Crux alta suum Amanum jam expectat ; Assuerus rex solo nutu pronuntiet quid fieri velit, & pendebit Aman.

*Locus*  
**auff**  
**der**  
**mo-**  
**fer-**  
**haid**  
*dicitur.*

Anno millesimo quingentesimo sexagesimo octavo excusus Antverpiæ dialogus Passevanti & Pasquini colloquentium de rebus gestis Calvinii, Bezæ, Vireti : auctor scripti Emanuel Tronesius, qui & hoc commemorat : Lausannam ibant Geneva duo sibi perquam familiares. In itinere omne cælum in iras effusum, fulgure & tonitru minabatur. Hic illorum alter Catholico ritu se cruce signavit. Ad quem socius : Quid agis, inquit, num muscas abigis ? Dixit, & mox ultor hæsit à tergo Deus. Nam fulmen destinatissimo ictu hunc unum petiit, intacto altero, qui id Genævæ statim vulgavit. Sunt certe parata



parata derisoribus judicia. Cùm connivent homines, cælum terræque pœnas repetunt.

Anno millesimo quingentesimo octogesimo primo, die Dominico Corpori sacrâ Biturgium venit Elisabetha Blæstina vnâ cum marito, matre suâ, atque ancillâ. Elisabetha brachiis infantem gestans matre & ancillâ comitantibus, sancti Severi ædem ingressa, pro suggestu dicentem audiit & irrisit. Finitâ concione loci curio Michaël Herzogrem divinam exorsus est. Femina hæc curiosior nescias an procacior, cum infante accedit aram ludibunda: hîc subitò veluti fulminata corruit, adstante Georgio Olando qui præfectus erat urbi; infans tollitur illæsus, mater muta nec sibi præsens effertur templo, ubi multum sanguinis ore naribusque rejecit, quamvis eo casu non mortua. Fassæ sunt postea mater & ancilla, illam, antequam corrueret, dixisse: accedam propius, ut videam quid stultus iste (sacerdotem designabat) gesticuletur. Sed parata sunt derisoribus judicia. Vindicta subinde claudicans venit, sed venit tandem, & plerunque quò lentior, hoc vehementior.

Anno millesimo quingentesimo octogesimo tertio Novesii in agro Colonien si femina hæresin clam fovens pectore, Catholicorum templo abstinuit. Ejus rei causam aliquoties interrogata, illud irrisorum solenne respondens: Altum est ædificium, inquit, nec promittit se non ruiturum. Locus videri potuit innoxius; non fuit, nam eo ipso tempore extra urbem cænobium diruebatur unâ cum templo, alio loco condendum, hoc ubi femina illa inaudiit: gaudeo, inquit, me superstitem in patriâ videre templum etiam papistica dejici. Itaque duabus ancillis comitata, egressa est urbe, visura demolitionem ædis. Culmen illius jam detectum

erat, cetera maiorem partem soluta. Dum ergo secura obit singula lustrans, columna inclinata in feminam ruit, eamque mole sua obterit. Quis columnam impulerit, facile est cogitare; is utique qui impiè jocantem audiit. Parata prorsus sunt derisoribus iudicia: aviculis saltando pascentibus jam imminet tendiculæ.

*Bredē-  
bach.  
l. 7. coll  
sacr.  
c. 61.* III. Ad rem testatissimum quid Tilmanus Bredenbachius commemorans: Vir, inquit, moribus & eruditione spectatissimus nuper ad nos Antverpiā perscripsit ista; Cū Patres Societatis I E S V è suo Collegio recēns illic condito, factiosorum hominum operā pulsi, urbēque cedere iussi essent, quidam Calvinī sectator, in exulum domum jam vacuum se penetravit, & colligati straminis fasciculum è fenestrā suspendit. Confectum hoc signum est earum ædium quas lues contagiosa infecit. Collegio sic insignito, mox alius ejusdem religionis homo adfuit ex compacto, & fores pulsavit. Alter, qui stramen infame appenderat, prospiciens, & velut indignatus: Quid hoc, inquit, ostiū pulsas? signum pestilitatis, lippe, non vides? Omnes in hac domo pestis consumpsit. Nec distulit Nemesis. Eodem prorsus die irrisoris istius domum corripuit pestis, cū tamen antea nihil circumquaque contagionis serperet.

Eodem tempore Antverpiæ, viā \* cochleariū mensam locarunt aliqui, medio plateæ, & inter maximas gratulationes lixū petasorum confecerunt. Vnum omniū gaudium erat, quod infestum illud genus hominū purgarit urbem. Dixisses Romam pulsīs Regibus non sibi festiviū gratulatam, quā istos ejectis Iesuitis. At paullò post hanc ipsam plateam

*In der Zeffelgass.*



plateam invasit pestis, & brevi quadraginta homines, nec infimæ plebis, Libitinæ tradidit.

Addo: Ante annos viginti, Augustæ in æde Salvatoris quadraginta horarum comprecatio instituta est, avertendæ pesti: Fortè templum transiit patricius è Lutheri disciplinâ, & quid illic rerum ageretur, quæsit, multa insuper jocatus in Catholicos ritus. Sed vix domum redit, & peste correptus moritur ipse unus, salvis aliis omnibus, tam in ea, quam in junctis utrimque domibus. Iudicia derisoribus nunquam non parata sunt: Balnea vestra jam calent, ite irrisores, ite, ingredimini sed jam lavandi, non lo-  
turi amplius.

Sed nondum abimus ab hac Vindelico-  
rum urbe Augustâ. Fuit Patricius Augustanus, cui adultæ jamque nubiles erant filiæ, nulla proles mascula. Hic in convivio filio-  
lum convivoris cernens, puerulum mirè affabilem, & oblectandis parentibus natum, ad suam ipse conjugem versus: si & nobis, inquit, talis stultulus esset, ô mea uxor. Audiit Deus, & votis pronus annuens liberalis-  
simè concessit, quicquid optabatur, & plus-  
quam optabatur. Huic enim viro sex ordine filii nati sunt, & quod in votis erat, omnes  
stulti: En ———votorum summa, quid ultra

*Juvenalis.*

*sat. 5.*

*Quæris?*

O mi bone, nimis frigide facetus est, qui cum Deo vult ludere. An nesciebas parata esse derisoribus iudicia? Cum superis joculari nemini concessum. An nunquam audiisti? nec cerasa quidem cum magnatibus edere, tutum esse, sed ad finem pergitimus.

I V. Anno octingentesimo quadagesimo Anno quinto, uti annales Francorum memorant, in *musl. 5*  
Dani Christianis sacris nondum imbuti, regē *c. 20.*  
suum Horich secuti, Gallias infestis armis

incurſarunt; potiti Rotomago, ſecundo Sequanâ flumine Parisios properarunt, duce Ragenario, qui ipſo paſchatis pervigilio, urbem incolis metu diffugientibus vacuum facile cepit, & inter alia ſancti Germani cænobium expilavit. Demum à rege Carolo argenteis rationibus inductus, in ſœdus tranſiit, juravitque non rediturum ſe niſi auxiliatorem. Poſt hæc apud regem ſuum gloriatus eſt Ragenarius, urbem à ſe captam, monaſterium ſancti Germani ſpoliatum, ſed & illud adjecit, mortuos pænè vivis robuſtiores eſſe Pariſiis, nullum enim ſibi adeò reſtituiſſe, atque capularem illum ſenecionem Germanum. Dixit, & mox tremere miſer, intumeſcere, in terram ruere, & horrendum vociferari. Germanus adſtat, & baculo me ferit. Vt ergo dicti factique poenitentiam agere videretur, ſtatutam argenteam ſui corporis moli æquilibrem fieri, & ad S. Germanum juſſit deferri cum hac ſponſione, ſi morbi vim evaderet, Chriſtianum ſe futurum. Serò nimium ſapiunt Phryges, ô Ragenarie. Nihil agis, quia quàm ſeriò agas, novit ille qui corda ſcrutatur. Ita fruſtra fuerunt vota: non multò poſt infelix crepuit effuſis viſceribus. Parata ſunt, paratiſſima deriſoribus judicia. Divinæ vindictæ brachium nunquam non extentum; cavete irriſores, hos aut illos feriet.

Dicta confirmet Briſtius, Turonenſis præſulis Martini diaconus, qui ſuum antiſtitem Martinum ſæpius delirum ſenem, ſuperſtitioſum ſacerdotem, inſanum epiſcopum vocitabat, uti Gregorius Turonenſis reſert. Fuit quidem Briſtius, homo magni judicii, celeris ingenii, ſed & caſtis moribus. Deus tamen irriſionibus illius impunitatem non conceſſit: poenam ultra triginta tres annos diſtulit, tandiu crimini poena debebatur.

Evolutis

Greg.  
Tur. l. 2  
hiſt.  
Franc.  
c. 2.



Evolutis tot annis, tandem irrisionis poenas repetiit Deus. Brictius quamvis insons, accusatus est stupri. nihil hîc verbis actum, nulla excusatio admissa, vitæ etiam periculum imminabat; demum ejectus est in exilium, quod ille septennio toto toleravit. Hîc forsân Brictius contra Deum queri, & dicere: Domine, quæ hæc justitia est? nōne me scis innocentem esse? cur meam sic opprimi poteris innocentiam? me sic infamem fieri cur toleras? At recordare fili; memineris, mi Bricti, quî tu antistitem tuum Martinum tractaris, quibus cum contumeliis incesseris, quàm illum crebrò irriseris: tu forsitan hæc oblitus es? non item Deus: jam exiguntur à te poenæ quæ ante annos triginta tres fuissent exigendæ. Vt nōris, parata sunt derisionibus judicia; & licet castigatio quandoque differatur, non tamen remittitur.

Idem nobis quibuscunque aliis evenit creberrimè, cum extra noxam sumus, & tamen velut noxii graviter punimur. Hîc nos lamentari, cum Deo expostulare, cælo terræque injurias nostras queri, proclamare nos insones. simus sanè, sed cur tantillum sapimus, ut memoriâ non repetamus ea, quæ temerè peccavimus, & nondum expiavimus? Quisquis igitur insons multatur, ita secum ratiocinetur. Ego si conscientiam meam interrogem, his certè noxis vacuus pronuntior, & hîc quidem mihi vis infertur, atque supplicium de me sumitur insonte. At Deus tenacis est memoriæ, qui jam castigat, quod ante annos plurimos deliqui: an non ego simili nequitia in alterum efferbui, quam ab altero jam patior? Iam ergo nomen hoc expungo, vindictam in me pridem paratam diu distulit Deus, jam sentio manum vindicantis. Fatebor igitur jure me plecti, & hoc gratiam interpretabor, debitum mihi supplicium

cium non differri ad aliud tribunal. Admitto patienter castigantis domini plagas & verbera. Scio, nec minimam quidem noxam à Deo impunitam dimitti; irrisoribus præsertim Deum esse infensissimum; parata iis iudicia non nescio.

Serò molunt Deorum molæ; tandem talis redditur farina, quale offunditur frumentum.

## CAPVT XV.

*Quid DETRACTIO sit, quotuplex, & quàm grave peccatum.*

**A**Nno millesimo sexcentesimo decimo septimo, in publicum datus est liber, hac omnino inscriptione: \* Liber equestris de arte equitandi, de equorum habenis, loris, retinaculis &c: O bone Deus quis non ingemiscat ad hunc librum? Ergo equis lupata, frenos, capistra, postomides, oreas ex arte facere, & equino rictui inferere novimus; Ergo equos quò volumus habenis flectimus, & linguam heu indomitam nullis retinaculis coërcere possimus? nullum hîc lupatum, postomis nulla satis compescere potest hanc effrenatam bestiam: hîc oreæ, hîc freni, hîc capistra sepissime frustra sunt. Infrenis esse vult lingua, velut equus in pascuis.

\* **Ein Kitterlich vnd adelich Kunstbuch/ darinnen von Reiten/ Zeumen / auch Rossartzney: von allerley Stanghen/ Künketten; geschloßnē vnd offenen Mundstücken &c: gehandelt &c: in folio regali.**



# DE DETRACTIONE. 187

cuis. Ad rem omnino sanctus Iacobus : Si *Iacobi*  
 equis, inquit, frenos in ora mittimus ad con- *c. 3.*  
 sentiendum nobis, etiam omne corpus illo- *v. 3. &*  
 rum circumferimus : Linguam autem nul- *8.*  
 lus hominum domare potest. Ea certè quæ  
 obrectatorum est lingua, venenatissima,  
 vnde quaque letale virus ejaculatur. Detra-  
 ctio ingens Orbis malum nunquam satis vel  
 accusandum, vel deplorandum. Et de hoc  
 dicere ingredimur. Nota rerum vocabula  
 tam hîc quàm alibi retinemus; quam ea sint  
 latina, parum laboramus. Atque hac quidem  
 dissertatione, Quid sit Detractio, quotuplex,  
 & quam grave peccatum sit, explicabimus,  
 cetera suo ordine dicturi.

I. Quid ergo est Detractio? Divus Tho-  
 mas Aquinas sic eam depingit: Detractio est *S. Thom*  
 denigratio alienæ famæ, per verba occulta, *2. 2.*  
 Nam verbis dupliciter quis lædi potest. Aper- *q. 73.*  
 tè & in os lædere, contumelia est; occultè *art. 1.*  
 & absentem ferire, detractio est. Vox ipsa  
*Detrahere*, rem oculis subijcit, nam cùm  
 fama seu bona æstimatio adimitur, aut cer-  
 tè imminuitur, idem pænè fit ac si lavernio  
 noctu tacito gressu ponè honestum civem  
 inserpens, pallium illi subitò abstrahat, eò-  
 que se involvat, & ita tenebris condatur. Su-  
 per hac eâdem re, uti Palladius memorat,  
 interrogatus est Antonius Magnus, quidnam *Pallad.*  
 sit Detractio? At ille hoc responsi dedit: Est *c. 19.*  
 omnis sermo malus, quem non audet quis *hist.*  
 præsentee eo proferre, de quo loquitur. Vbi *n. 13.*  
 mens bona & Intentio recta est, duobus  
 tantùm modis de alterius peccato sermo mi-  
 sceri potest. 1. Cùm res jam percrebuit in  
 vulgus promulgata, & in sermone omnium  
 coepit esse. 2. Cùm ei dicitur, qui peccan- *S. Thom*  
 tem castigare & juvare potest. Et ad hoc fa- *2. 2.*  
 ciendum sæpe etiam obstringimur, uti docet *q. 33.*  
 sanctus Thomas, ne ulcus occultatum pu- *art. 8.*  
 trescat. *ad 4.*

*Gen.*  
*l. 37.*  
*v. 2.*

trescat. Ioseph certè nec detractor fuit, nec proditor, cum accusaret fratres suos apud patrem crimine pessimo. Quando verò alterius grave & letale delictum nondum foras elatum (vix enim duo trësve illius conscii sunt) detegitur, & ab uno pluribus patefit, unde illius, de quo hoc panditur, nomen ac fama læditur, præsertim si is qui ejuscemodi enuntiat, eo id animo faciat, ut absenti malè loquatur, tunc sanè grande & verè mortiferum delictum est, etiamsi verissimum sit, quod hic de altero manifestum facit, etiamsi suis id oculis viderit, aut suis ipse auribus audiverit. Nam dum hæc talia iis indicat, quibus non essent indicanda, non corrector, sed proditor est.

Detractionis origo, aut superbia est, dum obtrectator suam ostentat scientiam; aut est levitas animi, dum aliis studet placere, talia narrando; aut invidia est, dum aliena lucra, sua damna reputat, felicibus aliorum successibus ægrescens; aut simultas est & alienatio, dum animum vindictæ appetentem sariare desiderat. Sed & alia hujus mali scaturigo est, longa maledicendi consuetudo, tunc enim non cogitantibus etiam elabitur nociturum telum, eliciturum sanguinem. Qui tam malo pravoque maledicendi habitu sunt corrupti, non malè responderint idem quod Zoilus, canis ille Rhetoricus, ut eum nominat Ælianus. Zoilus iste Polycratis fuit auditor, homo malè loquendi studiosissimus, qui stylum in Homerum etiam, Platonem, aliòsque strinxit. Et cum eum vir quidam eruditus interrogaret, quamobrem omnibus malè loqueretur? Quoniam, inquit, malè facere, cum velim, non possum. Hæc obtrectatorum mens est, ut quibus re aut manu nocere non possunt, eos saltem linguâ vel absentes feriant. Hinc beatus Thomas Aquinas:

Auferre

*Ælian.*  
*l. 11.*  
*Var. hist.*  
*c. 10.*



# DE DETRACTIONE. 189

Auferre alicui famā, inquit, valde grave est, *S. Thom.*  
 & ideò Detractio per se loquendo, est pecca- *2. 2.*  
 tum mortale. Verissimè Bernardus: Detractio *9. 73.*  
 ait, grave vitium est : detractio grave pecca- *art. 2.*  
 tum est : detractio grande crimen est. *Bern.*

Detrahitur autem alicui, octo potissimùm *de modo*  
 modis. 1. Cùm quis orationis vanitatem ad- *bene*  
 hibet, & aut falsum dicit, aut quippiam af- *viv.*  
 fingit, & mendaciunculis rem aspergit, quā *c. 33.*  
 ratione geminatur delictum, fitque menda- *initio.*  
 cium & detractio. 2. Cùm quis latens ac te-  
 ctum peccatum è latebris in lucem profert;  
 omnia quidem quæ dicit, vera sunt, sed ta-  
 men dicenda non sunt. hac ratione alteri quis  
 detrahit, non quia de veritate aliquid decer-  
 pit, sed quia de famā. Hic plurimi gravissimè  
 impingunt: Ergo, ajunt, ipsissimam verita-  
 tem palām facere non liceat? Non licet, mi  
 Christiane, si id non possis nisi cum alterius  
 detrimento. Nam etsi hoc, quod dicis, sit  
 verum, est tamen occultum etsi hic peccan-  
 do conscientiam corā Deo læsit, famam ta-  
 men coram hominibus non perdidit, quam  
 tu linguā tuā vel imminutum is vel ablatū :  
 & etsi peccatum, quod pandis non adeò se-  
 cretum sit, modò tamen publicum non sit, tu  
 tamen detractorem agis, cùm id saltem ig-  
 noranti paterācis, & sic alteri notam inuris.  
 3. Cùm crimen seu verum seu falsum auge-  
 tur & exaggeratur, quod pronissimum est,  
 cùm alterius vitia narrantur. 4. Cum nar-  
 ratur quid minimè malum, sed velut animo  
 non bono factum, addunturque ejuscemodi  
 plerunque clausulæ : Fecit hoc quidem, sed  
 non Dei causā; rarò tam pius est; humanum  
 favorem ambit; videri vult; ut hominem no-  
 veritis; hypocrita est. 5. Cùm nihil quidem  
 affirmat qui detrahit, sed hoc solū ait: Ita  
 dicitur, hoc de isto spargitur. Aut dubiè rem  
 profert: fortasse talis & talis est iste; fiden-

Gell.  
l. 19.  
Noct.  
Attic.  
c. 3.

dum illi non censeo; de sanctitate illius, vicini ejus nil norunt, nisi heri primum inter sanctos numerari cæperit; Aut certè hunc ipsum laudat sed frigidissimè: de quo rectè Gellius: Turpius est, inquit, exiguè atque frigide laudari, quàm insectanter & graviter vituperari. Talia valdè cavenda sunt, quia deteriora semper proniore assensu arripiuntur. 6. Adeò subtilis est detractio, ut vel nutu quis infamari possit. Exempli gratiâ: Laudatur quis à probitate, à religione, à providentiâ. Est qui audiat & dicat: Vt video, non novistis hominem, me super eo interrogate, ego illum intus & in cute novi. Aut frontem ducit silendo, aut abnutat capite, aut solis oculis tale dat signum, unde faciliè colligatur, eum qui laudabatur, talem non esse, qualis laudando extollebatur. Fit quandoque ut detractor ore compresso manum duntaxat bis tèrve invertat, & plurimum alteri detrahat. eo enim gestu significat, hominem de quo sermo est, levem esse & in horas mutabilem. 7. Non solùm signo nutùve, sed & ipso silentio detrahit quis de altero, cùm de illius probitate morùmque integritate nequiter filet, tunc maximè cùm interrogatur, aut alter criminis arguitur. 8. Cùm quis coràm aliis ob admissas noxas jure reprehenditur, ille verò se reum negat & pernegat, quâ ratione in reprehensorem mendacii infamiam derivat. Et quamvis occultas ille noxias publicè fateri non cogatur, aliâ tamen ratione par est resistere, dicendo: proferri tantùm dicta, non item probari; fortè audientem hæc deceptum esse; non quidvis obviâ credulitate arripiendum. Hic priore illo modo longè tolerabilior.

II. Atque his modis, subtile istud vitium Detractio rem suam facit, & ita quandoque vestem variat, ut internosci vix possit.



DE DETRACTIONE. 191

fit, Ingeniosa nimirum improbitas est, tragem in festuca, elephantem in culice. Alpes & Pyrenæos saltus in verrucâ legit, & somniata sibi, alterius innectit vertici; ipsasque alieni pectoris virtutes, tam scitè improbis ac adulterinis coloribus decolorat, ut vitia arbitreris. Subinde, qui detracturus est alteri, sub initium sermonis, vultum ad omnem gravitatem & modestiam sermonis componit, oculos humi dejicit, gemitus edit, voce lenta seriatque; per ambages & anfractus incipit nocituram seriem evolvere, tortuosa circuitione venena jaculaturus: Doleo equidem, ait, quòd eò prolapsus sit hic homo; per me non parmanasset palàm quod patravit, sed quia id summè constat, suus sit veritati locus, nec negari hoc potest, neque excusari: & ut facilius sit verbis fides, priùs subinde laudat, quòd efficacius vituperet; claudit narrationem commiserationibus vestitam. Ita quòd majoris est auctoritatis ille, qui detrahit de alio, eò gravior & damnosior detractio, quia creditu facilius. Hæc omnia Bernardus eleganter differens: Sunt, inquit, *Bern. serm.* species pestis hujus, dum alii quidem nudè atque irreverenter, uti in buccam venerit, *24. in Cant.* virus evomunt detractiois. Alii autem quodam simulatæ verecundiæ fucò conceptam malitiam, quam retinere non possunt, adumbrare conantur. Videas præmitti alta suspiria, sicque quadam cum gravitate & tarditate, vultu mæsto, demissis superciliis, & voce plangenti egredi maledictionem, & quidem tantò persuasibiliorem, quantò creditur ab his qui audiunt, corde invito & magis condolentis affectu, quàm malitiosè proferri. Doleo, inquit, vehementer pro eo, quòd diligo eum satis, & nunquam potui de hac re corrigere eum. Et alius: Mihi quidem, ait, *circa med.* bene compertum fuerat de illo istud, sed per me

me nunquam innotuisset. At quoniam per alterum patefacta est res, veritatem negare non possum: dolens dico, revera ita est.

4. Esdr. 4. v. 5. Non qui Deus res humanas moderaretur? Sic anxio adfuit Angelus, & triplicem ei quæstionem posuit, quarum prima erat, quâ ratione ad trutinam examinandus sit ignis: Vade, inquit, pondera mihi pondus ignis. Sapientissimus profectò erit, qui hoc poterit. No. quam xium detractoris sermonem, ignem esse urentissimum, affatim docent sacræ paginæ, Psal. 119. Regius psalter: Quid apponatur tibi, ait, ad v. 3. linguam dolosam? sagittæ potentis acutæ & 4. cum carbonibus desolatoriis. Iacobus Apostolus: Et lingua, inquit, ignis est. Idem de homine impio Salomon affirmans; Et in labiis ejus, inquit, ignis ardescit. Et sanè si ignis linguæque celeritatem & vires spectemus, utriusque non absimilis natura est; & velut ignis cum metas transilit, & foràs erumpit, huc illuc noxio furore grassatur; ita lingua cum carceres suos effringit, & in apertum evolat, non sine strage edita in caveam suam revertitur, Ergo lingua ignis est, hunc ignem æqua lance ponderare maximæ est prudentiæ. Hinc quò quis prudentior, & in omni re circumspectior, eò etiam in ponderandis verbis attentior est, uti optimè dixit Siracides: Verba prudentium statera ponderabuntur. En sapientium labra, velut geminæ lances sunt, quibus hic ignis appendatur. Sed quàm difficile hîc libripendem agere, cum etiam stricturæ & scintillæ hæc trutinæ sint examinandæ. Scintillas hîc voco tot nocumenta, quæ vel unica infert detractio. Neque enim uni tantum nocetur, sed pluribus, domesticis, familiaribus, cognatis ejus cui detrahitur. Quoties ore incauto & malevolo elapsum est dictum igneum, quod non

Eccli.  
1. 21.  
v. 28.



# DE DETRACTIONE. 193

non tantum illi obfuit, quem perstrinxit, sed & coniugi, liberis, toti familiae. Vnica scintilla omnes illos adussit, damnum senserunt universi. Et quis est, qui hæc peritè satis ponderet? Almodæus ille libidinum præses diabolus, ignem luxuriæ ad libram peritissimè revocat, uti Tobia res gestæ prodiderunt. At quis ille tam peritus artifex qui omnes ex ore prorumpentes flammæ dependat? Quid ergo faciat sapiens? Audiatur. & verba in ore luctantia coërceat, quamdiu enim intra fauces continentur, ad rationem & intelligentiam appendi queunt: ubi se extra os effuderint, jam omnis revocandi libertas adempta est: volant irrevocabilia, volant, avolant. Sapienter hac de re Siracides. *Ibid.*  
In ore fatuorum, inquit, cor illorum, & in *v. 29.*  
corde sapientium, os illorum. Vir prudens os ad cor reducit, ibique, quicquid dicturus est, ponderat. Religiosissimè id præstitit Domini Mater: Maria autem conserva- *Luc. c. 2.*  
bat omnia verba hæc, conferens in corde *v. 18.*  
suo.

**III.** Plerique autem sic averfamur hoc pensatoris officium, ut Suidas cum fide dixerit: Hic bonorum virorum morbus est, *Suid. v.*  
aliquid de quopiam probri loco commemorare, quod laudandum esset. Deus olim Mosis *γλῶσσαι.*  
dixerat: Extende virgam tuam, & percutere *Exod. c. 8.*  
pulverem terræ, & sint ciniphes in universâ *v. 16.*  
terra Ægypti. erantque ciniphes tam in hominibus; quàm in jumentis. De his Stephanus *v. 19.*  
Ednensis: Ciniphes, ait, animalcula parva, sed inquieta, & acriter pungentia: ciniphes autem sunt sermones detractorii, eruntque in hominibus & jumentis; in omni ordine, sexu, ætate, statu, inter opulentos & egenos, dominos ac servos hoc detractiois malum grassabitur: multi non blasphemæ, sed pauci, imò vix ulli non detractores, Et quæso vos, *atten-*

attendite, ecquandònam tandem vel duo solum convenient collocuturi, ut tamen eorum colloquio non intersint etiam absentes, sed invili qui tergum præbere cogantur ferientibus, quorum mores sermonibus exagitantur. Vix ulli uspiam circuli & congressus sunt, in quibus non aliqui absentium vapulent: modò hic, modò ille in colloquium vel absens trahitur, nec unquam ferè sine nota & stigmatè. Detractio tam commune ac pervulgatum, quàm horribile ac exitiosum malum.

*Matth.*  
c. 18.  
v. 20.

Christus liberalissimè promittens: Vbi sunt duo, inquit, vel tres congregati in nomine meo, ibi sum in medio eorù. Attende promissum: In nomine meo, nò in diaboli, qui duorum, qui pluriù medius est, ubi detractio est.

*Antioch.*  
*hom.*  
29. de  
*Detract.*  
*Prov.*  
■. 4.  
24.

Verissimè dixit S. Antiochus: Verè irrequietum dæmonium est detractio. Ea de re hortatus Salomon: Remove à te, inquit, os prævum, & detrahentia labia sint procul à te. Si quidem detractio, magni est periculi, nocummenti majoris, curationis difficillimæ. *Magni est*, inquam, *periculi*, cùm obtrectator temerarium iudicium stringit in quosvis. Scitur Intentione recta plurimos actus commendari, & optimos fieri, qui tamen tales esse non videantur, quia vero Intentio latet, facillimum est sinistram censere eam, quæ rectissima est. Ita Pharisæi quod Christus sabato sanitatem ægris impertiretur, quòd publicanorum societatem non aspernaretur, quòd se tangi pateretur à malæ notæ hominibus, pessimè id interpretati, de Christi sanctissimis moribus nunquam non detraxerunt. At *Majoris est nocummenti* detractio, etenim famam rem tam charam, quàm pretiosam adimit. Hinc illa theologorum vox: Peccatum detractiois gravius est furto. tantò enim peccatum majus est, quantò majore



# DE DETRACTIONE. 195

re bono iniquè privat. Longè damnosior fur est nominis quàm numorum, quod Salomonicum certum: Nam, melius est, inquit, nomen bonum quàm divitiæ multæ. Atqui jactura hæc famæ ingens quidem damnum est; sed gravius insuper nocet detractio, quæ velut trifidum telum, aut tormentum æneum triplici ferrea glande fulminans, tres velut incurfu uno enecat. In rem Bernardus testis: Nunquid non vipera est, inquit, lingua ista? ferocissima planè, quæ tam letaliter tres inficit flatu uno. Nunquid nō lancea est lingua ista? profectò acutissima, ut quæ tres penetraat ictu uno. Lingua eorū gladius acutus gladius equidē anceps, imò triceps est lingua detractoris. Hoc illud Ioabi imperatoris triplex spiculum est, quo Absalonem à quercu pendulum incurfans confodit. Hoc triplici spiculo, & detractor & detractoris auditor, & is cui detrahitur, miserè cōfodiuntur, hoc tamen discrimine: ille in quē detractio incurrit, ferè omnium minimè leditur, nec enim majus facere potest dispendiū quàm famæ: sed detractor, & auditor detrimentum patiuntur animæ, & quidem maximum. Nam detractor sibimet plurimum nocet, in cuius caput frequenter recidit lapis, quem in alium miserat. Dein nocet auditori, in cuius aures (ut Bernardus loquitur) venenum mortiferum infundit; nec pravæ solū opinionis, sed invidiæ quoque toxico subinde inficit auditorem: Hinc Artabanus: Cū, inquit, unus esset cui injuria fieret, at duo erant qui injuriam facerent. Demum nocet absenti detractor, quem ore petulanti traducit.

Claudius Paradinus è monumentis Lotharingicis rem prorsus miram, ter miram commemorat in hunc modum. Virtutem & fortunam Lotharingicæ familiæ testantur hodièque avita gentis insignia, tres nimirum alites

Prov.  
c. 22.  
v. 1.

Bern.  
serm.  
de tri-  
plici cu-  
stodia.

Apud  
Herod.  
l. 7.

Parad.  
in symb.  
Hero.  
pag. 39

alites sagitta transfixi. Origo rei hæc est. Laudatissimus ille heros Godefridus Bullionius dux Lotharingæ, Hierosolymorum urbem obsidens, in turrim Davidicam ejaculatus est telum, quo tres simul alites confixit:

————— *dederunt viam casusve, Deusve.*  
quæri poterat: regii tamen fastigii præsagium fuisse, docuit eventus. Et hoc etiamnum tam in monetis, quàm insignibus stirpis Lotharingicæ videre est. Quisquis de aliquo detrahit, ignitum jaculum emittit, sed tres eo lædit ac configit; seipsum, auditorem, hostem: imò triplicem committit cædem. cum triplex nobis sit vita, est enim una velut cælestis, divinæ gratiæ dono; altera corporis, ceteris animalibus communis; tertia civilis, famæ præsidio: in hanc triplicem vitam immanissimè sævit detractor, illam animi & gratiæ cælestem, in se suoque auditore extinguit; civilem istam in eo cui detrahit, Tanti nocuementi est detractio.

*Eect.*

*c. 23.*

*v. 20.*

IV. *Sed est etiam, ut dixi, curationis difficilima.* Perspicuè Siracides: Homo, inquit, assuetus in verbis impropertii, in omnibus diebus suis non erudietur. Et quis est qui se detractorem esse fateatur, dum reipsa aliis detrahit? Hinc quia nos ægrotare nescimus, nec morbum indicanti credimus; pharmaca omnia spernimus. Sed & ipsum etiam vulnus detractiōe inflicto, vix medicas manus admittit, & licet obligatum videatur, manet tamen plerunque foeda cicatrix. Alexandri Macedonis adulator dicere solebat: si quem hostem habes, conviciis illum audacter pete, nam etsi vulnera curet, manet tamen cicatrix. Ita prædones: audacter, ajunt, prædandum est, etsi enim præda sit restituenda, nunquam tamen tota. Mirum enim quàm tenaciter inhæreat, qua semel imbutus est animus, falsa opinio, Leni sursuro,



DE DETRACTIONE. 197

furro, pauculis verbis mala opinio de aliquo, velut clavus in asserem adigitur. Visne hunc iterum extractum? vix ullavi hoc efficies: perversam opinionem jam imbibit auditor; ægrè dimittet. Etsi tu centies dicas: hoc iratus dixi, illud inconsideratè protuli, istud me dicere compulit invidia. Quicquid dixeris, altius hæret prima opinio, quàm ut ea stirpitus convelli possit. Contra serpentis ictus, est è serpente pulvis: contra scorpionis aculeum, est scorpionis oleum: contra rabidi canis morsum, sunt pilicani: at verò qui læsi sunt lingua obtrectatoris, ab eadem difficulter, nec nisi imperfecte aut nunquam curabuntur, quamvis hæc ipsa lingua medelam illis debeat quibus malum hoc intulit, sicut Achillis hasta Pelias eundem Telephum sanavit equem sauciarat.

De hoc ipso detractiōnis nocumento disertissimus Chrysostomus: Quæ enim, inquit, utilitas, cū avibus quidem & piscibus abstineamus, fratres verò mordeamus & comedamus? Detrahens fraternas carnes comedit, proximi carnem momordit, propterea & Paulus terruit dicens: Si autem vos invicem mordetis & comeditis, videte ne invicem consumamini. *Et ne forsitan sit qui admonitionem hanc eludat, obducit hoc modo:* Ne quis enim hoc mihi dicat, tunc detraho quando falsa dico. Nam si vera loquens maledixeris, & hoc est crimen: etenim Phariseus ille publicano veridicus maledixit, sed tamen hoc ipsi nihil profuit. Dic enim mihi, publicanus non erat publicanus & peccator? Cuique certum est quod erat publicanus, sed tamen quoniam ipsum vituperavit phariseus, abiit omnibus amissis. Vis fratrem corrigere? laudare, Deum ora, ex corde apprehensum ad-mone, consule, exhortare; sic & Paulus faciebat.

ciebat. Sed iucundū detrahere. Imò iucundū non detrahere. Detrahens enim continenter anxius est, suspicatur & timet poenitentiam agit & linguā suam mandit, timens & tremiscens ne fortè aliis enuntiatum verbum, magnum sibi periculum afferat, & superfluam & inutilem inimicitiam his, qui dixerunt, operetur. *Sententiam concludit in hæc verba:* Fugiamus igitur dilecti, fugiamus detractiones, docti quòd est totum Satanicum barathrum insidiarum ejus hæc inessio. Ut enim nostra negligamus, & graviores nobis reatus constituamus, in hanc nos consuetudinem diabolus duxit: imò verò non solum inest hoc malum, quòd tunc rationem dabimus eorum quæ diximus, sed etiam quòd peccata nostra sic graviora faciemus, omni nos excusatione privantes: acerbè enim aliena exquirens, in suis excessibus nullam unquam veniam nanciscetur. Eliminemus igitur omnem ex ore nostro detractionem, scientes quòd etsi cinerem comedamus, nulla nobis asperæ vitæ hujus utilitas proderit, nisi detractione abstinemus.

*Ruffin  
Aquil.  
n. 5. Pe  
lagius.  
libell.  
10.  
n. 97.*

V. Narrat Ruffinus Aquilejensis, viros aliquot religiosos è cœnobio missos, ut ad alios sparsim per eremum habitantes reviserent. Delati ad anachoretam senem, benignè comitèrque in hospitium recepti sunt. Senex ut itineris ad se facti molestias mitigaret, statuit suos hospites, quàm optimè posset, habere, & quicquid domi reconditum esset, explicato sinu largiri. Est nimirum etiam in paupertate quædam quasi prodiga liberalitas, non tam rebus, quàm animo metienda. Hanc religiosam munificentiam senex ille induit, ut exemplo suo hospites verecundiam ponerent, & auderent libare, quod non erubesceret dare amor. Vespere post cenulam, ut putabatur, lautiusculam, & suas preces, cubitum



DE DETRACTIONE. 199

bitum deduxit suos convivas senex, ipse  
seorsum modicè quieturus. Hic hospites: so-  
mni benevolentiam conciliaturi, liberaliùs  
inter se garrire cœperunt, &: Videte, ajunt,  
isti eremitæ lautiùs cenant, quàm nos in  
monasteriis. Audiit hæc senex, & doluit  
pro beneficiis rependi calumnias; sed tacuit.  
Manè, cùm jam dilucesceret, iter pararunt  
hospites, ut ad alium eremitam irent. Abe-  
untibus senex hoc unum commédans: Salu-  
tate, inquit, ex me obsecro, amicissimum  
mihi eremitam, & hoc unum illi dicite: At-  
tende, & olus ne irriga. Fideliter, ut jussi  
erant, hoc illi alteri nuntiarunt. Intellexit al-  
ter quàm primum quid sibi vellet hoc mo-  
nitum. Quare suos hospites mensa quàm  
parcissima excepit. Cenæ caput erat panis  
aridus & sal: his accessit modicum aceti &  
olei, hæc omnis ferculorum series. Interim  
eòsdem assidua precum & psalmorum reci-  
tatione fatigavit. Hac ratione invitos in ter-  
tium usque diem detinuit, needum missio-  
nem daturus. At illi hospitalitate tam rigida  
jam saturi, latenter noctu profugerunt. Ite,  
ô boni, & in posterum si quis vobis gratiam  
fuerit gratificatus, ne illi calumnias pro be-  
neficio reddite. Discite liberalitati non de-  
trahere. Primus eremita vos ut hospites ha-  
buit, alter ut detractores pro merito tra-  
ctavit.

Dicta cum Bernardo consigno: Omnis  
qui detrahit, primùm quidem seipsum pro-  
dit vacuum charitate. Deinde quid aliud de-  
trahendo intendit, nisi ut is cui detrahit, ve-  
niat in odium vel contemptum ipsis, apud  
quos detrahit. Ferit ergo charitatem in  
omnibus qui se audiunt, lingua maledica, &  
quantum in se est, necat funditus & extin-  
guat.

*Bern.  
serm.  
24. in  
Cant.*

Heu quàm rati sunt, qui vitam sic in-  
stituant

stituant suam, ut non libenter reprehendant  
alienam.

## CAPVT XVI.

*Quantorum malorum mater sit DETRA-  
CTIO, & de fama restitutione.*

**Q**Uàm longè Deus ab humano ingenio  
divertit ! Lege veteri à Deo sancitum  
est: Non maledices surdo. Nostro sensu con-  
trarium fuisset imperandum: Non maledices  
aurito, quid enim his ceremoniis opus ad  
surdum? Enimverò aliter sapit Deus, quàm  
humana temeritas. Surdo, inquit divina lex,  
non maledices. In hæc legis verba Grego-  
rius: Surdo maledicere, ait, est absenti & nō  
audienti detrahere, quemadmodum surdus  
non audit quod dicitur, nec in se dicta dilue-  
re potest; ita nec absens & is, cui detrahitur,  
quidquam respondere, & falsa minùs quàm  
surdus scit refellere. Hinc igitur surdo non  
maledicendum. At obtrectator legis istius  
negligens, in absentis famam audacissimè  
grassatur, quod sanè non auderet, si præsens  
esset, quem adeo maledica lingua perstringit.

*Levit.  
c. 19.  
v. 14.  
  
Greg.  
in prolo  
go. 3. p.  
pastora.  
c. 1. ad-  
monit.  
36.*

De pestilentissimo Detractionis vitio,  
priori dissertatione agi cæptum, atque quid  
Detractio, quàm ea multiplex, & quàm gra-  
ve sit delictum, jam explicatum est. Nunc  
porrò dicendum, quàm hoc crimen in rebus  
etiam levioribus fugiendum, cùm maxima  
illi mala semper sint conjunctissima, præci-  
puè vero alienæ famæ restitutio; quàm au-  
tem ea difficilis sit, hîc exponemus.

I. Si famulus in hero. si civis in vicino,  
nimiam loquendi parcitatem observet, ita  
quidem si herus famulum, si vicinus vicinū  
nullo ampliùs affatu dignetur, signum satis  
luculentum est amicitiae vel gratiae non ma-  
gnæ. Hac ratione Pæmenius abbas dicere so-  
lebat:



## DE DETRACTIONE, 207

lebat: Cum duplicis generis cogitationibus nihil loquendum est, tandem illæ à seipsis desinent esse molestæ. Cum Fornicationis & Detractionis cogitationibus nulli sermones miscendi, invitantibus non respondendum, multa garrientibus non attendendum: sin aliter fiat, etiâsi quis resistere conetur, damnum non evitabit. Neque solum ea detractio cavenda, quæ directissimo aggressu Charitatem & Iustitiam impugnare, sed illa etiam quæ leviores noxas & vitiositates non maximas, errata non summa in lucem eruit. Ejus generis detractioes reperias etiam inter bonæ notæ homines, qui subinde imprudentes aut inconsiderati, nævos alienos benevolis auditoribus obtrudunt. Cum veteri poëta sentio:

*\* Istic est thesaurus stultis in lingua situs.*

*Vt quæstui habeant malè loqui de melioribus*

Et quid miremur? genti humanæ innata est alienos mores censendi proclivitas. Nemo non secum miniatulam gerit, ubi ubi libuerit eam appressurus. Vitium est hoc & tantò majus, quantò prudentiores aut religiosiores videri volunt, hi censores & Critici. Hieronymus censuris nos adeò intentos observans; Tanta, inquit, hujus mali libido mentes hominum invasit, ut etiam qui <sup>Hieronz. epist. ad Celant.</sup> procul ab aliis vitiis recesserunt, in istud tamen quasi in extremum diaboli laqueum incidant. Hanc judicandi temeritatem comitatur quandoque Invidia, cui ægrè est ob lætos aliorum successus; huic ægrimonix minuendæ, alienam famam, quacunque ra-

O 3

tione

*\* Plautus in Poen. Hin verliegen hin =  
derruck / Das ist jetzt ein  
Meisterstück.*

tionem potest. vellicat, sibi enim invidus tunc levius videtur ægrotare, cum & alios cernit non ex toto sanos. Invidiam hanc & crisin non raro præcedit occulta superbia, qua quis instigante, præferri aliis, certè vult exæquare; hinc, ne nimium emergant alii, famam illorum sublimiùs ituram deprimit, & velut aviculæ accedit alas. Talia igitur colloquia, quibus hominum proborum defectus recensentur, gravium sæpe offensionum sunt seminaria. Cum enim ejuscemodi errata narratores inveniunt, è facili suspicionem movent, ut auditor cogitet: Itane, sanctulus ille hoc ausus est, utique audebit & majora: hominem ego putabam esse tam strictæ continentiae: ut video, & ille quoque suos patitur manes. Sic plurimis fit injuria, etsi non penitus auferatur fama: bona existimatio certè minuitur, amor atque amicitia inter diversos diffuitur, absens ille, de quo talia sparguntur, fit despicabilior: ita hoc negotium non uno malo absolvitur. Neque hic defensionis locus est, cum is qui patitur, non raro vulnera sua ignoret: aut si sciat, nesciat auctorem. ita incauti & ignari obruuntur. Præcipuè verò delinquitur, cum magistratui, etsi culpabili, etsi levioribus in rebus detrahitur. Vt hic cautos redderet Ecclesiastes: In cogitatione tua, inquit, regi ne detrahas, & in secreto cubiculi tui ne maledixeris diviti, quia & aves cæli portabunt vocem tuam, & qui habent pennas, annuntiabunt sententiam. En, non tantum os obstruit detractioni, sed ipsas etiam cogitationes arcet ab hac peste. Et quamvis, mi obtrectator, eum cui in aurem garris, enixe roges: Quæso te, non evulges, quod ego tuis auribus credo; arcanum cogita taciturnitati tuæ commissum: non tamen à vitio te purgas. Specimen hoc est nobilissimæ stultitiæ. Dic enim quid illum rogas

Eccles.

c. 10.

v. 20



gas ut fileat? teipsum prius rogare hoc debu-  
isses. Si non vis efferri hæc foras, ne dicas; si  
tu filere non possis, quomodo id exigis ab  
alio? Si tuum ostam impatiens sit episto-  
mii, quid ab alieno sperabis?

Detractiones & detractorias accusationes  
extremè odit Franciscus Assisias Seraphicus,  
de quo divus Bonaventura hæc narrat. Au-  
diit Franciscus, quàm ore temerario unus <sup>è Bonav.</sup>  
suis multa diceret in alium, eumque varie <sup>in Vitâ</sup>  
accusaret. Igitur vicario suo id demandans: <sup>S. Franc.</sup>  
Surge, inquit, Pater surge, & rem probe dis-  
cute: quòd si accusatus sit insons, ita seriò  
puni accusatorem, ut is omnibus sit exem-  
plo, sentiatque se puniri. Imo vero putabat  
Franciscus vestem religiosam ei detrahen-  
dam, quisquis alteri hoc famæ palliolum sub-  
traxisset, ut quod ille aliis, hoc alii facerent  
illi, eaque ratione detractor ad restituendam  
famam adigeretur.

II. Trahit quidem post se Detractio ca-  
tenam complurium malorum: nam auditor  
detractionis fit pejor; qui detrahit, jure suo  
appellatur calumniator; is cui detrahitur, ho-  
stis efficitur: at vero huic catenæ globus  
plumbeus appensus est ingens, debita *Fama*  
*restitutio*. Non minus in reddenda fama, quam <sup>Aug.</sup>  
moneta, illud Augustini valet: Non dimit-  
titur peccatum, nisi restituatur ablatum. E  
theologorum placitis notum est, non eos <sup>epist. 54</sup>  
tantum qui confictum de alio crimen, sed il-  
los etiam qui crimen verum, sed occultum <sup>ad. Ma-</sup>  
injuste prodiderunt, ad abolendam criminis <sup>cedon.</sup>  
opinionem sic obligari, ut vel famam resti-  
tuere, vel certe æquivalentem famæ com-  
pensationem facere teneantur. Et est, cum <sup>S. Thoma</sup>  
detracto, non tantum cum suæ famæ dispen-  
dio, sed etiam cum vitæ suæ periculo obli-  
gatur alteri famam restituere. Neque de fa-  
mæ solum, sed & de damni reparatione hîc <sup>2. 2.</sup>  
<sup>q. 62.</sup>  
<sup>a. 2. c.</sup>  
<sup>alii.</sup>  
<sup>Vide</sup>  
<sup>Francis.</sup>  
<sup>Toletum</sup>  
<sup>l. 5. s. a-</sup>  
<sup>ma c.</sup>  
<sup>68. 69.</sup>  
<sup>70.</sup>

agitur, si quod passus sit, quem diffamaveris. Et licet rem dixeris, neque abieris à vero, nihilominus tamen apud omnium eorum aures quas calumniis implesti, recantare cogaris & fateri, non quod mendacio fefelleris (esto, verum dixeris) sed quod illum talem traduxeris.

Si malum hoc unicum, scilicet *Restitutionis obligatio* detractiōem sequeretur, velis illa remisque & omnibus viribus fugienda esset. Cui enim non difficillimum accidit, palinodiam canere, & ablatam famam non sine rubore reddere? vestem, pecuniam, supellectilem male ademptam tam difficile non est restitueri, & plerumque modus non deest id commode faciendi; at famam reparare difficillimum est. Ex hac restitutionis difficultate delicti huius magnitudo vehementer crescit. semel enim opinio vagata serpit ad plurimos, obambulat & urbes, & regna, ut notissimus jam sit ille omnibus, cujus plerique nec capillum norunt. Laudas iterum quem ante vituperasti? nihil agis; prima enim validius inhærent, & jam abierunt ad plures; maxime cum nocitura fecundius serpant, profutura serius proveniant.

At dixeris: innumeras detractiōes committi, nullam tamen restitutionis mentionem unquam fieri. Hoc est quod æquissime queror: sed num ideo pessimos mores in culpæ patrociniū trahemus? non continuo quod aliquid fiat, recte fieri dices. insanientium multitudo non commendabiliorem facit insaniam. Negamus deinde nullam restituendæ famæ mentionem fieri: hoc potius crediderim, famam rarissime restitui. Sed esto, restituatur subinde fama, quam id tamen lente, quā sero, quam non integre fit: omitto, quod vix unquam tantum redditur, quantum



quantū admittitur. O mortales, multa nimis ad supremū tribunal rejicimus, & ipsi statuimus vindicem Deum, qui hujus justitiæ tam severus est exactor, ut condonare malit quod sibi, quam quod illis aliis debetur. Ea de causa ipsi mortui quandoque adiguntur red- dere, quod vivi neglexerant.

Vincentius Ferretius, gente Hispanus, è *Vincens  
domini-  
cū in  
Albis  
serm-  
prope  
finem.*  
divi Dominici familia vir religiosissimus, qui sacra facundia qua pollebat, multa mul-  
lia hominum hinc illinc evocavit ad audien-  
dum. Hunc virum Callistus III Pontifex Maximus, ad immortalitatem religione  
& memoria consecravit. Hic pro suggestu publice hanc ipsam restitutionem famæ do-  
cuit. Pro viri reverentia, verba illius fideliter adnumero, sunt ista: Sicut enim fur tenetur ad restitutionem, sic qui furatur famam pro-  
ximi ex malitia. etiamsi sit verum quod di-  
xit, & erat secretum, tenetur ad restitutio-  
nem famæ, alias non poterit intrare paradi-  
sum. Sed quæritis, quomodo restituet? Re-  
spondeo quod coram omnibus, coram qui-  
bus fuistis male locuti, tenemini revocare dicendo, quod non credant, quia malitiose locuti fuistis, & si ille qui est diffamatus, scit hoc, oportet etiam ab eo petere veniam &c.  
Multi damnantur ex istis diffamationibus, quia verbum transit, deinde non curant, nec confitentur, nec inde faciunt sibi conscientiam. Ita beatus Vincentius. Addit idem ar-  
dentissimus ecclesiastes, si quis hoc facere detrectet aut negligat, dum vivit, subinde post funera hoc supplicio manes affici, ut veniam, velint nolint, cogantur à vivis petere. Eam in rem admirandum hoc commemorans: Erant, inquit, duo quidam qui alterius famam gravius læserant; & unus quidem obtrectatorum, sicut & is cujus fama est læsa, etiamnum superstites sunt. At vero alter

è detractoribus istis jam vita functus, aliquā-  
to tempore piacularibus flāmis attentus est.  
Inde liberatus non continuo in superum se-  
des receptus, sed prius famam quam vivus  
improbe depravarat, integram iussus est red-  
dere. *Et ego scio, inquit Vincentius, istud esse ve-  
rum, quod anima rediit, quia ego ipse fui per ipsum  
diffamatus, & a me veniam petiuit.* O Deus, si  
tam lubricum ac difficile negotiū est famæ,  
quid est quod non caveamus ea nomina cō-  
trahere, quæ jam vita functi cogamur expe-  
dire? Ordinatione tua, Domine, perseverat  
v. 91. dies, quoniam omnia serviunt tibi: tam ani-  
mi quam corporis, quam & fortunæ bona,  
ideo etiam fama minime negligenda, hæc  
enim necessaria est, muneribus præsertim  
publicis rite obeundis, eaque de causa tā fa-  
ma quam pecunia, & illa quidem potiori ju-  
re restituenda, si mala fide sit adempta.

III. Fama inter ea quæ homini non  
inhærent, bonum ingens. nam, uti Isidorus  
Pelusi. Pelusiota loquitur, bona existimatione me-  
l. 3. epis lius ac præstantius nihil est: nec Cræsi the-  
142. sauros quisquam cum ea comparaverit. Tales  
Plin. enim esse censemur, qualis fama ejusque  
Iun. est; huic aures; huic intenduntur oculi. Me-  
c. 62. lius omnibus quam singulis creditur, singu-  
fine Pa- li enim decipere & decipi possunt, nemo o-  
negyr. mnēs, neminem universi facile fefellerunt.  
ad Tra- Non imperite vetus poëta.  
jan.

Plauti *Vt fama est homini, exinde solet pecuniam inve-*  
Mostel- *nire:*  
lar. act.

1. Scen. *Ego si bonam famam mihi servassō, sat ero dives.*  
3. v70 Fama bona cuique pretiosissima res est. Hinc  
tam grande crimen est, aut imminuere fa-  
mam, aut rapere. Qui enim famam perdidit,  
multum sui victus, plurimū honoris sui a-  
misit: jā negligitur, alioqui ad dignitatē pro-  
vehendus: jam contemnitur, alioqui ven-  
turus in magistratum; jam deseritur, alioquin  
à multis



à multis juvandus. Cui semel calcatur fama, mille mortibus cadit, & ad singulos auditores nova cæde funestatur: sæpe dicta factaque narrantur, quæ nec dicta, nec facta, nec cogitata sunt unquam; dubia pro certis, falsa pro veris, conjectanea pro compertis habentur, singulique tales sunt, quales sibi prona fingit suspicio, quæ dum vera non invenit, falsa comminiscitur, contenta læsisse. Tot malorum proma conda est sæpe unica lingua, quæ, ut fortasse cognati quantumvis inepti ad munia extollantur, & hunc, & istum, & illum deprimit malevolis delationibus. Sed acribus flagellis Deus hos tales excipiet, qui linguam velut machæram rotarunt. De his apertissime vates regius: *Exacuerunt, inquit, ut gladium linguas suas; intenderunt arcum rem amaram, ut sagittent in occultis immaculatum; subito sagittabunt eum, & non timebunt, firmaverunt sibi sermonem nequam.* Ps. 63.  
v. 4. 5.

*Exacuerunt*, student enim huic rei, commentantur, & meditantur, qua ratione linguam exacuant, & eliment. Thearidas olim interrogatus de cultro, quam bene scinderet? Respondit: Melius quam ulla calumnia. Neque illi linguam cuspidant, ut feramentum, sed, *ut gladium*, gladius admodum acutus sit necesse est, qui medium secet hominem; lingua corpus animumque dissecat. Sinenses equites, uti de iis Maffeus prodidit, *Maff. elegantissimo ornatu armatuque prælium ineunt, quaternis ex ephippio pendentibus gladiis, quorum simul duobus perquã scienter utuntur: Detractoris lingua non quatuor tantum, non centum duntaxat, sed sexcentos, sed mille secum gladios nunquam non vehit, ut gladiatorum satis in promptu sit, ubi ubi demum conflictu est opus. Lingua detractoris, quandoque tantum incendii excitat.* Indic. post med.

tat, quantum nec quatuor millia (quid dico?) quantum quadraginta, quantum centum millia militum non sopiant. Anceps gladius, venenata sica, peracutus pugio, penetrabile verutum, insidiosi dolones, recens novacula, & præceps mordaxque lingua, sibi simillima sunt. Addit Hebræus psalmodigraphus, *Intenderunt arcum ut sagittent*. Sicut enim arcus eminus ferit, longe dissitis nocet, sic detractoris lingua, absentibus imminet, & vel ad mille milliaria distantibus damnum infligit. Intendit quis arcum istum in Germania, & configit hominem in Gallia, aut etiam in Hispania degentem; hæ sagittæ trans mare volant. Imo lingua hominis in terra existentis cælum invadit, in superos *Pf. 72. pugnat, Deum laceffit. Posuerunt in cælum os* *v. 2. suum*. Sed & intima terræ viscera rimantur, jamque sepultos lacerant: *Et lingua eorum transiit in terra*. Hoc est vivos sepelire, mortuos ab inferis excitare. Pergit Psaltes.

*Firmaverunt sibi sermonem nequam*, uti feroces tauri, cum ad iram proritantur, frontem corrugant, furiosos oculos in hostem defigunt, hunc sibi destinant, in hunc unum omnes impetus collineant: ita detractores perfricta fronte, pertusa conscientia, ore ferreo pergunt evomere, quod animo conceperunt, & Christi de Charitate legem audacissime conculcant. Hæc detractorum lingua titulum sibi arrogat, qui proprius est Mortis, N E M I N I P A R C O, sacros, politicos, notos, ignotos, probos, improbos, religiosos, profanos, amicos, inimicos juxta habeo. Nescit ulli parcere detractor, non adeo patri ac matri. Quid? quod voluptatum illi quoddam genus sit, obloqui; & maledicere inter beneficia ponat; ac inter ingenii felicitates numeret, invenire quod in alio reprehendat, & inter acumina censea treperire & enarrare



enarrare quod nusquam est. Vociferatur rex *psal.*

David: Erue à framea Deus animam meam, 21.

& de manu canis unicam meam. Per fra- *v. 21.*

meam Augustinus designatam ait detractō-  
ris linguam: per canem Cassiodorus ipsum  
detractorem. Sed cur à manu canis liberari  
vult rex Hebræus? dixisset, Vrsi aut Leonis,  
quid enim canis tantopere timendus est?  
Imo vero est: Vrsū & Leonem quis non  
cavet? at sunt canes qui placide accedunt, sed  
tibiā subito morfu appetunt, aut si Britan-  
nici sint, erigunt sese & caput invadunt. Ta-  
les expertus est rex David. & qualis molossus  
erat Saul, qualis Semei, qualis Absalon &  
Seba, qualis Achitophel & Doëg? vere canes  
moloissici, multumque incommodistici.

Christus in more positum habuit præsen-  
tes objurgare, commendare absentes. Et hæc  
genuina lex Charitatis est, reprehendenda  
coram & aperto Marte reprehendere, ne ve-  
ro laudem inquinet adulatio, laudanda non  
in presentia laudare. In Iudæos Christus  
præsentes acerrime invecus, hypocritas,  
generationem adulteram, genimina vipe-  
rarum, sepulchra dealbata, filios diaboli  
vocavit, absentes vero nominans Oves:  
Non sum, inquit, missus nisi ad oves quæ *Matth.*  
perierunt domus Israël. Nos prorsus con- *c. 15.*  
trarium facimus, præsentes laudamus, *v. 24.*  
absentes vituperamus & calumniamur. *Mol- ps. 54.*  
*lii sunt sermones ejus super oleum, & ipsi sunt v. 22.*  
*jacula.* In hunc omnino modum locuti pha-  
risæi, Christum præsentem & coram, Magi-  
strum, Dominum, Doctorem veritatis dice-  
bant; absentem, fabri filium, potatorē, men-  
sarum affeclam, seductorem appellabant.

IV. Sed sublimius à Christo documen-  
tum ante oculos constituitur. Priscorum Pa-  
trum sententia est, Christum dominum quo  
die cum suis ultimum cenavit, corpus &  
sanguinem

sanguinem suum tam Iudæ Iscariotæ quam Apostolis ceteris beneficentissima manu porrexisse. Hic ego te, mi Christiane, ingenua simplicitate interrogē, si tu inimicum tuum, unico tui capitis pilo, juvare posses, faceresne? Novi equidem quid ad ejuscemodi quaestiones multi soleant respondere: Laqueus adversario, patibulum hosti, inimico rota. Sed audite, ô pessimi obtrectatores, quid exempli statuerit Christus in inimico. Dum Iscariotes prodicionem coqueret, dum transiitum pararet ad hostes, Christus illi suum corpus suumque sanguinem dedit epulandum. Ah, quî potuit nequissimum hominem tanto dignari honore, quomodo cena tam pretiosa non exclusit hunc sacrilegum, proditorem istam, diabolum, qui jam in facinus immanissimum consenserat, qui jam tunc suo domino crucem in suo pectore statuerat; quomodo, inquam, hunc parricidarum coryphæum inter Apostolos confidere passus, dominici corporis & sanguinis convivam? Imo ante hunc ipsum latronem mitissimus Dominus in genua provolutus est, velut offensam deprecaturus, & illi omnium primo, ut aliquorum opinio est, pedes lavit. Putat enim Fulvius Ursinus, in suprema Domini cena Apostolos hoc ordine accubuisse, ut in capite mensæ Christus inter Ioannem & Iudam, à Ioanne proximus Petrus fuerit, qui alioqui in aurem insusurrare Ioanni commode nequisset; reliqui deinceps utrumque mensæ latus occuparint. Nec dissentit Chrysostomus, qui: Credibile est, inquit, proditorem impudenter ante Apostolorum principem discubuisse. Thomas Aquinas existimat, studio Christum suo lateri proximum habuisse Iscarioten proditorem, molliendo homini. Et hinc verisimillimum Iudæ ante Petrum lotos pedes, Sed quod huc maxime

*Fulv.  
Ursin.  
in appē  
dice ad  
Trick-  
nium  
Rom.  
Chrys.  
hom.  
69. in  
Ioan.  
S. Thom.  
in c. 26  
Matth.*



DE DETRACTIONE. 211

ximespectat : Noluit suavissimus Dominus Iudam occulti etiamnum flagitii reum à piorū communione repellere, noluit facinus Iscariotæ jam deliberatissimum detegere, non furē, non proditorem, non homicidam appellans, sed nomini ac famæ scelestissimi hominis parcens, dū ipse se auctor proderet. Hinc etiā sacerdoti non licet à cælesti mensa ullum publice repellere, tametsi sciat adesse hominem letali noxa infectum. Et qua ratione, qua fronte nos audemus alter alterius scelera detegere, & velut è cathedra recitare? Hinc jam liquet, quam capitalis sit noxa, Detractio, & quam severa lege vetita.

V. Plinius refert camelum aliter potu <sup>Plin.</sup> non gaudere, nisi prius proculcatione obtur- <sup>l. 8. nat.</sup> bata aqua. Superbum animal suam sibi de- <sup>hist.</sup> formitatem ab aqua pellucida monstrari nō <sup>c. 18.</sup> fert: sic homines nauci, illitterati, famæ non optimæ hoc agunt quod cameli, hominum proborum famam obturbare nituntur diversis detractioibus, ne soli putentur esse deformes. Sanctissimum est illis decretum Ephesiorum, *Nullus inter nos excellens esto.* Quam parum laboret segnis famulus, tunc maxime apparet, si una cum illo laborem subeat industrius: homo religiosus tunc enitet maxime, cum ei adstituitur homo vanus, & omnis religionis expers. Ut igitur vitiosi minus erubescant maculas suas, detractioibus alios quoque maculatos ostendunt; & tum demum se pulchros credunt, cum & ceteros deformes ac rugosos asserunt. Quid vultis, ajunt, non est sanctior aliis, quem vos sic extollitis: nec ille angelus est, quem adeo putatis nitere. Cum nihil habent dicere: Multa, inquiunt, in hunc hominem narranda suppetent, sed camarinam movere nolumus; tacemus. Hod ipsum non est tacuisse, sed jam non obscure detraxisse, Sed hæc ideo musti-

ratis,

tatis, quia vestros in talibus mores non agnoscitis. Pharisei Christum nunquam non odio prosequuntur, quoniam dissimilis est

*Sapient* aliis vita illius. Hinc illæ phariseorum vo-  
*c. 2.* ces, potator est, sabbatum temerat, pessimis  
*v. 15.* quibusque se se aggregat. Quam præclare de  
*Pf. 37.* his vaticinatus rex David: Qui retribuunt,  
*v. 21.* inquit; mala pro bonis, detrahebant mihi,  
*Pf. 108* quoniam sequebar bonitatem. Pro eo ut me  
*v. 4.* diligenter, detrahebant mihi, ego autem ora-

*Chrys.* bam. Ideo vociferatur Chrysostomus: Es  
*hom.* homo, ne venenum evomas aspidum. Ho-  
*79. ad* mo es, fera ne fias. propterea tibi factum  
*pop.* est os, non ut mordeas, sed ut medearis.  
*Ant.* Idem Augustinus præcipiens: Quo modo ira-  
*paull.* sceris alteri, ait, quando de te male loquitur,  
*ante f-* sic irascere tibi, quando de altero male lo-  
*rem.* queris.

*Aug.* Deus olim per Isaiam promulgari iussit:  
*in pf.* Mihi curvabitur omne genu, & jurabit om-  
*38. post* nnis lingua. Obsecro & vestras linguas mit-  
*erit.* tite, o detractores, ut illæ iusjurandum dent  
*Is. c. 48* Deo, se deinceps in potestate rationis futu-  
*v. 23* ras, nullius famam læsuras, nec minima qui-

*Chrys. in* dem detractione; leviores etiam defectus  
*c. 3.* tacituras. Et hîc consilium suggerens Chry-  
*Matth.* sostomus: Natura, inquit, viperarum talis est;  
*hom. 3.* cum momorderit hominem, statim currit  
*ante* ad aquam: si autem aquam non invenerit,  
*med.* moritur. Ita prorsus, si quis venenum de-  
 tractionis aliorum auribus instillarit, si vox  
 exciderit incauta; famam alienam violatura.  
 mox eadem hora fontem Poenitentiae ac-  
 currat, detraxisse doleat, deinceps futurus  
 cautior; atque si ullo modo possit restitutu-  
 rus quæ lingua clanculum ademit. Difficile  
 hoc quidem, sed necessarium: & melius est  
 ablata restituere, quam cum ablatis perire.



*Quibus titulis afficiendi* DETRACTO-  
RES, & *quibus suppliciis saepe sint affecti.*

**N**atura rerum omnium providens, uti *Plutar.*  
Plutarchus philosophatur, homini de- *l. de*  
dit aures geminas, unicam vero linguam, *Audi-*  
minus enim loquendum quam audiendum. *tionē.*  
Nec aliter è Christi gymnasio discipulus, *Iac. .1.*  
Iacobus Apostolus sentiens: Sit autē omnis *v. 19.*  
homo velox ad audiendum: tardus autem  
ad loquendum. Siquidem membrum nimis  
lubricum est lingua, & vix unquam labi-  
tur sine noxa vel sua vel aliorum. Eru-  
dite dixit Anacharsis philosophus: Tutius  
est labi pedibus quam lingua. Hinc raro nos  
poenitet silentii, sermonis frequentissime, uti  
elegantè cecinit Ausonius:

*Nam nulli tacuisse nocet, nocet esse locutum.*

Rem suo exemplo confirmavit Xenocra- *Valer.*  
tes, cum enim maledico sermoni quorum- *l. 7. c. 2*  
dam summo silentio interesset, unus illorum  
quæsiit, cur solus adeo contumaciter lin-  
guam cohiberet? Respondit Xenocrates:  
Quia me in commune dixisse aliquando pœ-  
nituit, tacuisse nunquam. Modeste tetigit  
tam placido responso dicacissimos obtrecta-  
tores.

De perniciosissimo Detractionis vitio,  
proximis dissertationibus dictum, Quid, &  
quotuplex, quamque grave ac noxium sit de-  
lictum Detractio; quam etiam difficilis, ne-  
cessaria tamen sit famæ restitutio, explica-  
tum. Iam progredimur, Detractores ipsos eo  
quo merentur penicillo, depicturi.

I. Injurius nemini erit qui scapham,  
scapham; qui ligonem, ligonem appellarit:  
sua rebus nomina sunt assignanda.

Varium est Detractorum nomen, prout  
ipsi sunt varii, & modo hos, modo illos la-  
cerant,

cerant, jã vulpinam, jã leoninam pellem habent indutui. E speciosissimis Adulatorũ titulis, unũ sibi vendicant etiam Detractores.

*Eccli.* I. *Canes* sunt. Siracides aperte: Sicut sagitta, inquit, infixæ femori canis, sic verbum in corde stulti. Non quiescit canis dum excidat quod hæret lateri: sic & detractor, si quid vel ipse curiosissimis oculis viderit, vel longissimis auribus audierit, mox effutit. Convenientissimum canibus pabulum, siccus panis & ossa. At vero hi canes humana specie velati, non tantum ossa rodunt, sed velut esurientes lupi carnes inhiant, & quidem humanas. Iobus gravissime questus: Quare, inquit, persequimini me sicut Deus. & carnibus meis saturamini? Caninis namque dentibus semper ringentes, & insultantes mordetis, comeditis, absumitis meam estimationem & famam. Qui alienæ vitæ detractiōe pascuntur, inquit Gregorius, alienis procul dubio carnibus saturantur. Detractor ipsas etiam medullas, abditissima quæque hominis, Intentionem ipsam tanquam Deus judicat; suum Deo gladium, si possit, erepturus. detractor humanæ carnis tam appetens est, ut quandoque nec parentibus parcat, sed velut Actæonem, multum reluctantem, & clamantem

*Ovid.* Actæon ego sum, dominum cognoscite vestrum,  
*l. 3. metamorph.* Canis nullus pro Actæone nosse voluit; ita hi nec à dominis nec à parentibus dentes abstinent, obvios mordere, solenne illis est. *Ezech.* Ezechiel prædixit: Patres comedent filios in medio tui, & filii comedent patres suos. *Ad.* addit Hieremias: Et unusquisque carnem amici sui comedet. Detractor morsu vel unico, episcopum, archiepiscopum, Pontifices, duces, reges, Cæsares commolere potest; & licet esurialibus diebus carne bubula vel ovilla, non tamen abstinet humana. Detractor vero



## DE DETRACTIONE. 215

vero nomine Canis est, qui macellum omne scrutatur, ore semper cruento. Cave canem hunc, cave. Illius vox est: Veni nobiscum, in-  
 fidemur sanguini, abscondamus tendiculas Prov. c. 1.  
 contra infontem frustra: deglutiamus eum v. 11.  
 sicut infernus viventem, & integrum quasi  
 descendentem in lacum.

2. *Ericius marinus* est detractor, acculeo-  
 rum plenissimus, quibus pedum loco utitur;  
 piscibus omnibus timori est. Detractor intus  
 & foris aculeatus est; quacunque tetigeris,  
 cave; cave murices, inuncaberis. *Ericius* ad-  
 est, detractor tibi imminet. Hunc si interro-  
 ges: Nunquid novi? Protinus narrare inci-  
 piet hunc in modum: Ille heri fuit ebrius:  
 iste tantum & tantum æris decoxit alea, hic  
 visus est ingredi lupanar, iste cui semper  
 Mars in manu est, duos dentes amisit alter-  
 cando & pugnando, ille mercator viginti  
 philippeis emptores circumvenit &c. His a-  
 culeis inserpit *Ericius* iste, hæ illius narra-  
 tiones sunt, ita omnibus piscibus horrore est.  
 Nam quod *Siracides* docet: Linguatus &  
 temerarius in verbo odiosus erit. Eccli. c. 9.

3. *Scarabæus* & *Hirudo* est detractor. *Chry-*  
*sostomus*: Omnes, inquit, averfantur male-  
 dicum, ut eum qui lutum redoleat, ut hiru-  
 dinem quæ sanguine, ut *scarabæum* qui ster-  
 core, alienis malis, aluntur. Tu ergo apes æ-  
 mulare, & flores è vepribus lege ac favos  
 concinna. *Guilielmus Peraldus*: Os detracto-  
 ris & maledici, ait, \* aquiminariū est diabo-  
 li, quod non lustralem & sacram, sed sordi-  
 dissimam detractionis aquam continet. Ex  
 hoc vase diabolus plurimos impura circum-  
 fert unda, at hanc non in vultum sed in ter-  
 gum perpluit, absentibus enim officit detra-  
 ctor non præsentibus, uti *hirudo* sanguinem  
 plerunque Chrys. in ps. 49. pau- lo ante finem.

P 2

\* Teuffels weichfessel.

plerunque trahit à tergo sequentem. Sed sciant quicunque aliis detrahere consueverunt, hos sæpe gravius peccare, qui scelus aliorum aperiunt, quam qui committunt.

4. *Porcus* est detractor, hæc enim bestia cum in agrum forte irruit, non flores sed fimum accurrit; ita ille non observat quod boni exempli est, sed quod mali; oculos pascit vetitis. Cum Balaam detrectaret maledicere Israël, rex Balac in eum commotior: Veni mecum, inquit, in alterum locum, unde partem Israël videas, & totum videre non possis, inde maledicito ei. Putavit rex territum hominem populi multitudine, ideo non ausum maledicere. Proprium est obtrectatoris, unam solummodo partem rei gestæ convellere; si, quæ præcessissent, quæ fuissent secuta, scirentur, aliter & ille loqui, aliter & alii sentire cogerentur. Ecquid demum est in rerum natura quod omnem excludat reprehensionem, omni probro sublimius? Luna pulcherrimum sidus est, sed & suas sibi maculas habet: Sol Luna longe nobilius & formosius astrum, sed & hic deprehensus est nævis non carere. Vt minus erres, rem totam inspicere, & facile totius symmetria, partes minus, commendabiles defendet.

5. *Leo & Hyena* est detractor. Theocritus olim interrogatus, quæ esset immanissimæ feræ: Respōdit, In montibus & silvis leones & ursos esse putem ferarū ferocissimos; in oppidis vero & urbibus, Foeneratores & Detractores. Cū autem nec mortuis quidem parcāt detractores, Hyenæ merito cōferuntur. Hæc lupo non absimilis, humanæ carnis tam appetens est, ut tumulos etiam effodiat, & cadavera in cibum sibi exhumet. Modesti oris homo, suam omnibus famam quantum licet, sedulo tuetur, si quid de aliis vitiosi norit, silentio velut molli terra sepelit: Obtrectator

*Num.*  
*c. 23.*  
*4. 13.*

*Vide*  
*Christo-*  
*phorum*  
*Schei-*  
*merum*  
*de ma-*  
*culis*  
*Solis.*

*Arist.*  
*æstie*  
*l. 7. A-*  
*nimal.*  
*l. 4.*



Detraitor carnem cadaverosam & tabo fluentem è sepulchris eruit, vitia occulta in lucem protrahit, scelera oblivione sepelienda in memoriam revocat: Hyena est; Leo est.

6. Detraitor, *moneta adulterator & fur est.* monetam enim sic accidit, ut ubique repudiatur: Apage hunc numum, ajunt, nimis arrosus, nec ad libellam probus est. Ita crebris verborum insidiis plurimi impediuntur ne emergant, aut ubi emerferint, in antiquas tenebras relabantur; ubique reperiunt quæ suæ famæ ac fortunæ obstruant. Essent hi quidem velut proba atque legitima moneta, sed detractor quispiam sic eam circumcidit, sic hominem illum describit verbis, ut nusquam ei bene sit. Detractores & delatores falsos flagellis ac fustibus cædi, & in exilium pelli Vespasianus imperavit; vivos etiâ exuri Augustus mandavit; nervis cædi Mauritius Imperator jussit; capitali poena affici M. Antoninus Pius voluit. Optime dixit Salomon: Abominatio hominum detractor. Hoc quidem non summum malum foret, odio esse pluribus, nam & Christus prædixit: Eritis odio omnibus hominibus. Sed attende quid adjungat: propter nomen meum. Detraitor non tantum publicum populi odium, sed & Dei est, idque suo merito. Nam, Detractores Deo odibiles. Hic titulus illis convenientissimus: *Odibilis Deo.* Ideo Salomon commonens: Cum detractoribus, inquit, ne commiscearis, quoniam repente consurget perditio eorum; & ruinam utriusque quis novit?

II. 7. Denique *Serpens* est detractor; hoc ei nomen primo jure debetur. Ecclesiastes appositissime: Si mordeat serpens, inquit, in silentio, nihil eo minus habet qui occulte detrahit. Detractionis naturam eximie repræ-

Prov.

c. 24.

v. 9.

Matth.

c. 10.

v. 22.

Rom.

c. 1.

v. 30.

Prov.

c. 24.

v. 22.

Eccles.

c. 10.

v. 11.

sentant verba: *Occulte detrahit.* Detractionem enim à contumelia discriminant theologi, quandoquidem contumelia præsentem lædit & dehonestat, detractio absenti conviciatur, & bonæ famæ existimationem imminuit.

Ex omnibus omnino animantibus, solum serpentem Deus execratus est: ex omnium hominum numero præcipue detractor diris devotus & execrabilis est. Sunt autē serpentes, qui ut vivant, matrem suam necant; detractor antequam aliis noceat, sibi ipsi ac suis obest plurimum. Et sicut serpens facile lædit, unoque morsu totum corpus inficit, ita detractor pauculis verbis, famam & quandoque vitam aufert alteri. Quemadmodum vero diabolus rectissime Serpens dicitur, sic detractor hac in re diabolo simillimus, & accusator fratrum suorum est, & ubi accusare non potest, calumniator. Venusinus vates detractoris tanquam serpentis diversicolorum pellem ita depingit:

Horat.  
8. serm.  
sat 4.

— Absentem qui rodit amicum,  
Qui non defendit alio culpante; solutos  
Qui captat risus hominum, famamque dicacis:  
Fingere qui non visa potest, commissa tacere  
Qui nequit: hic niger est, hūctu Romane caveto.

Bern.  
de mor-  
do bene  
viv.  
serm.  
17. post  
med.

Rem verbo dixit Bernardus: Fuge detrahentes quasi serpentes. Sunt serpentes qui suum veneni thesaurum non cauda, sed lingua, aut vesicula subtus linguam, aut dentium cavernulis, aut ipsis dentibus contineant, itaque toxicum mordendo inspuant, vel etiam spuendo jaculentur. Hinc Avicennæ *aspides spuantes*. His serpentibus simillimi detractores, qui letale virus lingua occulunt, illudque exspuunt loquendo. Et quamvis hæ viperæ vix ullum sui morsus vestigium relinquunt, mortem tamen inferunt, ostiolo ægre visibili. Hinc Cleopatra quæ gladios & vulnera



DE DETRACTIONE. 219

vulnera horrebat, nec aliud quam celerem  
& placidam mortem quærebat, aspidis mor-  
su vivere desiit: ita detractor sæpe non  
grandi tumultu ferit, & vix notabili affi-  
cit vulnere, famam tamen enecat:

—— *absentem qui rodit amicum.*

—— *hic niger est, hunc tu Romane caveto.*

Nec levi tantum studio caveto: si quidem  
detractor vel colubro exitiabilior est, virus  
detractoris pæne immedicabile. Hoc suppli- *Hierē.*  
cii genus minatus olim Deus: Ecce ego, in- *c. 8.*  
quit, mittam vobis serpentes regulos, quibus *v. 17.*  
non est incantatio, & mordebunt vos. Ro- *Seneca*  
manus sapiens: Tuto, inquit, serpens tracta- *epist. 42*  
tur dum riget frigore, non desunt tunc ve-  
nena, sed torpent. Æliano & Plinio auctori-  
bus, ad primos Euphratis ortus serpentes  
nascuntur, exteris quidem nocentissimi,  
non item indigenis. Angues in Syria, maxi-  
me ad Euphraten, dormientes Syros non  
attingunt. Præterea in Africa Psylli; in Sy-  
ria Syri; in Cipro & Hellesponto Ophioge-  
nes; in Italia Marfi, genus hominum est quos  
anguigenas vocant, qui nullos timent ser-  
pentes: & apud Ægyptios mansuescere tra-  
dunt aspidēs. Sed lingua detractoris nullam  
induit mansuetudinem, nemini non formi-  
dabilis, quæ suos perinde atque externos; ami-  
cos inimicos; probos improbos; dormientes  
vigilantes; vivos mortuos invadit, mordet,  
inficit, perimit universos. Recte dixit Chry-  
sostomus: Qui detractiōni studet, diabolo *Chrysost.*  
servit. Grave malum, turbulentus dæmon est *in ps.*  
detractio. *100.*

III. Sanctus Arnulphus, notum Bel-  
gii sidus, Metensis antistes, tribus illis feriis  
quibus ad urbis. agrorum & segetis cala-  
mitates avertendas supplicatur, cū suis extra  
pomærium supplicationes instituit. In turba  
latebat femina malo genio infessa, quæ foe-

dis clamoribus prodere se cœpit. Accurritur ad Arnulphum præfulem, qui cacodæmonem hospitio per vim occupato feliciter expulit. Varius hîc vulgi rumor: Noddo, vir improbæ linguæ, & tunc probe appotus, in suum præfulem multa incipit garrere: Equis, ait, est iste episcopus? domum habet non usquequaque sanctam; etiam à malæ famæ hominibus ipsius limina teruntur; etiam sancti norunt subinde fieri homines. Hæc non impune dixeris maligne: tua te Nemesis nō præteribit. Noctu incendium ædes invadit, & Noddonem cum socio sic corripit, ut toti ardere viderentur: illi hoc unum, *Aquas, Aquas*, clamabant, *Aquas*. Demum profliliunt miseri, & humi se volutant velut equi verminosi, sed vix tandem inhærens flamma comprimitur. Passus est bonus Deus, illos tunc exire interitum, sed eosdem ad poenam repetiit. Nam ille ipse detractor, in his ipsis criminibus, quorum præfulem suum arguebat, convictus, caput perdidit, quod utique servasset, si didicisset servare linguam. Pessima vulpes, inquit Bernardus, occultus detractor.

*Bern.  
serm.  
63. in  
Cant.*

Nova priscis misceamus. Anno millesimo sexcentesimo sexto, Zagabrii in Austria, quidam non è plebe, viris religiosis in confesso plurium graviter detrahens, & locum loquente digito monstrans: Inde, inquit, præcipitandi sunt hi nebulones. Post paucas omnino horas, hic ipse illuc conscendit, & è summis scalis capite pronus ruit; inde seminecem detulerunt domum. Vbi à ruina tam gravi ad se rediit, Dei manifestariam in se vindictam fassus est. Atque ubi convaluit, supplex veniam petiit ab iis ipsis quos læserat. Non derisoribus solum, sed & detractoribus parata sunt judicia. Nec quisquam hoc miretur: Detractor pessimorum furum pessimus



peffimus fur eft; rem furto fubtractam non clā fervat, fed aliis in prædam objicit, facitque decem millia furum, unico, quod primus ille commifit, furto: Vnicam detractoris linguam, multa linguarum millia fequuntur, & hoc omnes agunt, furari famam. Quapropter fua jam parata funt etiam detractoribus fupplicia.

Maurus divi Benedicti notiffimus difcipulus, è fuo in beati Martini coenobium migravit, ut facrum ædificium illic moliretur, ubi architectum fubito ruente mole colliſum miraculo fanavit. Cæmentarii ſoluti oris homines: Quis ſcit, ajunt, qua illum arte in integrū reſtituerit; monachus eſt vagæ habitationis; fidat ei qui volet. Audiit Deus, & mox adfuit ultor à tergo; tres illorum malus genius inſedit; unus adeo miſere habitus eſt ab hoc ſuo hospite, ut lugubri cum ejulatu expirarit. Maurus ubi hoc inaudiit, recta in divi Martini ædiculam ſe recepit, & tribus horis continuis, in præces ſe effudit; dein obſeſſos accedens: Dei filius, inquit, qui ſuis poteſtatem dedit calcandi ſerpentes & ſcorpiones, liberet vos. Cumque illi magis furerent, digitos immiſit in os furioſorum, ita demum ingenti cum fœtore, nota ſymbola relictæ, ceſſerunt Orciniani hoſpites. Ita *Levit.* Deus in legirupas ſolet animadvertere. *Lex c. 19.* eſt: Non eris criminator nec ſuſurro in populo. *v. 16.* Ultorem ſenties Deum, quiſquis auſus fueris hanc Dei legem evertere.

Narrat Paulinus, ille priſcorum Patrum laudatiſſimus, duos ſacri ordinis viros ſubito fato corruiffe, quod Ambroſio Mediolanenſi præſuli defuncto detraxiſſent. Ex his alter ſacerdos Afer, ſed Mediolani in ſacerdotium venit. hic in convivio contemptim Ambroſii antiſtitis jam functi laudibus obtreſcavit. Auditores habuit non valde bene-

volos. Sed hoc illi tristissimum, quod & Deum habuerit auditorem. Nam subito miser expallescere, voce titubare, artubus tremere coepit, sic inter brachia deductus est ad lectum, & una ad letum. Dixit Augustinus: Deus, totus pes est, totus & manus, & oculus est: addo, totus & auris est: videte quam nihil obaudiat! Detractores Deo odibiles. Nec quisquam purgaverit culpam, etiam si præfatione utatur: Ita fertur; hæc dicuntur; fide qua emi, vendo. Malas & furtivas merces, mi homo, nec emptas quidem vendere licet. Audisti hæc ab aliis? cura tu, ut ea clanculum sint dicta. Siracides monet: Audisti verbum adversus proximum tuum, commoriatur in te, fidens quia non te dirumpet.

Eccli.

c. 19.

v. 10.

I V. Prandium subinde caninum instituunt collocutores aliquot, tanquam compotores, quivis suam confert symbolam, sed hoc demum agitur, ut absentes qui non præderunt, solvant symbolas; pleraque omnia damno aliorum dicuntur. De his symposiis

Prov.

c. 23.

v. 20.

præmonens Salomon: Noli, ait, esse in conviviis potatorum, nec in comestationibus eorum, qui carnem ad vescendum conferunt, quia vacantes potibus, & symbola dantes consumentur. De his symposiastis appo-

Greg. tō

2. l. 14.

mor.

c. 24.

fixe.

sitate Gregorius: Qui alienæ vitæ detractio-  
ne pascuntur, inquit, alienis procul dubio carni-  
bus saturantur: Potibus vacant qui de vitæ  
alienæ opprobrio se inebriant. Carnes quip-  
pe ad vescendum conferre, est in colloca-  
tione derogationis vicissim proximorum vi-  
tia dicere, symbolum vero dare, est, sicut  
unusquisque solet pro parte sua cibos ad ves-  
cendum, ita in confabulatione detractio-  
nis, verba conferre. Vestietur autem pannis dor-  
mitatio: quia despectum & inopem à cun-  
ctis bonis operibus mors sua invenit, quem  
hic ad alienæ vitæ exquirenda crimina de-  
tractionis



# DE DETRACTIONE. 223

tractionis suæ languor occupavit. Nec no-  
 xam purgat, dicere: Levia sunt hæc. Sæ-  
 pe enim parva scintilla magnum excitavit  
 incendium: lingua detractoris spargit ejusce-  
 modi scintillas, in incendium gliscentes. Sunt  
 omnino levia, dices. At si graviora scires,  
 etiam illa effutires. Tu vero pertendis levia  
 hæc esse. At certe non sunt levia quæ invi-  
 diam olent aut superbiam, quæ animos dis-  
 sociant, levia non sunt. Neque enim leve  
 quid est, alterius famam vel leviter immi-  
 nuere. Non minus homicidium est graphio  
 aliquem atque gladio occidere. Non minus  
 interiit Cassianus puerili manu & minutis  
 vulneribus confossus, quam si Hectoris aut  
 Achilles manu cecidisset: quanto enim infir-  
 mior erat manus pungentium, tanto gra-  
 vius fuit dilatæ mortis suppliciū; quanto le-  
 viores videntur detractoris puncturæ, tanto  
 subinde perniciosius sauciant. Hæc Deus im-  
 pune abire non finit. Qui detrahit fratri, aut  
 judicat fratrem suum, detrahit legi, & ju-  
 dicat legem. Thomas Cantipratanus, Came-  
 racensis proepiscopus, suis se oculis usur-  
 passe affirmat non minus horrendam quam  
 admirandam hujus vitii vindictam. Novi,  
 ait, sacerdotem, nomine magis quam re ta-  
 lem, qui eo linguæ petulantia prolapsus erat,  
 ut quo facilius alios etiam sacerdotes in in-  
 famiam traheret, de seipso pessima quæque  
 mentiretur. Hic morti jam vicinus, furiis  
 actus, tanta in seipsum rabie debacchatus  
 est, ut dentibus linguam maledicam foede  
 laniaret & commoleret, idque palam omni-  
 bus ostenderet inde supplicii exordium su-  
 mi, unde ille sumpsisset peccati. Sapientissi-  
 me monet Ecclesiastes: Ne temere quid lo-  
 quaris &c: Deus enim in cælo, & tu super  
 terram, idcirco sint pauci sermones tui. Non-  
 dum cæruleas illas plagas transvectus es;  
 nisi

Iac.

c. 4.

v. 11.

Eccle.

c. 5.

v. 1.

## 224 CAPVT XVIII.

nisi tuarum ipse sis pædagogus vitiositatum, non pervenies illuc; abibis in voragines ardentium focorum. Quod si custoditam vis mentem tuam, tuam tu prius custodi linguam, omnem detrahendi libidinem dedisce.

Ioan.  
Major  
Sec.  
IESV  
Theol.  
in Spec.  
Exempl  
pa. 265  
col. 2.

Sacerdoti, quem dixi, non multum ab- similis fuit in Anglia olim vir religiosus, sed veste solum non moribus, qui rabido detractiois dente quosvis lacerare solitus est. Hic cum jam in extremis ageret, monitus & rogatus est, sollicitè cogitaret, quodnam iter insisteret, quo tenderet; de tota nunc æternitate agi. At ille: Omittite hæc, inquit, monetis frustra. Illi vero divinam clementiam opponere, fiduciam in Deum suadere, & omni modo animum ad alta erigere conati sunt. Sed moribundus linguam exerens, & digito eam percutiens: Hæc, inquit, lingua pessima me damnavit. Dixit & lingua repente sic intumuit, ut in fauces retrahi nequiverit. Ita infelix expirans grande documentum dedit detractoribus, ut alienis saltem detrimentis sapere discant, & emendatius loqui.

Prov.  
c. 21.  
v. 23.

Qui custodit os suum, & linguam suam, custodit ab angustiis animam suam.

## CAPVT XVIII.

*Auditores DETRACTORVM, quam graviter delinquant.*

**M**Agnes tam arcanæ quam admirandæ prorsus virtutis est, si vel experientiam de eo loquentem audiamus. Ut taceam cetera: pugio si magneti adfricetur, ita vulnerat, ut is qui pungitur, non sentiat se vulnerari. Rem ex fide narrat Hieronymus Cardanus, affirmatque se vidisse magnetem in ædibus Laurentii Guasci medici, quo si acus aut ferreus stylus fuisset illitus, quavis corporis



corporis parte infigi sine sensu potuisset. Res hæc, ait Cardanus, mihi visa incredibilis, ergo ut experimentū rei ego ipse caperem, magneti acū adfricui, eam deinde in brachium immerſi, cumque lacerti torum jam penetraſſet, acū quidem ſenſi, ſed dolorem nullum. Atque ut hoc mihi certius conſtaret, brachium infixā etiamnum acū, varias in partes flexi, ſed nihil doloris ſentiebam, nec ſanguinis quidquam effluebat, ſolum puncturæ veſtigium cernebatur. Addit Cardanus, quale huius rei experimentum ceperit Mediolani Alexander Veronenſis. hic gladiū oleo perunxit ea ratione ut potuerit quoviſ & ſauciare, & ſanare, ſine ullo doloris ſenſu.

Detraſtio talis prorsus eſt pugio, talis omnino gladius eſt; infigitur, lædit, vulnerat, & quidem tres uno ictu: ſauciatur enim detractor, detractoris auditor, & iſ de quo detrahitur. ſed ille qui periculoſiſſime vulneratur, minime id ſentit detractor, de quo ſuperiore diſſertatione egimus, nunc de auditore detractoris acturi. Hic exponemus quā grave ſit delictum, non tantum de aliis detrahere, ſed & benevole audire detrahentes, ſic una & detractorem, & ejus auditorem inſtruemus.

I. Homerus, ille poetarū parens recenset, qua ratione Vlyſſes ſe geſſerit inter navigationis ſocios. Sciverat vir catus Sirenas cantatrices pellaciſſimas (ut ſingunt) ſolere dulce canere, canendo ſopire, ſopitos mergere. Vt hoc periculi cum ſuis evitaret, ſociorum aures obturavit cera, ſeipſum malo alligari juſſit, dum has aurium inſidias præterveherentur. Profecto non oculis tantum, ſed & auribus ſua ſunt pericula, ideo ſepimentis opus eſt ad arcenda hæc auriū mala. Agros & hortos conſepiri nil novi eſt, ſed novum forſan videatur ſi circumſepiantur aures. At hoc ipſum





culpa est; agens & consentiens pari poena puniendus est, ita detractor & auditor pæne pariter flagitiosi sunt. Hoc Thomas Aquinas clarissime definiens his omnino verbis: Dicendū est, inquit, quod si aliquis detractor-  
 nes audiat absque resistantia, videtur detra-  
 ctori consentire, unde fit particeps peccati il-  
 lius. In eandem sententiam Hieronymus: Cave, inquit, ne linguam aut aures habeas prurientes, aut aliis detrahas, aut alios audias detrahentes. Sed dices: Ipse ego non detraho, aliis loquentibus quid facere possum? Ad excusandas excusationes in peccatis ista præ-  
 tendimus. Et quæso te, si tugurium in pago transeas, & inde canis provolet ingenti cum latratu, tanquam jam jam infixurus dentes, an non ægre fers, si domestici canem non com-  
 hibeāt? quid si eum contra te incitarent, tunc injuriam dissimulares? Mutato nomine de te fabula cantatur. Cum detractorem placide audis, canem hunc dentibus in alios ire non permittis tantum, sed & impellis, quia illi velut testi credis, sed non ad Christi mentem, qui jubet, ut in ore duorum vel trium testium stet omne verbum. Imo quod deterius, detractori ut cani bonum virum dentibus convellenti, facilius quandoque fides habetur, quam si decem alii contrarium jurejurando asserant. Ita non raro noctuæ contra lucem, quam odit, testificanti pleno assensu creditur.

I I. Hebræus rex David, ille hominum mansuetissimus, adeo concedere doctus, nihilominus: Detrahentem secreto proximo suo, inquit, hunc persequabar. O Christiani horum hostium satis est ubique, persequimini, nec desistite dum comprehendatis; sed quæso inter comprehendendos, nos ipsos numeremus. Sed dicas: alteri in os obsistere vix ullus est qui non erubescat. Chrysostomum

S. Tho.

2.2.

q. 73.

art. 4.

Hieron.

tom. 1.

epist. ad

Nepotian.

ult. pag.

ante fi-

nem

epist.

Idē. ad

Rustic.

mon.

Matth.

c. 18.

v. 16.

ps. 100.

v. 5.

num egregie respondentem audi. Non solum autem maledicentes, sed & aliis detrahi audientes admoneo, aures obstruere, & prophetam imitari dicentem: Detrahentem secreto proximo suo, hunc persequabar. Dic proximo: habes aliquem quem laudes & commendes? Aures aperio, ut unguenta suscipiam: si vero male velis dicere, verbis ingressum obturo: non enim stercus & cænum accipere sustineo. Quod mihi lucrum, si didicero, quod ille improbus? Maximum igitur nocumentum ex hoc, & extrema jactura. Loquere ad ipsum; curemus nostra. Si detractoris os ita retundas, ut Chrysostomus suadet, aut filebit detractor, aut laudabit quem ante carperat. Si vero dissimules, nec libere detrahentem corripias, verecundus es, fateor, sed prorsus vitiose, idque in tuum & alterius damnum.

Chrys.  
rom. 5  
hom. 3.  
ad pop.  
Ant.  
circa.  
med.

Augustinus, ille præsulum gemma, tam non ferre poterat detractores, ut ad proximum mensæ parietem appenderit tabellam, quæ omnes illic accubituros moneret his versiculis:

*Quisquis amat dictis absentum rodere famam,*

*Hanc mensam vetitam noverit esse sibi.*

En mensæ leges præclarissimas: Aliis non detrahere; qui secus assueverit, abesto: hos convivas hæc mensa non admittit. Insigniter hic Augustinus improbam illam consuetudinem notavit, quæ in conventibus, circulis, conviviis, primam omnium questionem movet de moribus absentium: Vah, ajunt, etiam ille fortunæ humanæ subiectus! Et qua ratione iste hoc non viderit? En clericum insignem, modo esset purioris vitæ: en concionatorem egregium, modo quæ dicit, faceret: en hominem ad omnes gratias factum, modo sua bona nosset, & uti sciret. Et quam illi rerum domini, justitiæ tenaces, quam



quam obtemperantes argento, quam auro placide familiares?

*Difficile est satyram non scribere. nam quis ini-*

*qua*

*Juv.*

*sat.*

*1. v. 30*

*Tam patiens urbis, tam ferreus, ut teneat se?*

Ita ludus & jocus est aliis detractio-  
dentem infigere. Ideo Augustinus ut hasce  
confabulationes domo sua excluderet, ad  
mensam lectorem adhibuit, qui animum  
pasceret, dum reficeretur corpus. Contigit  
autem, quod Possidius narrat qui ipse inter-  
fuit, ut Augustini mensam Antistites com-  
plures accumberent, sed legis ab Augustino  
scriptæ obliti, liberius de aliis loquerentur,  
quibus ingenue Augustinus: Domini fra-  
tres, ajebat, aut illa tabella refigenda est, aut  
vos sermones istos desinetis, aut ego ad cu-  
biculum faceffo. Ejusdem fere animi fuit,  
Ioannes Alexandrinus Patriarcha, ille ele-  
mosynarum largissimus: hic si quem aliis  
obtrectantem audiisset, admonuit, aut inge-  
niose in alios sermones deduxit: si pergeret  
alter, tacebat quidem Ioannes, sed nomen  
hujus notabat, & colloquio finito, ei qui sibi  
à cubiculis, præcipiebat, hunc talem homi-  
nem non amplius intromitteret. Certissi-  
mum est quod dixit Hieronymus: Vbi de-  
sunt audientes, non inveniuntur detrahen-  
tes. Desit auditor, deerit detractor.

*Hieron.*

*ad Ce-*

*lant.*

Edmundus rex Angliæ, Dunstanum anti-  
stitem maximi fecit, virtutem viri & eru-  
ditionem admiratus, ideo hunc ipsum in  
magni momenti negotiis adhibuit consulto-  
rem. Placebat regi æquitatem ab hoc præfule  
non sine nervo urgeri. Ægre hoc habuit di-  
abolum. Ut ergo hos animorum consensus  
turbaret, reperit qui Dunstano præfule pes-  
sime vellent, quamvis amorem & obsequia  
simularent. Hi primo velut per cuniculos, re-  
gis aures aggredi, & recte callideque famam  
præfulis

præfulis incesſere, dein paulo apertius eidem detrahere, ita blande ac ſenſim Dunſtani odium inſtillare, denique palam, quem ode- rant, cavillari. Hoc effectum apud regem nimis credulum, ut aulæ aditus Dunſtano fuerit interdictus. Paucis poſt diebus, rex venatum ivit : in ſilva venationi deſtinata, mons erat & ingens præcipitium. Sub venatus principia inter primas feras nobilior ſe cervus offerebat, & dignus qui regem fatigaret. Ita rege ac hybridis inſectantibus ad præcipitium delata eſt fera, ubi una cum canibus præceps ruit. Regius equus eadem properabat via, idque incitato curſu. Rex præſentiſſimam mortem jam oculis cernens, Dunſtanum cogitat, Deumque rogat donari ſibi vitam, ob innocentiam Dunſtani. Celeres ſunt in tam præcipiti fato cogitationes, nec minus celeres ſunt Dei aures manuſque (ſic loquimur) ferendæ opi. Ita ſubito conſtitit equus. Rex è venatu domum reverſus, narravit ſuis non ſine læto horrore, quid miraculi ſibi obtigiffet; vitam ſe ſuam bis debere Deo, ſed & Dunſtano Dei amico. Idcirco Dunſtanum revocari juſſit magnis honoribus, petiitque à præſente veniam ſubmiſſiſſime, aures nimium credulas ſe præbuiſſe ſufurronibus, & amicum ſe ſponſedit in omnem vitam. Videte qua ratione famā reſtituerit detractiōnis auditor. Quot detractorum non millia, ſed millions reperias; ſed qui famam inique ſubtractam, paret reſtituere, vix ullus eſt

**III.** Verum nobis hic ſermo de detractorum auditoribus, qui vario diſcrimine detrahentem audiunt. Sunt qui detractores quidē audiant ſed inviti, nec ſine morſu animi. Atque hi tantum abeſt ut male agant, ut etiam præmium à Deo mereantur, præſertim ſi ejusmodi narrationes ſibi minime place-  
re non



re non obscure significant. Sunt alii qui audiant hæc talia & taceant, ut pæne nescias num quæ dicuntur, illis placeant an displiceant. Reprehensi ob silentium istud illaudabile, his plerunque se purgant: Ego nemini os obstruo; loquantur alii quod volunt, per me licet; neque vero curæ meæ mandatū est, omnium sermones expolire. Hi tam pacifici viri seipsos suaviter decipiunt: certe illis displicere debet, cū alius læditur, & Deus offēditur. ii piæcipue quibus jus est in alios, graviter delinquent cum detractorem audiunt, & silent: Error cui non resistitur, approbatur; & veritas quæ non defenditur, cum possit, opprimitur: nec suspicione caret vitiosæ societatis, qui vitia cum narrantur, tam favente silentio prosequitur. Sunt & alii qui non audiant tantum detrahentem, sed & provocent ad pertexendam narrationem attentione admodum benigna. Et subinde non dissimulanter monent: Pertexe obsecro quod narrare cœpisti de hoc homine: Veritatem nosse avemus. Iam ante quidem de hoc aliquid inaudii, sed mysterium non capiebam, tu explica. Alii aliter detractionem elisiunt: Ille, ajunt, hæc & hæc de te spargit. & tu, quod valde miramur, etiamnum files? Ita detractor mirifice animatur, ut quicquid veneni concepit, evomat ore liberrimo: & hi omnium gravissime delinquent, nam delectantur his fabulis quæ in alios recitātur. Ita detractor, & ejus auditor, diabolum gestant, alter in ore, alter in aure. Cum jam accedit tam avida credulitas, ut omnia quæ his narratiunculis percensentur, vera esse arbitremur, mox in iram & impatientiam effundimur, verba verbis, convicia convitiis, contumelias contumeliis oggerimus. Hinc lites & odia immortalia; hinc solvitur omne humanæ cōjunctionis commercium,

Bern.  
de inter  
domo  
c. 42.  
de serm  
de tri-  
plici cu-  
stodia.  
ante  
med.

cium, omne mutuæ charitatis vinculum, omnis sinceri affectus necessitudo, omnis amoris nexus, omne fiduciæ robur. Hinc effera nocendi libidine in aliena damna rapimur, idque benevolentię mantelo tecti, nec enim crimen arbitramur, cui præfigitur nomen honesti. At illud Bernardi stat immotum: Detrahentes & audientes pari reatu tenentur. Sicut autem irasceris alteri, quando detrahit tibi; sic irasceris tibi, quando detrahis alteri, aut certe detrahentem audis. An non & ipse moritur qui venenum bibit, quod ei male suada detractoris lingua propinat? His ergo auditoribus triplex documentum damus,

IV. Primum: *Te ipsum inspicere, & tecum habitare*, ut noris quam sit tibi curta supellex. Quid oculos perdis in alienis, tua tu cura. Et quæso quis te historicum constituit in vitam & mores alienos? Cur alieno choro pedem imponis, homo curiose ac ridicule? Inquire tu potius

*Ædibus in propriis quæ prava aut recta gerantur.* Lamias nosti quæ domi oculos in crumena reconditos habent, foras egressuræ reponunt fronti; atque ita fit ut domi cæcutiant, foris sint oculatissimæ. De sene quopiam eleganter dixit Socrates:

*Procul videns, sed cominus videns nihil.*

Nam id multis senibus accidit, ut propius admota non cernant, longius semota videant. Ita plerique aliorum minimis vitiis offendimur, nostris etiam maximis blandimur,

Horat.  
l. 1. sat  
3.

*Cum tua pervideas oculis male lippus inunctis,  
Cur in amicorum vitiis tam cernis acutum,  
Quam aut Aquila aut serpens Epidaurius? &c.  
Qui ne tuberibus propriis offendant amicum,  
Postulat, ignoscat verrucis illius æquum est.  
Ergo in tuum ipsius sinu inspicere, fortassis vitium*



vitium de quo quereris, si te diligenter excusseris, in sinu tuo invenies. Hinc omnis vitæ pestis oritur, quod sibi quisque blanditur, & quantū alii præter æquum detrahit, tantum sibi philautiæ vitio præter meritum tribuit: festuculam ex oculo vicini eximit, trabem in suo nō cernit. Et sicut oculus proximarum genarum nevos non videt, ita nos in nostris vitiis deprehendendis plane cæcuti-  
mus; minutulos defectus in aliis vigilantissime observamus, nostros vel manibus palpandos transimus cæci. Et plerunque quo ægrius ferimus de nobis sinistre quid dici, eo audacius, idque cum voluptate, per aliena vitia blaterando grassamur: volupe nobis est in aliorum mores & oculos & dentes infigere. Psaltes id notans: Scrutati sunt, Ps. 63. inquit, iniquitates, defecerunt scrutantes v. 7. scrutinio. Sic alienas sordes in oculis habemus, nostras à tergo. Nimirum non videmus Catul-  
manticæ quod in tergo est. Hujus fa- lus in  
rinæ homines objurgans Salomon: Gene- Scazon  
ratio, inquit, quæ sibi munda videtur, & ta- te.  
men non est lota à sordibus suis. Si olla Prov.  
fuliginem & atrorem induta in speculo se c. 30.  
contempleretur, non diceret fumoso cacabo: v. 12.  
Væ tibi niger. Et

*Quis tulerit Gracchos de seditione queverentes.*

*Quis calum terris non misceat, & mare calo.*

*Si fur displiceat Verri, homicida Miloni?*

*Juven.*

*Sat. 2.*

*v. 24.*

*& seqq*

Nec aliter Christiana lex sentit. Christus olim iis permisit, ut primi lapides jacerent in feminam libidinis accusatam, qui peccato carerent. at nullus fuit qui vel lapillum tolleret. Sic, ô Christiani, nostra nos agamus, nostra obsecro curemus, nostra; & neminem æquius, quam nos lapidibus salutandos dicemus. Sed hoc agit dæmon, ut nos aut rei fiamus, aut præpropere damnemus reos. Præclare Climacus; Aut peccare, inquit,

nos dæmones urgent, aut cum non peccaverimus, iudicare peccantes. Maligna hæc solertia est, suum hortum sentibus obductum negligere, & hortulum alienum ingredi, ad herbas inutiles evellendas. Mi homo, mane tu in tuo horto, satis hic lapparum, & lolii, & urticarum est quod erunces. Ergo, teipsum inspicere, & aliorum nævos tacebis. Nunquam aliis detrahes, ait Bernardus, si te bene inspexeris.

Bern.  
de inter  
domo  
c. 42.

Alterum documentum est impediendæ detractiōi, *Sermonem male cæptum alio derivare.* Ut enim cum ferociens taurus hominem insequitur, pallium ei in caput objicitur, ut dum luctatur cum pallio, furibundis oculis subducatur se homo. Ita cum quis alium detrahendo insectatur, consultissimum est, pallium ei, hoc est, diversum sermonem obicere, ut cesset detrahere. Neque semper adeo sollicitè curandum, quam id dextre fiat, & cum decoro. ex abrupto subinde aliud loquendi argumentum est injiciendum. Thomas Morus. illud Angliæ fidus, vir perinde sanctus ac eruditus, melioris exempli ubique observantissimus, quam primum audiit, apud quoscunque fuisset, in aliorum famam immittit temerariam falcem, & contumeliose quid dici de absentibus, continuo sermonem alio avertere conatus: Quivis, agebat, quod volet dixerit, ego vero ajo hanc domum optime structam esse; revera magistrum se probavit, qui hoc ædificium edificavit. Ita maledicentiam aut correxit, aut certe turbavit.

Alcibiades, uti Plutarchus de eo memorat, inter Græcos vir magnus & sapiens, de se passim non optimos sermones spargi audiit, ut ergo illos si non melioribus, saltem minus malis permutaret, cani pulcherrimo & paullo antea empto caudam amputavit.

& sic



& sic mutilum per urbem vagari libere permisit. Indignius tulerunt hoc amicorum aliqui, rati non decere tantum virum, facere tã ridicula. Quos Alcibiades blande monuit, ne indignarentur, etenim hoc unum agi, ut populus omnem maledicentiæ libidinẽ in re levissima consumeret: Loquantur, inquit, decane Alcibiabis, modo Alcibiadem desinant lacerare. Ita tigridi objiciendũ est speculum, ut obliviscatur rapti catuli. Vidit vir insigniter perspicax, eum qui in omnium oculis est, difficillime maledicis linguis subduci posse, ideo rem leviculam velut offam objicere placebat Atheniensibus, ut haberent quod dicerent, minus tamen læderent: ita homo temperantis linguæ conetur omni modo detractoris sibilos compescere: quod si filum orationis præscindere nequeat, hoc saltem agat, narrata mitiget, animo non malo factum excuset, non omnia quæ rem circumstant sciri posse affirmet, plerunque rumorem rem majorem esse doceat. Ita intemperantiori linguæ affundenda est frigida, ita impetus detractoris refrenandus, & dextre, si fieri possit, alio flectendus.

Tertium documentum est, *subducere se tam noxiis fabulis*, & ipso discessu detractoris linguam configere: sciat locutulejus ille se gratum non fuisse. Hieronymus hoc suadens: Si quem, ait, alicui detrahentem audieritis, procul fugientes dimittite velut serpentem, ut verecundia victus discat de aliorum factis silere. Hoc divinus Paulus confirmans: Nunc autem scripsi vobis, inquit, non commisceri, si is qui frater nominatur, est fornicator, aut avarus, aut idolis serviens, aut maledicus. Hieron. in reg. mon. c. 22. 1. Cor. c. 5. v. 11.

Cassianus refert visum à se optimum senem Machetẽ, qui id gratiæ à Deo impetravit, ut quamdiu de rebus divinis verba fierẽt.

somnus non subreperet, etsi dies noctesque protolleretur sermo: si quis vero colloquia otiosa serere, aut de aliis detrahere cœpisset, in somnum protinus solvebatur. Qui Machetem æmulari nequit, qui dormire non vult, aut abire non potest, monstret saltem se Christianum esse, signum edat, sibi hæc talia non placere, idque statim sub initium pravi sermonis faciat, dum ignem etiamnum una situla licet extinguere, hic enim ubi invaluerit, pæne indomabilis est. Ventus Aquilo dissipat pluvias, & facies tristis linguam detrahentem. Quo sensu Hieronymus dixit: Si vultu hilari audieris detrahentem, tu illi das fomitem detrahendi; ille ignem excutit, tu substernis igniarium: quod si facie subtristi & aversa detractorem audias, discet ille non libenter dicere, quod didicerit non libenter audiri. Sin aliter agis, ostendis te illius, cui detrahitur, aut falsum fratrem, aut timidum amicum esse.

Prov.  
c. 25.  
v. 23.

V. Nisi sic agamus, ô Christiani, & aliorum famam tam caute custodiamus quam nostram, illas Domini leges rumpimus, quæ alios eo quo nos ipsos amore foveri volunt. Neque vero is solum nequiter agit, qui vicini domum incendit, sed & ille qui ad accensæ domus ignem se calefacit. Si non hostis est, aquam adferat, incendio resistat. Sic non tantum nocent qui aliis detrahunt, sed & illi qui detractiones non impediunt, qui applausu & gratulatione commendant. Ille demum sincerus est amicus, qui non tantum non alteri detrahit, sed & detractores, ut potest, compescit, ille fidus frater est, qui, quantum licet, erubescendam aliorum sorditudinem tegit, nisi eam aperiat iis quorum est juvare, non infamare. Aliorum vitia tegenda sunt, non oculis auribusve ingerenda. Appelles pinxit Antigoni regis imaginem altero



tero lumine orbam, primus excogitata ratione vitia condendi: obliquam namque fecit, ut quod corpori deerat, picturæ potius deesse videretur: tantumque eam partem e facie ostendit, quam totam poterat ostendere. Ita pingit manus & mens Christiana: quod in alterius vultu vitiosum est, omittit, id ostendit solum quod dignum oculis. Appellem insignissime imitatus est Plato, non manu & penicillo, sed affectu & studio aliena vitia tegendi. Accusabatur apud Platonem Xenocrates discipulus, quod de magistro multa impie locutus esset. Criminatio- nē Plato sine ulla cunctatione respuit, dixitque hæc sibi parum probabilia videri. Instabat certo vultu index, quærens causam cur sibi fides non haberetur? Adjecit Plato; non esse credibile, ut quem tantopere amaret, ab eo invicem non diligeretur. Postremo cum ad iurandum inimici asserentis malignitas cōfugisset, ne de perjurio ejus disputaretur, affirmavit Plato, Xenocratem nunquam illa dicturū fuisse, nisi ea dici sibi expedire judicasset. Sic omnino aliena vitia & extenuanda & tegenda, non exaggeranda, non evulganda sunt. Sed & cunctis sermonibus qui dicuntur (monet Ecclesiastes) ne accommodes cor tuū. Bernardus optime à se dicta confirmans: Detrahentes, inquit, infundunt venenum in auribus se audientium. Qui detrahit, & qui detrahentem libenter audit, uterque peccat. An non & ipse moritur qui venenum bibit quod ei malefuada detractoris lingua propinat? Siquidem furtim ei dilectionis vita subtrahitur, & dum nescit, paullatim in eo fraterna charitas refrigescit. Vt hoc malum caveret, ille Imperatorum maximus Imperator Constantinus dicere solebat, si suorum oculorum fide præsulem Christianum rem nefariā committentem deprehenderet, se id

*Plin.**l. 35.**hist. nat.**c. 10.**med.**Valer.**l. 4. c. 1.**in ex-**ternis.**Eccles.**c. 7.**v. 22.**Bern.**de mo-**dobenz**viven.**c. 17.**c. 33.**serm. de**triplici**custodia**Baron.**tom. 3.**Anno**325.**n. 43.*

non tantum non evulgaturum, sed etiam paludamento suo facti infamiam operturum. Ita prorsus alter alterius famam tueamur, & omnē vel umbram detractiōis, velut & anguem pestiferum, horreamus, prout & admonet & obsecrat Magnus ille Apostolus Iacobus: Nolite detrahēre alterutrum fratres mei. Siquidem illo vindictæ rigore in nos utetur Deus, quo nos usi fuerimus in alios: illius scelera in patentissimam lucem protrahentur, qui aliorum nævos operire recusarit; par pari ad amissim referetur. Vis, ut alii de nævis tuis taceant? tu etiam de aliorum taceto; seras ori, & linguæ frena immittito. Laudabis, si potes, omnes. Non potes? Ne damna. Virtutes nullæ sunt, vitia maxima? Vtrumque preme. Narrant alii? tu alio sermonem verte. Inurbanum fors erit majorum sermones tanquam injecta novacula secare? Tace. Rogaris sententiam? Minue, aut aspera mollioribus leni. Deesse lenitas conanti non potest. Visa referuntur? Tu ad humanam deflecte imbecillitatem, & virtutes alias oppone; dic in maximis etiam viris semper fuisse, quod ignoscendum esset. Quod si quis pergat damnare, tu vide an non aliquid habeat laudandum qui damnatur; & pro damnandis laudanda suggere, etiam in inimico. Mirum, quantū hæ laudes ad odia ponenda & amorem conciliandum valeant. Nam & illi ipsi qui damnāt, laudabunt taciti secum, & amare fortius incipient, quem hostis sui laudatorem senserint.

Iac. c. 4  
v. 11.

Joan.  
Major.

Soc.

IESV

theol.

Spec.

Exempl

pag.

264.

col. 1.

Sed antequam missam faciamus Detractiōnem, nunquam satis detestandam, addo rem memoratu dignam. Erant duo sibi familiarissimi ē Clericorum numero, quorum alter pessimus detractor neminem non maledico dente impetebat. Hic morbo correptus à socio monebatur, rem suam ageret, & vitæ maculas



# DE DETRACTIONE. 239

maculas elueret pœnitentia. At surdo fabula canebatur. Saltem, inquit alter, inter nos fœdus ineamus, etiam post mortem duraturũ. Si tu me præcesseris moriendo, obsecro, intra triginta dies, te mihi cernendum siste (nisi Deus obsistat) & alterius Orbis arcanum edoce. Promisit temerarius se id facturum, in gratiam tam constantis amicitiz. Neque vero id Deus fieri prohibuit. Itaque paucis post mortem diebus ille ab Orco emergens, flammis undique opertus, in conspectum se dat superstitis amici. Hic, agnito socio defuncto, ita tremore concussus est, ut nec vocem expedire, nec oculos in flãmearum larvam fingere potuerit. At umbra illa explicite hominem compellans: Ego, inquit, sum ille socius tuus æternum damnatus. Nam ipso mortis momento ad iudicẽ ductus, accusatores eos habui, quos detractionibus infamavi. Cumq; objecta nec negare, nec diluere possem, iudex sententiam tulit, cheu, cheu tremendam æternum.

Si tale detractores supplicium manet, non abs re Augustinus : Quem diabolus, inquit, <sup>Aug. tom. 2.</sup> non potest devorare seductũ ad nequitiam, <sup>epist.</sup> famam ipsius inquinare conatur, ut si fieri <sup>137.</sup> potest, opprobriis hominum & malarum <sup>circa med.</sup> linguarum detractione deficiat, & sic in ejus fauces ruat. Custodite ergo vos à murmuratione quæ nihil prodest, & à detractione <sup>Sapient. c. 1.</sup> parcite linguæ, quoniam sermo obscurus in <sup>v. 17.</sup> vacuum non ibit.

Qua propter, Quis est homo, qui vult vitam diligit dies videre bonos? Prohibe linguam tuam à malo : præcipue vero à maximo detractionis malo. Quantum peperceris alienæ famæ, tantum parces tuæ & famæ & vitæ. <sup>Pf. 33. v. 13. v. 14.</sup>





# E

- A.** Adamus & Eva ob commissum peccatum pessime sibi conscii, & quod malam conscientiam sequitur, pavefacti ac trepidi fruticetis se absconderunt. At ubi eos ex his latebris vox divina protraxit, tantum abest ut criminis pœnitentes veniam rogarent, ut etiam multa excusarent. Adamus digito monstravit Evā ut sceleris caput, Eva serpentē; alter in alterum derivavit culpam. Hæc **EXCVSANTIS** Lingua origo, hoc ejus ingenium est. Quia ergo maritus uxorem, uxor serpentem, Deus utrique conjugi commonstrat terram, è qua prodierunt, in eandem redituri. Vide C. 19. S. I.
- B.** Exprobrantem Linguam ostendant aves quæ plumas corniculæ concessas repetierunt. Beneficium exprobrare, est repetere. Vide C. 20. totum, maxime S. I.

## E

## CAPVT XIX.

EXCVSATIO *quam per vulgatum, & multiplex sit vitium.*

**L**Aconum quispiam, uti Plutarchus memorat, luciniam cepit, & quia tam suavem auribus cantatricem expertus est, etiam dulcem palato futuram credidit, ideo misellæ plumeam tuniculam detraxit, ut eam foco pararet: at cum illam vix oscillis hærentem cerneret, indignabundus dixit: Vox es, & præterea nihil. O avicula macilenta, multum linguæ, parum pulpæ habes!

Hominem verborum & linguæ tam divitem, inopem rationis, non male sic compelles: Vox es, mi homo, prætereaque nihil. Eum præsertim hoc titulo dignabimur, qui quidem sæpissime delinquit, nunquam tamen non excusationes opponit.

*Excusatio* non postremum malorum est inter Linguæ vitia. *Excusantem linguam recte* lusciniam dixeris, quam quis altero tanto majorem avem censeat, antequam videat. quod si misellam incipiat deplumare, non avem sed avis umbram dicet; ita prorsus si quis excusanti linguæ tot coloratas plumulas subtraxerit, vix inane virtutis simulacrū reperiet. Demades olim cives Athenienses fistulæ comparavit, cui si columella seu lingua lignea subtrahatur, tota obmutescit nemini utilis. Huic lignæ fistularum linguæ non male comparavero *Excusationem*, de qua nunc agere instituo. Multiplex prorsus est *Excusatio*, & plerunque vitiosa, quod jam paullo uberius exponendum.

I. Inter omnes animantes vix est munditiei



tiei amantior fele. Aspice quæso quā studiose  
 felis jam anteriores pedes, jam posteriores,  
 jã corpus reliquum lambat, vide ut pellicu-  
 lam lingua extergere, & nitidam reddere la-  
 bore: in omnem partē suo se linctū expolit.  
 Sed & hoc verecundiæ accepit à natura, ut  
 fimetum suum quam potest diligentissime  
 operiat, & quod nares oculosve posset of-  
 fendere, cautissime iis subducatur. Lingua ex-  
 cusationibus assueta feli simillima est, qui-  
 buscunque nævis nitorem allinere conatur,  
 lambit lingitque omnia, ut sordes abstergat,  
 callidis defensionculis quosvis errores ope-  
 riri nititur. Hic sane nos Adami posteros, &  
 seros nepotes esse prodimus; negemus in ee-  
 teris, hic deprehendimur. Adamus post ad-  
 morsum pomum ægerrime noxam fateri,  
 imo eam in conjugem derivare, conjux ser-  
 penti culpā impingere, sic alius alium excu-  
 sando accusare, ita demum pæne omnis culpa *Gen.*  
 in Deum recidere, nam Adamus non dissimu- *cap. 3.*  
 lanter: Mulier, inquit, quam dedisti mihi so- *v. 12.*  
 ciam, dedit mihi de ligno, & comedi. ac si a- *Et seqq*  
 pertius diceret; nisi hanc deceptricem mihi  
 adjunxisses, ego quidem culpæ permansissem  
 exors. Sed nec mulier se ream fassa: Serpens,  
 inquit, decepit me, & cōcedi. perinde si dixis-  
 set: quid agit in paradiso serpens? peccavit  
 qui hunc impostorē intromisit. Has artes mi-  
 seri à parentibus didicimus, antequam disce-  
 re possemus. Præclare de hoc Gregorius: Vsi- *Greg.*  
 tatum, inquit, humani generis vitium est, & *l. 22.*  
 latendo peccatum committere, & commis- *Moy.*  
 sum negando abscondere, & convictum de- *c. 9. in i-*  
 fendendo multiplicare. Ex illo quippe lap- *io.*  
 su primi hominis hæc augmenta ducimus  
 nequitiae, ex quo ipsam radicem traximus  
 culpæ. Ita nihil pronius humano ingenio  
 quam se suosque errores defendere. Sed ali- *Rom.*  
 ter docens Paulus: Non defendentes, inquit, *c. 12.*  
 vosmet- *v. 19.*

*Pf. 74.* vosmetipfos charissimi. Et Hebræus rex Da-  
*v. 5.* vid: Dixi iniquis, ait, nolite inique agere, &  
 delinquētibus, nolite exaltare cornu: Nolite  
 superbe defendere peccata vestra: si fecistis  
 iniquitatem per cupiditatem, ne defendite  
 per elatam pravitatem. Augustinus: Malum  
 est, inquit, peccare; pejus est perseverare; per-  
 niciosius defendendo se, in Deum culpam  
*Vterq;* refundere. Et uti Cassiodorus censet: Maxi-  
*in dictis* mum est vitium excusationis, nam quasi  
*Psal.* cornu erigit, qui peccata sua defendit. Pes-  
 sima est Grammatica, cum nomina virtu-  
 tum tribuuntur vitiis.

In rebus gestis Sanctorum, vix quidquam,  
*Baron.* arbitror, magis mirandum est, quam quod  
*tom. 2.* complures gravissimorum criminum accu-  
*Anno* sati, illa non aliter quam silentio censuerint  
*233.* refutanda. In hoc obstupescendi Marinus  
*n. 9.* & Theodorus, sub virili nomine & veste,  
*Nos par* utraque vere virgo & castitatis observantissi-  
*2. c. 1.* ma, stupri tamen utraque accusata, illa triē-  
*S. 5.* nio probrum omnium & ludus, ista septen-  
*rem ex-* nio quasvis injurias patientissime tulit. Gre-  
*plica-* gorius Thaumaturgus à meretricula negatū  
*narr.* sibi quæstum postulatus, quia tunc cum  
*Matth.* aliis agebat, versus ad famulum: Heus tu,  
*Rader.* inquit, numera ei pecuniam, quam exigit,  
*in Ba-* ne diutius nos turbet. Vix illa numos &  
*varia* una cacodæmonem recepit sui corporis in-  
*sancta* quilinum, à quo graviter cruciata, & humi  
*tom. 1.* afflicta est miserandum spectaculum. Tandē  
*Opars* precibus ejusdem Gregorii ab hoc hospite  
*1. Hist.* liberata est. Emmerammus, sanctissimus  
*Bav.* præsul, ut duos certi criminis reos supplicio  
*And.* liberaret, ipse reus videri non recusavit, &  
*Bruneri* membratim periit. Ab hac eadem virtute  
*pag.* Ruffinus Aquilejensis commendat Eulalium  
*602.* patientissimum coenobitam, in quem ne-  
*Ruffin* gligentiores alii falsis excusationibus culpas  
*Aquil.* suas quotidie derivabant. Cumque ob id  
*n. 29.* non  
*apud*  
*Ros-*  
*weid.*



non raro acerbius objurgaretur, ille in terram se prosternens, nihil excusabat, sed veniā submississime rogabat. jamque proximè aberat, ut monasterio ejiceretur Eulalius, cum Cœnobiarcha divinitus edoctus jussit omnium storeas in cumulum comportari, & accendi; combustæ sunt omnes, præter unius Eulalii stoream.

Hanc nobis lucem præluxerunt tot sanctissimi homines qui ad virtutis fastigium penetrarunt, se suaque non excusando. Quippe piarum mentium est, inquit Gregorius, ibi culpam agnoscere, ubi culpa non est.

I I. Iosephi Proregis Ægyptii fratres, *Gen. c. 44.* cū frumentum in Ægypto coemissent, jamque viam relegerent in Canaan, retracti sunt *v. 12.* in Ægyptum velut ingratissimi hominū, & fures, ob scyphum argenteum in Benjaminis sacco repertum. Hic Iudas tam prudens & erectus animi non dixit: Si examinemur, fratres mei, negate audacter & pernegate; sycophantias in nos struunt Ægyptii; insontes sumus. Iamque ad Iosephum Proregem perducti, dejecto vultu se reos confessi sunt. Hic ceterorum orator Iudas: Quid respondimus, inquit, domino meo? vel quid loquemur aut juste poterimus obtendere? Deus invenit iniquitatem servorum tuorum: en omnes servi sumus domini mei. Quam hoc ingenue & sancte? Quod si Iudas homo garrulus, & litigator fuisset, omnia in suum jus trahens, cœpisset publice fratres suos examinare dixissetque: Tu Ruben dic bona fide, nunquid hunc scyphum furatus es? Tu Simeon, & tu Issachar nunquid vos sublegistis poculum? ausim jurare nec ceteros id ausos: Benjaminum id non fecisse nimis mihi constat. Nil horum obduxit Iudas, sed reum se fratresque fassus: Iniquitatem, ait, servorum tuorum invenit Deus. Hæc in-

R. doles

doles bonæ mentis, non tantum siquid deli-  
querit, ingenue fateri, sed etiam culpam  
agnoscere, ubi culpa non est. Psalmographus  
regius: Injustitiam meam, inquit, non abs-  
condi. Neque tantum coram Nathane in  
conclavi dixit: *Peccavi Domino*, sed peccatum  
publice confessus, culpam non in alium  
vertit, non contextit, non suppressit, sed in se-  
ipsum publicum carmen scripsit, ut Orbis  
sciret quam male egisset: Dixi, confitebor ad-  
versum me injustitiam meam Domino. Pul-  
chre Augustinus: Veritas de terra orta est,  
inquit, & justitia de cælo prospexit. Quæ ju-  
stitia de cælo prospexit. Tanquam Dei di-  
centis: Parcamus huic homini, quia ipse si-  
bi non pepercit, ignoscamus quia ipse agno-  
scit. Conversus est ad puniendum peccatum  
suum, convertar & ego ad eum liberandum.  
Ideo David singularissime rogat: Ne declines  
cor meum in verba malitiæ ad excusandas  
excusationes in peccatis. Quāti sunt, qui si la-  
teant cum peccant, audacter se peccasse ne-  
gant; si deprehendantur aut convincantur,  
excusant aut defendunt. Et quam facilis  
defensio, inquit Augustinus, quam cita, sed  
quam præceps, quam quotidiana & quam  
sacrilega? O si Deus hoc nollet, non facerem!  
Hoc voluit Deus, fortuna hoc voluit, hoc  
voluit fatum. Et ista, fratres mei, defensio  
qualium est? Non solum indoctorum, sed  
etiam doctorum. Sedent & computant fide-  
ra, intervalla, cursus, volubilitates, status,  
motus, intendunt, describunt, conjiciunt.  
Docti magni videntur. Totum hoc doctum  
& magnum, defensio peccati est. Eris adul-  
ter, quia sic habes Venerem. Eris homicida  
quia sic habes Martem. Mars ergo homicida,  
non tu: & Venus adultera, non tu. Vide ne  
pro Marte & Venere tu damneris, Deus ete-  
nim qui damnaturus est, novit quia tu es.

Quod



Quod Augustinus de sui ævi vanissimis per astra excusationibus queritur, id hodieque largiter deplorandum. Quam multos reperiās qui credant hæc humana ad astrorū motus & rapi & regi; & qui unam cæli vim, unos siderum cursus suæ nequitiae principiū assignent, qui vitam, cupiditates, læta & tristia è stellarum inter se commercio sortiri nos putent. O vanitas vanitatum! Vnde quæso tantum sideribus in corpora nostra, imo in mentes imperium? Ex iis scilicet expectabo felicitatem, ex iis vitæ genus & mortis arbitrium? Num ergo qui prælium subeunt, simulque extinguuntur, omnes sub eodem cæli ordine erant nati? Quid autem cum in prædonem quis incidit? Fatale erat, inquis, ut hunc prædo obtruncaret. Num ergo eadem astra quæ viatorem, dum nasceretur, ferro prædonis mancipabant, ipsi quoque prædoni diu fortasse antea nato, inentem vimque dederunt, ut aliquando hunc vellet & posset occidere? Cum quis vero ædificij ruina obruitur, an quia erat in astris, ut eum sua domus sepeliret, afflictus est murus? Quò libertas mortalium, si à præscripto siderum non possunt recedere? Cur ergo valetudinem curem, cur vitia abjicere, animum ad virtutes appellere cogitem, si nascenti dictum est, quid me esse oporteat? Hoc non vanitas solum ac ineptia, sed & impia stoliditas est, res fortuitas, res liberas, huic siderum necessitati tribuere. Neminem mortalium sideribus cogi vel hinc constet, quod haud pauci impetum ab iis concitatum ratione frenamus, & nulla re magis nostrum genus à beluis discrepat, quam hoc libertatis privilegio, quæ sollicitari quidem subjectis motibus, sed ad vitia aut virtutem adigi invita non potest. Hinc in philosophorū scholis nihil vulgarius, quam sapientis animum,

expertem servitutis, ipsis quoque imperare sideribus. Hinc & quotidiana eorum præconia, qui sciunt moderari iracundiæ, amori, ceterisque torrentibus, quibus hæc astra in animos nostros inundant. Quorum omnino nihil esset, nisi accepta astrorum imperia mens nostra fastidire, aut recusare posset. Ergo res liberæ aut fortuitæ huic siderum potestati non addicuntur. Quamvis non omnia sideribus neganda: incitari hominē ad segnitiam laboremve; callidam indolem, aut ingenuæ simplicitatis nancisci; esse hilarem, aut ad iracundam solitudinem declinare; in vitia denique, aut virtutes aliquo pondere & impetu ferri: hæc, inquam, non negamus ex cæli in ista terrena imperio esse. At cum moderari possimus ingeneratis affectibus, stultissima vanitate culpis nostris patrocinium è cælo arcessimus, & sceleratos nos esse per astrorum posituram & vim excusamus.

I I I. Hæc vere verba malitiæ sunt, ad excusandas excusationes in peccatis. Hæc illa Protoplastorum perizomata, è ficuum foliis confuta. Atque hîc ad quæstionem responso dignissimam deducor. Quinque omnino dies à morte aberat Christus, cum è Bethania Hierosolyma contendit. In via se ficus objicit ob oculos, sed foliis tantum amicta, nullis ornata fructibus. Huic arbori seria executione indignatus Servator: Nunquam, ait, ex te fructus nascatur in sempiternum. Et arefacta est continuo ficulnea, mirantibus discipulis tam subitam arboris mortem. Cur ergo Dominus in ficum potius quam in alias arbores excanduit, præsertim in ficum, ut videbatur, immerentem? Non enim erat tempus ficorum, ut Marcus commemorat. Si vir sapiens errori in speciem levi irascatur, ut quod famulus vitrum minime pretiosum

Matth.

c. 21.

v. 19.

Marc.

c. 11.

v. 13.

v. 14.



pretiosum fregerit, calceum luto sparserit, vesti rugam imprefferit, januam non scite clauferit: si ideo famulum officio priuet, domo excludat, hanc iram plerunque sic interpretamur: Vir tam prudens non irascitur sicut pueri, qui tam parentibus amissis flebunt quam nucibus; sed credibile graviolem animo culpam agitari, veterem etiamnum injuriam altum insidere, nec omnem hanc iram recentem esse: Ita hic Christus veteres in ficum inimicitias aperuit. Ficus sub Orbis incunabula, in paradiso. Protoplastis subsidium præbuit, ad texendam pessimam excusationem, dedit tegumenta commissi furti insignia. Pulchre hoc exponens Ambrosius: Docet me Adam, inquit, quid sint folia, qui posteaquam peccavit, de foliis ficus fecerit sibi succinctorium, qui de fructibus ejus magis gustare debuerit. Iustus fructum eligit, folia peccator. Iacit supra se folia, qui culpam velare desiderans, aut diabolum delicti memorat auctorem, aut carnis prætendit illecebras, aut alium quempiam persuasorem prodit erroris. Adam profecto Dei oculos omnia cernentes non satis reveritus, nec contractam culpam deprecatus, latebras quæsiit, è latebris extractus, ad excusationes confugit. Rex David longe sanctius: Quo ibo, inquit, à spiritu tuo, & quo à facie tua fugiam? Si ascendero in cælum, tu illic es: si descendero in infernum, ades. Ergo, omiſſis excusationibus, iniquitatem meam annuntiabo. Quam scite ait de Adamo Augustinus: Nunquid dixit, Peccavi? Superbia habet confusionis deformitatem, & non habet confessionis humilitatem. Advertamus quo morbo superbiæ laborent homines hominibus, non nisi in creatorem conantes referre, si quid egerint mali; cum sibi velint tribui, si quid egerint boni. Hic graviter & serio Bern-

*Ambro-  
l. de p  
radiso.  
c. 13.  
med.*

*ps. 138  
v. 7. Co  
ps. 37.  
v. 19.*

*Aug.  
de Gen.  
ad. litt.  
l. 11.*

*post  
med.*

*Bern.  
serm.  
16. in  
Cāt. nō  
procul a  
fine.*

*Ioan.  
c. 9.  
v. 60.  
3. Reg.  
c. 8.  
v. 46.  
Ps. 93.  
v. 20.  
Dent.  
c. 30.  
v. 11.  
E seqq*

*Bern. l.  
de pra-  
cept.  
E diff.  
c. 14.  
ante fi-  
nem.*

nardus: Porro, inquit, excusare te velle quan-  
do corripere, quam sit non modo minime  
fructuosum, sed & perniciosum, sanctū Da-  
vid interroga. In animam suam peccat qui  
se excusat. Eò enim hoc linguæ vitium im-  
pellit, ut cum divinas leges negligimus, va-  
nissime nos excusemus. Imperat lex. Nō fu-  
raberis, Non mœchaberis. Durus est, ajunt,  
hic sermo, & quis eum potest audire? non  
est enim homo qui non peccet. Frigidis-  
sime Christiane, nunquid adhæret tibi se-  
des iniquitatis, qui fingis laborem in præcep-  
to? Mandatum quod tibi præcipitur, non  
supra te est, neque procul positum, nec in  
cælo situm, ut possis dicere: Quis nostrum  
valet ad cælum ascendere, ut deferat illud  
ad nos, ut audiamus, atque opere complea-  
mus? Neque trans mare positum, ut causeris  
& dicas: Quis è nobis poterit transfre-  
tare mare, & illud ad nos deferre, ut pos-  
simus audire & facere, quod præceptum est.  
Sed juxta te est sermo valde, in ore tuo, &  
in corde tuo, ut facias illum. In plerisque  
culpæ verissimum quod Bernardus asserens:  
Neque enim, inquit, tantum nocuit simpli-  
cis actionis transgressio, quantum adjunctæ  
excusationis cum præmeditatione obsti-  
natio. Varie quidem peccamus, sed sæpe  
pejus quam peccaveramus, excusamus. Iure-  
consultis excusatio non petita, accusatio est  
manifesta. Et quis credat eum in virtute mul-  
tum promovisse, qui plenus est excusationi-  
bus; qui quicquid objiciatur, purgare se no-  
vit, qui semper bellus, semper innocens, qui  
solus nævorum est expers? quid hunc nisi  
pulcherrimam selem dixeris, quæ undequa-  
que tersam gerit cuticulam, quæ linguam  
habet pro pumice quo se expolit? Has seles  
ubique reperias, quæ quidem fimetum fa-  
ciant, sed illud scite operiant sexcentis excu-  
sationibus.



DE EXCVSATIONE. 251

fationibus. Et quid quæso jam flagitii patra-  
 tur, cui non suum sit mantelum; quid culpæ  
 designatur, quod non honesti nomine præ-  
 textatur? Omnibus ollis aptamus opercula,  
 omnibus noxis affingimus prætextus: illud  
 jam ævum vivimus, quo nullus error non  
 excusabilis censeatur. Etiam sacrilegia, hæ-  
 reses, bella injusta speciosissimis sese titulis  
 venditant. Belli rusticani Smalcaldici præ-  
 textus fuit iste: Nos congregati sumus, ut *Florim.*  
 Christi Euangelium libere profiteamur, *Raimi*  
 ejusque divinam justitiam conservemus. *us de*  
 Millies hic acclamatum: *Vivat Euangelium.* *Ortu*  
 Rebellionis antesignani in Spirensi conven- *hæres.*  
 tu, has quinque litteras V.D.M.I.Æ. *Verbum* *l. 3.*  
*Domini manet in aeternum.* pedisse quorum etiā *c. 7.*  
 & stabulariorum manicis opere phrygio *n. 2.*  
 intextas ostentabant. Quid posset speciosius?  
 Magnis passibus ibat Hæresis, dum ubique  
 luculentos Reformationis prætextus præ-  
 mitteret. Omni pæne vitio, suum est pallio-  
 lum, excusatio: Vide mihi tot millia hominū  
 ad forum, ad curiam properantia, quam tur-  
 pes lites, quanto turpiores advocatos habent?  
 hic patrem ad tribunal trahit; ille cum ma-  
 tre litigat; iste venit delator ejus criminis,  
 cujus manifestior reus est; alius, judex eligi-  
 tur, damnaturus quæ fecit. Interroga singu-  
 los horum, & intelliges quam vere dixerit  
 Veritas: Et *cæperunt simul omnes excusare.* *Aulas* *Luc.*  
 ingredi Regumque turres, videbis omnes *c. 14.*  
 pacis habitum præferentes, & ideo tali inge- *v. 18.*  
 nio esse speres. At rara inter illos pax est, al-  
 ter in alterius exitium levi compendio du-  
 citur. Hic multis gratissimus ex alterius da-  
 mno quæstus est: felicem oderunt, infelicem  
 contemnunt: majore gravantur, minori gra-  
 ves sunt: diversis stimulantur cupiditatibus;  
 omnia perdita ob levem voluptatem præ-  
 damque cupiunt. Virge hos reprehensionibus,

*Et incipient simul omnes excusare.* Adde nunc publica perjuria, libidines, furta, fraudes, infitiationes, quibus trina non sufficiunt foras. Omnia ubique sceleribus ac vitiis plena sunt, & tamen si talibus irasci velis, & vitiorum turpitudinem opprobare. *Incipient simul omnes excusare.* Vix ulli jam peccant, quibus non parata sit sui peccati excusatio. Domos ingredi, ubique plurimū negligentiae observabis: hīc franguntur vasa, vestes non insolantur; hīc carnes verminant, panis murescit, putrescunt poma solo neglectu; illic fordes acervantur, parietes non absterguntur, pavimentum non verritur. Cum vero paterfamilias sua negligi conqueritur, *Incipiunt simul omnes excusare.* jam nemo non officium facit. Prorsus ut anates & anseres sumus, qui aquis se liberalissime mergunt, quam primum vero emergunt, & vel leviter excutiunt, mox omnia in eis ficca cernuntur: ita homo ad excusationes promptus, comedit, & tergens os suum, dicit: non sum operatus malum.

*Prov.  
c. 30.  
v. 20.*

**I V.** Bernardus eximie hanc Excusantem linguam depingens: Multis modis, inquit, fiunt excusationes in peccatis. Aut enim dicit qui se excusat, Non feci: aut feci quidem, sed bene feci: aut si male, non multum male: aut si multum male, non mala intentione. Si autem & de illa sicut Adam vel Eva convincitur, aliena suasionē excusare se nititur. Ita fere quadruplici vafritie excusationes teximus. Negando, Excusando, Accusando. Imitando.

*Bern.  
de. 12.  
gradib.*

**I.** *Negando.* Hoc ego (ajunt) non soleo facere, non id meae indolis, non consuetudinis meae est, non feci. Ita Ananias & Sapphira defraudatum agri pretium promptissime negarunt: ita Cainus interroganti Deo, ubinam frater esset? Nescio, inquit, numquid

*Gen. c4  
v. 9.*

custos



custos fratris mei sum ego? Oblique negavit cædem. Cum Samuel Sauli regi in os objiceret, quod Deo non obediisset: <sup>1. Reg. c. 15.</sup> Imo, inquit, audiui vocem Domini, fecique <sup>v. 20.</sup> quod iussit fieri. Satis esse ratus dimidiam præcepti partem exhaustisse. Hos tales Gregorius erinaceis confert. Erinaceus cum agitur in silva, & caput & pedes habet, cum capitur, nec caput nec pedes habere creditur; in sphæram se convolvit, merus aculeatus globus est: ita multis nec manus nec pedes desunt ad nequitiam; cum deprehenduntur, & manus & pedes nequitiae famulantes occulunt, pictis mendaciis se defendunt, & sic omnia velut in globum convolvunt, ut vix habeas quod illis amplius objicias. Plurimorum clypeus est, *Non feci.*

2. *Excusando.* Quid me (ajunt) exagitas? memoriam meam objurga; oblivionis fuit, fuit ignorantiae; hæc res me præteriiit. Aut, occasio defuit, vix potui aliud, necessitas urfit, tentatio coegit, & quis omnia sæper ad amissim faciat, quis ad libellam cuncta exigat? quæ fieri possit, ut omnia sint tam accurata? Quis homo est, & fragilis non est? septies in die cadit justus. Bulliens sanguis, & vegeta juvenus suppressi non possunt; dandum aliquid naturæ; homines sumus, non Angeli. Ego, ait alius, ex hac prosapia oriundus, hanc dignitatem tueor, & hoc mihi non sit concessum? Subinde valetudinem excusamus, virium tenuitatem, morbum & languorem mentimur. Verbo, posse negamus; nimirum quia nolumus, non possumus. Tandem etiam vinum & calices pro advocatis accersimus. quoties auditur: Temulentus hoc feci, ebrius hoc dixi. Ergo bis peccasti, bis puniendus. Sexcenta talia sunt, quibus callida felis pelliculam suam conatur extergere.

3. *Accusando.* Societas (ajunt) ad hoc me impulit, ab aliis persuasus hoc feci; Mundus me decepit: Diabolus me seduxit: Isti & isti me fecerunt impatientem. Adam excusando accusans: Mulier, inquit, quam dedisti mihi sociam, dedit mihi de ligno, & comedi. Si licuisset, dixisset: Domine tu reus es culpæ: aliam, aut nullam mihi sociam dedisses, jussum ego tuum non violassẽ. Ita Saul culpam à se removens in populum: Pepercit populus, inquit, melioribus ovibus & armētis, ut immolarentur ea Domino. Ea propter Bernardus: Genus excusationis est, inquit, cum argueris tu, alium accusare. Eò autem quandoque nostra excurrit impudentia, ut in societatem criminis, ipsam Dei providentiã trahamus. Priscus scriptor hñc testis: Sunt, inquit, qui defendunt culpam in Dei providentia, reputantes Dei ordinationi & necessitati, quod relictum est voluntati & arbitrii libertati. Scivit enim Deus quid facturum esset qui peccat, sed non ordinavit peccatum, qui nullum relinquit impunitum. Ordinavit enim poenam, amantibus culpam.

4. *Imitando.* Non solus (ajunt) hoc facio; complures alii in hac nave navigant, si illis hoc permissum, cur mihi nō? nonne ille, & iste, & isti quoque, idem quod ego, faciunt? quid opus multis verbis? Hoc jam mos obtinuit; omnes sic agunt. O miseri, non minus ardebit qui cum multis ardebit. Lex divina clamat: Non sequẽris turbam ad faciendum malum. Hanc legem optime interpretatus Ioannes Sarisberiensis: Non est, inquit, quod error concurrentiũ sub prætectu multitudinis excusetur, quia vivendi forma à convivendi multitudine nequaquam trahitur &c: Neque quod à multis peccatur, peccatum non est, sed ideo gravius, quia mul-

Gen.

c. 3.

v. 12.

1. Reg.

c. 15.

v. 15.

auctor

de vera

&amp; fal-

sapienti-

entia

c. 16.

initio.

tom. 8.

Augu-

stini. ad

finem

Exod.

c. 23.

v. 2.

Io. Sar.

Carnot

episc.

l. 7 Po-

licratici

c. 19.



multum: Nec delinquentis culpam socia minuit multitudo, sed prægravat, eo quod viribus suis ne corrigatur, obstat. Nec aliter ratiocinatus Romanus sapiens: Inter causas malorum nostrorum est, inquit, quod vivimus ad exempla: nec ratione componimur, sed consuetudine abducimur. Quod, si pauci facerent, nollemus imitari: cum plures facere coeperunt, quia honestius sit, quia frequentius, sequimur: & recti apud nos locum tenet error, ubi publicus factus est.

Seneca  
epist.  
123.  
ante  
med.

V. Apud Iureconsultos prætextus varii numerantur: Sunt prætextus Iuris, Tutelæ, Usucapionis, Præscriptionis, Mancipationis, Tituli in re, Tituli ad rem &c: Nos illis longe ditiores sumus, quotidie alios atque alios prætextus invenimus, nostris erroribus excusandis. Multiplicamus scilicet herbam Borith, quod vates Hieremias conquestus: Si laveris te nitro, inquit, & multiplicaveris tibi herbam borith: maculata es in iniquitate tua coram me, dicit Dominus. Nitrum & Borith variæ ac frivolæ excusationes: quomodocūque vero illas multiplicemus, sordes non eradimus, sed augemus. Quid igitur, ô vane, niteris bonam ostendere viam tuam? Ecce ego iudicio contendam tecum, eo quod dixeris: Non peccavi. Optime dixit Fabius: Culpam admissam excusare, altera culpa est.

Hier.  
c. 2.  
v. 22.

Ibid.  
v. 33.  
& 35.

*Tantum ne noceas, dum vis prodesse, caveto;*

*Causa, patrocínio, non bona, pejor erit.*

Ovid.  
l. 1.  
Trist.

Senecæ conjux fatuam habuit Harpasten, hæc subito videre desiit, & tamen se cæcam esse nesciebat, sed domum ut nimis, tenebrosam accusabat: Eundem ludum nos ludimus; nemo se avarum, nemo cupidum fatetur; cæci tamen ducem quærent: nos sine duce erramus, & dicimus: Non ego ambitiosus sum, sed nemo aliter Monachii potest vivere: Non ego sumptuosus

Seneca  
epist. 50  
initio.

ptuosus sum, sed urbs ipsa magnas impensas exigit. Non est meū vitium quod iracundus sum, quod nondum constitui certum vitæ genus; adolescentia hæc facit. Nimirum pavo non progreditur, dū illæ oculatæ pennæ annuatim decedentes, recreverint: Novimus & nos pavoninam hanc rotam stellatis plumis versicolore expandere; scimus alias aliis excusationes attexere, & elegantiam nostrā, licet turpissimi simus, velut in theatro spectandam proponere.

Rabbi Salomon bellissimam fingit excusationem cur Hebræi manna è nubibus depluens nausearint. Nam manna, inquit, cibus erat levissimus, qui stomachum minime gravabat, nec illum reddebat venter. unde metuebant Hebræi ne quid intra viscera putredinis contraherent, itaque brevi morerentur. & hinc, ait, fastidium. Excusatio ridicula & fatua, nullus enim cibus est qui nil habeat ejiciendi. Sed frequenter non dissimiles huic excusationes comminiscimur. Objurga hominem opulentum, quod superflue fortunas expendat, nimium delicate vivat, alios contemnat. Mox culpam excusans dicet: Omnē hunc apparatus & honorem statui suo convenientem esse.

Increpa parcum, & non nisi tenuissimas eleemosynas erogantem, mox rei familiaris angustias opponet. Argue hominem libidini deditum, mox inevitabiles suæ domus occasionēs, aut indolis proclivitatem & impulsu excusabit. Consuetudine in naturā versa furor omnis excusabilis est. Miserum, peccare; miserrimum, delectari peccato; miserrimum excusare: & tum demum consummata malitia est, cum ad studium voluptatis, opinio quædam honestatis accesserit.

Ajunt, Mendacii filiam esse Excusationem, quam adolescentes præsertim, omnibus reprehenden-



prehensionibus velut peltam obijciunt. Castigatus in scholis puer, quod die Veneris nescisset catechesin, Putabam, ait, hodie primum diem Iovis esse. Gustaverat alius in horto botrorum acinos, qui acriter ob hoc reprehensus: Putabam, ait, esse pruna silvestria. Stertuerat adolescens ad ipsam usque nonam matutinam, cum pædagogus cubiculum ingressus: O Endymion, inquit, jam clarissimum mane, imo pæne meridies fenestras intrat, jam nona est audita; surge. Cui adolescens semisomnis & voce languida: Itane, inquit, putabam primum esse sextam. Serius ad rem divinam puer venerat; magistro causam tarditatis postulante: \* Deui, ait, expectare offam domi. Cui statim magister: I nunc, & expecta sis betulam. Strophium exciderat sub mensam convivæ, qui famulo id recepturo pedem in os valide impegit, & ut factam purgaret: Ignosce, inquit, putabam esse canem. Opulentus juvenis mille philippeos lusu prodegerat. Parentibus hanc jacturam indignissime ferentibus: Quid, inquit, succensetis mihi? Putabam me tantundem lucraturum. Fur, artis suæ nondum sat gnarus, cum in aurificis officina deprehensus interrogaretur, quomodo tandem hoc flagitii ausus esset? Putabam, inquit, me nunquam deprehendendum. Homo asotus & impurus nondum viginti annorum, ad extrema devenerat, sed exomologesin instituere dolores non sinebant. Cumque sacerdos, cur non citius saluti consulisset, quæreret; respondit: Putabam me diutius victurum. Ita & nos centum annorum pueri excusatiunculis innocentiam tueri nitimur,

*Perfius  
vid. sat  
3. v. 1.*

hoc

\* *Germanice: Habstu müssen auff dsuppen warten. So geh hin/vnd wart Jetzunder auff's Kraut.*

Seneca  
l. 2. de  
Ira.  
c. 33.

hoc sine puerile illud & frigidum frequen-  
tissime usurpamus, *Non putabam*. Turpissi-  
mam ajebat Fabius imperatori excusationem  
esse, NON P V T A V I. Ego turpissimam,  
ait Seneca, homini puto. Rara est excusatio  
quæ non falsitatis aliquid habeat aut certe  
imprudentiæ. Primarium innocentiae elo-  
gium est, non peccare; proximum, peccata  
non excusare.

## CAPVT XX.

EXPROBRATIO *quam molesta sit omnibus;  
& exprobrare beneficia, esse ea perdere.*

**P**Hocionem Græcum oratorem in con-  
cione seorsim sedentem quidam accessit,  
dixitque: Videris cogitabundus, ô Phocion.  
Recte quidem conjectas, respondit: Cogito  
enim, si quid queam detrahere de his quæ di-  
cturus sum apud Athenienses. Eadem pæne  
hic mihi, mi Lector, cogitatio est, an non  
hoc loco dissertationibus prolixioribus atte-  
xenda sit dissertatiuncula, & succincta in rē  
admonitio, idque levādo fastidio, & varietati  
conciliandæ. Atque istud tunc præcipue  
observandum videtur cū res ipsa (quod im-  
presentiarum est) minime laciniosum elo-  
quium desiderat. Hujus ergo jam specimen  
dabimus.

Ecclesi.  
c. 34.  
v. 28.

**I.** Linguam *Excusantem*, ob ejusdem capita-  
lis litteræ societatem sequitur Lingua *Expro-  
brans*. De hac quæri potest illud Siracidæ:  
Unus ædificans & unus destruens, quid eis  
prodest nisi labor? Quicquid hæc lingua præ-  
clare struxit, repente subruit exprobrando in  
hunc modū: Hoc & hoc beneficii à me ha-  
bes; absque me fuisset, tu pridē periisses: Vi-  
tam & incolumitatem tuam mihi debes,  
mihi age gratias: ad honores illos tu quidem  
zuis alis nunquam pervolasses, nisi mearum  
pennarum



pennarum ope id potuisses. Inamœnæ sunt hæ catilenæ; hæ voces beneficiorum corruptrices, bene parta levissime perdunt. Gallinæ ova quidem excludunt, sed ea glocitando sæpissime amittunt. Beneficia, ova dixeris aurea, quæ cum exprobrantur, amittuntur. Odiosum genus est hominum officia exprobrantium, quæ meminisse debet is, in quem collata sunt, non ille commemorare qui contulit:

*Beneficii omnis turpis exprobratio est;*

*Omnis molesta est quæ exprobratur gratia.*

Appius Romanus populo exprobrabat, sibi acceptum ferri debere, quod ex muto & elingui, facundum haberet. Consulē, de Lucio Volumnio collega sentiens. Ibi Lucius Volumnius: Quam malle, inquit, tu à me strenue facere, quam ego abs te scite loqui didicissem. Romanus Sapiens ei qui beneficium dedit, oblivionem imperat; illi qui accipit, memoriam mandat. Quo loco seipsum explicans, optimus interpretes sui: Errat tamen, inquit, si quis existimat, cum dicimus eum qui beneficium dedit, oblivisci oportere, excutere nos illi memoriam rei præsertim honestissimæ. Quædam præcipimus ultra modum, ut ad verum & suum redeāt. Cum dicimus. Meminisse non debet: hoc volumus intelligi, prædicare non debet, nec jactare, nec gravis esse. Quidam enim beneficium quod dederunt. omnibus circulis narrant: hoc sobrii loquuntur, hoc ebrii non continent: hoc ignotis ingerunt, hoc amicis committunt. Vt hæc nimia & exprobratrix memoria a lingua subsideret, oblivisci eum qui dedit, iussimus, & plus imperando quam præstari poterat, silentium suasimus.

Hinc ille suum patrem, quod nulli beneficium datum opprobraffet, valde prædicat, aitque,

Plau-  
tus in  
Am-  
phitr.  
prologo.

*Sed mos illic nunquam fuit patri meo.*

*Vt exprobraret quod bonis faceret bene.*

*Gratum arbitratur esse id à nobis sibi.*

*Meritoque vobis bona se facere quæ facit.*

Qui beneficium exprobrat, is maligne repetit, quod benevole dedit. Cornicula quondam (quod vates Venusinus memorat) à multis avium plumas accepit, & iis sese ornavit. At cum quæque volucrū plumas suas repeteret, misera & implumis avicula omnium risui est exposita. Quicumque sic beneficium accipit, ut simul metuat ac suspicetur id brevi exprobrandum, Venusini versiculos non imprudenter sibi occinet.

Hora-  
tius l. 1  
epist. 3.  
ad Lu-  
cium  
Florum  
med.

*Ne si forte suas repetitum venerit olim*

*Grege avium plumas, moveat cornicula visum.*

Non est gratum nec suave beneficium, quod Lingua exprobrans corrumpit. Da igitur, sed exprobrando ne revoca quod bene dedisti.

I I. Quisquis in alium confert beneficiū, & hoc ipsum exprobrat, simillimus est scribæ, qui supplicem libellum describit attenta manu, & eleganti caractere; sed pro pyxide arenaria corripiciens atramentarium, effundit illud in chartam. Huic jã omnis labor periit. Optime omnia descripsit, sed pessime sic cavet scripturam. Ita beneficiū qui memorat, est quasi exprobrat. At verolingua exprobratrix velut atramentariū corripit & invertit, sic atro liquore, quicquid eleganter scriptum est, obliterat. Humana manus sic impingit; Deus non sic errat, nec quod scriptum est, atramento unquam foedat. Testis in hanc rem locupletissimus Iacobus Apostolus: Si quis vestrum, inquit, indiget sapientia, postulet à Deo, qui dat omnibus affluenter, & non impropere. Verbis pauculis quatuor maximas Dei perfectiones inclusit: 1. Est sūma liberalitas: Dat, non recepturus, dat immeritis, dat hostibus. 2. Summa Magnificencia:

*Dat*



# DE EXPROBRANTE LIN. 261

*Dat omnibus, Romanis, Græcis, barbaris. Iu-*  
*dæis, aliis innumeris. 3. Summa Beneficētia:*  
*Dat affluenter: Non solum enim liberalis est*  
*& promptus dare, sed dat abunde, exuperat*  
*preces, transcendit vota, dando totas manus*  
*explicat. 4. Summa Humanitas: Dat, & non*  
*improperat, ne sibi supplices absterreat aut*  
*pudefaciat. Etsi triginta, sexaginta, octo-*  
*ginta & pluribus annis benefaciat, priora*  
*tamen beneficia nulli exprobrat. Quod si*  
*Deus ulli hominum quidquam exprobravit,*  
*æquissime id fecit, & suo jure, non uti no-*  
*strates divites solent, qui ubi tres obolos*  
*contulerunt, ingentia jactant beneficia. De*  
*hoc tali homine, verissime dictum à Siraci-*  
*de: Pauca dabit, & multa improperabit. Sed*  
*hæc non nisi fatuorū hominum est indoles.*  
*Nā, ut idem Siracides affirmat: Stultus acri-*  
*ter improperabit. Ea de caussa præmonens:*  
*Datus insipientis, inquit, non erit utilis tibi,*  
*oculi enim illius septemplices: exigua dabit,*  
*& multa improperabit. Scribet non adeo*  
*multa, nec ita eleganter, deinde velut scrip-*  
*tor incogitans, in suam scriptionem effundet*  
*atramentum, & laborem suum omnem li-*  
*quore tam turpi submerget. Nimirum*

*Solvat sibi ipsi debitum exprobratio.*

*Vetlā*

Bilbilitanus vates hoc ipsum falsè descripfit,  
 & Postumum exprobratorem non immeri-  
 to sic reprehendit:

*Crede mihi quamvis ingentia Postume dones,*

*Auctoris pereunt garrulitate sui.*

*Mar-*

*tialis*

*l. 5. epi-*

*gram.*

*53.*

Hi hominum mores sunt; aliter se Deus ad-  
 versus nos gerit; qui non improperat.

III. Sed obducas: Nunquid Deus Hebræo  
 Regi Davidi multa per Nathanem jussit ex-  
 probrari suo nomine? Ego unxi te in regē su-  
 per Israel, & ego erui te de manu Saul, & de-  
 di tibi domū domini tui. Et quoties per Mosē  
 aliosque vates exprobrata Israeli beneficia?

*2. Reg.*

*c. 12.*

*v. 8. &*

*9.*

S

Christus

Christus ipse urbibus Corozaim, Capharnaū ac Betsaidæ acriter objecit, quod illarū bono tot conciones instituerit, tot miracula patrarit. Nonne & civibus Hierosolymæis exprobravit, se gallinæ incubantis vices subire voluisse, illos autem noluisse pullorum more se subdere? Quin & beatus Ephrem asserit, Christum supremo iudicii die palam improbis exprobraturum talia: Propter vos

*Ephrem  
l. de iu-  
dicio.  
c. 2.*

ego carnem indui; vestri causā me conspui, flagellari, crucifigi passus sum; vobis sum mortuus, sed & tumultū, sed & inferos subii, ut vos ad me attollerem: vobis gratiam meam toties obtuli; regnum meum toties proposui; vos fratres meos vocavi, omnia vestræ saluti operatus sum. Sed nihil profeci, frustra monui, nolulistis esse mei; ite, abite, recedite à me, culpa vestra est; abite, æternū ardete. Qua igitur ratione Deus non improperat?

Quod ad Hebræum regem attinet, Ajo non tam exprobrasse Deum Davidi præstita beneficia, quam iudicio contendisse, & ipsū sui ipsius constitui iudicem Davidem

*Inve-  
nal. sat.  
13.  
w. 2.*

— *prima est hac ultio quod se*

*Iudice, nemo nocens absolvitur* —

Profecto & David in seipsum feralem sententiam dixit, & nocentem se proclamavit, poenitens facti. Quod ad alios spectat, ajo ingratiss & omnia contemnentes merito beneficia exprobrari, ut resipiscant. Eadem subinde ratio urget, ut inter homines alter alteri collata beneficia exprobet, cum is qui accepit beneficium, accepisse se negat, obliviscitur, dissimulat, cum totum illi beneficium elapsum est, cum omnis apud eum bene merentium gratia, memoria omnis excidit, nec ullum extat in illo vestigium meritorum; quod enim in prima parte animi positum esse deberet, ita seposuit & abiecit, ut in igno-



DE EXPROBRANTE LIN. 263  
in ignorantiam sit verum : Huic tali acriter  
exprobrandum est: En ingratissime, hoc, &  
hoc, & hoc etiam beneficii à me accepisti, om-  
nem in te liberalitatem consumsi; at tu  
nequiter dissimulas, imo negas accepisse,  
quod pleno in te sinu effudi. Idcirco autem  
hæc ingero, non ut quidquam exprobrem,  
sed ut tuus stupor capiat quid deliqueris.  
Hoc scilicet lixivio caput tam ingrati homi-  
nis perfundendum est.

Cum autem iis, quos serio facti poenite-  
bat, nil exprobrarit Christus Dominus, non  
Petro inconstantiam, non Matthæo avari-  
tiam, non Paulo sævitiam, non Magdalenæ  
lasciviam; verissimum etiamnum est, Deus  
dat omnibus affluenter, & non improperat.  
Hanc nos indolem præ nobis feramus, nec  
statim cum à nobis obsequium petitur, ob-  
sequia priora nondum compensata expro-  
bremus. Cum prædicat qui dedit, erubescit  
qui accepit. Turpissimum est, sic repetere be-  
neficium, & contra Chilonis decreta, qui  
apud Ausonium:

*Tu, inquit, bene si quid facias, non meminisse  
fas est:*

*Qua benefacta accipias, perpetuo memento.*

Multos experimur ingratos, plures faci-  
mus: quia aliàs graves exprobratores exacto-  
resque sumus; aliàs leves, & quos paulo post  
muneris sui poeniteat; alias queruli & mini-  
ma momenta calumniantes. Ita gratiam om-  
nem corrumpimus, non tantum postquã  
dedimus beneficia, sed dum damus: ita scrip-  
turam elegantem atramento perfundimus.

*Pauperi dās exprobransque, absynthio mel temperat.* Ver.  
Troch.  
Eccl.  
c. 41.  
fine.

Sapientissime monet Siracides: Cum dede-  
ris, ne improperes.





# F

- A. FRAVDVLENTA** *Lingua*. *Vulpina*  
*prorsus lingua est. De hac C. 21. §. 1.*
- B. FALLAX** *non absimilis est Doloni seu oc-*  
*culto pugioni. quem nodosus fustis abscondit. qua-*  
*lem Vulpes cum ense flammeo decussatim gerit.*  
*velut ad palastram iturus pugil. Vide Cap. 22.*  
*initio.*
- C. FVCATA** *Lingua* *Ioabus dux bellicus*  
*Davidis regis. Amasam belli quoque ducem hu-*  
*maniter salutat. & interim sic latus haurit. Vi-*  
*de C. 22. §. 1.*

## F

## CAPVT XXI.

*Quid sit Lingua FRAVDVLENTA, FALLAX, FVCATA: quod inter has discrimen, & quibus legibus hæ lingua teneantur.*

**M**Ater est, cui tres sunt filię, forma præstantes, non opibus; dotis vix quidquam habent: censum omnem circumferunt in cultu corporis. Veste abundant plurima, & habitum uno etiam die sæpius mutant. Vestes earum pleræque omnes versicolores, supra omne Babylonicum tapetium variegatæ, & ad lasciviam factæ: illa prasina, hæc crocea, ista veneta, aliæ varii ac mixti coloris. Sunt hæ tres nobiles filię ad lanam carpendam, & fila ducenda doctissimæ, nec aliæ illis similes; pensum facere subtilissimum, ventos textiles, & \* nebulas lineas nere optime sciunt. Vultu hæ tres sorores à se invicem non multum abludunt; pæne illis eadem oris lineamenta, ut difficile sit eas satis internoscere. Sicut autem matris plurimum gerunt in vultu, sic etiam matrescunt ingenio. Animum illarum si spectes, tam sunt audaces & animosæ, ut etiam gladios, hastas, tormenta bellica tractent; Amazonas esse dixeris. Domesticas leges observant religiosissime; nefas illis vel latum unguem à suis legibus abire.

Tres sorores istæ Orbe toto notissimæ sunt, charæ simul & exosæ, tã multos numerant hostes quam amicos: nunquam ad ullam opulentiam pertingunt. Virtutis profecto

\* Spinnengwäb:



DE FRAVDVLENTA LIN. 267.  
fecto nihil habent; vitia, quorum præquam  
divites sunt, in dote numerant.

Mater harum appellatur MENDACIVM.  
Hanc cum cura dicemus suo loco. Filiæ his  
nominibus insigniuntur, Lingua *Fraudulenta*,  
Lingua *Fallax*, Lingua *Fucata*. De tribus his  
germanis sororibus nunc dicere instituo. Ut  
ergo Linguam Fraudulentam, Fallacem, Fu-  
catam probe noverimus, primo explican-  
dum erit, quibus in rebus hæ vitiosæ linguæ  
velut sorores conveniant, quibus discrepent;  
deinde quas domi suæ leges ac regulas ob-  
servent.

I. Prima sororum, lingua FRAVDV-  
LENTA, lingua sane astuta, subdola, ver-  
futa, vafra, veteratrix, tortuosa, callida. Fran-  
conum equites olim chlamydes habebant  
plicis multiplicibus rugosissimas: his confer-  
ri potest lingua Fraudulenta, quæ in plicas  
plurimas sinuosa uberius effunditur. Fraudu-  
lentus aliud agit, aliud simulat. Vir versutus  
odiosus erit. Altera è sororibus his Lingua *Prov.*  
FALLAX, nomen inde sortita, uti Varro-<sup>c. 14.</sup>  
ni placet, quod fando decipiamus, & con-<sup>v. 17.</sup>  
tra quàm diximus, faciamus.

*Tuta frequensque via est per amici falle-* *Ovid.*  
*re nomen,* *l. 1. de*

*Tuta frequensque licet sit via, crimen* *Aris.*  
*habet.*

Fallacia est veritas palliata, quæ vel alte-  
rius odium, vel commodum suum attendit;  
Mercator Iovem lapidem jurat tanto ac  
tanto merces sibi stare, nec minoris, quam  
indicarit, vendi posse; atque hoc non alterius  
odio, sed suo bono. At qui inescare cupit  
alium, & hoc solum agit, ut fallat, non suo  
id commodum, sed alius odio id facit. Vulpina  
hæc lingua est. Sed Maledictus dolosus.

Tertia soror lingua FVATA, quæ *Malac.*  
hoc satagit, ut nunquam non picta sit & ce-<sup>c. 1.</sup>  
*v. 14.*

*Ps. 54.* ruffata: Molliti sunt sermones ejus super o-  
*v. 24.* leum, & ipsi sunt jacula: recreant aures, sed  
 feriunt corda. Hæ sorores sibi simillimæ  
 sunt, omnesque nevum trahunt à matre  
**MENDACIO**; aliquid tamen etiam ha-  
 bent dissimilitudinis. Nam Fucata sui tan-  
 tum purgationem & comptum attendit;  
 modo ipsa niteat, nocere alteri non adeo cu-  
 pit. Fallax hoc unum agit, alios fallere qui-  
 buscunque id modis fiat. Fraudulenta dissi-  
 milis est duabus, quæ non tam videri vult  
 formosa, quam arguta & peracuta: hinc sæ-  
 pe multum sibi laborem sumit, nec tamen  
 ullum decipit; satis illi est decipere posse, &  
 hoc cavere ne ab aliis simplex censeatur.

Harum trium sororum amicitiam innu-  
 meri ambiunt, ipsi etiam pæne infantes, qui  
 subinde prius fallere, quam fari norunt. Plu-  
 rimum autem laborant hæ tres sorores, ut  
 Aulicos & Magnatum famulos sibi semper  
 benevolos habeant, quo eos facili nisu, veluti  
 dociles discipulos forment ad suas leges, quæ  
 conceptissimis verbis sic scriptæ sunt, ut me-  
 rito quis dixerit: hæc jura aut diabolus di-  
 ctavit, aut diaboli mater Superbia. Hoc ego  
 monuerim, ad rogandas has leges non pa-  
 rum operæ contulisse hominem, qui quin-  
 quaginta annis sectatus est aulam. Et en tibi,  
 mi Lector, domesticas trium sororum leges,  
 quas diaboli decalogum rectè appellaris.  
 Sunt autem istæ, quæ sequuntur.

**II. Primo.** *Nihil cuiquam credas, quantumvis in  
 speciẽ amico, quantumvis arridenti, complexanti, de-  
 jeranti. Nullum tibi ex animo amicũ existimes, ne-  
 q; tu sis ulli; ita tamẽ comis & blandus esto singulis.  
 perinde quasi neminem non ames.* Hoc aliud  
 non est quam omnes Christianas leges una  
 litura delere, omnium enim caput est Cha-  
 ritas. Facile omnia, & nihil credere; omnibus  
 & nulli fidere, vitiorum extrema sunt. A  
 nullo



nullo non insidias metuere, sexcentis suspicionibus, mille angoribus implet animum. Neminem serio amare, legem omnem & priscam & novam evertit. Christus suis: In hoc, inquit, cognoscent omnes, quia discipuli mei estis, si dilectionem habueritis ad invicem. 10 an.  
c. 13.  
v. 35.

2. Officiorum illorum esto largissimus, quæ nil habent impendii: saluta blande, complectere perammanter, cede viam. Honoris & amoris titulos repetite; lauda assatim, pollicere largiter; promissis stare rusticanum puta. Hoc scilicet magisterium est fucaræ, fallacis, fraudulentæ linguæ. Qui ab armis desperat victoriam, ad fallacias se conferat. Plus patrat fraus nocte una, quam aperta vis, novem annis.

3. Præda si qua affulserit, cave quisquam hominum tibi tam charus sit, ut eam illi cedas. Tu tibi semper proximus esto. quoties de re agitur, vel patri verba danda sunt. Difficile quidem est verba dare senibus, sed verba melle lita, festivo ac papavere sparsa, facilem ad aures aditum moliuntur. Verba dare, ait ille, est thus aulicum vendere.

4. Proximum erit, si aulicus sis, ut factiones rotius Palatina domus subodereris, sed ita, ne cui te facile admisceas. Si quos videris nihil non posse, his jungere, & vide ut te semper inflectas ad latus navis felicius. Nec pudeat aut pigeat assentari etiam morionibus, quos averteris gratos esse Iovi. Hanc legem aulicis explicare non est opus; ipsi factis à se sagaces sunt; hæc sciunt antequam doceantur.

5. Vultum domi composito, ut is tibi paratus sit ad omnem fabula partem, & ne quid sinceri affectus in facie subluceat, personam ac larvam semper gerito. In Italia unicus subinde homo totam agit comœdiam, jam voce, jam veste, modo barba, modo gestibus mutatis, idque mira celeritate. Easdem nos fabulas sæpe ludimus, &

uno die comœdiam sæpe non unam agimus.  
Facile nobis est non audire Senecam dicen-  
tem: Non hominibus tantum, sed & rebus  
Sen. persona demenda est, & reddenda facies sua.  
epist.

24 med

6. Nullum aperte ladas, à tergo potes; adulari  
ad amissim omnibus scias, decipi ab alio, paganum;  
decipere alium hoc civile & urbanum censeto: tibi  
autem ab omnibus tanquam hostibus caveto. Quam  
hoc scilicet, apposite ad documentum Apo-  
stoli jubentis: Cum omni humilitate &  
Ephes. mansuetudine, cum patientia supportantes  
e. 4 v. 2 invicem in charitate; solliciti servare unita-  
tem spiritus, in vinculo pacis.

7. In omnibus nugis & diffamationibus esto  
lepidus congerro. Cave hic sis ultimus: \* extre-  
mum occupet scabies. Cum alii de absenti-  
bus contumeliose quid dixerint, aliorum-  
que laudibus obrectaverint, tu tuam quo-  
que symbolam fideliter conferto. huc a sym-  
bolum venire non decet. Laudis est, quosvis  
vituperare posse.

8. Tantum ab alea temperato; multi ad hunc  
scopulum sic fecerunt naufragium, ut amissis  
mercibus vix salvo capite per has procellas enata-  
rint. Hoc proprium diaboli vaframentum  
est, vera falsis, salubria noxiis miscere, ne fal-  
sa & noxia nimium suspecta fiant. Deinde,  
per aleam cacodæmon intelligit pericula pro  
amicis subeunda: hanc ille aleam jaci non  
vult.

9. Ad rem augendam & stabiliendam ubi-  
que vigila; lucrum nusquam non venare. Ideo sem-  
per esto querulus ac petessens. Si quid tibi negetur,  
suborna qui petant suo nomine, sed tuo commodo. In-  
humanum videtur sui sueque crumenæ un-  
quam oblivisci. Sua cuique industria dicit:  
Cum pecunia spargitur, primus accurre; cum  
numis pluit, & manibus & faucibus excipe  
tam

\* Der lest brym Haar.



DE FRAVD V L E N T A L I N. 271  
tam beatum imbrem. Cum hæ pluviæ morantur, querelis eas laceſſe.

10. *Memoria ſic excellito, ut injurias ſilici, pulveri benefacta inſcribas; iſta verbis, illas pugnis reſpondito. Invidia laborare neceſſarium malum credito. Hic nucleuſ legum eſt, quæ auro & minio videntur exaratae.*

II I. Draco Athenienſis, antiquiſſimus <sup>Gell. l. 12.</sup> legiſlator, leges juſſit tam ſeveras, ut Demades ſolitus dicere. Draconem ſuas leges non <sup>Noſt. Antic. c. 18.</sup> atramento ſcripſiſſe ſed ſanguine. At ſancti-ones trium harum ſororum aureis characteribus ſcriptæ, plurimis locis vigent florentque.

Vita noſtra velut forum eſt, in quo venditur, emitur; ubi alter alterum fallit; ubi ſinguli in rem ſuam attentiſſimi; ubi nemo non vigilat crumenæ ſuæ: ſemel decepti bis terve decipiunt; par pari redditur, imo cum fenore plerunque ad ſuos redeunt auctores injuriæ. Tam accurata obſervatione ille diaboli decaloguſ honoratur.

Vnus aliquiſ olim à Chriſto ſciſcitatuſ: <sup>Matth. c. 19. v. 17.</sup> Magiſter bone, inquit quid boni faciã, ut habeam vitam æternam? Cui Chriſtuſ: Si viſ, ait, ad vitam ingredi, ſerva mandata. Non aſimili modo hic reſpondendum: Si viſ gehennam ingredi, ſerva hæc præcepta, quæ niger ille ab Orco angeluſ dictavit.

Adverſuſ damnatiſſimas haſ leges ſtat Chriſtuſ Dominuſ, clamatque: Ego ſum Veritas. Genuſ humana per innumeraſ fraudeſ, velut per virentia prata ſeducitur ad inferoſ. Ego Veritas. Ego Via ducō ad Vitam, ad beatitatem. Ego ſumma ſum Veritas, omnem in me veritatem complector, eamque Orbi repræſento tanquam infinitæ amplitudinis ſpeculuſ. Ego ſum Veritas in verbis, nam fallere neſcio; Veritas in cogitationibus, nam falli nequeo; Veritas in factis, mea enim

enim humana opera omnia divino intellectu ac voluntati conformia sunt. Vos homines servus meus David, non sine causa sic affatus est: Vani filii hominum, mendaces filii hominum, fallacias avidissime & discitis & docetis. In hoc studio mores & vitam consumitis. Huc ergo ad meum Lyceum properate; Ego sum Veritas. Si animum applicueritis, cognoscetis Veritatem, & Veritas liberabit vos.

*Pf. 61.*

*v. 10.*

*Joan.*

*c. 8.*

*v. 32.*

O Domine, liceat hic paullulū contradicere. Questus es, ô bone I E S V, per tuos Prophetas & Apostolos, te à Mundo tam indignis modis exceptum, primo omnium in stabulo salutatum, nec deinde humanius habitum. Non miramur. Cur venisti velut fax Orbis, quæ igneum splendorem oculis invitis ingerit. Fit ut noctu lumen inferatur conclavi, in quo complures sunt, sed nullus illorum videri vult: ille in angulo dormit, iste jam vestes exuit, alius sub mensa ebrius sterit, supra mensam pocula, chartæ lusoriæ, tesseræ, cōfusiissima omnia. Hic nemo lucernam desiderat, imo clamant: Apage facem, non egemus lumine. Hic status erat Orbis, cum Christus veniret in Orbem: passim clamabatur ab omnibus: Tolle lucentem tædam, remove lumen? Quid jam mirum si Veritas cum ingratis Mundi venerit? Qui fraudem & mendacium tueri studet, Veritatis telo configitur. Fraus suspicionis fomes, amoris noverca, mater desperationis. Sed contra hæc omnia stat immota Veritas.

Hæc è cælo Veritas regis Hebræi David animum ita perbibit, hanc ille veritatem in visceribus medullisque ita condidit, ut ab omni fraude alienissimus Deum rogaret: Salvum me fac Domine, quoniam defecit sanctus, quoniam diminutæ sunt veritates à filiis hominum: vana locuti sunt unusquisque

*Pf. 11.*

*v. 1. &*

*seqq.*



que ad proximum suum: labia dolosa in corde & corde locuti sunt. Disperdat Dominus universa labia dolosa. Rex David ingenium Mundi considerans: *Salvum*, inquit, *me fac*. Orbis universus fraudum refertissimus est; nusquam non fallaces pedicæ insidiantur: oculatos pedes habeat necesse est, qui irretiri non vult. *Quoniam defecit sanctus*, Gurges vastus, sed rari nantes eorum, qui fraudes & fallacias non excogitent, qui loquantur sincere. *Quoniam diminuta sunt veritates à filiis hominum*. Veritati pæne idem contingit quod monetæ, quæ tot manibus tanto tempore atteritur, dum inscriptionem ac signum amittat, & ab omnibus repudietur: ita veritas passim velut numus adulterinus rejicitur. *Vana locuti sunt unusquisque ad proximum suum*. Inania verba inculcant quasi complementa numerorum, re deficiunt: nucem porrigunt, sed cassam. Dant verba commodorum, sed non addunt commoda verborum. *Labia dolosa in corde, & corde locuti sunt*. Dolus malus ubique jam usitatissimus est: suaves decantant modulos, sed quibus sopiant, & ritu Sirenum mergant, omnia fraude, aut vi aguntur. Ergo; Disperdat Dominus universa labia dolosa, quæ lenissimis quidem & amantissimis utuntur verbis, sed ut dolum & machinam commoliantur. Faxit ergo Deus ut deceptores decipiantur: in insidiis suis capiantur iniqui. Et quandoquidem illi præstigiis suis & imposturis gloriantur, atque ab iis omne sibi lucrum pollicentur, perdant omnia, & ipsi pereant. Scio namque, Virum sanguinum & dolosum abominabitur Dominus. Hos Deus & odit, & arcet: neque hoc tantum; abominatur etiam, omnique supplicio vendicat.

Audite ergo fraudulentum, audiat Orbis: Rex cæli inclamat universos: Ego sum Veritas; quemcunque meas partes sectari non puduerit,

Pro.  
c. 11.  
v. 6.

Pf. 5.  
v. 7.

pu-  
derit, qui omnes à corde, ab ore fraudes  
proscripserit, qui simplicissima mente & ve-  
ra fide egerit, meo mecum regno potietur,  
vitam vivet beatam, immortalem, æternis  
voluptatibus offusissimam. Apte hic Ber-  
nardus: Christus, inquit, clamat errantibus  
& viam ignorantibus, Ego sum Via: Dubi-  
tantibus, & non credentibus, Ego sum Veri-  
tas: Iam ascendentibus sed lassescentibus.  
Ego sum Vita.

Bern.  
tract. de  
grad.  
Humil.  
initio.

## CAPVT XXII.

FALLACEM, seu, dolosam Linguam, tam  
esse crebram quam noxiam.

Pugiones erant priscis sic dolose recti, ut  
nulla esset suspicio latentis ferri, atque  
hos vocabant DOLONES. Hoc teli ge-  
nus duplici fuit discrimine: aut enim nodo-  
sus validusque fustis pugionem absconde-  
bat, aut flagellum aurigarium. Maro men-  
tionem facit:

Virgil.  
l. 7.

*Pila manu, seruosque gerunt in belladolones.*

Æneid.

His Dolonibus, Dolosa lingua rectissime  
confertur, seu, quam supra Fraudulentam,  
Fallacem, Fucatam, nominavimus. Discrimen  
inter has linguas jam assignavimus, earumque  
etiã leges à malo genio scriptas pro-  
posuimus. Nunc progredimur, ostensuri quã  
hæc linguæ vitia, fraus, fallacia, fucus sint:  
Orbe toto celebria & pervulgata, quantum-  
que inde malorum oriatur.

Gen.  
s. 4v. 8

I. Linguæ Dolus tam prisco se stemmate  
jactat, ut cum Orbem totum soli quatuor  
homines constituerent, inter eos tamen doli  
faber reperiretur. Vt Abelem Cainus frater  
falleret: Egrediamur, inquit, foras: adsis mi  
frater, & animi gratia in agrum exeamus.  
Hac verborum fallacia, fratrem velut agnū  
lanio duxit ad macellum, & infontem jugu-  
lavit.



lavit. En qualis deambulatio, quam insidiosa & fallax! En, ut otio consolando rus concessum! Hoc sermonis fuco invitatus Abel ad mortem, quam innocentia suspicari non potuit, potuit tolerare.

Ioabus ævo Davidis regis princeps militiæ, an malitiæ, cum Amasam supremū belli ducem à parte Absalonis, obvium haberet, humanissime salutans, imo & osculum libans: Salve, inquit, mi frater. Osculum fronti tulit, pugionem lateri infixit; salutem aribus ingessit, sicam visceribus immerfit, fallacissima simul & fucatissima lingua usus. Hoc est fraternis officiis prævenire; improvise ferro imparatum ad inferos amandare. fratrem vocabat ut amicorum intimus, & jugulabat ut latro. Hi sunt Mundi amplexus, hæc amoris oscula, hi fictæ amicitie dolones: fidat qui volet. Ioabum feliciter imitatur, qui

*Laeteolam indutus ovem, sub vellere molli,*

*Cruda per agninos exercebat funera rictus.*

*Prudentius*

*Psychomach. 7*

*Matth. c. 26.*

*v. 49.*

Ioabo simillimus Iudas Iscariotes proditor, qui amantissimum magistrum osculo perfidissimo salutans: Ave Rabbi, ait. Sic vitam omnium nostrum improbiis ficiariis tradidit necandam. Amicus erat vultus, humanæ voces, blandum osculum, amplexus urbanus, sed sub hoc nodo so stipite latebat pugio, flagitiosissimum cor. Ita non tantum à filio pater, ab Absalone David intutus, sed & ab homine Deus. Sic Mundus totus in maligno positus. Fraus & Dolus jam pridem occuparunt Orbem: vale Candor, vale: vapula Fides: exula Veritas.

*1. Ioã.*

*c. 5.*

*v. 19*

Narrat poeta vetus, aurei & argentei sæculi felicitatem, sed ea transacta

*Protinus irrupit vena peioris in ævum*

*Ovid.*

*Omne nefas, fugere pudor, verumque fidesque,*

*l. 1. metamorph.*

*In quorum subiere locum fraudesque dolique,*

*Insidiaeque & vis, & amor sceleratus habendi.*

*Suidas*

Suidas impostorum & imposturarum nulum iniri posse numerum expendens, libere adstruit: Vernis foliis plures esse sycophantas, adeo dolis omnia permisceri.

*Hier.*

*c. 9.*

*v. 4. 6.*

*seqq.*

Deus Hieremiam vatē præmonens: Habitatio tua, inquit, in medio doli; in dolo renuerunt scire me. Attende tibi, Hieremia, in medio doloſorū habitas. Omnis frater supplantans supplantabit, & omnis amicus fraudulenter incedet. Sagitta vulnerans lingua eorum, dolum locuta est. in ore suo pacem cū amico suo loquitur, & occulte ponit ei insidias. Nūquid super his non visitabo, dicit Dominus, aut in gentem huiusmodi non ulciscetur anima mea? Iudæi fallere didicerūt ab avis, proavis, abavis, atavis, tritavis, ab omnibus suis maioribus. Filii Iacob quam fraudulenter egerunt cum Hemore principe, ejusque filio Sichemo, quā perfidas connubii leges posuerunt? Circumcidendi estis, inquiunt, ut ritū gentis nostræ imitati, nobis fiatī similes; sic demū inter nos conjugia contrahemus. Mera fraus fuit, & sanguinaria. Nam tertio vulnerum die, urbem ingressi filii Iacob, ingentem ediderunt stragem, omnibus undequaque vastatis, ceteram imbellem turbam abduxerunt captivam. Iacob mœstissimus parens: Turbastis me, inquit, & odiosum fecistis me, delebor ego & domus mea. gladius vester meo luit jugulo.

*Gen.*

*c. 34.*

*v. 30.*

*Ios. c. 9*

*v. 3. seqq.*

*seqq.*

II. A Gabaonitis, uti Hebræorum Iudicum historia memorat, ad Iosue belli ducem missi sunt legati attritis vestibibus, pertusis calceis, panibus pæne in lapides duratis. Periculosum rati sunt hi viri si se Chananæos faterentur, & multo tutius esse censuerunt, si nihil sibi cum illis commune dicerent, sed longe diversas sedes habere, cum tamen non longe ab Hierosolymis habitarent. Ajunt igitur se fama Hebræi ducis excitos, multo-

rum



rum dierum iter fecisse, & hoc esse verum ex habitu comprobabant. vestes enim quas viam ingressuri novas induissent, longo itinere detritas, calceos solutos, panes mucidos exaruisse: cum data opera vestes tam tritas sumptserint, & callide omnia confinxerint, ut verisimilia dicere viderentur. Hoc habitu in concionem ingressi dicunt se missos à Gabaonitis, eorumque vicinis urbibus, ut salvis patriis institutis in Hebræorum amicitiam venirent. comperto enim quod Deus gratuito munere Chananæorum terram illis concessisset, gratulari se eis & jus civitatis petere. His dictis, & ostentatis vestibus in signum longi itineris, orabant ut in foedus & amicitiam admitterentur. Iosue nihil subesse fallaciarum arbitratus, in fidem & amicitiam eos recepit, juravitque habiturum se eos pro amicis ac sociis. Hoc astu voti compotes domum ad suos sunt reversi. Facete dixit poeta priscus: Nam doli non doli sunt, nisi astu colas.

Iosue

c. 9.

v. 3.

¶ seqq

Plau-

tus in

Captiv.

Iehu jam in regem unctus, omnes Baalim sacerdotes callidissime convocavit edito proposito: Nullus sit qui non veniat, sacrificium enim grande est mihi Baal: quicumque defuerit, non vivet. Et venerunt cuncti servi Baal, non fuit residuus ne unus quidem, qui non veniret. Cumque jam omnes offerendis victimis congregati essent in templo, immisit Iehu militem suum in eos, iussitque una omnes trucidari, ut nec unicus quidem evaderet. Factum non malum, modo modus fuisset melior.

Aet. 2

scen. 1.

v. 25.

4. Reg.

c. 10.

v. 18.

¶ seqq

De quo

S. Thom

2. 2. q.

111.

art. 1.

ad. 2.

*Virtute parva saepe fraude amittimus.*

III. Romani nec victorias quidem amabant fraude acquisitas. Falerios Tusciæ urbem obsidebat Camillus. Faliscis mos erat, eodem magistro liberorum & comite uti, simulque plures pueri unius curæ de-

Livius

Decad.

1. l. 5.

T

manda-

mandabantur. Principum liberos, sicut fere fit, qui scientia videbatur præcellere, erudiebat. Is cum rebus tranquillis instituisset pueros ante urbem lusus exercendique causa producere: nihil eo more per belli tempus omisso, modo brevioribus, modo longioribus spatiis sensim eos à porta sermonibus lufibusque variatis longius solito abduxit. ita fraudulentis viæ & narrationis ambagibus progressus, illos inter stationes hostium, castraque inde Romana in prætorium ad Camillum perduxit. Ibi fraudulentum consilium aperuit homo nefarius, dixitque: Falerios à se Romanis in manus tradi, quando eos pueros, quorum parentes ibi rerum capita sint, in potestatem dedat. Quæ ubi Camillus audiuit: Non, inquit, ad tui similem populum, nec Imperatorem, scelestus ipse cum scelesto munere venisti. Arma habemus non adversus eam ætatem, cui etiam captis urbibus parcitur, sed adversus armatos. eos tu, quantum in te fuit, novo scelere vicisti. Ego Romanis artibus, virtute, opere, armis vincam. Pueris deinde virgas dedit, quibus vinctum proditorem verberantes, in urbem agerent. Hoc fraudis odio eorum animi sunt capti, quorum moenia non poterant expugnari. Quid tandem nos Christiani ad hæc? non colorem ducimus? idololatrias à fraude oblata ultro tam alienos cernimus, & nos fallaciarum modos omnes rimabimur? Quotusquisque est qui delatam sibi fallendi occasionem generose respuat, malitque stipem colligere, quam fallaci lingua thesauros acervare?

*Idem*  
l. 42.

Prioribus addendum: Cum Martius & Attilius in senatu Romæ gloriarentur, regem Macedoniæ, specie pacis & induciarum à se inductum, negarunt Patres in ea se legatione Romanas artes agnoscere, nec gratias



tias agere fallacis. Imo & in Græcia, ubi usitatus artificium fuit, *fallere*, fraudes non impune abierunt. Dercyllidas homo vaferrimus, è dolis confutus, unde & Sisyphi nomē habuit, cum Cleomene Spartano septē dierum inducias est pactus. Ab hoc foedere tertia nocte Cleomenis casta invasit, hos peremit, illos abduxit, conventionem omnē violavit. Insimulatus perfidiæ, impio cavillo flagitiū eludens, in faciēdo foedere nullam noctium, sed dierum duntaxat mentionem esse factam affirmavit. Sed ob hanc fraudē Argos ei redire nō permissum; quæ quidem ignominia nota ad insaniam hominem redegit. Inter idololatrias fraus omnis habebatur turpis, & tamen subinde apud Christianos honori ducitur, & præmia ferunt qui fraudes docent.

Magnus ille artifex fallaciarum Nicolaus Machiavellus, ausus est hanc Orbi pestem propinare, nec erubuit chartis mandare hæc verba: Id mihi significare videtur Xenophō, quod necessaria sit ars quædam decipiendi, si altum fastigium ascendere, & insignes aliquos progressus efficere velis. Hac arte Ioannes Galeacius principatum Mediolanensem Bernardo avunculo suo eripuit. Addit Machiavellus: Fraudem necessariam putamus omnibus, quicunque ex parvis initiis crescere, & ad magnum quoddam fastigium conscendere conantur: quæ tanto minus turpis est, quanto quis magis illam poterit occultare, & honesto aliquo prætextu tegere.

Tam flagitioso calamo quis non indignetur? Vir eruditus & religiosus scriptorem hunc damnans merito: Machiavellus, inquit, è scriba Florentino derepente regum & monarcharum magister effectus: ô dignum centum fulminibus caput! Et tamen civitates sunt, quæ Christianum & Catholicū nomen sibi usurpant, ubi pueris pæne in cunis Ma-

Machia

vel. l. 2

Disput.

De Rep.

c. 13.

med. &amp;

fine.

Sciunt

Machia

velli de

fēsores,

nos non

nescire,

erudita

quædam

huius

auctoritas

monita:

si tamē

doctri-

na illius

univers-

se probe-

tur, ma-

gnæ re-

ligionis

et mo-

rū rui-

nā se-

qui

necesse

est.

Philipp.

Boisq. è

Fran-

cisci fa-

milia-

jā no-

tus è

scriptis.

chiavellus prælegitur. Quid jam miri à tali magistro tales formari discipulos simulandi, fallendi, dissimulandi peritissimos?

*De quo  
nos in-  
fra cap.  
ult.*

I V. Disputatur hodieque inter doctos, quæ omnium prima lingua fuerit, & an ul- la sit homini naturalis & congenita. Quod si oracula divina interrogemus de primæva omnium lingua, liquidissimum illa respon- sum dabunt, inter primas si non primam fuisse \* fallacem & dolosam. Etenim prius- quam prima omnium parens vel verbum sciatur locuta, coluber jam sermonis exor- dium texuerat, in hæc verba: Cur præcepit vobis Deus? Doli ac fallaciarum offertissimus fuit hic sermo. Erat enim serpens callidior cunctis animantibus. En fallaciæ inventorẽ fallacissimum! Ita tres illæ sorores, Fraudu- lenta, Fallax, Fucata lingua prosapiam suam ab omnibus retro annis, ab ipso usque para- diso deducunt. Hinc longa nepotum series, & malorum innumerabilis exercitus.

*Gen.  
c. 3 v. 1*

*Cæli.  
Rhodi-  
gin. l.  
31.*

*Anriq.  
c. 17.  
v. 1.*

Lysander rex Spartanus, sophista, sed & cavillator vaferrimus fuit, quod Cælius commemorat. Cum ei quidam probro daret, quod pleraque dolo & fraude gereret, subri- dens Lysander dixisse fertur: Vbi quis quod vellet non assequeretur leonis exuviis, vul- pis esse assuendas, arbitratus, quod honestis rationibus non possit effici, fallaciis id effici- endum. Duobus enim modis fit injuria, vi aut fraude: ubi ergo leoninum tergum nimis est hispidum, illic pellicula vulpina proderit. Hoc nos in usu habemus, eo nostra spectat agilitas, ut quod aliter non possumus, saltem assequamur dolo; prodesse si nequeant oves, profint vulpes.

*Vet.  
Iarob.*

*Simulat aliud aliudque agit doliis malus.*

Hinc illa dolosorum axiomata: Nullam fallendi

\* Trugsprach.



DE FALLACI LINGVA. 281

fallendi occasionem negligere, pejerare audacter, pactis non stare, varias lucrandi artes excogitare. Hinc panni mercator si quid exoletæ mercis habet, sub fornice obscuro vendit & mire commendat:

*Laudat venales quas vult extrudere merces.*

Caupo ut vino dubio ac pendulo gratiam conciliet, cretam miscet, sulphure corrigit, vinum sublimatum affundit, nihilominus hoc suum vinum inter optima urbis prædicat: sic alii pro thure lapides, pro cera picem vendunt, & tamen jurant merces esse sinceras. Omnia plena dolis. Quam vere dixit Tullius: In animis hominum multæ sunt latebræ & multi recessus. Quod hic anfractus & anguli, quantæ ambages! In plurimis ingenium & incessum colubrinum æmulamur, tortuosissime gradimur, dolum ex dolo adhibemus. Hanc fraudum cohæ-  
sionem Latini recte *Sutelas* vocant, nam uti sartor aut pellio tam perite vestem confuit, ut futuræ filum non pateat: sic & nos tam artificiose fallere didicimus, ut futuram abdere noverimus; Nempe dolos ut doli sint, astu colimus, non enim fallit qui præmonet. Et hoc inter artificia numeratur. Pulchre Petrarcha: Monstrantur digito, inquit, fraudum magistri, & ille prudentior judicatur, qui peritior est fallendi. Visne igitur non decipi? aut more-  
re, aut fuge hominum consortia. Sed & nunc cogita, an tu quemquam aliquando fefelleris. Estis enim fere omnes ad fallendum proni. feres autem facilius ab altero tibi fieri, alteri quod feceris. Sed vos quæ facitis aliis non sentitis, & quæ ab aliis fiunt vobis, pati non potestis, rerum omnium iniquissimi judices. Quis vivit & non decipitur?

Antonius Magnus Orbem totum laqueis obductum vidit. Cave laqueos, cave. Ec-

T 3 quis

Petrarch.  
l. 2. de  
remed.  
utrinq;  
fort. un.  
dial. 62

quis autem omnia satis caveat? Tragici consilium audi:

Seneca  
trag. in  
Thebui-  
de.

*Quoties necesse est fallere, aut falli à suis,  
Patiare potius ipse, quam facias scelus.*

Quomodo enim puras Deo preces aut gratas admovebis, lingua fallaci & dolosa? Quis hanc sui coci probet industriam, si eodem ille foco & pultes in pultario coquat, & sebum in vicina ollula eliquet, idemque prorsus cochlear jam pulmento mergat, jam sevo? quis est qui hoc tale pulmentum gustet vel ingenti fame stimulatus? Tales nos coci sumus, eadem \* tudicula, una eademque lingua jam precamur, & ferculum paramus dominico palato, mox illam ipsam mergimus doli ac fraudis sevosâ olla. Quomodo igitur preces ab hac lingua sint gratæ Deo? Quisquis ergo vult archimagirus esse tanti principis, has sordes caveat; suum cochlear, linguam suam ab omni dolo mundam conservet. Disperdet Dominus universa labia dolosa.

Pf. 11.  
v. 4.

V. Dolosa hac lingua utuntur ii subinde, quorum esset dolos coercere, uti sunt Caussidici, Iudices, Notarii. Galeacius dux Mediolanensium, cum aliquoties audisset, vasfro ingenio caussidicum esse, qui lites serere, & satas producere atque alere etiam in liquido Iure posset: hominem ad se accitum affatur: Debeo, inquit, pistori centum aureos. Non lubet solvere: tu ecquid tueri me in iure, & rem protollere potes? Annuit largiter, & principi prompte se dedit. Sed,

Monost.  
troch.

*Qui struit dolum alteri, idem ipse cum struit sibi.*

Nam Galeacius fraudis sic confessum, verbis

\* Rollesfel.



bis prius increpitum laqueo publice necari iussit. Firmum fixumque est: Dolosa labia disperdet Dominus. Siquidem dolosus fuisset artibus plerumque capitur. Audite fraudulentis, rem memoratu dignissimam.

Agebat Norimbergæ Rudolphus I. Au-  
striacus, Imperator, & rebus Imperii ac  
publicis intendebat, cum eum ad priva-  
tas leviter vertit mercator quispiam, jus &  
vindictam petens in hospitem sive diversi-  
torem ibi notum, à quo grandi pecunia  
fraudatum se dicebat: nam bona fide depo-  
suisse apud eum in sacculo ducentas ar-  
genti selibras (Marcas appellant) seu mille  
philippeos, quos ille impudenter abnega-  
bat, injuriose retinebat. Imperator de fide  
dictorum interrogat: affirmat mercator, sed  
sua fide, nec aliis (ut solet fere in deposi-  
to) argumentis. Igitur Imperator re per-  
pensa, astum adhibendum censuit, & vesti-  
giis indagandum verum. In eam rem quæ-  
rit ab homine, ille sacculus cujusmodi sit?  
Describit ille formam. Nec jam aliud Cæ-  
sar quam secedere eum in proximum cu-  
biculum, & præstolari jubet. Habebat in  
animo accusatum cauponem evocare, sed  
fortuna commodius instituit, & ultro ad  
eum venit. Nam venerunt primarii urbis ci-  
ves, ut solet, gratulatum Cæsari & saluta-  
tum; inter quos iste infidus hospes. No-  
rat adeo jam ante Cæsar, & ut comitas ejus  
erat, benigne & per facetias appellat: Heus  
tu scitum illic pileum habes, mihi dona, aut  
permutemus. Ille arrisit, pileum libens di-  
misit, & honori hoc factum duxit. Cæsar  
paullulum secedens, quasi publicum ne-  
gotium avocaret, fidum ac notum civem,  
cum illo ipso pileo ad uxorem hospi-  
tis mittit, his additis mandatis: Heus

matrona, maritus jubet ut sacculum talem ad eum mittas. opus habet ecce deferam fidei meæ hunc ejus pileum. Mulier agnoscit pileum, & sacculum quem descripserat. Itaque nihil ambigenis ascendit, tradit quasi ad maritum deferendum. At ille recta ad Cæsarem, qui mercatori ad se vocato sacculum ostendit, & : Hic ne est, inquit, num agnoscis? affirmat mercator, & exultat. Tum & hospitem Cæsar adhibet: Et hic, ait, de te queritur ac perfidiam tuam accusat: quid ais, an refellis? Ille audacter, mentiri eum dicens, aut dementem; nihil sibi rei cum eo esse aut fuisse. Denique Imperator sacculum profert, ad cujus aspectum ille turbatissimus, animo ac lingua labitur. Quid multa? mercator pecuniam, hospes infamiam recipit, atque etiam damnum, nam grandi alia insuper pecunia Cæsar eum multavit. Ita prorsus dolis suis captus est dolosus.

Ezechias rex grande quid petiit à Deo. Vitæ finem indixerat Isaïas propheta. Hic Ezechias supplicem Deo libellum porrexit, spe certa fretus aliquot vitæ annos emendaturum. Sed qua tandem arte id Deo persuasit Ezechias? Hac ipsa: Obsecro Domine, inquit, memento quæso quomodo ambulaverim coram te in veritate. Quicunque in rebus omnibus veritati studet, atque hoc unum agit, ut omnia sincere & sine dolo agat, hic ingenti animum fiducia impleat, nihilque cunctabundus speret, preces suas fore gratissimas Deo. At impostor, & dolosi oris homo, nihil hic habet sperare; clamabit & nemo audiet. Ioannes Apostolus: Majorem horum, inquit, non habeo gratiam, quam ut audiam filios meos in veritate ambulare.

Mul-

If. c.

38 v. 3

Joan.

ep. 3.

v. 4.



DE FALLACI LINGVA. 285

Multum in Virtutis gymnasio promovit,  
qui amare veritatem, omnem dolum odisse  
didicit.

*Qui dolose agit, virtute se fatetur im-  
parem.*

*Monosyll.*

*Troch.*



T 5

A. Cyg-





# G

A. Cygnorum silentium longe gratius est quam  
GARRULITAS hirundinū, quas ta-  
citurus philosophus Pythagoras digito monstrat.  
De his Vide C. 23 §. 1.

B. Anseres, quos\* Onocrotalos vocant magno silen-  
tio Taurum montem transmittunt, garrulis ho-  
minibus, in hoc genere sapientiores. Vide  
C. 23 §. 5.

\* Schneegänse.

## G

## CAPVT XXIII.

GARRULA *Lingua quibus potissimum, & quantum noceat.*

VERbum vetus est: *Æs Dodonæum*. Hoc in hominem importunæ ac improbæ loquacitatis dici consuevit. Zenodotus ex Ariphoro Menandri, in Dodona duas fuisse columnas ait, atque in una quidē positam pelvim æream, in altera pensile simulacrum pueri, flagellum æreum manu tollentis, quoties autem ventus vehementior flaverit, fieri ut scutica impulsæ crebrius lebetem feriat, isque percussus tinnitum reddat, ad multum etiam temporis resonantem. Inde homo maxime garrulus cymbalum seu tintinnabulum Dodonæum appellari solet. Siquidem fabulator si garrire incipiat, uti creberrime incipit, imo pæne nunquam desinit, longinquum loquitur; lingua illius immodica, velut pelvis ænea vento ac flagello agitata, tam prolixam exhibet loquacitatem, ut auditores dicant. Nescit hic homo dicendi finem,

Juven.  
sat. 6.

v. 439

——— *verborum tanta cadit vis;*

*Tot pariter pelves, tot tintinnabula dicas*

*Pulsari.* ———

Archelaus rex interrogatus à tonsore, quæ ratione tonderi vellet? respondit, silendo. Quam autem difficile sit multis filere, satis fatetur Garrulitas seu Vaniloquentia. Tacere garrulo, rerum omnium difficillimum. Atque de hoc linguæ vitio, de Garrulitate jam paullo uberius differemus, simul garrulitatis noxas explicaturi.

I. Gregorium Nazianzenum theologum  
Celen-



Celensius inurbanè arguit nimii silentii, & mutæ inhumanitatis, si quando inter homines ageret. Gregorius litteras Celensio scripsit in hunc modum: Hirundines olim cavillabantur cygnos: quod extra hominum consortia solitarii in aquis sibi tantum viverent. At nos, ajebant illæ, in urbibus sumus inter homines, ædificamus in domibus, fallendo tempori plurimum commodamus. Male habuit olores futilis hæc dicacitas: sed satis norant logos & fabulas optime refutari silentio; unus tamen ceteris ad dicendum promptior: O misellæ, inquit, quam vana est gloriola vestra! Nos quidem non multum, nec sæpe, sed suave canimus. Homines, ut nos ac nostram musicam audiant, egrediuntur urbibus; vestros garritus oderunt omnes, nemini non ingratae estis, tanquam avium loquacissimæ, neque enim canitis, sed inamœnis sibilis ac susurris omnium aures fatigatis, ideo recte in vos pronuntiavit Pythagoras: Hirundines ne tecto excipe. Sed & Aristoteles præcepit: Hirundines sub eodem tecto non habendas. Hæc olores hirundinibus. Ita & tu, mi Celensi, cum hirundinibus garrire poteris, quamdiu voles: ego velut olor in suo stagno, ita in museo meo cum libris meis loquor; mihi cano & Musis. Vale. Hæc Gregorii ad Celensium epistola

Omne omnino multiloquium Salomon sapientissime monens fugiendum: in multiloquio, inquit, non deerit peccatum. Qui nescit tacere, nescit loqui Soloni pæne idem evenit in convivio quod Gregorio Nazianzeno. Quæsiit audaculus: Ecquid iste sic tacet? Audiit Solon, & mox hominē responso verberans: Stultorum, inquit, nullus tacere potest. Quod divinæ pagine abūde testantur. Ad rē. Ecclesiastes: Stultus, inquit, verba multiplicat. Cū enim multis pauca dicat, obstrepens semper

Prov.

c. 10.

v. 19.

Eccles.

c. 10.

v. 14.

semper est ac nugator. Quippe quamvis flumen verborum profundat, at guttam ille mentis non habet; & multis licet humidis ac lapsantibus verbis redundet, non ideo scaturit ex pectore oratio, sed in ore nascitur. Qui autem sine sensu ac sententia loquitur, non potest non multum loqui, quia quicquid loquitur superfluum est. Argutum illud Nicostрати:

*Si continuo, & multa, celeriterque loqui  
Signum esset prudentia, tum hirundines  
Dicerentur multo sapientiores nobis.*

*Ap.  
Apol.  
Sen. e-  
pist. 40  
initio.*

Itaque inania sapientiæ pectora, velut ollæ fractæ sonant vitium, & maligne respondent. Qualem Æmiliani illius orationem traducit à Madaura philosophus; quæ rebus flaccet, strepitu viget. Qualem Romanus Sapiens, Serapionis philosophi loquacitatem describit, qui solebat magno cursu verba convolvere, plura enim veniebant, quam quibus vox una sufficeret, & dense cadebant ut nives. Omnis profecto garrulitas plurimū habet inanitatis & vani; plus sonat quam valet: voluptatem autem vix ullam habet talis verborum sine delectu ruentium strepitus. Eo autem magis, inquit Seneca, te deterreo ab isto morbo, quod non potest tibi ista res contingere aliter, quam si te pudere desierit. perfrices frontem oportet, & ipse te non audias. Multa enim inobservatus ille cursus feret quæ reprehendere velis. Non potest, inquam, tibi contingere res ista, salva verecundia. Garrulus & verecundus mixtura est rarissima. Illi solum qui frontem exuerunt, linguam solvere nullius rem piaculi ducunt: sapiens in verbis seipsum amabilem facit, gratiæ autem fatuorum effundentur. Stultus, inquit Hieronymus, cum neque præteritorum meminert, neque futura cognoscat, & ignorantia

*Ecclesi.  
c. 20.  
v. 13.*

*Hieronymus  
in Eccle-  
d. l.*



rantiaē tenebris volutetur, falsam sibi scientiam promittens, in eo doctum se putat & sapientem, si verba multiplicet. Vbi tam multum est loquentiaē, aiebant prisci, ibi plerunque sapientiaē parum est.

II. Iobus cognatorū suorum garrulitate fatigatus: Atque utinam, inquit, taceretis, ut putaremini esse sapientes. Cum garrulus Anaximenes exordium fandi faceret, Theocritus velut præco exurrexit, populo facturū audientiam: Attendite, ait, Attendite obsecro, adest \* gutta rationis, & flumē verborum. Certe aves adeo in cantum solutæ, plerunque parum obesæ; pecudes adeo clamosæ, non sunt lanigeræ.

Quando igitur nihil facilius est quam multa blaterare, & raræ artis opportune silere, Isocrates non immerito duplex mineral exegit à discipulis, unum quidem quod docuisset illos prudenter tacere, alterum vero quod à se loqui etiam didicissent. Hinc Bias juvenem immodicæ linguæ facete notans: Mi juvenis, ait, ecquis fandi magister te docuit tam copiose loqui? Isocratis scholam non videris obiisse, ille alioquin & tacere te docuisset. Plurimum fere loquuntur, qui minime sciunt loqui.

Morbus est, Diabetes, dictus. Hispaniaē præsertim non ignotus, quamvis etiam Germanos, rarissime tamē, concutiat. Hic omne cerebrum, & quicquid in corpore humidum est, colliquat & derivat in vesicam ejiciendum. Zeno ad hunc morbum alludens, cum unus aliquis in mensa impendio esset loquacior: hic, aiebat, non bene valet, ambæ illius aures defluerunt in linguam. Morbus iste fonticus & palabundus est, cum scilicet mens, ratio, cerebrum, aures in os & linguam

\* Dil gschray/ und wenig Woll.

quam defluunt. unde, qui hoc morbo corripuntur, insana loquendi libidine jactantur: nihil illis insuavius quam audire, nil promptius quam loqui.

*Morbus loquendi quem tenet, nunquam tacet.*

At certe contrarium decet, pauca loqui, & plurimum audire, unicam enim linguam assignavit natura, & geminas aures. Et quam illud est turpe tam prolixos texere sermones, ut opus sit monitore qui dicat: heus tu, satis est. Nec tamen modicæ virtutis est, ejuscemodi loquacissimos gerrones, taciturna modestia posse vincere. Narrant Aristotelem ab importunissimo fabulatore diu defatigatum, tamen siluisse. Tandem futilis ille homo interrogans: Fortassis, inquit, molestus sum tibi? Cui Aristoteles: Non certe; nam, quid diceres, non attendi. Apollonius interrogatus quinam essent optimi hominum? Respondit: qui in dicendo brevissimi. nam, plurimum facere, & minimum de se loqui, viri optimi est. Vasa vacua inæmœnum tinniunt.

*Nam.  
c. 19.  
v. 15.*

Deus olim per Mosen edixit: Vas quod non habuerit operculum, nec ligaturam desuper, immundum erit. Os hominis verbosi quid aliud esse dixeris, quam vas cui nec ligatura, nec operculum est? quid ergo miremur, si variarum sordium sit receptaculum?

*Pelag.  
libell. 4.  
n. 1.*

Narrat Pelagius è Scithi solitudine religiosos fratres ad Antonium ivisse navi, in qua & senex, qui eodem tendebat, sed in via silentium religiosissime observabat. Illi alii libere varia garriebant, neque senem præ ceteris humanissime salutans: Mi pater, ait, facundos & bonos, ut video, nactus es comites. Cui senex: *Boni sunt quidem, inquit, sed habitatio eorum non habet januam, quicumque vult, intrat stabulum, & solvit asinum.* Indicabat eos supra modum loquaces, quicquid in buccam veniret,



veniret, effutire. Apposite Salomon: Sicut *Prov.*  
 urbs patens, inquit, & absque murorum am- *c. 2 f.*  
 bitu, ita vir qui in loquendo non potest *v. ult.*  
 cohibere spiritum suum.

**III.** Ego quidem, non eo hæc dispu-  
 to, ut homini inter homines agenti severum  
 illud religiosarum ædium silentium im-  
 perem, ne is unquam nisi stato tempore  
 loquatur, hoc tamen contendo, multi-  
 loquium omni modo cavendum, tanquam  
 seminarium innumerabilium nozarum. Cer-  
 tissimum est Siracidæ oraculum: Qui mul-  
 tis utitur verbis, lædet animam suam. Non *Ecclesi.*  
 minus autem vere quam præclare mihi di- *c. 20.*  
 ctum videtur: Garrulitas & periculosa, & *v. 8.*  
 ridicula, & odiosa, & plurimum damnosa *Vide*  
 res est. *Plutarch.*  
*de Gar-*  
*rulit.*

**1.** Periculosa quidem, nam Salomone *Prov.*  
 teste, Os lubricum operatur ruinas, & *c. 26.*  
 qui inconsideratus est ad loquendum, sen- *v. ult.*  
 tiet mala. Sine periculo nil arcani com- *c. 13.*  
 mittitur garrulo, plenus rimarum est, hac *v. 3.*  
 atque illac perfluit. Garrulus simillimus  
 est puerulo, qui glaciem manu retinere  
 cupit, quia pellucida est, sed quia tam  
 lubrica est, finit illam invitis digitis ela-  
 bi. ita nugator arcanum sibi creditum  
 scit non evulgandum esse, sed quia linguam  
 in udo habet, vix audit, & effundit audi-  
 ta. Est perforata lingua cuivis garrulo.

**2.** *Ridiculum* quid Garrulitas est. Cum  
 ad verba venit, amussis alba est garru-  
 lus, quod præclarissime dixit Siracides:  
 A facie verbi parturit fatuus, tanquam *Ecclesi.*  
 gemitus partus infantis. Sagitta infixæ *c. 19.*  
 femori canis, sic verbum in ore stulti. Qui *v. 10.*  
 puerile ludicrum quærit, juglandium pu- *c. 22.*  
 tamina felis pedibus agglutinet, aut caudæ  
 bacillum alliget, & ipsam in ligneum am-  
 bulacrum immittat, hic miserum animal  
 discurret,

discurret, saliet, flebiliter clamabit, & rotabit se multiplici gyro, nec quiescet dum excutiat affixa aut illigata: sic homo loquax irrequietus linguam agit, dum quod animo concepit, ore pleno ejecerit. Sanctus Antiochus hos tales rustico confert allium obolenti. Sed apage os tam spurcum, tam foetentem animam; colloquium cum tali supplicium est.

*Ecclesi.  
c. 9.  
v. ult.*

3. *Odiosum* quid Garrulitas est. Terribilis est in civitate sua homo linguosus: & temerarius in verbo suo odibilis erit. Illud in primis odiosissimum est, quod tamen garrulo usitatissimum, aliorum sermones interpellare. Hinc illæ garrulorum voces assiduæ: Nihil dicis; ego rem omnem probe teneo: si mihi operam dare velis, intelliges. Aut: Tu ne obliviscaris, quæ dicturus eras. factum bene, quod istud in memoriam revocasti. Et: quam juvat interdum sermones mutuos serere! Aut: Pridem expectabam, an eodem mecum recideres. Ita ne respirandi quidem facultatem iis, quibuscum loquitur, concedit garrulus. Ac postquam singulos loquacitate sua enecavit, discedentes comitari vult; & domum usque deducere. Quid hoc homine odiosius? Daulia cornice linguaciore recte dixeris. Ideo monet Siracides: Qui odit loquacitatem, extinguit malitiam.

*Ecclesi.  
c. 19.  
v. 3.*

4. Garrulitas est *damnosissima*. Et quantum illud damni est quod garrulus sui ipsius sit proditor. quicquid in illo vitiosum latet, hoc linguæ intemperantis æstu in apertum ejicitur. tractant scilicet fabrilia fabri. Verissime dixit Plato, homines amore ipso fieri facundos, ad loquendum de rebus quas amant. Suidas asserit Homerum hinc epulonem, Aristotelem gulonem



lonem à Timæo judicatum, quod sæpius de epulis & gulæ illecebris locuti essent. quæcunque diligimus, hæc colloquiis miscemus, & nos ipsos prodimus. Hinc Thomas Aquinas religiosissimus non immerito judicatus, quod cum sociis de rebus duntaxat sacris & religionem spectantibus consueffet loqui. Ea de causa Siracides locuturos instruens: Omnis, inquit, enarratio *Ecclesi.* tua sit in præceptis Altissimi. Prisci A. c. 9. nachoretæ id observabant, nunquam ad colloquium progressi, nisi memorabile quid dicere haberent, quod imitatione vel certe memoria dignum esset. Vt æra tinnitu, & fictilia sono, ita verbis homo dignoscitur. Si cicadam ala prehendas, usque, & usque tinniet. E speculis, agebat Demonax, oris habitus, è colloquiis imago animi relucet, ut verissime dixerit Socrates; qualis vir, talis oratio. Vbi multum oris, plerunque parum est operis. Dives verborum, inop rerum est, ut dicere liceat. Vir est verborum, non verba viri. Semel interrogatur, & totum diem responsis ac sermonibus frangit. Quicquid venit in buccam, narrat velut historiam. At multum garrere, est multum mentiri.

IV. De garrulo Ecclesiastes planissime: *Ecclesi.* Initium, inquit, verborum ejus stultitia, & c. 10. novissimum oris illius error pessimus. Quo- v. 13. ties verbum leviter editum omnem dissuit amicitia? Ante annos non multos vile conviciolum inter Danos & Suecos, quantas tragœdias excitavit? è favilla natum incendiū. Loquacitatis finis infortunium est. Cognatus Iobi nō male ratiocinatus: Nunquid, ait, qui *Iob.* multa loquitur, non & audiet? aut vir verbo- c. 11. sus justificabitur? Vbi copia verborum, illic v. 2. indigentia rationis: ubi tam multum pallearum,

learum, ibi plerunque parum frumenti. Rarissime idem & verbis & factis valet. Evagrius loquaces amygdalo confert, quæ omnium fere arborum prima floret, sed præpropera hæc celeritas nebulis ac pruinis misere plectitur: ita garrulus licet aliis non incommodet, sibi tamen semper plurimum nocet. Labia insipientis præcipitabunt eum, dixit Ecclesiastes. Veritas in multiloquio adeo periclitatur, ut ne quidem, si vera dicant, credatur loquacibus. Et quemadmodum hypocaustum etsi liberaliter calefactum, frigeat, si toties pandatur ostium: ita quicquid boni spiritus, quicquid optimi caloris diu collectum est, id omne una garrulitas effundit. Et quid probi sensus invenias in eo homine, qui pica, turture, luscinia loquacior, qui Dodonæum æs superat? istud enim admoto à ventis flagello resonat, aere tranquillo silet; atqui huius linguam nihil potest compescere, non bruma, non æstas, non ventus, non serenitas.

*Math.* Vere nequit loqui, tacere qui nequit. Et nunquid colligunt de spinis uvas, aut de tribulis ficus? Non pendent poma in silvestribus dumis, nec spineta sentesque utili aliqua fruge complentur: sic melioris vitæ documenta non à garrulo expectes, sed scommata, querelas, irrisiones, obrectationes, & hoc genus acerbissimos racemos. Verissimum: In multiloquio non deerit peccatum, & quod sequitur, multiplex damnum. Quoties hæc sermonis aviditas verba paucula extrusit, quæ nulla unquam poenitentia satis diluere potuit? Dolent illi quidem hæc aut hæc à se dicta, nunquid etiam statim emendant dictorum damna? Aviculam, mi garrule, manu misisti, nulla eam fistulæ suavitare retrahes; semel emissum volat irrevocabile verbum: viam voces non relegunt.



relegunt, nisi forte, quod multis accidit, per  
jugulum redituræ. Idcirco sint pauci ser- *Eccles.*  
mones tui, nam, in multis sermonibus inve- *c. 5.*  
nietur stultitia. *v. 1.*

V. Insigniter Augustinus in medium *Aug.*  
consulens: Linguam domabis, inquit, si *de verb*  
vigilabis, vigilabis si timebis, timebis si te *Dom.*  
Christianum esse cognoveris. Restin- *serm.*  
guenda est favilla ne fiat flamma; surcu- *28.*  
lus recidendus, ne crescat in silvam; gut-  
ta siccanda, ne tumescat in fontem. Ea  
de causa Palæstinus rex David, Numini *ps. 140*  
supplex: Pone, inquit, Domine custodiam *v. 3.*  
ori meo, & circumstantiam labiis meis.  
Scio Domine; solertissime linguam natu-  
ra muniit, \* ossea cataracta porta inclusit,  
valvis coercuit: hæc tamen omnia frustra  
sunt, nisi tu Domine apposueris tuas excu-  
bias. Ergo pone custodiam ori meo. no-  
que solum custodiam, nam in bello mili-  
tes etiam aggerem jaciunt, & vallo se de-  
fendunt, ideo petit & ostium circumstantiæ;  
geminum sancti Spiritus donum postulat,  
illud consilii, istud fortitudinis est. Consi-  
lium docet, quid, quando, & quomodo lo-  
quendum, aut tacendum sit; fortitudo ani-  
mat ad loquendum quod decet. Nec opem  
solum à Deo David petiit, sed ipse cum ani-  
mo suo sic statutum habuit: Dixi, Custodiam  
vias meas, ut non delinquam in lin- *Ps 38.*  
gua mea. *v. 1.*

Res hic memoratu digna in mentem est.  
Ajunt ad Pambonem Ægyptium eremitam *Hist.*  
venisse virum eruditum, qui hoc Pamboni *Tripart*  
persuaserit, ut morum sanctitati litteras etiã *l. 8.*  
jungeret. Initium ergo sumptum à psalmo *c. 1. &*  
trigesimo octavo. Dixi, Custodiam vias *ex ea*  
meas *Maru-*  
lus l. 4. *v. 3.*

\* Mit ainem baininen Schuß- *c. 6.*  
gatter.

*Jacobi*  
c. 1.  
w. 12.

*Prov.*  
c. 13.  
v. 3.  
*Pelag.*  
*libell.* 4  
w. 7.

*Aelian*  
l. 5. de.  
*animal.*  
c. 29.

meas, ut non delinquam in lingua mea. Atque ubi versus primus fuisset explicatus: Satis est, aiebat Pambo, postquā hoc calluero, plus discam. Diu post rediit doctor, quæsiitque: & cur non pergeret, alteramque posceret à prælectore præceptionem? Cui Pambo: Primam, inquit, nondum perdidici quo minus autem progrediar, Apostoli præceptum retinet jubentis: Estote factores verbi, & nō auditores tantum. Post annos complures à quopiam suorum familiarium rogatus, an primum illum psalmi versum didicisset. Respondit: quadraginta novem annis hunc versum discere conatus, vix demum exactiorem illius notitiam affecutus sum. Eandem hanc prælectionem Agathon abbas condiscere volebat, sed conatu ac sumptu majore, quam Demosthenes suam illam caninam litteram. Legerat Agathon illud Salomonis: Qui custodit os suum, custodit animam suā. Triennio igitur silicem ore circumtulit, ut vel hac ratione taciturnitatem cogeretur discere. Neque hoc adeo in homine admirandum; ab animantibus id discimus. Anteres, uti Ælianus commemorat, Taurum montem transmissuri, lapidem mordicus tenent singuli, ut ne clangorem fundant, idque Aquilarum metu faciunt. ita silentii frenos sibi met injicientes montem transvolant, suppressaque omni clangoris significatione, Aquilas persæpe fallunt. Cacodæmon rapacissimus vultur, noctes atque dies nobis insidiatur, tum maxime noxius, cum nos minime taciturni. Quin ergo lapillis os obstruimus, duobus præcipue, *Timore Dei, & Proposito firmo.* Quisque sibi dicat: Dixi, custodiam vias meas, ut non delinquam in lingua mea: divinis oculis omnia cernentibus, divinis auribus nihil non audientibus undique sum expositus, spector & audior ubique.

Philoso-



DE GARRVLA LIN. 299

Philosophiæ præceptum est: Sic loquen-  
 dum esse cum hominibus, tanquam Dii au-  
 diant; sic cum Diis, tanquam audiant homi-  
 nes. Monitum hoc Apostolorum princeps  
 confirmans: Siquis, inquit, loquitur quasi ser-  
 mones Dei. Ita mens custodita erit, si prius  
 fuerit lingua. Gregorius hæc omnia consi-  
 gnans: Dum, inquit, quisque per verba dif-  
 fluit, perdita gravitate silentii, mentis cu-  
 stodiam amittit. Vir linguosus non dirige-  
 tur in terra.

Macro-  
 b. l. 1. Sa-  
 turn.  
 Seneca.  
 epist. 10  
 fine.  
 1. Per.  
 c. 4.  
 v. 11.  
 Greg.  
 l. 10.  
 mor.  
 c. 2.  
 ps. 139  
 v. 12.







# H

A. **HYPOCRITICAM** Linguam graphice representat Absalon juvenis regius, qui fratrem suum Amnonem per aulicas delitias à fronte humanissime salutat; sed à tergo clavam echinatham occultat cum occasione promendam. Vide Cap. 24. §. 4. fine.

B. Linguam **HYPERBOLICAM** & dicta nimium exaggerantem, elephas designat, qui tabellam in eaque depictam muscam praefert. Elephantem ex musca, tantum è tantilla sapissime creamus loquendo. Vide Cap. 24. §. 1.

## H

## CAPVT XXIV.

HYPERBOLICA & HYPOCRITICA *Lingua, quomodo utraque noscenda & fugienda.*

**M**irum, nuspiam divinas litteras mentionē facere, de ullo damnatorum ad inferos, qui questus esset qua parte magis torqueretur: solus epulo, interfecto Lazari, linguæ cruciatus lamentatur: Membris omnibus ardet, & soli linguæ frigidarium rogat. Si ergo tantum linguæ supplicium in rogis illis nunquam sopiendis, cur non maximam linguæ curam gerimus, dum vita superest? Mors & vita in manibus linguæ. *Prov. c. 18. v. 21.* Idcirco vitam appetere, & linguam negligere, est operam ludere. De Lingua G A R R V L A superiore dissertatione actum: sequuntur HYPERBOLICA & HYPOCRITICA: qua ratione hæ geminæ linguæ sint dignoscendæ, qua porro fugiendæ, hoc capite exponemus.

I. Apud Laconum regem Agefilaum, laudatus quispiam est ab eo artificio, quod minima quæque mirum in modum exaggerare nosset, & muscam ad elephantum magnitudinem extollere. At ego, inquit Agefilaus, nec sutorem quidem laudaverim qui parvo pedi magnum calceum induceret.

Hyperbole, Rhetoribus ementiens superjectio dicitur, quod rem parvam ampliet & attollat. Seneca: Omnis hyperbole, inquit, extenditur, ut ad verum mendacio veniat: Itaque qui dixit:

*Qui candore nives anteirent, cursibus auras.*  
Quod non poterat fieri, dixit: ut crederetur quantum plurimum posset. Et qui dixit,

*His*



DE HYPERB. & HYPOC. LIN. 303

*His immobilior scopulis, violentior amne:*

Ne hoc quidem persuasurum putavit, aliquem tam immobilem esse, quam scopulum. Nunquam tantum sperat hyperbola quantum audet: sed incredibilia affirmat, ut ad credibilia perveniat. Itaque iste loquendi modus rem plus æquo exaggerat. Atqui hic (cum Hieronymo loquor) nemo non Rhetoricatur. Hyperbolen sermoni millies miscemus, & tamen sæpe Rhetoras nos esse negamus. Tam alte nobis infidet hoc linguæ vitium, ut vix tria verba fari sciamus, quin magna lingua rem altero tanto majorem faciamus, aut augendo nimium, aut deprimendo. Hinc frequentissime fama spargitur, quæ eundo crescit: quilibet auditorum addit auditis. Primus, quinquaginta in acie cæsos dixerit: alter centenos, & aliquot: Tertius ducentos: Trecentos quartus. Brevi mille occisorum narrantur:

*Fama malum quo non aliud velocius ullum*

*Mobilitate viget, vires acquirit eundo.*

*Virg.*

*l. 4.*

*Æneid.*

Quotidianus hic lusus est: nova semper somnia, & recentes fabulæ sparguntur. Vidi decem lupos, ait iste; istum mox sequitur qui dicat: visos esse viginti. brevi fama percrebrescit, esse hominem qui viderit lupos simul triginta. Neque hic sistit lingua hyperbolica, è decem lupis quos primus confinxit, paullatim quinquaginta, septuaginta, nonaginta, centum producit exaggerando. Tandem unum lupum fuisse visum comperitur, aut simile quid lupo. Pari modo è culice creberrime producimus elephantum, formidandam belluam ex alato vermiculo.

Indicos tauros ajunt linguas habere tam longas, ut eas ad aures usque exerant. Linguæ hyperbolicæ ad aurium viciniâ excurrunt, quicquid enim ab auribus admittitur, ab his linguis iterum venditur amplo fenore.

Sanctus

*Ribade*  
*l. 5. de*  
*illo c. 6.*

Sanctus Ignatius magnæ familiæ religio-  
 sissimus parens, linguæ non vim maiorem  
 quam moderationem ostendit. In laudando  
 parcus, in vituperando fuit parcissimus.  
 Exaggerationes ejuscemodi, atque hyperbo-  
 las sic exosus est, ut neminem facile aut avari-  
 ssimum, aut pigerrimum, aut superbissi-  
 mum appellare auditus sit. Certe amplifi-  
 cationes istæ mendacio admodum sunt af-  
 fines. Ecquid quæso te, mi homo, sic mini-  
 ma quævis amplificas, quid depressa sic  
 extollis, minuta sic auges, & rebus for-  
 mam concilias, qua si carerent, pulchriores  
 essent, quid verbis pondus adjicis tam inde-  
 corum? nunquid ut muscam eneces, gladius à  
 pariete detrahendus; aut ut ovum aperias, se-  
 curi armanda est manus?

*Dent.*  
*c. 1.*  
*v. 28.*

Miserat Moses qui uberes illas terras, cer-  
 ta oculorum fide explorarent. At illi redie-  
 runt, & linguas hyperbolicas retulerunt.  
 Nam omnia in majus efferentes: Maxima,  
 inquit, multitudo est, & nobis statura  
 procerior: urbes magnæ & ad cælum usque  
 munitæ; filios Enacim vidimus ibi. An non  
 hoc exaggerare est, & ædificiorum moles  
 cælo certantes commemorare, ingenti sed  
 vana consternatione animorum?

*Iosue*  
*c. 22.*  
*v. 10.*  
*c. 16.*

Non multum ab his abierunt alii ex ea-  
 dem gente magniloqui declamatores. Ingens  
 fuerat dissidium excitatum inter Israelis fa-  
 milias. Venerant autem nuntii hyperbolicis  
 linguis instructi, dixerantque: Rubenitæ &  
 Gaditæ ædificaverunt juxta Iordanem alta-  
 re *infinita magnitudinis*. His auditis Israelitæ  
 miserunt legatos qui dicerent: Hæc mandat  
 omnis populus Domini, Quæ e ista tstrans-  
 gressio? Cur reliquistis Dominum Deum Is-  
 rael, ædificantes altare sacrilegum, & à cul-  
 tu illius recedentes? At illi legatis responde-  
 runt, optimo à se animo id factum, malevo-  
 lis



DE HYPERB. & HYPOC. LIN. 305

his sinistre id interpretantibus fidem non habendam, nec tam facile credendum plus æquo rem exaggerantibus. Ita legatis & Israelis majoribus satisfactum.

Idcirco qui veritati studet, exaggerationes omittat, hyperbolas caveat, suo rem pretio efferat: non convenit comoediæ cothurnus, nec tragœdiæ foccus: tenuia tenuiter, grandia grandius efferenda; sua rebus sit auctoritas, parvis parva, magna magnis. Proximus mendacio est, qui augere rem solet, aut imminuere. Sed linguam hypocriticam consideremus.

I I. De Hypocrisi nullus hic dicendi locus, nisi qua linguam illa insidet. Alii hic copiosi sint & verborum abundantes, ego strictius rem persequar, neque enim de omni fictione vel simulatione, sed ea tantum discernendum, quæ aliud pectore clausum, aliud ore promptum habet, turpissima oris & cordis dissensione. Enimvero mentis ac linguæ perennem concordiam, dic quibus in terris reperire sit? Ubique fucus, ubique mimus est; sincera fides vix usquam. O vita fallax, quâ abditos sensus geris, quos lingua tegis compositissima!

Sanctus Maximus clarissimus martyr, linguæ hypocriticæ sobolē præclare dipinxit: Est odium, inquit, amicitiae habitu velatum, est invidia dilectionis stylum imitans, est justitiæ simulatio, quæ sola conservatur apparentia, quæ astute mores colorat, & pravam animi affectionem tegit apparente pietatis habitu. Sapiens Hebræus: Simulator, Prov. inquit, ore decipit amicum suum. Lingua c. 11. dicit: Tuam vicem, mi frater doleo. Mens v. 9. cogitat: Doleo & ego, sed hoc unum, quod damnum tuum, quam velim, levius sit. Sic alter alterius miseras dessemus, sed siccis oculis, sed ridente pectore: præsentem in os laudamus,

S. Max  
Cent. 3.  
Oecon.  
c. 67.  
68.

laudamus, absentem laceramus dentibus: coram dicta factaque probamus, improbamus ubi absis tanquam si quis altera manu sudorem detergat, altera vulnus imprimat; altera demulceat, venenet altera. Ita fallacibus blanditiis, osculis, amplexibus odia velari didicimus: omnem oris varietatem induimus, ut quam suavissime fallamus. Iobus id observans: Cum dulce, inquit, fuerit in ore ejus malum, abscondet illud sub lingua sua. Silet crabro, dum infidet flori; cum avolat, inamœnum murmurat: Sic lingua hypocritica, dum mellis aliquid affunditur, aut tacet, aut fiste loquitur; tum demum agresti & barbaro fremitu tumultuatur, cum procul est à melle & flore.

Laban abeuntem Iacobum generum velut fugitivum insecutus, in monte Galaad comprehendit, &: Cur, inquit, ignorante me fugere voluisti, nec indicare mihi, ut prosequer te cum gaudio, & canticis, & tympanis, & citharis? O linguam hypocrisis plenissimam!

*Ter peccat qui se bonum illi simulat, cui facit male.*

Itane, mi Laban, sororis tuæ filium tantis tripudiis deducere volebas, & fidibus prosequi? uti canes, credo, è culina solemus. certe superioribus annis alium te avunculum gerebas, quam modo jactes. Dicitis, ô boni, & non facitis. Hoc vultu, hac voce Ioabus Amasam salutavit, interea latus pugione perhausit. Hoc ore Iscariotes in Oliveto magistrum compellavit, Ave Rabbi, Ave Mariæ fili; ego etiam inter discipulos tuos censeor, cur non æque atque alii ad comprecationem assumor? Nequissime mortalium, altera panem, altera scorpionem fers: *Mulces cum* ps. 54. *Mordeas.* Vere moliti sunt sermones tui su- w. 24. *per oleum, & ipsi sunt jacula.* Ita loqui consueverunt



DE HYPERB. & HYPOC. LIN. 307

fuerunt amici labiorum, hostes animorum; oblectant aures, vulnerant mentes: ita cicônix sublimē quidem volant, sed rostro serpentē ferunt: ita illi à fronte mulcent à tergo viperant. Vultures sunt, qui creduntur esse Aquilæ. Talis ad amussim fuit Herodes Ascalonita qui Aristobulum, conjugis suæ Mariamnes fratrem, Pontificē declaratum convivio peracto in opportunum locum magna comitate pertraxit, ostenditque se paratū in ejus gratiam juveniliter colludere. Cumque loci ejus natura esset æstuosior, cito defessi relicto lusu, magnis piscinis, quæ ibi circa aulā erant, imminentes frigus captabant, meridiano tempore, ac primū spectabant natantes quosdam è sociis & famulis: deinde postquam provocante Herode adolescens quoque eis se miscuit, quidam amicorum, quibus hoc datum erat negotium, deprimentes eum natantem, & quasi per lulum ac petulantiam mergentes, non prius destiterunt quam omnino aqua præfocatus esset. Hic fuit Aristobuli exitus, anno ætatis decimo octavo, Pontificatus primo. Hæc fuit Herodis facinorosissimi lingua hypocritica, qua miserum juvenem veluti collusor pellexit ad tam funestam tragœdiam.

Hypocritica hæc lingua omnibus largiter benedicit, optimeque precatur cum auditur, sed clam execrationes pessimas præmittit. Est instar spiculi, quod ut magis penetret, pinnulis pictis ad volatum instruitur. Est instar apiculæ quæ mel ostentat, sed non procul abest aculeus. Hæc lingua novit omnia vafre artificioseque construere, scit verba ambiguo & perplexo sensu jacere, ita ut in omnem partem facile torqueri possint; omnes Rhetorū tropos, omnes Dialecticorum æquivocationes & amphibologias callet. Hinc illa Machiavelli præceptio: Vitam  
igitur

igitur tueatur princeps, curetque imperium  
*Machia* conservare: quibus autem id fiat rationibus,  
*vell.* eæ modo honesti speciem præ se ferant, nū-  
*de* quam non honore dignæ laudibusque existi-  
*principe* mabantur. Hinc illud Manichæorū: Iura, per-  
*c. 18.* jura, secretum prodere noli. Hinc illud poli-  
*circa st-* tiorum: Iuravi lingua, mentem injuratam  
*nem.* gero. De his universe pronuntiavit Salomon:  
*Prov.* Profert mendacia versipellis. Vox quidem,  
*c. 14.* vox Iacob est: sed manus, manus sunt Esau.  
*v. 25.* Olor plumis quidē candicat, sed carnem ha-  
*Gen.* bet nigrā duramque. Lingua hæc veluti cy-  
*c. 27.* gnus plumulas ostendit mollissimas, & qui-  
*v. 22.* bus nihil possit esse pictius, at later animus  
 fuligine politica infectus. In hos æquissima  
 indignatione cōmotus Siracides: Qui sophi-  
*Ecclesi.* stice loquitur, inquit, odibilis est; in omni re  
*c. 47.* defraudabitur, nō enim est illi data à Domino  
*v. 33.* gratia, omni enim sapientia defraudatus est.

**III.** Drogo Hostiensis præsul: Quor  
*Drogo.* sunt hodie, inquit, qui dicunt; nos sumus de  
*v. 1. de* domo Christi, nos sumus de domo Eccle-  
*sacramē* siæ? Et sunt de domo Caiphæ, hoc est hypo-  
*to dom.* crisis: quod Petrus negando, hoc illi faciunt  
*passio-* affirmando. Guilielmus Peraldus: Hi sunt,  
*nis.* inquit, simiæ diaboli, qui filios Dei æmula-  
*Perald.* ri norunt loquendo. Audias hos etiam de  
*rom. 2.* Deo, deque virtutibus differentes. Si verba  
*Sūma* spectes, pæne angelos credas: cum ad rem  
*Vrt. &* venit, vix homines sunt. Non male mer-  
*Wit. de* catores eos dixeris, qui colubrinas exuvias  
*sup.* vendunt, verba fundunt nitidissima, sed qui-  
*c. 40.* bus nihil subest pectoris. Populus hic labiis  
 me honorat, cor autem eorum longe est à  
*Marci* me. Frequenter sola labra & frons amicū  
*c. 7 v. 6* loquuntur, intus æstuant odia; imo amicū  
 labia mentiuntur, pectus claudit hostilia.

**Iobus** feralem in hos sententiam pro-  
*Iob* nuntians: Non veniet in conspectu ejus, in-  
*c. 13.* quit, omnis hypocrita, quacunque is ratione.



DE HYPERB. & HYPOC. LIN. 309

seu factis seu verbis hypocrisin exercent: seu manui seu linguæ infideat hypocrisis, à Dei cōspectu excludetur æternū. Et cur obsecro? Quia hi tales picti locutores (sic appellē) oculos solū auresq; hominū attendunt, cælestes & aures & oculos negligunt; imo eos fallerent, si possent. Deus per regium vatem amatissime pollicitus: Firmabo, inquit, super te oculos meos. Perinde si dixisset: Non auferam oculos meos à te, quia tu assidue levas oculos tuos ad me. Quisquis non in omnibus factis dictisque oculos suos tanquam in Dei vultu defixos habet, humanis oculis facile glaucoma objiciet, illud secum semper reputans: Nemini oculi in cordis mei recessus se penetrabunt; bona verba danda sunt vel pessimis hominibus. quid cogitem, illi nunquam assequuntur; imperium in cogitationes meas meum est; hīc mihi nemo obstreperat.

*Pf. 37.  
v. 8.*

Ejusmodi homines nec rationem admittunt, nec institutionē; linguas habent pæne insanabiles. Nescitur quā in eis diabolus suaviter meridietur, nam, ut Iobus loquitur, sub umbra dormit in secreto calami, & in locis humētibus. Neque hic facile quies illius turbatur. Spiritus enim sanctus disciplinæ effugiet fictū. Sensim sine sensu hoc peccati genus enecat, nec in suspicionē veniētati nocu-  
menti. Argue tales & audies quā facunde illi se purgare norint, & culpā in alios vertere.

*Iob.  
c. 40.  
v. 16.  
Sap. c. 8  
v. 5.*

IV. Annales Iudicū de hostibus Hebræorum hæc memorant: Fuitque Dominus cum Iuda, & montana possedit: nec potuit delere habitatores vallis, quia falcatis curribus abundabant. Currus falcatus formidandum bellimachinamentum, obvia quæque discindit, omnem aciei ordinem solvit. Habitatores vallis sunt hi fucati locutuleji, quorum lingua velut falcatus currus ubique perrumpit, adversantia quævis disjicit, quaquam viam

*Iudic.  
c. 1.  
v. 19.*

X

rapit.

*Matth.*  
*c. 23.*  
*v. 15.*

rapit, evolat & evadit ! Ideo Christus toties in diviniſſimis ſuis concionibus: Væ, inquit, vobis ſcribæ & Pharifæi hypocritæ, quia clauditis regnum cælorū ante homines. vos non intratis, nec introeuntes finitis intrare. Vobis alba lingua, mens atra. Sed nunquid nō melius eſt, ſolum intus malum hærere, quā intus & foris ? cur ergo Chriſtus hanc piſtā linguā toties reprehendit ? Hieronymi dictū eſt: Simulata æquitas, nō eſt æquitas, ſed duplex iniquitas. Nil ineſt boni, quāvis ineſſe videatur tam corruptæ linguæ; & frequenter plus nocere poteſt amicus tam fraudulentè tectus, quā apertus hoſtis. quid enim ab illo larvato nequam aliud audias, quam, Ego patronus ſum tuus, & ero dum ſuperero; me ſemper faventiſſimum experieris, nec eſt quod malim quam tibi prodeſſe. Hic niger eſt, hunc tu Romane caveto, hæc talia è plauſtro ſpargit lingua hypocritica.

Anaſtaſius Manichæus (uti Zonaras memorat) cum animadverteret ſibi Orientis imperium negari ob hæreſeos de ſe ſuſpicionem, Euphemio Conſtantinopolitano Patriarcha obſiſtente, hypocriticam linguam ſubſidio ſibi futurā ratus, Catholica ſacra & voce & ſcripto āplexus eſt, ut Imperator eſſet. Fuit, ſed peſſimus; primum enim erat Euphemiū virum integerrimum ſede pellere, Macedonium ſucceſſorem, eadem non diu poſt amovere, dum Timotheum reperit, hominē ſui oris & ſenſus. Et tamen Anaſtaſius ſupra viginti quinque ānos imperavit. Hæc æqua ſūt iudicia Dei permittentis, qui regnare facit hominem hypocritā propter peccata populi.

*Iob. 34.*  
*v. 30.*

Ecebolius ſophiſta, Iuliani apoſtatæ præceptor, linguam habuit ad omnem hypocriſin erudiſſimam, velut plicatile cochlear, omni loco uſurpandam. hinc Ecebolius ſub Conſtantio Imperatore Arrianus, ſub Iulia-



DE HYPERB. & HYPOC. LIN. 311

no paganus, sub Ioviniano Catholicus. verbo, verissimus Chamæleō, illius panni colorem assumpsit, quem insedit. Sed omnium tallium verissima effigies improbissimus Absalon, quem in omnium malorum voraginem præcipitavit hypocritica hæc lingua. Narrât Regū fasti, quantis simulationibus ambitiosissimus hic juvenis sui parentis aulam infamarit, Nā, Mane consurgens Absalon, stabat juxta introitum portę in via, & omnem virum qui habebat negotiū, ut veniret ad regis judicium, vocabat Absalon ad se. En regius hic juvenis velut janitor adventores excipiens, & blandissime salutans, de qua civitate adessent, quæsit; & ubi cujusque negotii rationem humanissimis sermonibus fuisset expiscatus, subjungebat eadē comitate: Videntur mihi sermones tui boni & justī, sed non est qui te audiat constitutus à rege. Et velut justitiæ amantissimus: Quis, inquit, me con-

2. Reg. c. 15.  
omnes qui habent negotium, & juste judicē? *adv. 2.*  
Sed & cum accederet eum homo, ut saluta- *ad. 6.*  
ret illum, extendebat manū suam, & apprehendens osculabatur eum. En, quam simulate omnia & fictel En, quā seiverit Absalon, intrus esse Nero, foris Cato. Sed tulit picta hæc lingua suppliciū non pictum. Absalō medius inter cælū terramq; miserabilissime pependit. tot implexus laqueis, quot fere capillos ferebat capite; tribus insuper confossus lanceis, ut quem & cælū & terra respueret, triplici dignum morte. Ita tandem Deus in hæc piacula linguarū animadvertit, quādoque sera, sed seria ac severa castigatione. Sapiamus alienis damnis. Illud Iobi repeto: Nō veniet in conspectu ejus omnis hypocrita. Cū ergo loquimur, det lingua præcundi honorē cordi, ita ut quod hoc cogitat, illa proferat.

*Vita que pari cū verbis ambulat gradu, adproba est.*





# I

A. IMPRUDENTEM *Linguā navi oneraria conferimus cui deest nauticus explorator. Vide Cap. 25. §. 1. initio.*

B. Nequissimus hic puer qui poma venalia custodit, IMPORTUNAM, IRREVERENTEM, IMPRECANTEM & IVRANTEM *Linguam simul exercere novit nobili compendio. IMPORTUNAM; transeuntium enim plerosque impertune allatrat: cum autem humanissimus est, ad emendū invitat. IRREVERENTEM ostendit manus mobilis auriculas asini albas imitata. IMPRECANTEM exerit, cum emere nolunt quos appellavit, tunc enim & pestem & patibulum; omnes diras, diabolos omnes imprecatur. IVRANTEM promit cum Iovem lapidem jurat, tanti licere sibi poma vendere, & non minyis. Vide Cap. 26. & sequentia*

## CAPVT XXV.

*Quantum Lingua IMPRVDENS, IMPORTVNA, IRREVERENS incommodent.*

**S**I cui inter priscos nobile fuisset ingenium, & vultus deformis, dicere solebant: Animus illius male habitat. Hoc dicto Æsopus præcipue notabatur, qui sapientum plurimos superabat ingenii acumine, sed quia omnis in eum deformitas confluisse videbatur, mens ejus in foeda domo habitare dicebatur. Hic ipse à cena domum rediens, canem allatrantem sic allocutus est: O canis, canis, si hac pessima lingua frumentum tibi emeris, mihi supra canem sapere videris: sed quia hac ipsa non nisi fustuarium mereris, mihi aliud non es, quam impudens & imprudens canis.

Alphabetum Romanum post flatilem illum characterem H. de quo supra, litteram Longam proponit, in qua plures numerantur vitiosæ linguæ: inter has agmen ducunt *Imprudens, Importuna, Irreverens* Lingua, quas latranibus catellis recte comparaveris, qui hoc unum efficiunt, ut cum aliter tranquillari nequeunt, fustibus & lapidibus in eos agatur. Proderit ergo scire, qua ratione horum catellorum latratus ad silentium, componendi. Igitur jam de Imprudente, Importuna, Irreverente lingua differemus.

I. Lingua *Imprudens* non male confertur navi onerariæ, quæ adverso flumine trahitur, cui tamen nauticus \* explorator deest; hæc mille periculis obicitur. Si desit linguæ

\* *Wagenhals.*



DE IMPRUDENTE LIN. 315

linguæ Timor Dei, qui velut vias præten-  
tet, in vada & scopulos millies impinget, ut  
verissime dixerit Siracides: Labia insipientis *Eccli.*  
præcipitabunt eum. Lingua Imprudens & *c. 10.*  
incircumspecta, illas Ecclesiastæ leges una *v. 12.*  
litura expungit. Legem tulit Ecclesiastes  
istam: Omnia tempus habent; Tempus ta-  
cendi, & tempus loquendi. At linguæ Im-  
prudenti semper est tempus loquendi. Hinc  
errores innumeri. Si quis ergo in nume-  
rum velit referre, quoties hæc excors & te-  
meraria lingua cespitet, offendat, aberret,  
corruat, idem sibi operæ sumet, ac si trans-  
volantes superne aves numerare nitatur?  
Hoc tamen commodi habet hæc lingua,  
quod ea, si nota sit, plerunque parum fidei  
habeat, non nisi apud sui similes chara.

Vt ergo hoc malum è facie noscatur, Im-  
prudentis linguæ insignia hæc sunt: Nullam  
in dicendo, loci, personarum, temporis ratio-  
nem habere; priusquam interrogeris vel  
audias, respondere; loquentem alium teme-  
re interpellare; proferendum sermonem ni-  
hil examinare; obvia quævis narrare; aut  
omnibus obviis, quicquid occurrerit, com-  
memorare; nulli loquendo cedere; in omni-  
bus controversiis uni sibi victoriam depof-  
cere; decorum, quod sermonis regula est, pe-  
nitus non curare; nihil meditate dicere. Hæc  
linguæ Imprudentis signa non fallacia.  
Quod si hæc lingua magnæ sit auctoritatis,  
& necdum in vulgus nota, plurimum potest  
obesse: exemplo rem demonstramus. Quis  
ævo Hieremiæ prophetæ Hierosolymis san-  
ctior Hieremia? quis interitum populi ube-  
rioribus lacrimis deflevit quam Hieremias?  
& tamen unica magni nominis lingua hunc  
ipsum sanctissimum vatem tanquam urbis  
proditorem apud omnes proclamavit. Cum  
enim Chaldæi Hierosolyma obsidione cin-

*Hierem**e. 37.**v. 11.**et seq.*

xissent, & Hieremias expugnationem urbis palam prædixisset, nec tamen ulli civium ad frugem bonam se reciperent, vates in agrum Benjamin exiit, & quidem eo tempore quo civium transitus nondum erat prohibitus. Hieremiam exeuntem è porta observavit Ierias, & mox in virum sanctissimum irruens: Tu, inquit, ad Chaldæos profugis. Paraverat vates abitus sui causã reddere, at ille surdis auribus, quicquid diceretur, exclusit, & mox vinctum ad urbis principes pertraxit, velut transfugã & proditorem. Tantum valuit unius linguæ auctoritas, ut sanctissimus vates (quem antea summi, imi adorabant, quem omnes appellabant his vocibus: Ora pro nobis Dominum) non tantum sanctitatis opinionem amiserit, sed ob unicam inconsideratam linguam pejus habitus quam pessimus proditor, colaphis percussus, flagellis cæsus, in carcerem detrusus. Lingua Ieriæ pluribus se vitiis laborare ostendit, & tamen causam suam evicit. Et omnes crediderunt illi. Tanti est vel unica Imprudens lingua.

*Joan.**e. 11.**v. 50.**et 53.*

Ioãnis Baptistæ auctoritas apud cives Hierosolymæos summa fuit, ita ut si unus ille annuisset, in Messiam receptus fuisset, & tamen omnes Baptistæ conciones tantam Christo dignitatem conciliare non poterant, quin eam apud suos improbissimus Caiphas elideret unico hoc dicto: Vos nescitis quidquam, nec cogitatis, quia expedit nobis, ut unus moriatur homo pro populo, & non tota gens pereat. Ab illo ergo die cogitaverunt, ut eum interficerent.

Nabal, ille stultorum facile princeps, qui tamen in rem suam non adeo stulte sapiebat, quam Imprudentis fuit linguæ? Cum enim David penuria compulsus sibi suoque militi commeatus aliquid humanissime petiisset,



tiisset, imprudentissimus Nabal vociferari: *1. Reg.*  
 Quis est David? & quis est filius Isai? hodie *c. 25.*  
 increverunt servi, qui fugiunt dominos *v. 10.*  
 suos. Tollam ergo panes meos, & aquas *& 11.*  
 meas, & carnes pecorum quæ occidi tonso-  
 ribus meis, & dabo viris quos nescio unde  
 sint? Hæ voces per jugulum Nabali rediis-  
 sent, imo omnem illius familiam ad inter-  
 necionem delevissent, ni Abigail Nabalis  
 conjux ortum hoc incendium prudentia  
 sua extinxisset, mox enim cum liberalissimo  
 com meatu ad volans Abigail, & Davidi sup-  
 plex ad genua accidens: Ne ponat oro, in- *Ibid.*  
 quit, dominus meus rex cor suum, super *v. 25.*  
 virum istum iniquum Nabal: quoniam se-  
 cundum nomen suum stultus est, & stulti-  
 tia est cum eo. vocem prudentem & sanam  
 ab eo nemo expectaverit; jam notus est;  
 & quamvis intus sibi canat, stulte tamen  
 omnia & incaute agit, hinc tam fatuas voces  
 extrudit cum à se exit. Sit ergo venia tam  
 barbaræ insanix. Omnia quæ peroravit, pru-  
 dentissime persuasit, & mariti linguam  
 imprudentissimam correxit tam liberali  
 consilio

I I. In propugnaculis, portæ non prius  
 referantur, quam oculi in omnem partem  
 emissi tuta omnia pronuntient. Imprudens  
 lingua hujus moris negligentissima, rationi  
 tantum temporis non permittit, dum illa  
 circumspiciat, num sermonis ostium tuto  
 referandum: patulas semper vult esse fores  
 lingua Imprudens, veluti noctes atque dies  
 patet atri janua Ditis.

Cæco, cui opem negant oculi, ferunt ma-  
 nus, dum viam prætentant, aut baculum pe-  
 dum ductorem dirigunt: sic linguæ facien-  
 dum foret, nunquam illi prodeundum, non  
 præmissio antecessore intellectu: circumspe-  
 ctio ubique præcedat necesse est, aut in præ-

ceps ibitur. Quis unquam expendit numos quin eos contempletur, ne quatuor asses det pro sestertio? Lingua Imprudens verba, prout in buccam veniunt, effundit; nimis illi lentum negotium videtur, voces expendere, & ad libellam examinare. ita verba qua data porta ruunt, evagantur, volant. Nimia verborum profusio, evidens pæne signum imprudentiæ. Non potest mens in tanta profusione satis providere, ne quid elabatur inconcinnum, temerarium, imprudens, fatuum; non magis quam ex alto protusum corpus, qua parte primum, qua postremum terram tangat, prospicere potest.

*Prov.* Qui moderatur sermones suos, doctus & prudens est.

*c. 17.*  
*Q. 27.*

Epictetus in convivio eam censet linguam admodum imprudentem, quæ in maxima varietate & copia tam ferinæ & altillium, quam aprugnæ carnis, insuper tamen & pisces petit: ita Deus proponit nobis gubernationis & providentiæ suæ admirandam seriem connexionemque causarum tanquam fercula: hic imprudentissima lingua sit, quæ alia postulet, aut meliora; ita magnæ quoque imprudentiæ est, si ditior spernat tenuiorem: nullus enim equus alteri equo unquam objecerit: Sum melior te, quia plus pabuli habeo, quia mihi frenum inauratum, regmen holosericum, ehippium acu pictum est. Sed si posset, diceret: Sum velocior te, sum te tractabilior, & ideo melior. Sic omne animal ex virtute & vitio sibi propriis melius deteriusve judicatur.

*Epictet.*

*Enchir.*

*c. 40.*

*Q. 31.*

Idcirco, inquit Epictetus: Præscribe jam tibi formam quandam, & legem quam custodias: quamque & ipse tecum, & in congressibus hominum observes. Ac majori quidem ex parte silentium præstetur, aut necessaria dicantur, eaque paucis. Raro autem



tem cum se obtulerit occasio, ad dicendum veniemus, sed non quidvis dicemus: non de gladiatoribus, non de ludis Circensibus, non de cibis aut potionibus, quæ res passim inculcantur. In primis autem de hominibus, cum verba fiunt, ne eos vel laudemus, vel comparemus, caveatur. Epicteti monita, Hipponensis præsul Augustinus auctoritate qua valet maxima, confirmans: Custodi <sup>Aug.</sup> ergo, inquit, vias tuas, ô Idithun (ô transi- <sup>in. ps.</sup> liens, ô imprudens locutor) & noli delin- <sup>38. post</sup> quere in lingua tua: perpende quod dictu- <sup>init.</sup> rus es; examina, consule interiorē veritatem, & sic profer ad exteriorē auditorem.

Non male lingua imprudens comparatur illi gallo gallinaceo, de quo hæc habet vetus apologus. Fures in domum pauperriam clandestino meatu subreperunt, at nihil uspiam repperunt, quod Lavernæ placere posset, præter gallum gallinaceum, sed macie torridum. cumque in hunc culter expediretur: O mei domini, ait gallus, liceat mihi vivere liberalitate vestra; ego certe hominibus prosum, horas nuntio, ad labores excito, vivum sum horologium. Hanc ipsam ob causam, ajunt illi, jugulandus es, cum eos excites, quorum vigilantia nostros conatus impedit. Ita ferrum recepit miser. Sic imprudens lingua primo omnium ferit seipsam, & suo sibi jumento arcessit malum, ita & suo domino semper plurimum nocet. Nam

*Pleraque in præceps trahit, etiam se quoque Troch.*

*Imprudencia.*

Et quis est qui non suo se cultro quandoque lædat? Tanto magis admirandus Pambobo septuaginta annorum senex, qui animam <sup>Pallad.</sup> acturus: In hanc horam, ajebat, non poeni- <sup>l 8.</sup> tet me ullius sermonis, & sic ad Deum <sup>c. 10.</sup> abeo, ut qui necdum pius & religiosus esse

cœpe-

Eccli.

c. 5.

v. 14.

c. 15.

rim. Optime monens Siracides: Si est tibi intellectus, inquit, responde proximo: sin autem, sit manus tua super os tuum, ne capiaris in verbo indisciplinato, & confundaris. Honor & gloria in sermone sensati, lingua vero imprudentis subversio est ipsius. Sed jam Importunam quoque linguam discamus nosse.

*Circum  
stantias  
vocat.*

Prov.

c. 15.

v. 23.

III. Importuna lingua priori non dissimilis hac parte, quod & ipsa loquendi attributiones, locum, personas, tempus minime curet. Lingua Importuna rusticanis oreis induta sonoros glomerat gressus; nullas pulsat fores, \* sed veluti notus fidicen tabernam irrui. Ad rem dixit Salomon: Sermo opportunus est optimus. Importunus autem velut immatura uva bellum movet dentibus. Sæpe botri generosissimæ indolis acerbi sunt, quia solis defectu nondum maturi sunt. Sic lingua importuna non tam re peccat, quam modo; maturitas illi deest. Quemadmodum vero is importunissimus dicitur, qui à longo itinere fatigatum invitatur ad ambulandum: ita lingua hæc molestissima est, cum verbosa oratione narrare incipit quod omnes jam ante norunt, aut cum alieno tempore prolixum sermonem ingerit auribus adeo nauseantibus, ut illis etiam oculi consentiant, & in somnum fatiscant.

Luc.

c. 22,

v. 25.

Antequam Spiritus sanctus Apostolos linguis igneis docuisset loqui, habuerunt sane Apostoli linguæ Importunæ non minimam partem. Nam in ultima Domini cena contendebant *quis eorum videretur esse maior?* Importunissime prorsus. Itane, ô viri, istud litigii movendū hoc tempore hoc loco, Do-

mi-

\* Wie ein Pfeiffer ins Wirtshaus.



mino vestro jam ad crucem trahendo? Importunæ hoc linguæ illustre specimen fuit.

Cum Elias vates quadrigis igneis in altum auctus fuisset, filii prophetarum ad Elisæum confluentes: Ecce, inquit, cum <sup>4. Reg. c. 2.</sup> fervis tuis sunt quinquaginta viri fortes, qui possunt ire & quærere dominum tuum, ne forte tulerit eū spiritus Domini, & projece- <sup>v. 16. 17.</sup> rit eum in unum montium, aut in unam vallium. Quibus ait Elisæus: Nolite mittere: Coegeruntque eum donec acquiesceret, & diceret, Mittite. Ita missi sunt quinquaginta viri qui Eliam triduo sollicitè quæsierunt, sed Eliam nuspiam invenerunt. Demum ad Elisæum reversi nuntiarunt, inanem quærendi operam à se sumptam; non inveniri nuspiam quem quæsiissent. Ad quos Elisæus: Nunquid, ait, non dixi vobis, Nolite mitte- <sup>Ibid. v. 18.</sup> re? Sciebam equidem frustra hoc futurum, sed quia importunissime institistis, cedendum arbitrabar importunitati vestræ. En, quam belle & hic Importunam linguam eventus convicerit.

Importunitatem notaturi sacerdotes Ægyptii, Muscam pingebant, eam enim ut sæpius & assidue repellas, tantæ tamen importunitatis & impudentiæ est, ut identidem redire & infestare eundem minime vereatur, nusquam non molesta, sive stes, sed eas, jaceas, ambules, sive legas, scribas, edas, bibas, dormias, seu loquaris seu taceas, adest illa centies repulsa, & jam faciem occupat, jam verticem oberrat, jam manus vexat, infesta semper & importuna, nulli rei nisi fastidio de se concitando nata. Hinc Tullius <sup>Cic. l. 2. de Oratore.</sup> narrat fuisse qui importuni gerronis linguam exire frustra tentarit, tandem puero dixisse: Abige muscas puer. En Importunæ linguæ præclaram effigiem, Muscam.

IV. Similem muscam, hoc est, Importunæ

*Horat.*  
*l. 1. sat.*  
*yr. 9.* tunæ linguæ hominem expertus est vates  
 Venusinus qui rem facete narrans : Ibam,  
 inquit, more meo, via urbis celeberrima,  
 & nescio quas poeticas nugas versabam  
 animo, eramque in illis totus, cum unus ali-  
 quis nomine tantum mihi notus accurrit,  
 & prehensa manu salutans : Quid agis, in-  
 quit, hominum suavissime? Ego præclare me  
 valere, & ipsi omnia fausta cupere respon-  
 di. & quoniam ab illo quam primum abire  
 cogitabam, quæsi nunquid mihi mandaret  
 exequendum? At homo importunus una  
 progredi, & simul plurima garrire exorsus:  
 Ut scias, aiebat, mi Horati, etiam ego inter  
 doctos numeror. Cui ego: Tanto, inquam,  
 mihi charior eris & pretiosior. Sed simul  
 anxie circumspiciebam, qua arte tam im-  
 portunam linguam à me amoverem. ea de  
 causa jam celerius incedebam, interdum  
 subsistebam, jam in aurem puero aliquid  
 immurmurabam. Cum necdum importunus  
 ille valediceret, sudare etiam coepi, qui aper-  
 te irasci maluisssem. Interim alter varia im-  
 portunissime garriebat, & jam urbis ædifi-  
 cia, jam plateas laudabat. Ego ad omnia non  
 nisi stomachoso silentio respondebam. Tan-  
 dem alter suam importunitatem parum gra-  
 tam esse animadvertens : Ut video, inquit,  
 abire à me cupis? sed frustra es. non sino me  
 tam cito à te avelli; quocunque iveris, se-  
 quor. Hic Horatius modeste: Quam tu, ait,  
 viam insistis? sane nil opus est te mecum  
 fatigari, ego ad ægrum, tibi, sat scio, non no-  
 tum revisam. domus hæc remotissima est,  
 trans Tiberim sita prope hortos Cæsaris.  
 At ne sic quidem importuni oris homo ab-  
 territus : Nihil, inquit, habeo quod agam,  
 nec piger sum; libenter ambulo : assiduus te  
 comitabor. Iam Horatius sibi visus est occi-  
 sissimus. Mox alter seipsum impensissime  
 laudans,



DE IMPRUDENTE LIN. 323

laudans, & celerrimum poetam, & scitissimum saltatorem, & suavissimum cantorem homo inanissimus jactabat. Horatius sermonem interrompendum censebat, quo celerrius loquacissimus homo dicendi finem reperiret. Sed nec hoc successit. Ita tres horas consumpserunt, cum molestissimus ille affectator: Quæso te, inquit, huc mecum concede, si me amas, & juva expedire hanc litteram; ad judicium vocor, & voco. Horatius: Frustra, inquit, me rogas, nulla mihi juris civilis notitia est: deinde ita fessus sum, ut pedibus consistere non valeam. & scis, jam pridem ad illas, quas dixi, ædes propero. Cui mox importunissimus comes: Ambigo, ait, quid mihi faciendum: num te, an causam meam relinquam: Me oro relinque, ait Horatius, ut jus tuum possis proseguere. Non faciam, ait alter, & coepit præcedere Horatiū ægre sequentem. Gerræ iterum & fabulæ, ac prolixus sermo. Inter has moras importunæ linguæ, occurrit Aristius utrique notus; consistunt una & colloquuntur. Hic Horatius omnibus signis & nutibus rogare Aristium, ut se liberaret ab homine longe importunissimo. Sed Aristius homo falsus, & dissimulans se intelligere quid Horatius velit, sermonem abrumpit, & subducit se, ita miserum sub cultro relinquit. Tandem importuni comitis adversarius occurrit, quem ille mox invasit, & in jus ambulare coegit. Ita demum Venusinus importunissimæ linguæ crepitaculo subtraxit aurem. En nobilissimum paradigma tam garrulæ importunitatis.

Sunt qui sermones texant non improbos, sed quia loco, personis, tempori tam nihil conveniunt, probari minime possunt. Quædam domi dicta sine culpa forent, in templo gravem offensam contrahunt. Ita quod  
sanus

sanus sine vitio interrogaret, ægrotus tam non opportune quærit, ut ille merito sic monendus videatur: Quid tibi, obsecro, mi æger, cum quæstionibus tam importunis? quid ad te quæso, quid in Galliis, in Italia, in Hispaniis rerum agatur: quære tu potius quid in cælo fiat, quis apud inferos sit status. Hæc ad te: cetera sanctius ignorabis.

Importuna igitur lingua tam reprehensibilis est, atque aliæ cum vitio conjunctæ, in precibus tamen mire commendatur. Importunitatem Deus in precando unice probat: quo quis importunius, hoc & efficacius Deo preces adhibet. Violenti cælum rapiunt, importuni impetratum auferunt. Odit Deus lentos illos ac desides precatores, qui ut camelus pedatim gradiuntur, sæpius subsistunt, otiose sequuntur, nullam vim adferunt nec ad agendum, nec ad dicendum. Colaudavit Christus viduam quæ impium iudicem importunitate sola officium facere coegit, & jus obtinuit. Deprædicavit & illum importunum hominem, qui tres panes usque, & usque, & usque pulsando ac rogando impetravit ab amico, quem importunis precibus lecto excussit. Ardorem mentis & præclaros impetus à nobis Deus exigit: nemo unquam Deum importune rogaverit, si rogaverit submisit. Iacobum Isaaci filium Deus commendavit, qui multa nocte luctatus cum angelo, demum precationem faustam importune postulans: Non dimittam te, inquit, nisi benedixeris mihi. Sunamitidem Deus exaudiit quæ Elisæi pedes apprehendit, non dimissura, dum filio reducem vitam impetraret. Chananæam Christus voti compotem dimisit, quæ importunis clamoribus filix valetudinem extorsit, non sine laude. Idem amantissimus Dominus à duobus illis viatoribus E-

maunta

Luc.

c. 18.

v. 3.

Luc.

c. 11.

v. 8.

Gen.

c. 32.

v. 26.

4. Reg.

c. 4.

v. 27.

Matth.

c. 15.

v. 28.

Luc.

c. 24.

v. 31.



# DE IMPRVDENTE LINGVA. 325

maunta tendentibus, cogi se passus est ad ingressum tabernæ: ingressus est, & symbolam suam liberalissime persolvit. Angelus Christum in Oliveto suomet sanguine manantem, ea firmavit oratione, è qua & nos disceremus, importuna lingua in precibus neminem uti, quin optatum à Deo responsum impetret. Sed aliud est cum Deo, aliud cum homine loqui. Importuna lingua, si cum hominibus loquaris, è re bona plerunque facit malam; si cum Deo, è re mala sæpissime bonam. Tanti momenti est importunitas opportuna. Istud ergo potissimum linguæ Importunæ discendum, quo loco, quo tempore, apud quos loquatur. Sequitur Lingua Irreverens.

V. Lingua Irreverens eo derisionem superat, quod non homines solum, sed Deum, Dei Matrem, divos cælites, Christiana sacra facetiis audet convellere. At vel levissimus jocus in Deum aut divina dictus, magni piaculi loco habendus: Deus sane non irridetur, quod supra demonstratum est. Elisæum vatem quadraginta duo pueri non tantum ut calvum senem ludibrio habuerunt, sed quia ab idololatriis parentibus sic edocti erant & incitati, etiam ut Dei prophetam linguæ irreverentia affecerunt. Ut ergo parentes in prole punirentur, ursi duo è silva subito proruentes, quadraginta duos pueros misere discerpserunt. Imago hoc fuit Christi in rupe Golgothæa irrifi. Quanta linguarum irreverentia Hebræus furor patientissimum Servatorem affecit in cruce? Et licet Iudæi Christum in crucem nō egerint manu, certe tamen linguis crucifixerunt. Non fuit hoc illis impune. Elapsis quadraginta duobus annis à Christi morte, ursi duo validissimi, ex idololatriæ nemore progressi, Vespasianus & Titus, Imperato-

4. Reg.  
c. 2. cir-  
ca finē.

res Romani, Hebræam gentem foede lacerarunt. ita merebantur. Præmonuit Christus: *Ioann.* Ego dæmonium non habeo, sed honorifico  
*c. 8.* patrem meum, & vos inhonorastis me. ego  
*v. 49.* non quæro gloriam meam: est qui quærat &  
*l. 50.* iudicet. Quæsiuit & iudicavit, quamvis dilato in annum quadragesimum secundum supplicio.

Hoc cuiusvis hominum insignem conciliat famam, si de nemine non reverenter & honorifice loquatur, præsertim si magistratum, præsides tam sacros quam politicos singulari observantia colat. Nam qui nulli mortalium parcat, sed modo hos, modo illos linguæ protervia flagellat, adversus nullum reverentiam adhibet, profecto nec superis parcat, in Deum, Deique matrem, ceterosque cælites iniquus & irreverens. Irreverentia linguæ cognata est blasphemix. Huc proprie videtur spectare lingua illius juvenis, de quo supra demonstratum est, qui cum socio ad graves verborum contumelias descendit, denique à verbis ad manus & ad ferrum uterque venit. Dum congregiuntur & gladiis punctim agunt, juvenis ille irreverentem prorsus & impiam vocem in Dei Matrem emisit. Illico vox à cælo excepta est. Nam dum ore aperto furit, antagonista in patulas etiamnum fauces ferri mucronem ea vi intorsit, ut protinus conciderit. *Hoc habet.* Hoc linguæ ac gutturi debebatur vulnus, ut unde peccatum prorupisset, illuc irrueret supplicium.

Clamat poeta vetus: *Fortunam reverenter habe.* Ego magis clamandum censeo: De Deo & divinis reverenter loquere, neque sacram paginarum verba facetiis misce. Celeres sunt aures Numinis, antequam loquaris, audiunt. Discamus moniti, Prudenter, Opportune, Reverenter loqui.



*Frons aperta, lingua parca, clausa mens, regnum* *Monost.*  
*tenent.* *Trochaic*

Irreverentis linguæ sæpe sunt juvenes, qui ætatis aut dignitatis aliorum vix ulla ratione habita vices loquuntur, antequam vel semel interrogentur. Necdum enim illud Siracidæ didicerunt; Priusquam audias ne respondeas verbum. Grande vitium est, sermonem alterius, præsertim te dignioris, interpellare. Lex est in religiosis familiis, ut ille quem Majorum quis alloquitur, cum submisit ac sine interpellatione audiat. Lex hæc in omni bene morata domo vigeat. Facillime hic in reverentiam peccatur, quandoque alterius sermo temere interpellatur. Optime fecerit, qui monetur aut reprehenditur, si orationem finire sinat, nec statim ab extrema parte verbi consurgat, sed lente ac modeste omni reprehensoris oratione finita dicat: *Domine ignosce, non repetam hanc culpam.* Aut: *Licetne paucula proferre?* Hic alter jam magnā partem victus est. \* Quod si verbum verbo reddatur, & reprehensoris sermo turpiter interrumpatur, nunquam coalescet amor, sed nec debita reverentia observabitur. Nam qui alieni sermonis interpellator est, aut rusticus, aut superbus, aut impotens sui est. Interpellatio defectum reverentiæ semper arguit. Non enim permittit expleri sermonem, siue admonitio sit, siue objurgatio, siue præceptio. Quos mores Salomon graviter perstringens: Qui, ait, prius respondet, quam audiat, stultum se esse demonstrat, & confusione dignum. Idem & Siracides monet: In medio sermonum ne adjicias loqui.

Huic Irreverenti Linguæ affinis est, quam recte Audacem nominemus aut Impudentem.

Y 2 tem,

\* Biff xmb Biff.

rem, hæc enim petendo nonnunquam est audacissima. Herodiadis filia, illa saltatrix puella nimis ad audendum projecta & impudens, pro tripudio quod Herodi & convivis exhibuit, bellaria nimium pretiosa postulavit, caput Ioannis Baptistæ. Herodes rex pollicitus fuerat non negandum petituræ, licet dimidium regni peteretur. At illa impudens lupa id petiit quod pretio sui vel centum regna longissime superavit.

Sed nec Apostoli ab audacula hac lingua penitus immunes. Duo Zebedæi filii ad petendum satis animosi, per matrem, quam subornaverant, confessum in Christi regno principem petunt, ita quidem ut alteri dextra, læva alteri Christum regem assidere liceat. Itane, ô boni fratres, sine sudore, sine sanguine conscendendum solium? Certandum prius, & luctandum cum hoste non uno. Petitio vestra non mala, sed audax. Qui nimium rogat, hoc sæpe agit ut nihil impetret. Qui tam audacter petit, docet alterum audacter negare.

## CAPVT XXVI.

*Lingua male IMPRECANTIS, seu, maledicæ damna ingentia, maxima proponuntur.*

*Cælius  
l. 15. a.  
219. lect.  
6. 25.*

**N**Arrat Cælius Rhodiginus, Abdalam Saracenum interrogatum, quid in hoc Orbe velut in theatro spectatu dignissimum, & mirissimum videretur, respondisse: Videri Hominem. Caput in homine velut arx turrata, cuius structura longe artificiosissima est. Illud autem non nemo cum indignatione quæsierit: Cur Natura in rebus omnibus solertissima, humani capitis sentinam, nasum, in medio vultu collocarit? magna hæc injuria videtur in imaginem tam absolutam,



DE IMPRECANTE LINGVA. 329

tam. Et fuit oris blasphemi homo qui ausus scribere: Deus cloacā capitis media facie collocavit: si ego vel architectus fuissē, vel architecto à consiliis, unum duntaxat oculum fronti inseruissē, unā aurem dextro latere, sinistro autem collocassē nasum. Igitur nasus cerebri, os animi sentina est, nam sicut ille sordes à cerebro, ita hoc ab animo purgamenta recipit. Nullum fimetum, nec mephitis ulla tam gravem odorem spirat, atque os illotum. Optime Cælius: Fætens sermo, inquit, putridæ mentis indicium. Et nihil est quod foetidus dens, & felle macerata vox non concutiat, dum luto eodem conspurcat omnia. Os velut cordis epistomium est, quicquid enim impuri in corde latitat, per os egeritur. Inter foedas has pectoris egestionēs, etiam IMPRECATIO est, seu maledictum. Lingua male Imprecans, seu, Maledica, gravissimum Orbis malum. Præclare dixit Tullius: Nihil est tam volucre *Cic. pro* quam maledictum; nihil facilius emittitur, *Plancio* nihil citius excipitur, nihil latius dissipatur. Priscorum hic improba fuit superstitio, de *Plin.* qua Plinius: Nihil, inquit, ocimo fecundius, *l. 19.* cum maledictis ac probris serendum, ut læ- *nat. hist.* tius proveniat. Contra qui rapum, rapha- *c. 7 med.* num, napum religiosi agricolæ serunt, antiqua consuetudine precantur, ut sibi feliciter nascatur & vicinis. Plinio testis accedens Plutarchus de simili herba: Cuminum, in- *Plutar.* quit, imprecationibus satum lætius prove- *in syn-* nit, sicut apium conculcatum. O mi Deus quantum ocimi & cumini seritur inter *pos.* Christianos, & quam læte ac copiose crescit utraque herba, quantum ubique imprecationum & maledictorum! De hac igitur Lingua \* Imprecante, seu, maledica dissertu-

ri, quot quantorumque ea malorum sit parens, explicabimus.

*S. Thom.* I. Male alteri precari, eumque diris devovere tam grande malum est, ut de illo sanctus Thomas Aquinas hæc pronuntians: Dicendū, *2. 2.* inquit, quod maledictio est, per quā pronuntiat<sup>r</sup> malū contra aliquem, vel imperando, *q. 76.* vel optando. Velle autem vel imperio movere ad malum alterius, secundum se repugnat charitati qua diligimus proximum, volentes bonum ipsius: & ita secundum suum genus est peccatum mortale, & tanto gravius, quanto personam, cui maledicimus, magis amare & revereri tenemur. Severissime olim Deus edixit: Qui maledixerit patri suo, aut matri, morte moriatur. patri *Levit. c. 20.* matrique qui maledixerit, sanguis ejus sit super eum. Hoc tamen imprecationis delictum imminuitur, cum quis alteri non grande malum imprecatur, aut non adeo maligno affectu, vel etiam joco; aut certe dum seipsum, qui loquitur, non observat. Alias execratio damna dat ingentia.

Primum est, Iactura cæli & privatio *1. Cor. c. 6.* æternæ vitæ. Divinus Paulus id pronuntians: Neque avari, ait, neque ebriosi, neque *v. 10.* maledici, neque rapaces regnum Dei possidebunt. Ea de causa vult hic Apostolus omne *1. Cor. c. 5.* cum his talibus commercium esse fugiendum: Nunc autem scripsi vobis, inquit, si is *v. 11.* qui frater nominatur, est fornicator aut avarus, aut idolis serviens, aut maledicus, aut ebriosus, cum ejuscemodi nec cibum sumere. Hoc ergo primum Imprecantis, seu, maledicæ linguæ detrimentum tantum, ut majus nec esse nec fingi possit: Omnia perdidit, qui cælum amisit.

*Gen. c. 12.* Alterum, Infausta precatio plerunque in *v. 3.* auctorem suum recidit. Deus Abrahamo pollicitus: Maledicam, inquit, maledicentibus



DE IMPRECANTE LIN. 331

bus tibi. Salomon autem: Sicut avis, inquit, *Prov.*  
ad alta transvolans, & passer quolibet va-<sup>c. 26.</sup>  
dens: sic maledictum frustra prolatum, in<sup>v. 2.</sup>  
quempiam superveniet. Qui male alteri pre-  
catur, è faucibus velut corvum emittit, qui  
redit & caput insidet, illudque rostro effo-  
dit. Sed observa Salomonis vocem, *frustra*  
*prolatum*. Deus enim maledixit tam serpenti  
quam terræ: Noëmus maledixit Chamo fi-  
lio; maledixit David montibus Gelboe, Io-  
bus diei quo natus est, Christus ficui, Petrus  
venefico Simoni: maledictiones erant, sed  
non frustra prolatae, neque justitiæ divinæ  
adversabantur. Nos vero longe aliter male-  
dicimus, & in justitiam divinam gravissi-  
me delinquimus, illos siquidem diris omni-  
bus & Orco devovemus, in quos nihil no-  
bis est juris, sed neque scire de iis possumus,  
num divino favore penitus destituti sint, in  
quorum caput iram Dei detestamur. Hac ra-  
tione nos ipsos sæpissime diris deprecationi-  
bus defigimus.

Vir primarius fuit, & illustris familiæ,  
cujus nomini parcimus. Hic improbe affue-<sup>Simox</sup>  
verat seipsum quotidianis iisque pessimis de-<sup>Majo-</sup>  
votionibus execrari. Sicut enim innumeros<sup>lus tō.</sup>  
reperias qui seipsos sic devoveant: Si men-<sup>2 Can.</sup>  
tiar, Deus hoc vindicet, Deus me cælo ex-<sup>colloq. 2</sup>  
cludat. Aut: Cacodæmon me avehat; Hic bo-  
lus me enecet, Non egrediar hinc vivus  
&c: Catalogum tot pessimarum detestatio-  
num nunquam finiero: Ita iste, quem dixi,  
dominus in comitiis Erfordii, illud suum  
sollenne ac quotidianum sæpius protulit: Si  
hoc fecero mergar latrina. Vox omen ha-  
buit, nam collapsa pars domus, hunc ipsum  
in cloacam deiecit. rem fusius narrat episco-  
pus Vulturariensis.

Nec inter idololatrias hæc imprecationes im-  
punitatem & licentiam habuerunt. Appii

cæci, maximi viri filia à ludis domum rediit, cum autem inter stipatissimam plebem vehemens esset compressio, illa populo pessime precata: Vtinam, inquit, reviviscat frater meus Claudius, & aliquod millia tam insanæ plebis submergat mari. Ad Censores C. Fundanium, & T. Sempronium delata est hæc imprecatio, qui multam indixerunt, viginti quinque millia æris, sive, ducentos quinquaginta coronatos. Hoc fecerunt idololatræ: ecquid Christiani? sane vulgatissimum hoc imprecandi vitium, alibi penitus non punitur, alibi remisse nimis & leniter.

Tertium imprecationis malum est, quod & præcepto & exemplo Christi gravissime repugnat, Lex Christi est, quam Petrus Apostolus declarat his verbis: Non reddentes malum pro malo, nec maledictum pro maledicto; sed è contra benedicentes, quia in hoc vocati estis, ut benedictionem hæreditate possideatis. Ore Matthæi dixit Servator: Beati estis cum maledixerint vobis: non vos illis, sed prout vates regius monet: Maledicent illi, & tu benedices. Hoc Domini præceptum est; exemplum vero istud, de quo divus Petrus: Qui cum malediceretur, inquit, non maledicebat. Ad hoc longe illustrissimum exemplum se conformans Paulus: Maledicimur, inquit, & benedicimus. Sunt qui precentur: Vtinam te gehenna hauriat. Qui verus Christianus est, precatur: Vtinam te cælum rapiat. Illi iterum: Vtinam mors subita te sternat. Sed nec iste aliter quàm prius: Vtinam mille annis superstes sis. Itane, dixerit aliquis, si quis mihi philippeum det plumbeum, ego illi reddam aureum? Ita prorsus, mi Christiane, ita oportet: hæc Christi lex est.

I I. Anno millesimo quingentesimo vigesimo septimo sanctus Ignatius Lojola egenus

1. Pet.

c. 3.

v. 9.

Matth.

c. 5.

v. 11.

psal.

108.

v. 28.

1. Pet.

c. 2.

v. 23.

1. Cor.

c. 4.

v. 12.

Riba-

den.

l. 5.

vita.

c. 11.



DE IMPRECANTE LINGVA. 333

egenus & abjectus cogebat stipem. Vidit Ignatium juvenis apprime nobilis & copiosus, qui juvenili levitate ferociens, & mendicum tam insolentis habitus irridens: Ardeam ego, inquit, & flammis consumar, nisi hic & flammæ & rogi sit meritum. Huic Ignatius benevolo vultu: Cave, inquit, ne hoc ipsum, quod imprecaris mihi, eveniat tibi. Vaticinium fuit hæc vox, non monitum. Nam eodem ipso die de Philippo Secundo nuntius affertur, Regem esse renuntiatum. Excitavit ea novitas civium animos, ut festo apparatu sua pro se quisque gaudia testarentur. Inter quos etiam juvenis ille applaudere cupidus, properat editam domus turrim conscendere. Illic improvidus flammæ scintillam excutit. hæc ad vicinam nitratu pulveris custodiam perlata, in insperatum incendium evasit, juvenemque subitis flammis comprehensum miserrime peremit. Ita maledictum in auctoris caput revolvitur: continuisset ille linguam, servasset vitam.

Imprecari & maledicere tam severe vitium est, ut nec ipsi quidem diabolo maledicendum. Aperte Siracides: Dum, ait, maledicit impius diabolum, maledicit ipse animam suam. Cum enim maledicus in multis imitetur diabolum, quando hunc jure merito puniri ait, damnat & animam suam quæ imitatur damnatum. Hoc sensu Paulus Apostolus locutus: Inexcusabilis, inquit, es o homo, omnis qui judicas, in quo enim judicas alium, te ipsum condemnas, eadem enim agis quæ judicas. Sed & Thadæus Apostolus maximam hic lucem prælucens: Cum Michael Archangelus, inquit, cum diabolo disputans altercaretur de Moyse corpore: non est ausus judicium inferre blasphemiam, sed dixit, Imperet tibi Dominus. Si Angelorum principi non licuit nec diabolum quidem

*Eccl.*

*c. 21.*

*v. 30.*

*Rom.*

*c. 2 v. 1*

*Iude*

*Canon.*

*epist.*

*v. 9.*

verbis maledicere, quanto minus licebit alterum alteri diras imprecari. Ideo namque Deus æquissime non raro permittit, ut diabolus, pessimus inquilinus, corpus humanum velut tabernam occuparet, quando toties alteri alteros diabolo devovemus, & velut rem mancupi tradimus.

*Anton* In provincia Polonica anno à pariente  
*Dau.* Virgine millesimo, quingentesimo octoge-  
*voult.* fimo quinto, juvenis quidam in oppido  
*Catech.* Podlachiaë, cum die Veneris carnibus licen-  
*hist.c.4* ter vesceretur, nec ab hospitibus monitus re-  
*tit. 10.* sipisceret, hospita, ut est feminarum ad im-  
*exemp.* precationes promptum ingenium, ad helluo-  
*20.* nem versa: Vtinam, inquit, & diabolum vo-  
res. Habuit subitum eventum maledica Lin-  
gua. Nam carniū vorator protinus à ma-  
lo genio cœptus est insideri & torqueri.  
Cumque ad sacerdotem delata res esset, ad-  
hibitæque de more solennes Ecclesiæ pre-  
ces, sævire pessimus hospes in sacerdotem,  
furere in circumstantes, juvenem ipsum  
immaniter excruciare cœpit, donec inter-  
clusis faucibus hominem penitus enecavit.  
Quid opus, ô maledici, hunc hospitem voca-  
re? ultro venit. Pæne ipsos etiam infantes  
torquet, maledica lingua provocatus.

*Casa-* Puella quinquennis, sed palati nonnihil  
*rius* jam eruditi, lac furtivum more catillonum,  
*Heister-* sorbere cœpit. Pater iracundus filiolum fur-  
*bach.* ti manifestam tenens: Eja bibe, inquit, ut  
*l. 5. mi-* una combibas diabolum. Vix verbum evo-  
*rac.* larat ore, & diabolus misellam jam occupa-  
*c. 16.* vit, nec deseruit hanc domum, donec infe-  
lix virgo, adulta jam ætate, Brisaco Romam  
ducta, ad Divi Petri, ab inquilino pessimo  
liberata est. Hoc autem à mendacii patre te-  
stimonium tulit; siquidem vociferabatur dia-  
bolus: Me hinc digresso, alia post hanc vi-  
tam supplicia non sentiet. En, divinam ju-  
stitiam



DE IMPRECANTE LIN. 335  
stitiam benignitate temperatā. Nihilominus  
caro stetit filiæ maledica parentis lingua.

Beatus Gregorius vere Magnus, suo hæc  
calculo confirmans: Sacerdos, inquit, cui Ste- *Greg.*  
phanus nomē, emendatæ vir vitæ, ab itinere *l. 3.*  
fessus domum rediit, & sui non observans, *dial.*  
famulo suo dixit: Veni diabole, excalcea me. *c. 20.*  
Vix hoc verbi excidit incauto, & mox corri-  
giæ calceorū solvi, & calcei deftringi cœpe-  
runt, idque tanta celeritate, ut dubium non  
esset quin is obediisset, qui ad hoc officii vo-  
catus esset. Cohorruit sacerdos, & vociferari  
cœpit: Recede miser, recede; cum servo  
meo, non tecum locutus sum. Cessit ad has  
voces veterator ex Orco. Facile hinc conje-  
ctare est, quam noster hic hostis celeres &  
aures, & manus, & pedes habeat, qui & au-  
ribus, & manibus, & pedibus caret: cumque  
etiam invocatus veniat promptissime, ut  
Plautinus ille parasitus, quid faciet vocatus?

Non ita pridem femina viro nupsit Ana- *Dau-*  
baptistæ, cujus tamen religionem ipsa ode- *roult.*  
rat. ideo ægre tulit ædes suas à pluribus *c. 3. Cat*  
ejusdem sectæ hominibus frequentari. Ita *hist. tit.*  
que gravius excandescens: Si quidem, inquit, *103.*  
hæc domus diabolis habitanda est, habeant *Ex. 7.*  
illam. Dixit, & ab eo temporis momento  
lemures sic infestarunt domum, ac si solis  
illis incolenda esset tradita. Dixisses umbras  
& infestos spiritus ædium illarum jam do-  
minos esse; velut si proclamatum esset: Vete-  
res migrate coloni. Tanti est vel dictum  
unicum imprecantis ac maledicæ linguæ.

III. Profecto non tantum non homi-  
num ulli, sed nulli etiam rei creatæ maledi-  
cendum. Qua de re Divus Thomas Aquinas *S. Thom*  
his verbis disertè: Dicendum, inquit, quod *2. 2.*  
maledictio creaturæ, in quantum creatura *q. 76*  
est, redundat in Deum & sic per accidens *art. 4.*  
habet rationem blasphemiae. *ad prim*

Anno

*Annal*  
*Societat*  
*Anno*  
*1599.*  
*pa. 250*

Anno secundum Virginis partum millesimo quingentesimo nonagesimo nono, Avenione degebat adolescens nobilis, non virtute, sed prosapia. Hic tonante cælo calceos induebat, cumque alter angustior, pedi ægre induci posset, diabolo eum devovit. Nec recusavit hoc donum stygius princeps. Mox enim satellitem misit, qui jus doni usurparet, nam fulmen in pedem ruit, ruptaque medium calceum. dimidiatus hic calceus ita fulmine ruptus Carpentoratum deinde ad energumenum perlatum est, quem ut vidit malo genio inessus: *Bene habet*, inquit, *meus erit & alter calceus*. Disce frenare linguam: neque enim accersendi sunt Alastores, jam ante adsunt in omnem nocendi occasionem intentissimi. Vel minimum quid diabolo assignare, intutissimum est: si frenū impetret, non otia bitur, dum & equo potia tur; si calceum habet, insidiabitur pedi, si hunc obtinuerit, væ homini. Maledici regnum Dei non possidebunt.

*Cæsar.*  
*l. 5. mi-*  
*rac.*  
*c. 27.*

Affirmat Cæsarius ab ejus se ore excessisse, cui hoc ipsum contigisset, quod in hunc modum percenset. Theodoricus Susatienſis etiamnum juvenis, Lubecum contendit ad virginem quam deperibat. Sed alius jam prævenerat, atque suis alios amores excluserat. Theodoricus indignari ac fremere, & quod proximum iræ tam insanæ, cacodæmonis opem inclamare his ipsis vocibus: Diabolus qui me huc adduxit, hinc etiam poterit reducere. Et libenter quidem id faciet, mi homo. Invitatus ductor quam primum adfuit, juvenem in aera evehit, & ultra civitatem asportans, ad aquas non placida manu deposuit, dixitque trepidanti: Perriſſes, nisi te signasses. Siquidem in ipso raptu signum crucis imperfectum expresse rat. Dimissus ab hoc nigro ductore, & lapsu non



non miti afflictus, humi jacebat exfensus, & sanguinem vomebat. Vbi ad se rediit, manibus pedibusque ad amnem perrepfit, lotaque facie paullulum aquæ bibit, inde gressu ægerrimo ad hospitium denique pervenit. Ingressus ædes, ut lumen aspexit, linqui animo cæpit. Vocatus sacerdos, divi Ioannis Euangelium aliasque preces recitavit, ægro aduersus diabolum firmando. Paullatim vires & valetudo rediere, sed annum totum corpore sic tremuit, ut poculum manus, tantisper dum biberet. tenere nequiverit. Hoc Theodorico sanctiores cogitationes ingessit, eoque compulit, ut fluxis omnibus valere iussis, in leges Cisterciensium monachorum juraret. Sapuit suo damno Theodoricus: Maledici regnum Dei non possidebunt.

Ephrem præclare: Vere beatus, inquit, iterumque beatus ille est, qui à deterrimo hoc maledicendi genere se integrum custodit, quoniam Spiritus sanctus habitabit in eo; homo maledicus utroque & odii & susurrationis morbo laborat. Maledicus gladiis & pugionibus non pugnat, sed animo ac lingua sic vulnerat, imo & necat, ut eum non immerito dixeris homicidam, qui primo aggressu jugulet. Audi jugulatrices voces: Dii te Deæque perdant, Iupiter te perducat; Dii te infelicitent, Dii te enecent. Ita priscei; nos non cedimus imprecando. Mors te rapiat (clamamus) Pestilentia te consumat, fulmen te sternat, diabolus te avehat, gehenna te glutiat: Mille cruces, mille rotæ te frangant; Corvi te lacerent, exoculent, eviscerent: Abi ad inferas umbras. Hæc homicidæ illius sunt jacula, hæc machæræ. Ideo Paulus maledicos nequissimis hominibus adnumerat, ideo cæli ostium his obseratum pronuntiat: Maledici regnum Dei non possidebunt. Nā sicut in cruce latro, inquit Ephrem, per unicum

*Ephrem  
tom. 1.  
l. de  
virt. &  
vit.*

cum confessionis verbum, factus est civis paradisi, sic maledicus per unicum imprecationis vocem seipsum præcipitat, fitque incola inferni. Consentiens psalter regius: *Psal.* 108, *v.* 17. Dilexit maledictionem, ait, & veniet ei, & noluit benedictionem, & elongabitur ab eo. *Ibid.* *v.* 18. Quandoquidem ipse alios, etiam ipsum alii, imo Deus ipse abominabitur: Et induet maledictionem sicut vestimentum, & intrabit sicut aqua in interiora ejus, & sicut oleum in ossibus ejus. Vestis corpus amicit tegitque, aqua per os immissa stomachum & viscera occupat, oleum quia subtilissimum, non carnes solum, venas & nervos, sed ipsa quoque ossa penetrat; sic maledictio corpus, animum, sensus omnes, voluntatem ac intelligentiam occupabit: dilexit maledictionem, & veniet ei.

*Prov.* 11, *v.* 25. At vero anima quæ benedicit, impinguitur. Hinc necessaria conficitur consecutio: Anima quæ maledicit, depauperabitur. Propter hoc qui loquitur iniqua non potest latere: *Non præteriet illum corripiciens judicium.* Fœdum, horribile, abominandum est vitium mala Imprecatio, quæ aliam voluptatem non spectat quam suam nequitiam. Idcirco Deus hoc flagitium tantopere punit. Maledici regnum Dei non possidebunt.

## CAPVT XXVII.

*Lingua IMPRECANTIS, seu, Maledica damna, testimoniis, & rerum gestarum monumentis consignantur.*

**O**Rta est questio in convivio, non abhorrens à mensa rebusque escariis: Quis sensus sit illius paræmiæ; \* Piperatæ pulter & corpus & animū inquinant. Varia super hoc re-

\* Der Pfeffer bsudelt Leib und Seel.



DE IMPRECANTE LIN. 339

responsa. Demū unus: Si quid nigræ pultis, inquit, in niveum collare, aut sericum thoracem, aut candidam mappam incauta manus sparserit, jã ea quæ corporis sunt, maculavit: sed quia nō raro tantopere indignamur, huic manus errori, ut æquioribus forsā oculis spectaremus bovem in foveã lapsum, quam vestes minimo nævo collutulatas, Imprecans & Maledica lingua omnium prima se prodit, & sordes illas execratur, Nam, ut ajunt, Munduli tolerare malunt alapam in facie, quam maculam in veste. Hinc execrationes & sexcenta maledicta: quandoque in cocum aut focariam stomachamur. Hæc autem valde maculant animum. Hac igitur ratione nigris pultibus, & corpus & animus inficitur. Plausum tulit responsio.

Explicationem paræmiæ confirmans Iacobus Apostolus: Lingua, inquit, constituitur in membris nostris, quæ maculat totum corpus; totum hominem, nempe domum, & domus dominum. Lingua Maledica & Imprecans tantum & sordium & toxici habet, ut hominem, quantus quantus est, inficiat & venenet, neque enim mentem solummodo noxa obstringit, sed ipsum sæpe corpus perfundat, & Satanæ habitandum objicit, uti priore dissertatione cœpimus dicere. Iam hoc ipsum compluribus testimoniis, clarissimisque rerum gestarum monumentis testatum consignabimus.

I. Prisci ævi Antistitam Plutarchus ampliter dilaudat, quod in eam mentem adduci non potuisset, ut male precaretur. Cum enim Alcibiades nigro calculo damnatus esset, jussi sunt utriusque sexus sacerdotes absentem execrari. Vna noluit, sed & sui consilii rationem reddens: Precibus, inquit, non imprecationibus constituta sum sacerdos. Simile quid sacra nostra nos docent.

Lauda-

Iac.  
c. 3 v. 7

Plutar.  
in Alcibiade.

*Nam.* Laudatissimus ob hoc Balaam (modo diu-  
*c. 23.* talis perstitisset) quod maledicere noluerit  
*v. 8.* Israeli. Quomodo maledicam, inquit, cui  
 non maledixit Dominus? qua ratione dete-  
 ster quem dominus non detestatur? In hunc  
 modum maledici oris homo interrogandus  
 foret: Scisne maledice, quod huic homini  
 Deus maledixerit? cur ergo tu audacissime  
 omnes illi diras, omnes ex Orco diabolos  
 imprecaris? hoc ne mores Christianos sapit?

*Rom.* Ad alia nos Paulus erudiens: Benedici-  
*c. 12.* te, inquit, persequentibus vos: benedicite  
*v. 14.* & nolite maledicere.

*Actor.* Cum Sergius Paulus Proconsul Roma-  
*c. 14.* nus, vir gravis & prudens, Christiana sacra  
*v. 10.* à Tarsensi Paulo & Barnaba doceri cuperet,  
*11.* *c. 12.* restitit Elymas magus, Proconsulem à Chri-  
 sto avertere conatus. At Paulus Apostolus  
 effervescebat divino spiritu, & in os homini  
 resistens: O plene omni dolo & fallacia,  
 inquit, fili diaboli, inimice omnis justitiæ  
 non desinis subvertere vias Domini rectas?  
 Et nunc ecce manus Domini super te, &  
 eris cæcus. Et confestim cecidit in eum cali-  
 go & tenebræ, & circuiens quærebat qui ei  
 manum daret. Tunc Proconsul cum vidis-  
 set factum, credidit, admirans super doctri-  
 na Domini. Qua ratione igitur, dixerit quis,  
 observavit Paulus illud suū: *Benedicite, & noli-  
 te maledicere?* Vt scias, Elymæ mago non tam  
 Paulus, quā Deus ore Pauli maledixit. Et ad-  
 mirandum, vocibus tantum ponderis inesse,  
 ut non verbis solum, sed & factis videantur  
 adscribendæ alæ ac volatus: dictum factum.

*Aug.* Rem Orbi notam testatamque memo-  
*rom. 5.* rans Hipponensis Pontifex Augustinus:  
*l. 22.* Vnum est, inquit quod apud nos factum  
*de ci-* tam clarum atque illustre miraculum, ut  
*viz Dei* nullum arbitrer esse Hipponensium, qui hoc  
*c. 8. pro* non vel viderit, vel didicerit: nullum qui  
*pefine.* obliuisci



DE IMPRECANTE LIN. 341  
 oblivisci ulla ratione potuerit. Profectò vel  
 hinc satis liqueat quantum sit Imprecationis  
 malum. In urbe Cæsarea Cappadociæ vidua  
 non ignobilis, decem liberorum mater de-  
 gebat. Liberi, quorum septem fratres, sorores  
 tres, ætatis utcunque jam adultæ, patre  
 defuncto, matrem gravius offenderunt. Illa  
 injuriam à liberis illatam acerbissimè ferens,  
 omnibus imprecata est hoc morbi: \* Vt vos  
 jactet febris querquera. Momentum ingens  
 habuere maternæ voces, mox enim tam fra-  
 tres quàm sorores, horribili membrorum  
 tremore concuti cœperunt, adeò ut nec som-  
 nus quidem foedam hanc trepidationem so-  
 paret. Miseri, quia suorum civium oculos  
 ferre non poterant, quaquaversum ab urbe  
 profugerunt, totum pænè Orbem Romanum  
 pervagati. Ex his Hipponem etiam delati sunt  
 Paulus & Palladia, frater & soror, fama tot  
 locis prævolante jam noti. Hîc cum ædem  
 beati Stephani martyris quotidie frequenta-  
 rent, omnium civium ora oculosque in se  
 rapuerunt, dum alter alteri calamitatis causam  
 & originem exponit. Demû ambo tam fra-  
 ter quam soror, in ejusdem Martyris tem-  
 plo valetudinem integram receperunt, miro  
 totius urbis applausu, & gratulatione. Hoc  
 tantum malum decem liberis illatum ab  
 unica matris imprecatione. Ergo, *Benedicite,*  
*& nolite maledicere.*

*Vide  
 ipsum  
 Aug.  
 hæc fu-  
 sus nar-  
 rantem  
 dicto  
 loco.*

Attexo huic non absimile, quod Ioannes  
 Aretinus commemorat. Mater duos filios  
 indulgentius æquo educarat. At sensit de-  
 mum blanditiarum suarum non molles exi-  
 tus. Et quia mater filios verberibus coercen-  
 dos verbis mulcebat, filii matrem verberare  
 sunt ausi. Illa injuriæ impatiens, & impo-  
 tens linguæ, imprecata est: Vt vos agitet

*Apud  
 Surium  
 tom. 3.  
 in vita  
 Zenobii  
 episc.  
 Floren-  
 tini.*

Z

diabolus.

Daß euch der Kittschütt.

diabolus. Rata imprecatio. mox enim filii à malo dæmone obsessi, seipsos mutuis moribus lacerarunt. ea de caussa tanquam rabidi canes catenis sunt vincti. Mater quantumvis Christianæ disciplinæ ignara, malo tamen mota ad beatū Zenobiū confugit, qui feminæ misertus, in æde Servatoris horis duabus ante crucifixi effigiem precatus, crucis signo dæmones fugavit. Filii ab hospite tam diro jam liberi, una cum matre lustralibus aquis tincti sunt. Ergo, *Benedicite, & nolite maledicere.*

Greg.  
l. 3  
dial.  
c. 15.

I I. Locupletissimis illis testibus, Gregorium Magnum virum sanctissimum jure merito accenseo, qui hoc memoriæ prodidit. Florentius in Nursinæ provinciæ partibus, ea vitæ sanctimonia præcelluit, ut ursum velut servum ad quævis ministeria sibi haberet obsequentem. Non valuit effugere invidiam hæc morum sanctitas. E vicino coenobio quatuor monachi mitissimam feram aggressi occiderunt. Florentius recognita non tam urfi cædem, quam malitiam monachorum lugebat. Euty chius illorum antistes, Florentii luctum mitigare tentabat, sed inani opera. Nam Florentii dolor ab his eloquiis auctior, tandem execrationis vocem expressit. Spero, inquit Florentius, hanc tantam petulantiam supplicio luculento vindicandam brevi. Quis enim hic furor, animal cieur, & nemini noxium occidere? Deus ab illis poenas expetat. dictum factum. Vindicta vocem illico secuta est, & quatuor illi coenobite lepra percussi tabescere cœperunt. Florentius vocis suæ vires expavescens, doluit reperisse Deum ita faventem, & annuentem detrimentosis vocibus. Ita maledictum quod semel protulit, omni vita deflevit, homicidam se clamitans nimium crudelem. Addit Gregorius, hoc in eum finem permitti à Deo, ne tam præcipientes



tes maledictionis spiculum evibremus. Exaudit nos Deus, sed ad nostram perniciem. Quapropter ô maledicæ linguæ, vestram hanc celeritatem pessimam coercete: Benedicite & nolite maledicere.

Zenobius etiamnum in mentem mihi est, cujus res gestæ testantur, adolescentem in parentum domo febriisse, siti adeo pertinaci & inexpugnabili exhaustum, ut adolescentis mater nocte una quadragies lecto surgere coacta sit, ut filio potum propinaret. femina ob sitim tam importunam demum impatiens & irata, cum calicem porrigeret: Ut tibi, ait, diabolus hunc haustum benedicat: quoties mihi surgendum? Filius jam ante febriens, ad matris vocem, à cacodæmone quoque torqueri cœpit (hæc enim diaboli benedictio est) iisque furiis agitari, ut adolescens cetera imbecillis & morbo fractus, nullis jam vinculis coerceri, sed nec ab infessore diabolo liberari potuerit, dum ad sancti Zenobii sepulchrum delatus, sospitatem recepit. Ergo, Benedicite & nolite maledicere.

III. Hæc ideo, Lector, uberius differimus, ut maledicas linguas obruamus nubetestium. Scimus validam quercum non uno ictu dejici, nec os maledicum ab uno teste satis oppilari; caterva est adducenda, ut discat abstinere maledictis. Illud autem hoc vitium nimis quam detestabile reddiderit, quod dira Imprecatio in auctorem recurrat, & plerunque primum vulnus infligat suo domino. Corpus indemne præterit? certe animum ferit: Siracides hoc attestatus: Qui in altum, inquit, mittit lapidem, super caput ejus cadet. Neque vero Deus Abrahamo tantum, sed & Isaacus Jacob filio dixit: Qui maledixerit tibi, sit ille maledictus. Sed dicta testimoniis amplioribus firmamus.

*Ecclesi.  
c. 27.  
v. 28.*

344 C A P V T XXVII.

*Joan.  
Nyder  
Formi-  
car. l. 5.  
c. 11.  
medio.*

E divi Dominici familia Theologiæ do-  
ctor, rem sibi compertissimam narrans:  
Cum, inquit, Coloniz ægerem in Theolo-  
gia, virgo quindecim annorum in ædibus  
cognatæ scyphum fictilem fregit. Cognata  
mox in fermento esse, & graviter excande-  
scere. Hoc ipsum indignata est virgo, nem-  
pe tam vilis vasculi mortem tantis querimo-  
niis deplorari; idcirco mensam accedere re-  
cusabat. Cognata Manliano imperio: Accede,  
ait, & comede murmuratrix. Hic virgo se-  
cum ipsa: Si comedendum, aiebat, comedam  
in nomine diaboli. Vix libavit cibum, & ori  
muscum sensit illapsam, & cum eâ ipsissi-  
mum, quem advocarat, diabolum. Dire ve-  
xabatur misera ab hoc inquilino, compos  
tamen rationis semper perstitit. Tentata  
varia, sed frustra. Demum ex eadem divi  
Dominici familia, vir religiosus, Godefridus  
Schlussel, Theologiæ doctor, infernum ci-  
vem sacris precationibus eiecit. Quid opus,  
ô improvidi mortales, invitare diabolum?  
Vltro venit. Sed Colonia Moguntiam  
abimus.

*Joan.  
Gailer.  
à Kaiser  
pag.  
l. de oris  
peccatis  
domini-  
ca Leta-  
re. mihi  
pag. 40.*

In ditione Moguntina Ecclesiastes pro  
suggestu in calceos rostratos (qui illius ævi  
luxum accendebant) acerrime investus est,  
diaboli commentum esse asserens, tam pro-  
digiosam calceandi rationem. Concioni su-  
tor intererat, qui contractius lucrum præ-  
metuens, objurgationem hanc ægerrime tu-  
lit, & Quid calcei ad hunc sacrificiū? ait, \* Vt  
illius verticem morbus fonticus invadat. Sic  
indignabundus excessit templo. O miser,  
misisti lapidem in altum, sed in caput tuum  
recidet. Dum ergo hic sutor domum prope-  
ravit, in via obvius ei factus est vir procerus  
& ter-

\* *Hab er den hinfallenden auf  
die blatten nauf.*



DE IMPRECANTE LIN. 345

& terribilis veste prasina amictus qui capite prehensum afflixit humi. sed prius vertici cruentam notam impressit, tanquam si orbem rasisset.

Impos sui, horam sic jacuit; tandem à ceteris illius concionis auditoribus domum suam delatus, sibi que restitutus, omnia ordine aperuit, suoque damno docuit, nemini maledicere. Ergo, Benedicite, & nolite maledicere. Nam quod Siracides affirmat, *Eccli* Dum maledicit impius diabolum, maledicit <sup>c. 21.</sup> ipse animam suam. <sup>v. 30.</sup>

IV. Nec ab hoste veritas repudianda. *Collo-* Narrabat olim compransoribus suis Isle- <sup>quia à</sup> bicus paterfamilias, filium perquam indul- <sup>Io Au-</sup> genter educatum eo degenerasse, ut parenti <sup>risabro</sup> geminos digitos præciderit. Parens tam <sup>scripta,</sup> cruenta injuria excerbatus, precatur filio: Vt <sup>Franco-</sup> te improbissime corve, Albi fluvius glutiat. <sup>furti</sup> Neque distulit Deus vindictam. Eodem ipso <sup>edita</sup> die filius ad parentis votum submersus est <sup>c. 3, mi-</sup> Albi. <sup>hi pag.</sup> <sup>47.b.</sup>

Priora confirmat, & rem probe cognitam fide optima narrat, quem supra dixi, Cæsarius: Non procul Aquis urbe, in monte Salvatoris noster Antistes (inquit auctor) operatus est sacris. His finitis mulier, diaboli hospita est adducta. Antistes sacros libros mulieris capiti imposuit, & ex iis Euangelium Ascendentis Christi Domini recitavit, cumque verba illa pronuntiaret: Super ægros manus imponent, & bene habebunt, cacodæmon territis omnibus, horrendum fremere, ac vociferari cæpit. Exire jussus, id unum respondit: Hoc nondum vult Altissimus. Interrogatus qua ratione eam domum occupasset, altū siluit. Femina demū ab hoc hospite liberata, fassa est se marito succensentem dixisse: Abi in nomine diaboli. Protinus ab hoc dicto sensisse diabolum per auri-

culam illapsum. Celerrimus est hic hospes ab Orco, & antequam omnem invitationis formulam absolvas, jam adest, jam totus in tota domo est. Ergo, Benedicite, & nolite maledicere. Recentius est quod addo. Anno Christiano sexcentesimo decimo nono, In Salisburgensi agro Mauterendorfii caupo, ut fama est, famulum domo exclusit, pensiuncula, quam pactus fuerat, negata. Atque ut injuriæ fucum faceret, seruo in os objiciens: Hæc, aiebat, & hæc mihi furatus es. Pactam ergo mercedem nego. Servus meliore conscientia erectus: Nihil, here furatus sum, identidem respondebat. Diu tenuit hæc verborum velitatio. Lite demum ad judicem delata, caupo projectæ vir audaciæ: Nisi verum, inquit, dixerò, in meis me peccatis Deus puniat. Hem dirissimam imprecationem! Et voto Deus annuit. Nam caupo eo quo steterat loco, repentina morte corruit. Tanti ponderis fuerunt verba quæ protulerat. Huic recte dixerit Deus: Amice, non facio tibi injuriam; tolle quod tuum esse voluisti. Fiat tibi secundum fidem tuam.

*Joan.  
Nyder  
lib. 5.  
Formic.  
cap. 7.  
med.*

Adeo autem diabolus & verus, & vel pictus est fugiendus, ut nec temere quidem nominandus sit. Explico. Civis Bernensis, Petrus, maleficarum judex, vir integer, aliquod diebus extra urbem in castro Blankenburg apud cognatum egit negotii causa. Eo ita urgebatur, ut somnum noctu abrumpens lecto surrexerit, scripturus litteras ad maturandum iter. Sed videbatur Petro sol jam vicinus esse, diffugientibus stellis. Quare vestes raptim induit, precibus, quas ex more præmittere solebat, omissis. Sic ad locum scriptionis properat. Vbi clausum reperit, prius sibi, quod plus æquo dormiisset, dein & loco graviter indignatus: Ergo ad lectum,



DE IMPRECANTE LIN. 347

Etum, inquit, in nomine diaboli redibo. O Petre, malum hoc nomen est, nec quidem nominandum. Mox senties. Nam vix dum abiit ab ore vox incautior, & Petrus per scalarum gradus, quos ascenderat, præceps reiectus est, ea vi, ut semianimis & rationis expers jacuerit multo fluens sanguine. Atque sic à famulo repertus est. Vbi ad se rediit, linguam aberrasse cognovit. Vires autem eo lapsu misere afflictas vix tribus hebdomadibus reparavit.

Imprecari, maledicere, diris devovere, cacodæmonem vocare, non inutile solum & ab omni voluptate sterile, sed etiam adeo tetrum, simul tamen tam pervulgatum est flagitium, ut sæpissime divina iustitia vindices manus non contineat, sed reos exemplo feriat (ut vidimus) quo mortales citius huic maledicentiæ & imprecandi libidini desuescant, discantque benedicere & non maledicere. Lata est sententia: Maledici regnum Dei non possidebunt: Odit DEVS & arcet hominem, cuius maledictione os plenum est, & amaritudine & dolo, sub cuius lingua labor & dolor. Quibus animus est æternis laudibus Deum venerari, iis nunc incipiendum, nempe ab hominibus ducendum est principiū, quod in Deo sine fine finiatur. Quisquis poterit injurias maledictis non pensare, & Paulo præceptore, etiam persequentibus benedicere, Orbis supremo die benedictionibus infinitis honorabitur: Bene illum, bene corpus, bene animum, bene omnia illius. Ergo, Benedicite & nolite maledicere.

V. Sed vulgatum illud orbi admirandum maledictum non omisero. E signatis tabulis hoc recitabo, & testes sistam fide dignos. Conjugem Comitum in Hollandia Margaretam pauperula mulier, quæ gemellos ulnis gestabat, stipem rogavit. Comitum con-

jux non solum stipem negavit, sed & concivium addidit, adulterii eam insimulans, obprolem tam numerosam. Perculit feminam graviter & repulsa & contumelia. Ergo audet & imprecatur: Velit Deus, ut tu, ô domina tot proles parias, quot annus dies continet. Voluit omnino Deus ratam esse imprecationem. Ita uxor Comitis evolutis mensibus, partu uno trecentos sexaginta quatuor liberos enixa est. Et quia omnes in lucem vivi prodierunt, ab Ultrajectino proepiscopo Guidone, sacro rore tincti, sed paullo post una cum matre defuncti sunt. Extat hodieque in Losdunensi virginum cænobio inter Leydam & Hagam. Comitis sito epitaphium, quod hanc repræsentat inscriptionem,

*Ludov. Guicciard. in Belg descriptione mibi pa. 222 Alber- tus Cræ- tius in Vandalia. In in hist. Batav. c. 20. Jacob. Meyer Annal. Fland. .9. añ. 1278. J. Lipsius facit mē- tionē in Virgine Hallēsi. c. 3.* Illustris Domini Florentii, Comitis Hollandiæ filia, cujus mater fuit Mathildis, filia Henrici Ducis Brabantiæ, fratrem quoque habuit Guilielmum Alamaniæ regem: hæc præfata domina Margareta, Anno salutis millesimo ducentesimo septuagesimo sexto, ætatis suæ anno quadragesimo secundo, ipso die parasceves, horâ nonâ, ante meridiem peperit infantes vivos promiscui sexus, numero trecentos sexaginta quatuor, qui postquam per venerabilem Episcopum Dominum Guidonem suffraganeum, præsentibus nonnullis proceribus, & magnatibus in pelvi quadam Baptismi Sacramentum percepissent, & masculis Ioannes, femellis vero nomen Elisabeth impositum fuisset, ipsorum omnium simul cum matris animæ ad Deum æternaliter victuræ re-



DE IMPRECANTE LIN. 349  
ræ redierunt: corpora autem sub hoc sa-  
xore quiescunt.

En, Lector, tabulas signatas. Quam facilis  
est Deus imprecationi, præsertim pauperum  
annuere, & vel naturæ leges solvere, ne irri-  
ta cadat Imprecatio. \* Multorum vota ma-  
ximarum virium sunt. Finio; sed prius addo  
recentissimum ac plane musteum Impreca-  
tionis specimen. Nimirum tam aliis quam  
sibi ipsi male precari pessimum.

Hoc ipso, quo hæc typis parantur, anno  
millesimo sexcentesimo vigesimo octavo  
Augustæ Vindelicorum, duæ mulieres ma-  
ter & filia in gravem furti suspicionem  
haud temere venerunt. At illæ, quod incre-  
brescentem ejus facinoris famam à se pro-  
pulsarent, ita Deum obtestatæ sunt, ut, si  
fontes essent, horribili pestilentia utramque  
pateretur afflari, idque ad designatum diem,  
& quod amplius, certo pestiferarum plagarum  
numero expresso. Audiit hæc vota  
Deus, & annuit. Venit itaque jurata dies, &  
simul pejerata pestis, quæ servato rite pla-  
garum numero (quaternas una, novenas alte-  
ra sibi fuerat imprecata) utramque feminam  
invasit, & simul documento manifesto fuit,  
pejeranti & male precanti linguæ judicem  
vindictamque instare Deum.

Millies dixero, nec id satis unquam im-  
pressero: Benedicite, & nolite maledicere.

### CAPVT XXVIII.

*Lingua IVRAMENTIS assucta. quam  
sit exitiosa.*

Complures morbi sunt, quibus certius  
Cognoscendis, luculentum signum pe-  
titur

Z 5

\* Das gmain Gebett / vnd der  
gmain fluch / vermögen vil.

titur à lingua, quam ægrotus in eum finem subinde protendit inspiciendam medico. Anatomiz periti ajunt cor & linguam nervo conjungi uno, hinc signa valetudinis à lingua peti. Qui nosse cupit, quo quis morbo laboret, linguam inspiciat, verba consideret, sermonem observet. Lingua nuntius, & index cordis est. Qui psittacum avem, è plumulis, è pastu, è volatu non norit, saltem noscet è garritu: qui nescierit, quos hi, aut isti, aut illi mores præ seferant, attendat quid garriant. Ita Socrates inspecturus adolescentis animum, contemplatus est linguam: loqui eum jussit, ut videret quam commodis esset moribus. Avis à rostro, & cantu optime dignoscitur: humanus animus colloquiis exploratur. Qui curiosius Pharmacopolum lustrat, ut pyxidum opes indaget, operculum movet, pyxides aperit, mox aut fragrans moschum, aut assa dulcis, aut suaveolens balsamum, aut graveolens Castorium, aut assa foetida se prodit. Lingua cordis operculum est, hoc amove, & nosces illud.

*Luc.*  
*c. 6.*  
*v. 45.*

*Eccli.*  
*c. 4.*  
*v. 29.*

*Aug in*  
*ps. 93.*  
*præ-*  
*fat. æte*  
*med.*  
*Eccli.*  
*c. 27.*  
*v. 7.*  
*q. 8.*

Explicatissime Christus: Bonus homo, inquit, de bono thesauro cordis sui profert bonum, & malus homo de malo thesauro profert malum. Ex abundantia enim cordis os loquitur. Neque aliter Siracides: In lingua, inquit, sapientia dignoscitur: & sensus, & scientia, & doctrina in verbo sensati. Neque aliter Augustinus: Nam quid velit cor, ait, lingua testatur. Ergo, ante sermonem non laudes virum. Nam, sicut rusticatio de ligno ostendit fructum illius: sic verbum ex cogitatu cordis hominis. Pyrus non fert mala, nec malus pyra vel pruna: sua cuique indoles, suus cuique genius est, ad hos illosve fructus ferendos.

Caiphæ Pontificis custos janitrix, Petrum



trum Apostolum dedignata est dominum compellare: Homo vilis. Galilæus est, agebat, ipsum loquela ipsius manifestum facit. Plerunque vix paucas voculas effamur, & an Germani, Itali, Hispani simus, ab idioma te arguimur: Ita prorsus, quid quis clausum gerat pectore, lingua facit perspicuum. Verissime dixit Socrates: Qualis vir, talis oratio, quale avi rostrum est, talis & cantus est: quales cujusque sermones, talia plerunque sunt & facta. Quod optime dixit Aristoteles: *Arist. l. 4. eth.* Qualis quisque est, talia dicit. Imaginem animi esse sermonem, optime interpretatus Christus: Quæ autem, inquit, procedunt de ore, de corde exeunt, & ea coinquinant hominem. Inter hæc oris inquinamenta longe perniciosissimum est Lingua *Iurans*, seu, Iurandi consuetudo multo pessima, de qua copiosius jam differendum.

I. Temerariam iurandi consuetudinem adeo severe prohibet Deus, ut satis sit divinæ legis verba recitasse. hæc sunt: Non assumes nomen Domini Dei tui in vanum, nec enim infontem habebit Dominus eum qui assumpserit nomen Dei sui frustra. Lex hæc unica. Christianis omnibus, instar mille concionum sit. Certe vir serius & magnæ auctoritatis, ad puerilia quæque se testem produci non sinit, & Deus rex cæli toleret, ut eum nugarum, imo & mendaciorum nostrorum testem advocemus? quid enim est aliud, Iurare, quam Deum testem invocare? Clare Augustinus: Itane vero ait, quisquis es pravi cordis & perversi, si dicas, per Deum, juras: si dicas, Testis est Deus, non juras? Quid est enim, per Deum; nisi, testis est Deus? Aut quid est, testis est Deus, nisi, per Deum? *Aug. tō. 10. in decollat. Ioan. Bapt. Idē eod. tomo. 28.*

Res arduæ circumspectionis est, iuramentum licitum. Aut nullum, aut malum est iuramen- *de verbis beati Iacobi.*

*Hierē.**c. 4.**v. 2.*

juramentum, quod iudicio, veritate, & iustitia destituitur. Hieremias vates expressit: Et jurabis, Vivit Dominus, in veritate, & in iudicio, & in iustitia. Hæc autem tria tam facile depravantur, ut exactissime perpendere debeat quid factururus sit, qui iurejurando se obstricturus est. Sed hæc nihil ad nos hoc loco. Nostrium hîc exponere, temerariam jurandi consuetudinem, à divinis oraculis extreme damnari. Quatuor vero potissimum capita sunt, quæ Linguam *Iurantiem* in exitium præcipitent.

*Aug.  
loco in-  
fra cit.*

*Iacob.**c. 5.**v. 12.*

Primum est, Affectus seu libido jurandi, quæ sæpe tanta est, ut mortalium innumeri, quicquid loquuntur, temerariis juramentis, velut venenato pulvere aspergant. Plurimos reperias, qui ante centies jurent, quam vel semel panem à Deo flagitent. His talibus juramenta, velut verba iniusta, provolant: jurant, neque jurare, multo minus peccare se cogitant. Adeo namque volubilis sunt linguæ ad jurandum & dejerandum, ut fateri cogantur, tam insanam jurandi consuetudinē, pruritum ac morbum esse. Hinc sæpe, Augustino teste, plura sunt juramenta, quā verba. Quam id autem Deo non potest non graviter displicere, quod ore tam soluto laxoque adversus ipsius honorem pugnemus. Quapropter Iacobus Apostolus adhortatione maxime seria: Ante omnia, inquit, fratres mei, nolite jurare, neque per cælum, neque per terram, neque aliud quodcunque juramentum: Sit autem sermo vester, est, est; non, non, ut non sub iudicio decidatis. Illustrissime hæc Apostoli monita interpretatus est Augustinus. Hîc ego te, Lector, obsecro, vacivas præbe aures atque attentas, & quid hic unus sed eruditissimus, sed sanctissimus præsul de jurandi consuetudine senserit, ausculta. Sic igitur Augustinus loquitur: Quare ergo,

*Ante*



# DE IVRANTE LING. 353

*Ante omnia?* Iſto verbo, quod ait, *Ante omnia*, <sup>Aug. tō 10.</sup>cautos nos fecit adverſus linguam noſtram. *Ante omnia*, ait, ut attendatis præ <sup>ſerm. 28. de verbis</sup>ceteris, ut vigiletis ne ſurrepat vobis conſuetudo jurandi. Tanquam in ſpecula ita te <sup>B. Iacob</sup>poſuit contra te. Conſidera enim te jurare: <sup>ante finem ſermonis: cetera initio.</sup>per Deum, per Chriſtum occido illum: & <sup>NB.</sup>hæc quoties per diem, per horam? Non aperis os, niſi à tali juratione. Nolles, ut diceret <sup>jurat hominē à ſe occidendū</sup>tibi, *Ante omnia*, ut te adverſus conſuetudinem intentiſſimum redderet, ut omnia tua inſpiceres, omnes motus linguæ tuæ diligentiffime cuſtodires; malæ conſuetudinis tuæ cuſtos eſſes. Ad eam conſtringendam audi, *Ante omnia*. Dormiebas, pungo; *Ante omnia*, ſpinas admoveo. Quid eſt, *Ante omnia*? *Ante omnia* vigila, *Ante omnia* intentuſ eſto. Hoc peccatum quem non reum teneat, ſi jurare peccatum eſt? Nam perjurium peccatum eſſe, & grande peccatum, nemo dubitat: ſed non ait Apoſtolus, *Ante omnia*, fratres mei nolite perjurare, ſed nolite jurare. Quia ergo grave peccatum eſt pejerare, compendium tibi dedit Scriptura, Noli jurare. Vis ergo longe eſſe à perjurio? Jurare noli. Falfa juratio exitioſa eſt, vera juratio periculofa eſt, nulla juratio ſecura eſt. Sed conſuetudo eſt, ſolet dici, &c. Major conſuetudo majorem intentionem flagitat, non rei levis conſuetudo. Si de manu aliquid faceres, facilius manui tuæ imperares, ne faceret: Si pedibus aliquo eundum eſſet, pigritia retardante excitares te, ut ſurgeres & ires: lingua facilitatem habet motus, in udo poſita eſt, facile in lubrico labitur. Quanto illa citius & facilius movetur, tanto tu adverſus illam fixuſ eſto. Nam tantum mali habet juratio, ut qui lapides colunt, timeant falſum jurare per lapides: tu non times Deum præſentem, Deum viventem, Deum ſcientem. Deum manen-

manentem, Deum in contemptorem vindicantem?

*Ecclesi.  
c. 23.  
v. 9.*

I I. Alterum est; Assiduitas & quotidiana consuetudo jurandi, quam sacra volumina gravissime reprehendunt. Siracides, ut cautiores nos reddat: Iurationi, ait, non assuescat os tuum, multi enim casus in illa. Sunt qui tertio quovis verbo, ad vilissima quæque usurpent divinum nomen: nostrum nomen non nisi ad causam explicatā & æquam adhiberi patimur, quicquid demum fiat divino. Quis servorum sine honorifica præfatione dominū aut magnatem nominet? & nos Angelorū regē inter rixas & contumelias appellamus imprudentissime, seu levitatis seu falsitatis nostræ testem. Sunt qui vel uno die sexcenties dicant: Per Deum, Testis est mihi Deus, Deum appello testem. Aliter Seraphini Angelorum supremi sanctissimum Dei nomen venerantur, quanta enim ii reverentia, quo tremore suum illud trisagium *Sanctus, Sanctus, Sanctus* modulantur! At nos viles homunculi, in omne facinus projecti, in precibus torpidi, ad fabulas attenti, in vanis & futilibus animosi, cum oramus, Deum nominamus non sine fastidio, cum ludicra aut falsa narramus, eundem Deum appellamus, non sine grandi contemptu. Et quemadmodum sacerdos in sacris sæpius ingeminat, *Oremus*; sic juramentis assuetus, assidue iterat, *juremus, blasphememus*. Res ipsa hinc loquitur. Et idem Chrysostomus olim expertus: Nos autem, inquit, & cum vilia comparamus, & cum de uno numo contendimus, & cum adversus servulum commovemur, Deum testem invocamus. Et hominis quidem ingenui & aliquā dignitate muniti, in publico ad hujusmodi res non audemus testimonium postulare, ne & injuriarum contra nos vindicta procedat: Deum autem, cælorum

*Chrys.  
20. 5.  
hom. ad  
bapti-  
zandos.*



cælorum regem, Angelorum Dominum, & cum contrahis, & cum loqueris, & cum quibuslibet sermonibus delectaris, advocas teftem. Hanc ergo jurandi flagitiosam consuetudinem gravissime detestatus Siracides: Nominatio Dei non fit assidua in ore tuo, *Eccli.* inquit, & nominibus sanctorum non admisceris: quoniam non eris immunis ab eis. *c. 23. v. 10.* Vir multum jurans implebitur iniquitate, & *c. 12.* non discedet à domo illius plaga. Hoc unū, obsecro, vigilante animo considera: *Vir multum jurans, implebitur iniquitate:* Compendium & epitome diversorum scelerum est jurandi temeritas: audebit plura qui frontera per tot juramenta exuit: *implebitur iniquitate.* Neque hic vindices Dei manus exhibit. nam etsi seras, severas tamē exolvēt poenas, & non discedet à domo illius plaga; non seipsum tantum, sed & posteros suos centuplicatis secum suppliciis involvet.

III. Tertium est, Nulla, vel levi ex causa jurare, quod divinæ leges expressissime vetant: Non usurpabis nomen Domini Dei tui frustra: quia non erit impunitus, qui super re vana nomen ejus assumpserit. Hanc legem spernit quicumque imeditatus & incogitans otiosa temeritate jurat. Hebræis non tantum hæc talia juramenta vetita; sed & religionis ac reverentiæ causa, nomen Dei Iehova pronuntiare non sunt ausi, nisi soli sacerdotes & Pontifices, qui id maxime ad sollennem populi benedictionem, aut ingressum in templi adyta pronuntiabant. Iosephus affirmat, sibi hoc nomen eloqui, nec jus nec fas esse. Cum ergo in sacris paginis hoc nomen legenti occurrebat, Hebræi pro illo substituebant *Adonai*, vel *Elohim*. Imo Christus & Apostoli, cum testes faciunt Hebræas paginas, in quibus nomen tetragrammaton est, pro eo nomen *Dominus* substituunt. Hinc Iudæi

Iudæi negant se scire, quâ ratione nomen illud pronuntiandum sit, seu, quomodo illud Deus, Moses, atque sacerdotes pronuntiarint, ajuntque ultimum sacerdotem, qui nomen hoc expresserit fuisse Simeonem justum (qui Christum puerum in templo passis ulnis amplexus est) à venturo autem Messia se docendos modum hujus nominis pronuntiandi. Ob eandem divini nominis reverentiam summus Pontifex, illud in tiara, laminæ aureæ insculptum gestabat sublimè, quod rex Macedo Alexander Iaddo Pontifici obviis, humi procumbens reverenter adoravit.

Tantamne reverentiam divino nomini detulerint olim Hebræi, & illud innumeris juramentis adeo impie temerent Christiani? Grave flagitium, & supplicio dignissimum. Neque prisci tantum Hebræi, sed & nostrates ac hujus ævi hoc servant pertinaciter; per nomen tetragrammaton expresse jurare nunquam audent, sed hac formula, idque admodum raro, & non nisi adacti utuntur: Iuro per jod, he, vau, & jod (sunt quatuor nominis tetragrammaton litteræ) quod juramentum illis sacrosanctum & summum habetur. Idololatriæ etiam non licebat, falsum Deum Demogorgonem nominare; si quis secus faxit, terræ tremoribus id vindicandum.

Bocacius l. 1  
de genealog.  
Deor. 6.2.

IV. Quartum est, per res creatas jurare, imo ipsum etiam diabolum testem advocare & judicem: Si res non ita se habeat, diabolus me rapiat, cacodæmon me laceret, mille me diaboli asportent: mortuus ex hoc loco jam efferar, hic bolus me suffocet. Narrat Polidorus, Comitem Goduinum in mensa dixisse: si mentiar, hic ipse bolus me strangulet. dixit, & factum est. De hoc juramenti genere signate Augustinus: Jurare, inquit, per

Polydorus  
Vergil.  
l. 8.  
hist.  
Angl.  
Aug.  
c. 8.  
in ps. 7  
post.  
mit.



per execrationem, est gravissimum iurandi genus, cum homo dicit: Si illud feci, illud patiar,

*Scitum est periculum ex aliis facere, tibi quod ex usu fiet.* Terent.

Narrat Martinus Delrius, Hispanum militiæ ducem, cui nomen Bravo, quem & Delrius sæpe vidit, mire deditum fuisse alexæ, & quod plerunque fieri amat, in ludo diras jacere in se juxta atque alios esse solitum. Quadam die cum infelices semper numeri, & damnosi subsilirent canes, ira effervescentes in caput suum dirissima precabatur. Et en subito, coram multis qui aderant, ab invisa manu ad tabulatum usque sublatus, post aliquod temporis expallidus & mortuo similior quam vivo, in solum deponitur. Cadeverosum hunc vultus lurorem toto post vitæ tempore retinuit. Rem æque testatam sed magis horrificam, optima fide idem commemorat in hunc modum.

In Silesia vir nobilis convivæ invitarat, jamque pæne meridies vocat ad epulum, convivarum tamen nullus prandium condixerat; suas quisque remoras excusabat. Bilem hoc movit homini. Ergo ira frendens: Si convivæ nolint, inquit, veniant omnes diaboli. Dixit, & ut plenus erat fastidii, domo abiit, forte delatus in templum. Hic sedandæ nonnihil bili, substitit, & quid ecclesiastes pro suggestu diceret, attendit. Dum ille in templo hæret, ad illius domum interim adsunt equites proceri, sed atri, imperantque servo, herum quantocius vocet, adesse hospites. Servus animo consternatus ad templum properat, & nuntiat hæc hero: ille inops consilii curionem consulit. Curio hoc suavit, ut omnem familiam domo juberet excedere. Fit. Sed dum properant, infantem in cunis dormientem tre-

pida oblivione solum deferunt. Larvati ex Orco hospites domum libere ingressi, quia invitati, incipiunt comessari, & velut ebrii vociferari, per fenestras etiam prospicere, sed variis urforum, felium, luporum, sed & hominum formis, monstrare pocula & quasi propinare, carnes assas, pisces lixos, placentas frixas, & id genus edulii ostendere. Hæc vicini, hæc Curio, hæc ipse paterfamilias vidit, & Ah, inquit, ubi meus infans? Statim ab extrema parte verbi, dæmonum unus infantem ad fenestras, flebile parenti spectaculum, exhibuit. Virum nobilem infantis incolumitas unice angebat. Servum ergo, quem fidissimum habuit, interrogabat: Dic quæso, ait, quid agam? infantem quomodo eripiam his monstris? Cui servus: Domine, inquit, stes animo: vitam ego meam committam Deo, & ingrediar domum, infantem his Larvis abstracturus; Deus aderit. Si ita vis, ait herus, sic abi, Deus opem porrigat. Ita servus cum fausta prece Curionis & ceterorum, ingressus est domum, & ante conclave, in quo dæmones furebant, in genuaprovolutus se Deo impensissime commendavit. Sic obfirmato animo aperuit januam, reperitque dæmones, hos quidem stantes, hos sedentes, illos deambulantes, istos serpentes, jamque omnes uno impetu in se ferri ac vociferari: Quid hîc tibi est? Ille sudans, animo tamen præsentis usus: Tu, inquit, infantem mihi trade. Cui diabolus infantem gestans: Nequaquam, ait, jam meus est hîc infans. abi tu, tuoque domino dic, ipse veniat, & infantem recipiat. Servus jam animosior: Nomine Christi I E S V, inquit, infantem aufero, & restituo patri. Dixit, & fecit. Hîc omnes vociferari: Relinque infantem, nebulo, relinque, aut discerpemus te. Ille minis neglectis, celeriter se domo eiecit. &



cit. & infantem reddidit parenti. Eò nimium diabolis sævire permissum, non ultra. Post aliquod elapsos dies evanuerunt hi ab Erebo convivæ: ita vir nobilis cum familia in vacuas ædes denuo immigravit. En inconsulti dicti quas pænas dederit pater, quæ pericula subierit infans filius? Linguam deinceps frenare disce; iræ moderari stude; atque si domum elocare lubet, mendicis potius quàm diabolis eloca: si cenam respuât convivæ opulenti ac nobiles, fruantur eâ pauperes.

V. Verum, nec ad epulas nec ad choreas vocandus est gentis humanæ hostis, quod sequens narratio demonstrabit. In Saxonia opulenta virgo, juveni elegantis formæ, sed tenuis fortunæ conjugium promisit. Ille catus cautusque angebatur futuris, & vereri se dicebat, ne fidem frangeret immemor promissorum. At illa diris seipsam devovens: Si alteri nupsero, inquit, diabolus in ipsis nuptiis me vivam abripiat. Enimvero elapsis aliquot mensibus mutat animum virgo, & sponso priore spreto, nubit alteri, ditiori. Adest prior continuo, monetque foederis, & diræ devotionis. Illa obfirmat animum, &: Noli, ait, obtundere homo, frustra es. Iamque nuptiæ parabâtur. Ipso autem nuptiarû die, cû jam totis ædibus perstreperet hymenæus, cum cognati & convivæ mire hilarerent, sponsa, vigilante conscientia, solito fit tristior. Sub epuli finem, duo diaboli, nobilium equitum tunc primum adventantium specie, nuptialem domum ingrediuntur, humaniter excipiuntur; fit locus novis convivis, confident una, fabulantur multa, mentiuntur plurima. Iamque epulum & choreuma ad saltationem spectabat. Ita remotis mensis in choreum itur. Equitum alter honoris causa invitatur, ut cum sponsa choros

*Delirius*  
tom. 2.  
*disquisit*  
*Magic.*  
l. 3. part  
1. q. 7.  
sect. 1.  
*mihi*  
pag. 77

ducat. Non recusat; unum alterumque can-  
ticum cum eâ defaltat. Mox cum eadem  
per ostium erumpit, & in altum se tollit  
cum devota sibi præda, parentibus & co-  
gnatis frustra lamentantibus. Postero die  
mæstissimi parentes & cognati, miserunt  
qui sponsam quærerent, ut saltem esset quod  
sepulchro & terræ redderent. Quærentibus  
iidem diaboli duo fiunt obviam, & spon-  
sæ vestes ac mundum muliebrem red-  
dunt cum hoc dicto: In sponsam, non in  
hæc, potestatem nobis concessit Deus. Augu-  
stini verba hîc repeto; Iurare per execratio-  
nem (quod sponsa fecit) gravissimum jurisju-  
randi genus est. Ita misera quæ nuptiarum  
promissa violavit, & suam in se precationem  
contempsit, corpore animoque cacodæmoni  
mancipata est. O quantum momenti, in-  
quantillis vocibus! En causam, quare Iaco-

*Ex ipso*  
*aucto-*  
*grapho*  
*Gallice*  
*excuso*  
*Arre-*  
*bati*  
*Anno*  
*1601.*  
*Cû ap-*  
*probatio*  
*ne D.*  
*Guiliel-*  
*mi ad*  
*S. Mag-*  
*dalenâ*  
*curionis*  
*et cano-*  
*nici A-*  
*viêsis.*  
*\* An-*  
*ton. de*  
*Hæck*  
*vulgo*  
*Cruck.*

bus Apostolus dixerit: Ante omnia, fratres  
mei, nolite jurare: non per cælum, sed neque  
per terram, multo minus per diabolum.

Huic alterum addo, idque recentius.  
Anno millesimo quingentesimo nonagesimo  
nono, die vigesimâ nonâ Novembris, Gera-  
dimontii in Flandriâ, argentarius (cui \* An-  
tonius nomen) ad Navim auream hospes  
divertit. Lis ei erat cum aliis de pecunia,  
quam alii datam ei affirmabant, ipse accep-  
tam negabat: & pernegabat, & quod pejus,  
juramento dicta confirmans: Si eam pecu-  
niam, ajebat, acceperim, velit Deus ut hoc  
igne comburam. Simul ignem monstrabat  
in proximo camino structum. Nec tamen iis  
quibuscum lis erat ita satis factum. Homi-  
nem jurejurando insuper censuerunt ob-  
stringendum. Neque hoc ille detrectavit.  
Iusjurandū dedit. Sic vesperi discessum est.  
Antonius post cenam lectum sterni, & ignē  
paullo luculentiorē in camino fieri iussit.



eo averſus ſe applicuit, quietius, ut putabat, dormiturus calefacto corpore. Hoſpes ſedulus & officii ſui ſatagens peregrinum hominem ante ſomnum convenit rogavitque, num quid rerum deeſſet; ſimul ignem ſingulariter obſervavit jam pæne in favillam conſediſſe, nec quidquam periculi ab eo metuendum. Sic abiit è cubiculo. Haſ ipſas ædes ſub undecimam noctis horam excubitor tranſiit, viditque in ea parte ædium, ubi Antonius morabatur, plurimum luminis effulgere, quia tamen incendium ſuſpicatus non eſt, fruſtra ciere turbas noluit. Idem vigil non multo poſt ibidem præteriiit. ſed jam vehementior ille cubiculi fulgor decreverat. Eadem hora ſoror Antonii vix mille paſſibus ab oppido diſtans etiamnum in opere erat, & fila ducebat. Cum ecce colum ſubitus è foco ignis invadit, ægre reſpreſſus aquâ. Eâdem nocte ante parochi domum horribiles latratus canis edidit. Manè Antonii ſoror maritum mittit Geradimon-  
tium ad inviſendum fratrem. Expectat iſ  
ultra horam in hoſpitiſ, dum affinis ſurge-  
ret. Nemo prodiit. Tandem pulſat ad cubiculum: nemo reſpondet. Denique rogat hoſpitem, aperiât. Ingrediuntur ambo, & miſerum reperiunt fœde uſtulatam ac mortuum, illæſis à flammâ pedibus. Craneum primo tactu in cineres ſolutum, ſcabellum cui inſederat, pæne combuſtum. Omnis pecunia quam ſecum in loeulis deferabat, ab igne intacta erat. Hoc quam primum urbe tota vulgatum eſt. Mox omnes ad triſte ſpectaculum convolarunt. Fama etiam Bruxellas iit ad Belgii principes, qui virum gravem miſerunt, ut in rei fidem inquireret. Omnia, prout narravimus, comperta. Nimirum vigilat divina Vindiçta, nec perjuris dormit, præſertim cum illi tam ſecuri ſce-

*ſeu A.  
dyano-  
polim.*

leris in somnum declinant. Repeto illud beati Iacobi: Ante omnia, fratres mei, nolite jurare.

V I. Sed dices, hi quos nominasti, falso jurarunt; ego, aliique leviter & incogitati juramus, & modo Deum, modo diabolum nominamus testem: quid hoc tanti momenti sit? Non est ita, mi vir ut dicis: nam ille nobilis Silesius præcipitante ira, & inconsideratus juravit. Deinde vero, eum te esse fin-ge qui semper verum dicas, quotiescunque dicis: Testem Deum appello; Ne sim salvus, si hoc fecero; diabolus me avehat, si hoc patiar: esto, inquam, te talia dicendo veritati nunquam contradicere (quod fieri non potest) per hanc tamen pessimam jurandi consuetudinem, inobservatis lapsibus, devenies ut etiam falsa juramenti confirmes. Crede mihi, regula est certissima: *Sape jurando perjuri sumus.* Omne autem perjurium letale delictum est, neque hîc, ut in aliis, rei levitas excusat. Sapienter præmonet Ambrosius:

*Ambro.  
in ex-  
hortat.  
ad Virg.*

Noli ergo jurare, ne incipias pejerare: hoc illud è vestigio sequitur. Hanc ipsam ob causam divus Iacobus cavere jubens: Noli-te, inquit, jurare, *ne decidatis*, ab uno in aliud juramentum, à juramento in perjurium, ob perjuriam iusto Dei iudicio damnandi.

Denique legislator divinus, Christus, Dominus, sanctissimam in omnia juramenta legem, & nulli antiquandam promulgans: Audistis, inquit, quia dictum est antiquis. Non perjurabis, reddes autem Domino juramenta tua. Ego autem dico vobis non jurare omnino; neque per cælum, quia thronus Dei est, neque per terram, quia scabellum est pedum ejus; neque per Ierosolymam, quia civitas est Magni regis; néque per caput tuum juraveris, quia non potes unum capillum album facere, aut nigrum. Sit sermo autem vester,

*Matth.  
c. 5.  
v. 34.  
usque  
ad  
v. 38.*



vester, est, est; non, non, quod autem his abundantius est, à malo est. Si eam observantiam Deo debemus, ut non nisi ad res ipso dignas, testem eum vocemus, cujus obsecro momenti sunt pleraque omnia, vanissima certe illa juramenta? Quare prohibet Christus, imo jam prohibitum esse docet, jurare. Neque tantum vetat, per Deum, sed & per res creatas jurare. quod autem abundantius est simplici affirmatione, vel negatione, à malo est, à diabolo introductum est. Ex hominum vitiis natum est juramentum, quod mendaces sint plerique, subdoli, flexiloqui, varii, nec eam colant simplicitatem atque sinceritatem quam dictat ratio. Nemo autem minus meretur fidem quam is qui frequenter jurat. Vult itaque Servator, nos adeo spectata morum integritate vivere, ut nemo nobis non credat etiam injuratis: adeoque aperta simplicitate, ut vicissim nulli non credamus injurato, sitq; sermo Christiani instar jurisjurandi. Isidorus Pelusio-<sup>Isid.</sup> insigniter: Si nostri gregis es, inquit, ac<sup>Pelus.</sup> sub bono illo pastore censeris, ferarum na-<sup>l. 1. ep.</sup> turam ac similitudinem abjura, & ipsius vo-<sup>155.</sup> ci obtempera, qua, ne omnino jures, prohibet. Quod si jurare minime vis, nec ab aliis quidem ut jurent extorque. idque duplici de causa, nimirum aut quia veri studiosus est qui interrogatur: aut contra, quia libenter mentitur. Si enim ille vera loqui solet, omnino etiam nullo interposito jurejurando vera loquetur: Si autem mendax est, jurans etiam mentietur. Non sine causa Sira-<sup>Eccl.</sup> cides: Loquela, inquit, multum jurans hor-<sup>c. 27.</sup> ripilationem capiti statuet. Æquum profe-<sup>v. 15.</sup> cto est, ut cum multum juratur, caput audientis exhorrescat, quod sanctissimum Dei nomen sic abjici videat & calcari. Non exigua virtus est, juramenti penitus abstinere.

## CAPVT XXIX.

*Quid Sancti Patres. Chrysostomus. Augustinus.  
Bernardus de Lingua IURANTE  
senferint.*

**I**uramentum reverenter adhibitum, licitum semper sanctumque habitum, ex usu omnium gentium & tribunalium constat. Sed alterum illud vanum, & sine causa usurpari solitum, à Christo Servatore prohibitum, variis suppliciis coercendum, sanctissimi quique & eruditissimi viri gravissime detestati sunt. Ex eorum numero tres potissimum selegi, Chrysostomum, Augustinum, Bernardum, priscos doctores, quorum sententias perrogare institui. Dicent illi quid de improba jurandi consuetudine sentiendum. Qua in re quinque nobis capita præcipue persequenda. Primum, Iurandi consuetudinem assiduis objurgationibus esse convellendam. Secundum, A Iuramentis ad perjuriam facillime transiri. Tertium, Non tantum non jurandum, sed nec iuramentum sine necessitate postulandum. Quartum, E Iuramentis plurima, maxima provenire damna. Quintum, Iurandi consuetudinem facile posse corrigi. De his breviter, & ordine signato differemus, ex ore dictorum Patrū.

**I.** Primum. Deterrimam jurandi consuetudinem assiduis incusationibus castigandam, illustrissime docuit Chrysostomus, qui vix unquam pro suggestu dixit, quin flagitiosam illam jurandi assiduitatem acri aceto perfunderet. Ipse de seipso testis: Etsi enim heri, ait, & nudius tertius de hac vobis locutus sum materia, neque tamen hodie desistam, neque cras, neque perendie eadem persuadere. Et quid dico crastinam aut tertiam diem? Donec vos correctos videam,

*Chrys.*

*tō. 5.*

*hū. 5. ad*

*pop.*

*Anti.*

*post*

*med.*



deam, non absistam. Sed eadem iterum atque iterum inculcans, & pessimam jurandi consuetudinem identidem castigans: Quid faciam? inquit, donec vos correctos videam, non possum absistere proposito. Obsecrare, arguere, increpare, opportune, importune institit, Apostoli suasu, nec de eadem re sæpius obtundere destitit, dum adverteret hoc vitium saltem capi & intelligi, si non perfecte corrigi. Et veluti faber tundendo ictus repetit, & malleum sæpius in idem ferramentum revocat; ita Chrysostomus: Rursus, inquit, vobis de eadem materia dicere volo, ut de mente vestra improba jurandi consuetudo radicitus evellatur. Sextus hic dies est, quod de hoc vos præcepto admoneo. Neque vanus, aut sine profectu monitor fuit. Actum est aliquid tot seriis clamoribus; exhorruerunt aliqui criminis gravitatem, & à seipsis pœnam expetiverunt. Hos Chrysostomus publice commendans: Novi multos referentes, inquit, mandatum fecimus, leges nobismet ponentes, & jurantibus pœnas definientes, & legem transgredientibus pœnam inferentes, pœnam nobis congruam, quod est maximæ charitatis indicium. Hæc igitur curiose scrutari cognovimus, & Deo gratias egimus, quod non in petris seminavimus. Quia tamen alii in eodem luto hæsitabant, aut dato emendationis specimine, ad ingenium redibant, Chrysostomus idem monere perseverans: Hoc, inquit, & de jurantibus dicere licet: nec enim isti ullum habent quem præmittant prætextum, sed contemptum solum. Et novi quidem quod gravis esse videor jam & onerosus, admonitionis jugitate perturbans: veruntamen non desino, ut vel meam reveriti impudentiam, improba juramentorum consuetudine absistatis. Idem proximis concio-

*Et hom.  
15. mi-  
hi. pag.  
116.*

*Idem.  
eod. tō.  
hom.  
14.  
circa finem.*

*Et hō. 9  
ad pop.  
initio.*

*hō. 10.  
fine.*

# 366 CAPVT XXIX.

*hō. 12. ante fi- nem* nibus ingeminans: Volo itaque rursum de iuramentis vobis loqui, erubesco autem. Mihi quidem grave non est diu noctuque eadem vobis dicere: timeo autem ne postquam vos his multis diebus admonuero, multum torporem vestrum damnabilem ostendam, qui in negotio tam facili, continua egeatis admonitione. Nec tamen erubesco, sed & timeo vobis. Continua namque doctrina advertentibus salutaris quidem & utilis, torpentibus vero damnosa & periculosa. Etenim quanto quis sæpius audierit, tanto maiorem ultionem attrahet, non faciens quæ dicuntur. Idem omnibus pæne aliis concionibus inculcat Chrysostomus.

**II.** Secundum caput fuit; à Iuramentis ad perjurium facillime transiri, fieri enim non posse, ut quis sæpe juret, & nunquā pejeret. Perjurium theologis est mendacium vel falsitas iuramento confirmata. Hic & Augustinus velut capitalis triumvir iuramenta gravissime inculcans: Falsa juratio, inquit, non est leve peccatum: imo tam magnum peccatum est, falsum jurare, ut propter reatum falsæ jurationis, Dominus prohibuerit omnem jurationem. Propinquat falsæ jurationi, qui vel verum jurat. Hoc ipsum affirmatius asserens: Homo, inquit, qui per consuetudinem jurandi potest linguâ in perjurium prolabi, bene prohibetur jurare. Tanto enim longius erit à perjurio, quanto erit longe à jurando. Nemo hominum est qui frequenter jurat, quin aliquando pejeret. Certissimum & pristorum verbum:

*Qui sæpe juret, sæpe oportet pejeret.*

*Iamb. vetus. Aug. tō. 6. serm. iij. de iure. 6. in ps. 88. ante med.* De quo idem Hipponensis Antistes: Et ecce dico charitati vestræ, ait, & qui per lapidem falsum jurat, perjurus est. Vnde hoc dico: quia multi & in hoc falluntur, & putant, quia nihil est per quod jurant, non se crimine teneri



ne teneri perjurii. Prorsus perjurus es, quia per id quod sanctum putas, falsum juras. Sed ego illum sanctum non puto. Sanctum putat cui juras. Non enim quando juras, tibi juras, aut lapidi juras, sed proximo juras. Homini juras ante lapidē, sed nunquid non ante Deum? Non te audit lapis loquentem: sed punit te Deus fallentem. Vis ergo longe esse à perjurio, Iurare noli. Totus in eandem sententiam Chrysostomus concedens: Nec enim, inquit, hoc solum habet mali juramentum, quod & temeratum & servatum juratos poenæ facit obnoxios, quod in nullo peccatorum alio accidere quispiam videt. Sed & aliud non minus isto malum. Quod autem hoc est? quod neque volentibus neque studentibus sæpius possibile est bene jurare. Primo quippe continue jurans & volens & invitus, & nesciens & sciens, & serio & joco loquens, & ab ira sæpe elatus, & à multis aliis, omnino pejerabit. Nemo est qui frequenter juret, & non aliquando perjuret. Et ejus rei velut causam assignans: Qui, inquit, mentiri non dubitat, nec pejerare timet. qui enim mentitur, veritatem in corde suo transgreditur: qui autem perjurat, in verbis suis transit Deum. Qui in jurando non timet Dei præceptum negligere, nec in perjurando timebit. Quid ergo interest, inter Deum transire & veritatem transgredi, cum & ipsa veritas sit Deus? Hæc sola est differentia, quia veritatem mentientes in corde transimus, perjurantes autem, Deum in verbis. Nam verbo hominibus satisfacimus, conscientia autem Deo. Ipse Deus qui perjurare vetuit, ipse & postea non jurare mandavit. Qui ergo in jurando non timet Dei præceptum negligere, nec in perjurando timebit. Multo difficilius est jurantem non pejerare, quam omnino à jure-

Chryst.

hō 14.

ad pop.

post init

et hō.

12. in c

5. Mat.

ante

med.

Idem

tom. 4.

Ep. ad

Rom. c.

7. hom.

13. an-

te finem

et hō.

14. ad

pop.

post ini-

et fin.

jurejurando abstinere. Vsq̃ue adeo est concessum & manifestum, quod multum jurantem, & perjurum esse necessarium est. Impossibile enim, impossibile, os jurare assuefactum non continue pejerare. Mellifluus

*Bern. de modo bene viv. serm. 32. de perjurio* Bernardus illam Augustini & Chrysostomi sententiam omni calculo confirmans: Vis, inquit, ut dicam tibi qualiter nunquam pejerabis? Nunquam jures: si non juraveris, nunquam pejerabis: si pejerare times, nunquam jures. Prohibe etiam tibi juramentum, tolle

usum jurandi, periculosum est enim jurare; usus jurandi facit consuetudinem perjurii; usus jurandi ducit hominē ad perjurium. Sit in ore tuo, Est; sit in ore tuo, non est. Veritas non indiget juramento. Fidelis sermo retinet locum sacramenti. O si Deus timeatur, inquit Augustinus, o si perjuri expavescant: lingua frenatur, veritas tenetur, juratio tollitur.

*Aug. serm. 10. in de- coll. S. Ioan Bapt. fine. Aug. serm. 28. de verb. Apost. propius finem, & serm. 11. in de collat. S. Ioan Bapt.* **III.** Tertium caput erat, non tantum non jurandum, sed nec juramentum sine necessitate postulandum. Qui ad jurandum provocat, aut juramentum exigit, quandoque gravissime peccat. Dilucide Augustinus; Si scit eum fecisse, inquit, novit fecisse, vidit fecisse, & cogit jurare, homicida est. Idem hoc acerbiori invectione repetens: Ille, inquit, qui hominem provocavit ad jurationem, & scit eum falsum esse juraturum, vincit homicidam: quia homicida corpus occisurus est, ille animam, imo duas animas, & ejus quem jurare provocavit, & suam. Scis verū esse quod dicis, & falsum esse quod ille dicit, & jurare compellis? Ecce jurat, ecce pejerat, ecce perit. Tu quid invenisti? Imo & tu peristi, qui de illius morte te satiare voluisti.

Chrysostomus hoc ipsum sollicitè ac peramanter ingerens: Ecce admoneo te, inquit, ne aliquando hominem jurare compellas. Sive existimas eum bene juraturum, recede ab eo:



ab eo: si ve existimas male juraturum, magis recede ab eo, quia etsi ille bene juraverit, tu quantum ad conscientiam tuam perjurii illius factus es causa. Chrysostomum nemo melius explicaverit quam ipse Chrysostomus, qui toties à se dicta hunc in modum exponit: Quid tibi Christus de juramentis differat, horresce audiens, & desiste. Quid igitur de juramentis inquit? Ego autem dico vobis omnino non jurare. Tu vero legem jurare prohibentem contemnendo, juramentum facis? O contumeliam, ô insaniam? Idem enim facis, tanquam si quis legis latorem prohibentem interficere, ipsum cædis sibi socium esse jubeat. Non ita gemo & deploro, quosdam in viis jugulatos audiens, sicut gemo, & lacrimis prosequor. horresco, cum video quempiam prope mensam hanc venientem, & manus imponentem, & evangelii jurantem attactis. De pecuniis, quæso, dubitas, & animam occidis? quid tantum lucraris, quantum animam tuam & proximum lædis? Si enim credis quod verax sit homo, ne juramenti necessitatem adducas: si vero nosti quod mentitur, ne pejerare cogas. Sed ut mihi satisfaceret instandum erat, inquis. Imo tunc sufficientem capias satisfactionem, cum jurare eum non feceris. Nunc nempe domum regressus multam capies consolationem, agens Deo gratias, & dicens: Benedictus Deus, quoniam me ipsum continui, neque adjuravi frustra, nec temere peccat aurum, pereant pecuniæ, ut hoc nobis maxime consolationem afferat, legem non præteriiisse, nec alterum coegisse, ut hoc faceret. Cogita propter quæ non adjurasti, & hoc tibi sufficiet in refrigerium & consolationem.

Chrys.  
hō. 15.  
ad pop.  
fina.

Aug.  
epist.

Omnino non jurandum luculente docens Augustinus: Pejerare, inquit, immane peccatum

154.  
ad P<sup>er</sup>.  
blicos,  
initio.

*Aug.  
epist.  
89. ad  
Hilarium  
fine.*

*Chrys.  
hom. 9.  
in acta  
Apost.  
proxime  
finem.  
et hom  
7. ad  
pop. fine*

tum est, à quo nos longe esse voluit, qui omnino ne juremus admonuit. Idem Hilario unice commendans: Iurationem, inquit, cave, quantum potes. Melius quippe nec verum juratur, quam jurandi consuetudine & in perjurium sæpe caditur, & semper perjurio propinquatur. Sed illi, quantum aliquos eorum audiui, quid sit jurare, prorsus ignorant: putant enim se jurare quando in ore habent: Scit Deus, & Testis est Deus, & Testem Deum invoco super animam meam. His sese juramentis obstringunt miseri, propter unicum quandoque obolum, frequenter ob lanam caprinam. Quod Chrysostomus deplorans: Nescitis, inquit, quid sit Deus, & quali ore invocari debeat. Porro quoties de viro aliquo virtutibus prædito loquimur, dicimus: Lava os tuum & sic memor sis; nunc vero honorabile nomen, quod est nomen super omne nomen, quod admirabile in omni terrâ, quod dæmones audientes contremiscunt, simpliciter distrahimus; ô consuetudinem quæ id fecit contemptissimū &c. Si simpliciter nominare Deum non omnibus fas erat, hoc certe quod in testimonium vocatur, quantæ audaciæ, dic oro, quantæ insaniciæ? quomodo enim non absurdum, servum quidem non audere dominum nominatim, & sine honoris præfatione appellare: Angelorum vero Dominum temere & contemptim ubique jactare? Nunquid quoniam non punimur, putamus nos neque peccare? Ecce dico & testificor vobis, emendate juramenta, eos autem qui non obtemperant, omnes mihi indicate: ecce præsentibus vobis, imperabo his qui ad ministerium segregati sunt domuum orationis, & admonebo & ostendam nulli jurare licere, imo neque aliter. Ad me igitur ducatur, quisquis fuerit, quoniam & hæc oportet coram vobis



agi, quasi pueri essetis. Ergo, nec tu ipse jura,  
nec aliis ad jurandum impelle.

IV. Quartum caput, E consuetudine ju-  
randi, velut è fonte, mala scaturire innume-  
ra, iidem, quos supra laudavi sanctissimi do-  
ctores testantur. Et Hipponensis quidem *Aug.*  
præsul Augustinus de seipso candide ac ner- *10, 10*  
vose: Iuravimus & nos, inquit, passim habui- *serm.*  
mus istam teterrimam consuetudinem & *28. de*  
mortiferam. Dico charitati vestræ, ex quo *verb.*  
Deo servire cœpimus, & quantum malum *Apost.*  
sit in perjurio vidimus, timuimus vehemen- *post*  
ter, & veternosissimam consuetudinem ti- *med.*  
more frenavimus. Frenata restringitur, re-  
stricta languescit, languescens emoritur, &  
malæ consuetudini bona succedit. Gravif-  
simum hoc malum est, sæpe jurando, in eam  
jurandi consuetudinem venire, quæ paulla-  
tim in mores transeat. Quod idem Augusti-  
nus deplorans: Sed tamen, inquit, aliud ha-  
bet humana pessima consuetudo. Et cum ti-  
bi creditur, juras; & cum nemo exigit, juras;  
& horrentibus hominibus juras; non taces  
jurando, vix es sanus non perjurando. Ergo,  
si discuriat homo, quoties juret per totum  
diem, quoties se vulneret, quoties gladio lin-  
guæ se feriat, & transfigat, quis in illo locus  
invenitur sanus? quia ergo grave peccatum  
est pejerare, compendium tibi dedit Scrip-  
tura, Noli jurare.

\* Chysostrmus hic sibi vere similis, hoc  
est, aure eloquii orator, inanium juramen-  
torum damna percensens: Satanæ laqueus  
est, inquit, jurare. Disrumpamus igitur fun-  
es, & facile contra omnem custodiam con-  
sistemus; liberemur à laqueo satanæ. Vide  
enim quanta correxeritis, si quidem hoc  
correxeritis. Primum quia consuetudinem  
difficilem excsecatis. Deinde rationem ma-  
lam, & unde omnia mala, nempe quod puta-  
tis

*Idem*  
*serm.*  
*eod.*

\* Chrys.  
*hom.*  
*11. in*  
*Acta,*  
*fine. &*  
*hom. 14*  
*in ead.*  
*fine &*  
*hō. 15.*

*ad pop.*  
*post.*  
*med.*  
*hom.*  
*9. ad*  
*pop. fine*  
*hō. 14.*  
*ad pop.*  
*post med*  
*& fine.*  
*hō. 19.*  
*ad pop.*  
*fine.*

tis nihil referre, & nihil nocere. Tertio fu-  
 rorem; Quarto avaritiam. Omnia enim hæc  
 iuramentum parit. Audistis prophetam de-  
 iuramentis hodie nobis loquentem? Respexi  
 oculis meis, & vidi, inquit. Quid tu vides? Et  
 dixit: Video falcem volantem longitudine  
 cubitorum viginti, & latitudine cubitorum  
 decem. Et ingreditur domum, inquit, iuran-  
 tis nomine meo, & dissolvit eam in medio,  
 & suffodiet lapides & ligna. Quid tandem  
 est dictum? & qua de causâ in specie falcis,  
 iurantes sequens poena videtur? Vt ultio-  
 nem inevitabilem esse, & supplicium evita-  
 ri non posse videas. Ensem enim volantem  
 forsitan aliquis effugere poterit: falcem au-  
 tem in collum delapsam, & pro funiculo fa-  
 ctam, nemo fugere potest. Cum autem &  
 alæ adsint, quæ salutis ulterius spes? Quâ ve-  
 ro causâ lapides & ligna iurantis dissolvit?  
 Vt ruina aliis correctio fiat. Postquam enim  
 iurantem mortuum terræ condi necesse est,  
 domus dissoluta & ruina facta, prætereunti-  
 bus omnibus & cernentibus admonitio erit  
 per aspectū, ut non eadem audiant, ne eadem  
 patiantur, & accusatrix erit mortui criminis  
 continua. Non ita pungit ensis, sicut iura-  
 menti natura, non sic occidit gladius, sicut  
 iuramenti plaga. Scribe super parietem do-  
 mus tuæ, & super cordis tui parietem, fal-  
 cem illam volantem, & hanc ad maledictio-  
 nem volare puta: & continue ipsam recogni-  
 ta, sive alium iurantem videas, cohibe, veta,  
 & curam tuorum gere servorum. Idem  
 Chrysostomus de Saulis regis iuramento  
 differens, ut compendio plurima iuramen-  
 torum damna enumeret: Saul, inquit, ex  
 unico iuramento plurima texuit perjuriam.  
 Vides, & tyrannidem, & filii cædem, & bel-  
 lum civile, & pugnam, & jugulationes, &  
 cruores, & infinita cadavera ex uno parata  
 iuramento?

*Chrys.*  
*locis pro*  
*xime ci-*  
*tasio,*



juramento? Vides quot homines tum volentes, tum invitos perjurio obnoxios, unū fecit juramentum? quot mala molitum est, quot cædes patravit? Cum his autem omnibus audisti Christi sententiam dicentem, quod non pejerare tantum, verum & jurare quomodocunque, diabolicum est, & tota maligni machinatio. Audisti quod ubique juramenta sequuntur perjuria. Hæc, inquā, omnia congregans, inscribe cordi tuo. Vtinam mihi liceret frequenter jurantium animas exuere, & ipsorum oculis subicere vulnera & cicatrices, quas quotidie capiunt à juramentis. Nec admonitionis aut consilii indigeremus: quoniam vulnerum aspectus omni sermone potentius, huic improbæ consuetudini adhærentes, à malitiâ abducere posset.

Tandem Chrysostomus, quia multos hac in re cessatores aut refractarios expertus est, ovem exuens, leonem induit, & è suggestu omnibus edixit publica voce: quicumque jam toties moniti inanibus juramentis non abstinerent, templo exclusos se scirent, templi limina non amplius contingerent, quamdiu scelestam jurandi consuetudinem perseverarent. Et hæc Chrysostomi verba sunt: Quotidie clamamus, insonamus in aures vestras. Qui audiat, nullus est, &c: Propterea *Chrys. hom. 8. in Acta circa festum.* magna & clara voce prædico vobis ac testificor, ita ut eos qui sic prævaricantur, quique ea quæ à maligno sunt, loquuntur, hoc est enim juramentum, ne limina ecclesiastica ascendant. Præstitutus autem vobis sit mensis præsens, ut sic corrigamini. Ne enim mihi dixeris, quod me negotiorum urget necessitas, quia fidem non invenio. Iam remove mihi illos qui ex consuetudine jurant. Scio quod multi nos risuri sunt. Atqui melius est nos nunc rideri quam olim de-

plorari. Et hoc ipsum, quo id melius ab omnibus capiatur, repetens: Si quis, inquit, noluerit hoc præceptum perficere, quemadmodum tuba quadam per verbum pronuntio, abstineat à liminibus ecclesiasticis illis, siue princeps sit, siue alius diademate cinctus.

*Chryf-  
hom. ea  
dem s.  
in apost  
Acta.  
c. hñ.  
11. in  
Acta.  
propius  
finem.*

V. Quintum caput Iurandi consuetudinem facile posse corrigi, Chrysostomus & sæpe & aperte ingerens, Malam, inquit iurandi consuetudinem ab ore nostro auferamus frenum imponamus linguæ: Nullo hñc sumptu opus, nullus labor exigitur, non indiget magnâ temporis mora exercitatio. Sufficit velle, & totum factum est. Res enim hæc à consuetudine pendet. Etiam oro & obsecro, studium tale afferamus. Quam autem negligentia multorum bonos hos conatus eludat, explicans: Contingit autem sæpius contrarium, inquit, eos qui semel bene aliquid fecerint, in eadem peccata ex ignavia iterum relabi, ita ut inde quasi impossibile reliquū opus constituere, ut si posuimus nobis ipsis legem non iurandi. Virtutem exercuimus ad dies tres, quatuor: post hoc necessitate quadam urgente, collectum lucrum totum dispersimus, ac incidimus. Deinde in tantam pervenimus segnitiam ac desperationem, ita ut non libeat eadem ultra attingere, & c. Verum non oportet negligenter agere etiam sic, sed iterum laborem aggredi. Os enim quod nescit jurare, statim etiam Deum in precibus invocans conciliabit, & gravi plaga diabolus percutiet. Os quod jurare nescit, neque contumeliis afficiendi consuetudinem habebit. Nam quemadmodum ex domo quadam, ita à lingua hunc ignem ejice, & foras trahe.

Augustinus ad vincendam iurandi consuetudinem gravissime hortatus: Laborare debetis,



debetis, & configere, ait, adversus consue- *Aug.*  
tudinem vestram malam, malam, malam, & *serm.*  
valde malam : & tollere jurationem de ori- *11. de*  
bus vestris. Cavete à falsa juratione, cavete à *decoll.*  
temeraria juratione. Ab his duobus malis se- *S. Ioa.*  
curissime cavebitis, si consuetudinem ju- *Bapt.*  
randi à vobis abstuleritis. *med. &*  
*fine.*

Atque ut vim verbis adderet, suo eos  
exemplo cohortatus: Scio, inquit, grave esse *Augu.*  
consuetudini vestræ, sed & grave fuit con- *serm.*  
suetudini nostræ. Timendo Deum, abstuli- *10. de*  
mus jurationem de ore nostro. Ecce vobis- *decoll.*  
cum vivimus. Quis nos audivit aliquando *S. Ioa.*  
jurantes? Nunquid non consueveram quo- *fine.*  
tidie jurare? At ubi legi, & timui, luctatus  
sum contra consuetudinem meam, in ipsa  
luctatione invocavi Dominum adiutorem.  
Præstitit mihi Dominus adjutorium non  
jurandi. Nihil mihi facilius est, quam non  
jurare. Hoc ideo admonui charitatem ve-  
stram, ne dicatis: Quis potest?

Bernardus juramenta vinci non appeten-  
do, docens: Sicut, ait, mentiri non potest, *Bern.*  
qui non loquitur: sic pejerare non poterit, *de m. lo*  
qui jurare non appetit. Quacunque arte ver- *bene*  
borum quisque juret, Deus tamen qui est *viv.*  
testis conscientiae, hoc ita accipit, sicut ille, *serm.*  
cui juratur, intelligit. Chrysostomus quo *32.*  
magis suos animaret ad victoriam vitii tam *de per-*  
infesti: Quid horum, inquit, in juramentis *jurio.*  
quæso prætereundum possumus? quam difficul- *Chrys.*  
tatem? quem sudorem? quam artem? quod *hom.*  
periculum? exiguo tantum studio nobis est *19. ad*  
opus, & brevi nobis totum expeditum fue- *popul.*  
rit. Nec mihi dicas, majorem expediti; sed *proxime*  
nisi totum emendasti, nondum te quidquam *finem.*  
fecisse puta. Hoc enim exiguum neglectum,  
& omne reliquum destruit. Sæpius namque  
domos ædificantes homines, & tectum im-  
ponentes, unius regulæ excussæ curam non

*hō. 26.* gerentes, totam domum perdidērunt. Nobis  
*ad. pop.* itaque quotidianas ponamus leges. Interim à  
*initio.* facilioribus exordiamur, ab ore nostro jurandi frequentiam amputemus, linguæ frenum ponamus, Deum juret nemo. Non est hîc impendium, non est hîc labor. non est hîc temporis exercitatio: sufficit velle, & totum factum est; consuetudinis enim opus est. Precor & supplico, studium hoc impendamus. Ergo Satanica hæc jurandi consuetudo, uti aureus orator loquitur, superari non difficulter potest, modo eam velimus superare. Ea de causâ hoc ipsum diversis concionibus retractans: Quî tandem, inquit, quæso te, labor est fugere juramentum? nunquid pecuniarum opus est impensa, nunquid ærumnis ac sudore perficitur? tantummodo velle sufficit, & totum quod jubetur impletum est &c. Cum igitur istud corrigere tentaveris, etsi semel, etsi iterum legem consuetudine fallente fueris transgressus, ne tunc quidē animo desperes, sed rursus resurge, atque id ipsum studiū sollicitus apprehende, & absque ulla prorsus ambiguitate superabis.

*Idē tō.* Vt autem Chrysostomus pectori alte in-  
*5. hō. 7* figeret impar hominum & Angelorum stu-  
*ad. pop.* dium in divini nominis cultu, quamque fa-  
*fige.* cile sit cura & studio hoc vitium debellare: Seraphim, inquit, stabant circa ipsum, & clamabant alter ad alterum, & dicebant, Sanctus, Sanctus, Sanctus Dominus Deus Sabaoth: plena omnis terra gloria ejus. Vidisti cum quanto timore, quanto horrore nominant eum glorificantes & laudantes? Tu vero in precibus quidem & supplicationibus, cum multo ipsum invocas torpore, quando horrescere oportebat, varia quædam, & alia super alia connectis juramenta, & qualis venia, quæ vero nobis erit excusatio, etsi milles consuetudinem objiciamus? Dicitur quod



quod quidam externorum oratorum præ quadam stulta consuetudine, dexterum eundo humerum continue movebat, sed tamen consuetudinem vicit, & gladios acutos utrimque humeris imposuit, ut vulneris timore, membrum inepte se movens corrigeret: Hoc & tu linguæ facias, & ipsi pro gladio divinæ poenæ timorem impone, & omnino superabis. Impossibile enim, impossibile inquam est, meditantes & studentes, & opus hoc facientes, unquam superari. Ergo abunde satis demonstratum est, jurandi pessimam consuetudinem à nemine non superari posse. Sequitur, quibus ea modis superari possit. De quo capite proximo agemus, una etiam diversis objectionibus responsuri.

## CAPVT XXX.

*Quibus objectionibus IVRAMENTA soleant excusari, & quibus modis ea extirpari possint.*

**V**Ti linguæ sunt quæ cæno mersæ, sordibus unice gaudent, ita sunt linguæ, quas diabolus nunquã non persultat. Hæ nõ decimam tantum, sed vel tertiam sermonũ partẽ consecrant cacodæmoni, idololatræ pejores. Basilius Magnus: Illud Clinix, inquit, unius è secta Pythagorea philosophi difficile est credere, quod casu non de industria nostros imitatur. Nam ille, cum per juramentum multam trium talentorum liceret vitare, injuriam pati maluit quam jurare. Priscis Romanis lex erat, ut qui per Ianum jurasset, mortẽ plecteretur, nisi id fecisset senatus permittente. Pudeat Christiani sanguinis homines in naturæ legem tam turpiter delinquere, & vitæ auctorem toties ore temerario incescere.

Suida teste adeo parcebant prisci Diis

fuis, ut, ne per eos temere jurarent, sæpe dicerent: Per hanc rugosam pellem meam, Per aridam hanc arborem: Has fores testor, Per hunc gladium, Per hoc sceptrum, Per telum hoc meum juro.

*Maffe.  
lib. 12.  
histor.  
Ind.*

Iapones, quod multa ratione faciant, juramenta plurimum averfantur. Plato, è rationis itidem dictamine, graviter reprehendit jurantes. Non enim tantum pejerandi periculo proximi sunt, qui crebro jurant, sed insuper tam sibi quam aliis incommodant: sibi quidem, quos mendaces, & indignos quibus credatur, nisi teste Deo, significant: aliis autē, quos, uti ait Hieronymus, suspiciosos & incredulos judicant. Profecto nemini minus creditur, quam crebro juranti, qui cum prisco poeta fateri de se cogitur,

*Auso.  
Etyll. 2*

*Jurare aut falsum dicere, par habui.*  
Sanctioris vitæ hominibus, qui non facile unquam jurant, priscum illud convenit:

*Troch.  
vet.*

*Iis maxime, nunquam qui jurant, creditur.*

Gregorius Nazianzenus, etiam voto se adstrinxit, nunquam juraturum, quod laudabili constantia ad ipsam usque tumbam servavit. Leontius Antistes qui res gestas Alexandrini Patriarchæ Ioannis, quem Eleemosynarium vocat, conscripsit, ipso narrationis exordio: Primum, inquit, & præcipuum ejus bonum fuit, quoniam omnimodis non juravit, quoniam Christus suis præcepit: Sit sermo vester, est, est; non, non; quod autem his abundantius est, à malo est.

Comes Ariani Elcearius, non tantum ipse non juravit, sed nec in ullo suorum famulorum jurandi licentiam vel minimam tulit. In eos qui vel jurassent, vel alteri male precati fuissent, hæc fuit decreta poena: Diem unum carcere includi, aut prandio cenave privari, aut coram aliis humi sedentem,



tem, pane solo & hydria cenare. Si quis restitisset, alium sibi dominum quærere jubebatur. Hac ratione famulos ad Linguam perattentos reddidit. Sed sunt hic quæ obijciuntur, inanibus & noxiis his juramentis defendendis, ad quæ singula ordine respondemus.

I. Primum est quod juramentis videatur patrocinari, Consuetudo ipsa. Vtique, ajunt, tam severe non punit Deus, hos oris humani errores; sic assuescimus. His Chrysostomus acere acetum propinans: Ne mihi jam aliquis, inquit, consuetudinem prætendat: *Chrys. hom. 19 ad pop. ante finem.* propter hoc enim indignor & irascor, quoniam consuetudinem (ajunt) vincere non possumus. Et nisi consuetudinem vincamus, quomodo concupiscentiam vincemus, cujus radix habet à natura principium? Concupiscere enim naturale, male vero concupiscere jam est voluntatis. Jurare nempe nec coepit à voluntate principium, sed ex negligentia sola. Et ut discas, quod non ex rei difficultate, sed propter neglectum nostrum in tantum hoc peccatū processit, cogitemus quod multo his difficiliora expediant homines, & hoc nullam inde retributionem expectantes. Cogitemus quæ diabolus imperavit, quam laboriosa, quam gravia. Nec difficultas fuit ejus mandatis impedimentum. Atque hoc variis exemplis firmat Chrysostomus. Funambuli qui Schænobaticam faciunt, & funibus currunt, ea discunt à puero, quæ nos incredibilia censemus: fuerunt è priscis oratoribus qui balbutientem aut claudicantem linguam, sed & alia naturæ vitia, vigili meditatione correxerint. Considera, inquit hic *Idem torn. 2. in c. 5. Math. hom. 18 pnc.* orator, quemadmodum gentilium blæsi aliqui quarundam syllabarum non bene exprimentes sonum, offendentem sæpe linguam longa meditatione limaverint. Postquam

*Chrys.* enim per scripturas vobis non potest persuaderi, ab externis monere vos cogor. Cogitatem c. 5. te gentilium philosophos, & tunc scietis *Matth.* quanto simus digni supplicio despicientes divinas leges, cum illi quidem pro humana honestate infinite laboraverint, vos vero neque pro cælesti regno studium adhibeatis.

*Aug.* Augustinus, idem cum Chrysostomo *serm. 28* urget in hunc modum: Sed consuetudo est, *de verb.* let dici. Solet dici, quando non dico. Hoc est, *B. Iacob.* ante omnia. Quid est, ante omnia? Præ ceteris cautus esto, plus ad hoc intentus esto, quam ad alia. Major consuetudo maiorem intentionem flagitat, non rei levis consuetudo.

Alterum, quod hic objicitur, istud est: Cum Deus homines vetet jurare, cur ipse jurat? Hic disertissime Augustinus respondet: Cum ergo Dominus juravit, quare Dominus Christus suos jurare prohibuit: Dico, quare &c. Dominus qui prohibuit jurare, supra ripam te noluit ambulare, ne pes tuus in angusto labatur, & cadas. Sed Dominus juravit, inquis. Securus jurat qui mentiri nescit. Non te moveat quia Dominus juravit: quia forte non debet jurare nisi Dominus. Tu enim quando iuras, quid facis? Testem Deum adhibes. Tu ipsum, ipse seipsum. Sed homo quia in multis falleris, plerunque adhibes testem veritatem ad tuam falsitatem. Aliquando & nolens homo perjurat, cum verum putat esse quod jurat. Non est quidem tantum peccatum, quantum ejus qui scit esse falsum, & tamen jurat. Quanto melior, & à peccato isto gravi longe fit, qui audit Dominum Christum, & non jurat. Sed etiamnum objicis: Tamen alii quoque viri probi atque intelligentes jurant. Chrysostomus tanquam ejusdem tecum animi, prorsus idem caussatur, hoc modo: Sed ille, inquis, jurat homo, qui mitis est, & cui est sacerdotium commendatum,



tum, & qui in multa castitate & reverentia conversatur. Nolo mihi hunc sanctum, hunc mitem, hunc pudicum, hunc proferas sacerdotem: sed si Petrum mihi, si Paulum, si de cælo angelum narres, nec sic quidem personarum dignitate terrebis. Etenim, si Christum hoc mandasse poteris approbare, aut quia hoc Christus non punit, acquiesco. Sed si cum tanta provisione hoc fieri prohibet, ut jurantem maligno sociaret (nam superfluum, inquit, horum diaboli est) quid mihi alium atque alium commemoras, quid aliquorum nominas facta? Non enim ex servorum negligentia, sed ex sua præceptione, sortem tibi Deus attribuit. Non enim ad cor servos nobis, sed ad dominum ratio est. Nam & Magnus ille David peccavit, & grande peccatum. Quid ergo? Ideo nobis sine periculo peccare conceditur? Non. Nā hac de causa cavere debemus, & facta fortia imitari sanctorum. Et si aliqua negligentia legis præcepta violata sunt, cū omni festinatione transire nos convenit. Nā licet magnus & admirabilis ille sit, qui hanc legem respuit, poenam sine dubio calcatæ hujus præceptionis exolvit. Non enim est Deus personarū acceptor.

I I. Tertio solet objici: Is hoc ævo rerum status est, ut nisi quis juret, nemo credat tam jejune affirmanti. Imo, mi homo, nemo credit sæpe juranti. Quoquo te vertas, quicquid caufferis. Constantinopolitanus orator occurrit. Etiam hic Chrysostomum pro me loquentem sisto, qui & istud prævidens: Hunc, inquit, ex anima morbum pellamus, *hom. 26* interim ex foro submoveamus, ex venalibus *ad pop.* tabernis, & reliquis officinis, & major erit *sine.* nobis quæstus. Ne cogitetis, vos per divinarum legum prævaricationes vitæ necessaria comparare. At, inquires, non credit. Nam & hoc interdum à nonnullis audiivi, Nisi mille

juravero sacramenta, non credit. Tu es horum causa qui facile iuras: quoniam si id non faceres, sed omnibus constaret, quod non jures, mihi crede dicenti, quod his qui mille devorant juramenta, majorem ipse fidem solo nutu invenies.

Quarto objiciat quis: Majorem partem jam emendavi consuetudinem jurandi. Nisi totum emendasti, excipit Chrysostomus, nondum quidquam te fecisse putes. Scissura vestis, quantumvis parva, si non quā primū farciatur, mox dilatatur: ita nullos in virtute profectus capiet, qui diabolo foramen illud non obstruxerit. Divus Ludovicus Rex Galliarum, jurandi consuetudinē extremē perosus, sæpius dixisse fertur: *Libens omnino vel candentis ferri ustionem recipiam, modo juramenta regni mei finibus sic possim proscribere.* Non minus averfatus est juramenta Marcellus II Summus Pontifex, qui ubi ad id fastigii evectus esset, à purpuratis Patribus rogatus est, literis illis de more subscriberet, in quibus juramento obligaretur, purpurati senatus numerum, ultra quam præfinitum est, non augendum. Marcellus non tantam esse jurisjurandi necessitatem ratus, recusavit quod postulabatur, &: *Re, inquit, hoc præstiturus sum, verbis nolim.* Prisci monebant:

*Vet. Iurare noli, causa justa sit licet.*

*Lamib.* Quinto solent opponere: Non gravibus, adjunt, juramentis utimur; & res, & juramenta nostra plerunque levia sunt. Vt scias, mi Christiane, hic etiam levissima quæque admirandi fiunt ponderis. Imo hæc ipsa oris & animi levitas, delicti gravitatem auget. Chrysostomus hic iterum pervellens aurem: Hoc peccatum, inquit, valde crudele est, nec adeo valde crudele putatur: & hac de causa illud timeo, quia nullus illud pertimescit, sed sicut simplex sermo prolatus reatum non videtur.

*Chrys.  
tom. 5.  
hom. ad  
bapti-  
zand.  
fine.*



detur afferre, &c. Et si quis increpaverit, risus movet, jocos narrare putatur. Funditus hoc amputare festino, & multi temporis malum radicitus evellere cupio, nō tantum perjuria, sed ipsas quoque jurationes. Verbum vetus & verum est:

*Iurare causas ob leves, perjurium est.*

Zacharias vates auctoritate divina præmonens: Omnis fur, inquit, sicut ibi scriptum *Zach. c.* est, judicabitur: & omnis jurans ex hoc *5. v. 3.* militer judicabitur. Nostri ævi theologus *Axon.* cum fide veritatis docet, mendacium etiam *l. 5. mo-* levissimum jurejurando confirmatum, deli- *val. inst.* ctum esse letale. gravi namque injuria Deus *c. 27.* afficitur, cum in testem vocatur mendacii. Militis illius vox impia fuit & sub Orcum releganda: *Iuro tantum per Deum ligneum.* Hoc enim est noxam purgare noxa. Hanc temerariam linguæ petulantiam Deus quandoque gravissime punivit. Isaias proclamat: Audite *Is. c. 48* hæc, &c. qui juratis in nomine Domini, & *v. 1.* Dei Israël recordamini, non in veritate, neque in iustitia.

Augustinus rem miram commemorans: Aliquid dicam, inquit, quod nunquam dixi charitati vestræ in hoc populo, quod contigit in hac Ecclesia. Fuit hic homo quidam simplex, innocens, fidelis, vobis omnibus notissimus, quis enim civium Tutuslymenum non novit? Ab illo audiui quod dico. Nescio quis negavit illi, quod omni jure reddendum fuisset. Commotus homo audacia tam improba exegit juramentum. Iuravit ille, iste perdidit, sed isto perdente, ille penitus periit. Dicebat ergo Tutuslymenus, ea ipsa nocte pertractum se magno impetu ad tribunal judicis, viri admirabilis, in sublimi residentis, nunquam visi. Hic sese interrogatum: Quare provocasti hominem ad jurationem, quem sciebas falsum esse juraturum?

Respondit

Respondit ille: Negavit mihi rem meam. At responsum est: Nonne melius fuisset, ut tu tuam perderes pecuniam, quam illius perimeres animam? Ita humi prostratus cædi iussus est. Iam flagellato dictum est: Parcitur innocentiae tuæ, de cetero cave hoc facias. Cæsus est autem tam graviter, ut in evigilantis dorso vestigia plagarum cernerentur. Subjungit hic Augustinus: Fecit quidem ille magnum peccatum, & emendatus est. Sed multo gravius peccatum faciet, qui post istum sermonem, & istam meam admonitionem, & exhortationem tale quid fecerit. Cavete à falsa iuratione, cavete à temeraria iuratione. Ab his duobus malis securissime cavebitis, si consuetudinem jurandi à vobis abstuleritis.

Beatus abbas Auxentius singulari gratia pollebat in restituenda ægrotis valetudine. Ab hoc Antistite duo viri fædissima lepra deformati stipem poscebant. His Auxentius vultu & verbis ad benevolentiam compositis: Scitote, inquit, mei fratres, divinam iram non alia de causa in vos desævire, quam quod eam assiduis juramentis & maledictis provocetis. Hæc sunt æquissima Dei judicia: tam noxia oris eluvies, tam tetro vitiliginis squalore punitur. Sed agnoscite vos reos, & desinite hæc vitia. Demum oleo sacro perunctos, à se incolumes dimisit. Adeo verissime olim est dictum:

*Vet. troch.* *Lingua quidē res pusilla, maximi at parēs mali est; Pejerat, jurare causas quisquis audet ob leves.* Hic demum complures interrogant: Qua igitur ratione, quibus denique modis vulgarissima hæc jurandi consuetudo emendanda est? Quo major medicinæ vis sit, eo remediis utendum probatoribus: diversa, sed non multa damus.

III. Primum ex ore Chrysostomi: Censores



fores, monitores, reprehensores in se aut alios constituere. Hac de re Chrysostomus amplissime differens: Quo igitur modo, inquit, quove subsidio, hoc poterimus declinare peccatum? Non enim solum convenit criminem crudele monstrare, sed potius criminis ultione liberari. Est tibi conjux, sunt filii, est amicus, est servulus, est vicinus, est sanguinis cognatione sociatus: festina omnibus hujus legis præcepta narrare. Sed, inquis, dura res consuetudo, & quæ facile mutari non possit, & quæ nos nonnunquam & invitos trahit, & nolentes committere cogit illicita. Igitur tanto te hujus mali reatu liberare festina, quanto consuetudinis vim necessitatemque cognoscis, & ad aliam consuetudinem migrare propera. Nam sicut te prava consuetudo possidet, ita poterit melior obtinere, ut & volentem te jurisjurandi lapsibus non permittat evinci. Nam revera multum consuetudo prævalet, & jura didicit immutare naturæ. Vt igitur non assidue doleamus, ad aliam consuetudinem demigremus, & ab omnibus tibi singulisque conjunctis hoc postula, hoc pete beneficiū, ut te jurantem arguant, ut confundant. Nam cum te afficiunt tua confusione auctorem, & sibimet similia largientur. Nam qui alterum, ne juret, arguit: nec facile se præcipitare patietur in periurium.

Alterum: Censores, monitores, reprehensores, etiam non vocatos admittere. Quis est qui pallium inversum induat, & non sustineat vel ab infante, vel à fatuo moneri? Quandoque etiam olitor est opportuna locutus. Anno millesimo quingentesimo octogesimo quarto, Vlyssiponæ catechesis in platea publica docebatur. Ab his Christianæ doctrinæ rudimentis adeo profecit puer, ut cum hominem adultum procacius jurantem audiret,

*Chrys.  
horn. ad  
baptiz.  
tom. 5.*

audiret, ingenua procubuerit, & summis precibus obsecrarit, non ita juraret, neque enim tam leve, quam putaretur, esse peccatum. Erubuit ad has preces vir grandævus, &: Qui vocaris, inquit, quinam tui sunt parentes? Tacuit puer & abiit. Non tu, ait vir ille, puer es, sed Angelus Dei; emendabo me. Dictis addendum.

Anno millesimo quingentesimo nonagesimo tertio, Divione pædagogus schedam à suo discipulo scriptam reperit, legitque, ignarus peccata in ea enumerari: inter cetera & hoc perscriptum erat: *Pædagogum meum temere jurantem non correxi.* Ea res sic hominem attonuit movitque, ut omnem jurandi consuetudinem generose in se expunxerit. Nimirum etiam ex ore infantium & lactentium laudem suam Deus perficit.

Tertium, Certum emendationis tempus sibi præfinire. Istud etiam Chrysostomus suadens: Vt igitur, inquit, hoc crimine liberemur, invicem admoneamur, insitum tempus constituamus, & tempus dierum decem. Volentibus enim & vigilantibus, & hi sufficiunt dies, quo penitus hoc crimine consuetudinis liberemur: & post decem dies nihilominus si illaqueati reperiamur, poenam nobis constituamus. Si vero post hæc dicas, quod est difficile consuetudinem fallere vehementer quoque studentes: hoc fateor quidem & ego. Veruntamen & illud cum hoc pariter dico quod sicut est facile decipi, sic & facile corrigi. Si namque domi multos ubique custodes constituas, puta servum, uxorem, amicos, ab omnibus facile compulsus atque coactus, à mala recedes consuetudine. Et si decem tantum diebus id observaveris, non jam amplius reliquo tempore indigebis, sed cum fiducia totum erit tibi repositum, pulcherrimæ consuetudinis firmitate vicissim.

Chrys.  
hom. ad  
baptiz.  
& hom.  
28. post  
nit.



sim radicatum. Cum igitur hoc corrigere coeperis, five semel, five secundo, five tertio, five vigesimo legem transcenteris, ne desperes, sed iterum surge, & studium tuum resume, & omnino victor eris.

Idcirco post decem dies conatu tam laudabili exactos, alii decem dies præfiniendi, post hos iterum alii atque alii destinandi, quibus victoria de jurandi consuetudine reportetur. Neque hic unquam desperandum. Conatus & industria possunt omnia.

Quartum, Assidue divinam in iuramenta vindictam metuere, Deum audientem & punientem omnia, ubique timere. Ad saluber-  
 rimum hunc timorem conciliandum, Chry-  
 sostomus non ignota suis narrando, sic ar-  
 gumentatur. Civitatis balnea rex obstiuxit, *Idem*  
 & lavari iussit neminem, & legem transgre- *horn. 14*  
 di est ausus nemo, aut factum incusare, aut *paullo*  
 consuetudinem prætere: verum & qui *ante fi-*  
*nem.*  
 sæpe sunt in ægitudine, & viri, & mulieres,  
 & pueri, & senes, & multæ partus dolori-  
 bus recenter absolutæ mulieres, & omnes  
 necessario tale remedium petentes velint no-  
 lint mandatum hoc sufferunt, & neq; mor-  
 bum corporis, neque consuetudinis tyranni-  
 dem, neque aliis peccantibus se puniri, nec  
 aliud talium quidquam prætere: sed hu-  
 jusmodi grate excipiunt ultionem, quia ma-  
 jora expectabant mala, & quotidie precan-  
 tur hætenus regium furorem sistere. Vides,  
 quod ubi est timor, facile solvitur consuetu-  
 do, etiam si valde diuturna sit & necessaria.  
 Atqui non lavari, grave: Non jurare vero,  
 valde facile, & nullum affert nocumentum,  
 non corporibus, non animis, sed etiam mul-  
 tum emolumenti, magnam utilitatem, mul-  
 tam opulentiam. Quomodo igitur non ab-  
 surdum rege jubente vel difficillima sustine-  
 re: Deo vero statuente id quod neq; grave sit,  
 neq;

neq; difficile, verum perquam facile & commodum, contemnere & deridere, & consuetudinem prætereendere? Non exhortor, ne in tantum salutem nostram contemnamus, sed timeamus Deum, sicut hominem timeamus.

Quisquis igitur iuramentis assuetus es, si hominem times qui sicam extollit & vulnera minatur, cur Deum nō times qui gehennā proponit, & supplicia intentat sempiterna?

*Idem  
hom. 5.  
ante  
fitem.* Quintum, quod optimum videtur, Sibi ipsi multam dicere; certam stipem egenis seponere, gulæ aliquid cibi potusve subtrahere, pensum statarum precum augere, &c. Easque pœnas à se toties repetere, quoties quidem repetitur culpa. Nam & hoc Chrysostomi consilium est. Vis, inquit, discere quomodo vitium hoc superari possit? quomodo ab improba consuetudine liberari liceat? Ego te quendam docebo modum, quem si tenueris, superabis omnino. Cum videris te ipsum, vel alium quemque, vel servorum, vel filiorum, vel uxorem hoc malo captos, & continue commonefactos, neque correctos, jube non pransos cubare, & hanc tibi & illis damnationem impone, damnationem non damnum sed lucrum ferentem: Talia enim sunt spiritualia, & lucrum ferunt, & celerrimam correctionem. Lingua enim continue tribulata, vel nemine commonente sufficientem capit admonitionem à siti compressa, à fame angustata, etsi omnium essemus stolidissimi, tota die hujus tormenti magnitudine commoniti, alterius consilii & admonitionis non indigebimus. Nobis itaq; ipsi quotidianas ponamus leges. Nobilissimum supplicii genus est à seipso pœnas expetere.

Anno millesimo quingentesimo quinquagesimo quarto, ad tollendum hoc præceptum & inutile



inutile jusjurandum, multæ toto Catalauniæ *Historia*  
 principatu institutæ sunt sodalitates, sub Au *Societa-*  
 gustissimi nominis I E S V tutela. In has ad- *tis tom.*  
 scribebantur ea lege sodales, ut certa sibi irro- *l. 14.*  
 gata mulcta, à temeraria jurandi consuetu- *n. 72.*  
 dine temperarent. Successu optatissimo salu-  
 tare hoc inventum late propagatum est. Igi-  
 tur octo ipsos Catalauniæ episcopatus nomi-  
 nis I E S V sodalitia mira foecunditate in suas  
 leges traxerunt. Resque eo devenit, ut pueri  
 quoque inter se pulchro certamine poenas  
 reposcerent: ac, si cui forte vetitum verbum  
 per vias publicas excidisset, in eum ceteri fa-  
 cto impetu, non prius dimitterent, quam  
 poenæ loco in genua procumbentem figere  
 osculum solo cogerent.

Etiam in Bavaria, contra divini nominis  
 abusum sodalitas viget, plurimum laudanda,  
 cujus origo, leges, preces, privilegia  
 Monachii typis excusa, Anno millesimo sex-  
 centesimo vicesimo sexto.

Hanc omnem de improba jurandi consue-  
 tudine dissertationem cum Chrysostomo &  
 Augustino finio. Chrysostomus non perju- *Chrys.*  
 rii tantum, sed juramentorum inutilium o- *hom. 16*  
 mnium capitalissimus hostis, quæ diximus, *ad. pop.*  
 in compendium confert hoc modo: Deus *de sedi-*  
 dixit, Ne juraveris. Noli causas à me am- *tionem.*  
 plius requirere. Lex est regia; qui tulit ip-  
 sam, & ipsius rationem novit. Nisi fuisset  
 utile, non prohibuisset. Addit sed concione  
 alia: Deus juramenta fugere jussit, & dicit: *hom. 8.*  
 Non possumus fugere juramenta. Sextus hic *ad. pop.*  
 dies est quod de hoc vos præcepto admoneo.  
 &c. Non amplius vobis erit excusatio, neq;  
 venia, maxime cum etiam si à nobis dictum  
 fuisset nihil, à vobis ipsis hoc corrigi debue-  
 rit. Et ut oculis etiam, non solis auribus hanc *hom. 14*  
 ipsam institutionem infingeret, auditores su- *ad pop.*  
 os obnixè rogavit: Iohannis (Baptistæ) ca- *post.*  
 put *init.*

put abscissum adhuc calido cruore destillans  
fumentes, sic domum quisque suam redeatis,  
& putetis ante oculos habere ipsum vocem  
emittentem & dicentem: Odio habete jugu-  
latorem meum, Iuramentum, &c. Hoc ip-  
sum igitur & nunc peto & petere non desi-  
stam, ut quocunque abierimus hoc gestantes  
caput abeamus, & omnibus clamans osten-  
damus, & iuramenta vituperans. Quamvis  
namque valde simus ignavi & negligentes,  
capitis illius oculos intuiti, terribiliter vos  
resipientis & minantis jurantibus, freno  
omni vehementius per timorem huiusmodi  
repressi, cohibere & avertere facile poterim-  
us linguam à jurandi præcipitio. Augusti-  
nus his documentis optimum nectens epilo-  
gum: Istam, ergo, inquit, quotidianam, cre-  
bram, sine causa, nullo extorquente, nullo  
de tuis verbis dubitante, jurandi consuetudi-  
nem avertite à vobis, amputate à linguis ve-  
stris, circumcidite ab ore vestro. Magno bo-  
no abundabitis, si tam magno malo carebitis.

*Aug.  
serm. 28  
de ver-  
bis A-  
post. ad  
finem.*

## C A P V T X X X I.

*Quod linguarum donum sit, & qua omnium Lin-  
gua sanctissima?*

**N**Otissimus è porticu philosophus Dioge-  
nes, cum prolixum volumen recitans,  
tandem eo pervenisset, ut libri finem vide-  
ret: Bene habet, amici, ait, terram video.  
Nos primam Alphabeti partem deduximus  
ad finem; & jam terram videmus. De lin-  
guæ vitiis huc usq; differuimus; æquor aravi-  
mus procellosum, & monstris plurimis infame,  
nunc portus primus in oculis est. Faci-  
lis ei venia conceditur, qui nauseat in mari.  
Neque nos ægre veniam ei dabimus, qui in  
mari hoc monstrosissimo nauscarit. Tot jam  
dissertationibus nihil nisi mera linguæ vitia,  
& fœ-



& foedissimam oris proluviem in conspectu posuimus, ut forsitan non nemo dixerit: Date mihi pelvim, adeo bilem movent tot purulentæ linguarum vomicæ. Vt hoc fastidium levemus, placuit dissertationem institueri non de ullo linguæ vitio, sed de dono. Hac dictionis varietate interposita, ad alteram de linguæ vitiis partem progrediemur. Nunc vero prout instituimus, quæstionem hanc agitabimus, Qualem linguarum donum sit, & quæ demum sanctissima omnium dicenda lingua.

I. Ea est humanæ mentis cæcitas, ut quæ probanda improbet, quæ improbanda probet, & ea quæ admiratione digna, negligat, quæ negligenda suspiciat, & quædam æqua non æque admiretur. Cui nostrum non mirum foret spectaculum redeuntis ad vitam è monumento? plane oculi tuerentur attoniti, sensus omnes vincirentur, homo extra hominem abiret. Et cur neminem delectat huic propinquum admirari miraculum solis, qui quotidie quasi moritur, & quotidie resurgit. Rus mihi abi aucupatum; picam adfer, & exceptis ossiculis arctum ejus guttur disclude, præi eam verbis, doce formare vocem, & articulatos sonos fundere luculenter; obsecro quam non ciebit ad se turbam, quos ad se non convocabit cætus, qui insuaves illos oris crepitus prona capient aure, sui obliti. Perversi mortales, contra oportuit. Quærite in vobis, quod quæritis extra vos. Placent illa aviculæ male formata verba, & non placent potius vestra, quæ sine salebris & suaviter ex ore decurrunt? Recte omnino & sapienter Anacharsis invitatus ad audiendum quendam qui mirifice lusciniæ cantum imitabatur, aspernatus est, & : Veras, inquit, lusciniæ sæpe audiui. Nos pluris facimus affectatione & imitatione acqui-

fita, quam vera. Stulte prorsus. An fortasse miraculum est, aviculam loqui, & non est hominem loqui? Nihil novi, inquires, hominem loqui; imo potius novum, hominem non loqui. Ne turba. Lector, neve confunde quæ dico. De re nova nullus mihi sermo, sed de linguæ miraculo ac dono, quod in homine non minus est quam in ave. Nam quod in avicula fecit artifex, hoc in homine fecit natura, immane quanto melius. Loquatur paullulum lingua de lingua quæ tumidis inclusa buccis, vocem motibus suis in verba discernit, dum acumen suum palato illidit, adjuncta offensione dentium & compressione labiorum, plus tamen ad loquendum conferrunt dentes quam labia. Nam infantes prius non fantur quam dentiant; & edentuli senes nonnunquam ita balbutiunt, ut bimuli puelli. Quid autem mirius quam sonum è pectore petatum, in verba certa flectere? Lingua non loquitur, non dentes, non labia, & tamen nihil loquitur nisi dentes, & labia, & lingua. Adverte mentem & vide; vocem emittis quam lingua volutat, dentes frangunt, labia premunt, ut vult qui loqui vult. Vox hominum in parvo censu est, verba sunt, vocem habet suam & leo, habet canis, habent & aliæ bestiae; verba non habent. Quis vero verba docet, hæc aut illa? Naturâ, scio, quosdam dicere: imperite dicunt. Tu Germanice faris, quo doctore, qua doctrice? Natura? Germana igitur naturalis, & non ceteræ? indignabitur Italus, stomachabitur Gallus, fremet Hispanus. Nugæ & anicula- rum deliramenta linguam aliquam homini esse naturalem, non esse omnes. Sed est non nemo qui dicat: include par infantum, remove eos ab hominum cætu, diurnent annos aliquot solitarii, veniet cum annis lingua homini naturalis. Assertionis suæ ratio-



nem adducunt. Et en, inquit, Psammetichus, rex Ægypti, uti testis est Herodotus, avidus cognoscendi, quinam primi homines extitissent, hujusmodi quid machinatur: Pueros duos humilibus parentibus recens natos tradit pastori inter pecora educandos, simulque vetat vel ullam vocem edi audientibus pueris. Abit pastor, regis jussa facit, pueros includit, voces cavet, & tempore, ut rex jufferat, capras admovet, alendis pueris. Transfit ita biennium, & infantes nec vocem reddunt nec accipiunt, nisi forte à barbatis illis suis nutricibus. Tandem pastore casam hanc ingrediente, ambo pueri, porrectis manibus *βέxx@* clamant. Miratur pastor, silet tamen, & ubi idem verbum crebrius audit, rem ad Psammetichum defert cum pueris. Quos cum rex & ipse audiisset, percunctatus est, quænam gentes *βέxx@* quippiam nominarent. Et comperit tandem, à Phrygiis sic panem appellari. Ex quo Ægyptiî Phrygas se priores non negarunt.

Accipio quæ dicis, & audio; quæso & tu me audi. Herodotus sexcentas scripsit fabulas, inter illas & istam numeremus. Deinde fac verum loqui patrem fabularum, respondebit pro me Hipponis, imo & Orbis lumen Augustinus, qui hoc verbum scribit pueros didicisse à capris apud quas magistras fuerunt enutriti. Sed quoniam exemplis rem agis tuam, agamus iisdem pariter nostram. Nostro ævo magnus ille Indiæ terror & domitor Mogor eodem studio aut curiositate ductus, in loca inaccessa pueros abdedit, ut exploraret somniatam istam & ultro crescentem loquentiam. Diu expectavit, sed tandem pro Ciceronibus & Demosthenibus, aut si mavis, pro balbutientibus Rabinulis vidit mutos. Verum quid diu immoror, cur non hoc anile agmen uno spiritu

*Aug-  
mentio-  
nem  
facit  
hujus  
contro-  
versa  
l. de  
quanti-  
tate  
anime  
c. 18.  
tom. 1.*

fufflo ac diffipo? Quid enim, superi? unde nobis sermo? unde verba? Si non ab imitatione, non ab exemplo. Tolle imitationem, tolle exemplum, & sustulisti sermonem. I. nunc, invise tuos infantes, & mirare solitariam illam facundiam, quæ rudet potius quam loquetur. Prodeant nunc tibi, inquit Arnobius, in operta solitudine nutriti, mortalium consiliis inferantur, dent responsum roganti, certe omni pecore, ligno, saxo, obtusiores stabunt, & Deæ illi Angeronæ similiores quam hominibus. Sed morus ego sim si diutius morer hæc somnia. Hebræam linguam omnium principem esse in confesso est, cujus Deus auctor & inventor. Ceteræ ab hominibus inventæ sunt, aut expolitæ. Enimvero de ordine linguarum & præstantia, nullus hic locus differendi. Illa cuique sit optima quæ est utilissima, aut sanctissima. Nec conquerantur unam solum aut paucas nos callere linguas; tribulem habemus Adamum. Non multi Mithridates vivimus: habuit linguarum rex ille notitiam viginti gentium, quæ sub ejus regno erant, nullo ad ullam unquam usus interprete. Dæmonium hominis aut certe miraculum.

I I. Habemus donum Naturæ Linguas, sed informe ac rude? sed & noxium donum, nisi aliud insuper donum aliunde accefferit, quo doceamur, Quando & Quomodo utendum hoc linguæ dono. Quando igitur & quomodo loquendum? Perplexæ quæstiones, neque jam expediendæ. Vnum duntaxat instillo, tum loquendum esse, cum meliora silentio afferre possis. Dictorum enim sæpe, vix unquam silentii poenitet. Hinc Lycurgus roganti, cur Lacones sic amarent loquendi brevitatem? Quia finitima est, inquit, silentio. Et certe omni ætati decora, tubinde necessaria etiam est taciturnitas. Audiatur

*Ad  
has in  
parte  
alie-  
ra re-  
sponde-  
mus.*



diat à me loquaculus dictum Theophrasti: Minus, ait, linguæ fidendum quam effreni equo. Nec tamen ego Harpocrates volo, cum res & tempus postulat. Loquendum est, cum silentium aut non probum, aut admodum molestum. Theophrastus ille quem dixi, quendam in convivio tanquam in Pythagoræ ludo silentem festive admordit: Si stultus es, inquit, rem facis sapientem; si sapiens, stultam. Et erat solenne Græcis, cum secundæ mensæ inferrentur, inferri etiam linguam bubulam assam, ut intelligerent convivæ, tum vel maxime, si unquam alias, linguis utendum. Sed non est opus me magistro linguæ in conviviis, solvitur illa nimium cum vino incaluit, & subinde nisi videres homines, hirundinum musea diceres, non hominum cætus.

Donum ergo linguarum quid est, aut unde est? Linguarum donum quid sit, scit ille qui donat Deus: ego quidem præstare arbitror, hoc tanto munere donatum esse, quam ad explicandum illud paratum. Nam hic maxime Labyrinthus, in quem si quis sese intromittat nec si Theseus sit, revertetur, nisi Deus ille fila porrigat, atque dirigat gressus. Ne tamen deserti notam officii subeam, imitabor philosophos, cum aliquid in obscuro positum dispiciunt, descriptione aperta, aut, ut ipsi loquuntur, positiva abstinere, ad negativam confugiunt, ad id respondent quod non quæritur, ut intelligatur id quod quæritur. Quid igitur donum Linguarum est? Id quod nunquam fuit disertis Athenis, quod nesciit facundus Demosthenes, quod ignoravit numerosi oris Isocrates, & omnis Graii eloquii senatus. An fortasse Romana quondam palatia habitavit, cum pro ro-

stris funderet sermonis nectar Tullius ?  
Ignotum Ciceroni fuit , Antonium fugit ;  
Crassum latuit ; Gracchos ipsos materna  
eloquentia mirandos contempsit. Abea-  
mus à Rhetoribus & lustremus philoso-  
phorum officinas. Hic Academia ob ocu-  
los , istic Lyceum , illic porticus. In Aca-  
demia Platonem cernis aureo ore sonan-  
tem. At unde tam pretiosus sonus ? an  
pone in cathedra hoc linguæ donum resi-  
det ? minime gentium : igneo ore sonare  
debebat non aureo. Quid in Lyceo ? ibine  
reperire est , apud magnum illum sapien-  
tiæ principem Aristotelem ! Donum qui-  
dem is magnum habuit , sed non donum  
spiritus. An in porticu est apud Stoicos ?  
Umbra quædam hujus ibi fuisse videtur ;  
sed revera umbra fuit & fugiens imago :  
De virtutibus sine virtutibus disputabant,  
& loquebantur ut Dii , vivebant vix ut ho-  
mines. Alio quæsitum imus. En Theolo-  
giæ fores patulas, quid si in angulo ejus for-  
te delitescat ? plane delitescit , nam à  
multis nescitur. In Theologia sedem ha-  
bet , semper in Theologia est , non semper  
in Theologis. Vides mihi hunc ingenio  
scientia male farto tumentem aliosque con-  
temnentem ? Contemnitur & ipse à spiri-  
tu. Quid ergo est , si delitescit ? plane spi-  
ritus est , & spiritus ille igneus , donum  
& donans , qui dum donat loquitur , &  
dum loquitur , donat. Cum hoc etiam  
mutus differit , sine hoc etiam disertus con-  
ticescit. Nec pignantia loquor , quid enim  
male facundus agit loquendo ? plus egisset  
silendo. Quid facit bene mutus tacendo ?  
minus effecisset loquendo. Solus eloquens  
est , etiam in infantia , in quo hic spiritus  
loquitur. Iaceat littera , verba sint hor-  
rida , stylus sit incompressus , si spiritus  
igne



igne suo illuceat, surgit littera, verba plannantur, stylus expolitur. Quis ille Thomas Aquinas? Caelites, vir magnus! At unde illud suum verborum lumen, quo Theologiam illustravit universam, unde fumpfit? Nihil ei Tullius contulit, nihil Sallustius, nihil Livius, nihil Virgilius; nec contulissent, etiamsi eos præceptores habuisset. In eo certe mustei homines, qui hodie nati nescio in quo novo Latio, quique beati sibi videntur, in vuculis nitidiusculis & bracteatis aliquot nugis, in eo, inquam, fortasse inveniant delita aut nunquam usurpata dicta, sed tamen ita dicta ut habeant aculeum, quem in animis legentium figant. At melior est in amoeniori litteratura Ambrosius, & oratione terfa fluitat, verum non ea re movet animos aut flectit, sed spiritu qui diffusus toto stylo, divina fumat fragrantia:

— *ut pulchro violaria campo.*

Abeat humana scientia & loquentia quæ tumefacit, abeat dictio omnis limata, aut adsit cum spiritu; horride dicam, dum pie dicam. Quid Bonaventura ille? an verba sua Ciceronis stibio illevit, aut Demosthenis fucō tinxit? minime vero: & tamen pellexit auditum, inflexit mentem, tenuit pendulum auditorem. Adfuit aliquando publice dicenti Thomas ille Aquinas, qui missa concione Bonaventuram rogat, ex quibus ille libris tot sermonis flores, tot legeret sententias, quas concionibus inspergeret. Bonaventura quoniam in platea consistebant, domum invitat percunctantem, polliceturque se illum librum ostensurum. Conditionem acceptat Thomas, comitatur hominem, inquit cum invitante cellam, expectat avide

quem prompturus sit codicem. Quid putatis fecisse Bonaventuram? attulisse forsitan Augustinum? non malum attulisset, sed meliorem habebat. Quis fuit? Crucifixus erat osculis tritus non digitis, lacrimis notatus, non atramento; hinc ille vim loquendi, vim sumpsit persuadendi, quam in Quintiliano quærere potuisset, invenire in solo Crucifixo, uti & invenit. Vere litteratus est, qui sic est litteratus. Quid enim externa & polita ista doctrinarum, quid sermonis linguarumque ad factum scientia? Quid faciunt ad meliorem vitam, si absit melior hic doctor? Vanus ille homo est, & ejus sermo colore solo Rhetorum imbutus, nisi habeat pondus à divino spiritu. Audi mihi aliquem scite & eleganter loquentem, capiere quidem paullisper lenociniis illis verborum, sed abi rursus, & abibit simul affectus. Nunc alteri te siste cujus sermo non cultus, sed natus, non nitidus sed neglectus, non sese ostentans, sed amore flagrans & divinis favillis inspersus, hic animum tuum, non trahet, sed rapiet, non movebit sed dimovebit, & relinquet abeunti ictum ac morsum salutarem. Audi Petrum die Pentecostes loquentem; attende Paulum coram Agrippa & Festo differentem non artificiose, non affectate, neque enim ita doctus erat à magistro Crucifixo. Sed observa vultum utriusque, quasi divinis flammis succensum, igneum in oculis vigorem, tremendum in ardente fronte pondus. suaserunt ac persuaferunt. Sic solent qui magistrum habent non Tullium, sed spiritum.

III. Hic quæstio nobis vertitur (quod unum ex promisso differendum restat) quæ linguarum omnium sit sanctissima? E-runt



runt fortassis qui dicant Hebræam , non primam tantum , sed & sanctissimam esse. Non male. Veruntamen , si primis doctoribus credimus , est lingua quæ Hebræa longe sit sanctior , quam & indoctissimus quisque , modo velit , facile ac brevi addiscat. Græciæ lumen , disertissimus oratorum Chrysostomus ad quæstionem hanc respondebit. nos digitum labello imponimus : Chrysostomum ergo audiamus , Aureus hic orator verbum è verbo sic exprimens : Gratias itaque agamus , inquit , in omnibus , quicquid fiat : hoc enim est gratum esse. Etenim rebus prosperis hoc facere , nihil magni fuerit. Nam ipsa rerum natura eo impellit. Quando vero in extremis existentes gratias agimus tunc præclarum est. Quando enim ceteri maledicunt & fastidiunt , nos gratias agimus. Vide , quanta sit philosophia. Primum , Deum lætificas : Alterum , diabolum pudefacis : tertium , & quod maledictum est , nihil esse facis. Nam & tu simul gratias agis , & Deus dolorem amputat , & diabolus abscedit. Non potest etiam fieri ut afflictiones sentiat homo ille , qui in afflictionibus gratias agit. *Nihil hac lingua sanctius , quæ in adversis Deo gratias agit.* Certe non inferior est lingua martyrum , utraque pariter coronatur. Nam adversus istam instat licitor , Deum per maledicentiam negare cogens , adversus hanc instat diabolus argutis quæstionum cogitationibus lacerans , & animi angustii obtenebrans. Si ergo dolores pertulerit , & gratias egerit , martyrii coronam sortitur. Vtpote morbo decumbit filiulus , & tamen mater gratias agit Deo. Quo tortore non sævior est animi angustia

Chrys.

tom. 4.

in. c. 3.

ad Col.

loss. ho.

s. post.

med.

mihi

pag.

1159.

400 CAP. XXXI. DE IVRANTE L.  
angustia? Attamen verbum aliquod acer-  
bum extorquere nequit. Filiolus moritur?  
Rursus mater gratias agit. En, mi optime  
Christiane, hæc demum sanctissima est lin-  
gua, quæ pro molestiis & doloribus gratias  
agit. Ita, Chrysostomo attestante, Nihil  
hac lingua sanctius, quæ in adversis Deo  
gratias agit.

Ioannes Ayila formandis moribus magi-  
ster optimus: In ærumnis & doloribus, aje-  
bat, plus valet unum *Deo gratias*, quā sex mil-  
lia in rebus prosperis, & bona valetudine.  
Nam Deo gratias agere, cum omnia fluunt  
ad votum, vix ullius est artificii; at vero  
cum variis ærumnis obruimur, nihilomi-  
nus velut pro beneficiis Deo se gratum si-  
stere, hoc raræ artis, hoc magni est ani-  
mi. Revera Iobus sanctissimam hanc lin-  
guam habuit: calamitatibus namque ma-  
ximis jam pæne sepultus, nihilominus in-  
ter tot suorum ruinas & funera, voce ge-  
nerosa cantabat: Sit nomen Domini be-  
nedictum. Igitur oraculi loco habendum  
quod Chrysostomus pronuntiavit: Nihil  
ea lingua sanctius, quæ in adversis Deo  
gratias agit. Hæc demum sanctissima lin-  
gua est.

*Consule  
oro, mi  
Lector,  
quæ in  
Prodro-  
mo  
Aeter-  
nitatis  
c. 2. §.  
47. de  
hoc dis-  
serui-  
mus.*









# K

**A. MIDAS** rex ab asininis auriculis noscendus  
 jus dicit. Proxime illum stant **IGNO-**  
**RANTIA B. & SVSPICIO C.**  
 Ad ejus tribunal **CALVMNIA K.** fa- Prisci  
 ce armata hominem trahit, praeunte **LIV O-** scribe-  
**RE** cor arrodente **D.** duabus feminis **SY-** bant,  
**COPHANTIA E.** seu insidiis, & Ka-  
**FALLACIA F.** comitantibus. **POE-** lum-  
**NITENTIA G.** vel rependo abit prae- nia,  
 eunte **VERITATE H.** Miser **I.** qui hoc o-  
 supplices manus ad judicem tendit, gravibus ca- ris vi-  
 lumniis premitur. Vide **C. 31. S. I.** Quod vero tiū, ad  
 in omnibus Alphabeti litteris, cum Siderei tum hunc  
 Orciniani genii insigne reperiatur, ejus rei caus- chara-  
 sam ad primam omnium imaginem, seu, ad pri- revo-  
 mum Alphabeti characterem diximus. Vide **C.** cavi-  
**34.** initio ante **S. I.** mus.

## CAPVT XXXII.

CALVMNIA depingitur, & Calumniatoris genius describitur.

**V**ETVS verbum est : Longæ sunt Regum manus ; quaquaversus fugias , insequuntur & apprehendunt. Suas habet & lingua manus, easque longissimas, quæ illis Regum brachiis vix quidquam cedant. Linguæ manus esse , sapientissimus Regum testatus : Mors, inquit , & vita in manibus Linguæ. Robustissimas profecto manus esse necesse est, quæ duas res usquequaque diversissimas Vitam & Mortem continere possunt ; uti vero Mors omnia perrepat atque permeat , ita etiam Linguæ manus in omnem se locum penetrant. Linguæ brachia sunt verba , quibus plurimi sic contunduntur, ut cor, omniaque illorum ossa conterantur. Siracides exponit, qua ratione manus hæ ferreæ atque adamantinæ , secures omnes & malleos mole crudeli superent : Beatus, inquit, qui tectus est à Lingua nequam, qui in iracundiam illius non transiit, & qui non attraxit jugum illius , & in vinculis illius non est ligatus ; jugum enim illius jugum ferreum est , & vinculum illius vinculum æreum est. Mors illius mors nequissima : & utilis potius inferus quam illa. Lingua tertia multos commovit, & dispersit illos de gente in gentem , civitates muratas divitum destruxit , & domos magnatorum effodit. virtutes populorum concidit & gentes fortes dissolvit. Linguam tertiam vocat eam potissimum, quæ discordias inter duos aut plures inflamat. Atque adeo lingua

mala

Ovid.  
Anne-  
scis lon-  
gas Re-  
gibus  
esse  
manus?  
Prov.  
c. 18.  
v. 21.

Eccli. c.  
28. v.  
23. us-  
que ad  
26. &  
v. 16.



mala tam robustas habet manus, ut multos cogat terram è terra mutare, non paucos in extremam perniciem impellat. Inter has linguas, quarum mors nequissima est, jure suo numeranda venit Lingua Calumniatrix, quæ non tantum mendacium cudit in alterum, sed etiam in falsam accusationem malitiose prorumpit: Hanc porro Linguam non ad tertiam sed ad decimam alphabeti litteram referre priscorum Orthographia nos docet, quæ ad characterem Kappa Kalumniam reducit, ut infra demonstrabitur, sed prima hic quæstio nascitur, quid sit Calumnia. Theologorum Princeps Thomas Aquinas Calum- *S. Tho.*  
 niã ait esse \* falsam & malitiosam criminis *2. 2. 7. 68. art.*  
 impositionem. Calumniæ index est fre- *3. ad*  
 quens accusatio, quæ quo falsior, hoc & ve- *Prin.*  
 nenatior est; atque de hoc calumniatricis Linguæ veneno atrocissimo paulo copiosius differemus. aures obsecro vacivas præbete & favete Linguis.

I. Lodovicus Malvenda è S. Francisci familia vir eruditus: Vultisne, inquit, scire, quid sit Calumnia? Narratio est, sed falsa, Magistratui aut Domino delata, illo absente, cujus jugulum petit. Nec fere aliter Lucianus Sophista eam describens: Calumnia, inquit, delatio est inscio & absente reo, ubi plerunque fides habetur parte inaudita altera. Et heu quam firmas Calumnia dissolvit amicitias, quot quantasque subvertit familias, quot & ipsas funditus civitates perdidit? Hæc patrum in liberos, fratrum in germanos, liberorum in parentes, amantium in amatos furorem armat.

*Ah! nocentior veneno quolibet Calumnia est.*  
 Ex angulis atque latebris frequenter, & ex insidiis jacit tela, sed duplici aconito lita.

D d Ephe-

\* *Sal'sche aufflag; schmachred.*

Ephesius pictor Apelles suis Calumniam coloribus egregie depinxit idque hac occasione. Apud Ptolemæum Regem conjurationis insimulatus est Apelles ab Antiphilo pessimæ istius artis professore. Ptolemæus inter adulationes educatus, nec à se prudens regiam domum clamoribus turbans, ingratum, insidiatorem, conjuratum pictorem clamitavit. Et nisi è captis & conjuratis quispiam indignatus impudentiam Antiphili, & miseri Apellis misertus, affirmasset illum nequaquam factionis fuisse participem, Apelli caput abstulisset Calumnia. Sed re probe cognita, pictorem Rex centum talentis donavit; & Antiphilum in servum addixit. Apelles periculi memor, Calumniam tali sub imagine spectandam proposuit. Imago hæc est: Vir prælongis auribus, quales *Mida* fuerunt, in folio velut iudex confidet, & accedenti *Calumnia* opẽ largiter promittit. Viro sedenti duæ mulieres adstant: *Ignorantia*, & *Suspicio*. Calumnia fucatæ formæ mulier accedit, iram ac rabiem spirans, & manu sinistra facem accensam concutiens, dextra juvenem capillis prehensum ac supplices manus cælo porrigentem trahens. Hanc anteit vir deformis, pallidus, acutum cernens, macilento vultu, exesis oculis, tanquam si diuturno morbo contabuisse, quem facile conjicias esse *Livorem*. Quin & aliæ mulierculæ duæ comitantur, quæ Calumniæ ornatrices dicuntur, quarum alteri nomen est *Sycophantia*, seu, *Insidiæ*, alteri *Fallacia*. Infame *Midæ* tribunal fugit, quæ genibus repit femina, luctum præ se ferens pulla laceraque veste; atque hæc *Penitentia* vocatur, quæ capite in tergum reflexo, madidis oculis abeuntem *Veritatem* prosequitur. Hæc imaginis effingendæ ratio. Optarim hanc effigiem in omnibus aulis, loco patentissimo proponi.

*Vide  
Imagi-  
nem.*



proponi, ut vel hac ratione calumniandi audacia frangeretur.

**II.** Verissime dixit Basilius: Tribus simul damnosus est calumniator. Nam & illi quem traducit, injurius est, & auditori suo, & ipse sibi. Primum quidem si calumniatorem spectemus, is utique quod non vir bonus sit, ignorat nemo. Siracides fassus ingenue: A tribus, inquit, timuit cor meum, *Ecclesi.* & in quarto facies mea metuit. Delaturam *c. 26.* civitatis, collectionem populi, & calumniam *v. 6.* mendacem; super mortem omnia gravia. Ea autem est calumniatoris natura, in crimen vocare omnia, probare vero nihil. Vetus monostichum id asserit:

*Nil probat calumniator, criminatur omnia.*

Et ut altius infligat vulnus, per veritatem sibi viam sternit ad mendacium ut flexuosa calumniarum fraude, quo vult, impellat. Certe malum insidiosissimum est Calumnia. Et quemadmodum Basilisci vis sine morfu, vel solo aspectu perniciosissima dicitur, ita calumniator clam falsas accusationes instillat auribus, nullo palam infixo morfu, quo diluendi ansa præripiatur. ita plerique falso delati extrema quæque pertulere. Scite Athanasius: Qui lapide, ait, est ictus, medicum quærit, sed ictus Calumniæ gravius, *Athanas. apol. 1.* quam lapides feriunt. Est enim calumnia gladius, clava, jaculum, & inde vulnus incurabile. Sed his veritas mederi potest, quæ ubi negligitur, vulnera fiunt acerbiora. Cujus vita, inquit Lysias, inimicorum calumniis est exposita, nonne is in vita ipsa caret vita? Hanc mortem serio deprecatus David: Feci judicium, ait, & justitiam, non tradas *Psal. 118.* calumniantibus me. Gravissima injuria est, *v. 121.* damnare reum indicta causa: atqui hoc omni ex parte molitur calumniator, qui quem accusat, audientis iræ indefensum obicit, &

accusatione clancularia defensionem intervertit. Ita ex abdito jaculatur, ut non sit qui resistere, adversaque manu possit contendere, itaque ignaro & inscio unde bellum inferatur, sit pereundum. Ceterum id genus homines in Regum ac Principum aulis præcipue occurrant; ubi scilicet innumeræ suspiciones, invidia quotidiana, plurimæ assentandi & calumniandi occasiones. Nam ubi majores se semper spes ostentant, hic & invidiæ sæviores, odia periculosiora, æmulationes callidiores vigent, omnes se invicem acerrimis oculis intuentur, & quemadmodum qui singulari certamine contendunt, vigilanter observant, num aliquam corporis partem male munitam conspiciant, qua gladium mergant: sic Invidia Lynceis speculatur oculis qua calumniam immittat. Et cum quisque in aula primas obtinere cupiat, proximum summovet, & amolitur; priorem, si possit, convellit & supplantat. Sic alii in alios varias nocendi vias comminiscuntur; quarum compendiosissima, sed & periculosissima est Calumniæ, cujus principium ducitur ab invidia inter spem metumque fluctuante, sed quæ miserabiles, tragicos, & multis calamitatibus refertos exitus ostendit. Neque tam gravem noxam infligeret Calumnia, nisi vero similia narraret in speciem, neque rerum omnium validissimam veritatem opprimeret, nisi appositis ad inducendum argumentis aliisque sexcentis artibus deciperet auditorem. Hæ artes in Principum aulis & discuntur, & exercentur. Sunt qui nemini non detrahant, eos quos oderunt artificiosissime accusent, ita per proborum calumniam ad dignitates etiam conscendant. Hi quandoque raram præ se ferunt modestiam; impietatem emendicata vultus pietate vestiunt; libidinem frontis matu-



maturitate & verecunda oculorum dejectione contegunt. Ne fidat Princeps his palam probis, domi suæ improbis: fugiat fucam gravitatē Stoico supercilio expressam. Loquantur licet mella, felle corda natant, summis labiis arrident, clam dentibus frendent, & iram in animo moliuntur, odiumque intra se conceptum augent, dum aliud in mente occulunt, aliud in ore habent admorsoque labro bilem intus alunt, plenas affectibus tragoedias in se commovent. Atque hi dum alios accusant, moerentes videntur, ac quasi rubore perfusi, nec ullo privato odio sed Principis solius bono, causam invidiam plenam suscepisse. nihil se in omni hac delatione spectare ajunt, nihil ab hac sperare, quam communis boni augmentum sola se conscientia & religione tactos, & pereuntis justitiæ miseratione adhæc descendisse. Et cum nihil præter nudum conscientiae & religionis nomen habeant, blande interim loquuntur, ut fortiter enecent. Sicut medici qui parum docti & satis seduli languidos multos officiosissime occidunt; sic illi molli lingua & verborum quodam saccaro, dum publice videntur prodesse velle, privatim speciosissime occidunt. Et subinde privatae hæ calumniæ in damnum publicum eunt; optimis enim calumniator imminet, non pessimis. Tiberiana tempora novimus, quibus quo quisque districtior accusator, aut nequior calumniator, hoc magis sacrosanctus habebatur. Atque hinc primorum fere omnium cædes, & plus suorum sanguine quam factorum claritudine nobilitata Roma.

III. Porro ea calumniæ species est efficacissima, quæ cum auditoris cupiditate conflictatur: quando etiam apud Ptolemæum regem cognomento Dionysium, quispiam olim Demetrium Platonium accusavit,

quod in Bacchanalibus aquam biberet, solusque omnium vestem tempori non aptaret. ac nisi mane accersitus, in omnium conspectu vinum bibisset, & sumpta veste Tarentina cymbala pulsasset, profecto perisset, quod Regis moribus & delitiis non delectaretur. Non minus efficax est Calumniæ, quæ cognatam, imo sororem habet adjutricem Assentationem, vix enim quisquam tam generoso est animo qui adulationis calumniis non succumbat. Apud Alexandrum Macedonem gravissimi criminis reus fiebat, qui Hephæstionem ut Deum noluisse colere. Eo enim Alexander plurimorum adulatione deductus est, ut gloriaretur, quod non modo Dei filius esset, sed Deos etiam creare posset. Tunc temporis Agathocles Samius, Alexandri Centurio parum abfuit quin cum Leone committeretur, accusatus, quod Hephæstionis sepulchrum transiens illacrimasset. Sed in patrocinium illius venit Perdiccas, qui Deos omnes, ipsumque Hephæstionem juravit, Deum in venatione sibi clare visum mandasse, ut Alexandro diceret, Agathocli esse parcendum, qui non plorasset mortuum, sed quod pristinae familiaritatis meminisset. Enimvero Calumniæ os oppilare non semper tam facile: & nescio quo pacto gaudemus omnes clanculum, cum plenas suspitione delationes audimus. Quibusdam enim suavissime titillantur aures, cum alienis implentur calumniis; quod si eas prona credulitas foveat, proximum est non simplex malum. Phædrus Augusti Cæsaris libertus amœni vir ingenii, Calumniam, quæ credita nocet, hoc apologo perstringit: Aquila in sublimi quercu nidum fecerat: Felis in arbore hac mediocavernam nacta, pepererat: Aper ad imam quercum foetus suos posuerat. Felis tam fortuitum contubernium turbare

Phædrus.  
2. fab.  
35.



bare calumniis sic est aggressa : Ad aquilæ nidum perrepens : Magna , inquit , tibi perniciēs paratur ; forsan & miseræ mihi ; nam quod vides quotidie ab insidioso apro terram effodi , quid eum moliri putas ? quercum vult evertere , ut nostram sobolem in plano facilius opprimat , atque hoc scire tua meaue interest plurimum . Ita territam avem deseruit . Non multo post tempore eadem felis ad aprum quoque descendens : Mi frater , inquit , in magno periculo sunt tui catuli , nam simul atque ad pastum exieris cum tenero etiamnum grege . Aquila fulminis ritu superne ruens , porcellos tibi auferet ; tu frustra sine alis fulminabis . Postquam & aprī domum terrore complevit , in suum se cavum abdidit ; sed noctu evagata suspensō pede , ubi se suamque prolem replevit esca , de die pavorem simulans timidissime prospexit . Aquila ruinam metuens , & pabulationis oblita desidebat ramis : Aper rapaces Aquilæ unguēs vitaturus non prodibat foras . sic illa cum suis pullis , iste cum suis catulis inedia extabuerunt . Felis cadaverum utrinque heres ex asse , aliquot diebus lautissimum suis epulum dedit . Hoc calumnia potest , si amicam sibi reperiat crudelitatem .

IV. Optimè monens Basilius Imperator Leonem filium ; Vanæ , inquit , auditioni noli præbere aures , & calumniatores in sinu tuo ne fove . & improbis ne temere crede , illi enim sæpenumero viros bonos propter improbitatis suspicionem affixerunt . Omnia audi & ab omnibus discere , sed ex iis quæ audies , quædam rejice , quædam admitte , nempe ea quæ tibi aut usui , aut honori esse queunt , & tuis subditis obesse nequeunt : rejice autem ea quæ & subditos lædunt , & tibi nihil prosunt . Lingua enim improba si

potentem nanciscatur adiutorem, detrimenti plurimum adfert. Eam ob causam Antoninus Pius Imperator, delatores, si non probassent quæ dixissent, poena capitali affecit. Vespasianus & Titus hoc genus hominum ita oderunt, ut eos flagellis cæsos per amphitheatri arenam spectandos traducerent, ut eorum exemplo alii dediscerent calumniari. Calumniatores, susurriones, adulatores, delatores, & hanc hominum foecem qui nō castigat, irritat. Veteri versu id docemur:

*Iamb. Nisi afficis poena, incitas calumniam.*

*Peucev. Dux Saxoniae Fridericus ea re laudatissimus,*  
*in Lege. quod calumniantibus aures benevolas*  
*Chron. negare solitus sit: atque si qui ex hac homi-*  
*An. num colluvie molestiores essent: Accipiam,*  
*1572. inquiebat, delationes vestras, si coram præ-*  
*sentibus in faciem dicturos spondeatis, quæ*  
*de absentibus defertis. Prudenter & æque.*  
*Illud enim iniquissimum est, re non explo-*  
*rata, nec accusati defensione admissa senten-*  
*tiam ferre. hinc nunquam non erratur, etiam*  
*cum abest error. nam qui statuit aliquid*  
*parte inaudita altera, æquum licet statuerit,*  
*iniquus est; quod in calumniis audiendis*  
*creberrimum. Hinc ille à molendino poëta*  
*optime vovet:*

*Plau- Homines qui gestāt, quique auscultant crimina,*  
*zusi Si meo arbitrato liceat, omnes pendeant,*  
*Pseu- Gestores Linguis, auditores auribus.*  
*dolo*

*Act. I Verissime os aureum pronuntiat: Maledi-*  
*Scen. 5. centia & calumnia inimicitis, odio, & infi-*  
*v. 12. nitis malis initium & ansam præbet; quod*  
*si illi qui inanes & leves excipiunt narratio-*  
*nes veniam non impetrabunt: qui crimi-*  
*nantur & conviciantur, quam habituri sunt*  
*defensionem? Adde calumniatricem hanc*  
*linguam ad ereptæ famæ restitutionem æ-*  
*que obligari, & vero magis quam illam, quæ*  
*clandestinis detractionibus alienam famam*

in-



inquinat. Deus hac in re severissimus est vindex.

V. Anno à pariente Virgine nongentesimo octogesimo secundo Peloponnesum depopulata est pestis, maxime vero civitatem, cui nomen à priscis, Lacedæmon, afflixit. Cives ad avertendam hanc luem Sanctorum virorum preces potissimum expetiverunt. Fuit illo ævo vir integerrimus Nikon monachus, qui quod assidue in suis concionibus inelamaret, *Pœnitentiam agite*, passim ab omnibus vix alio nomine appellatus est, quam hoc ipso, monachus ille *Pœnitentiam agite*. Hic rogatus ut precibus pesti medellam faceret, spondit opem, seque etiam habitaturum cum ipsis, si modo Iudæi pel-lerentur urbe, ne quid Christiana Religio detrimenti caperet. Cives omnia quæ juberet facturos sunt polliciti. Ita Nikon in urbem commigravit, & pestis inde illico exulavit, Iudæis una pulsus. At Ioannes Aratus Iudæorum patronus, acerbis ob id odiis in Nikonem ferebatur, nec cessabat publicis privatisque calumniis virum optimum impetere. sed has mendacis linguæ larvas facile ridebat Nikon. Et vero ad hominem improbum voce leni (nec enim altercari norat) se vertens: Abi, ait, & ad te redi; scelera tua desse infelix, brevi enim senties, qualia sint nequitiae præmia. Nec tamen amens incepto destitit, quin adversus virum sanctum fremeret, & sexcentas calumnias de Nicone tota urbe spargeret. Non tulit hoc amplius vindex Deus. Nocte proxima objecti sunt dormienti Arato, duo senes præstantis formæ, & supra humanam oris dignitatem, qui flagris hominem cædere, & simul increpare verbis: Eone audaciæ te provehi, ut Dei servum spernere & tot calumniis proscindere non verearis? post plagas in obscurum de-

trudi carcerem sibi visus est. Hic ille veniam rogare, nec tamen impetrare. Expectatus, febri coepit ardere, accitoque Nicone delicti gratiam oravit. Neque hic difficilis fuit vir beatus, & : Quæ in me perpetrasti, ait, ea tibi frater, quantum in me est, condono, sed quia coelesti nutu vitæ tuæ finis imminet, de cetero nemo erit, qui Domini consilium dissipet. Vocem eventus firmavit. Tertia post dies vitam rapuit Arato, funere immaturo. I nunc, & calumnias disce substringere, tanto luendas. Et an non Deus hæc vindicet, aspectabili quandoque supplicio? nec improbis quidem hic oris furor probatur. Leuco tyrannus Ponticus, Athe-  
*Athe.*  
*l. 6. c. 6* ngo teste, cum nescio quem calumniatorem vidisset: Per Deos, inquit, occidissẽ te, nisi tyrannis malis hominibus indigeret. Certe uti Thearidas dixit, nullus gladius ad scindendum tam limatus & acutus est, atque calumnia ad lædendum. Vix est remedium adversus calumniatoris novaculam, quæ cūtem una cum pilis avellit. Ideo lex divina gravissime hanc linguæ nequitiam vetans:  
*Levit.*  
*c. 19.* Non facies, inquit, calumniam proximo tuo.  
*v. 12.* Narrant historici, ex Arabicis paludibus pennatorum anguium examina progigni, quorum tam certum virus sit, ut morsum ante mors, quam dolor sequatur. Idem subinde in calumniis usu venit, multi hoc malo prius evertuntur, quam timere didicerint ne evertantur.

*Monas.*  
*Trech.*

*Hec malum quantum privatim ac publice calumnia est?*



*Kalumniā, quam grave, quamque pervagatum sit vitium, & qua ratione solitum puniri.*

**A**ristoteles, Æliano teste, cum judiciorū *Ael.*  
 Ametu Athenis profugisset, interroganti *l. 3.*  
 cuidam, qualis esset civitas Atheniensium? *var.*  
 respondit: Pulcherrima, sed in ea ficus super *hist.*  
 ficu, & pyram super pyro tabescit. Quo di- *c. 36.*  
 cterio significavit Athenas Calumniatoribus  
 nimium quantum abundare. O mi bone Ari-  
 stoteles, bene ageretur cum orbe terrarum,  
 si solum Athenis sit calumniatorum tam vi-  
 lis annona. Hæc humani generis pestis lætis-  
 sime ubique provenit, & seipsam prosemi-  
 nat; vix ulla uspiam seges lætior, quam Ca-  
 lumnia: atque hoc ipsum explicatius jam  
 trademus.

**I.** Ecclesiastes divini judicii abyssum mi- *Ecd. c.*  
 ratus: Verti me, inquit, ad alia, & vidi ca *4. v. 1.*  
 lumnias, quæ sub sole geruntur, & lacrimas  
 innocentium, & neminem consolatorem:  
 nec posse resistere eorum violentiæ, cuncto-  
 rum auxilio destitutos. Repagula rupit jam  
 scelus, cum enim alias occulta esse soleat ca-  
 lumniā ac clancularia, ac fere personata, ta-  
 men jam non quærit tenebras neque angu-  
 los, sed in medio foro, in plateis & compit-  
 tis impune grassatur, *sub sole geruntur hæc ta-*  
*lia.* Quod & Hieremias vates meritissimo  
 queritur: *Hæc est civitas visitationis; omnis calum-* *Hier.*  
*nia in medio ejus.* Perinde si dicat: Calumniā *c. 6.*  
 jam publice agit, & inter aulicos suaviter vi- *M. v. 6.*  
 vit; inter cives tranquille habitat, non ut ad-  
 vena & peregrina, sed tanquam civis & indi-  
 gena. Quod & Amos Propheta lacrimis pro-  
 sequendum arbitratus: Congregamini, ait, su- *Amos*  
 per montes Samariæ, & videte insanias mul- *c. 3.*  
 tas in medio ejus, & calumniam patientes *v. 9.*  
 in

in penetralibus ejus. Publicum exhibet spectaculum, & ab ipsis montibus spectandum, hinc furentium & insanientium calumniatorum; illinc innocentium, lacrimantium & ululantium. Qua dicendi formula explicandis calumniis usus est Cyprianus ad Donatum scribens: Paulisper, inquit, te crede subduci in montis ardui verticem celsiorem; speculari inde fluctuantis mundi turbines. Iam sæculi & ipse misereberis, cernens itinera latronibus clausa; maria prædonibus obfessa; Orbem mutuo sanguine madentem; rabiem invicem discordantium sevientem; forum litibus mugiens & insanum; patronum prævaricantem; Iudicem sententiam vendentem; calumniatorem impugnantem; testem infamantem; venalis vocis audaciam grassantem. Consensere Iura peccatis, & cœpit licitum esse quod publicum est. Calumnia vivit, regnat, imperat.

Cum audiisset Plystonax Lacedæmonum Rex, calumniatorem pessimum bene de se locutum: Profecto, inquit, mortuum me esse credidit, quando de nemine vivorum boni quid dixisse unquam est auditus. Horum hominum, qui omnes criminantur, messis ubique maxima est. Ea propter Ecclesiastes: Et laudavi magis mortuos, inquit, quam viventes: & feliciorem utroque judicavi qui necdum natus est, nec vidit mala quæ sub sole fiunt. Rursum contemplatus sum omnes labores hominum, & industrias animadverti patere invidiæ proximi. Hic nemo tam lorincatus, aut cataphractus est, quin pateat his telis; quæ sæpe violentius penetrant, quo remotius emittuntur. Isaias suis quoque lacrimis hoc malum deplorans: Aversi sumus, inquit, ne iremus post tergum Dei nostri, ut loqueremur calumniam & transgressionem: concepimus, & locuti sumus de corde verba men-

Cyprianus.  
ad Donatum.

Ecclesiastes.  
c. 4.  
v. 2. 3.  
4.

Isaias.  
c. 59.  
v. 13.  
et 14.



mendacii. Et conversum est retrorsum judi-  
 cium, & iustitia longe stetit: quia corrui-  
 t in platea veritas, & æquitas non potuit ingre-  
 di. Dixerit hic quispiam divinę patientiæ ig-  
 narus: O Domine vides hæc & files? ubi tua  
 delitescit providentia, ubi fulmina tua? *Qui Ibid.*  
*recessit à malo, prada patuit.* Hic famam perdit; *v. 15.*  
 iste pecuniam; ille valetudinem & vitam  
 quia suum ipse cor exest & corrodit, cer-  
 nens se mendaciis ac calumniis pessime  
 mulctari. Sed quid frustra indignamur &  
 fremimus? Hi mores sunt Calumnię, quę  
 nec innocentissimis nec sanctissimis parcit.  
 Vetus dictum est, Calumnia omnis impu-  
 dentię est mater. Vnquamne coelum audit  
 immaniolem calumniam, quam quę in Or-  
 bis Servatorem aperta vi sæviit? Iudæi sine  
 fronte & ore innocentem I E S V M flagi-  
 tiosissime calumniati: Nonne bene dicimus *Ioan.*  
 nos, ajunt, quia Samaritanus es tu, & dæmo- *c. 8.*  
 nium habes? Et perstant in sententia pervi- *v. 48.*  
 cacissime: nulla eos mansuetudo flectit:  
 Nunc, inquiunt, cognovimus quia dæmo- *Ibid.*  
 nium habes. Si hæ in oviculas calumnię *v. 52.*  
 struantur, quid fiet rapacissimis belluis? Ap-  
 positum huic rei apologum recitans Phæ-  
 drus: Ad rivum, inquit, eundem lupo & ag- *Phæ-*  
 nus convenerant urgente siti. superior stabat *drus*  
 lupo, longe inferior agnus, ad quem prono *lib. 1.*  
 cursu descenderat rivus. Hic lupo limosum *fab. 1.*  
 amnem jurgiis causam inferens; Cur, inquit,  
 bibenti mihi turbulentam fecisti aquam? Ag-  
 nus ad has voces cohorrui; &: Mi lupe, ait,  
 fac velim, qui vero possum hoc facere quod  
 quereris? à te decurrit amnis ad meos hau-  
 stus. Lupo luculenta veritate cōvictus stro-  
 phas alias comminiscitur, & ante hos sex  
 menses, ait, male dixisti mihi. Respondit ag-  
 nus: Equidem natus non eram tunc tempo-  
 ris. Cui mox calumniator: At hercle pater  
 tuus

tuus maledixit mihi. atque ita correptum agnum laceravit hic latro iniquissime. Omnis impudentiæ mater est Calumnia.

*Hæc propter illos scripta est homines fabula  
Quorum innocentes opprimit calumnia.*

**II.** Miphiboseth Ionathæ regis filius, homo ovicula famuli sui nequissimas calumnias vitare non potuit. Nam cum David Rex Absalonē filium rebellem fugeret, Siba Miphibosethi famulus simulatis obsequiis cum liberali annona occurrit regi. Interrogatus à rege; Vbi herus ageret Miphiboseth; respondit trifurcifer: Hierosolymis hæret, & etiamnum sperat patris sui regnum sibi restituendum. Mendacissime nebulo, tu dominū absentem sic calumniari? tuam illi culpam impingere? nunquam illi cogitata, in illum tam impudenter effingere? Et certe præmiū etiam tulit hæc calumnia. Nam David plus æquo præceps hic iudex causâ non discussa  
2. Reg. calide respondit: *Tua sint omnia, quæ fuerunt*  
c. 16. *Miphiboseth.* At sedata rebellionis tempestate,  
v. 4. Rex David in suum solium restitutus, aliter de tota causâ iudicavit, patuitque mendacissimi servi in dominum calumnia, quæ sæpe rectius vita quam verbis diluitur.

Sara Raguelis filia ad omnem pudicitiam, tum patientiam nata, ob subitam maritorum necem, nuptialem vestem cum funebri palla septies coacta est mutare. quando Hymenæum septies funereæ tedæ fugarunt.

Potuit hos luctus Sara generositatē Hebræa concoquere, potuit filere in tam copiosa dolendi materia. Vidit septem maritos à dæmone jugulatos. & tacuit: vidit ætatis suæ florem tot funeribus calcatum, & obmutuit: vidit se prius viduam quam conjugem, & toleravit: At vero cum una è domesticis ancillis calumnias in illam diceret, vocaretque tot virorum interfectricem, hic Sara sen-



sensum recipere, hic adeo cruciari & dolere, ut triduum impransa & incenata inter preces & lacrimas exegerit, & pæne hoc unum à Deo contenderit ab illis calumniis absolvi, Nam, *In oratione persistens cum lacrimis de-* Tob. c. 3.  
*precabatur Deum, ut ab isto improperio liberaret* v. 11.  
*eam.* Tam tener est sensus calumniæ.

Susanna tersissimum castimonix specu- Daniel.  
lum, & veræ decus pudicitix falsorum te- c. 13.  
stium mendaciis onerata, calumniis oppressa toto.  
ad perditissimorum hominum tribunal stabat, feralem sententiam auditura: stabat, inquam, suis lacrimis infusa, alienis pudefacta, parentum & cognatorum planctu deplorata, judicium sententiis ad lapides damnata, insanis populi clamoribus prostrata. solo tamen conscientix secreto erecta, jam ibat, jam ducebatur, non tam adulterium expiatura, quam pro castitate fortiter moritura. Hactenus Calumniæ in Innocentiam tam dira licuerunt. Sed satis lusum est innocentis jugulo. Ergo iudicium omne retextitur, divini Danielis monitu, & omnis calumnia in infontem structa, in auctores suos recidit. Damnantur ipsi iudices, ut saxa, Susannæ sanguine pingenda, suo imbuant; suis lascivise- senes sententiis cadunt, suo jugulantur ore. Ita calumniatores sæpe suis ipsi capiuntur laqueis, suis petuntur artibus. Refert Plutarchus Brasidam Ducem educto telo è corpore illum ipsum confodisse, qui telum intorserat in Brasidam. Ita sapiens ille Daniel improborum calumniis in Leonum cavum præceps DAN.  
datus est. Sed Innocentia inter impastos c. 14.  
Leones, velut inter agnellos ipsis septem die- v. 41.  
bus tutissima fuit. Demum Calumniatores Danielis in suum ipsi mucronem incurrerunt. In laqueo isto quem absconderunt, comprehensus est pes eorum. Siquidem rex illos qui perditionis causa fuerant Danieli, Pf. 9.  
intro- v. 16.

intromisit in Lacum, & devorati sunt in momento coram eo. Fuit heredipeta, qui cum divitem ad tumbam vergentem ex asse heredem scripsisset, ac testamentum protulisset, quo divitem ad idem faciendum provocaret, subita tecti ruina oppressus est, & facultates reliquit illi, cujus tam ambitiose inhierat. Sic omnino Aman, ille Assueri oculus, & primus à Rege suis ipse telis confossus est & suis ipse calumniis male periit. Crucem altissimam erexit Aman, ut in ea Mardochæus pendulus gratissimum sibi suisque spectaculum præberet. Sed & Iudæos omnes calumniando tam invisos regi & intolerandos fecit, ut omnium jugulis immineret gladius jam propinquissimus. Aliter res cecidit, & repente fors mutavit. Suam ipse trabem Aman primus consecravit, & nobilissimum funus pependit ex alto. Mardochæo Ammanis dignitas; Estheri cesserunt bona. Itaque mi bone Aman, commentum hoc in tuum ipsius exitium reperisti; has technas in teipsum struxisti, tuis artibus interiisti.

*Iam pateris telo vulnera facta tuo.*

**III.** Hoc jam constat, plurimos ubique calumniatores inveniri, nec eorum moribus persanandis semper remedium suppetere. Ideo sanctissimus Rex David: Redime me, inquit, à calumniis hominum, ut custodiam mandata tua. Sed ego, quid dicis Regum optime, num divina lex non rectius servatur ab eo, qui calumniis configitur? sane. Servator Orbis pronuntiat; Beati estis cum dixerint omne malum adversum vos mentientes propter me. Vera sunt hæc; si tamen qui calumniis pungitur, possit esse tolerans illarum; ita demum se verum Dei amatorem monstrat. Sed hoc tam est arduum, ut nisi quis familiarissimam sibi patientiam habeat, in furorem erumpat. Bernardus hominem

*Psal.*  
118.  
v. 34.

*Matth.*  
c. 5.  
v. 11.



DE CALVMN. LING. 421

nem contumeliis vexatum artificioso pen-  
cillo depingens; Ita uritur ille, inquit, & mo- *Bern.*  
ritur clauso & letali vulnere intra semetip- *in Can.*  
sum gemens cum totus in ira & disceptatio- *ser. 29.*  
ne positus, nil aliud silens versare in mente *med.*  
possit, nisi injuriam quam accepit. Non po-  
test orare, non potest legere, non sanctum  
aut spirituale aliquid meditari, & ita interce-  
pto vitali spiritu, dum suis destituta alimen-  
tis vadit ad mortem anima, pro qua Christus  
mortuus est; quid tu interim animi habes?  
Deus nunc nostra intuetur, uti nos res par-  
vulorum & cum omne hoc tempus ad fu-  
turam æternitatem, instar horæ sit, non pro-  
perat Deus in lucem justitiæ producere suo-  
rum innocentiam, cum brevi eos educturus  
sit è dumetis mundi in paradysum coeli. Pro-  
rex Ægypti Ioseph amantissimum fratrem  
Benjaminum præ ceteris depresso ire visus  
est, hunc enim unum aliis in patriam redeun-  
tibus, in Ægypto voluit velut captivum de-  
tineri. Vtique delectatus est Ioseph hoc ludo  
cum fratre, cui plus omnibus favebat: Ita  
Deus injuriis & calumniis eos potissimum  
exponit, quos maximis præmiis destinavit.  
Non enim, *ô Bonitas* delectaris in perditioni- *Tob. c. 3*  
bus nostris: quia post tempestatem tranquil- *v. 22.*  
lum facis. & post lacrimationem & fletum,  
exultationem infundis. Quapropter Ecclesia-  
stes: Si videris, inquit, calumnias egenorum, *Eccles.*  
& violenta judicia & subverti justitiam, non *c. 5.*  
mireris super hoc negotio: quia excelso ex- *v. 7.*  
celsior est alius, & super hos quoque emi-  
nentiores sunt alii, & insuper universæ ter-  
ræ Rex imperat servienti. Ad rem Augusti-  
nus: Crimen falsum, inquit, reum non facit *Aug.*  
hominem, nisi apud judicem hominem, ubi *in Ps.*  
autem judex Deus est, nullus falso crimine *118.*  
læditur. Præclarissime dixit Chrysostomus: *Chrys.*  
Possum facere malam famam, sed non inter. *hom. de*  
*Susan.*

ficere conscientiam. Calumniam optime refutavit, qui ei restitit, innocentia. Deus nunc quidem post conopeum latet, cuncta tamen videns & audiens arbitratur : calumniatoribus ut virgis utitur, quas optimus pater castigato filio in ignem abjicit ; idque subinde oculis cernendum exhibet.

*Delrius*

*rom. 2.*

*de Ma-*

*gic.*

*disquis.*

*l. 3.*

*part. 1.*

*q. 7.*

*secl. 1.*

*pag. 75.*

IV. Mirum, ter mirum Martinus Delrius narrat hunc in modum. Miles per Marchiam iter faciens, correptus morbo ad oppidum Spandach delatus est. Habitabat illic eo tempore, Ioannis Regis Daniæ filia Elisabetha, Ioachimi I Electoris Brandenburgici conjux. Miles, quem dixi, hospitium hic ingressus, quia æger, lectum potius cogitabat, quam epulas aut choreas. Ergo crumenam nummis turgentem hospitæ tradit asservendam, dum revalesceret. Post aliquot dies jam erectioris valetudinis, marsupii reddendi mentionem injicit. Mulier auro capta, & ægre hanc prædam amissura deliberat cum viro, quid militi sua repetituro respondendum? De consilii sententia visum est, constanter neganda omnia. Quare cum miles loculos suos repeteret, negavit hospita præfidenter se quidquam accepisse, & vero mirari se hominis impudentiam, qui ausit flagitare commissam moneam, cum nihil penitus asservandum commiserit. Miles indignitate rei motus & exardescens bile, objicit vicissim hospitæ perfidiam. accurrens maritus, tanquam conjugem defensurus, militem domo extrudit. Hic ante fores, hospitæ scelere irritatus stringit gladium, velut impetum facturus in hospitem, sed oclusis foribus in januam arietat. Hospes vicinorum implorat fidem, & ædes suas oppugnari queritur. Accurrunt lictores, & quod vim publicam fecisset, abducunt in carcerem. Post aliquot dies Senatus oppidi, alio mittit facti narrationem, & sententiam per-

per-



perferri petit. Constat ædes publice oppugnatas esse. Quare fertur sententia, militē ultimo supplicio plectendum. Cumque jam feralis dies instaret, diabolus ad captivum in carcerem venit, & exponit, quam sententiam laturos sint iudices; atque una operam suam pollicetur largissime: & quin tu, ait, te mihi dedis? omnia pericula, ita spondeo, securissimus exhibis. Ego vero, inquit miles, mori malim quam hoc facere: non primus peribo innocens. Hic diabolus vicinum periculum sesquipedalibus verbis exaggerare, nec tamen captivi animum inflectere: liberationem denique promittere sine ulla conditione: Et cū ad tribunal, inquit, steteris, dic te forensium negotiorum imperitum patrono indigere: ibi astabo caput opertus pileo cæruleo, & plumis ornato. Roga igitur ut me jubeant causam tuam agere. Miles amans vitæ, & hoc sibi licere ratus, satis ostendit consilium istud sibi non displicere. Ita postridie reus in iudicium ducitur; adest etiam personatus orator, cinereo pileo dignoscendus. Cumque accusator jus dici, & reum ob publicam vim capitali supplicio afficiendum postularet: Miles hoc unum petere institit; liceret suo illi advocato pro se dicere. Non prohibent iudices, is porro diceret; si quid juris sciret contra causam tam liquidam. Hic causidicus ex Orco, erudite, prudēter, nervose pro reo disputare, juris effata producere, explicare, etiam sacras paginas ad testimonium citare, capitalique supplicio minime afficiendum eum cōtendere, à quo rixa & tumultus nullum habuerit initium: militem ab hospite prius spoliātū, dein vi extrusum: velle ut juberent iudices quæri crumenam litigii causam: & simul locū designat, quo reperiri possit: enimvero de salute ac capite hic agi; sententias ad justitiæ libellam exacte trutinandas; causam

quæ liquida videretur, cauponis perfidia longe aliam esse, si penitus inspiciatur. Hic caupo negare & pernegare, diris omnibus seipsum devovere: Quin imo, ait, hinc me diabolus abreptum pessime perdat, si quidquam à milite hoc acceperim. Quam has voces aperstygius acute audiit? Neque satis hospiti semel id dixisse eandē in seipsum imprecationem aliquoties repetiit. Tandem niger ille caussidicus ab Orco, disputatione ommissa, hospitem prehensum per fenestras, & medium forum cū fragore abduxit, attonitis omnibus diramque tragoediam perhorrescentibus, nec usquam amplius cadaver rapti hospitis inventum est: O miserrime caupo, tuo ipsius laqueo captus es; calumniæ, quas in innoxium caput construxeras, in tuum revolutæ sunt. Lacum fodisti & aperuisti eum, & incidisti in foveam, quam fecisti. Ita D E V S calumnias vindicat.

V. Hebræus rex David sollicite percun-

*Pf. 14.* ctatus. Domine, quis habitabit in tabernacu-  
*Ps. 1. 3.* lo tuo, aut quis requiescet in monte sancto  
*4.* tuo? Responsum audite: Qui loquitur veritatem in corde suo, qui non egit dolum in lingua sua: Nec fecit proximo suo malum, & opprobrium non accepit adversus proximos suos: Qui jurat proximo suo, & non decipit. Laudis est calumniam non tantum non fecisse, sed nec ab aliis factam ad aures admisisse, maximæ ac primæ laudis est, calumnias & probra in se congesta æquo animo pertulisse. Christus disertissime: Orate, inquit, pro persequentibus & calumniantibus vos. Hos precibus ac votis vestris cōplectimini, quos minime amicos sentitis: non ergo pro iis tantum, qui pecuniam rapiunt, qui corpus lædunt, qui oneri sunt, qui decipiunt, sed etiam pro iis precandum, qui famam calumniis inficiunt, aut penitus adimunt. Nobilissima  
sui

*Math.*

*c. 5.*

*v. 55.*



fui victoria est, hic seipsum triumphare. Romani veteres iusjurandum calumniæ severe urgebant hac ratione, ut qui nomen alterius in iudicium detulisset, calumniam juraret, hoc est, juramento testaretur, se id minime fecisse calumniandi animo. Quod si quis calumniæ dolo malo illatæ convictus & damnatus fuisset, illius fronti littera K. inurebatur, quod priscis erat geminatum CC. nec aliud monebat, quam hoc ipsum; *Cave Calumniatorem*, quoniam prisci videlicet Kalumniam scribebant. Ita quandoque verba integra inscribebantur fronti, uti vulgata illa, *Cave à fure. Cave à fugitivo. &c.*

Plato sacrilegos fronte & manibus inurit, &: Si quis, ait, sacrilegium commiserit, si quidem servus aut hospes fuerit, in facie manibusque crimen inscriptus & flagellatus, extra fines patrios projicitur. Creberrime tamen ante omnes & liberrime Romani, hoc etiam in liberos homines usi, præsertim calumniæ damnatos. Arbiter testatur: Implevit frontem utriusque ingentibus litteris, & notum fugitivorum epigramma per totam faciem liberali manu duxit. Hinc *litteratos* nominabant.

Zonaras duos monachos, insontes, ideo solum quia Theophilum Imperatorem liberiorius monuissent, inter alias ignominias inscriptos ait, & quidem ita ut duodecim ver-  
 suum epigramma exciperent illa vultus, ut sic dicam, tabula. Zonaræ verba sunt: Deinde facies eorum compunxit, & notis illis hos Iambicos versus atramento infuso expressit. additque ipsos versus, probos, plenos fuisse. Hinc liquet rationē inscribendi eam fuisse, ut primitus litteræ sive notæ inurerentur candenti ferro, post inustionem autem atramentum infunderetur, quo emerent magis litteræ, & præberent se lectui. Habet & Deus

notas suas ac stigmata, quæ sic inurit robusta manu, ut sciri possit ab omnibus, quinam calumniatores illi sint, aut calumniatrices. Voluit nimirum æquissimus Deus, ut complures qui adeo petulanter probra intulissent, cogerentur suo corpore doctorem suum diabolum hospitare.

*Surius*

*tom. 6.*

*die 17.*

*Novæ.*

*Baron.*

*tom. 2.*

*ad an.*

*233*

*n. 9.*

*10.*

V I. Gregorius Nyffenus memorat, Alexandriae Gregorium Thaumaturgum, virum longe integerrimum, & extra omnem improbitatis suspicionem positum cum eruditis sermones miscuisse. Huc vulgati corporis muliercula à malevolis submissa, suo se quæstu fraudatam garriebat. Assidentes amici, qui continentiam viri minime ignorabant, gravissime indignari, at Gregorius nec turbari, nec vultum mutare, nec stomachari, sed neque calumniam impudentissimam refutare, neque vitæ testes advocare, nec invidorum nequitiam accusare, sed hoc unum sedata voce familiarium cuidam dicere: Heus tu, numeras pecuniam feminæ, ne diutius propositam quæstionem turbet. Factum sine mora. Sed vixdum monetam femina recipit, simul & cæcodæmonem in suo corpore novum hospitem sensit. Hic illa immaniter fremere, fœde corruere, suos ipsa sibi capillos vellere, oculos invertere, ore spumas ejicere, toto corpore testari, quem admisisset incolam. En improbissima, hoc tali stigmate Deus calumniatrices solet notare: ori tuo gratias age, quod talem tibi accersit inquilinum. Has calumnias hoc decet cauterium. Nihilò secius Gregorius ille Thaumaturgus, tantæ vir mansuetudinis, qui calumnias & probra melius perferre didicit, quam inferre, ut injurias beneficiis pensaret, illam ipsam à diabolo infessam feminam, precibus liberavit à stygiis intemperiiis. Ita solet Christiana generositas mala pati, & bene facere.



# DE CALVMN. LING. 427

Ita illud Belgii decus, Maria, quã vocant, <sup>10m.</sup>  
*Dolorosa*, inter egestatis labores voluntariam <sup>Mola-</sup>  
 castitatem amplexa, cum impuri hominis li- <sup>nus in</sup>  
 bidinem averfaretur, furti falso est accusata, <sup>Natal.</sup>  
 ut quæ scyphum argenteum subtraxisset. <sup>SS.</sup> <sup>Belgii,</sup>  
 hæ calumniæ invaluerunt, ut virgo extremo <sup>die 18.</sup>  
 supplicio sit affecta. Impurum calumniatorẽ <sup>lunũ.</sup>  
 non cæca nec clauda Nemesis est insecuta.  
 Nam septennio toto, hic ipse virginis accu-  
 sator à malo dæmone occupatus, demum eo  
 ipso loco, quo Mariæ corpus erat humatum,  
 ab Orcinianis furiis est liberatus. Talia Deus  
 stigmata inurit calumniatoribus; Cave ca-  
 lumniam, cave illam dicere, non tolerare. à  
 calumniis nemo tutus, nemo immunis, non  
 Christus, non amicissimi Christo. Hippon-  
 ensis Præsulis Augustini scripta ab igne, in  
 igne tuta fuerunt & illæsa, non itẽ à calum-  
 niatoribus. Cum enim Vandali, Possidio te-  
 ste, Hipponem incendissent, volumina ab  
 Augustino exarata flammæ evaserunt, eadẽ  
 tamen à calumniantibus fuerunt oppugnata,  
 perinde si Augustinus in iis, quæ contra Pe-  
 lagianos differuit, à Fide deflexisset. Non im-  
 merito dixit Nicetas Choniates: Nihil tam  
 sanctum est, quod calumnia tentare non au-  
 deat; & omnes ad nocendũ procliviores esse  
 constat. Hic igitur eximius nemo est, & cum  
 ventis loquitur, qui orti suæ ingemiscens  
 miratur, & ait: Non putassẽm hoc mihi pro-  
 brum obijciendum. Nihil non audet mater  
 impudentiæ Calumnia; cui meliorem vix re-  
 perias obicem, quam oppositam virtutem.  
 Christus serio & docet, & jubet: Ora pro  
 persequentibus & calumniantibus vos. Ca-  
 lumniæ pessime refutantur calumniis: aderit  
 dies, qui omnem Calumniarum impuden- <sup>1. Cor.</sup>  
 tiam & fraudẽ detegat, Et tunc laus erit uni- <sup>6. 4.</sup>  
 cuique à Deo, qui patientiæ dabit cæleste <sup>v. 5.</sup>  
 præmium, immortale gaudium.





# L

**A.** *Asmodeus, seu diabolus formosus, ut videtur, ac humanus, libidinis præsēs. medius illorum est, quorum sermones aut Cupidinem B. aut Hircum C. oleat, cum scilicet orationi, aut aperte, aut furtivis susurris verborum obscœnitas miscetur. Nocentissimum ex Orco venenum est, & loqui talia, & audire. Nam plurimum (quod veteres dixerunt) obscœna dicta moribus frangi nocent. Obscœna vox, obscœna vita, pars scelus. Lasciva lingua, lasciva conscientia. Quæ facere te pudeat, pudeat & dicere. Qui libenter audit turpia, libenter & perpetrat. Ad luxuriam proxima est semina, dictio impudica.*

## L

## CAPVT XXXIV.

*Lingua LASCIVA quam detestabilis sit, & quas ob causas.*

**Q**uemadmodum sapientissimus Regum docuit : Mors & vita in manibus linguæ, sic Ægyptiicum Harpocrati Deo seu Sigalioni facerent, teste Plutarcho, proclamant, *Lingua fortuna, Lingua demon.* Linguam plerumque aut è cælo angelus, aut ex Orco diabolus insidet, impellitque, ut vel sermonis emolumentum capiat, vel in exitium ruat incauta verborum volubilitate. Et pessime, & optime lingua uti in arbitrio nostro est. De fructu oris sui unusquisque replebitur bonis. Si tamen saniora loqui libeat. Sin aliter, propter peccata labiorum ruina proximat malo.

**C**ertissimum ruinæ argumentum, *Lingua lasciva*, cui parum est suis submergi sordibus, nisi una secum in perniciem plurimos trahat. Monstrum ingens, execrabile, & quo non foedius alterum *Lasciva* lingua: atque de hac jam & contra hanc dicere exequemur.

**I.** Patentis tumuli atque cadaveris foetores non tantum graves sunt, sed & insalubres; narium pestis maxima. Oris lascivi homines foetorem halant teterrimum, sepulchrum patens est guttur eorum. Non sepulchrum duntaxat, cadaverosis ossibus plenum, sed & patens, inquit Chrysostomus, ut & alii participes fiant foetoris. Nos quidem cadavera terra obruimus, hi contra faciunt, & eruunt ex imo spurcissimum obscœnitatis cadaver, multorumque naribus affricant pestilentissimam hanc saniem: pulchram illis videtur, perire cum multis. Sepulchrum foetidissimum

Plu-  
tarch. l.  
de Iside  
& Os-  
rile.  
Sic  
imagi-  
nes no-  
stra do-  
cent.  
Prov.  
c. 12.  
v. 14.  
Prov.  
c. 22.  
v. 13.

Pf. 13.  
v. 3.



DE LASCIVA LING. 431

tidissimum obscœnal lingua. Sed, ô mi Deus, quantus horum sepulchrorum in orbe numerus est? Queritur Hieremias vates: Attendi & auscultavi, nemo quod bonum est loquitur, nullus est qui agat poenitentiam suam per peccato suo. Et profecto hic causarum est abunde, cur quis Mundum jubeat res sibi suas habere, quando vix ulla est domus, in qua non sæpius sermones impudici miscantur. Monstret mihi quis, obsecro, ædes illas, quarum inquilini semper pudice loquantur. Extra Orbem migrandum est ei, qui aurium castimoniam sauciari non vult impurissimis colloquiis. Vbique sepulchra sunt patentia, è quibus Lasciviæ coenum exhalat. Vbique Lerna Veneris, Cocytus Cupidinis, ubique Mephitis impudicitæ, Camarina Luxuriæ: Nemo quod bonum est, loquitur; sermones casti exulant ubique.

Oracula divina verbis alioqui parcissima, in linguas tamen tam illotas vix satis verborum reperiunt. Iacobus Apostolus quam graviter & diserte: Lingua, inquit, constituitur in membris nostris, quæ M A C V L A T totum corpus, quicquid est bonorum actuum, contaminat. Et inflammat rotam nativitatis nostræ, inflammata à gehenna. Quid dici posset gravius? omnes vitæ nostræ periodos ab usque pueritia in seram senectutem polluit hæc libidinosæ oris sanies. Quemadmodum vero muti sunt dæmones, qui silentium noxium persuadent, ita sunt etiam garruli, inter quos est signifer lascivus dæmon, qui hoc unum solertissime agit, ut quibuscunque potest sermonibus spurcitæ aliquid aspergat. Hinc Guilielmus Peraldus has obscœnitatis sordes, rectissime *sputa diaboli* appellat. Nam homo sermonis impudici, non gravate tolerat diabolum in lingua sua suaviter nidulari. Vbi vero hæc ab inferis fa-

ten-

## 432 C A P V T X X X I V.

tentissima Vpupa nidum posuit, non aliud expectes, quam hos pullos. hos turpes & inhonestos jocos, quibus Orbis universus foedissime contaminatur.

2. *Esd.* Ingemiscens Esdras: In diebus illis, inquit,

c. 13. vidi Iudæos ducentes uxores Azotidas, Am-

v. 23. monitidas, & Moabitidas. Et filii eorum ex

24. media parte loquebantur Azotice, & nescie-

bant loqui Iudaice, & loquebantur juxta

linguam populi, & populi. Et objurgavi eos.

Iste jam rerum status est in Orbe: nesciunt

loqui Iudaice, linguam sanctam, pudicam,

castam ignorant, & ex media parte loquun-

tur Azotice, turpiter, obscœne, flagitiose, li-

ceat dicere, diabolice. Azotidæ, seu, quod

idem, deprædatrices, Linguæ salaces hanc lo-

quendi foedissimam dialectum docent. Hic

sine minervali discitur: hic nemo non disci-

pulum aut doctorem agit; nemo quod bo-

num est, loquitur. Heu vel infantes ipsi, pæ-

ne antequam pappare minutum poscant,

priusquam mammas atque tatas vocare desi-

nant, jam quod mireris, loqui Azotice no-

runt. O sædam oris eluviem, tam vulgatam,

quam noxiam! Et causæ, ob quas omnis

verborum obscœnitas cavenda, plurimæ, po-

tissimum istæ. Prima, quisquis inverecun-

dam habet linguam, verecundam habere mē-

tem, nemini persuaserit. Veritati hoc tuto

*Matth.* credimus: Ex abundantia enim cordis os lo-

c. 12. quitur. Bonus homo de bono thesauro pro-

v. 34. fert bona, & malus homo de malo thesauro

35. profert mala. Pectus quod meliori calet ig-

ne, non tales ejicit scintillas, casta cogitat, ve-

recunda loquitur. Gilbertus hoc velut digito

commonstrans: Flamma, inquit, quæ de sur-

sum, pudica est, bonis consentiens, & bonos

faciens.

II. Altera causæ priori affinis: Qui tam

libere inhonesta quævis effutit, homo nau-

ci, &



ci, & præmortui pudoris censetur. Verissime dixit Comicus

— *Illum ego*

*Periisse duco, cui quidem periit pudor.*

*Plerique homines, quos cum nihil refert, pudet;*

*Vbi pudendum est, ibi eos deserit pudor.*

Petrus Aldobrandinus, purpuratus Senator sæpius dicere solitus est: Homo sine pudore & pudicitia, & nomen hominis amittit, & naturam. Verissimum. Et sæpissime,

*Redire nescit cum semel periit pudor.*

Sapienter Symmachus: Scio, inquit, virtuti cognatum pudorē, qui in factis frustra quaeritur, si exulet à verbis. Prisci dicere soliti:

*Turpe quid aque indecore dixeris quam feceris.*

Tertia caussa: Verba prætextata & spurca, sermones sordidi & obscœni plerunque grave damnum inferunt pluribus. Nec enim is solum, qui talia loquitur, sed etiam qui loquentem audiunt, venenantur. Pronum ac facilem obscœnitatis auditorem Bernardus provide commonefaciens: Non solum, inquit, nihil ipsi indecorum loqui, sed nec aures quidem debemus hujusmodi præbere dictis: quia quem delectat audire, alterum loqui provocat. audire quoque quod turpe fit, pudori maximo est. Ideo beatus Paulus quicquid ejusmodi sermonis est, severe prohibens idque sæpius: Fornicatio, inquit, & omnis immunditia nec nominetur in vobis, sicut decet sanctos. Nam quod loquimur, hoc & cogitare & cupere censetur. Nec Paulo satis semel monuisse, idem iterum inculcans: Omnis sermo malus, inquit, ex ore vestro non procedat. Addit, nolite contristare spiritum sanctum Dei. Oris obscœni homo, quantum in se, Deum ipsum afficit tristitia. Spiritus divinus in homine Christiano, velut in domo diversatur; caveat ergo paterfamilias iste, ne quid dicat, faciatve,

quod

Plautus

Bacch.

Epist.

dici

act. 2.

Scen. 1.

Sym.

lib. 10.

Epist.

10.

Troch.

Bern. l.

de orat.

vita

pag.

115.

Ephes.

c. 5.

v. 3.

Ephes.

c. 4.

v. 29.

Epist. 30.

quod tantum hospitem dedeceat. Nimirum illa è cœlo Columba, & passeres Veneris simul habitare non possunt. Ideò divinus

1. Cor. Paulus tertium commonefaciens: Nolite,  
c. 15. ait, seduci, corrumpunt mores bonos collo-  
v. 33; quia mala. Vnicum namque lascivius verbū,  
vix unquam soli auctori nocet, sed etiam au-  
dientes aut inficit, aut offendit. Clare Ber-

Bern. Vnus est, inquit, qui loquitur, &  
serm. unum tantum verbum profert, & tamen il-  
24. in lud unum verbum, uno in momento multi-  
Cant. tudinis audientium, dum aures inficit, ani-  
Medio. mas interficit. Solent aurifabri, cum argen-  
teum poculum auro imbuunt, prunas irrita-  
re alis: Lingua impura ejuscemodi ala est,  
qua libidinum ignes mirifice animantur. Ser-  
mo Lascivus optimum luxuriæ flabellum.

Prov. Ergo fuge socios qui lætantur, cum male fe-  
c. 2. cerint, & exultant in rebus *peffimis*, quorum  
v. 14. viæ perversæ sunt, & infames gressus eorū.  
Ephesii, ait Strabo, digni qui ad puerum om-  
nes strangulentur, quod Hermodorum vi-  
rum inter ipsos frugi, cum edicto hoc eje-  
cerint: Nemo nostrum frugi esto, aut alibi  
cum aliis esto. Eadem & lascivæ linguæ  
sanctio est: vult omnes esse sui similes, hoc  
est, impudentes, & obscœnos.

Aug. Augustinus grandibus lacrimis deplorat,  
l. 2. impudicorum sodalium consortio se tra-  
Confes. ctum ruisse in vetita. Monebatur quidem à  
c. 3. matre Augustinus, libidinis cœnum caveret:  
c. 9. at mihi, ait, monitus muliebres videbantur,  
fine. quibus obtemperare erubescerem. Illi au-  
tem tui erant, & nesciebam, & te tacere pu-  
tabam, atque illam loqui, per quam tu mihi  
non tacebas, & in illa contemnebaris à me  
filio ejus. Tanta cæcitate præceps ibam, &  
pudebat non esse impudentem.

III. Grande nefas ducimus, si vas Eu-  
charistiæ asservandæ factū in profanos ca-  
lices



lices liquetur, coeleturque adulteriis; & tamen inter levissima piacula habemus, si linguam Dominici corporis velut patinam, diaboli hac sanie perfundamus, & ad impiū ministerium quasi consecremus, ut vel spurcis cantiunculis, vel narratiunculis inhonestis subserviat. Nemo Dei patientiam hic celsaturam somniet; Propter hæc enim venit *Ephes. c. 5. v. 6.* ira Dei in filios diffidentiae, eos scilicet qui rite moniti, has linguæ sordes Numini displicere, auditori plurimum nocere, & inter graviores noxas censerī, aut irrident, aut ut olim Augustinus, muliebres monitus interpretantur. In hos vindex ira Numinis desæviet, aut hujus vitæ suppliciis, aut futuris. *Condemnabit te os tuum ( lascive fabulator ) & Iob. non ego, & labia tua respondebunt tibi. Nimis se- c. 15. rum est illic locorum vociferari, ut refrige- v. 6. ret linguā meā, quia crucior in hac flamma. Luc. c. 16.*

Gregorio hic assentimur, linguam in *v. 24.* flammis illis non ideo solum cruciari, quod cupediarum amans fuerit, quod nimium vini sorbuerit, sed quod multa petulanter ac lascive garriverit. Prima namque, Gregorio teste, male convivantibus famulatur culpa loquacitatis.

Petrus Damianus vir eloquens & sanctus impuras has linguas eleganter turdis comparat, quibus illud ipsum quod edunt & egerunt, necem adfert. Nam è turdi fimeto frutex nascitur, qui viscum, avium mortem suppeditat: Lascivus sermo, viscus merus est. illocebra, laqueus, tendicula, insidiæ capiendis auribus; sed aucupes Acherontici hoc visco primum omnium illaqueant auctorem. Condemnabit illos os suum: suo glutino capientur.

Olea, Plinio affirmante, si eam capra vel *Plinius l. 17. c. 24. nat. hist.* lambat tantum, sterile scit: quædam etiam hac injuria moriuntur. Si olidus caper, in-  
vere-

verecundus gerro, linguam ejiciat, & verba vel in prostibulo erubescenda spargat, oleis præsertim adolescentioribus plurimum obest, quas vel sterilefcere cogit, vel mori: tota quandoque vita memoriam contaminant, vel semel in juventute audita. Et quid oleum insani foco jam ardenti affundimus? natura jam ante ad has aurium titillationes pronissima est, quid cadentem impellimus? quid eam malignissimis verborum insidiis circumvenimus? se ipsam sponte induit in laqueos. Patulis plerunque auribus excipitur quod cum castitatis injuria dicitur. Sermones amatorii & Venerem olentes suaviter irrepunt, blande capiunt, molliter ligant, latenter occidunt. Quisquis talia loquitur, rationem reddet supremo judici tam de se, quam de iis quorum aures tam impuris fabulis incestavit.

Bernardinus Senensis domo nobilis tam verecundus à puero fuit, ut si quando verbum petulantius audisset, non aliter erubesceret, quam si quis colaphum ei incussisset. Hinc coævi pueri, cum sordide loquerentur, viso Bernardino mox silentium edicentes: Silete, ajebant, silete, Bernardinus adest. Vtinam, ô bone Deus, plures sint in orbe Bernardini, qui tam illotæ linguæ nugatoribus acetum porrigant ori eluendo.

*Epile.  
Enchir.  
c. 55.*

Fuit vel inter idololatræ hoc modestiæ acetum olim venale. Nobilissimus morum magister Epictetus, Christiane prorsus: Periculofum est etiam, inquit, ad orationis obfcœnitatem progredi. Cum igitur tale quippiam inciderit, aut (si feret opportunitas) objurgabis eum, qui sermonem illum injecerit: aut taciturnitate saltem, & rubore vultuque ostendes, eam orationem tibi displicuisse. Non tantum ne ipsi nos spurce loquamur, vetat Epictetus, sed nec alios quidem,



# DE LASCIVA LING. 437

dem, si talia fabulentur, ferendos monet, sed aut verbis aut certe vultu ac silentio castigandos. Imo cum de gladiatoriiis aut Circensibus ludis; itemque de epulis & potionibus verba fiunt, aut cum homines laudantur vel vituperantur, si fieri potest, inquit, alio traduc eorum sermones; in turpibus etiam ob- jurga. Vel ipsi poëtæ, cetera liberiores hic inonent. Aquinas satyricus saluberrimum consilium suggerit:

*Nil dictu fœdum, visuque hac limina tangat*

*Turpe-  
nalis*

*Intra qua puer est —*

Cato senior, Plutarcho teste, adeo ab omni verborum turpitudine, præsentem filio temperavit, quasi Vestalibus virginibus arbitris locuturus esset, nec unquam cum eo lavit. Et tamen inter homines Christianos, pro dolor, non paucos repereris, quorum omnia pæne colloquia Veneris officinam oleant, quique se parum facetos credant, nisi libidinosos ostendant. Insania luculenta! tussim comprimimus, excreationes crebras cavemus, quicquid oris elegantiam perdit, fugimus, & hæc talia sine ore & fronte effutimus: Quanto magis cavendum est, inquit Bernardus, ne quid turpe exeat de ore, hoc enim graviter coinquinat hominem.

*Sat. 14.  
v. 44.  
Plutar.  
in Pa-  
rallel.*

IV. Sanctus Rodolphus antistes Euginus, è fratre, cui Petrus nomen, in familiaris colloquio lascivius verbum audierat, mox ille adolescentem flagellari, & quadraginta dies omni vino abstinere jussit. Nec refractarium habuit fratrem Rodolphus. Ita oris inhonestas omnis comprimenda est. Et Paulus serio hortatur: Profana autem & in- aniloquia devita, multum enim proficiunt ad impietatem, & sermo eorum ut cancer serpit. Morbus plane malignus & horridus est gangræna seu cancer, cui verborum turp- itudo recte confertur, serpit illa & in fœ-

*Bern. l.  
de ord.  
vita  
viri  
pag.  
1115.*

*2. Tim.  
c. 2.  
v. 17.*

dam amplitudinem excrescit: celerrime capitur, quicquid horum dicitur, neque opus dicta repetere, quæ non aures solum, sed & medullas subeunt, *serpunt ut cancer.*

De Arrio beatus Hieronymus dixit: Vna scintilla fuit, sed quia hæc non statim oppressa, totum orbem flamma ejus populata est: scintilla videtur dictum inverecundius, sed scintilla in pestilentem se flammam diffusura ni opprimatur.

Mirantur aliqui hæresin nostro ævo incrementis tam velocibus ac lætis propagatam. Mirari desinite, ô boni, nam uti Thomas Morus loquitur, ad propositam vitæ licentiam certatim accurrere, id vero tantum habet miraculi, quantum saxa deorsum ruerent. Sicut hæresis, sic & loquendi lasciviâ, facillimis argumentis propagatur, serpit ut cancer: benevole auditur, arridetur, applauditur, & jam melancholicus habetur, qui inter obscæna lætus non est, velut amusus & inficetus spernitur, qui Cypridis mysteria, qui bonæ Deæ sacra, qui raptum Helenæ, errores Æneæ, Didonis venatus recitare aut nescit, aut non vult. His moribus vivimus, & cælum speramus.

Hanc ob causam Siracides gravissime monet: Sepi aures tuas spinis, & linguam nequam noli audire. Addit: Et ori tuo facito ostia, & seras auribus tuis. Dic cum Christo: Vade retro Satana. Satanæ tunc bene est, cum propudiosissimi sermones bellum morient castimonie, cum totis fluit labiis libidinis cænum. Christus, ubi sunt duo vel tres, inquit, congregati in nomine meo, ibi sum in medio eorum. Diabolus haud aliter; ubi duo vel tres congregantur, ut immunditiam animi per os evomant; illic & ego sum in medio eorum; medius non verborum tantum, sed & cogitationum. Hic tela volant ignea nequis-

*Ecclesi.*  
c. 28.  
v. 28.

*Matth.*  
c. 10.  
v. 4.

*Matth.*  
c. 18.  
v. 20.



# DE LASCIVA LING. 439

nequissimi, non de facili extinguenda. *Ephes.*

Ideo Augustinus tam sollicitè: Fratres *c. 6.*  
 charissimi, ait, bona jugiter cogitemus, ut os *v. 16.*  
 nostrum non crudelis adversarius sed pius  
 Deus aperiat. Purus sermo pulcherrimus est. *Prov.*  
 Et quæso quid causæ est, nostras preces *c. 15.*  
 quandoque surdis auribus à Deo audiri? Ne *v. 26.*  
 miremur: qui enim placere possit oratio à  
 lingua tam immunda? Non est speciosa laus *Eccli. c.*  
 in ore peccatoris. Recte Gregorius: Cum in- *15. v. 9*  
 dignus, inquit, ad intercedendum mittitur,  
 irati animus ad deteriora provocatur. Sunt  
 qui araneas, aut mures, aut ranas sic ode-  
 rint, ut vel nomen ejusmodi animalculorum  
 horreant, ne dum ut sub aspectum admit-  
 tant. hinc cibum aliqui pretiosissimum ex-  
 treme averfarentur, & nec oculis quidem  
 tangerent, si rana vel aranea, vel musculus  
 eandem cum cibo patinam occuparent. Ora-  
 tionem Cælites ut Ambrosiam amant, ver-  
 borum turpitudinem, ut pestilentem vomitum  
 abominantur. Et Sapientia humanæ  
 gentis monitrix proclamat: Propter hoc qui *Sap. c. 1*  
 loquitur iniqua, non potest latere, nec præ- *v. 8.*  
 teriet illum corripiens judicium. Non abs- *Eccli.*  
 condit se ab eo omnis sermo. Ideo divinus *c. 42.*  
 Paulus & ipse vociferatur: Nunc autem de- *v. 20.*  
 ponite & vos omnia: indignationem, mali- *Colos. c.*  
 tiam, iram, blasphemiam, turpem sermonem *3. v. 8.*  
 de ore vestro. Non enim solum facere tur-  
 pia nefas est, sed & dicere.

*Impudica qui loquuntur, impudica diligunt.* *Monof.*  
 Nam, divo Bernardo teste vanus ( lascivus ) *Troch.*  
 sermo, cito polluit mentem, & facile agitur, *Bern.*  
 quod libenter auditur. Idcirco Chrysosto- *de in-*  
 mus: Vis, inquit, à verbis turpibus abesse? ne *ter. do-*  
 verba tantum turpia fugias, verum & risum *mo c.*  
 solutum, & omnem concupiscentiam. *43. pag*  
*1082.*

Ff 2

*Chrys.*  
*Hic tom. 5.*  
*hoy.*

ss. ad pop. mihi pag. 116.





# M

*Hic Mendax, Mordax, Murmurans lingua sistitur.*

- A. Homo sacer profano monstrat volantem asinum.  
*Quam argute autem hoc turpe MENDACIVM sit notatum, Vide C. 35. S. 4.*
- B. Duo canes unum os admordentes Linguam MORDACEM representant. de qua C. 38. totum.
- C. Tres illi non tam vinitores quam oblocutores,  
*Lingua MVRMVRANTIS negotium praeclare agunt. Vide C. 39. initio ante S. I.*

## M

## CAPVT XXXV.

*Quid sit MENDACIVM, ac quotuplex;  
& an omne Mendacium sit peccatum.*

*Iose-  
phus l.  
2. An-  
tiq. c. 5.  
paullo  
post  
initium.*

*Exod.  
c. 4.  
v. 10.  
& c. 6.  
v. 12.*

**D**Vx Israëlis Moses tam præcellentis ac divinæ fuit formæ, ut gentis illius scriptor ausus dicere: Nemo erat adeo tetricus ut visa Mosis pulchritudine non obstupesceret: & persæpe accidebat, ut dum gestaretur ac circumferretur etiamnum infans, obvios quosque in se converteret, ita ut relictis seriis negotiis mallent præcellenti ejus forma oculos pascere, quam sua prosequi. Tanta erat puerilis gratia, ut inviti homines ab hoc spectaculo discederent. Nihilominus vir iste tam formosus non æque facundus fuit. Moses ipse seipsum accusans apud Deum ineruditæ & plumbeæ linguæ: Nō sum eloquens, inquit, ab heri & nuditis tertius, impediti oris & tardioris linguæ, & incircumcissus sum labiis. Hic Moses tam honorificæ legationi detrectandæ quinque defectus suæ linguæ accusat. Primus: Vir paucorum verborum fuit, seipso teste, & dicendi jejunus. Alter: Inelegans, nec claris oratoribus exequandus. Tertius: Tardiloquus, & linguæ parum agilis ac promptæ. Quartus: Exili & gracili voce. Quintus: Linguam habuit hæsitantem, ac balbutiit. Hac tamen quantumcunque tardesciente lingua omnem Ægyptiorum & facundiam & sapientiam in ruborem dedit, quia Deus lingua Mosis locutus est, veluti cum peritissimus scriba, quovis calamo quantumvis obtuso elegantes format characteres. Qualiscunque sermo, bonus sermo est, cum Deus linguæ moderator est.

Sed unde tandem, & quando hoc constat?



stat? Cum mens & os ita consentiunt, ut unum Dei honorem unice spectent. Hic demum Veritas equis albis vehitur: Mendacium equo bicolore & cæco utitur; sæpe tamen Veritatem vincit currendo. Atque de hoc linguæ vitio quod MENDACIVM vocamus jam differendum. Quod quo commodius fiat atque distinctius, omnem de Mendacio dictionem in has classes partimur. Dicemus itaque 1. quid sit Mendacium. 2. Quotuplex. 3. An omne mendacium sit peccatum. 4. Quam foedum sit Mendacium. 5. Quam sit noxium. 6. Objectiones quæ proponi solent tuendis mendaciis, refellendæ. 7. Quæ poena sit Mendacii, explicandum. Et quia vitium hoc nusquam non vulgatissimum, benevolum & attentum ad ista seu lectorem seu auditorem desideramus.

1. Primum est quid sit mendacium. Ad Chrysostomum Chrysostomus respondens: Ne alia quidem dicamus, inquit, alia sentiamus, hoc est enim mendacium. Itaque rectissime dixerunt prisce:

*Aliud loqui, sentire aliud, mendacium est.*

Nec aliter Thomas Aquinas, ille Theologorum antistes Mendacium describit, quam tale vitii genus, quo quispiam contra ac sentit enuntiat. Vbi hanc agnoscit etymologiam mendacii, *Contra mentem dicere*. Ideo Augustinus de mendacio cavendo differens: Non aliud, inquit, pectus regat, aliud lingua proferat.

Petrus Maffejus narrat Regem Macazarum in familiari colloquio, quod cum Antonio Paiva instituit, his omnino verbis interrogasse: Quid est mendacium? Atqui ut ad hoc respondeam (inquit Paiva) liberali venia est mihi abs te opus, ô Rex, quod si nihilominus acerba & aspera mea tibi visa erit o-

ratio; peto quæsoque, uti omnem in me unū iram exerceas: Lusitanos meos cum suis rebus abire permittas. Cū illē continuo quodlibet expromendi potestatem fecisset: Scire aves, inquit, Mendacium quid significet. Ego vero nulla comparatione huiusce tibi vocabuli vim facilius aut clarius demonstraverim, quam ista ipsa, quam vos agitis vita. Cum enim IESVM Christum Dei Filium totius veritatis auctorem penitus ignoretis: sic fit ut erroribus infinitis impliciti, à Veritate semoti in ipso mendacio volumini. Fusa sed elegans descriptio mendacii, nam uti verbis, sic & moribus ac vita plurimi mentiuntur. Sed nos non de morum, sed verborum mendacio hic agimus, de quo Augustinus istud pronuntiavit: Nemo dubitet mentiri eum, qui falsum enuntiat causa fallendi.

*Aug.  
romo 4.  
l. de  
mend.  
c. 4. nō  
procul à  
fine.*

Linguam, si Plinio credimus, venarum una cum corde, alia cum cerebro nectit; qua quidem venarum dispensatione natura nos docet, udum illud membrum ab Intellectu (cui sedes in capite) sic regendum, ut lingua consentiat cum corde, hoc enim, ut diximus, mendacium est, aliud corde abditum, aliud lingua promptum gerere, aliquid in animo nigrum credere, sed voce candidum asserere. Hinc picturi hominem mendacem, picam pinxere, à fronte albam, atram à tergo. Vox Locustarum, ait Plinius, proficisci ab occipitio videtur; eo loco in commissura scapularum habere quasi dentes existimantur, eosque inter se terendo stridorem edere: Mendacium oratio obscura, semper à tergo latens, nunquam prominens in aperto, stridores edit inamcenos, velut locusta. aliud enim dicunt mendaces, aliud cogitant.

*Picinus  
hieroglyph.  
l. 24.  
Plinius  
l. 11.  
nat.  
hist. c.  
29. fine.*

Rectissime mihi dixisse visus est, qui Mendacium *Diaboli larvam* appellavit. Certe Veritas



tas similitudo & quædam imago Dei est. Ideo Siracides monet : Ne accipias faciem *Ecclesi.*  
adversus faciem tuam, nec adversus animam *c. 4.*  
tuam mendacium : Pro anima tua non con- *v. 26.*  
fundaris dicere verum. Nemo sit tibi pre- *24.*  
tiosior te, ut illius amore vel timore Deum  
offendas; & ne quæso animæ tuæ hanc dia-  
boli larvam indue, ut mentiaris, & mendacio  
velut larva tectus videri velis nitidus & for-  
mosus.

Est autem humanæ linguæ tam pronum  
mentiri, ut verissime dixerit Epictetus: Pri- *Epictet.*  
mus & maxime necessarius in Philosophia *c. 76.*  
locus est is, qui agit de usu decretorum, vel- *Enchir.*  
uti de non mentiendo. Alter qui demon-  
strationes tractat, veluti cur non sit men-  
tiendum. Nos vero diversum facimus, quip-  
pe aliter in scholis disputamus, aliter domi  
vivimus. Proinde mentimur quidem, in-  
quit, quomodo autem demonstretur non es-  
se mentiendum, in promptu habemus. Ita-  
que dum falsitatem fugiendam docemus, se-  
quimur, dum reprehendimus mendacium,  
mentimur; aliud enim dicimus, aliud cogi-  
tamus. quod quidem proprie esse diximus  
mentiri.

II. Alterum ac tertiū hac in re caput est,  
Quotuplex sit mendacium, & An omne  
mendacium sit peccatum. Theologorum vox *S. Tho.*  
est, mendacium triplicis esse generis; Offi- *2. 2. q.*  
ciosum, Iocosum, Perniciosum. Officiosum *110.*  
dicitur, quod alicui profuturum creditur, ei *art. 2.*  
saltem qui loquitur. Iocosum appellant,  
quod nemini nocet, sed animi causa profer-  
tur. Hoc priore deterius est, utrumque ta-  
men non inter capitales noxas censeretur solet.  
Tertium denique perniciosum, quod semper  
cum alicujus damno conjunctum, inter gra-  
viora piacula numeratur. Num ergo menda-  
cium omne vetitum, & piaculi loco habenda?

*Arist.*  
*lib. 4.*  
*Ethic.* dum? omne prorsus, omne omnino. Aristote-  
li res certa; Omne, inquit, mendacium per se  
pravum est, & fugiendum. Et vox una om-  
nium Theologorum est, omne mendacium  
inter peccata numerandum.

*Vet.* *Interpres animi lingua; mentiri nefas.*

*Iamb.*  
*Ecclesi.*  
*c. 7.*  
*v. 14.* Dilucide rem hanc Siracides definiens: Noli,  
ait, velle mentiri omne mendacium. Sacrae  
paginae convenienter & prisca Patres locuti  
sunt. Gregorio, Mendacium omne, iniquitas  
est. Isidorus: Omne, inquit, mendacii genus  
summopere fuge, & nec casu nec studio lo-  
quaris falsum; cave mendacium in omnibus.

Adeo vero cavendum est hoc vitium & fu-  
giendum, ut si salus plurium in unico idque  
solum officioso vel jocosio mendacio dicen-  
do verteretur, id tamen neutiquam liceret  
dicere: imo si suos quis parentes aliosve sibi  
conjunctissimos flammis demersos vel levi  
mendacio extrahere posset, mentiri tamen  
licite non posset; satius foret illos in igne  
deserere, quam Deum falsitate offendere. Ec-  
quæ rigida, inquis, hæc assertio? Videatur ri-  
gida, est sane vera. Lex est quam divinus

*Rom. c.*  
*3. v. 8.* Paulus promulgavit: Non esse facienda ma-  
la, ut eveniant bona. sicut ajunt quidam nos  
dicere, inquit: Faciamus mala ut veniant bo-  
na, quorum damnatio justa est. Hanc Pauli  
regulam secutus Augustinus, ad rem aptissi-  
me: Ita, inquit, omnis doctrina veritatis au-  
fertur, cedens licentiosissimæ fallitati, si  
mendacio vel officioso alicunde penetrandi

*Aug.*  
*l. de*  
*mend.*  
*c. 7.* aperitur locus. Aut enim temporalia com-  
moda vel propria vel aliena, veritati præpo-  
nit quicumque mentitur: quo quid fieri po-  
test perversius? Certe injuria Deo illata gra-  
vior est omni humano malo. Quot millia  
sanctissimorum martyrum omnem potius  
sanguinem prodigere, & animam per stillici-  
dia emittere, quam unico se mendacio tueri  
volute-



voluerunt. Vnde, ait Augustinus, si nec ipsa *Aug. tomo 8.*  
vita præponenda est veritati, quid obijci po- *in ps.*  
test, propter quod mentiendum esse conten- *139.*  
dant, qui aliquando putant oportere menti- *circa*  
ri? Omne mendacium, peccatum est, imo *med.*  
etiam, ut Augustinus ratiocinatur, Omne  
peccatum, mendacium est Hoc Euangelium  
dicit: Contra legem enim, inquit, & contra  
veritatem quicquid est, mendacium dicitur:  
Hæc ipsissima quoque Bernardi doctrina est;  
Nullum, inquit, justum mendacium: omne  
mendacium in omnibus est peccatum; omne  
quod à veritate discordat iniquitas est. Si *Bern. l.*  
mendacium apud omnes damnatur, si falsi- *de gra-*  
tas humano iudicio punitur, quanto magis *tia &*  
ante Deum, qui est testis verborum & ope- *lib. ar-*  
rum? Ante quem etiam de otioso verbo *bit.*  
unusquisque rationem redditurus est. Con-  
cludit: Omne genus mendacii summopere  
fuge. Ita prorsus, fuge, fuge, & potius sinu  
colubrum, quam lingua mendacium admit-  
te. Nam Bernardi sensu, nemo nec suam  
quidem vitam tueri debet mendacio. Petrus  
Apostolorum caput, si minus amasset vitam,  
utique mendacium magis exhorruisset. De  
quo Bernardus eleganter: In quo ergo, in-  
quit, culpabitur? an in eo quod mentiri quam  
mori maluit? Hæc plane voluntas reprehen-  
sione digna fuit, quia corporis magis quam  
animæ voluit servare vitam. Et peccavit er-  
go, & non absque consensu propriæ volun-  
tatis, infimæ quidem & miseræ, sed plane li-  
beræ. Peccavit autem non spernendo aut  
odiendo Christum, sed se nimis amando.

Sed Augustinus etiamnum mihi in men-  
tem est qui disertissimus in mendacium ge-  
minos scripsit libros: primum quidem, ut  
pessimi vitii nequissima indoles melius nos-  
ceretur; alterum, ut hæc Orbis lues studio-  
sius caveretur. Ita hic sanctissimus scriptor  
vel

vel solus sufficeret ad omne mendacium ex Orbe penitus eliminandum, etiamsi divina filerent oracula, quæ tamen extreme damnant, & cœlo proscribunt mendaces linguas. Neque perniciosum duntaxat mendacium, sed & Iocosum atque Officiosum damnantur: Illud quidem mitius est, quia retinet aliquam benevolentia speciem; Istud non omnino perniciosissimum, quia plerumque non fallit, neutrum tamen sine culpa est. Nec ideo, inquit Augustinus, ullum putandum est, non esse peccatum, quia possumus aliquando alicui prodesse mentiendo. Et rationem reddit: In hoc fallitur, quod putat sibi suum non obesse mendacium, cum magis facienti quam patienti obsit omne peccatum. Hinc ut idem Augustinus expressissime tradit, nec illa sunt admittenda mendacia, quæ quamvis non obsint alteri, nulli tamen prosunt, & obsunt eis ipsis, qui gratias mentiuntur. Nemo itaque potest convincere aliquando esse mentiendum, nisi, qui potuerit ostendere, æternum aliquod bonum obtineri posse mendacio. Quod quidem nullius impudentia unquam affirmavit. Verissime dixerunt prisca: *Quisquis timet Deum, abstinet mendacio.*

*Aug.  
tom. 3.  
Ench.  
ad  
Lau-  
rent.  
c. 22.  
Ibid.  
c. 17.  
Idem  
tom. 4.  
l. de  
mend.  
ad Con-  
sent.  
c. 11.  
Idem  
ibid. c. 7*

III. Tertium hic caput, est ipsa mendacii foeditas. Duo quædam apud Persas turpissima habebantur, *Ex are alieno laborare, & Mentiri*: quæ duo plerumque conjuncta sunt. Rarissimos debitores reperias, qui mentiri nesciant. Nam nomina quæ in proximum mensem tollenda promittunt, vix tollunt anno proximo. Sollennissimum illis est, tempora expungendis nominibus decreta, mendaciis protollere. Hanc turpitudinem Persæ non immerito pessime oderunt. Romani omne mendacium homine libero ac ingenuo indignum putarunt, servileque vitium.



tium esse, nec cadere posse, nec debere in generosum pectus, quod ante vitam projiciat, quam illam mendacio commaculet. Enimvero inter mendacia, ea jure dixeris foedissima, & longe pessima, quæ sunt deliberata. Sunt qui huic rei gravissime & magna cum cura student: Hæc, ajunt, ita fingenda sunt: os illi homini sic oblinere poterimus; si justitiæ, cur non & veritati nasus cereus tornari possit? his ergo flexibus, his diverticulis evademus. Falsitas meditata, falsitas pessima. Quod beatus Gregorius accurate observans: Nonnunquam, ait, pejus est mendacium meditari quam loqui; nam loqui plerumque præcipationis est, meditari vero studiosæ pravitatis. Hic Jurisconsulti viderint & caussidici, qui causæ non justæ patrocinium suscipiunt: vident quidem ii non raro Ius atque Iustitiam à se non stare, nihilominus actionem suscipiunt, scribunt, dicunt, agunt, jus torquent, uncis naribus indulgent: neque hoc gratis; auream inde messem colligunt. Ludovicus Maluenda has exactiones non invenuste deaurata mendacia vocat. Ita Pharisei Romanis militibus ante Dominicum sepulchrum excubitoribus, suum iliud grandissimum mendacium liberali manu deaurarunt. Clarissime Matthæus: Pecuniam, inquit, copiosam dederunt militibus, dicentes: Dicite, quia discipuli ejus nocte venerunt, & furati sunt eum nobis dormientibus. Et si hoc auditum fuerit à Præside, nos suadebimus ei, & securos vos faciemus. At illi accepta pecunia, fecerunt sicut erant edocti. Et divulgatum est verbum istud apud Iudæos, usque in hodiernum diem. Monstruosum, fœdissimum mendacium! fuerunt tamen, atque etiamnum sunt qui prona credulitate defendant tam luculentam falsitatem.

Greg. l.  
18.

mor. c.  
4. in  
tio.

Matth.  
c. 28.  
v. 12.  
ad 16.

Sed quid contendimus? Mendacium nobilissimum habet auctorem, in coelo natum, Luciferum, diabolum ipsissimum. Hic primus omnium mentitus: Nequaquam, ait, morte moriemini. Ideo Christus in circulo Iudæorum: Vos, inquit, ex patre diabolo estis. Ille homicida erat ab initio, & in veritate non stetit, quia non est veritas in eo. cum loquitur mendacium, ex propriis loquitur, quia mendax est, & pater ejus. De hoc ipso inventore mendacii Augustinus: Qui non solum mendax, inquit, verum etiam mendacii pater est. Primus est quippe mentitus, & à quo peccatum, ab illo coepit esse mendacium. Egregio sane inventore gaudet mendacium. Neque mendacii tantum pater est diabolus, sed & eorum omnium qui mentiuntur Hoc enim verba Servatoris docent: *Et pater ejus*, cujuscunque scilicet mendacis. Videte mendaces, quis vos pater filios agnoscat, ab indole paterna minime degeneres. Sicut enim Deus ab æterno Veritatem progeniuit, ita diabolus à principio falsitatem. Et hoc est quod linguam divinis laudibus efferendis creatam ita inquinat, ut omnis divina laus à tali lingua sordeat. Salomon id affirmans: Abominatio est, inquit, domino labia mendacia: qui autem fideliter agunt, placent ei. Neque lingua solum mendacis inquinatur, sed totus quantus quantus est homo, fit falsus: uti enim moneta plumbea, etsi magnâ, nullius est pretii: nummus argenteus etsi parvus pretio longe superat, sic homo verax vel unicus antestatur centum mendacibus. Quam autem hoc probrosum & turpe, quod monetam adulterinam non feramus in marsupio, linguam autem falsiloquam tam facile toleremus in ore proprio. Multis jucundum est omnia mendacis aspergere. Nam, quod Augustinus observat

Gen. c.  
3. v. 4.

Iohn.  
c. 8.  
v. 44.

Aug.  
Iohn. 5.  
de ci-  
vitate  
libr. 14  
c. 3. fi-  
ne.

Prov.  
c. 12.  
v. 22.



# DE MENDACI LING. 451

va, mendax amat mentiri, atque habitat a- *Aug.*  
nimo in delectatione mentiendi. Complu- *tom. 4.*  
res potius mentiri eligunt, quam tacere. Hi *l. de*  
plerumque veris falsa contexunt, ne se sua *mend.*  
vitas sermonis deferat. Vt autem vanissima *c. 11.*  
hæc hominum studia nonnihil coërcean-  
tur, idem Augustinus eximie dixit: Laborant  
homines loqui mendacium, nam veritatem  
tota facilitate loquerentur. Ille enim labo- *Idem*  
rat qui fingit quod dicit. Nam qui verum *in psal.*  
vult dicere non laborat: ipsa enim veritas si- *139.*  
ne labore loquitur. Sed quid miri est menda- *circa*  
cem adeo laborare ac fatigari, quando du- *med.*  
plex cor habet, cum tamen vel unicum satis  
fatiget. Præclarissime Augustinus hac de re  
differens: Quapropter, inquit, ille qui menti- *Idem*  
tur, aliud habet in animo, & aliud verbis *tom. 4.*  
vel quibuslibet significationibus enuntiat. *l. de*  
Vnde etiam duplex cor dicitur esse mentien- *mend.*  
tis, id est, duplex cogitatio: una rei ejus quam *c. 3.*  
veram esse vel scit vel putat, & non profert:  
altera ejus rei quam pro ista profert, sciens  
falsam esse vel putans. Ex quo fit, ut possit  
falsum dicere non mentiens, si putat ita esse,  
ut dicit, quamvis non ita sit; & ut possit ve-  
rum dicere mentiens, si putat falsum esse, &  
pro vero enuntiat, quamvis revera ita sit ut  
enuntiat: ex animi enim sui sententia, non  
ex rerum ipsarum veritate vel falsitate men-  
tiens aut non mentiens judicandus est.

I V. Gravis profecto morbus est, & a-  
bominabilis consuetudo fingendi. Qui hoc  
morbi genere laborant, pæne infames fiunt,  
& ubique pessime audiunt. Id porro hujus  
morbi foeditatem satis arguit, quod inter  
septem illa, quæ Deus vehementer odit, e- *Prov.*  
tiam lingua mendax numeretur. *c. 6.*

Quantumvis autem deformis sit mon- *v. 17.*  
strum, omnis falsitas, sunt tamen qui ei for-  
mam studeant concinnare. Aulas ingredi,  
& vi-

& videbis comptissimas falsitates. A vero non videtur aberrasse qui dixit, familiare Principum aulis mendacium esse. Nam divites illi sponſiones & verba prope singula, tanquam utero gravis mentiuntur partum. Ne fide: vento non prole distenduntur. Cre- das Sodomæ poma esse, quæ attactu in ci- nerem fariscunt. ita venustatem, honores, o- pes, amorem, benevolentiam purpuratorum verba loquuntur. res odia, livores, æmulationes, fraudes extollunt verbis, factis præcipi- tes agunt: ore locupletes, reliqua inopes. ut jam fortiter venusteque mentiri, aula dig- num censeatur; indignum vera dicere: & ille comissimus censeatur, qui pluribus bene consutis mendaciis dictionem vestit; ille ru- sticus, qui hoc verborum stibio non utitur. Iamque aulica civilitas est, veritati dextre il- ludere. Quam longe hi absunt ab Epaminon- dæ moribus, qui tam serius veritatis cultor fuit, ut ne joco quidem unquam mentitus sit. Ad Christianas omnino leges hoc fa- ctum. Non enim decet principem, labium mentiens. Qui nititur mendaciis, hic pascit ventos, idem autem ipse sequitur aves vo- lantes. Et propterea verbum mendax justus detestabitur. Prisco carmine ferebatur:

*Aemy.*  
*Pro-*  
*bus.*

*Prov.*

*c. 17.*

*v. 7.*

*Eccl.*

*10.*

*v. 4. Eccl.*

*c. 13.*

*v. 5.*

*Vet.*

*Iamb.*

*Nil vanitate mentiendi turpius;*

*Odere divi, odere homines mendacium.*

Et quamvis in omnium ore turpe sit omne mendacium, est tamen in ore hominis sacri & religiosi longe turpissimum. Quod vel inde liqueat. Iter una fecerunt vir religiosus & profanus. Ille habitu quidem sacer, sed profana lingua solutissimus, subito profanum compellans. En, en, inquit, volentem illic asinum. Suspexit alter præproperis & nimium credulis oculis. Iste irridens largiter: Et ô te, inquit, non asinum, sed oviculam simplicissimam, qui credas tantæ molis quadrupedem volare



DE MENDACI LING. 453

volare posse. At profanus indigne ferens hominem sacrum tantæ vanitatis esse, & ridere qui flere debuisset: Et quæso, inquit, ignoscat mihi genius tuus; me tuis verbis deceptum suspexisse, non est quod mireris: multo facilius credebam asinum volare posse, quam religiosum mentiri. Cape tibi hoc, mi religiose, & in posterum, si quidem sapis, mendacium pro perjurio habe.

His tam turpibus mendaciis annumeranda sunt illa non minus turpia, & quandoque magis temeraria, in quibus ut Seneca loquitur, & os præcidi, & oculi erui solent. Sunt enim qui ita mentiuntur, ut audientibus præcidere, aut potius præcludere os videantur, ne facile contradici possit: at oculos illi eruunt, qui non verentur ea pro veris affirmare, quæ aspectu ipso mendacii coargui possunt. Excæcare enim eos, qui audiunt, quantum in ipsis est, conantur. Itaque, si priscis assentiamur, in mendaces hanc feremus sententiam:

*Libero cuicunque summum est dedecus mendacium.*

Quid, quotuplex, & quam foedum sit mendacium, explicavimus. Quam noxium sit, & qua ratione punitum, proxima dissertatione dicemus.

C A P V T X X X V I.

*Quam multiplici argumento exitiosum sit MENDACIVM.*

**H**EBRÆUS vates Oseas, gravissime querens: Non est veritas, exclamat, & non est scientia Dei in terra. Maledictum, & mendacium, & homicidium, & furtum, & adulterium inundaverunt. Fallere, fingere, mentiri tam usitatum est, jamque adeo in mores transiit, ut plurimis pœne problema videatur.

tur; an non quædam mendacia sint licita. Dubitatur subinde, quid consultius; Nudam veritatem, an subtile commentum proloqui? Idcirco non minus Osea Isaias hanc  
*If. c. 28* mentiendi libidinem deplorans: Posuimus,  
*u. 15.* inquit, mendacium spem nostram, & mendacio protecti sumus. Eo rerum jam prolapsi sumus, ut artificiose mentiri, velut eloquentiæ partem discamus. Qua in re tam dociles sumus discipuli & discipline tam ca-  
*Hier. c.* paces, ut & Hieremias vates dixerit: Exten-  
*2. v. 3.* derunt linguam suam quasi arcum mendacii,  
*4. 5.* & non veritatis: confortati sunt in terra, quia de malo ad malū egressi sunt &c. quia omnis frater supplantans supplantabit, & omnis amicus fraudulenter incedet. Et vir fratrem suum deridebit, & veritatem non loquentur: docuerunt enim linguam suam loqui mendacium.

Vetus est verbum: Mendacium colapho pensandum. Si in legem receptum hoc foret, multorum ora sic essent contundenda, ut in massam coacta nihil humanæ formæ retinerent.

Alexander Macedo, rex magnus, Chæriilo poëtæ pessimo tot colaphos rependi iussit, quot malos versus fecisset. Vigeat mos iste, & singula mendacia singulis colaphis expientur, plurimi aut mentiendi consuetudinem dediscere, aut vitam pugnis impendere debebunt. Ergone nunquam mentiendum? cessent figmenta, ajunt, maxima etiam multorum commoda cessabunt. Hi jam mores sunt; mendaciis nostra commoda imputamus; nec videmus cæci in gravissima nos damna præcipitari à mendacio. Hoc igitur nunc agendum, & quam noxium sit mendacium, & qua ratione sæpius punitum, explicatius tradendum.

I. Graves sunt in omnem mentientem  
 cæle-



# DE MENDACI LING. 455

cælestes minæ , quas Hebræus Rex sic promulgat: Perdes omnes qui loquuntur mendacium. Theologorum una omnium sententia est , neque etiam pro salute totius Orbis licere cuiquam mentiri. Adeo damnosum est omne mendacium , ut ne quidem honesto , ut vocant , aut officioso vel misericordi mendacio mors ipsa prohiberi debeat. Qua de re constanter Augustinus : Quid si ad te homo confugiat , ait , qui mendacio tuo possit à morte liberari ? Illa enim mors quam stultetiment homines , qui peccare non timent , non animam sed corpus occidit. Quomodo ergo non perversissime dicitur: ut alter corporaliter vivat , debere alterum spiritualiter mori ? Nam & ipsa dilectio proximi ex sua cujusque dilectione terminum accipit. Diliges , inquit , proximum tanquam teipsum. Quomodo ergo quisque diligit tanquam seipsum cui ut præstet vitam temporalem , ipse amittit æternam ? quandoquidem si pro illius temporali vita suam ipsam temporalem perdit , non est jam diligere sicut seipsum , sed plusquam seipsum. Quod sane doctrinæ regulam excedit. Multo minus igitur æternam suam , pro alterius temporali mentiendo amissurus est. En disertissimum sanctissimi scriptoris testimonium. Quod si nec tuendæ quidem vitæ mentiri liceat , quanto minus ludibrio , aut ignominia effugiendæ ? sed nec virtutibus defendendis. Virginitas pretiosissima quidem virtus est , sed mentiendo nunquam protegenda. Submissio , seu , Humilitas virtutum omnium basis est , ea tamen nec minimo unquam mendaciolo custodienda Si humilitatis causa mentiris , inquit Augustinus , si non eras peccator antequam mentireris , mentiendo efficeris quod evitaras. Ergo mori mavelis quam mentiri ; malis vinci vera dicens , quam superare æ-

*Epist.  
decret.  
zit. de  
usuris  
C. super  
eo.*

vincere mentiens : Mentiri nunquam licitum. Hoc ipsum Innocentius III Pontifex Maximus è sacris paginis ut rem liquidam proponit, nec servandæ quidem alterius vitæ mentiendum esse; quod si non vitæ atque capiti, multo minus triobolari negotio mendaciis patrocinandum.

Anthimus Nicomediensis præsul, ut Metaphrastes narrat, à Maximiani Cæsaris militibus necandus quærebatur, hos ipsos Anthimus, sed ignotus hospitio excepit, & lauto epulo. Remotis mensis in unum milites institerunt quærere, ubinam locorum Anthimus indagandus esset. Quibus ille intrepidus: Ego sum, inquit Anthimus, quo vultis ducite, promptus sequor. Obstupefacti amœnissima liberalitate, dixerunt facile aliquid conficturos se tyranno, quæsitum scilicet, non inventum Anthimum. At ille: Hoc, ô viri, nefas est, ait, nec cujusquam vita mentiundo propugnari potest. Ita suis se convivis ducendum permisit, obtinuitque quam ambiit palmam invictus martyr.

*Plato  
l. 6. de  
Rep.*

*Ruffi.  
Aquil.  
c. 10.  
apud  
Ros.  
v. vetl.*

Hoc revera optimi cujusque contentissimum fuit studium, pro veritate quicquid perferendum est, contemnere, omne mendacium vigilantissime cavere, & nec verbulo veritatem lædere. Nihil affinius, inquit Plato, familiariusque sapientiæ quam veritas: Præeunte Veritate nunquam chorus vitiorum subsequiturus est. Ruffinus Aquilejensis commemorat, sanctissimum anachoretam Anuph hanc vitæ clausulam apposuisse. Tres morituro aderant, Syrus, Isaias, Paulus, ejusdem cum illo instituti. Dumque hi morientem circumstiterent, hoc unum rogarunt, sui memoriam pauculis verbis traderet. Quibus ille: Nihil, inquit, magnum me fecisse memini, in eo tamen sollicitus laboravi, ne ullum dicerem mendacium. An istud non mag-



# DE MENDACI LING. 457

magnum nihil per omnem vitam fingere ? sed hanc etiam laudem affecutus est Benus abbas , cui amplissimum hoc elogium jure concedendum. *Nunquam iratus, nunquam mentitus.* Illud Pelasgæ facundiæ illustrissimum sidus Ioannes Chrysostomus, ex eo prorsus tempore , quo Christianorum ritu ablutus est, nunquam juravit; nec alium jurare compulit , nulli unquam maledixit , nunquam mentitus est. O vere os aureum, vel ob solam hanc linguæ continentiam ! Ecce enim veritatem dilexisti. *1o. Mo- schus c. 191. Ps. 50. v. 8.*

II. Parentum famæ non est quidem detrahendum , hic autem vix adeo muti esse possumus , quin adversus parentes nostros conqueramur. Prima mater omnium Eva , nos feros filios parum boni docuit , ut quæ uno pæne halitu tria dixit mendacia. Rupertus ea numerans: Quantum, inquit, in se erat, depravavit mulier verba præceptoris Domini tribus modis, appositione, diminutione, mutatione. Istud apposuit, *Et ne tangeremus illud.* Hoc Deus certe non iussit , nec enim arborem vetuit tangi , sed fructu spoliari. Diminuit , & rem certissimam in dubium adduxit cum diceret, *Ne forte moriamur* , cum tamen Deus expressissimam hanc sententiam tulerit , Quocunque die ex eo comedere , morte morieris. Mutavit, cum hæc verba proferret : *De fructu vero ligni quod est in medio paradisi &c.* Eho quid dicis mater? Non arbor scientiæ boni & mali, sed arbor vitæ in paradisi medio sita erat , quæ tamen prohibita non erat , ita mendacium mendacio connexum est. Hinc nostræ lacrimæ; parens mendax filios non meliores se genuit: ab hac magistra ita prompte mentiri didicimus, ut Hebræus vates, hic neminem sciverit eximium: *Psal. 115.*

Sed neque diu in discipulorum numero

cenferi nos ferimus; breviffimo tempore  
magiftri fimus, & eam mentiendi dexterita-  
tem profitemur, ut vere dixerit Plinius, Non  
effe mendacium tam impudens, quod affer-  
torem non habeat. Quo fenfu & Varro: Non  
eft, inquit, tam absurdum deliramentum  
quod defenforem non inueniat. Imo fi men-  
daciolorum frequentiam fpectemus, nunc pæ-  
ne fit, quod in convivio Pauli Æmylii Mace-  
donis contigiffe fcimus, cum cocus ex unico  
apro fexcenta fercula paraffet: ita fubinde ad  
unicum dictum defendendum fexcentæ mē-  
daciolorum fpecies emergunt, nec injuriam  
quis fecerit humanæ genti, fi mendaciffimos  
mortales appellet. Hic autem plerunque ge-  
nius eft mendacii, ut unum alterum trahat  
catena fallaciffima. Atque hæc catenata mē-  
dacia non male cerasis conferas. nam quem-  
admodum qui unicum carpit ramulum, non  
unum fed multa trahit cerasa, fic nata, ut fe  
mutuo comitentur; ita qui mentitus eft, ne  
primum mendacium vacillet, fubftituit fe-  
cundum, ne fecundum ruat, addit tertium,  
ne tertium concidat, confingit quartum, ut  
& quarto fuus flet color, quintum commi-  
nifcitur, ne quinti fraus deprehendatur, fex-  
tum quam fucatiffimum excogitat, ita in fil-  
vam itur ingentem & horridam, ita menda-  
cia mendaciis cohærefcunt, ita fcelus fceleri  
nectitur. Hinc oportet mendacem effe me-  
morem, ne orationis vanitas fpe citius pate-  
fcatur. Sed non tantum figmenta figmentis af-  
fuuntur, ne textura hæc pereat, fed ad alia  
quoque vitia descenditur. à mendaciis ad  
perjuria facillimus eft tranfitus. Quod Tul-  
lius fapienter obfervans: Qui femel, inquit, à  
veritate deflexerit, hic non majore religione  
ad perjurium, quam ad mendacium perducere  
folet. Quid enim intereft inter perjurum &  
mendacem? qui mentiri folet, pejerare con-  
fuevit.

Cic. l. 3.  
Offic.  
Idem  
pro  
Roscio  
Cum.



suevit. Id in principe Apostolorum elucefcit: Vbi is femel iterumque amantissimum Dominum negavit, tertio etiam juravit. Et quod Ambrosius notat, nisi Deus lapsuro gravius obstitisset, nisi Christus cadentem respexisset, sicut ter, ita trecenties negavisset. Priscorum vox erat:

*Nec amat Deus, nec adjuvat mendacium.*

III. Hæc omnia paullo copiosius dicta, loco unius nocumenti numeramus, quod recte *Catenam vitiorum* appellabimus. Accedit alterum, primo non minus nocumentum, quod Mendax omnem amittat fidem. Res nota:

*Vbi vera mendax loquitur, haud fidem invenit.*

Optime dixit sapientissimus regum: Suavis *Prov.*  
est homini panis mendacii, & postea imple- *c. 20.*  
bitur os ejus calculo. Siquidem hoc vitium *v. 17.*  
non turpe solum, sed & noxium est: Os im-  
pletur calculo. Aristoteles interrogatus, quid  
lucri haberet mendax? Hoc unum, ait, ut cum  
vera dixerit, nemo credat. Sic est: semper *Tit. c. 1*  
enim hi tales falsitatis suspecti sunt. Creten- *v. 10.*  
ses semper mendaces, venalis aut nullius fi-  
dei homines habentur. Horum locupletissi-  
mus testis Siracides: Opprobrium nequam, *Eccli.*  
ait, in homine mendacium, & in ore indi- *c. 20.*  
sciplinatorum assidue erit. Diabolus ipsissi- *v. 26.*  
mus mendacifigulus, impigrum se magistrū  
discipulis præbet, quibus identidem occinit:  
Paullo majora canamus, ô mei, paullo gra-  
viora fingamus, non in eadem semper classe  
hærendum: profectus discipuli, gaudium  
magistri. proficiendum est, & à mendaciun-  
culis ad splendida mendacia, hinc ad insigni-  
noria furta promovendum. Hæ magistri ab  
Erebo institutiones sunt, sic à vitiis ad vitia  
transitur. Iam diximus, catenam trahit men-  
dacium variis vitiorum annulis consertam.  
Nec errat vetus parcemia: Si mendax est, &

*Eccli.*  
*c. 20.*  
*v. 27.* fur est; ostende mihi mendacem, & ostendam tibi furem. Inter mendacium & furtum proxima est affinitas. Imo, quod Siracidæ credendum, Potior est fur, quam assiduitas viri mendacis; perditionem autem ambo hereditabunt. Infamia certe linguam falsam è vestigio sequitur. semel mentiris? centies non creditur, licet vera narranti: per omnes Deos iuraveris, non creditur. & sæpe quo plus jurant, minus fidem faciunt semel deprehensi mendaces. An non hoc ingens detrimentum? Germani dicunt: \* si aurum perdas, gravis iactura est, si famam, gravior; gravissima, si fidem. At revera hanc perdit falsiloquus. Et licet aliquanto tempore fucum, quæ facit, tegat, quamvis emptores inveniat quibus fumum vendat, nihilominus,

*Diu latere non queunt mendacia.*

Veritas quandoque diu premitur, nequit tamen opprimi; resurgit demum validior. At vero mendaciis canitiem induere difficillimum: neque enim nox diutius fallit, quam donec illucescat: Ita

*Implicatur, explicari dum studet mendacium,*

*Quanto magis se ornat, tanto est deformius,*

*Quanto magis sese occulit, magis patet:*

*Perlucet omne si inspicis mendacium.*

*Eccli.*  
*c. 34.*  
*v. 4.* Inter Corvum & Acanthidem discrimen maximum est: & licet has aves non videas, nosces satis, modo audias, & illum crocitantem, & istam suavissime modulantem: Mendax etsi albis se plumis iactitet, à \* cantu tamen noscitur, cum corvo crocitat. A mendace quid verum dicetur? quærit Siracides. Ma-  
xima

\* *Selt verlohren/ vil verlohren.  
Ehr verlohren/ mehr verlohren.  
Glaubn verlohre/ alles verlohre.  
\* Man kennt dē Vogel am glang.*



xima differentia est, inter bombycem & araneam, quamvis utrumque animalculum textorem agat, & fila ducat tenuissima, nihilominus si mille jungantur araneæ, nunquã tamen panniculum texent tergendis naribus, aut oculis velandis. Idem veracem inter & falsidicum discrimen est: falsidicus filum quidem quam potest subtilissimum ducit; sed inspicere, aranearum textura est, nullius usus, vetustatem fallit; at Veritas durabilis, immortalis est. Labium veritatis firmum erit in perpetuum; qui autem testis est repentinus, concinnat linguam mendacii. Neminis est sub aquis diu spirare, nec sub mendaciis diu incolumem latere. Paries curvus dealbari potest, erigi aut emendari non potest, nisi dejectus: Ita mendacium se ipso proditur, atque ut forex è suis internoscitur sibilis.

Narrat Valerianus Alcathum Pelopis filium ob Chrysippi cædem in exilium actum, peregre profectum ut alibi verso solo degeret: accidisse vero ut leoni, qui Megara vastarat, obuius, belluam non tantum invaserit, sed & confecerit, & extractam belluæ linguam in ara posuerit, velut superis gratias ageret de tam nobili spolio. Interim apud Megarensium regem Thrasones aliquot, leonem à se debellatum gloriabantur. Alcathus elinguem feram ostendens recentis mendacii eos redarguit. En quam debile ac infirmum sit mendacium, unico ictu sternitur, æternum post se dedecus trahens. At Veritas linguam habet ferream, sic eam veteres, Pindaro teste, pingebant & in saxo quadrato statuebant; in globo collocabant Mendacium inconstantia & volubilitate sua periturum. Neque enim (Salomonis oraculo) inveniet fraudulentus lucrum.

Planus, ut ferunt, è fraude & mendacio

compositus, sæpius se cadere, & fracto crure procumbere humi simulavit, nec defuerunt, qui accurrerent opitulaturi, quos ille sanis pedibus largissime irridebat. Tandem è joco res nata, & crus non fictè fregit. Hic ille auxiliare manus implorare & per omnes Deos opem poscere. At pro se quisque hoc unum respondebat: Tollat te, qui non novit te. Hæc emolumenta sunt mendacii: Novimus hominem, ajunt, fidat illi qui non novit illum; vir verborum est, at ubi multa verba, multa sunt mendacia; os illius molendum est vix unquam quietum, sed crassam molit farinam, mentiri vix erubescit, & quicquid dicit, historiam vult censerī: Deos absentes testes facit. Quod si opus, decem figmenta uno spirat halitu; stans pede in uno sexcenta cudit mendacia. Hæc hominum mendacium sunt elogia, hæc illos fama comitatur.

I V. Tertium Noeumentum: Mendacia maximarum injuriarum causæ sunt. Quotidiana clamat experientia,

*Plurimos læsere, pessum imo dederunt mendacia.*

Mendacium plurimos & in cædes & ingravissimas quasque injurias inferendas impulit, attestante memoria omnium: audite tragicos eventus officiosi ac levis mendacii. Cum Theodosius Imperator, die tribus Regibus sacro ad templum cum solenni comitatu progredieretur, homo peregrinus ac tenuis fortunæ pomum Phrygium inusitatæ magnitudinis donum obtulit. Imperator cum proceribus pomi generosi molem admiratus, pauperi centum quinquaginta aureos pro dono reposuit, & pomum Eudociæ Augustæ conjugī misit. Accepit illa, & nihil sequius cogitans, idem mox Paullino misit, facundo & erudito viro, qui propter excellentem cum eruditionem tum virtu-

Fuit  
Junior.  
Matth.  
Rader.  
in aula  
sanctia  
Theodo-  
si c. 16  
Iustus  
Lipsius  
in Mo-  
ritis po-  
lit. lib. 1  
c. 5.  
Mon. I.

tem



tem Eudociæ charus fuerat. Paullinus tunc à pedibus æger, & ignarus pomum ab Augusto ad Augustam missum, iterum illud Imperatori, ut rarum ac regium munus, simul obsequii sui signū offerri curat, Theodosius mirari, & primum ambigere; mox agnoscere, sed factum in deterius referre, ac pessime suspicari. Atque ita propere ad uxorem veniens, malum, quod clam servari iusserat, ab ea repetit antea donatum. Eudocia facti totius ignara, juveniliter, & ut putabat officiose mentitur, se illud jam comedisse. Verebatur scilicet ne si Paullinum nominaret, Imperator alia suspicaretur. Sed iterum interrogata serio diceret, an pomum comedisset? Illa denuo affirmat, atque adeo jurat. Theodosius gravissime offensus, & conjugem mendacii arguens, pomum proferri jubet. Nec satis; de amore occulto & improbo suspicatus Paullinum imperat occidi, Eudociam abdicat, & relegat. Nam suspicionem antea conceptam valde auxerat mendacium. En florentissimi conjugii illætabile dissidium, en innocentissimi viri lamentabile homicidium à mendacio profectum! O Eudocia, ô Imperatrix Augusta, quanto fecisses rectius, si quod res fuit, sincere fassa, veritatem mendacio non celasses? tibi certe tui conjugis amorem, Paullino servasses vitam. Tanti refert vel officioso solum mendaciolo comprimere Verum. Ergo Basilius Imperator optime monens filium: Maximi pendito, inquit, & veracem te esse in sermone, & veraces homines in familiaritatem admittere: ita enim firmus, & constans in omnibus & factis & dictis æstimaberis, & veram ac non suspectam tuorum erga te benevolentiam retinebis: si autem in vanitatis & mendacitatis suspicionem veneris, indigna facere imperatoria majestate, qua auctus es, convinceris;

ceris ; efficiesque ut subjecti semper formidolosi , rerumque omnium incerti & titubantes vacillent. Quantum enim Veritatis oratio amabilem hominem reddit , tantum mendacii deprehensa , aut etiam suspecta , odiosum qui ea utitur , facit.

*Vel timet, velest egenus, qui utitur mendacio.*

Sapienter & vere Basiliius: Vix ulla est injuria, cui non mixta sint mendacia. Nec male dixit Epænetus : Omnium injuriarum causa sunt homines mendaces. Quod si facundia valeat os mendax , ingens nocumentum infert pluribus, & re vera

*Vase in aureo venenum, est eloquens mendacii.*

Iam quot orbe toto cædes , una hæc vocula , MENTIRIS , edidit? Prò humanas infanias ! Cum mendaciis plena sint omnia , audire nolumus quod facimus; erubescimus mendaces dici, cum simus; ridendo rem patramus, sed nomen vindicamus ferro. facere non pudet, dici pudet. Et cum gloriemur, si cujus candori & simplicitati mendaciis illustrimus, ad vindictam decurrimus, si quis, quo gloriamur, *Mentiri* nos dicat. Laus nimirum à mendacio, vindicta à ferro est. bis stolidi, factis & ultione. Laudem è rebus captamus, in nomina ferrum stringimus. Quid Orbe toto stolidius , laudari velle de æmulo per mendacium everso, nolle tamen audire monitricem hanc vocem *Mentiris*? Num quod audire pudet , facere pro decoro est? Olim crimen apud Iudæos capite luendum erat , sancta sanctorum ingressum fuisse: nunc cum laudi detur mendacii adyta, non per superficiem, sed tota , ut dici solet , anima ingressum ; dixisse tamen perduellionis quoddam crimen est, solo ferro , solo sanguine vindicandum. Villane major fatuitas sit? cadere non dolemus, sed si quis dixerit, Cecidisti, ut crimen læsæ Majestatis insequimur. O fatue  
quid



quid de mendacio complaces tibi, quod ferro vindicas? te damna, in te sævi, crimen tuū est. Cur esse vis quod dici non vis? Ecquid commeruit qui vera dixit, qui scapham scapham, ligonem ligonem appellavit: quid quæso criminis quod nigrum est, nigrum vocare, quod amarum est, amarum appellare? vis dicatur nigrum album, amarum dulce, falsum verum? Ita mentiendi licentia susque deq; vertit omnia: hinc injuriæ, hinc cædes. Quid igitur in hac sæculi nostri insolentia faciendum? silentio, & dissimulatione opus; hic taciturnitas pro clypeo sit. nam cum loqui ferrum provocet, filere propugnaculū erit.

V. Quartum nocumentum, Omnis mali compendium est; excludit cælo, detrudit Orco Mendacium. Ioannes Domini oculus, Apostolorum charissimus, Mendaces inter homicidas, scortatores, idololatrias, veneficos numerans, horribilem in eos sententiam pronuntiat in hunc modum: Timidis autem & incredulis, & execratis, homicidis & fornicatoribus & veneficis, & idololatriis & omnibus mendacibus, pars illorum erit in stagno ardenti igne & sulphure, quod est mors secunda. Et hic ipse Numinis præco fatale decretum confirmans: Non intrabit in eam, inquit, aliquod coinquinatum, aut abominacionem faciens, & Mendacium. En ex omni vitiorum numero, ex omni flagitiorum inquinatissima turba, Mendacium solum nominatim cælo excludit: perinde si dicat: Deus qui ipsa est veritas, nihil minus in regno suo tolerat quam quod semper Veritati adversatur Mendacium. Sed & regius Psaltes vociferatur: Filii alieni mentiti sunt mihi, filii alieni inveterati sunt, & claudicarunt à semitis suis. Mendaces recte dixeris filios alienos à veritate, à Deo, à Dei regno, qui vias falsitatis obliquas & tortuosas amant,

*Apo. c. 21. v. 8.*

*Ibid. ult.*

*Pf. 17. v. 46.*

## 466 CAPVT XXXVII.

mant, qui nunquam non claudicant & lingua & mente, proinde velut adulterina soboles à cœlesti rege repudiantur; filii alieni sunt, hæredes non sunt. Eam ob causam ille ipse vates regius eos appellans; Filii hominum, inquit, usquequo gravi corde, ut quid diligitis vanitatem & quæritis mendacium? Invenietis quod quæritis, æterni à regno veritatis exules. Omne mendacium, ut vere Gregorius, iniquitas est. quia profecto ab æquitate discordat quicquid à veritate discordat. Sed iam id quod tuendis mendaciis obijcitur diluamus.

*Pf. 4.  
v. 3.*

*Greg. l.  
18.  
mor.  
c. 4.  
initio.*

## CAPVT XXXVII.

*Quæ soleant tuendis mendaciis objici, & qua ratione  
MENDACIVM crebrius punitum.*

**A**Nnis superioribus in lucem liber prodiiit, frontem ita inscriptus: De lingua, qua maximum est morborum acutorum signum; opus in re medica novi argumenti: auctore Protheo Casulano Senensi. Ergo vix aliunde morbi certius præsertim acutiores, & qui majore dolore infestant, dignoscuntur quam è lingua. Sanum corpus, si lingua sit sana. Nec multo aliter de moribus sentiendum: corrupti sermones, corrupta mens; castus animus, casta verba; inverecondas cogitationes oratio aperit invereconda. Ita lingua latentium morborum index certissimus. Hic autem morbum agnovisse, pars magna sanitatis est, & inter remedia præstantissima numerandum, scire se ægrotare. Exemplo mendacii, quod explicare instituimus, res magis patefiet. Vbi mendax lingua, ibi morborum species non una delitescit. Nec malum erit enthymema: si mendax est, ergo & infidus, & audax, & temerarius, & fraudulentus, ergo & fur erit. Hos morbos hæc



hæc lingua prodit. Mendacium complurium morborum aut initium est, aut certe argumentum. Nihilominus sunt qui huic oris vitio nequissimo patrocinentur, qui excusent, qui defendant. Hos mendacii patronos jam audiemus, quamque egregiis rationibus pro mendacio interveniant: sed & una declarabimus, quo supplicio sæpius sit affectum Mendacium.

I. Primo ajunt mendaciorum patroni, fabellas spargere, levia sunt piacula: Respondemus, neque nos omnia letali censuræ subijcere: hoc asserimus; primas fere deberi, inter leviores noxas, mendaciis, etiam levibus, de ceteris non aliud pronuntiamus, quam quod divina oracula: os quod mentitur, occidit animam: Perdes omnes qui loquuntur mendacium. Hebræi sapientes dicere solebant: *Omnis qui falsum testimonium dicit contra proximum suum, dignus est ut canibus projiciatur.*

Sed quid dicemus, ajunt, de jocosis & officiosis mendaciis, quorum illa sunt ad alios exhilarandos, ista etiam ad adjuvandos: illa sæpe plurimum venustatis, & lætitiæ, hæc utilitatis plurimum & adjumenti habent. ut si quis belli dux copias suas dejectis esse animis videat, & ob id conficto mendacio dicat adventare socios, eaque ratione animum addat militi; an non officiosum hoc mendacium esse utilissimum censebitur? Si quis

charissimum sibi hominem pharmaco egentem, sed ab illo abhorrentem ita decipiat, ut pharmacum cibo misceat, & hunc mendacio condiat, dicatque edulium ab omni suspensa mixtura purissimum esse; an non & iste officiose mentiendo, alteri prodesse plurimum judicandus? Nec desunt tam perfricti oris homines, qui audeant dicere: \* *Mendacium calidum, mendacium optimum est.* O vani & fatui! nec calidum, nec frigidum, nec jocosum

Plautus

Mosel.

act. 2.

scen. 1.

v. 135

Calidia

hercule

audiri

esse op-

timum

menda-

cium.

sum

sum mendacium, nec officiosum ullo Honesti pallio satis tegetur. Possumus etiam furando prodesse, præsertim si egenus, cui furtum donatur, sentit commodum; & opulentus, cui aliquid auferitur, incommodum non sentit. Sed nunquid ideo tale furtum, poterit non esse peccatum? eadem est ratio mendacii quod prodesse creditur: Hoc enim licet plurimis prodesset, mentiendi tamen nunquam non obest. Mendacium omne peccatum est. Sed amplius obijciunt; An non & Abraham conjugem Saram, suam esse sororem dixit?

*Augu.  
l. de  
mend.  
c. 15:*

An non Pharaoni fucum fecerunt obstetrices Ægyptiæ? Hic Augustinum pro me respondentem audite: Quando nobis, inquit, de scripturis sacris mentiendi proponuntur exempla, aut mendacia non sunt, sed putantur esse, dum non intelliguntur; aut si mendacia sunt, imitanda non sunt, quia iusta esse non possunt. Vnde obstetricibus his, & Rahab meretrici benefecit Deus, non quia mentitæ, sed quia misericordes fuerunt in homines Dei. Ita Deus uno tempore in una causa vidit factum misericordiæ, & factum fallaciæ; bonum remuneravit, & propter hoc bonum, malum illud ignovit. Iacob quod matre fecit auctore, ut patrem fallere videretur, si diligenter & fideliter attendatur, non est mendacium, sed mysterium. In figuris enim quod velut mendacium dicitur, bene intellectum verum invenitur.

*Idem  
l. contra  
mend.  
c. 10.*

Tertio, num ergo, inquiunt, veritatem quandoque celare non licet? Licet quandoque; aliud est autem mentiri, aliud est verum occultare; aliud est falsum dicere, aliud est verum tacere: Hoc raro nec nisi certa lege permissum, illud nunquam. Profecto veritatem velle tegere, signum est volentis fallere: atque ut hi sorices suis capiantur indiis, hæc fere signa sunt mentientium.

Hærerere,



Hærerere, balbutire, obscure loqui, titubare, colorem ducere, vultu sibi non constare, anxie dicta comere ac polire, crebris exaggerationibus uti, de longinquis, de verustis nescio quæ grandia commemorare, ipsa subinde trepidatione aut inconstantia dicendi se prodere, longis ac variis verborum ambagibus dicenda involvere, plurima miscere, & sermonis tumultu confundere, hoc demum agere, ne veritas ex toto in conspectum veniat. His indiciis hi sorices produntur & pereunt. Et in eos quidem qui veritatem tot adscititiis involucris obnubant, graviter commotus Augustinus: Quisquis, inquit, veritatem occultat, iram Dei super se provocat. quia magis hominem timet quam Deum. Vterque reus est, & qui veritatem abscondit (audite Regum, principumque consilarii) & qui mendacium dicit, quia & ille prodesse non vult, & iste nocere desiderat.

II. Sed quarto dicunt qui mendaciis patrocinantur, Vt jurgium exeamus, ut objurgationes vitemus, ut alterius iram caveamus, aut etiam ne periculum incurramus, vel damnum faciamus, modeste aliquid fingimus, quod ipsa sæpe verecundia & pudor persuadent; quid hoc demum tanti? O miseri & cæci! alterius iram attenditis, & conscientiam vestram non attenditis; damnum metuitis, & peccatum non formidatis; sic obolum æstimatis, & florenum perditis; foramen unum obstruitis, & grandius detegitis; verecundiæ consulitis, & conscientiam calcatis, humanam reprehensionem evaditis, & divinam in vos iram concitatis: quanto satius esset vera dicere, errorem fateri, culpam si qua est deprecari, quam mentiri, nec tamen malo mederi. Hic iterum vobis Augustinum ingero, qui nos adeo ab omni mendacio vult esse alienos, ut potius mori

*Aug.  
somo 8.  
in Ps.  
30. an-  
te finē.*

*Hieron.  
epist.  
45. ad  
Inno-  
cent.*

malimus, quam mentiri, nam qui ideo men-  
titur ut vivat, moritur antequam moriatur.  
Ipsa integre admetior Augustini verba: Quis,  
inquit, observat vanitatem? qui timendo  
mori, moritur. Timendo enim mori menti-  
tur, & moritur antequam moriatur, qui ideo  
mentiebatur ut viveret. Mentiri vis ne mo-  
riaris, & mentiris & moreris: & cum vitas  
unam mortem quam differre poteris, aufer-  
re non poteris, incidis in duas, ut prius in  
anima, postea in corpore moriaris. Vnde  
hoc, nisi observando vanitatem? Ergo gene-  
rosus animus cum mori sciat, mentiri ne-  
sciat. Et fuerunt sane quibus longe suavius  
visum est mori, quam mentiri. Rem mirissi-  
mam narrat Hieronymus de muliere septies  
icta. Hæc adulterii falso accusata, cum jam  
in equuleo torqueretur, sexu suo fortior,  
oculis quos à tortore liberos habuit, cælum  
suspect, & fluentibus per ora lacrimis: Tu,  
inquit, Domine I E S V, cui occultum ni-  
hil est, qui corda scrutaris & renes, tu testis  
es non ideo me negare velle, ne peream, sed  
ideo mentiri nolle ne peccem. Aderat simul  
juvenis, qui falso de eodem scelere accusa-  
tus, & illam & se reum mentiebatur, ut tor-  
menta effugeret. Illa hunc allocuta: At tu  
homo miser, ait, si perire festinas, cur duos  
interimis innocentes? Equidem & ego mori  
cupio, sed non ut adultera: cedo jugulum,  
impavida ferrum excipio, meam tamen in-  
nocentiam mecum feram. Cum vero Iudex  
tormenta geminari juberet, una interim il-  
lius vox erat: Cæde, ure, lacera; non feci. Si  
dictis fides tollitur, veniet dies, quæ hoc cri-  
men sine fraude discutiet. Sed juvenis miser-  
rimus in exitium suum mentitus, capite ple-  
xus est. Caput mulieris tangi quidem potuit,  
detruncari non potuit, ne septies quidem à  
diversis carnificibus repetito ictu. Ita tan-  
dem



# DE MENDACI LIN. 471

dem libertate à Cæsare donata, & sanitati restituta est. Mori scivit hæc virago, mentiri nesciit. Omni morte deterius, mendacio commaculati.

III. Objiciunt quinto præsertim mercatores, propolæ, caupones: Revera si non mentiremur, fame necaremur, imò & jurare & nonnunquam pejerare oportet eum, qui merces tractat; hæc sacra aliter non constât. Sed hoc ipsum, ô viri, frigidissimum est mendacium, merces vix ullas extrudi posse nisi mendacio vestitas. Multo faciliores essent emptores, si candide pretium indicari scirent, jam vero nec jurantibus quidem credunt, sapere docti non una solum experientia. Illud Iobi plurimis ex asse convenit, quos non tam mercatores, quam fabricatores mendacii par esset appellare: qui dolent damnum pecuniæ, non dolent damnum justitiæ. Posito, inquit Augustinus, in angustiis *Aug. tom. 8. in psa. 43. finis mihi pagina 161. 2.* aut damno pecuniæ, aut damno justitiæ, dicatur tibi; perde potius pecuniam, ne perdas justitiam. Tu autem cui non dulcis est in ore justitia, contristatus elegis aliquando magis amittere aliquid de justitia, quam vel numum de pecunia, & percutis te damno graviore, implens sacculum tuum, & exinaniscor tuum.

Vetus & fide dignus scriptor commemorat, duos cives Colonienfes ob mendacium *Cæsarius l. 3. mirac. c. 37.* & perjurium, à suo Curione acrius reprehensos. Horum alter: Domine, inquit, mercaturam factururus, & mentiri sciat necesse est & jurare: hæc nostra est Rhetorica; absque hac esset, fame periremus. At enim, inquit Curio, hoc grande nefas est, divina lege vetitum. Ad quæ illi: Quis mercatorum, ajunt, hanc legem servet? Qui justitiam, inquit sacerdos, & cælum amat. neque hic expensis ullis opus est; ab unico

omnia. Et obsecro consilium meum sequi ne pigeat, & aliquanto saltem tempore sine mendaciis & juramentis pretium mercibus vestris statuere, & miros rerum vestrarum successus habebitis. Promittunt ejus rei experimentum sumpturos uno anno. Sed male res cedere videbatur, emptoribus ad alios defluentibus, quod Deus diabolo licere permisit. Anno igitur exacto redeunt, & sortem improspere queruntur. Quos ad constantiam sacerdos animans: Quare dubitatis, inquit, modicæ fidei? hæc vaframenta sunt diaboli non in longinquum itura: constet sibi vester animus; fugite iniquitatem, & non erit quod metuatis paupertatem; Deus benedicet conatibus vestris. Ita denuo promiserunt mendaciis & juramentis abstinere omni vita, etiam si ad mendicitatem detruderentur. Promissis steterunt, & è verbis fecerunt facta successu jam lætissimo. Nam mire ab omnibus frequentari cœperunt, & brevi, quod ipsi mirabantur, rem auxerunt honestissimis rationibus. Tanti fuit non velle detestescere mendaciis. Volatilis opulentia est quæ rationibus crescit inhonestis.

Objiciunt sexto, Ecquis adeo ipse sibi sit inimicus, ut grande commodum figmento non grandi comparandum respuat? Xiphilinus narrat, Liviam Augusti Imperatoris conjugem Numerio Attico viginti quinque myriadas drachmarum, hoc est, viginti quinque millia coronatorum promississe, modo juraret, visum à se Augustum Cæsarem defunctum ascendere in cælum. Quis hic tam ferreus sit, ut fingere nolit, cum tot argenteæ offeruntur linguæ? Quid si, ajunt, gratia omnisque favor sit amittendus, ni mentiaris, si detrimentum ingens seu proprium seu alienum urgeat? vellemus esse amici veritatis, sed sine dispendio rei familiaris. O plum-



plumbea capita ! ô caudices, non homines ,  
 tam nihil capitis , ut nec sanctissimorum vi-  
 rorum auctoritas, nec ratio ulla, nec ullæ fa-  
 crorum voluminum minæ à mentiendi li-  
 centia vos abducant. Augustinum non audi-  
 stis? qui moriendum potius quam mentien-  
 dum asserit. Sed Augustinum reduco, qui ve-  
 stris vos armis jugulat , nam velut unus è  
 vobis : Si quis , inquit, ad te confugiat , qui  
 mendacio tuo possit morte liberari , non es  
 mentiturus ? si aliquis ægrotus interroget ,  
 quod ei scire non expedit , qui etiam possit  
 te non respondente gravius affligi: audebisne  
 aut verum dicere in perniciem hominis, aut  
 filere potius quam honesto & misericordi  
 mendacio valetudini ejus opitulari? Exem-  
 pli causa : Gravi morbo periclitatur ægro-  
 tus , cujus jam vires ferre non possint , si ei  
 mortuus unicus & charissimus filius nuntie-  
 tur: Si à te quærit, an vivat, quem vitam fi-  
 nisse tu nosti , quid respondebis , quando  
 quicquid aliud dixeris præter unum de tri-  
 bus; aut mortuus est, aut vivit, aut nescio, ni-  
 hil aliud credit ille quam mortuum: quod te  
 intelligit timere dicere , & nolle mentiri ?  
 Tantundem valet , etiamsi omni modo ta-  
 cueris. Ex illis autem duo falsa sunt, Vivit ,  
 & , Nescio, nec abs te dici possunt nisi men-  
 tiendo. Illud autem unum verum , id est ,  
 mortuum esse, si dixeris, & perturbati homi-  
 nis mors fuerit subsequuta, abs te occisus cla-  
 mabitur. Huic quæstioni idem etiam Augu-  
 stinus respondens: Quis ferat, inquit, homi-  
 nes exaggerantes , quantum sit mali salubre  
 mendacium devitari , & homicidam diligi  
 veritatem? Quid quod vitæ hujus tales ama-  
 tores sunt , ut eam non dubitent præponere  
 veritati , ne homo moriatur , imo ut homo  
 quandoque moriturus, aliquanto serius mo-  
 riatur, non tantum mentiri, sed etiam pejera-

re nos volunt. His atque talibus copiosissime se arbitrantur urgere, ut si consulendi causa exigit, aliquando mentiamur. Contra ille quibus placet nunquam sic mentiendum, multo fortius agunt, utentes primo auctoritate divina, quoniam in ipso decalogo scriptum est: Falsum testimonium ne dicas; quo loquendi genere Lex divina complectitur omne mendacium. Sed ne aliquis contendat, non omne mendacium, falsum testimonium esse appellandum, quid dicturus est ad id quod scriptum est: Os quod mentitur, occidit animam. Quod ne quis arbitretur, exceptis aliquibus mentientibus posse intelligi, alio loco legat, Perdes omnes qui loquuntur mendacium. Vnde ore suo ipse Dominus sic inquit: Sit in ore vestro, Est, est; Non, non; quod autem amplius est, à malo est. Hinc & Apostolus, cum exuendum veterem hominem præciperet, quo nomine omnia peccata intelliguntur, consequenter ait, in primis ponens, Quapropter deponentes mendacium loquimini veritatem. Non est ergo verum, aliquando esse mentiendum. Ita Augustinus sentit. Quid hoc tam multiplici testimonio illustrius, quid gravius dici potest? In saxum obrigit, qui hæc non audit, aut spernit. Et quid obsecro humanos favores tantopere ambitis, & negligitis divinos? Erit sane tempus cum humana gratia non juvabit, & aberit divina; utraque misere spoliati quo ibitis? Meliora docens Siracides: Homo sensatus, inquit, credit legi Dei, & lex illi fidelis. Vtunque res cadant, nunquam deferenda est veritas. Quanti vitarunt cineres, in prunas delapsi? quanti fugerunt fumum, & inciderunt in ignem? ita plurimi ne cogantur erubescere, audent fingere; & quia horrent pudefieri, eligunt mentiri; sed revera dum Charybdim evitant, incidunt in Scyllam, & dum minus decli-

*Sap. c. 1  
v. 11.*

*Ps. 5.  
v. 7.*

*Aug.  
tom. 4.  
l. contra  
mend.  
c. 5. &  
c. 18.*

*Eccli.  
c. 33.  
v. 3.*



declinant, in longe gravius damnum incur-  
runt. Dominus solus sufficit sustentibus se *Idem*  
in via veritatis & justitiæ, nam lex ejus veri- *c. 34.*  
tas. Neque ullus putet mendacio eam affui *v. 22.*  
posse honestatem, ut licitum dicatur. Ab Au-  
gustini calamo res certa est: Cum opera ipsa,  
inquit, peccata sunt, quis est, qui dicat causis  
bonis esse facienda, ut vel peccata non sint,  
vel quod est absurdus, justa peccata sint. Si  
hanc probaremus theologiam, tandem casta  
adulteria, justa furta, inculcata homicidia,  
venena permissa erunt, si licita sint ulla men-  
dacia. Itaque peccatum est omne mendaciū.

IV. Vltimum quod hac de re proposui-  
mus explicandum, est poena mendacii diver-  
sa. Apud Indos, Philostrato teste, mos ob *Philost.*  
tinuit, ut si quis deprehensus vel semel in *de A-*  
mendacio fuisset, ignominia notaretur, & *pollonio*  
magistratu moveretur, quod communem *l. 2.*  
hominum societatem mentiendo fraudasset. *c. 12.*

Apud veteres Francos & Suevos cogeba-  
tur mendax canem, impudentiæ symbolum,  
in humeros sublatum circumferre. Hæc mi-  
tia & humana sunt supplicia; Deus aliter  
punit, severior longe sententia in mendaces  
ex alto dicitur. Curia cælestis unicum, leve,  
& nemini noxium mendacium subita mor-  
te vindicat. Ananias & Saphira Christiani *Act.*  
conjuges interrogati ab Apostolorum Prin- *c. 5.*  
cipe, num tanti agrum suum vendidissent, *v. 1. &*  
quanti allatum pretium esset, cum solas illas *seqq. ad*  
voculas duas respondissent, *11.* *Etiam, tanti,* nece  
repentina velut fulmine tacti, corruerunt  
ambo. Hem! mendacium unicum nec ulli  
exitiosum, capite & vita luere? Poterant illi  
retinere sua, nulla eos lex cogebat in alienum  
ærarium facultates omnes inferre, sed quia  
videri volebant, omnia sua dedisse, subito *Iob.*  
sunt extincti. Hinc optime Iobus apud ani- *c. 27.*  
mum suum decernens: Quia donec superest *v. 3.*

halitus in me, inquit, & spiritus Dei in naribus meis, non loquentur labia mea iniquitatem, nec lingua mea meditabitur mendaciū.

Mendiculi duo, quod Nicephorus commemorat, tam à centonibus quam à confutis mendaciis divites, Epiphanium Antistitem transiturum in via observarunt, & ut stipem caperent largiorem, illorum alter officiose se mortuum finxit, cumque Epiphanius transiret, alter non sine fictis lacrimis querebatur, ob extremam inopiam nihil eorum quæ sepeliendo deberentur, suppetere. Epiphanius vultu serio: *DEVS*, inquit, sit illi propitius. atque una pecuniam dans flenti: Tu, inquit, funus hoc cura; hic tuus socius non surget amplius. Abeas modo, cogitabat vivus, nec enim tua præsentia egemus ad pecuniam ex æquo dividendam. Abiit Epiphanius, jamque nemine præsente, alter circumspiciens curiose, pede socium icit, monuitque, securus surgeret. Neque vox, neque sensus. Alter iterum alloqui, atque etiam laudare, quod mortuum tam docte ex vivo repræsenteret. Necdum alter respondere. Tandem iste: Heus tu mortue, inquit, tandem surge, aut nec obolum impetrabis è data pecunia, & simul cadaver utraque manu concussit, tanquam risum diu repressum excitaturus. Sed necdum vox ulla, aut ullus sensus. Ita res nata è joco, patuitque miserum vere mortuum esse. Mox alter actutum præsulem currendo insequi, & ubi ad illum pervenit, hic magis quam antea & serio lamentari, mendacium fateri, fraudem ex inopia confictam, sed hanc culpam non amplius unquam repetendam; miseretur porro mortui, juberetque precibus reviviscere. At Epiphanius necdum mendacio reconciliatus: Tu vero, inquit, sepeli socium; Deus sententiam non mutat.



Affirmant quidem sacra volumina : Os quod mentitur, occidit animam. Minimum animam ; at subinde corpus cum anima jugulat. Adeo DEVS acerbè & penitus odit mendacium.

In insula Tenedo lex olim fuit, quod Suidas memorat, ut pone judicem cum securi staret carnifex, in hoc paratus, ut si quis falsi testimonii, falsæ accusationis, aut cujuscunque tandem mendacii convictus fuisset, protinus securi feriretur. Hinc vetus verbum, *Tenedia securis*. Supra nos judex in alto est apud quem nunquam non vigilat securis, jam huic, jam illi impingenda: Deus vitæ necisque dominus videt auditque omnia, nec parcat in veritatem delinquenti. quod si non toties sua mittat fulmina, quoties veritas conspuitur, certe tarditatem supplicii, gravitate compensat; ultor procedit serus, sed severus. Nam, Opera manuum ejus veritas, & judicium. Ipse protector est omnibus exquirentibus se in veritate. Imo omnes viæ ejus, misericordia, & veritas, & judicium.

V. Ideo Paulus tam graviter hortatur: Induite novum hominem, qui secundum DEVM creatus est in justitia, & sanctitate veritatis. Propter quod deponentes mendacium, loquimini veritatem unusquisque cum proximo suo. Paulinum hoc præceptum tam alto pectore combiberunt felicioris ævi Christiani, ut mori maluerint, quam semel mentiri, quod Iustinus Martyr testatur. Quapropter quicumque Christiani sanguinis vult censerì, extreme aversetur discipulus esse diaboli, qui solus est magister, & auctor mendacii: Nemo sic lucellum amet, aut ignominiam metuat, ut animam suam mendaciis occidat. Si vos, inquit Christus, manseritis in sermone meo, vere discipuli mei eritis.

ris, & cognoscetis veritatem, & veritas liberabit vos. Christianorum igitur omnium eadem vox fit quæ Luciliani: *Mentiri non est meum*: quicquid falsi est detestor & execror; mens, lingua, manus, oculi veritatem spirant. Neque mendacia solum, sed etiam affines mendaciis amphiboliæ & verborum subdoli anfractus cavendi, quibus auditor nequiter involvitur, ut quid è duobus debeat credere, non dispiciat. Cavendæ similiter rerum exaggerationes, quæ vix unquam sine mendacio, mendaciive suspitione adhibentur. Vnde fit ut ii qui res solent adeo exaggerare, apud prudentes vix ullius sint estimationis. Nam eos plerunque malignior fama insequitur, nec immerito dici solet de tali: Hic non mentitur quidem, sed nec dicit verum. Christianus quantus quantus est in verba veritatis juret.

Apud Lacedæmonios olim legatus quidam Chius peroravit, sed oris ac frontis parum virili habitudine, facileque apparebat non solum ad fraudes compositam orationem, sed capillitium quoque tinctum ac fucatum esse. Archidamus præsentis animi vir, & linguæ liberæ: Quid obsecro, ait, credendum censetis cives, Legato huic qui in ipso etiam capite gestat mendacium capillis insertum? In hunc examussum quadret, quæ in aulis vulgo jam percrebuit definitio: Legatus est vir bonus, peregre missus, ad mentiendum Reipublicæ causa. Apage hos legatos à principum regumque Christianorum aulis: ad Garamantas eant hæc monstra, & pacem vel bellum mentiantur, juxta erit. Profanissimum hoc vulgus & odit, & arcet sapientissimus Regum, qui supremo Numini supplex: Duo rogavi te, inquit, ne denegetis mihi antequam moriar: Vanitatem & verba mendacii longe fac à me. Cur tam strictum



Etum ab omni mendacio divortium tam  
 anxie urges, ô Regum maxime? Quia perspe-  
 ctum habeo quod oderit Deus falsitatem  
 omnem: Abominatio Domino labia menda- *Prov.*  
 cia, qui autem fideliter agunt, placent ei. *c. 12.*  
 Cum ergo Deus tantus sit amator veritatis, *v. 22.*  
 non potest non ei charus esse, cui chara est  
 veritas. Assiduus ad hoc exhortator Paulus:  
 Nolite, inquit, mentiri invicem, veritatem  
 autem facientes crescamus in illo per om- *Coloss.*  
 nia, qui est caput, Christus. Eruditione sim- *c. 3.*  
 plici, sed salubri & vera sic monebant vete- *v. 9.*  
 res: Intemperantia facit hominem belluam, *Ephes.*  
 Mendacium diabolium, Veritas semideum. *c. 4.*  
 Nolite igitur mendaces esse adversus verita- *v. 15.*  
 tem. Hinc illud Siracidæ sanctissimum mo- *Iacobi*  
 nitum animo penitus affigendum: Ante *c. 3.*  
 omnia opera verbum verax præcedat te. *v. 14.*  
 Quæ omnia Hipponensis præsulis testimo- *Eccli.*  
 nium consignet: Elucet itaque discussis om- *c. 37.*  
 nibus, inquit Augustinus, nihil aliud illa te- *v. 20.*  
 stimoniam scripturarum monere, nisi nun- *Aug.*  
 quam esse omnino mentiendum. Non enim *l. de*  
 cuiusquam commoditas aut salus tempora- *mend.*  
 lis perficiendæ fidei præferenda est. Quis- *c. 21.*  
 quis autem esse aliquod genus mendacii, *epilogo.*  
 quod peccatum non sit, putaverit, decipiet  
 seipsum turpiter, cum honestum se decepto-  
 rem arbitratur aliorum. Supremo ac fatali  
 Orbis die, subtilissima quæque mendacia ad  
 solem detecta erubescunt; perdentur omnes  
 qui locuti sunt mendacium, triumphabunt  
 omnes Veritatis amatores, quos æquissimus  
 iudex regno donabit, immortalis, beato, non  
 finiendi æternum.

## CAPVT XXXVIII.

*Quam varie & quam graviter lingua MORDAX noceat.*

**I**N Occidentis India piscosam esse voluminem ferunt, multæ admirationis; nomen ei Alcatraz. Hæc prominente rostro notissima incolis, plumas cinereas croceasque mixtim habet, rostrum ei duorum palmorum est, & æve pœne tota longius, simul etiam acutissimum.

Lingua est quæ congruo nomine *Mordax* dicitur, non absimilis Indicæ huic avi Alcatraz, si quidem, non tantum rostratos impetus habet, sed pœne tota rostrum est, ad infigendos morsus aptissimum.

Hanc *Mordacem* linguam seu illa dentibus armata sit, seu rostro, animus est prosequi, sed brevi dissertatione.

I. Eustathius interpres Homeri, Cypriis eam fuisse legem affirmat, ut si porcus alienas segetes depasceretur & vastaret, fundi possessor, dentes ei truncare licite posset. Lingua Mordax tam frequenter in alienos agros excurrit, & obvia quæque dentibus vastat, ut optandum prorsus Lex illa Cypria reviviscat, de noxiæ feræ truncandis dentibus. Iure merito exclamem: O Lingua ossibus cares, sed ossa comminuis! O Lingua Mordax quam tibi dentes sunt acuti, qui vel ossa ad ipsas usque medullas penetrent!

*Pf. 51.* Queritur Hebræus Psalter: Tota die cogitavit injustitias lingua tua: sicut novacula acuta fecisti dolum. Ecce officium mentis tribuit linguæ? nunquid & lingua cogitat, & intellectus vicem fungitur? Acute & sapienter dictum, *Cogitavit*. Etenim lingua Mordax tam esse solet celer, quam fere ipsa intelligentia: quid velocius cogitatione? non minus velox est linguæ morsus, vix alter os pan-



DE MORDACI LING. 481

pandit, & jam morsum sentit ab altero. Sed hæc divinæ vindictæ trutina est æquissima, ut qui alteri dentes suos dat gustandos, etiā alterius gustet, ut qui momorderit, mordeatur. Id luculenter Abacuc prædicens: Nun- *Abac.*  
quid non repente, inquit, consurgent qui *c.2.*  
mordeant te, & suscitabuntur lacerantes te, *v.7.*  
& eris in rapinam eis? Sionis Rex David mordacitati huic curandæ remedium dictat, quale nec Æsculapius, nec Avicenna, nec Galenus, nec ullus Hippocrates, sed nec Apollo ipse suggererit: Quid detur tibi, ait, *Psal.*  
aut quid apponatur tibi ad linguam dolo- *119.*  
sam? Velut medicus loquitur, qui ægroti *v.3.*  
linguam inspicit, num ea sit adusta, num scabra, num lentore glutinosa, & ex his signis pronuntians: Quid ergo detur tibi, aut quid apponatur tibi? Sagittæ potentis acutæ. Hoc cogita, hoc frequenti meditatione versa: si tu mordacem linguam tuam non coërcueris, aliorum pariter in te linguas sagittarum instar acuendas. his jaculis configeris, ut quod tu aliis feceris, hoc ab aliis & ipse tibi experiaris fieri. Talibus sagittis Deus rebellem contumaciam sternit. Mordeantur, qui alios morsibus apperiverint. Neque unquam deerunt, quibus ut instrumētis utatur Deus. Rex David hos morsus sentiens: Acuerunt, *Psal.*  
inquit, linguam suam sicut serpentes. Dentes *139.*  
eorum arma & sagittæ; & lingua eorum *v.3.*  
gladius acutus. Ferro & chalybe conflata *Pf. 56.*  
sunt verba illorum, si molem spectes; si cele- *v.5.*  
ritatem, jaculorum alas prævertunt. In regia Saulis aula hoc ipsum expertus est David, cujus fama complurium dentibus, Doëgi præsertim, foede lacerabatur. Sed nec suammet conjugem Micholem in se mitiorem habuit. Hæc femina dentes aprugnos marito regio infixit, nec tamen aliud sibi sumpsit convellendum, quam magnam in Deum

Deum pietatem. Audite mordacissimum os:  
 Quam, inquit, gloriosus fuit hodie Rex Is-  
 raël disco operiens se ante ancillas servorum  
 suorum, & nudatus est, quasi nudetur unus  
 de scurris. Quid quæso potuisset acerbius di-  
 ci aut mordacius? Compendium hic habes  
 irrisus, calumniæ, sarcasmi, scommatis, mor-  
 sus. Neque tamen Rex David hic dentibus  
 caruit, sed plane modestis, & qui defende-  
 rent potius, quam læderent. Vivit Dominus,  
 inquit, quia ludam ante Dominum, qui ele-  
 git me potius quam patrem tuum, & quam  
 omnem domum ejus (hoc habet mea Mi-  
 chol) & ero humilis in oculis meis: & cum  
 ancillis, de quibus locuta es, gloriosior ap-  
 parebo. Qui venari vult apros, canes aleæ  
 committat necesse est; qui certare vult dēti-  
 bus, dentes sentiet, & morsus morsibus fide-  
 liter repensos.

2. Reg.  
 6. 6.  
 7. 21.  
 22. 23.

I I. Germanis ridiculum, ut videtur, im-  
 precandi genus est, sed opinione gravius. So-  
 lent illi joco, ut verba sunt, imprecari: Vt te  
 musculus commordeat. Malit quis morderi  
 à Leone, ut vel honesto vulnere insigniatur,  
 velut morte gloriosa occumbat. musculi  
 morsus infamis est. Lactantius egregie do-  
 cet, quo artificio Deus in ore humano forni-  
 cem struxerit: Sub hoc molli fornice, sub  
 hac camera, palati lingua, velut musculus ca-  
 vo abditus latet. Et quavis dentes, ossea \* ca-  
 taracta porta, sit objecta, & quamvis labia,  
 ostium coriaceum sit oppansum, quod nec  
 aura quidem penetret: hæc tamen quando-  
 que omnia frustra sunt. Subito musculus il-  
 le prosilit, & celerrime mordet. quo nequis-  
 simos canes imitatur, qui per blandimenta  
 accedunt, & dentibus repente invadunt. Sed  
 nequam ille musculus, non pedes tantum, ut  
 plerun-

\* Schußgatter.



# DE MORDACI LING. 483

plerunque canes, sed digitos, aures, oculos, crumenam, & quicquid hominis est, admordet. Etenim lingua Mordax, modo istius suspectas opes, illius modo ridiculā paupertatem, modo hujus infacundam balbutiem, jam alterius incultos mores, jam quorundam supervacuas curas, jam aliorum (cum alia non potest) distortum os mordet. Raras habet ferias lingua his moribus assueta.

Proponit Tullius ænigma, quod quinque omnino litteris constat, triplici L L L, & geminis M M. Iurgium erat inter duos, quorum iste Memmius, ille Largius audiebat. Demum ut verbis pondus accederet, etiam dentes strinxerunt: præcipue Memmius, qui ut canem commodius ageret, hominem exuit, & brachium Largii sæde corrofit. Hinc natum illud:

*Lacerat lacertum Largii, mordax Memmius.*

Hoc equidem vere mordere est, non dentatis solum dictis configere, sed ipsos etiam dentes adjungere. Vtrunque barbarum, utrumque inhumanum, alterum etiam caninum est. Hic Paulus severe minatur, atque: Si invicem, inquit, mordetis & comeditis, videte ne ab invicem consumamini. Si descendant in certamē duo pugnaces, iurgiosi, duo detractores aut lividi, & comedent & mordebunt invicem: videant ergo ne ab invicem consumantur.

Profecto mordax lingua non raro cædium causa exitit. Heidelbergæ ante annos complures convivium socialiter institutum, convivæ salibus etiam ac facetiis condierunt. Fuit inter hos conviva mordacior quam facetior, & certum aliquem è præsentibus corona petiit: Alter jam aliquoties dictis mordacibus faucibus, cum ea nec artificiose eludere, nec patienter perferre posset, impatientia victus abiit è convivio, ultionem con-

Gal.

c. 5.

v. 150.

Mat.

liis

tom. 2.

collect.

præcept.

5 mih.

pagina

152.

quens in accenso pectore. Hoc autem in via apud se consilii reperit: certo in tenebris loco operiri, & cum mordax adversarius esset transiturus, stricto eum gladio salutare, & saltem in fugam compellere, ut esset quod in eo socii riderent. Non fefellit hominem locus & occasio; adest adversarius in insidiis delatus; hic alter stricto in eum gladio irruit. Sed nec iste cessit cum probe incaluerit vino, quod etiam in prælia trudit inermes; ita stetit vim vi repulsurus. Ergo insidiator majori conatu in hostem insurgit, cuius poplitem ita læsit, ut ex eo vulnere paucis post diebus fuerit mortuus. Hanc cædem una oris mordacitas patravit. Vbi non ad cædes instigat mordacitas, odia certe immortalia insemnat animo.

*Man-  
lius  
rom. 2.  
collect.  
mihi  
pag.  
303.*

Fuit ut in conclavi aliquot principes Germaniæ Maximilianum II Imperatorem brevi proditurum expectarent. Sermones varii, & fere, ut solet, de bellis & rebus exterorum. Hic unus principum, juvena exultans, facetias spargere, nec gestu semper decoro uti, imo etiam nonnihil vitulari. Acerbior hoc oculo notavit principum unus, magnæ auctoritatis, qui mores tam solutos aceto stringendos censens, libera voce: Domine Landgravi, ait, videor mihi nosse, cui stomacho cibus fores aptissimus. Cuinam, inquit iste? Mox alter princeps: \* Meorum leonum, ait, nam multum carnis vitulinæ habes. Mehercule satis mordaciter dictum; sic notari solent qui petulanter se gerunt, & vitulantur. Nec tamen os pressit juvenis Landgravius, & lingua jam concitatore: Videor,

\* Ihr werdt recht für meine Löwen / dann ihr habt vil Kalb-  
fleisch.



DE MORDACI LING. 485

Videor, inquit, & ego mihi nosse ad quam rem tua celsitudo perquam idonea foret, si liceret id proferre, & æquo ferretur animo. Licet, inquit princeps, nec iniquo id animo feretur. Tum Landgravius promptissime: \* Tua celsitudo, inquit, mire opportuna esset ad educandas adolescentes simias, quo perfidiam celerius addiscerent. Hi verborum morsus reciproco dente infixi, immortalis odii fuerunt plantarium.

Non multo suavius Iureconsultum memordit vir nobilis. Convivam egerat Iureconsultus apud nobilem virum, cumque jam domuitionem pararet, ac valediceret, vocatus est morio, quem digito monstrans Nobilis: Domine Doctor, inquit, nunquid & ego hic exercitatum probe doctorem habeo? Ad quæ conviva ex tempore: Profecto, inquit, bene mones, huic ego simillimum domi neæ alo, è tua familia natum: Vale. Amicitiam & inter istos etiam hi morsus diffuerunt. Mordaci lingua careat, qui amicos vel novos ambit, vel retinere cupit veteres.

III. Gregorius Turonensis Præsul memorat, quosdam è Theodorici regis exercitu milites, in sancti Iuliani templum manus inferre ausos, pauperum reculas illuc velut in asylum collatas diripuissè; sed Nemefin à tergo hæsisse, sacrilegos in furorem versos, à se ipsis laceratos esse dentibus. Quis furor, ô viri, quæ vos agitat insania? saltem à membris propriis dentes abstinete. Hoc inter Christianos magnis clamoribus urgendum: Quid ô Christiani mutuis vos morsibus fatigatis?

I i

tigatis?

\* Wer Gnaden wer gut das mā  
jung Affen bey ihr aufferzug/  
damit sie untrew lerneten.

Ephes.  
c. 4.  
v. 25.

tigatis? Quid ô mordaces Memmii, non lacertos dentibus, sed aculeatis dictis laceratis animos? Eone vos furor impellit, ut vestra etiam membra discerpere voluptati sit? An vero ignoratis, *Quoniam invicem membra sumus?* unius certe corporis. Qui hominem sibi similem tam barbaro laniatu invadit, hoc agit quod os famis impatiens facit, cum brachium in eodem corpore sibi proximum dilaniat, placandæ fami. Et nos, *invicem membra sumus.* Quisquis alium læsit, ipse sibi nocuit. *Quoniam invicem membra sumus.* Quid ergo dum alios petimus, nos ipsos ferimus? Quid pro verbis dentes jaculamur, neque tam dictis quam morsibus pugnamus? Subit memoriam miles Lusitanus, qui in Dienfi obsidione, cum glans plumbea deesset, ipse subito consilio dentem sibimet excussit, eoque fistulam æneam oneravit, explosit, sauciavit hostem. Neque piget elegans de hoc prælio Epigramma subjungere:

Iacob.  
Biter-  
man.  
l. 3.  
epigrā.  
80.

*Arx ubi Memnonias arcebat Ibera phalangas  
Alternoque frequens ibat ab hoste cruor:  
Ferreæ confertum spargebat Iberus in Indum  
Fulmina, glandifero fulmina parva tubo.  
Nec casso tonnere metu; sed sparsa cadebant  
Certius, ac Getica torta sagitta manu.  
Nam quot tela tubus, tot habebat funera campus;  
Sape simul strages glans dabat una duas.  
Letiferi demum defecit copia teli,  
Quæsitique manum destituere globi.  
Insultare magis tamen ac magis institit In-  
dus,  
Nudaque contempto valla subire metu.  
Non tulit exermis ludibria barbara miles;  
Tela mihi defint; telum Ego, dixit, ero.  
Extrahit inde oris genuinum è carcere dentem,  
Fartaque dentatis glandibus ara gravat.  
Continuo clypeos & ahena repagula rumpunt,  
Et penius lacerant ossa frustra sinus.*

Quæ



DE MORDACI LING. 487

*Qua novus iratis manibus furor arma ministrat ?*

*Ore, sibi ut possit tela parare, parit.*

*Prælia nunc nostris profer Samsonia ! Samson*

*Maxilla ; nostri prælia dente gerunt.*

His nos armis quotidie præliamur , nam ut hosti gravius noceamus , ipsos etiam dentes spargimus, ubique rixæ, ubique dentatissima jaciuntur tela , voces ubique mordacissimæ sparguntur. Vide mihi hominem præfracti cerebri, turbidum, altercatorem, iracundum, quantum hic acrimoniæ in verbis habet , ut rictum jactat, ut morsus dividit ! ut obvium quemque adversarium sibi statuit, & morsu premit ! quisquis in hunc incurrerit , hostis est , & mox dentes sentiet. Cave canes qui non latrare solum , sed & mordere solent. \*Cave feles, quæ tergo nitent, sed unguibus, & dentibus nocent.

Cum infans plorat, subinde nutricis consilium est , impingendum illi esse calicem mulsi , ut plorare desinat. Mordacem alterius linguam vix aliter placaveris; aut enim silendum tibi est , aut quam mollissime loquendum. Responsio mollis frangit iram , *Prov. c. 14. v. 1.* sermo durus suscitatur furor. Si ergo vis ut alter desinat mordere , tu ei mulsi calicem impinge; verborum dulcedine hominem delini; aut file, & abi. Mordacem linguam haud aliter effugeris, & correxeris. Hæc offa hos canes sopit.

I i 2 CA-

\* Pfui dich Kätzlin/wie hastu ein  
so glatten Balg/ und scharpffe  
Klattē ! du thust wie alle Katz-  
zen/die vornē lecken/und hinz-  
den Kratzen.

## CAPUT XXXIX.

*Lingua MVRMVRANS quam ubique  
obvia sit, simulque supra modum noxia.*

**G**Rave oris vitium est spumare, & eos quibuscum loquaris, velut pluvia minutatim rorante perspergere, ut auditores tui non tantum te audiant, sed & sentiant loquentem, sparsione inamœnissima rigati. Hoc oris vitio laborat, quisquis recta momentibus aut jubentibus obmurmurat. Talis fuit Evangelicus ille vinitor, qui patremfamilias hac oris spuma inundans: Hi novissimi una hora fecerunt, inquit, & pares illos nobis fecisti, qui portavimus pondus diei & æstus. Nec ille solus patrifamilias oblatravit; affectas etiam habuit æque fremebundos, ob illiberale, ut ipsis videbatur, diarium. Hos *Matth.* Matthæus describens: Et accipientes, inquit, *t. 20.* murmurabant adversus patremfamilias, *v. 10.* arbitrati quod plus essent accepturi. *31. 12.* Fœdi sputatores, de quibus vere dixeris, qui plurimum murmurant, minimum laborant: Lingua tam prompti, manu plerumque tardi sunt.

Hanc infamem oris spumam nunc detergemus, explicaturi, quam fœdum & grave, sed & quam usitatum sit vitium Obmurmurare. Itaque lingua *Murmurans* nunc emendanda est.

**I.** Fabularum parens Æsopus, prout ipsius est mos, hanc texit narrationem: Hominiis pagani filius, cochleas ædiculis suis etiamnum clausas lixavit, cumque stridorem ederent: ô malæ bestiolæ, inquit, quæ tum maxime canitis, cum vestræ vobis domus incenduntur! Hæc Christianæ virtutis indoles est, tunc demum lætum canere, cum omnia sunt turbatissima. Beatus Paulus variis ærumnis pressus: Repletus sum, inquit,



consolatione, superabundo gaudio in omni tribulatione. perinde si dicat: Nunc mihi est optime; cum pessime habeo; nunc canto exultans, cum vultum lacrimæ turbant. Hoc animo erant Christianorum primi, qui rebus omnibus ereptis, cum jam ducerentur jugulandi, cum jam flammæ cernerent suo capiti minitantes, eum tamen vultum præ se tulerunt, iis lætitiis incesse runt laudantes gratantesque, ac si ad semestrem Assueri epulum irent. Hos idololatræ sæpissime mirati, quærebant mutuo: Quod genus hoc hominum? qui quo pejus tractantur, hoc animosius exultant; res hæc pæne supra exemplum est. Perfectæ scilicet patientiæ signum erat, & quod Mundum omnem res sibi suas habere iussissent, solo Deo contenti. Vbi patientiæ defectus est, non opus bonis exuere, domum incendere, ad mortem raptare; minores machinæ sternent. Homo impatiens rebus levissimis in furorem agitur: explora, & hunc talem vel minimo digitulo trude, tres obolos aut quadrantem ei subtrahe, & querelis incesset cælum terramque, tonabit, mugiet, murmurabit, & fremet velut insanus. Et hoc est *Murmurare*; querelas cum impatientia effundere. Malâ radix, quid ab ea boni expectes? si quidem murmuratio aut è superbia, aut ex avaritia, aut ex invidia, aut ex magna nascitur impatientia. Elati supercilii Pharisæus, qui Christum convivam habuit, & Magdalenam super convivio unctricem admisit, ob elationem clam murmurans: Hic *Luc.* si esset propheta, inquit, sciret utique, quæ & *c. 7.* qualis est mulier, quæ tangit eum. Iudas *v. 39.* Iscariotes nequissimus proditor, ob avaritiam murmurans: Quare, inquit, hoc un- *Ioan.* guentum non venit trecentis denariis, & *c. 12.* datum est egenis? Dixit autem hoc non quia *v. 5. 1* de egenis pertinebat ad eum, sed quia fur

erat, & loculos habens. Vinitores illi ob invidiam potissimum murmurabant, illud graviter questi: Hi novissimi una hora fecerunt, & pares nobis fecisti. Hebræi cum in vastissima eremo iter facerent, ob magnam laboris impatientiam murmurarunt; Nam ortum est murmur populi quasi dolentium pro labore contra Dominum. Hæc vere Iudaica est cantilena: Iudæos habent magistros qui murmurant, illi magistrum habuerunt Cainum, qui de fratre interrogatus, respondit, Nescio; nunquid custos fratris mei sum ego? Iudæos Deus tam amice ac humaniter tractare nunquam potuit, quin semper obmurmurarent. Clamores illorum assidui erant isti: Forsitan non erant sepulchra in Ægypto, ideo tulisti nos, ut moreremur in solitudine. Quid bibemus? Et murmuravit omnis congregatio filiorum Israël contra Moysen & Aaron, dixeruntque, utinam mortui essemus per manum Domini in terra Ægypti, quando sedebamus super ollas carnis, & comedebamus panem in saturitate: cur induxistis nos in desertum istud, ut occideretis omnem multitudinem fame? Vix sedato hoc populi fremitu, mox ortus est alius, nam confusis clamoribus vociferabantur: Quis dabit nobis ad vescendum carnes? Recordamur piscium quos comedebamus in Ægypto gratis, in mentem nobis veniant cucumeres, & pepones, porrique, & cepe, & allia. Anima nostra arida est, nihil aliud respiciunt oculi nostri, nisi Man. Hæc illi perpetuis querelis urgebant: modo panem, modo aquam, modo carnes deesse conquerebantur, nunquam non fremebundi contra Deum & obmurmurantes. Hinc Augustinus: De nulla re magis, inquit, Deum offendisse populus ille Iudaicus dicitur, quam contra Deum murmurando. Neque vero Deus



Deus quidquam puniit , atque infanientis vulgi murmura; noxas alias dissimulavit sæpe, murmur continuo semperque castigavit. Siquidem ob hanc murmurationis culpam è tanto numero ( trigesies centena millia putantur fuisse ) nemo omnium nisi Caleb & Iosue, in uberes terras penetrarunt; his duobus solis exceptis , reliquos omnes eremus hausit , vastissimum sepulchrum omnium. Neque hæc culpa solo hoc supplicio stetit: Ob murmura extremam castrorum partem devoravit ignis: ob murmura serpentes ignei obloquentes lacerarunt. En severam Dei justitiam ! oblocutores , velut famosi latrones , candenti ferro , seu , ignita forcipe carpebantur. Nam colubri velut carnifices in reos immissi , ut linguis & morsibus eos lacerarent , qui linguis & murmurationibus deliquissent. Sed nec charissimi Mosis sorori parsum. Maria prophetæ maximi soror germana; & ipsa quoque vaticiniis ac miraculis clara , femina Deo charissima , quia tamen nonnihil obstrepere ausa , gravi supplicio hanc linguæ procaciam luit. Sed quid hoc adeo mali? linguam Maria non immodice solvisse audita est; fratrem duntaxat ob Æthiopissam conjugem , perstringens : Num, inquit, per solum Mosem locutus est *Num.* Dominus ? sed dicti , ut videbatur, minime *c. 12.* noxii poenas audite. Principio quidem , ut *v. 2.* scirent qui obmurmurare consueissent , quantum alios suo vitio commendarent, dum sibi plurimum nocent: Deus effuse Mosem dilaudans : At non talis , inquit , servus meus Moses , qui in omni domo mea fidelissimus est, ore enim ad os loquor ei. Mox Nemesis hæsit in tergo murmurantis , Et ecce Maria apparuit, lepra candens quasi nix. Clamavit- *Num.* que Moses ad Dominum, dicens, Deus obsec- *c. 12.* ero sana eam. Cui respondit Dominus: Si pa- *fine*

ter ejus spuiſſet in faciem illius, nonne debuerat ſaltem ſeptem diebus rubore ſuffundi? ſeparetur ſeptem diebus extra caſtra, & poſtea revocabitur. Excluſa eſt itaque Maria extra caſtra ſeptem diebus: & populus non eſt motus de loco illo, donec revocata eſt Maria. En quam Deus in murmurantes rigidus eſt? Femina ceteroqui probatiſſima, ob murmuratiōem elephantiaſi punitur, è caſtris in ſuper ejicitur, & ut toti populo delictum magis innoteſceret, tot centena millia nec loco ſe movent diebus ſeptem integris, dum unius feminæ murmur expietur. Et quod amplius eſt, nullæ vel chariſſimorum preces, nulla mitiſſimi Moſis deprecatio patrocinari hic valuit; Deus huic vitio inexorabilis fuit. Tam non levis noxa eſt Obmurmurare.

II. Eadem hæc divinæ vindictæ ratio in aliis luculente cernitur. Core, Dathan, & Abiron ex Hebræa plebe principes cum aliis ducentis quinquaginta vocati à Moſe: Non venimus, ajunt, nunquid parum eſt tibi quod eduxiſti nos de terra quæ lacte & melle manabat, ut occideres in deſerto, niſi & dominatus fueris noſtri? Revera induxiſti nos in terrā, quæ fluit rivis lactis & mellis, & dediſti nobis poſſeſſiones agrorum & vinearum, an & oculos noſtros vis eruere? non venimus. Hæc in Moſen audacius oblocuti, cum uxoribus & liberis, cum omni familia & univerſis aſſeclis poenas dederunt improbæ libertatis. Nam terra quam indigni calcabant, horrendum repente contremuit, & undante ſuperficie, non ſecus quam pelagus vento fluctuans, univerſum populum terruit: immani mox ſonitu eliſo, qua ſeditioſi tendebant, dehinc ſolum ſubſidit, & eodem momento omnes ad unum abſorbuit, deſcenderunq; vivi in infernum aperti humo,

*Num.*

*c. 16.*

*v. 13.*

*14.*

*Num.*

*c. 16.*

*v. 33.*



mo, & perierunt de medio multitudinis. Sublatis in hunc modum profanis, hiatus ille ita rursum clausus est, ut ne vestigium quidem ejus superesset. Hic finis murmurantis factionis, illustre argumentum divinæ vindictæ, quam Ambrosius tragice descripsit his verbis: Immugiens *Amb.* terra in medio plebis scinditur, aperitur *l. 10.* in profundum sinus, abripiuntur noxii, *epi. 82.* & ita ab omnibus mundi hujus ablegantur elementis, ut nec aërem haustu, nec cælum visu, nec mare tactu, nec terram contaminarent sepulchro. Cessavit poena, non tamen cessavit malitia. Dum hæc geruntur, novum insurgit murmur. Murmuravit autem omnis multitudo filiorum *Num. c. 16.* Israël sequenti die contra Moysen & Aaron. *v. 41.* Fit quandoque ut eo ipso tempore, quo furum aliquis in furcam attollitur, interea fures alii inter confertos spectatores præfecedant marsupia: ita Iudæi, dum murmurantes tribules horribili supplicio afficiuntur, ipsi contumacius murmurare incipiunt. Protinus superne vox ruit: Etiam nunc delebo eos. Illorum igitur poena, inquit Origenes, emendatio sit nostra. Quæ de re graviter & accurate Chrysostomus: Vides, inquit, quod eos erudi- *Chrys.* diat, ne murmurent? Est enim servorum *tom. 4.* improborum & insensatorum murmurare *homil.* Melius fuerit nihil operari, quam cum *8. in* murmuracione. nam & quod factum est, *Epist.* perit. An non vides, quod & in ædibus *ad* nostris ista perpetuo dicimus: nempe, sa- *Philip.* tius esset hæc non fieri, quam murmurando fieri. Et sæpe malumus ministerio privari, quam murmurantem sustinere. Gravis enim, gravis inquam, est murmurator, & vicinus blasphemix: alioqui cujus gratia tantum illi supplicii dederunt? Ingrati- *tudo*

tudo est res ista. Qui murmurat, ingratus est Deo. Qui autem Deo ingratus est, blasphemus quoque est. Sed hæc nobilissima Græci oratoris admonitio plerunque parum obsequentes habet auditores. Illa Iudaica labes Christianos etiam nimium quantum inficit. Pronissimum est cuique contra Magistratum, præsides, majores, contra quoscunque alios, contra Deum ipsum tacitis querelis murmurare. Ollæ vacuæ simillimi sumus, crepat hæc igni admota, quia vacua: ita nos patientiæ inanes, cum calamitatum flammis admove-mur, graves impatientiæ fragores edimus, crepamus, rumpimur. Hoc certe fateri cogimur, mentis ac frontis serenitatem obnubilari, cum adversa premunt; Deum quidem rogaturi accedimus, sed vultu dejecto ac tristi, jamque proximi ut murmuremus. Gregorius Nazianzenus suas calamitates ipse versu explicans, inter reos se statuit:

*Sape, fatebor enim, in mentem mihi venit iniqua*

*Carpere voce Deum —*

Hoc inde oritur, quia quid nobis expediat, ut plurimum ignoramus, divitias paupertate, honorem ignominia, valetudinem morbo meliorem semper dicimus imperitissime. Nam, uti Siracides monet: Non est dicere, hoc nequius illo est. Plurimis morbus profuit, quos perdidisset valetudo; innumeros evexit inopia ad cælum, quos opulentia ad Orcum misisset; quam multos ignominia sapere docuit, quos honor dementire fecit. Quare, Non est dicere, quid est hoc, aut quid est istud? omnia enim in tempore suo quærentur. Optime dixit Gregorius: Qui cum oraverit, non exauditur, aut, contra conditoris

*Ecclesi.*

*c. 39.*

*v. 49.*

*Ibid.*

*v. 26.*



toris flagella murmurat, quasi cum Deo in  
 iudicium intrat. Nam ille solus de flagel-  
 lo murmurat, qui caussam percussoris ig-  
 norat. At vero vir prudens, inquit Sira- *Ibid.*  
 cides, & disciplinatus non murmurat cor- *c. 10.*  
 reptus. *v. 28.*

III. Hic mihi veniam dabit, 6 mor-  
 tales, si quid liberius dixero. Tam crebræ  
 tam & quotidianæ sunt vestræ adversus  
 Deum murmurationes, ut mirum sit non  
 vos omnes necari fame aliove supplicii ge-  
 nere; quantum murmuratur contra cæ-  
 lum, & contra conversiones commutatio-  
 nesque tempestatum cæli? hem audax Iape-  
 ti genus! in cæno volutamur, & astris le-  
 gem dicere, cæloque dictata scribere non  
 veremur. Inde est quod modo nimios æ-  
 stus, modo frigus nimium: jam intempe-  
 stivas & nimis diurnas pluvias, jam sic-  
 citatem nimiam queramur; nunc ventos  
 Æoli famulos accusamus, nunc serenitati  
 aut malaciæ indignamur, nunc terræ, nunc  
 mari, cælo pæne semper irascimur: huic  
 nimium hordei crevit, huic nimis parum;  
 uterque murmurat: huic parcior videtur  
 pluvia, illi plus æquo copiosior. Nec adver-  
 timus infantes stolidi, hæc murmura in  
 Deum ire, qui cæli tempestatumque Domi-  
 nus est. Quoties audias & senes & pueros  
 hæc talia miffare: Tempestas fæda, execran-  
 da, pessima, cælum grave nimis, insalubre,  
 malignissimum. Præclare hic Salvianus: Si- *Salv.*  
 ne murmure, inquit, & querela nos Deus es- *l. 3. de*  
 se præcepit. Quando autem hæc in huma- *guber.*  
 no genere non fuerunt? si æstus est, de ari- *Dei.*  
 ditate caussamur; si pluvia, de inundatio-  
 ne conquerimur; si infecundior annus est,  
 accusamus sterilitatem; si fecundior, vili-  
 tatem. Adipisci abundantiam cupimus;  
 eandem adepti accusamus, quid dici hac re  
 impro-

improbius, quid contumeliosius potest? Etiam de misericordia Dei querimur, quia tribuit quod rogamus.

Considerate mihi obsecro, tres solum feminas, quarum una telam lineam lavat, & hæc quidem solem ac serenitatem votis omnibus poscit; altera plantat olera, hæc cælum pluvias rogat; tertia juniperino gummi parietes \* linit, hæc ventos invocat. quid jam cælum faciat? huic solem, illi pluvias, huic ventos mittat? hoc certe postulatur: non fit? liberalissime murmuratur. Et quodnam hoc cæli regimen, quis Deus iste, qui ad omnium tam diversa vota tempestatem attemperet? stultissimi mortales, quid murmuratis non fieri, quæ fieri non possunt, non debent? Et quis mechanicus opifex est, quis cerdo, quis sartor sui opificii exacte peritus, qui ferat sibi ab imperitissimis quibusque suæ artis regulas dictari; & rex summus patiat sibi à servulis vilissimis Orbis gubernandi ordinem ac formam præscribi? quid hoc agitis insani homunciones, vos Deo modum suggerere, & obmurmurare si contra fiat? Nemo miretur variis Orbem cladibus exerceri, & jam terram non respondere, jam cælum excandescere, & in murmurantes, grandine, nimbis, nivibus, fulmine animadvertere, & sopita clade una, inferre alteram. Hoc Deus agit, quod pater, qui filium cædit. Si oblietetur ille atque murmuret: Quid, ait parens, nequissime puer, tu etiam patri tuo obmurmurare? tu plagas spernere? faxy hanc oris intemperiem in tergo sentias. Mox denuo puerum corripit, & tamdiu pulsatur, dum murmurare desinat. Hic subinde mater conciliatricem se interponens: Ne sævi, ait, mi vir,

\* Sirneist.



vir, ætatis tirocinio peccavit, imprudens puer est. Propterea, inquit pater, expellenda est plagis hæc imprudentia; discat sapere, & castigatus non murmurare. Sic omnino Deus hos igne punit; murmurant: punit serpentibus; murmurant: punit hiatu terræ; murmurant. Bene est, jam novæ insonant plagæ, jam brachium vi magna tollitur, punientur & gladio: Ita & nos honoribus exuimur; murmuramus: fortunis evolvimur; murmuramus: morbis corripimur; murmuramus: curis & angoribus premimur; murmuramus adhuc. Deus tandem velut exacerbatus pater: Quid? vos conditori toties reclamare, toties obstrepere patri? faxo, sentiatis hanc linguæ proterviā: Vos in manu mea, ut levis pila, ut fragile vitrum resistitis? humi allidam & conteram: omne mihi jus in vos est, vitæ necisque: & ego vos feram obstrepentes? nunquam hæc tuli, nunquam feram, nec quidem in amicis-  
simis.

En ô mortales vestri murmuris insaniam: obloqui Deo furiosum nimis est. *Iob. c. 9*  
Quis restitit ei & pacem habuit? Omne vitæ nostræ momentum, Deo transcriptum est. Eleganter dixit Bernardus: Iuste sibi vendicat meam vitam, qui pro mea posuit suam. Quisquis igitur divinæ voluntati suam vult integre conformare, cum primis omne murmur caveat, dicatque in rebus omnibus, Ita Pater. Ita Pater, Ita mi Pater; æquum est, bonum est, quicquid fecisti & iussisti, quicquid facis & jubus.

IV. Neque Deo solum non obmurmurandum, sed nec magistratui, nec hominum ulli. Errat magistratus, hallucinatur dominus? judicem suum non evadent. Non est discipulus super magistrum: Non est servus  
major

*Luc. c. 6**v. 40.**1<sup>a</sup> Joā.**c. 15.**v. 20.*

major Domino suo. Sed neque ulla murmuratio magistratum, aut dominum emendabit, si errent. Saul Hebræus rex, quod fasti Regum memorant, à suo milite secessit in specum, purgandæ alvo. Hic David & ipse cum suo milite delitescens, clam adrepfit, & regiæ chlamydis partem præcidit. Nec ultra manui licere voluit. Hoc Gregorius exponens: Quid per Saul, inquit, nisi mali domini, quid per David, nisi subditi intelliguntur? David etsi potuisset occidere, voluisset tamen nec vel tantum quidem tetigisse, quia boni subditi non solum non ferrum, sed nec linguam quidem in dominos stringunt obmurmurando. quod si exteriora quædam reprehendunt, oram paludamenti præscindunt; sed quemadmodum David cor suum percussit, eo quod chlamydis limbum abscidisset, ita & illi redeunt ad se atque castigant se, ob minimam etiam murmurationem, & Davidem voce præeuntem sequuntur, dicuntque: Propitius sit mihi Dominus ne faciam hanc rem, domino meo Christo Domini. Addit Gregorius: Qui contra propositam sibi potestatem murmurat, liquet quod illum redarguit, qui eandem potestatem homini dedit. Ita prorsus Moses & Aaron ratiocinati: Nos enim quid sumus, inquit, nec contra nos est murmur vestrum, sed contra Dominum. Deus ipse haud aliter questus est: Usquequo detrahet mihi populus iste? Usquequo multitudo hæc pessima murmurat contra me? Idcirco altissimum vociferatur, & monet æterna sapientia: Custodite vos à murmuratione quæ nihil prodest. Sed tam effrenes sunt atque indomiti affectus nostri, tam impatiens legis est lingua nostra, ut sæpe non ignari faciendæ jacturæ, nihilominus in perniciem nostram effusissime murmuremus. Hanc murmurant

1. Reg.  
c. 24.  
v. 7.

Exod.  
c. 16.  
v. 8.

Num.  
c. 14.  
v. 11.  
c.

v. 27.  
Sap.  
c. 1.  
v. 11.



murandi licentiam explicaturus Siracides :  
 Præcordia fatui, ait, quosi rota carri, & quasi *Eccl.*  
 axis versatilis cogitatus illius. Rota non *c. 33.*  
 inuncta stridet ; os male institutum facilli- *v. 5.*  
 me murmurat. Ajunt nemini pileum posse  
 imponi ab alio, ut exacte quadret capi-  
 ti. hinc eum alter plerunque aliter reponit ;  
 plurimis quicquid feceris, importune fece-  
 ris, & incommode carpunt, emendant, aliter  
 faciunt, & hoc quidem, ajunt, melius debuif-  
 set fieri, hoc ita faciendum est. O \* mures *De qui-*  
 alpinos, qui furta sua in montes convehunt ; *bus*  
 ita vos plerunque in latebris mussitatis, uti *Plinius*  
 mures. Et hæc murmura vestra jam Deum, *lib. 8.*  
 jam magistratum, jam æquales, jam etiam *natur.*  
 res inanimas petunt, uti canis lapidem in se *histor.*  
 missum invadit morsu. quid hic demum lu-  
 cri est? dentes perdere, & quod cupias non  
 obtinere. Beati Francisci Assisinas socius  
 Egidius, cuidam obmurmuranti, quod sibi  
 poena delicto gravior injungeretur, oppor-  
 tunissime in os occentans: Quanto plus mur- *Ex aur.*  
 muras, inquit, tanto amplius te oneras : & *sent. S.*  
 quanto humiliter sanctæ obedientiæ jugo *Egidii.*  
 caput submiseris, tanto tibi levius futurum  
 erit onus.

V. Mellifluus Doctor Bernardus, sed hic *Bern.*  
 profecto non mella stillans : Grave pecca- *de mo-*  
 tum, inquit, est murmuratio. Regnum cælo- *do bene*  
 rum nullus qui murmurat accipit: nullus qui *virven-*  
 illud accipit, murmurare potest. Virtutes *di serm.*  
 perdimus, si pro cibo vel potu murmura- *47.*  
 mus. Igitur necessarium est valde nobis *med.*  
 consilium Pauli Apostoli, dicentis : Neque  
 murmuraveritis, sicut quidam eorum mur-  
 muraverunt, in deserto videlicet, & perie-  
 runt ab exterminatore. Linguas ergo nostras  
 à mur-

\* Mürmelthierlein.

à murmuratione custodiamus, ne (quod ab-  
sit) sicut illi perierunt in hoc sæculo, nos  
pereamus in futuro. non ergo murmure-  
mus, ne forte sicut illi perierunt in hac vita,  
nos pereamus in futura. Caveamus ab omni  
murmuratione, ne forte quod illi passi sunt  
in corporibus, nos patiamur in animabus.  
Iterum Apostolus consulendo nobis loqui-  
tur dicens: Neque tentemus Christum, sicut  
quidam eorum tentaverunt & à serpentibus  
perierunt. Christum tentat, qui pro cibo, vel  
potu, vel vestimento murmurat, sicut scrip-  
tum est de eodem populo: Tentaverunt  
Deum in cordibus suis, ut peterent escas ani-  
mabus suis. Et murmuraverunt in taberna-  
culis suis, & non exaudierunt vocem Domi-  
ni. Omnis qui murmurat, venenum diaboli  
habet in lingua. Cavendum est ergo nobis à  
murmuratione, ne mortifero & diabolico  
veneno pereamus.

*Philip.*

*2.2.*

*v. 14.*

*U*

*v. 15.*

*Bern.*

*sent.*

*mihi*

*pag.*

*486.*

Hanc ob causam toties tamque varie hor-  
tatus nos Paulus: Omnia, inquit, facite sine  
murmurationibus & hæitationibus, ut sitis  
sine querela, & simplices filii Dei. Quam sol-  
licite divinus hic Ecclesiastes monet, ne,  
cum Christiano nomine censeamur, Iudæi  
simus, & pereamus ab exterminatore: Illo  
nimirum exterminatore, inquit Bernardus,  
qui positus est in hoc ipsum, ut à terminis  
beatæ illius civitatis arceat murmurantes.  
Custodiamus nos ergo à murmuratione  
quæ nihil prodest. Quisquis, vult esse cæli-  
tum amicus, ne velit esse frater Iscariotæ Iu-  
dæ proditoris, quem certe obmurmuratio in  
præceps egit: nam postquam ausus est esse  
murmurator, nil veritus est esse proditor.  
Optime dixit beatus Antiochus: Murmura-  
tor est instar turbidissimi amnis; qui vëro  
non murmurat; illimis est rivulus. Hoc aga-  
mus, ô Religiosi, ô Christiani, jubeat, velit  
supra



DE MVRMURA. LIN. 501

supra nos Deus , quicquid sanctissimæ illius  
Voluntati placuerit, nos id omne sine mur-  
mure toleremus; imperet magistratus, man-  
dent domini , vellicent æquales , non mur-  
murando longe levius , quicquid erit oneris  
perferetur. In plurimis triumphare pote-  
rit, quisquis poterit nunquam murmurare.







# N

**N.** Fama tubam & volantem gladium ferens, oculis sistit Linguam **NUGIGERV-  
L A M**, monstrum omni Proteo magis variabile, quod Orbem fabulis implet, & saepe tragœdias joco excitat. Hoc monstrum cundo crescit, & pleraque omnia vero majora nuntiat, & nec quidem cum vera dicit, falsis abstinet: & quamvis nugae duntaxat & affanias effundat, nonnunquam tamen loco mille testium est. Nugigerula lingua semper noxia, tunc maxime cum nugae spargere videtur series. Vide C. 40. totum.

## CAPVT XL.

*Quid monstri sit lingua NVGIGERVLA,  
& quam ea Mendacio affinis.*

**F**Acundissimus Græciæ Orator Demosthenes, cum ad populum Atheniensem verba faceret, observaretque nonnullorum aures languere, & oculos in somnum fatiscere, ingeniose vela vertens: Audite, inquit, viri Athenienses rem novam, & antehac inauditam: Duo quidam Megara ibant æstuante cælo, nec ullæ se arbores offerebant quæ foliis æstum temperarent. Alter asino vehens hoc unum subsidii reperit, infra asinum se abjicere captandæ umbræ. At comes qui jumentum equiti elocaverat, hoc omni modo prohibere velle, & elocatum asinum dicere, non umbram asini. Vix hæc Demosthenes cœperat, cum omnes arrectis auribus astare, neminis oculi conquinescere, avidissime omnes rei eventum expectare: at Græcus Orator auditores increpare, fabularum famem objicere, nugarum sitim perstringere, vigilantiam ad seria postulare, denique ad causæ momentum attentos reddere. Notum humanæ gentis vitium est, rumores & nugas avidissime consectari. huic vitio bellissime subservit lingua, quam suo nomine *Nugigerulam* vocamus, cujus hoc munus est, nugas dicere, rumores spargere, facetias & jocos ferere, seria vix unquam libare, omnium aures fabulis mulcere, nova prisca, falsa veris miscere, absurda quæque pro novis, infecta & nunquam somniata pro factis vendere. Hoc *Nugigerula* officium est, amplum illud, sed census exigui, & dispendii sæpe maximi, de quo nunc plura.



DE NVGIGER. LIN. 505

I. Vetus est Germanis verbum ; Homi-  
num stultorum manus in omni pariete mo-  
numentum relinquunt stultitiæ : talis est  
lingua Nugigerula , omnium aures rumori-  
bus & fabulis implet, veris an falsis hoc ipsi  
non est curæ. Vix tenuis alicubi è late-  
bris emergit rumusculus , mox adest Nugi-  
gerula, & partum hunc velut Levana tollit,  
eumque jubet protinus grandescere , atque  
ut formosior sit , lacinias ei amplissimas in-  
duit. Ita obvio cuique rumores ut recen-  
tem ac musteam , imo ut veram narratio-  
nem obtrudit , & plerunque vix quidquam  
veri habet : ita falsitas brevissimo tempore  
propagatur per Orbem. Quisquis rumo-  
rem audit, addit aliquid & affingit audi-  
tis , quicquid aut credulitas aut decorum  
suaserit. Hinc narrationes nascuntur mon-  
struosissimæ , quæ demum omnem veri si-  
militudinem exuunt. A quo uno Nugige-  
rula commendanda est , quod ea narret sæ-  
pissime quæ non multo egeant examine ;  
primo aspectu liquet , quam excedant fi-  
dem narrata. Sicuti Montanus venter &  
gulo voracissimus primo morsu noverat , è  
quo littore mitterentur ostrea. Facete lu-  
venalis :

—— *Circeis nata forent, an*

*Lucrinum ad saxum Rutupinove edita fundo*

*Ostrea, callebat primo deprendere morsu.*

Ita prorsus narratiunculæ quædam, quas ho-  
nesto nomine N O V A vocamus , vix au-  
diuntur, & fidem amittunt. Nam uti machi-  
namenta olim lignea eo artificio compin-  
gebantur , ut cum in triumphorum pompa  
ducerentur, subito crescerent , & sese in al-  
tum efferrent , Poëtæ docent :

a *Et cresunt media pægmata celsa via.*

b *Vel qui more avium sese jaculantur in auras.*

*Corpora que adificant celeri crescentia nexu.*

Kik 3

Sat. 4.

v. 140.

a Mar-  
tial. lib.  
spect.

epigr. 2.  
b Clau-  
dianus  
de con-  
sulari

Manti  
Theodo-

Sic si.

Maxi-  
mus  
serm.  
35.

Sic rumores ubi spargi cœperint, subito crescere solent, & in eam extendi magnitudinem quæ credi non possit. Cautela hic opus maxima, ne dum *Nova* narramus, veterem perdamus fidem, & mendaces habeamur. Qui tantum audita refert, sæpissime fallit, falsus ipse prior. Thales à quodam interrogatus, quantum à vero falsum abesset? Quantum, inquit, oculi distant ab auribus. Sensit autem eos plerumque mentiri, qui audita solum, non visa referunt.

Si omne quod è fodinis eruunt metallici, argentum esset vel aurum, jam pridem Orbis hic noster deaurari potuisset, sed dum metallum, quod effossum est ab admistis sordibus, terra, saxis, arena secernatur, ad lamellam exiguam redigitur: ita se habet rerum novarum recitatio, si demantur ficta, falsa, male percepta, per conjecturas addita, heu quam modicum puræ putæ veritatis remanet? plerumque dimidiam partem confictum est, quod oratione verbosissima enumeratur. Verissime dixit Nicetas Choniates: Fama veritatem sæpe opprimit, nec certi quidquam adfert. Nimum quantum crescit eundo fama. Nec est quod miremur; frequenter omni opera & studio hoc agitur, ut falsissima quæque in populum spargantur, ut misera plebs spe vanissima laetetur. Revocet quis in memoriam annum millesimum sexcentesium decimum septimum, & sequentes alios ad millesimum sexcentesium trigesimum, quanta his annis, quamque monstrosa prodierunt figmenta? quæ tamen omnia sub honestissimo nomine rerum novarum vendebantur. Hoc unice multis in urbibus curabatur, ut plebs speciosissimis commentis animaretur, ad fortunas omnes exponendas in tam fortunatum



funatum bellum. Cura hic ingens fuit publice veritatem ignorari: Hinc plurimis post omnia perdita, creverunt tamen animi rumoribus inanissimis erecti. Iamque veritas passim tam ignominiose habetur, ut ejus ludibrium vel saxo sit grave. Et eo fabularum prolapsi sumus, ut in civitatibus aliqui novarum rerum scriptores quærant, \*quæ veritas placeat, Catholica an Lutherana? Quasi vero veritatis genius hoc admittat, sibi ipsi contradicere? aut hæc aut illa veritas non sit veritas necesse est, quando sibi tam largiter contradicunt.

II. Solebat Bernardus duodecemplex malum percensere, quibus cœnobيا everterentur. Sunt hæc ordine: Prælati negligens, Discipulus inobediens, Juvenis otiosus, Senex obstinatus, Monachus Curialis, Religiosus caustidicus, Pannus pretiosus, Cibis exquisitus, Irreverentia circa altare. Lis in capitulo, Dissolutio in choro, denique Rumor in clauistro. Revera inter tot cœnobiorum mala non est minimum, quod est ultimū, *Vani Rumores*. His exterminandis aut saltem non temere narrandis, cetam legem sanctus Ignatius Lojola suis injunxit. Neque nos de scriptis solum rumoribus hic agimus, sed de quocunque alio relatu, qui ubi aliquid incrementi sumpserit, mox in rumorem transit. Inter ipsos etiam Apostolos hæc loquendi labes serpere cœpit: Exivit sermo iste inter fratres, quia discipulus ille non moritur. Tantis auctoribus hoc sparsum est, ut id scripto fuerit resurandum à Ioanne, qui clare asserit: Non dixit ei I E. S. V. S., non moritur, sed, sic eum volo manere.

Reg.  
corr.  
m. 37

Ioan.  
c. 11.  
v. 23.

K k 5

nere.

\* Was wolt ihr für Zeitungen/  
Lutherische/oder Catholische?

nere. Nimirum verba Domini sinistre percepta, aut perperam explicata, statim rumor falsum conflarunt. Hoc ipsum hodieque millies contingit: excipiuntur aliquot vocalæ, sed mutilæ, aut ad audientis arbitrium detortæ: hinc rumores falsi, hinc aniles fabulæ, hinc nugæ nugarum.

*1. Tim.*  
*r. 4.*  
*v. 7.* Timotheum divinus Paulus sic hortatur: Ineptas & aniles fabulas devita. Eas potissimum fabulas notavit, quas Simonianorum hæresis, de rerum creatione, de pugnis Angelorum, de bono & malo Deo, de cibis bonis & malis confinxit. Post impias istas, profanæ quoque fabulæ damnandæ, quibus quotidianum sermonem condiri, credimus imperite. Nam etsi salva sint hic omnia, nihilominus stultitiam prodit Nugigerula insignem.

Gorgias Sophista, duos adiit indoctos philosophos, unum ridicula proponentem, alterum insulsa respondentem: Ecquis vestrum, ait, stultior, qui hircum mulget, an qui cribrum supponit? Istud Gorgiæ sæpissime quærendum foret: quis magis fatuus, qui fabulas tam indoctas, rumusculos tam mendaces spargit, an qui credit & aliis vendit auctiore pretio? Ineptas ergo fabulas, ô Timothee, devita, exerce autem te ipsum ad pietatem. Nam multi optimas horas pessime perdunt, dum ea legunt, quæ profanis aut sordidis imaginibus sic occupent animum, ut ei vix liceat cogitare sanctiora. Tu ergo talia lege, illa meditare, quæ meliorem te faciant, quæ saniores in te affectus suscitant, nutriantque: Stultas & sine disciplina quæstiones devita, quibus Attellanæ fabulæ, Madaurense & Arbitri, scriptores impurissimi abundant.

*2. Tim.*  
*r. 2.*  
*v. 23.*  
*Venerat*  
*vere*  
*letalissi-*  
*ma* Norit igitur Lingua Nugigerula, quantum faciat damni, dum nugis spargendis sit udet.



studet. Hoc tam inani studio, pretiosissimum tempus, cuius unius iactura irreparabilis, per ludum & jocum amittitur; animus sic impletur nugis, ut optima quæque nauseet, & grande censeat fastidium precari. Et quia Nugigerula sæpe falsa pro veris venditat, pessimum nomen conciliat suo domino, ut de eo passim dicatur: Bonus iste vir, multa dicit, pauca probat, nec omnia quæ affirmat, ex tripode pronuntiari credendum. Hæc talis fama nemini non plurimum officit, cum scilicet quæri solet: Talisne huic homini lingua est, cui non semper tuto liceat credere? qui sæpissime quidem grandi hiatus, *Nova Nova* proclamet, id tamen plerumque non aliter interpretandum, quam *Mendacia, Mendacia*. Et quoniam disertus hic nugator somniis suis atque ineptiis multos decipit, credat ei Iudæus Apella, aut quisquis alius verbis duci voluerit. Nos illi cras credemus, hodie nihil. Hoc suo domino Lingua Nugigerula nomen parit, ut omnes qui eum noverint, dicant, \*nugigerulus, fabulator, nugivendus est: audiamus ergo, quæ nova somnia ferat hic homo; historia fabulari plenus est, quacunque parte domum hoc relinas, nugamenta copiosissime fundit, nempe rumoribus narrandis semper paratus est, cum deest quod narret, tam fertilis est ingenii, ut rumores nusquam auditos ipse fingat: rarissimus apud eum hospes est Veritas. Hanc famam colligit, hoc habet ille commodi, qui nugis ac rumoribus recensendis vel etiam audiendis tam studiose vacat. Nam cum mitissime de illo alii loquuntur: Vt sciatis, inquit, quid hominis sit iste, patria & domo Atheniensis est, de quibus illud bea-

K k 5 ti Pau-

\* Sabelhanß/Merlentrager.

ti Pauli jam notum : Athenienses autem omnes & advenæ hospites , ad nihil aliud vacabant , nisi aut dicere , aut audire aliquid novi.

III. Sed ô humanæ mentis temulentiam ! Vitam agimus brevissimam ; dum ordimur , finis est : Tempus perniciosissimum non gressu , non cursu , nec volatu recedit , sed momentis fluit singulis , nosque inania cogitantes deserit , fuga æternum irrevocabili : Nos tamen inter hæc rapidissimi temporis præcipitia non tantum lenti sumus , sed etiam nugaces & optimos quosque dies sterilissimis nugamentis frangimus . Agit nos , agiturque velox dies : inscii rapimur , dum nugamur , & perniciæ nostra ludimus . Seneca celeritatem temporis explicaturus : Nunquam Virgilius , inquit , dies dicit ire , sed fugere , quod currendi genus concitatissimum est .

Seneca  
Epist.  
108.  
post  
med.  
pauculis  
admiris.

*Optima quaque dies miseris mortalibus , avi  
Prima fugit —*

Quare optima ? quia restat quod incertum est . Quare optima ? quia juvenes possumus discere , possumus facilem animum , & adhuc tractabilem , ad meliora convertere : quia hoc tempus idoneum est laboribus , idoneum agitandis per studia ingeniis , & exercendis per opera corporibus . Quid ergo cessamus , quid fabulas ac nugas tractamus ? Meliora prætervolant , deteriora succedunt . Quemadmodum ex amphora primum , quod est sincerissimum effluit , gravissimum quodque turbidumque subsidit : sic in ætate nostra , quod optimum , in prima est . Id exhauriri in nugis potius patimur , ut nobis sæcema reservemus . Itaque toto hoc agamus animo , & ineptiis ac nugamentis omissis , in rem unam laboremus , ne hanc temporis perniciosissimi celeritatem ,  
quam



quam retinere non possumus, relictæ demum intelligamus. Primus quisque tanquam optimus dies placeat, & redigatur in nostrum. Prisci:

*Hic meus est, dixere, dies.*

Ita dies fiunt nostri, cum eos usurpamus ad seria: alieni sunt & nihil ad nos, qui inter nugæ ac fabulas elabuntur. Machetes religiosissimus senex, Cassiano teste, diabolum *Cass. l. 5* otiosarum fabularum fautorem maximum *instit.* esse his argumentis docuit. Sermonem cœperat Machetes de rebus divinis. Auditores, quos habuit, verborum modulis paulatim sopiri, & toto capite annuere, sic dicta omnia surdis auribus transmittere. Senex sermonem cœptum subito abrumpere, & jucundam texere fabulam, & . Audite, inquit, obsecro rem miram, qua ratione Vulpes & Simia, alternis sese artibus circumvenerint. Vix narrationem hanc ingressus, & mox omnium oculi reviviscere atque aperiri, aures audiendi cupidæ patere, jam nemo dormire amplius: Hic senex ingemiscens senex: Cæperamus, inquit, divina sermone prosequi: mox fere omnium oculos & aures occlusit sopor, & nescio quam inexpugnabilis dormiendi necessitas; paucissimos ea quæ dicebantur attentos habuerunt: ubi vero fabulosum apologum exorsus sum, illico excussus est iners somnus, nemo non vigilavit. Videte quæso, fratres, quis sacri sermonis impugnator huc irreperit, quis oculos oppresserit hoc lethargo; Profecto non alium reperietis, quam illum ab inferis pervigilem draconem, qui tum maxime somnum inducere conatur, cum dicuntur animo profutura; cum vero fabulæ percensentur, attentam omnibus vigilantiam facile persuadet. Videte, fratres, qua arte tam vitiosum  
sopo-

soporem expugnetis. qui dormit seriis & vigilat fabulis, discipulus est cacodæmonis.

*Cass. l.*

*5. Insti.*

*c. 32.*

Maches Anachoreta litteras nec unas tantum, sed plures in fasciculum colligatas accepit è patria. hic ipse secum quærere: Et quantum, inquit, temporis perdes, dum has tot chartas perlegas? quantis animum cogitationibus implebis; quam vanam inde lætitiā, aut quam inutilem hauries mœrorem? quot diebus laborabis, dum parentum, cognatorum, & amicorum memoriam aboleas? quid facies tam diversis & precibus & blanditiis confusus? mox macula manu arreptum fasciculum etiamnum ligatum conjiciens in ignem: Ite, inquit, cogitationes patriæ; satius est vos ardere quam meam mentem.

*Ribad.*

*l. 5.*

*c. 1.*

*post*

*med.*

Hunc feliciter æmulatus sanctus Ignatius Lojola, nam cum clauso cubiculo ardentè precaretur, janitor ad fores bis terve pulsavit, vocem præstolatus quæ juberet ingredi. Cum preces Ignatius perseveraret, & nec verbulo responderet, janitor iterum iterumque obtundens ostium, molestus esse non desiit. Demum pandens januam: Quid, inquit, tibi vis frater? Cui janitor: En Pater litteras, ait, allatas è patria; & una litterarum fascem tradidit Ignatio, qui ostium obscurans, accensum focum circumspexit (hiems erat) & liberalissima manu litterarum fascem pabulum projecit igni, at ipse continuo ad intermissas preces rediit. **D E V S** bone, quam non avidi erant rerum novarum sanctissimi quique viri, quibus longe consultius visum est tot una litteras, quam tempus comburere, chartaceos libellos flammis abjicere, quam animum curis, quæ nocere plurimum, prodesse vix quidquam possunt. Quin ergo & nos libera voce dicimus: Ite vani rumo-



DE NVGIGER. LIN. 513

rumores, ite; longe satius est, hæc talia  
nesciri, quam animi tranquillitatem amitti,  
curas augeri, lætitiā vanam accendi, mœ-  
rorem non profuturum ali, tempus omnium  
pretiosorum pretiosissimum pessime consu-  
mi. Profecto pars magna tranquillitatis est,  
hæc velle ignorare.



Otiōsa





# O

**O**tiosa, Objurgans, Ostentatrix lingua hoc loco se spectandas præbent.

**O**TIOSAM linguam adumbrat otiosus de-  
mon gladio indormiens. & hic homo somni plenus  
**A.** qui scripturus videtur, nec tamen scribit,  
nam calamum leva gerit ignavissime. Imo tam  
pigrescit, & laboris parvus, ut nec muscis quidem  
abigendis libeat movere manum. Otiosa lingua  
ingens muscarum agmen unico partu effundit.  
Sed pungent hæc musca, cum dies aderit rationis  
reddenda, de verbis etiã otiosis. Vide C. 41. §. I.

**B.** OBIVRGANTEM linguam repræ-  
sentat is qui ignem elicit è filice, sed sicut scriba  
calamum sinistra, ita hic ea manu tenet filicem  
qua chalybem deberet, modo prorsus inverso: ita  
& Lingua Objurgans omnem reprehendendi or-  
dinem invertit. Vide C. 42. §. I.

**C.** OSTENTATRICES lingua symbo-  
lum est simia in delphino equitans. Vide C. 45.  
§. 3.

## CAPVT XLI.

*Otiosam Linguam diuerse perniciosam esse, & de illius pœna.*

**C**eram æmulatur mens humana, calore mitescit & formam quancunque molli recipit, frigore indurescit, nec facile signatorium annulum admittit. Colloquia verecunda & Christianam sapientiam spirantia, intellectum sic afficiunt, voluntatem sic calefaciunt, ut flecti se sinat, & formantem manum facillima sequatur. Cleophas cum socio comite Emaunta ibat ipso die reuiviscentis Christi: erant hi duo peregrini, velut durissima cera, quam unicum colloquium pium in eam facilitatem emolliit, ut magistra manus obedientem habuerit ad omnia. Nutabat fides horum viatorum desperabundis colloquiis misere convulsa, sed hanc tertii comitis colloquium sic denuo erexit, ut hi duo ipsimet faterentur: Nonne cor nostrum ardenserat in nobis, dum loqueretur in via? Nec mirum; Ignitum eloquium tuum, ( Domine ) vehementer.

*Luc. c. 24. v. 2. Psal. 118. v. 40. 1. Cor. c. 15. v. 33.* Colloquia vero vana & otiosa ita omnem virtutem enervant, ut Paulinum oraculum pronuntiet: Corruptunt bonos mores colloquia mala. Malis colloquiis jure annumerantur otiosa, quæ verborum semper plurimum, nihil emolumenti, plerunque multum detrimenti habent, prout scilicet facundiam suam explicat lingua Otiosa, de qua nunc agendum. & principio quidem exponendum, quæ verba dicantur otiosa, deinde quantum ea damni adferant; tertio quæ eorum sit pœna, & cur illa tantopere cavenda.

I. Otiosa lingua nominatur, prout eam  
Hiero-



# DE OTIOSA LING. 517

Hieronymus depingit, quæ nec loquenti nec audienti prodest. Hinc Otiosum verbum *Gregor. lib. 7.* beatus Gregorius appellat, quod aut justæ *moral. c. 17.* necessitatis, aut piæ utilitatis intentione *et hō. 6. in* caret. Hinc quicquid loqueris, inquit Bernardus, nisi intendas alicui prodesse, otiosum *Euang.* est. Varium ab his & multiplex damnum, nos ea in quatuor classes reducimus.

Prima: Otiosa verba flammæ piacularium nobile sunt pabulum. *Bern. de Pas. Dom. c. 25.* Ecquid in otiosas voces gravius aut formidabilius dici potest, quam quod servator Orbis his omnino verbis proclamat: Dico autem vobis, *Mat. c. 12. v. 36.* quoniam omne verbum otiosum quod locuti fuerint homines, reddent rationem de eo in die judicii. Pensitate hæc obsecro; ad tribunal trahuntur verba etiam otiosa, quantumvis innoxia, quid lascivis fiet, quid fiet noxiis & blasphemis, si vana quoque & inutilia coguntur in jus ambulare? Bernardus *Bern. serm. de triplici custod.* hic ingemiscens: quam vera sententia, inquit, in multiloquio non effugiendum peccatum. Vt enim præteream cetera, si propterea est otiosum verbum, quod nullam rationabilem causam habeat, quam rationem de eo reddere poterimus, quod est præter rationem? Nemo ergo arbitretur otiosa verba, ut vilissimum quid, oblivioni tradenda; in die judicii ratio de iis exigetur, nec tantum de aliquibus, sed omne verbum otiosum judicium sistetur. Heu nobis, inquit Bernardus, quæ *Idem de præcept. dispens. c. 12. initio.* nam poterit reddi ratio de otio? Otium non est, si non omnino ratione vacuum est. Quod si homo unicus multa millia otiosorum temere fundat, dum vivit, quis erit numerus otiosorum verborum, quæ omnes omnino homines loquentur? Id tamen exactissime constabit summo judici, quot, & quænam universi & singuli sæculis omnibus protulerint; omne verbum otiosum dabit supplicium.

*Greg. inc. 6. 1ob.* Classis secundæ damna sunt : A verbis otiosis facillime transitur ad scurrilia , & ad noxia. Amnis exundans cito fit lutosus ; lingua exerrans omne genus sordium brevi colligit. Verissime dixit Gregorius : Dum otiosa verba negligimus , ad noxia pervenimus. Primo quidem loquimur aliena , & quæ nihil ad rem ; paullatim miscemus detractio-  
*Prov. c. 14. v. 23.* nes ; tandem erumpit lingua in contumelias : quisquis non abstinet otiosis , sane nec noxiis abstinebit. Tertia damnorum classis est : Otiosa verba , omnem pietatis spiritum extinguunt , mentem obnubilant , tranquillitatem turbant. Verissime dixit Salomon :  
*Diadoc. de perf. spirit. c. 70.* Vbi verba sunt plurima , ibi frequenter egestas , virtutis scilicet & bonæ mentis. Si vasi vinario aut unguentario desit operculum , vini aut unguenti odor brevi omnis defluet. Beatus Diadochus dicere solebat , Balneum aut hypocaustum calorem omnem amittit , si balnei aut hypocausti janua relinquatur sæpius aperta. Sunt qui hominem castro conferant vel arci : sed arx hæc subinde ab hostibus undique obsidetur. Sensit hoc  
*Pf. 16. r. 19.* qui dixit : Inimici mei animam meam circumdederunt. Arcis illius porta , os hominis est : hostis cum portam tenet , arcem cepit. ideo qui cupit custoditam arcem , summa diligentia necesse est custodiat portam. Nihil hic muniminis omisit natura ; sepem huic portæ osseam apposuit è triginta plus minus dentibus ; addidit labia , pontem versatilem. Si qui jam cautiores sunt castellani , portam nunquam referant locuturi , quin Linguam prius moneant : Lingua quo vadis ? attende tibi , ne nimis magno nobis stet prodiisse in publicum , & locutam esse. Attende tibi , & dum licet , disce manere domi : Omne verbum otiosum subibit iudicium.

I I. Quarta damnorum classis : Otiosa colloquia



loquia suffurantur tempus, omni auro, om-  
 nique gemma longe pretiosius. quisquis hinc  
 otiosis nœniis auferat vel horulam, nihil dig-  
 nū tanto impendio redditurus est. Apis illa  
 Clarævallis Bernardus, si usquam, certe hic  
 aculeum habet, quē otiosis illis fabulatoribus  
 infigens: Nemo vestrum, inquit, parvi æsti- *Bern.*  
 met tempus quod in verbis consumitur otio- *serm. de*  
 sis. Siquidem tempus acceptabile est, & dies *triplici*  
 salutis. Volat verbū irrevocabile, volat tem- *custo-*  
 pus irremeabile, nec advertit insipiens quid *dia, mī-*  
 amittat. Libet confabulari, ajunt, donec hora *hi pag.*  
 prætereat. O donec prætereat hora, O donec *385.*  
 pertranseat tempus: Donec hora prætereat, *ante*  
 quam tibi ad agendam pœnitentiam, ad ob- *med.*  
 tinendam veniam, ad acquirendam gratiam, *serm.*  
 ad gloriam promerendam, miseratio condi-  
 toris indulget. Donec transeat tempus, quo  
 divi nam tibi repropitiare debueras pietatē,  
 properare ad angelicam societatem, suspira-  
 re ad amissam hereditatem, aspirare ad pro-  
 missam felicitatem, excitare remissam vo-  
 luntatem, flere commissam iniquitatem. Sic  
 nimirum, sic agricolæ cum diu desiderata af-  
 fuerit opportunitas seminandi, sic vinitores  
 cum expectatum tempus putationis advene-  
 rit, invenisse occupationes, & quasi irrepre-  
 hensibiliter sine opere diem transegisse læ-  
 tantur? Sic instantibus nundinis institores  
 necdere moras, occasiones quærere solent, ne  
 quem forte sibi ex eis quæstum provenire  
 contingat? Sic denique pauperes mendican-  
 tes, cum multis clamoribus evocatus tan-  
 dem affuerit eleemosynarum distributor, di-  
 verticula captant, & concurrentibus sociis  
 vacuos ambiunt occupare recessus, & fovere  
 latebras in angulis platearum? Utinam ta-  
 men vel solum tempus vitæ amitteretur in  
 verbis; sed multi in his etiam vitam amit-  
 tere comprobantur: nec ipsi modo amitte-

re, sed aliis quoque adimere. Hanc Bernardi  
*Hieron.* sapientem facundiam confirmans Hierony-  
*in c. 6.* mus : Breve est, inquit, hujus vitæ curricu-  
*epist. ad* lum, hoc ipsum quod loquor, quod scribo,  
*Galat.* quod relego, de tempore meo mihi aut cre-  
 scit, aut deperit. Res tanti pretii tempus est,  
 ut hujus unius jactura plurimum & pæne  
 sola sit deploranda. Quicquid ceterorum  
 amiseris, reparabile damnum est : dispen-  
 dium temporis vel minimi nulla restituent  
 sæcula. Pecuniæ jacturam fecisti? reddi po-  
 test alia, & copiosior. honorem perdidisti?  
 redire potest: & auctior. valetudinem ami-  
 fisti? plurimis hoc damnum profuit: sed &  
 valetudinem amissam quam multi recupe-  
 rant; amissum tempus nemo omnium un-  
 quam reduxit: irreparabile est, cujus tamen  
 optimam quamque partem otiosa colloquia  
 subducunt. Credibile est nec à sapientibus  
 quidem hoc temporis pretium satis æstima-  
 ri. Vt ut hæc sunt, hoc Christianus sapiens  
 unice laboret, sic omne vitæ momentum  
 dispensare, ne unquam de se cacodæmon  
 gloriari hoc possit, *Inveni otiosum.* Multico-  
 lor est otiositas, sunt enim & otiosæ cogi-  
 tationes, quas sæpe comitatur otiosa confa-  
 bulatio, hanc non raro sequitur opus otio-  
 sam, quod quandoque pejus est ignavissimis  
 seriis. De quo dilucide Bernardus: In hoc  
 genere transgressionis, inquit, nonnulla sunt  
 stultiloquia, seu vaniloquia, & quæque otio-  
 se dicta, facta, cogitata.

*Bern.*  
*de præ-*  
*cept. &*  
*dispens.*  
*c. 14.*  
*post.*  
*in iij.*

I I I. Optimus loquendi magister Chri-  
 stus, in omnibus suis colloquiis occasio-  
 nem captabat ut sermonem quacunque de re  
 institutum flecteret ad divina. Collocutus  
 cum Samaritide, ab aqua Sicharia ad aquam  
 vivam in cælo salientem opportunissime de-  
 duxit sermonem. Cum mentio incideret de  
 Manna, cepit Servator de vero Angelorum

*Joan.*  
*c. 4.*  
*v. 14.*

pane



DE OTIOSA LIN. 521

pane differere, ut non nemo auditorum esset  
 qui diceret : Domine semper da nobis pa-  
 nem hunc. Hac occasione oblata : Ego, in- *Ioan.*  
 quit, sum panis vitæ ; qui venit ad me, non *c. 6.*  
 esuriet ; & qui credit in me , non sitiet un- *v. 35.*  
 quam. Cum sub concione nuntiasset quis, *36.*  
 adesse matrem & fratres, arripuit verba nun-  
 tii, & de Dei voluntate cœpit dicere. Eodem  
 modo in conviviiis quam nobiles instituit  
 dissertatiunculas convivis & tempori aptas?  
 Apud Matthæum telonarium de medicina  
 sacra, seu, pœnitentia ; apud Simonem Pha-  
 risæum de divino amore ob præsentē Mag-  
 dalenam ; apud Phariseorum principem,  
 ubi delitias faciebant , & ceremoniam adhi-  
 bebant in accubitu, de Humilitate cœpit dis-  
 serere. Exemplis tam luculentis instruimur,  
 quomodo colloquia inutilia & otiosa dex-  
 tre derivanda in affatus meliores. Non enim  
 in levi ponendum , destinato loqui otiosa.  
 Optimus hac in re monitor Bernardus : *Bern.*  
 Quid cum scienter, inquit, & ex deliberatio- *serm.*  
 ne in verba otiosa, silentio licet non indicto, *de præ-*  
 lingua laxatur ? Hanc noxam Deus sæpissi- *cept.*  
 me non futuris judiciis servat , sed præsentis *dispens.*  
 vindicat supplicio. Beatus Gregorius narrat *c. 12.*  
 virginem consecratam non ab una solum *initio.*  
 virtute nobilem vixisse in cœnobio : polle- *Greg.*  
 bat hæc continentia vitæ , sed non itidem *lib. 4.*  
 linguæ : mores illius casti , & qui virginem *dialog.*  
 decerent, modo lingua fuisset amantior taci- *c. 51.*  
 turnitatis. Extra legem garrire solenne illi  
 erat. Obiit tandem & hæc diem suum , se-  
 pulsa in templo. Nocte proxima vidit ædi-  
 tius pridie humatam refodi, & ad aram de-  
 duci , illic mediam secari , atque in ignem  
 conjici, parte altera intacta. Die sequenti æ-  
 dituus quæ vidisset noctu , exposuit , & lo-  
 cum monstravit cadaveris combusti. Narra-  
 tionis fidem fecerunt luculenta rogi vestigia

*Cass.  
l. 7.  
collat.  
c. 27.*

*Vine.  
Bellua-  
rens.  
lib. 26.  
Spec.  
histor.  
c. 5.  
Lippel  
29 A-  
pulis in  
Vita S.  
Hugo-  
nis.*

marmorī alte impressa. Ergo nec templi san-  
ctitas ab incendiis servat, quem damnat lin-  
guæ procacitas. Gregorii relatus, testimo-  
nio firmantur Cassiani, qui senem religiosis-  
simum, in specimen virtutis statuens: Mo-  
ses, inquit, qui hanc eremum habitat secun-  
dus, vir incomparabilis, sed opinionis suæ  
paullo tenacior cum Macario disceptare cœ-  
pit. hic voces jecit duriusculas, & aculeo pe-  
tiit adversarium. Quia tamen facti poenituit  
Mosen, noxam hanc Deus non ad serum tri-  
bunal rejecit, sed dæmoni mox potestatem  
fecit & occupandi hominis, & torquendi.  
dæmon licentia usus insperatum hospitium  
invasit. Sed Moses Macarii precibus ab ho-  
spite Orciniano brevi liberatus est. Tanti est  
vel parva in speciem improbitas linguæ, ob  
quam sanctissimi quique homines poenas sæ-  
pe gravissimas dependerunt. Duranus ex ab-  
bate Tolosanæ præsul, vir cetera pius &  
mire industrius, sed linguæ solutioris verba  
ridicula subinde liberius usurpavit: sed non  
impune. Postquam enim in humanis esse de-  
fuit, cruciatus quos ei beatus Hugo Clunia-  
censis abbas prædixerat, sensit, & mox Sig-  
nino, notæ sanctimonie sacerdoti visen-  
dum se præbuit aspectabili sed tetra forma,  
præsertim ore portentosum in modum ex-  
tuberanti, labrisque sæde concisis & exulce-  
ratis. Hoc oris habitu & voce lacrimabili  
suppetias rogavit, præcipue ab Hugone mo-  
nitore suo ferendas. Hugo re ad se perlata  
septem cœnobitis unius hebdomadis seve-  
rum silentium indixit, quod tamen non æ-  
que ab omnibus servatum est. Itaque Dura-  
nus rediit, & ob neglectam legem necdum è  
tormentis se liberum monstravit. Nova igi-  
tur silentii lex dicitur, qua defuncti præsulis  
necessitati consulereetur. Tertium denique  
spectandum sese Duranus, jam à pœnis solu-  
tus



tus exhibuit, & ob præstitam opem immortales egit gratias Hugoni. Ita nugæ quoque ac facetiæ puniuntur, ita linguæ intemperantia non maxima vel alterius Orbis suppliciiis eluenda est.

I V. Non ignoravit hoc Carthusianorum sanctissimus Patriarcha Bruno; exploratum habuit quantis à lingua periculis, involvamus, quantis damnis; vidit otiosorum verborum ingentes acervos, observavit optimum quemque sua vel aliena lingua perire, novas igitur leges sibi suisque scripsit, quarum caput est, strictissime S I L E R E. Bruno sic ratiocinatus fuit: si Doctor ille Parisiensis qui tanta sanctimonia præditus credebatur, damnatus est ab æquissimo iudice; hoc ergo connitar, ut ego me sociosque meos mature subducam in tutum, ubi cum Deo assidui loquamur, ne nobis ipsis aliisque noceamus loquendo. Et qua ratione de tot centenis millibus otiosorum verborum rationem reddituri sumus? præsertim si tot criminosa, tot falsa, tot luxuriosa se miscuerint? sit leve quid vox leviter prolata, sed jure terreat multitudo. levissimum quid pluma est, sed numero graves cum plumbo certant; quid imbecillius aquæ guttula, sed repetita toties, lapidem cavat. Unica vox otiosa facile habet veniam, sed cum tanto numero repetuntur, non degravent mergantque navim? Ideo Beatus Godefridus Ambiani præsul, quotiescunque iter faceret, comites semper iussit præcedere. causam hujusce moris rogatus, dixit: Ne otiosis sermonibus texendis sit occasio. Iobus suis cladiibus jam prope sepultus, amicos nihilominus otiose garrientes perstringit, & : Ad incre-<sup>Iob.</sup>  
pandū, inquit, tantum eloquia concinnatis,<sup>c. 6.</sup>  
& in ventū verba profertis. Merito eos reprehendit velut otiosissimos consolatores. Au-<sup>v. 26.</sup>

ceps in Ardearum venatu non dimittit Falconem, nisi prius viderit Ardeam: venator fune tenet canem, dum conspexerit feram; at nos incauti evolare verba permittimus, antequam utilitatem ullam cernamus; aëri & ventis loquimur, cum sciamus non perinde ad nos redire verba, uti ad suos dominos mansuefacta animalia; ad aucupem revolat Falco, ad venatorem recurrit canis, verbum semel emissum nullis artibus ad auctorem revocari potest: excessit, evasit, erupit, æternum irrevocabile. Quid igitur est consilii ad otiosam locutionem saltem minuendam, si non tollendam? Augustus Imperator, Suetonio narrante, ita filiam & neptes instituit, ut nihil agerent, nihilque loquerentur quod non in diurnos commentarios referri posset. Vox digna Cæsare; consilium augustum, vere Christianum; & quod præclare congruit Servatoris dicto. *Reddent rationem de eo in die iudicii.* Nulli mortalium vel minimum otiosum verbulum excidit, quod non in tabulas & syngraphas referatur. cogitata, facta, dictaque, omnia in Dei perscriptiones, & in acta mittuntur, nec syllabula omissa. Quisquis hoc attentius cogitaverit, ipse sibi dicet: Caute, obsecro, caute; nam quicquid dixeris, in tabulas refertur, in acta mittitur; de omni otioso verbo rationem reddes; vide igitur ne rationes in immensum excrecant. Si hæc unicus pretio stat tanto, quanto stabit integra hæc \* orca? Si sua est multa vel otioso verbulo, num impunita dimittentur falsa, spurca, noxia?

V. Pauca sæpe verba, per otium & ludum, dolo non malo prolata in errores se maximos diffundunt, velut oleum in telam aut asserem effusum latissime serpit. Ejus rei,

\* Ein Thonnen voll.



rei, mi Lector, paradigma tibi, animi gratia exhibeo. Invitarat quispiam sex convivas variae dignitatis. hinc cum accumbendum, lis ingens & deliciae ac ceremoniae plurimae: alter alteri principem locum cedere, ille non accipere, hic urgere, ille denuo tergiversari, iste iterum blandiri, & rogare, ac priorem accubitus deferre. Hic paterfamilias & modimperator partes suas interponere: Et quæso, inquit, num hodie stantes prandebimus? proximum quisque locum occupet, aut ego vos toties adhibebo mensæ, quoties sessionis locus poterit inter vos mutari. Otiose hoc prorsus & temere dixit, nec prius ad calculos sedit, ut variandi accubitus numerum iniret. Obsecro te, Lector, addivina, quoties sex convivæ accumbendi ordinē inter se variare possint. Dicturo mihi, sat scio, vix habebis fidem. Ergo adverte animum. Si leges Arithmeticæ spectemus, possunt sex convivæ septingenties vices discumbendi ordinem commutare. Si jam anno uni trecentos sexaginta quinque dies assignemus (tot enim habet communis annus) debuisset paterfamilias ille sex convivas (si quidem promissis stare voluisset) anno integro quotidie bis ad mensam vocasse, exceptis ultimis quinque diebus in hebdomade majori sacra. Necdum credis? ipsis igitur oculis, non solum auribus, fidem faciam idque signatis tabulis: sex Alphabeti primæ litteræ, sex convivarum vices subibunt. Litteras perinde ut convivas sic colloco. Aude, mi Lector, adjectas hic chartas sine tædio aspicere. Et en hospites meos nunquam eodem ordine accumbentes.

abcdef	acbdef	adbcef	aebcdf	afbcde
abcdfe	acbdfe	adbefe	aebefd	afbecd
abcedf	acbedf	adbecf	aebdcf	afbdce
abcefd	acbefd	adbefc	aebdfc	afbdce
abcfde	aebfde	adbfce	aebfcd	afbecd
abcfed	acbfed	adbfec	aebfdc	afbedc
abdcef	acdbef	adcbe	aecbdf	afcbde
abdcfe	acdbfe	adcbfe	aecbfd	afcbde
abdecf	acdeb	adeebf	aecdbf	afcdbe
abdefc	acdefb	adcefb	aecdff	afcdbe
abdfce	acdfbe	adcfbe	aecfbd	afcebd
abdfec	acdfbe	adcfbe	aecfdb	afcedb
abecdf	acebdf	adebcf	aedbcf	afdbce
abecfd	acebfd	adebfc	aedbfc	afdbec
abedcf	acedbf	adecbf	aedcbf	afdcbe
abedfe	acedfb	adecfb	aedcfb	afdcbe
abefcd	acefbd	adefbc	aedfbc	afdebc
abefdc	acefdb	adefcb	aedfcb	afdecb
abfcde	acfbde	adfbce	aefbcd	afebcd
abfcde	acfbde	adfbce	aefbcd	afebcd
abfcde	acfbde	adfbce	aefbcd	afebcd
abfdce	acfdbe	adfcbe	aefcbd	afecbd
abfdec	acfdeb	adfceb	aefcdb	afecdb
abfec	acfdbe	adfebc	aefdbc	afedbc
abfedc	acfedb	adfecb	aefdc	afedcb



bacdef	bcadef	bdacef	beacdf	bfacde
bacdfe	bcaedf	bdacfe	beacfd	bfaced
bacedf	bcaedf	bdaecf	beadcf	bfadce
bacefd	bcaefd	bdaefc	beadfc	bfadec
bacfde	bcafde	bdafce	beafcd	bfaecd
bacfed	bcafed	bdafec	beafdc	bfaedc
badcef	bcdaef	bdcaef	becadf	bfcade
badcfe	bcdafe	bdcafe	becafd	bfcacd
badecf	bcdeaf	bdceaf	becdaf	bfcdae
badefc	bcdefa	bdcefa	becdfa	bfcdea
badfce	bcdfae	bdcfae	becfad	bfcead
badfec	bcdfea	bdcf ea	becfda	bfceda
baecdf	bceadf	bdeacf	bedacf	bfdace
baecfd	bceafd	bdeafc	bedafc	bfdaec
baedcf	bcedaf	bdec af	bedcaf	bfdcae
baedfc	bcedfa	bdecfa	bedcfa	bfdcea
baefcd	bcefad	bdefac	bedfac	bfdeac
baefdc	bcefda	bdefca	bedfca	bfdeca
bafcde	bcfade	bdface	befacd	bfeacd
bafced	bcfaed	bdfaec	befadc	bfeadc
bafdce	bcfdae	bdfcae	befcad	bfecad
bafdec	bcfdea	bdfcea	befcda	bfecda <sup>a</sup>
bafecd	bcf ead	bdfeac	befdac	bfedac
bafedc	bcfeda	bdfec a	befdca	bfedca

cabdef	cbadef	cdabef	ceabdf	cfabde
cabdfc	cbadfc	cdabfc	ceabfd	cfabed
cabedf	cbaedf	cdaebf	ceadbf	cfadbe
cabefd	cbaefd	cdae fb	ceadfb	cfadeb
cabfde	cbafde	cdafbe	ceafbd	cfae bd
cabfed	cbafed	cdafeb	ceafdb	cfaedb
cadbef	cbdaef	cdbaef	cebadf	cfbade
cadbfe	cbdafe	cdbafe	cebafd	cfbaed
cadebf	cbdeaf	cdbeaf	cebda f	cfbdae
cadefb	cbdefa	cdbefa	cebdfa	cfbdea
cadfbe	cbdfae	cdbfae	cebfad	cfbead
cadfeb	cbdfea	cdbfea	cebfda	cfbed a
caebdf	cbeadf	cdeabf	cedabf	cf dabe
caebfd	cbeafd	cdeafb	cedafb	cfdaeb
caedbf	cbedaf	cdebaf	cedbaf	cfdbae
caedfb	cbedfa	cdebfa	cedbfa	cfdbea
caefbd	cbefad	cdefab	cedfab	cfdeab
caefdb	cbefda	cdefba	cedfba	cfdeba
cafbde	cbfade	cdfabe	cefabd	cfeabd
cafbcd	cbfaed	cdfaeb	cefadb	cfeadb
cafdb e	cbfdae	cdfbae	cefbad	cfebad
cafdb e	cbfdea	cdfbea	cefbda	cfebda
cafebd	cbfead	cdfeab	cefdab	cfedab
cafedb	cbfeda	cdfeba	cefdba	cfedba



dabcef	dbacef	dcabef	deabcf	dfabce
dabcfе	dbacfe	dcabfe	deabfc	dfabec
dabecf	dbaecf	dcaebf	deacbf	dfacbe
dabefc	dbaefc	dcaefb	deacfb	dfaceb
dabfce	dbafce	dcafbe	deafbc	dfaebc
dabfec	dbafec	dcafeb	deafcb	dfaecb
dacbef	dbcaef	dcbaef	debacf	dfbace
dacbfe	dbcafe	dcbafe	debafc	dfbaec
dacebf	dbceaf	dcbeaf	debcaf	dfbcae
dacefb	dbcefa	dcbefa	debdfa	dfbcea
dacfbe	dbcfae	dcbfae	debfac	dfbeac
dacfеb	dbcfea	dcbfea	debdfa	dfbeca
daebcf	dbeacf	dceabf	decabf	dfcabe
daebfc	dbeafc	dceafb	decafb	dfcaeb
daecbf	dbecaf	dcebaf	decbaф	dfcbae
daecfb	dbecfa	dcebfa	decbfa	dfcbea
daefbc	dbefac	dcefab	decfab	dfceab
daefcb	dbefca	dcefba	decfba	dfceba
dafbce	dbface	dcfabe	defabc	dfeabc
dafbec	dbfaec	dcfaeb	defacb	dfeacb
dafcbe	dbfcae	dcfbae	defbac	dfebac
dafceb	dbfcea	dcfbea	defbca	dfebca
dafebc	dbfeac	dcfeab	defcab	dfecab
dafeob	dbfecaf	dcfeba	defcba	dfecba

eab c d f	ebac d f	ecab d f	edab c f	efab c d
eabc f d	ebac f d	ecab f d	edab f c	efab d c
eab d c f	ebad c f	ecad b f	edac b f	efac b d
eab d f c	ebad f c	ecad f b	edac f b	efac d b
eab f c d	ebaf c d	ecaf b d	edaf b c	efad b c
eab f d c	ebaf d c	ecaf d b	edaf c b	efad c b
ea c b d f	ebc a d f	ecba d f	edba c f	efba c d
ea c b f d	ebc a f d	ecba f d	edba f c	efba d c
ea c d b f	ebc d a f	ecbda f	edbca f	efbca d
ea c d f b	ebc d f a	ecbdfa	edbcfa	efbcda
ea c f b d	ebcf a d	ecbfad	edbfac	efbdac
ea c f d b	ebcf d a	ecbfda	edbfca	efbdca
ea d b c f	ebda c f	ecdab f	edcab f	efcab d
ea d b f c	ebda f c	ecdaf b	edcaf b	efcad b
ea d c b f	ebdca f	ecdbaf	edcbaf	efcbad
ea d c f b	ebdcfa	ecdbfa	edcbfa	efcbda
ea d f b c	ebdfac	ecd fab	edcfab	efcdab
ea d f c b	ebdfca	ecd fba	edcfba	efcdba
ea f b c d	ebfac d	ecfab d	edfab c	efdabc
ea f b d c	ebfad c	ecfad b	edfac b	efdacb
ea f c b d	ebfca d	ecfbad	edfbac	efdbac
ea f c d b	ebfcda	ecfbda	edfbca	efdbca
ea f d b c	ebfdac	ecfdab	edfcab	efdcab
ea f d c b	ebfdca	ecfdba	edfcba	efdcba



fabcde	fbacde	fcabde	fdabce	feabcd
fabced	fbaced	fcabed	fdabec	feabdc
fabdce	fbadce	fcadbe	fdacbe	feacbd
fabdec	fbadec	fcadeb	fdaceb	feacdb
fabecd	fbaecd	fcaebd	fdaebc	feadcb
fabedc	fbaedc	fcaedb	fdaecb	feadbc
facbde	fbcade	fcbade	fdbace	febdca
facbed	fbcaed	fcbaed	fdbaec	febacd
facdbe	fbcdae	fcbdae	fdbcae	febcad
facdeb	fbcdea	fcbdea	fdbcea	febcd a
facebd	fbcead	fcbead	fdbeac	febdac
facedb	fbceda	fcbed a	fdbeca	febdca
fadbce	fbdace	fdcabe	fdcabe	fecabd
fadbec	fbdaec	fdcaeb	fdcaeb	fecadb
fadcbe	fbdcae	fdbcae	fdbcae	fecbad
fadceb	fbdcea	fdbcea	fdbcea	fecbda
fadebc	fbdeac	fcdeab	fdceab	fecdab
fadecb	fbdeca	fcdeba	fdceba	fecdba
faebcd	fbeacd	fceadb	fdeabc	fedabc
faebdc	fbeadc	fceabd	fdeacb	fedacb
faecbd	fbecad	fcebad	fdebac	fedbac
faecdb	fbecda	fcebda	fdebca	fedbca
faedbc	fbedac	fcedab	fdecab	fedcab
faedcb	fbedca	fcedba	fd ecba	fedcba

Etiā-

Non  
tamen  
sapius.

Etiamnum dubitas, Lector, sex convivas septingenties vices accumbendi rationem permutare posse? sed huc nos duxit inconsiderati patrisfamilias otiosa promissio. Nos sexcenta talia quotidie, dum garrulum otium sectamur, fundimus, nec valde dolemus, his inaniis perdidisse tempus.

Ecclesi.  
c. 28.  
v. 29.

Sed est qui dicat: Quanti hæc res negotii est, verba omnia ad aurificis stateram examinare, unde mihi hæc libella? Huic Siracides respondet: Aurum tuum & argentum tuum conflagra, & verbis tuis facito stateram, & frenos ori tuo rectos, ut non labaris in lingua tua. quicquid habes facti, infecti, signatique argenti, huc omne confer, ut inde fiat trutina; quicquid in te prudentiæ aut sapientiæ est, id totum in hanc rem impende, ut non labaris in lingua tua.

Bern.  
de Pas.  
Dom.  
c. 15.  
mihi  
pagina  
1187.

Finio cum Bernardo: O quantus terror, inquit; iudex sapientissimus, qui numerat omnes pluviae guttas, discretor omnium tentationum, omnium hominū à primo Adam usque ad ultimum qui erit in fine sæculi, vult audire rationem verborum omnium otiosorum, cum sederit in sede maiestatis iudicii sui, ubi non jam misericordia, sed iudicium cantabitur Domino. Quid tum miseri & miserabiles faciemus? Sapientissimus es Domine, falli non potes, iustissimus es, corrumpi non potes. Quid ergo dicam? Miserere quæso &c. ut non solum à maledictis & turpibus declinem, verum etiam otiosa verba devitem, ne de illis me oporteat in die iudicii reddere rationem, ubi jam non de bonis & viridibus foliis verborum, sed de malis & aridis ratio est reddenda. Ratum, firmum, fixum est decretum: Omne verbum otiosum quod locuti fuerint homines, reddent rationem de eo in die iudicii.

Matth.  
l. supra  
citato.



## CAPVT XLII.

OBIVRGANS *Lingua, prout par est, ob-  
jurgatur.*

**M**agnum illud Græciæ lumen Basilius,  
cum innumeros errores vel unius lin-  
guæ pensiculatus cogitasset, verissimum hoc  
pronuntiavit: Vita nostra referta est linguæ  
delictis. Quis enim ille tam circumspectus, ac  
prudens qui non vel uno die sæpius halluci-  
netur lingua, nisi eam severius inter silenti-  
leges coërceat? Linguæ rabies, vilitasque  
morum ubique est obvia. Ea de causa san-  
ctissime monet Ambrosius: Alliga sermonem *Amb.*  
tuum ne luxuriet, ne lasciviat, & multilo- *lib. 1.*  
quio peccata sibi colligat. Ergo beatus (quod *Offic.*  
Siracides affirmat) qui tectus est à lingua ne- *c. 3.*  
quam, qui in iracundiam illius non transivit, *Eccli.*  
& qui non attraxit jugum illius, & in vin- *c. 28.*  
culis ejus non est ligatus: jugum enim illius *v. 23.*  
jugum ferreum est: & vinculum illius vin- *ad 28.*  
culum æereum est. Mors illius, mors nequis-  
sima: & utilis potius inferus quam illa. Per-  
severantia illius non permanebit, sed obti-  
nebit vias injustorum; & in flamma sua non  
comburet justos. Qui relinquunt Deum, in-  
cident in illam & exardebit in illis, & non  
extinguetur, & immittetur in illos quasi  
leo, & quasi pardus lædet illos. Quis autem  
hos leones, hos pardos satis semper caverit?  
loco quo non putes prorumpunt hi leones,  
hi pardi, & sævitie invadunt inopina. Furi-  
bundis his linguis merito accensetur lingua  
OBIVRGANS, quam post Otiosam,  
alphabeti cognatione proximam locamus.  
Itaque hac dissertatiuncula Objurgantis lin-  
guæ genium persequemur.

I. Atque primo quidem si habitum istius  
linguæ spectemus, vestem horridam gerit

M m indu-

indutui , pro calceis perones clavis compa-  
ctos , aut grandes piscatorum ocreas habet ,  
passus facit amplos & sonoros , neque enim  
aliud docta est quam vituperare , reprehen-  
dere , verbis exagitare , invektivis uti ; hos  
avaritiæ insimulare , illos superbiæ aut stulti-  
tiæ damnare. Nil quidem optatius est terræ  
sitienti , quam opportunus imber , si is tamen  
placidis guttis rorando defluat , quod si præ-  
ceps nimbus superne ruat , unoque sese im-  
petu effundat , plus sæpe nocumenti adfert  
quam commodi. Lingua sedata & mitis vel-  
ut stilla leniter impluit , suaviter penetrat ,  
multum fecundat ; lingua objurgans & in-  
vectiva velut grandinans pluvia frequenter  
non emendat , sed exacerbat. Vtrumque  
prorsus vitiosum est ; nihil , & omnia repre-  
hendere ; nihil dissimulare posse , & omnia  
dissimulare velle , meras invektivas declama-  
re , aut semper in exornationis genere versa-  
ri. Erudite Siracides : Est correctio , inquit ,  
mendax in ira contumeliosi. Iracundus  
mentitur correctionem , nam objurgare vult ,  
non emendare. Si Tullio credimus , amico-  
rum est , moneri , & monere , sed non adulari ,  
non insectari verbis , non increpare minis.  
Hæc sæpissime non corrigunt prava , sed ma-  
gis talia faciunt : Responsio mollis frangit  
iram , sermo durus suscitatur furorem , teste sa-  
pientissimo regum. Si æneum tormentum  
glandem evomat in cespitem , tormenti vis  
omnis hebetatur ; si feriat glans murum , la-  
cerat & pertundit : fulmen molliori carni  
sæpius parcit , sed ossa comminuit : sic aspera  
verba , sermo iracundus , ni mansuetum ho-  
minem offendat , destruit , non corrigit. Si  
cum saxo chalybs alternis collisionibus ri-  
xetur , ignis emicat : ita si objurgatio in ho-  
minem durum ac præfractum incurrat ,  
flamma utrinque exilit , & multum iræ ; qua-  
lis

Ecclesi.

c. 19.

v. 29.

Prov.

c. 15.

v. 1.



lis nimirum specus est, quæ vocem emissam accipit, talis & vox est quæ remittitur.

Salomon linguam cicurem & modestam commendaturus : Lignum vitæ, inquit, lingua placibilis, quæ autem immoderata est, conteret spiritum. Quicquid in hac vitali arbore foliorum est, medicinam promittit & sanitatem : quicquid in homine sedato ac miti verborum est, virtutis argumentum est. Et quemadmodum ramus virens ac succi plenus flecti se finit facillime, sequiturque ducentem manum ; ramus arens & exsuccus frangitur : ita si hominem objurgantis linguæ vel minimum læseris, non flectes sed franges ; nam quæ immoderata est, conteret spiritum, tam loquentis, quam audientis, tam objurgantis quam objurgati ; at homo placidus, & cui cicur est ingenium, etiam cum reprehendere cogitur, sic tamen reprehensionem temperat, ut non tam hoc agere, quam docere videatur, instruit leniter, nec acerbecarpit, prorsus ad mentem beati Pauli, qui reprehensores sic erudit : Si præoccupatus fuerit homo in aliquo delicto, vos qui spirituales estis, hujusmodi instruite in spiritu lenitatis. Quid enim emendet objurgator ille, qui asperrimarum objurgationum plaustra exonerat in eum quem verbis castigatum cupit ?

II. Illustrissimum illud Angliæ sidus Thomas Morus artificiose prorsus & dextre objurgantem alterius linguam mansuetiores mores docuit. Sederat pro tribunali Morus cum ceteris iudicibus. Rei producebantur Zonarii sectores, præsentibus accusatoribus, qui crumenas sibi præfectas querebantur, nec aliud contendebant, quam nebulones illos talia ausos in patibulum rapiendos. Hic unus assessorum vir gravis, & grandis natu, ipsos innocentes & injuria affectos

Prov.  
c. 15.  
v. 4.

Gal. c.  
6. v. 1.

Staple-  
tonus  
in vita  
Mori  
c. 13.

fectos acerrimè objurgans : Hoc , inquit , incuriæ vestræ tribuendum : cur vestros sacculos non accuratius custoditis ? supina negligentia nebulonibus his occasionem offert furandi ; res vestras cautius servate , & tagaces manus facile vitabitis : qui sua negligit , furem facit. Morus audita tam importuna oratione senis , qui jus dicere , non increpare læsos debuisset , causam hanc in diem alteram rejecit. Interea noctu ex illis latrunculis unum clam è carcere ad se jussit adduci , & : Si cras , inquit , ad cognoscendas causas confederimus , nunquid poteris tu illi seni qui accusatores adeo culparat , crumenam subducere non observanti ? Gratiam à me inibis si feceris ; libertatem certam spera , si tamen furta non velis repetere : quid dicis ? Ille promissa venia lætissimus , omnia vicissim amplissime promittit : sibi modo fideret , se rem hanc strenue curaturum , & ad votum. Postera luce cum Assessoribus Morus confidet dicendis sententiis ; evocantur separatim rei : primus illorum fuit hic ipse latrunculus ad omnem nequitiam factus , & tanto jam animosior ad nobile facinus , quanto securior peccaturus : Iubetur ergo , si quid habeat pro se dicere. Ille velut ingenti pudore territus , abunde sibi suppetere , ait , quo suam innocentiam tueatur , id tamen infimis precibus rogare , liceat sibi in unius è iudicibus secretas aures causæ suæ momentum deponere. Permittitur ; unum ipse deligat quem velit ex omnibus. Senem morosum illum deligit. Itaque accedit trepidationem simulans , & nescio quod grande secretum in aurem seni demurmurat , eademque omnino opera crumenam ad latus pendentem exercitata manu præsecat. Arcana narratione finita , ad suum se locum recipit. Morus accepto rei bene gestæ indicio ,  
alium



aliud ex hac fæce hominem fisti jubet, cap-  
 tatque occasionem utriusque liberandi colla-  
 ta stipe : Quin hos miseros, inquit, dimitti-  
 mus, tanto severius si redeant puniendos.  
 Damnum si quod aliis intulerunt, nos sarcia-  
 mus. Neque vero tanti est. conferamus pe-  
 cuniarias symbolas, initium faciam; scio ne-  
 minem gravate secuturum: & cum dicto æs  
 reponit in mensa. Post Morum primus præ-  
 ne ordo marsupium senis evocarat. ille suam  
 symbolam prompturus, crumenam ubique  
 quærere, nusquam reperire; atque jam si-  
 num scrutari, jam caligas explorare, jam  
 manticam omnem excutere, huc illuc ocu-  
 los manusque mittere, non leviter erubescere,  
 indignari etiam ac turbas facere; &: quid  
 hoc, inquit, prodigii? compertissimum mihi  
 est, me in tribunal hodie non sine crumena  
 conscendisse: quis eam malus dæmon ave-  
 xit? Hic Morus vultu ac voce ad lenitatem  
 composita: Mi domine, inquit, ipse jam ex-  
 perimentum capis, quâ vigilantes etiam ocu-  
 los fallat Mercurius; nemo hic satis cave-  
 rit. Quare in posterum eos quibus hoc in-  
 fortunii contingit, ne acerbius objurga, jus-  
 sitque crumenam à latrunculo reddi. Hic  
 omnium risus consecutus est de sene, quem  
 Morus urbanitate tam faceta docuisset, non  
 tam aspere, præsertim infantes objurgare.  
 Vbi orationis lenitudo deest,

— os claudite

*Centuplice sera, pessulo centuplice*

Os illud maxime quod objurgationis ple-  
 num est.

III. Ergo vos, qui spirituales estis, hu-  
 jusmodi instruite in spiritu lenitatis. Pluri-  
 ma reprehendi possunt, sed moderate ac par-  
 ce. Moneri & corrigi, res à se inamœna est  
 & ingrata: quod si accedat verborum im-  
 moderatio & truculentia, jugum censetur

intolerabile, quod vel excutiendum sit, vel calcandum ipso contemptu. Plurima quoque commodius dicuntur soli & separate, quam coram aliis. Illud enim admonitioni, hoc objurgationi similis habetur. Socrates in convivio quendam suorum familiarium paullo acrius objurgarat. Nec dissimulavit hoc Plato, sed ad Socratem versus: Nonne, inquit, satius fuisset, hæc illi seorsim dixisse? Cui mox Socrates: Et quæso, ait, mi Plato, an non tu quoque rectius fecisses, si mihi seorsim hæc dixisses?

Christi præceptum est, eum, qui deliquerit, ter monendum ac instruendum, dum morbus illius conseatur immedicabilis. Iustus divini verba sunt: Si peccaverit in te frater tuus, vade & corripe eum inter te & ipsum solum; si te audierit, lucratus eris fratrem tuum. Deinde: Si autem te non audierit, adhibe tecum adhuc unum vel duos. Tertio demum: Quod si non audierit eos, dic Ecclesiæ. Si Ecclesiam non audierit, sit tibi sicut Ethnicus & publicanus.

Vt autem linguam objurgantem non refrenare solum sciamus, sed etiam tolerare cum ab effreni lædimur, nobile documentum Annæi juverit: Si merito objurgaverit te aliquis, scito quia profuit: Si immerito, scito quia prodesse voluit. Sed longe melior hac in re magister Apostolus Petrus, ut eos instruat qui plane insontes objurgantur aut multo acerbius, quam commeriti fuissent: Quæ est, inquit, gloria, si peccantes & colaphizati suffertis? sed si bene facientes sustinetis, hæc est gratia apud deum: in hoc enim vocati estis. Hæc aurea nominatur lingua Christianorum, quæ uti adulari nescit, ita insectari verbis, & carpere non consuevit, omnemque sermonis otiositatem studiosissime fugit. Hæc lingua præ ceteris videtur



detur digna, quam divinæ laudes occupent æternum.

## CAPVT XLIII.

*Quam frequens, & insolens sit Lingua OSTENTATRIX.*

**A**Thenienses Beroso Mathematico, quod multa velut vates prædixisset, quæ temporis series rerumque eventus vera monstrassent, statuam æneam in gymnasio posuerunt, statuæ tamen linguam inseruerunt auream. Ejus rei contrarium passim experimur. Est qui merito suo laudetur, dicaturque *aureus homo*, modo linguam prudentius nosset regere: En statuam auream, cui tamen vix plumbea sit, aut ærea lingua. Phariseus ille publicani contemptor, ex asse talis fuit; dixisses aureum hominem, qui jejuniis, qui eleemosynis, qui ceteris virtutibus sedulo vacet: sed ostentatrix ipsius lingua pæne fuit lignea, quæ pulchram hanc statuam plurimum foedavit: commendabiles fuissent Pharisei actus, si eos ipse non adeo commendasset.

Hæc Ostentatrix lingua sui domini elogia miris artibus novit in theatrum Honoris educere, & omnibus spectanda proponere. Linguae hujus labor pæne omnis in exor- nationis genere versatur. Laudare omnium optime novit; nec tamen laudat omnia, sed solum res sui domini. In suas sui que domini laudes excurrit amplissime, & longam narrationis seriem texit, ut à pluribus sciat- tur quam insignem habeat dominum qui merito vivus per ora virum volitet. Quam autem hæc ipsa *Ostentatrix* lingua suo domi- no sæpe noceat, dum stulte favet, nunc explicabimus, & quidem cum cura & paullo fusius, nam linguae vitium longe commu-  
nissi-

nissimum est *Ostentatio*, & valde noxium,  
& forsan non sentiet se feriri, nisi bene fe-  
riatur.

I. Quemadmodum mercator aut propo-  
la, laudat venales quas vult extrudere mer-  
ces, sic lingua *Ostentatrix* merces suas expe-  
dit non sine amplissima commendatione.  
Habet autem duplicis generis mercimonia,  
nam aut seipsum quis laudat, suum stemma,  
familiam, dotes sibi suisque concessas, aut  
laudat suam artem, scientiam, suum officiũ,  
suas functiones, opes suas ac potentiam. Hos  
*Sophon.* quidem *Sophonias* Magniloquos superbix  
*c. 3.* vocat. *Tobias* dehortatus filium: Superbi-  
*v. 11.* am, inquit, in tuo sermone nunquam domi-  
*Tob.* nari permittas. Sed & *Salomon* censoria fe-  
*c. 14.* rula *Ostentatricem* hanc linguam commo-  
*v. 14.* nefaciens: Laudet te alienus, inquit, & non  
*Prov.* os tuum; extraneus, & non labia tua. Me-  
*c. 27.* rito suo vapulat hæc lingua, non enim cu-  
*v. 2.* rat ut Deo placeat, sed ut honori ac famæ  
serviat, & semper in promptu habeat, quo  
glorietur.

*Iamb.*

*Vet.*

*Mens fama avara, obnoxia est iactantia.*

*2. Cor.*

*c. 10.*

*v. 12.*

*Ostentatores* istos irridens *Paulus*: Non  
enim, inquit, audemus inferere nos aut com-  
parare quibusdam, qui seipsos commendant.  
Sed ipsi in nobis nosmetipsos metientes, &  
comparantes nosmetipsos nobis. Hoc in fal-  
sos *Apostolos* dictum, qui omnia *Pauli* ex-  
tenuantes: Quid, ajebant, sit *Paulus*? episto-  
læ illius magniloquum quid spirant, sed cum  
ipse auditur, nec vox, nec elocutio, nec oris  
dignitas expectationi respondent; nos illi  
longe antestamus. Ita prorsus, inquit *Paulus*,  
ego homuncio non audeo his giganti-  
bus me comparare: intra meam me pellicu-  
lam contineo; non in immensum gloria-  
bimur. Hac ratione *Paulus ostentatricem*  
linguam repressit.

Nabucho-



DE OSTENTAT. LIN. 541

Nabuchodonosor Rex inter gloriabundos illos gigantes numerandus : Nonne , inquit , hæc est Babylon civitas magna , quam ego ædificavi in domum regni , in robore fortitudinis meæ , & in gloria decoris mei ?

Inñgnem stultitiam , & grandem superbiam hæ voces prodiderunt. Cumque sermo adhuc esset in ore regis , vox de cælo ruit : Tibi dicitur Nabuchodonosor rex , regnum tuum transibit à te , & ab hominibus ejicient te , & cum bestiis ferisque erit habitatio tua , & foenum quasi bos comedes. Quid ergo te jactas , ô Thraso , de divitiis , honoribus , majorum imaginibus ac prisco sanguine ? circumspice , ubi nunc illi sunt qui ante te tales erant ? tu brevi ubi eris ? ad illos transibis.

Si quis res gestas priscorum eremicolarum evolvat , quosdam ex iis post quadraginta aut quinquaginta annos in maxima vitæ austeritate actos , in turpia scelera ruisse comperiet. Sed ne miremur . nam hos virtutis suæ jactatores fuisse deprehendemus. At vero jactantia superbix filia est. Deus & filiam , & matrem extreme odit , & averfatur. Hinc etsi quis mille annis accurate Deo servierit , ubi seipsum commendare , & virtutes suas velut merces proponere incoeperit , omnem prioris obsequii gratiam corrumpit. Vade jactator , vade ; foetent obsequia tua , propter linguam tuam. Laudator sui idolum est , quod se ipsum colit , sibi cantat , sibi pinfit , sibi litat. Illud quidem non negandum , aliquos è numero sanctorum divino honori augendo , partim excitandæ spei , aut exhibendo exemplo , de seipsis quandoque non sine præconio locutos. Rex Ezechias : Memento Domine , inquit , quomodo ambulaverim coram te in veritate. Paulus invitus & aliorum improbitate coactus : Existimo , inquit , nihil me minus fecisse à magnis A-

postolis. In quo quis audet ( in insipientia dico ) audeo & ego. Ministri Christi sunt ; & ego ( ut minus sapiens dico ) plus ego. Sed rationem reddens dictorum : Quod autem facio, inquit, & faciam, ut amputem occasionem eorum, qui volunt occasionem: ut in quo gloriantur, inveniantur sicut & nos. Nam ejusmodi Pseudoapostoli sunt operarii subdoli, transfigurantes se in Apostolos Christi. Hæc eo dixit hic Orbis Ecclesiastes, ut decepti juvarentur, ideo à se dicta audaciam vocat & insipientiam. Imitemur vel umbram beati Pauli, quod Chrysostomus *Chryf.* *hō. 73.* monet, & si quæ ausa memoranda patravimus, non ea statim venalia in forum extrudamus, alioquin omnibus nos præmiis privamus. Rex Ezechias thesauros omnes perdidit, quia illos ambitiose monstravit. Sanctorum pæne omnium in rebus plurimis mens ista fuit : *Nemo sciat, nisi Deus.* Cum pictor loquitur, suamque picturam prædicat, ab omnibus pessime locutus arguitur; cum vero pictura loquitur, suumque laudat magistrum, à nemine non præclara locutio vocatur, neque enim aliunde plausum expectet artifex, quam ab suo opere: vox operis omnium vocibus antecellit.

I I. Iusserat Deus Mosen, è sinu manum producere, quæ omni ex parte visa est leprosa: jussus est iterum Moses eandem sinu abdere, & omnis inde lepra depulsa est. Quæ autem hæc subita mutatio? num aër corruptus aut arcana in sinu virtus, mutationis tam repentinæ causâ extitit? Quod si hoc miraculi loco habendum, cur id non in fronte, aut facie tota expressum, sicut in Ozia rege, & sorore Mosis Maria? Procopius Gazæus hunc in modum respondet. Manum Mosis Deus leprosam esse voluit, quandoquidem ea patraturus erat admiranda in Ægypto:



gypto : perinde si Deus præmonuisset Mo-  
sen : Miranda hæc opera ne manui tuæ tri-  
bue , nec illam ob ista osculare : Manus tua  
à se leprosa & inepta operi : ne illam igitur  
ostenta , velut mirandorum operatricem ;  
absconde potius , & doce illam erubescere  
sub veste. Pari modo si à nobis ipsis vir-  
tutes nostræ tegantur , longe tutiores erunt  
suæ sibi puritatis consciæ ; sin eas osten-  
temus , & velut venales proponamus , om-  
ni laude destituentur. Omnia maculat o-  
stentatrix lingua. Hinc sæpe permittit  
Deus , ut is qui omnia se scire aut posse pro-  
fiteretur , qui miram rerum experientiam ven-  
ditat , qui omnium regionum mores de-  
scribit , omnium nationum linguis loqui-  
tur , & ingentia quæque promittit , ut is ,  
inquam , subinde leprosam è sinu manum  
educat ; sic jactantia ipsius detegitur , pu-  
desit , odio esse incipit. Salomon hic vati-  
cinatur : Qui se jactat & dilatat , jurgia  
concitat.

*Prov.  
c. 28.  
v. 25.*

Thomas Morus hoc genus hominum ,  
prout meretur , insigniter tractare novit. Le-  
gatus ierat Bruxellas Morus ad Carolum V  
Imperatorem. Illic in aula tam celebri ne-  
scio quis gloriosulus fuit , qui ad aulæ valvas  
affixit chartam , qua in litterarium certamen  
provocabat quoscunque , responsurum se ad  
omnem cujuscunque juris quæstionem , vel  
quicquid demum in quacunque humanæ lit-  
teraturæ scientia proponeretur. Audacissima  
prorsus ostentatio ! Thomas Morus audita  
hominis tam petulanti vanitate , hanc è jure  
Britannico quæstionem posuit : Vtrum ani-  
malia capta in Withernamia sint irreplegi-  
bilia ? Addidit ; in familia Legati Anglici  
esse , qui ea de re disputare cupiat. Hic jacta-  
tori hærerere aqua , ostentatrix lingua non  
tantum titubare , sed & obmutescere : miser  
nec

*Staplet.  
in vita  
Mori.  
c. 13.  
circa  
mediū.*

nec voces quidem, nedum quaestionem intelligere, ad rem nihil respondere. ita suam ipse vanitatem agnoscere coactus, omnium denique sibilis ac risu vanissimus provocator exceptus est. I nunc puer gloriabunde, & viros laceſſe ad pugnam.

*Georg. Scherer tom. I. contro- vers. mihi pagina 643.* I I I. Non multum huic abſimile contingit Viennæ. Doctor Paulus Florenius, qui religionis, cui ſe addixerat, deſertor, plurimorum idiomatum ſe peritum jactarat. & credebatur iſ vulgo linguam Latinam, Græcam, Hebraicam, Syriacam, Chaldaicam, aliſque ſimiles egregie callere. Georgius Scherer Societatis I E S V ſacerdos ſchedam ad ſe delatam accepit, idiomate ignorabili ſcriptam, qualem dicuntur anus ad collum infantum ſuſpendere, febris amuletum. Hanc ille chartulam cum interpretari non poſſet, Florenium adire ſtatuit, optimam hanc occaſionem ratus, qua hominis multiplicem in peregrinis linguis ſcientiam experiretur. Hunc ipſum ergo adit, & ſchedam porrigens: Obſecro, inquit, ignorantem juva, & barbaros hos characteres interpretare. Ille non diu cunctatus, & linguæ illius peritiam audacter ſimulans: Illud idioma eſt, inquit, quo ſacerdotes Ægyptii utuntur in ſuis ſacris. Scherer gratias egit erudito interpreti, & mox in cubiculum ſecedens, tres voces germanicas iſtas, **Gånß gehen Barfuß** ordine inverſo ſcripſit, unde voces emerſerunt iſtæ, **Snäg / neheg / ſuſrab.** Accepto novo hoc ſchediaſmate, Patrem Chriſtianum, qui tum Theologiam publice docuerat, convenit: & quæſo, inquit, accede ſocius ac teſtis, mi Pater; exploremus, num D. Florenius, tot linguas calleat, quot ille ſibi cognitæ gloriatur, Paulo ante ſchedulam ei exhibui vocibus ignotis exaratam, ad quam

*Anſe-  
res  
eunt  
nudis  
pedi-  
bus.*



quam ille promptus respondit, esse sacra verba sacrificulorum in Ægypto. Equidem valde dubito an idioma illud didicerit. Florenium Reverentia vestra non nescit ambitiosum esse masculum, qui ne fateri cogatur ignorantiam, ex tempore confingit mendacium. Ita hi solent; fidentissime pronuntiant rerum omnium ignari; ne tales habeantur. Eamus igitur & denuo exploremus, quid eruditionis in homine lateat. En novæ schedæ mysterium: scripsi præpostere,

**Gans gehen Barsuß**; hæc illi scheda lapis Lydius erit. Audiamus obsecro novum Mithridatem, quid iudicii super hanc scriptionem ferat: sed laurum prius mordeamus, ut risum alioquin erupturum comprimamus. Ambo igitur ad Florenium revisunt; ubi Georgius Scherer: Doctor Paule Floreni, ait, veniam rogo, si negotium faceßam, hic iterum ignota me schedula fatigat. ritu mirabili scripta; quid istud obsecro idiomatis est, ecquis horum verborum sensus? juva meam in linguis infantiam. Doctor Florenius schedam curiose contuens, mox pronuntiat, &: illa ipsa, inquit, lingua est, quæ in chartula priore perscripta: Ægyptiæ linguæ verba sunt sacrificulis illis solemnna. Vbi pater Christianus hæc audiit, vix janua prehensa foras se eiecit, alioqui prorupturus in cachinnos. At vero Georgius Scherer vultum serium fingens, & velut persuasus valedixit. Inter hos duos postea satis risum est ob exasciatam hanc fabulam tam doctæ interpretationis.

IV. Hæc Ostentatricis linguæ sunt facinora, ut semper habeat quod magnifice loquatur, fingit. Verbum verus est, & verum: Ignavi homines plus habent verborum quàm operæ, lingua scilicet potentes, non item manu.

manu. bellator ore, plerunque pecus igna-  
*Isid. l. 2* vum est re. Præclare dixit Isidorus: Horret  
*de ser.* sapientia spumeum verborum ambitum. Eo  
*c. 29.* tamen illi potissimum utuntur, quibus verba  
 sunt sine \* penu & pecunia. Myndiorum o-  
 lim vilis fuit urbecula, sed portæ ingentes,  
 & magnifici operis. Diogenes ille notus è  
 Stoa philosophus, hanc urbis & portarum  
 dissimilitudinem contemplatus, exclamavit  
 publice: O Myndii portas claudite, ne per  
 illas urbs vestra exeat. In homine inanis  
 gloriæ appetente, hoc ipsum prorsus est vi-  
 dere. Portas is habet amplissimas, os supra  
 modum garrulum, & quod in sui domini  
 laudes excurrat laxissime. Sed plerunque ci-  
 vitatula hic latet vilissima, actus parum in-  
 signes, manus languidæ & leprosæ, virtutis  
 curtissima supellex. Atque hos suo nomine  
 \* Thrasones vocamus, qui ampullas & ses-  
 quipedalia verba jaciunt, qui quicquid ho-  
 stium est, super mensam debellant, & ut  
 Plautinus ille Bombomachides, decem uno  
 diffiant spiritu. Aristogiton, uti Plutarchus  
 memorat, passim in sermonibus bella crepa-  
 bat & arma; strategum dixisses animosissi-  
 mum. Cum vero miles scriberetur, crus pan-  
 nis obligans Aristogiton, gressus baculo ful-  
 ciebat, & ut piger canis claudicabat. Vidit  
 hunc è tribunali Phocion, qui mox castrensi  
 tabellario: Scribe, inquit, Aristogitonem  
 claudum, & mendacem. Hoc ostentatori-  
 bus solenne est, dum verbis agitur, nemo il-  
 lis animosior, nemo fortior; cum ad rem  
 venit, hic illi claudicant, jamque vix ser-  
 punt, qui antea volarant.

*Parad.*  
*Symb.*  
*her. mi-*  
*hi pag.*  
*115.*

V. Claudius Paradinus, linguam inter ge-  
 minas

\* Vil gschray/ und wenig Woll.  
 \* Prachthansen.



minas draconis alas pinxit, addita inscriptione, *Quo tendis?* Septis quidem & quasi valvis duplicibus Natura linguam repressit, hæc tamen nihilominus perrumpit claustra, & in apertum evolat. Arx in homine caput est; dentes, cancelli ossei; os, arcis porta; Ratio arcis domina, quæ linguam feræ instar coërceat. At hæc sæpissime fractis carceribus erumpens, draconum alas obtinet, fitque volans draco. Hæc jam alata fera, *Iacob. c. 3. v. 8.* plena veneno mortifero, huc illuc instar jaculi fertur, & plerunque primam omnium prædam proprias laudes sectatur, idque tam avidè, ut etiam in flagitiis gloriam inanem aucupetur. Sunt enim, qui lætantur cum *Prov. c. 2. v. 14.* male fecerint, & exultant in rebus pessimis. Cum autem gloria è vitiis summa sit igitur nomina, quærit regius psaltes: Quid gloriaris in malitia, qui potens es in iniquitate? *Ps. 51. v. 1.*

Quis autem volanti huic draconi alas affigit? Aut Superbia, aut Avaritia, aut etiam Opulentia. Superbia quidem hoc agit, nequis intus seipsum norit, atque ita longe majorem quam sit æstimet: Avaritia hoc docet, ut quis artem quam novit, apud omnes prædicet, quo eam carius vendat. Opulentia proprium est grande supercilium artollere, & spirare superbiam. Pompejus Magnus belli gloria, quam ipse sibi fingebat, insolens dicere non dubitavit; si terram vel semel pede pulsaro, totum Orbem ad arma provocabo. En alatum draconem, & orbe toto vagantem.

Has feras persequitur Deus, qui ad honorem suum attentissimus: Gloriam meam, *Is. c. 42. v. 8.* inquit, alteri non dabo. Omnia nobis, etiam seipsum dare paratus est, si modo nos illi suam gloriam. Hanc à nobis cumprimis exigit, ut non gloriatur in conspectu ejus omnis caro. *1. Cor. c. 1. v. 29.* Hilarius rationem reddens: Soli Deo,

548 C A P V T X L I V.

Deo, inquit, de se credendum est, qui se solus novit. Nos autem quam non novimus nos ipsos intus & in cute? Et cui non jure ignorantia sui obicitur? Quia dicis, quod dives sum, & locupletatus, & nullius egeo; & nescis quia tu es miser, & miserabilis, & pauper, & cæcus, & nudus. Abi ostentator, & disce teipsum nosse: non deerunt qui te hac in re juvent.

C A P V T X L I V.

*Quibus in rebus OSTENTATRIX lingua se potissimum efferat.*

*Marti. lib. 2. epig. 6. Comœdias & scenicas actiones scribis.*

**A**ttalum quendam perstringit olim poeta, epigrammate faceto:

*Declamas belle, causas agis Attale belle:*  
*Historias bellas, carmina bella facis:*  
*Componis belle mimos, epigrammata belle:*  
*Bellus Grammaticus, bellus es Astrologus.*  
*Et belle cantas, & saltas Attale belle:*  
*Bellus es arte lyra, bellus es arte pila.*  
*Nil bene cum facias, facis attamen omnia belle:*  
*Vis dicam quid sis? magnus es Ardelio.*

Ea fuit Attali jactantia, ut nihil non affectaret, in rebus omnibus se jactaret, plurima agendo nihil perageret. Et quia sibi uni eximie placebat: nunc se oratorem, nunc declamatorem, nunc historicum, nunc poetam est professus: Iam grammaticum, jam astrologum, jam lyristam & lusorem, jam musicum & saltatorem se jactabat; nihil horum erat, sed verissimus Thraso, & ostentator sui vanissimus, qui sibi omnia belle facere videbatur, & nihil bene faciebat, quod Ardelionum est proprium. Talis Attalus, qui omnia sibi tribuebat, & cum nollent alii, seipsum magnifice laudabat. Hem quam ampla est etiamnum horum Attalorum familia! quam multi sunt, qui seipsos unice admirantur, & suspi-



suspiciunt, hinc de seipsis multa & graviter & honorifice prædicant, magnamque à se ipsis laudem ferunt in rebus pæne omnibus. Potissimum tamen quinque rerum capita sunt, de quibus ostentatrix lingua gloriari solet. 1 De forma & corporis viribus. 2 De genere ac nobilitate. 3 De vestitu, supellectili, opibus. 4 De ingenio, ac eruditione. 5 De Virtute, ac dotibus animi: imo tanta ostentandi se libido est, ut etiam de vitiis gloriemur. Quam autem ostentatrix lingua, inanem & stultam sumat operam, cum in his talibus gloriatur, hac dissertatione explicabimus.

I. Primum Ostentationis genus est de forma & robore gloriari. Sed heu quam breve, quam & fragile bonum est forma? nihilo firmior est illa quam tempus, cum eo veniens, cum eodem fugit. Siste, si potes, tempus, poterit & forsàn forma consistere, quæ ut amœnus flosculus, inter ipsos mirantium atque laudantium oculos evanescit: brevis hunc pruina percutit, levis hunc aura decutit, vel inimicæ manus ungue carpitur, vel prætereuntis calce premitur, & perit: ita formam febricula, morbique alii extinguunt. Quanti facienda sit forma, mors ostendit, nec mors sola, sed senectus & paucorum annorum spatium, imo vel unius lucis repentina commotiuncula.

*Forma bonum fragile est, quantumque accedit Ovid. l.*  
ad annos, *2. am-*

*Fit minor, & spatio carpitur ipsa suo.* *rum.*

Hæc expertus quandoque formosus ille Romanus Princeps Domitianus; qui amico scribens: Scias, inquit, nec gratius quidquam decore, nec brevius, quamvis, etiamsi durabile perpetuumque naturæ donum esset, non intelligo, quid tantopere habeat expetendum

iste non solidus, nec in ipso homine nisi superficie tenus fulgens decor, multaque sæda & horrenda contegens.

*Amb. de insti. virgin. l. 3.* Cur obsecro Deus conditi orbis initio creata omnia laudavit, solius hominis laudes tacuit? Ambrosius causam assignans: Creatorum omnium bonitas, inquit, in exteriori specie sita erat, non item hominis, propterea laudabantur illa, non homo, qui prius laudandus non est, quam per exteriores actus interiorem bonitatem demonstret. Hinc à sola exteriori forma laudari, vanissima laus est.

Forma libidinis fomentum, multis acerbis ac turpis interitus causa fuit: forma morborum & temporis ludibrium quam non longa floret æstate! quid jactas tam volucres bonum! mox flava cadet cæsaries, albescent reliqua, purpurascens genas & serenam frontem squalentes arabunt rugæ, lætas oculorum faces & lucida sidera mœstæ obducent nubes, candidum ac lævedentium ebur scaber atteret situs, recta cervix agilesque humeri curvescent, miniata labra expallescent, aridas manus & recurvos pedes suspicaberis non esse tuos. Quid multa? Veniet dies quo te in speculo non agnoscas: testes oculi dicent, *aut alius es, aut tibi ipse dissimilimus es.* Quid ergo miramur tam caduca? quid de vitiorum adjumentis gloriamur?

Quid veteres hac in re senserint, non ignoramus: Raram aiebant illi esse concordiam formæ atque pudicitiae, raram mixturam formæ atque sapientiae. Vtrumque verum, nam luculenta forma meliorem non reddit animum, quem sæpissime in periculum trahit; moribus censendus est homo. Est & animo sua pulchritudo multo suavior certiorque quam corporis, & ipsa quoque suis legibus, atque apta suarum partium

dispo-



dispositione subsistit. Illam optare, illi operam impendere dignum est, quam nec longa dies deteret, nec morbus, sed nec mors extinguet. Quid attinet gloriari eo, quod neque nostrum est, neque diutius servare possumus; quod habuisse nulli, quod contempsisse multis gloriosum fuit. Mitto alios: Spurinam non naturalis forma nobilitavit, sed ultro accersita deformitas ornavit. Fallax <sup>Prov.</sup> gratia, & vana est pulchritudo. <sup>c. 31.</sup>

Quæ de forma, eadem de robore corporis affirmamus. De robustis viribus gloriari, taurina gloria est. Bos aut elephas hac in re gloriosior sit, quia robustior. Deinde nulli unquam tantæ vires obtigerunt, quæ vel labore immodico, vel acri morbo, vel cuncta vincente senio non fuerint fractæ. Invicta & infatigabilis est vis animi, quæ veram parit gloriam. Nemo Milone robustior fuit, sed clariores multi. Virtus vere laudanda mole corporea non eget; in animis habitat. Quid nostris viribus triumphamus, cum multas belluas hac in re superiores habeamus? Erravi, quod nostras appellarim vires, cum eæ non sint nostræ, sed hospitii nostri, imo carceris nostri. Vanum est autem, cum ipse sis fragilis, de valido habitaculo (dicam melius) de robusto adversario, qui te sæpius prostraverit, gloriari. Num mortuus decenter gloriaretur de sepulchro? foris nitet, intus putret & fætet. Divinus ille concionator, ut humanæ ostentationi alas incideret: Verti me, inquit, ad aliud, & vidi <sup>Eccli. c.</sup> sub sole, nec velocium esse cursum, nec for- <sup>9. v. 11</sup> tium bellum, nec sapientium panem, nec do- <sup>c. 12.</sup> ctorum divitias, nec artificum gratiam: sed tempus casumque in omnibus. Et ne quis viribus suis inaniter fidat, adjungit hoc monitum: Nescit homo finem suum; sed sicut pisces capiuntur hamo, & sicut aves laqueo

comprehenduntur: sic capiuntur homines in tempore malo, cum eis extemplo supervenerit. Milonem omnibus palæstris celebratum & cognitum, arbor una detinuit, lacerandumque feris obtulit. Sic illud eximium robur, fissæ quercus robori impar inventum est. Samsoni heroum longe fortissimo robur omne ademit acies novaculæ. Ille qui leonem velut hædulum lubibundus discerpsit, in puellæ gremio corporis & animi robur omne perdidit. Ergo, Melior est  
*Sap. t. 6. v. 1.* sapientia quam vires, & vir prudens quam  
*1. Reg. t. 2. v. 9.* fortis. Siquidem non in fortitudine sua roborabitur vir. Anus quæpiam cum Iovinianum Imperatorem Romanum mole corporis excellentem & validum, sed parum intelligentem vidisset, exclamasse fertur: O quam bonam domum hic habet amentia! Putat  
*Valer. Max. lib. 9. c. 12.* Valerius, nimio robore membrorum, vigorem mentis hebescere, quasi abnuente natura utriusque boni largitionem: ne supra mortalem sit felicitatem, eundem & valentissimum esse & sapientissimum. Ergo non  
*Hier. c. 9. v. 23. c. 24.* gloriatur sapiens in sapientia sua, & non gloriatur fortis in fortitudine sua, & non gloriatur dives in divitiis suis: sed in hoc gloriatur qui gloriatur, scire, & nosse me; quia ego sum Dominus, qui facio misericordiam & iudicium, & iustitiam in terra. Linguam magniloquam disperdet Dominus.

II. Alter Ostentationis impetus est, de genere ac nobilitate gloriari. In ceteris forsitan homines nos haberi non indignamur, hic supra humanam conditionem efferimur, & Dii nobis videmur. Is profecto fastus est quorundam, ut præter se neminem æque hominem censeant nisi pariter nobilem. Propago vetus, prosapia nobilis, generosa origo, ornamentum est hominis, non negamus, sed hominis illius, quem non sanguis  
 solum,



solum, sed & virtus nobilitat. Ille vere nobilis est qui strenue agendo nobilitatem peperit, non nascendo accepit. Alienum est, cui de nostro nil inest. atqui alieno gloriari, ridicula prorsus ostentatio est: avorum merita, nepotum degenerantium notæ sunt; nec aliud magis posterorum maculas aperit, quam majorum splendor ac gloria cui posterum non respondent. Veram laudem nisi de proprio sumpseris, ab alio non expectes. Agendum, quisquis nobili altoque sanguine viscerari, virtute & factis te nobilem proba non verbis. Nam & majores tui nisi aliquid dignum egissent laude, nunquam nobiles fuissent. Vbi generis antiqui est nobilitas, ibi necesse est antiqua fuerit virtus, sine qua vera nobilitas non est. Sæpe magna est parentum claritas, sed tanto major obscuritas filiorum. Corpus & patrimonium à parentibus accipimus, non ita claritatem. hanc & qui habet, raro in filium transfert, & qui non habet, subinde illam in filio videt. Quantum patre clarior Cæsar, quantum obscurior Africani filius? Amare illum potuit pater, illustrare non potuit, infinitam suæ lucis eclipsim passus in filio. Ita raro excellentis viri filius excellens est; ita nominis claritas non nascendo quærenda est, sed vivendo, sæpe etiam, quod miraberis, moriendo. Ita verus nobilis non nascitur, sed fit. Platonem Philosophia non accepit nobilem, sed fecit. Desinamus igitur nostrum nomen alienis obumbrare virtutibus, ne unoquoque suum reposcente, nudi de proprio rideamur. Sed ego, inquis, non sum cornicula, quæ alienis se pennis jactet; multa mihi est claritas sanguinis. Ah, quid hac de re gloriaris? Omnis propemodum sanguis est concolor, sicubi forte alter altero clarior inventus sit, non id nobilitas efficit, sed sanitas. Et

554 C A P V T X L I V.

quam opportune hic illud Aquinatis poëte  
occinam ?

*Iuv.  
sat. 8.  
v. 1. &  
seqq.*

*Stemmata quid faciunt , quid prodest , Pontice  
longo*

*Fra-  
Eras a-  
vorum  
statuas.*

*Sanguine censei, pictos ostendere vultus  
Majorum, & stantis in curribus Æmilianos ,  
Et Curios jam dimidios, humerosque minorem  
Corvinum, & Galbā auriculis, nasoque carentē?  
Quis fructus generis, tabula jactare capaci  
Corvinum, post hac multa contingere virga  
Fumosos Equitum cum dictatore magistros .*

*Fasci-  
bus,  
magi-  
stratus  
infig-  
nibus.*

*Si coram Lepidis male vivitur ?*

*Avorum & proavorum atque atavorum sta-  
tuæ in armariis per atria dispositæ, vetusta-  
te exesæ, fumosæ ac mutilatæ, inquit poëta,  
nobilitatem tibi non dabunt , si mores de-  
sint , si tu ante imagines majorum tuorum  
pessime vivas , tota nocte alea ludas , auro-  
ram poculis salutes .*

*Tota licet veteres exornent undique cera*

*Atria, nobilitas sola est, atque unica, virtus.*

*Cur enim Q. Fabius , Q. Fabii Maximi Al-  
lobrogici , Imperatoris clarissimi filius, ma-  
jorum gloria efferatur, eorumque titulos si-  
bi adsciscat , cum vitam luxu perditam &  
majoribus indignam agat ?*

*Ovid.  
lib. 13.  
meta-  
morph.  
post  
init. in  
orat.  
Plysis.*

*Nam genus & proavos, & qua non fecimus ipsi,  
Vix ea nostra puto ———*

*Hieron.  
epi. 22.  
ad Ce-  
lant.*

*Beatus Hieronymus Celantiam nobilem fe-  
minam modestiæ commonefaciens : Nulli  
unquam, ait, de generis nobilitate te præfe-  
ras, ne obscuriores quasque & humiliore lo-  
co natas mulieres te inferiores putes. Nescit  
enim religio Christiana personas accipere,  
nec conditiones hominum , sed animos in-  
spicit singulorum. Servum & nobilem de  
moribus pronuntiat. Sola apud Deum liber-  
tas est non servire peccatis. Et nunquid non  
omnium una est nascendi conditio ? nun-  
quid non & moriendi una est conclusio ?*

*Iudæo-*



Iudæorum perpetua fuit hæc ostentatio, genealogias suas omnibus recitare, & ore quanto assidue illud crepabant? *Semen Abrahæ sumus*, & nemini servivimus unquam. Quibus Humilitatis magister opportunissi- me: Si filii Abrahæ estis, ait, opera Abrahæ facite: omnis qui facit peccatum, servus est peccati. Quid igitur ostentatrix lingua sanguinem altum intolerantius jactat? In alto nasci nec tranquillum certe, nec semper tutum est, etsi sit clarum. Scitum est illud Iyrici poetæ: Sæpius ventis agitur ingens pinus, & celsæ graviore casu decidunt turres, feriuntque summos fulmina montes: uti nemo naufragium in sicco, ita nec præcipientium in imo metuit. Nil præterea tam altum, quod non & sollicitudini, & labori, & invidiæ, & pavori ac mærori, & in finem morti pervium. Omnem sane fastum eminentiamque mortalium, sola mors in planum redigit. Quot fuerunt nobiles familiæ, quarum hodie superstes nemo, & vix ulla est memoria? Omne quod in tempore oritur, cum tempore occidit. Omnia tempus imminuit consumitque. Nobilitas quam longa dies peperit, longiorque auxit, longissima subruit. Ponamus cristas; nemo vere nobilis est, nisi & modestus sit. Linguam magniloquam disperdet Dominus.

III. Tertium Ostentationis genus à victu & vestitu, à numis & opibus crescit. Virtutum nutritrix optima est paupertas, opulentia vitiorum. Vbi divitiæ, illic plerunque sunt & vitia, & tamen nemo se pauperem esse gloriatur, divites videri omnes volumus, etiam ii sæpe, quos occulta conficit egestas. Ecquis est qui facultates suas nec verbis, nec factis prædicet? Difficillimum est ostentatrici linguæ accrescentes divitias non subinde prædicare: minus inanis esset glo-

riatio, modo gaudium, tranquillitas, virtus cum crescentibus divitiis crescerent. At contrarium experimur: quanto magis hæc crescunt, tanto illæ decrescunt magis. Si ad clarissima rerum exempla reflectamur, videbimus Romanos dum fuere pauperes, omnium gentium, imo & vitiorum fuisse victores; tum vinci cœpisse, cum opulenti evasere. Sic ad divitiarum adventum discesserunt virtutes ac victoriæ, simulque opum comites delitiæ ac libidines in virtutis locum subierunt, ut non immerito illius ævi scriptores, Romanæ paupertatis interitum querantur. Divitiæ plurimos faciunt non divites, sed occupatos, non dominos sed custodes & servos. Qui multas opes congeffit, rem habet quæsitu difficilem, custoditu anxiam, amissu stabilem. Et multo plures sunt, qui habentur à divitiis quam qui eas habent. Hinc prophetæ testimonio viri divitiarum, non divitiæ virorum sunt. Nihilominus gloriamur de divitiis, quæ sæpe non dona, sed vincula, sed compedes, nec jam ornamenta corporis, sed impedimenta animi, & sollicitudinum atque formidinum acervi sunt. Divitiæ multis attulere mortem, requiem abstulere fere omnibus. In vepribus sopiuntur, qui in divitiis quiescunt. Gravis sopor qui aculeos non sentit. Sed venit ecce vox, quæ male sopora-

*Pf. 75.* tos excitet: Dormierunt somnum suum, &  
*v. 6.* nihil invenerunt omnes viri divitiarum in  
*Pf. 48.* manibus suis. Et vae illis, qui in multitudi-  
*v. 7.* ne divitiarum suarum gloriantur. Non est bona gloriatio illorum. Ecquid etiam de lauto victu, de splendido vestitu gloriamur? An nobis ideo plus parcent vermes, quam duro agricolæ, an non cibo molliore vescentur avidius? Scimus, etsi forte dissimulemus, nos illi convivio præparatam escam, & forte jam cenæ tempus instare, certe autem longius



DE OSTENTAT. LIN. 557

gius abesse non posse: Nam & brevis est lux,  
famelicque convivæ, & quæ mensam in-  
struit, mors impigra. Quin potius nos pu-  
det, more pecudis gaudere pabulo, & cibo-  
borum fieri reconditorium, & dolii vi-  
cem subire, seque insuper de hoc magnifi-  
ce jactare, & gloriam ducere, se gulæ ser-  
vum fateri! Quid porro gloriolæ captamus,  
cum vestium nostrarum pretium prædica-  
mus, tanquam si nobile sit factum, in veste  
totum patrimonium circumferre, & posse  
dicere: *tanti ceno, tanti vestior*. Non est lau-  
dis, tot sumptibus suum sibi carcerem orna-  
re. Sed nos omnia eo molimur, ut divites  
habeamur: hinc illæ ventosissimæ narratio-  
nes: tot mihi sunt prædia, tanta prædiorum  
merces, tot annui proventus, tanti redditus,  
tot argentea vasa, tantum numeratæ pecu-  
niæ; horum omnium vanissima est osten-  
tatio. Rex Ezechias cetera laudatissimus, & 4. Reg.  
in amoribus Deo, hoc uno tamen graviter c. 20.  
deliquit, quod palatii sui thesauros ambitio- v. 27.  
sius exteris monstravit. Non videbatur huic  
humanitati hæere noxa: Nihilominus I-  
saïas divino jussu sententiam pronuntiat:  
Ecce dies venient & auferentur omnia, quæ  
sunt in domo tua, & quæ condiderunt pa-  
tres tui usque in diem hanc, in Babylonem:  
non remanebit quidquam, ait Dominus. A-  
deone grande piaculum est, domus regiæ ga-  
zas regiis legatis ostendere? Tantopere Deus  
ostentationem omnem odit, ut vel parvam,  
vel in amicissimis sæpe magno puniverit  
supplicio. Non ergo gloriatur dives in divi- Hier.  
tiis suis. Linguam magniloquam disperdet c. 9.  
Dominus. v. 23.

IV. Quartum ostentationis specimen est,  
ob ingenium & eruditionem se jactare.  
Communis hic furor est, ingeniosum malle  
quam laboriosum dici: Non neminem re-

Sen. l.  
de pro-  
vident.  
s. 5.

Sen. de  
Tran-  
quill.  
c. 15.  
fine.

perias tam stolidum, qui eo solum nomine laborem fugiat, ne minus videatur habere ingenii, quo plus infumit laboris. Infamia luculenta: Cum non raro ingenium optimum pessimus quisque habeat: Labor, ut Seneca loquitur, optimos citat. Bene laborare, quia industriæ, simul & laudis est; ingenium fortiri bonum, etiam pigerrimus potest, imo & nequissimus. Et tamen nescio qua ratione amœnius ad aures nostras accidunt hæ voces, *Ingeniosus est*, quam illæ, *Laboriosus est*. Hinc illæ suimet commendationes: Promptum mihi & velox ingenium est. Vtinam promptum & velox sit ad virtutes. Alioqui quo velocius, eo propius ruinæ. Pretiosa est animi supellex, præclarum ingenium, non negamus, si tamen bonis artibus applicetur: si minus, periculosa, sibi aliisque exitiosa. Ingenia felicissima frequenter exorbitant turpissime. Annæus ex Aristotelis mente asserit: Nullum magnum ingenium sine mixtura dementiæ fuisse. Iulianus Imperator Apostata magni fuit ingenii, sed tanto sibi & terrarum Orbi exitiosior, quanto ingeniosior. Hujus generis plurimos vetus recensque memoria numerat, qui si minus ingenii habuissent, minus nocementi tam sibi, quam aliis intulissent. Vix quidquam in rerum natura exitiosius est, quam altum ingenium malis artibus imbutum, aut pravis opinionibus corruptum. Ingenium magnum sed pravum, præcipitio semper proximum: tutius est semper ingenium bonum ac modestum, quam excellens, quod illud in malum non facile flectatur, hoc in diversa sit volubile. solent qui de se magnifice sentiunt, præfidenter majora viribus aggredi, inque nisu medio prolapsi suo vel periculo vel pudore condiscere, quam iusti fuerint rerum æstimatores suarum. Addo & illud quod

Roma-



DE OSTENTAT. LIN. 359

Romanis sapiens affi. mat : Ingenia quo il *Idem*  
 lustriora, hoc plerunque breviora sunt. Nec *Conso-*  
 fere quidquam odiosius est sapientiæ, quam *lat. ad*  
 nimium acumen : ideo veteres invisam Pal- *Mar-*  
 ladi finxerunt araneam, cujus subtile opus ac *c. 23.*  
 tenues telæ sunt, sed fragiles, nullique usui :  
 Ingenia magna & subtilia, sæpe maximo-  
 rum initia malorum fuerunt. Raro magni  
 errores, nisi ex ingeniis magnis prodierunt.  
 Sed & hoc quotidiana loquitur experientia,  
 in uno eodemque homine ingenium quan-  
 doque summum, & nullum esse iudicium,  
 quod moderari deberet ingenio : ita quidam  
 doctissimi sunt, doctrina vix uti possunt. An  
 non istud superbiam omnem & vanissimam  
 ostentationem coërceat ? Quanti sunt nihi-  
 lominus qui non ingenium duntaxat suum,  
 sed & sapientiam suam jactitent. Sed mihi  
 credite, si vere sapientes essent, nunquam se  
 esse dicerent. Sapiens cum intelligat, quan-  
 tum sibi desit, non solet de rebus suis gloria-  
 ri, nec sapientiam sibi familiarem opinari.  
 Primus ad stultitiam gradus est, se sapien-  
 tem credere ; proximus est, se sapientem  
 profiteri. At horum non paucos numerave-  
 ris. Quam bene res irent hodie, si tot essent  
 sapientes, quot sapientiæ professores. Nunc  
 illorum paucissimi sunt, horum maximus  
 est numerus. Felicissimam dixerim ætatem  
 nostram, quæ non unum duosve vel septem  
 sapientes, sed in singulis urbibus, ceu pecu-  
 dum greges numerat quam plurimos. Sed  
 videte quanto errore. Proprium est sapien-  
 tis, suam in rebus plurimis ignorantiam nos-  
 se ac fateri, quod ostentatores illi omnium  
 minime faciunt. Audite, obsecro, ostentato-  
 rem insignem : Vos nescitis quidquam, ait *Ioan.*  
 Caiphas, nec cogitatis, quia expedit vobis, *c. 11.*  
 ut unus moriatur homo pro populo, & non *v. 50.*  
 tota gens pereat. Omnes alios ignorantia,  
 teme-

*Iob.**c. 32.**v. 10.**Idem**c. 12.**v. 2.*

temeritatis, & inconsiderantiæ damnat? se unum prudentem, circumspectum, sapientem venditat. Sic Iobi cognatus Eliu: Audite me, inquit, ostendam etiam vobis ego meam sapientiam. His talibus illud Iobi opportunissime objicitur: Ergo vos estis soli homines, & vobiscum morietur sapientia? At sapientem, inquis, non nemo me dicit. O te bonam, sed fatuam oviculam! quam creduli & quam faciles in fidem sumus, cum de laudibus nostris agitur! Quam suaviter Demosthenem titillavit, cum eum anus Attica digito monstraret, diceretque: *Hic est ille Demosthenes.* O vane gloriator! non te tuæ, neque alienæ voces sapientem facient, sed res ipsa. Vulgo sapientes insaniunt, & insani sapiunt. nihil est à virtute vel à veritate remotius quam vulgaris opinio, quæ falsa pro veris, vera pro falsis habet. Et quid nostro hoc ævo litterarum & inscriptionum tituli non audent, quem non nobilissimum & maxime strenuum, quem non eruditissimum ac jurisconsultissimum, quem non prænobilem, amplissimum, magnificentum, generosum, perillustrem, illustrissimum faciunt? hic garriendi & adulandi libertas infinita. & facilius putant hæc scribi quam dici, nam littera non erubescit. Sed quid aliis ô vane gloriator de te credis? te ipsum de tuis rebus interroga. Vis nosse quam sis sapiens? oculos in tergum reflecte: Recordare obsecro, quoties in hoc vitæ cursu cespitaveris, quoties aberraveris, quoties offenso pede cecideris; quot dolenda, quot poenitenda, quot erubescenda commiseris: jam si audes, te dicito sapientem. Præstat igitur (mihi crede) falsas opiniones abjicere, insolentiam deponere, insipientiam circumspicere, & optare, ne qua experiendæ sapientiæ necessitas incidat, quæ declaret



nos de nihilo gloriatos: Hæc rectior tutior-  
que quærendæ sapientiæ via est. Nihil e-  
nim altius ascendit, quam operosa Humili-  
tas. Non ergo gloriatur sapiens in sapientia *Hic. e. 5*  
sua. Nam linguam magniloquam disperdet *v. 23.*  
Dominus.

V. Quintum Ostentationis caput est, de  
virtute, imo & de vitiis gloriari. Cum deest  
Ostentatrici Linguæ quod jactitet, tunc  
ampullantia & sesquipedalia verba, tunc vi-  
tream fractam & somniorum interpreta-  
menta, tunc fabulosos sententiarum strepi-  
tus spargit. Sed nunquid non saltem de vir-  
tute gloriari licet? Ut liceat, in illo solum  
est gloriandum, qui virtutis & bonorum  
omnium solus auctor & largitor est. Sed  
nos plerunque in nobis atque de nobis, no-  
strisque virtutibus gloriamur, dum fatue  
credimus, pluribus atque majoribus nos  
præditos virtutibus, quam simus. Funda-  
mentum veræ virtutis humilitas, nec tanta  
claritas est ulla, quam elatio non obscuret.  
Scit hoc ille, qui clarissimus creatus, sed  
quia seipsum efferebat, non tantum obscu-  
rus, sed tenebrarum princeps est factus.  
Quod si Angelorum nobilissimus sic præci-  
pitatus est, quid alii de se sperent, quid fiet  
vermiculis, si Angelis non parcitur super-  
bientibus? Non solet esse virtus jactatrix  
aut miratrix sui, sed imitatrix alieni, ubi-  
cunque demum emendatius viderit exemplum.  
Itaque semper anhelans, semper altius aspi-  
rans, dum se comparat, parvi pendit. Nun-  
quam virtus consummatam se judicat, non  
confidit nisi Deo, nihil sibi arrogat. Scit hoc  
tempus esse militiæ, non triumphi aut glo-  
riationis, atque ideo nunquam torpet, &  
semper in actu est; semper quasi nunc pri-  
mum incipiens accingitur, nec unquam se  
omnia perfecisse credit. Non est virtus, error  
est

2. Cor.  
c. 10.  
w. ult.

est virtutis adversarius, sui ipsius commendatio. Non enim qui seipsum commendat, ille probatus est, sed quem Deus commendat. Quisquis ad virtutis jugum ascendisse se credit, in hoc primum fallitur, quod ubi se credit esse, non est. Siquidem nil tam profectui adversum, quam magni profectus opinio nemo studet agere, quod peregisse se putat. Qui omnem vitam suam ante oculos ponit, perque dies singulos actuum ac verborum & cogitatum rationem à seipso exigat, incorruptus rerum suarum arbiter, videbit quantum vacui sit in animo, quantum occupent vitia: qui conscientiam suam interrogat, aliter de se sentit, quam qui tantum famam. Sed ego ipse, inquis, mihi vir bonus videor. Ergo certe malus es. Boni enim sibi displicent, seque accusant. Sed forsitan & tibi, & aliis bonus videris? Quid si tu malus, illi autem stulti sint? Nec scintilla quidem est solidæ gloriæ, tametsi vulgus omne una voce nos laudet. Iam dixi: nulla pronior ad errorem atque ad præcipitium via est, quam per vulgi vestigia. Quicquid pæne vulgus laudat, vituperio dignum est. Quicquid fere vulgus cogitat, vanum est; quicquid loquitur, falsum est; quicquid improbat, bonum est; quicquid approbat, malum est; quicquid prædicat, infame est, quicquid agit, stultum est. I nunc, & infamorum sermunculis gloriare. Ecquid omnium laudes, quid omnis humanus favor est? Pulchra & multicolor iris. Et quid iris est? nubes opaca & roscida, in \* aquam brevi abitura. Nec ille quidem ad gloriam veram pertigit, qui omnibus placet. Placentes

\* Jetzt bistu lieb und werth/ heut  
Morgē als verfehrt; schabab.



centes hominibus Deus spernit, & hominibus placere, displicere Deo est, contraria contrariis gaudent. Quapropter, Nolite <sup>1. Reg.</sup> multiplicare loqui sublimia gloriantes; re- <sup>c. 2.</sup> cedant vetera de ore vestro. Nemo virtute <sup>v. 3.</sup> sua, quamvis vera, sed in ipso virtutum omnium auctore gloriatur. Qui contrarium facit, non modo non assequitur, quod non habet, sed idipsum quod habet, vel imminuit, vel amittit.

Sed sunt quidam virtutum adeo inanes, ut vel ipsis vitiis gloriantur: Peccatum suum <sup>Isa. c. 3</sup> quasi Sodoma prædicaverunt, nec absconde- <sup>v. 9.</sup> runt. Ambrosius in hos graviter invehit: Plerique, ait, in suis lapsibus gloriantur, & <sup>Amb.</sup> putant etiam laudis esse, quæ criminis sunt. <sup>lib. de</sup> Iam in laude ponitur, vino se obruere, sim- <sup>Apol.</sup> plicem circumvenire, alienam pudicitiam <sup>David.</sup> expugnare, suam in omne flagitium abjicere. <sup>c. 9.</sup> Non falsissima solum hæc est gloria, sed etiam foedissima. Nec ego in tam flagitiose gloriantes aliud fulmen torqueo, quam quod olim in eos sanctissimus rex torserat his verbis: Quid gloriaris in malitia, qui potens <sup>Pf. 16.</sup> es in iniquitate: tota die injustitiam cogita- <sup>v. 1.</sup> vit lingua tua. Propterea Deus destruet te <sup>Ps. 5.</sup> in finem; evellet te, & emigrabit te de tabernaculo tuo, & radicem tuam de terra viventium.

Radicitus extirpaberis è vivis, futurus miser æternum. Hic finis falsæ ac fædæ gloriæ.

Quid igitur ô vanissimi mortalium, quid vires ac formam corporis jactamus, quid nostram ipsi profapiam prædicamus, quid opes ac divitias crepamus, quid ingenium & eruditionem ostentamus, quid virtutes nostras, aut quod longe turpius, nostra vitia in gloriæ censu numeramus? Gloriam veram nunquam assequetur, qui falsam tam sedulo quæserit, Vide

*Amus-* Vide obsecro, mi Lector, quæ de Vana  
*sis l. 2.* gloria differuimus in Amussi rectæ Inten-  
*e. 4.* tionis. Hic solum ostentatrix lingua erat  
*e. 5.* configenda.

## CAPVT XLV.

*Quæ plerunque pæna Linguam* OSTENTA-  
 TRICEM *soleat comitari.*

**E**Rudite dixit quispiam è sapientum nu-  
 mero, tria esse vitia linguæ admodum  
 frequentia. Primum eorum est, inquit, qui  
 pauca sciunt, & doceri nolunt. alterum eo-  
 rum qui multa sciunt, sed ea docere nolunt.  
 horum denique tertium, qui optime quidem  
 docent, sed pessime vivunt, atque de alter-  
 utro certe, si non de utroque gloriantur:  
 eruditionem jactant, quam malis moribus  
 refutant. O grave linguæ vitium Iactan-  
 tiam! Hanc sanctissimus Rex David *Lin-*  
*guam magniloquam*, beatus Iobus *verba ventosa*  
 vocitat. Hujus linguæ stolidum ingenium  
 utcunque spectandum proposuimus, nunc  
 quæ hoc oris vitium poenæ comitari sole-  
 ant, exponemus.

**I.** Ostentatricem linguam passim hoc  
 supplicii comitatur, ut dum superbo se vo-  
 latu jactat, alienæ linguæ jaculo repente fi-  
 xa concidat. Rex Antiochus Annibali pro-  
 fugo argenteum suum exercitum ostendit,  
 & quæsiit: Num hæc satis forent Romanis,  
 contra quos erat bellaturus? Imo vero, in-  
 quit Annibal, satis; etsi avarissimi sint. Apte  
 tetigit regiam ostentationem. Non raro pu-  
 niuntur lingua, qui lingua delinquunt. Babe-  
 licæ turris structores non lepra percussi, non  
 aquis submersi, non incendiis consumpti,  
 non terra dehiscente absorpti, sed lingua-  
 rum confusione puniti. Ab Ostentatrice  
 Lingua vanissimum illud ædificium cœpit:  
 Veni-



Venite, aiebant, faciamus nobis civitatem & Gen.  
 turrim, cujus culmen pertingat ad cælum : c. 11.  
 & celebremus nomen nostrum. A lin- v. 4.  
 gua peccatum, à lingua peccati supplicium  
 fuit.

In convivio affederat virgo cultior quam  
 ditior, & quæ suum omnem censum secum  
 circumferebat. Epulæ lautæ, & quæ soler-  
 tissimam gulam irritarent, inferebantur. Il-  
 la tanquam conducta ad has lautitias spe-  
 ctatrix, sedebat sine cibo, viva statua; neque  
 tam videri volebat abstinens, quam dives  
 & opulenta, cui domi satis esset cupedia-  
 rum. Hortantur alii & aliæ, ut manum  
 cum ceteris admoveere, & hunc mensæ pa-  
 ratum velit non spernere. Nil proficiunt.  
 Illa ut prius manuum destituta usu sedet;  
 solis oculis omnium ora oculosque delibat.  
 Tandem honesta matrona quæ illam jux-  
 tim assidebat: Ecquid mea filia, inquit, caus-  
 sæ esse dicam, quod fercula tam opipara  
 prius damnes quam gustes? Cui illa: Non  
 est, inquit, quod mireris, mater, nimium  
 Mecastor huc accessi satura. nam domi  
 prius perdicula famem omnem exemi. Au-  
 diit hoc facetior quispiam mensæ minister,  
 & vanissime se venditanti: Apparet, inquit,  
 quod de perdice asserit; nam plumæ collari  
 etiamnum inhærent, & simul intento digito  
 in collare, reliquias pultis avenaceæ osten-  
 dit. Mox risus undique coortus, quo misellæ  
 pultiphagæ vanissima ostentatio jugulata.  
 Iure: nihil turpius paupere superbo. Formi-  
 cula bovis arantis cornu occupans, cum à  
 bove, quid illic ageret, interrogaretur; arare  
 se & sudare respondit. Hanc formicæ ina-  
 nissimam ostentationem, cum illa caussidici  
 licebit conferre:

*Causidicus quidam sic se jactabat apud me,  
 Nulla quod usque caussam, ab annis plus decem*

*Perdiderit : verum ( quantum considero ) dixit ,  
Caussam qui ab annis plus decem egit unicam.*  
Possêt jactator hic caussidicus virginem il-  
lam conjugem ducere paris studii æmu-  
lam. Sed aptiorem scio maritum , & qui  
melius illi conveniat , quam Tulliæ Tarqui-  
nius.

I I. In oppido quod sextum ab Argento-  
rato lapidem distat , ( nomen tacemus ) vir  
avorum quam numorum ditior habitabat.  
Poterat is quidem fumosas majorum effi-  
gies , exesas carie clavas , confossas jaculis pel-  
tas , perforatas crebra glande galeas , infectos  
rubigine gladios ostendere.

*Juven.* — tumens alto Drusorum stemmate , tanquã  
*Sat. 8.* Fecerit ipse aliquid , propter quod nobilis esset.

*v. 40.* Interea tamen in suorum Drusorum con-  
spectu tenui nimis salino victitans coge-  
batur

*Idem* — sordes farris mordere canini.

*Sat. 5.* Nec illi fere alia quam feralis cena , exigua  
*v. 11.* patella ponebatur. Cenæ quotidianæ caput  
erat , pallidus caulis lucernam olens , & di-  
midio constrictus gammarus ovo , aut cru-  
di fungi , aut acerba mala , aut si quis alius  
cibus strangulat. Et sane periculum non e-  
rat , ne quis huic patrifamilias strobilus ob-  
reperet , & quadrilibrem ollam auri plenam  
sublegeret. Nihilominus divitias ille jacta-  
bat , & nescio quam secretam opulentiam.  
Adeo robusta est Iactantia , ut nec validissi-  
mis quidem brachiis malæ Fortunæ possit  
dejici. opes vel pauperrimi de se prædicant.  
Hic certe intolerantius se efferebat , quod an-  
tiquo stemmate ramum duceret millesimus.  
Et ut quadraginta sestertia , quæ non habe-  
bat , habere crederetur , & nescio quarum o-  
pum suspicionem moveret , quotiescunque  
vicinam urbem ingressus est , eques esse vo-  
luit , sed sine equo , Ocreis & calcaribus pedes  
im-



impediebat, & jumento miser, quod foderet, carebat. Ridicula hæc consuetudo hodieque inveterascit; ocreati sunt & calcaribus armati, etiam in curribus & navibus, aut dum plateas obambulant, nec equos cogitant, nisi lapides illis maria, & rhedæ pro equis sint, ut calcaribus agantur. Hunc morem gloriator ille religiosissime servavit. Rescivit hoc magistratus, & ludos facere voluit ridiculum hominem. Citatur ergo in curiam; ubi lati-clavius aliquis canicie venerandus: Ad nos, inquit, nobilis domine, querelas in te alligavit paupercula familia, teque injuriarum egit. Accusationis caput hoc est. Diceris ante portas urbis, equum tuum cursu exercuisse, & infantem illic temere ludentem, equi calcibus obtritum esse. Causæ meæ, Patres conscripti, ait accusatus, in promptu est sincera defensio: nego fecisse. A me aut meo equo supra oviculam miti hic infans immortalis sit. Sed forsan vestis aut vultus similitudine decepti vestri cives mihi imputant quod alter deliquit. Iterum innocentiam meam affirmo, & nego fecisse; infans nullus equi mei calcibus obtritum est. Contra senatus obducere, testibus velle agere; crimen confirmare, & exaggerare; ideo & cupere, reum se fateatur, atque dicundæ sententiæ submittat. Hic miser inter caudinas firculas deprehensus, nullum prorsus videre exitum; aut enim causam amittere, aut equum debuit, quem nunquam habuit. Eques videri volebat, & opulentus, puniri tamen ob fictum equum nolebat. quare satius ratus causam capitis agere, quam equi hætenus simulati: Ut liqueat, ait, vobis patres conscripti, in hac capitali causâ, de innocentia mea, testes ego contra testes producam: duo forsan in me testabuntur; ducentos ego adducam.

Et videtē quam falso injuriarum agar. No-  
runt, quotquot pagi mei incolæ sunt, jam à  
toto decennio stabulum meum ab omni ju-  
mento desertum & vacuum fuisse, equum  
illic tanto tempora stabulasse nullum. Ad  
quæ senatus omnis in latum cachinnum ef-  
fusus, ita decrevit: tuo te calculo absolutum  
pronuntiamus: sed ut evictæ tibi causæ  
perpetuum sit monumentum, Hippona tuo  
stabulo æternum exulet, nullus unus un-  
quam ad tua præsepia stet equus. Vix men-  
sis abiit, & binos caballos (sed quales ad  
cultrum proscribi solent) coepit alere. Tan-  
tus est ostentationis pruritus. Hæc paul-  
lo fufius narrare conveniebat, ut vel hac ra-  
tione Ostentatricem linguam reprimere-  
mus.

Chryf.

hom.

23. in

2. ad

Cor. &amp;

hom.

24. in

eandē.

If. l. 3.

epist.

162.

III. Quam sapienter monuit Chryso-  
stomus: Præstantem virum non modo de  
iis quæ ipsi defunt, gloriari non convenit,  
sed ne de iis quidem quæ habet. Nam si ob  
ea quæ vere bona sunt, gloriari stultitiæ est,  
multo certe magis ob ea quæ nullius pretii  
sunt. Isidorus Pelusiota ejusdem animi:  
Pietatis, inquit, ac justitiæ norma in eo si-  
ta est, ut ea quidem quæ recte ac ex virtute  
gerimus, occultemus, tum quia finis incer-  
tus est, tum ne audientibus graves ac mole-  
sti simus. Ingratissima est oratio quæ rebus  
flaccet, strepitu viget. Præclare canit Venu-  
sinus vates,

Hor. l. 1

epi. 17.

ad Scæ-

wam.

*Sed tacitus pasci si posset corvus, haberet  
Plus dapis, & rixa multo minus, invidiaque.*

Sic ostentator & plausor, si virtutem quam  
nactus est, posset non prodere, retineret;  
lingua Ostentatrice perdit. Virtus in abdito  
crescit. Omnia perdidit qui dixit:

Luc.

c. 18.

v. 12.

*Non sum sicut ceteri hominum.*

Hic quisque pro se elamat: Ego doctior  
sum, ego nobilior, ego ditior, ego robustior,  
ego



ego formosior, ego vero honoratior: Non sumus sicut ceteri hominum. Hi tales similes sunt lucernæ, de qua venuste apologorum parens: Lampas, inquit, oleo ebria & lumen diffundens, gloriabatur quasi præ sole splenderet clarius. At ventis paullo concitatus spirantibus statim extincta est. Sed eam rursus quispiam accendit, dixitque: <sup>1. Reg.</sup> Lucere lucerna, & tace; <sup>c. 2.</sup> astrorum lux nunquam <sup>v. 5.</sup> deficit. Audire gloriosi plausores, & nolite multiplicare loqui sublimia gloriantes. Lucere, & tacete. Virtutum omnium hostis est jactantia. Virtutis expers, verbis jactat glorias. Nimirum quo dolium est inanius, hoc sonat vehementius: natat ovum si inane est, plenum desidet: arista inanis recta stat quidem, sed curva est plenior: sic sæpissime

*Majus est se non jactare quam fecisse maxima.* <sup>Vetus</sup>  
Jactantia quantumvis cauta, decori tamen <sup>Troch.</sup>  
terminos semper transilit. Athenis duo architecti de opere publico conducendo contendebant; alter differendi copia & elegantia instructus, cum orationis suæ apparatu populum movisset: Alter dicendi ignarus, sed arte melior, in medium progressus: Viri Athenienses, ait, quemadmodum iste dixit, ego efficiam. En, obsecro,

*Grandius flumen minore, quam minus, fluit* <sup>Monof.</sup>  
<sup>sono.</sup> <sup>vetus</sup>

Solebant olim mercatores navigationibus longinquis catellos melitæos, aut simios assumere, quorum lusibus navigandi tedium levarent. Fuit ut orta tempestate inhorresceret mare, atque fluctus ea vi assilirent navigio ut everterent. Disiectis misere, ac fluitantibus tam vasis quam hominibus, mari etiam innabat simius. Hunc conspicatus Delphinus, & quod esse hominem arbitraretur, naufragi animalis misertus, fami-

liariter adnavit simio, tergum præbuit conscendendum, & ad terram coepit evehere. Iamque in conspectu erat mons Piræus, & Atheniensium navale, cum Delphinus simium interrogat; an esset civis Atheniensis? Hic simius laudis avidus, se & esse civem Atheniensem, & in ea urbe nobilibus parentibus prognatum dixit. Amplius ille interrogare, an etiam Pyræum nosset? Tum simius: Optimumne illum amicum, & summum, ac inprimis familiarem, inquit, meum? ratus de homine Delphinum loqui, qui de monte quærebat. Hac tam impudenti jactatione offensus Delphinus subduxit se in altum, & miserum simium undis suffocandum deseruit. Hæc gloriationi merces debetur: cum mollissime punitur, pro applausu risum fert. Veteri verbo dicebatur:

*Vetus  
Iamb.*

*Ventosa risus est parens jactantia.*

Venite, ajunt, habemus hic corvum alienis plumulis ornatum; evellamus illas cum festivo risu.

IV. Ergo qui metuit irrideri, caveat gloriari; qui refugit haberi stolidus, fugiat esse gloriabundus. Nemo citius stultitiæ insimulatur, quam qui plurimum de se gloriatur. Multi dum magnifice loquuntur, famam se colligere sperant, cum infamiam colligant, & ceu viatores erronei dum accedere existimant, retrocedant. Quicquid propter solam gloriam dicitur, veram gloriam non meretur; sæpe non tantum irrisum, sed & supplicium. Optimus Deus levem etiam jactantiam vel in amicissimis graviter punivit.

Eleutherius, sanctitate morum & amabili simplicitate celebris, beato Gregorio teste, cum iter faceret ingruentibus vespere tenebris, ad coenobium sacrarum virginum diver-



divertere coactus est. Erat illic puerulus quem cacodæmon infederat, & noctu præcipue vexarat. Hunc virgines illæ Eleutherio, de vitæ sanctimonia jam noto commendarunt, & velut per speciem officii rogarunt, pateretur puerulum illum ea nocte in suo esse cubiculo. Non recusavit. Altero die sacræ virgines solerter quæsierunt, qui sese puer gessisset? Miratus Eleutherius hanc quæstionem: Bene, inquit, se gessit. quid istud quæritis? Illæ rem candide fassæ, malo genio puerum occupatum, singulis noctibus crudeliter hætenus habitum dixerunt, rogaruntque obnixæ in suum secum monasterium abduceret. Assensus est vir sanctus, & puerum ab inquilino pessimo jam liberum in D. Marci coenobium abduxit. neque ille ab inferis hospes diversorium suum repetere est ausus. Aliquanto post tempore Eleutherius cum coenobitis suis familiariter collocutus, & adolescentem illum, qui adstabat, intuitus: Videte, inquit, fratres, quam diabolus cum virginibus illis luserit! apud illas à malo dæmone agitabatur; apud nos mera est ovicula. Vix hanc vocem paulo jactantiores miserat, cum de-nuo ille ab Orco carnifex adfuit, & adolescentem in omnium oculis acerbè torfit. O Eleutheri, si tu tacere, si tu potuisses non gloriari, Acheronticus iste tortor reverti non potuisset. Sed Eleutherius paullulum sui oblitus mox ad se rediit, & una cum suorum cætu, jejuniis, precibus, lamentis tamdiu cælum pulsavit, dum hospes invissimus jam secundum cedere est coactus. nec unquam postea in hospitium hoc rediit. Tanti est vel una vocula quæ jactantiam oleat. Verissime dixit Hebræus Psalmes: Disperdet Dominus linguam magniloquam. Ea de causâ Tobias filium tam sollicitè in-

Pf. 11.  
v. 4.

572 CAP. XLV. DE OSTEN.

7ob.c.4. stituens: Superbiam, inquit, nunquam in  
v.14. tuo sensu aut in tuo verbo dominari per-  
mittas. Ostentationem omnem penitus eli-  
2.Cor. minatam vult, & à corde, & ab ore. Non e-  
c.10. nim qui seipsum commendat, ille probatus  
v.18. est, sed quem Deus commendat. Ille serio  
laudandus, qui, uti Salustius in Iugurtha  
notat, plurimum facit, & minimum de seip-  
so loquitur. Lingua igitur ostentatrix, &  
magniloqua summopere cavenda.

Vetus *Omnium virtutum hostis, turpis est jactantia.*  
Trech. Multa satis de Ostentatrice Lingua dixi-  
mus, si verba numeremus; pauca nimis, si  
vitii observemus indolem. Pæne insanabi-  
le hoc monstrum est, & videri potest om-  
nium vitiorum mori ultimum. Subinde,  
dum halitus est, Ostentatio vivit. Produco  
testem.

Icon. Sutori, & quidem egeno ( tacemus gen-  
Anim. tem ) cum jam fata instarent, aderat filius  
c.7. in paternam sortem natus. Is cum rogasset,  
pag.4. a ecquid decessurus sibi præceptorum relin-  
punc. queret? Iam defecta voce pater: Vt, inquit,  
memineris, in majestatem assurgere familia  
tua dignam. Deus bone! Iam tribunal vo-  
cat, jam æternitas in oculis est, & necdum  
missionem damus Ostentatrici Linguae?

O fædam labem, quiste Oceanus eluat?  
ô vastam dementiam, quæ tibi anticyræ  
suffecerint? ô vesanam jactantiam, quæ te  
supplicia satis castigent? Abrumpo hic po-  
tius quam finio. Dissertationi clausulam Sa-  
risberiensis imponat, qui vere de hoc vitio:  
Joan. Omnia, inquit, quæ ostentationis causa  
Sarib. fiunt proficiscuntur in mortem.  
l.7. Po-  
sitarici  
c.22.

A. Lin-

Nota, Lector, nos hic egisse de Lingua gloriatione: quæ  
vero de vana gloria, ejus ra-lice disserimus, repe-  
rietur in libro 2 de Recta Intentione cap. 4 & 5.









# P

- A. *Linguam POLITICAM* refert *Felis* *Crocodilo* vehens . & pelliculam suam extergens linctibus . Tales sunt hujus avi homines terribissimi, quos *POLITICOS* vocamus : suis hos coloribus describimus C. 46. *Crocodilum* cum fele explicamus eodem capite S. 4.
- B. *Amygdalus* . & *Morus* C. non eo quo cetera arbores sunt ingenio. *Amygdalus* omnium arborum stultissima , *Morus* omnium prudentissima dicitur , ideo hic utriusque indolem hortulanus miratur. *Amygdalus* linguam temere *PROMITTENTEM* exhibet. Vide C. 47. S. 3.

## P

## CAPVT XLVI.

*Qua lingua POLITICA sit, & de quatuor illius venenatissimis venis.*

*Matth. 6. 11. v. 25.* **C**Hristus æterno Patri preces allegans : Confiteor tibi Pater Domine cæli & terræ, inquit, quia abscondisti hæc à sapientibus, & prudentibus, & revelasti ea parvulis. Delectum facit servator inter homines, quos in duplicem classem partitur, sapientum & parvulorum. Quemadmodum inter Angelos duæ à se partes abibant in diversum : illa perseverantium in Dei cultu, hæc desciscientium ab illo: ita prorsus inter mortales pars una sapientum est, qui à multis tanquam homines cælo lapsi adorantur; sint cælo delapsi, in cælum redituri non videntur, sicut parvuli qui alteram constituunt partem humanæ gentis.

*Melan. præfas. in Corpus doctrinae.* Sed quinam illi sapientes sint, operosa est quæstio. Queritur olim Philippus Melancthon, & una gratulatur : Iugum Pontificis Romani excussum esse; At contra, inquit, hominum istorum politicorum jugo colla sunt subjecta. Itane vero jugum politicum, jugum tam horrendum est, præ quovis alio? potens argumentum vel ab adversario in politicos. Hos si pæne eosdem cum sapientibus illis dixero esse, non multum aberraro. Hi sapientes, quos jam *Politicos* vocamus, è lingua potissimum noscuntur. Lingua illorum, anguilla est in theca holoserica; utcumque eam comprehenderis, elabitur. Non est scabra hæc lingua, sed lævis, nitida, plena succi & verborum, plena gratiæ & venustatis, ad technas struendas versutissima. Anguilla lubrica



brica est lingua politica, sed in theca, ut diximus, holoserica. Nos linguæ *Politica* venas rimabimur, & primarias quatuor proponemus.

I. Nobilissimus Elegorum scriptor Ovidius questus est, quod suus sibi pater poësin interdixerit, cum tamen pronissimum ad id studii sortitus sit ingenium. Sed velit nolit, parens, naturam alio flectere difficillimum est: quicquid conabar dicere versus erat. Lingua *Politica* pæne idem de se dixerit: Quidquid conabar dicere, fucus erat: Quidquid conabor dicere, fumus erit. Habemus confitentem reum. Sed ad rem: venas *Politicae* linguæ scrutandas sumpsimus.

Prima venenata vena illius linguæ dicitur *Cretismus*. Lingua *Politica* velut primæ veritatis mysterium adorat principium istud; Cum vulpibus vulpinandum est, & cum Cretensibus cretisandum est, hoc est, mentienti mentiendum, fallens fallendus. Beatus Paulus Epimenidis poëtæ testimonium allegat hoc modo: Dixit quidam ex illis, proprius ipsorum propheta: Cretenses semper mendaces, malæ bestiae, Tit. c. 1 ventres pigri; Testimonium hoc verum v. 12. est. Quam ob causam increpa illos dure, c. 13. ut sani sint in fide. Græcorum adagio erat: Tria cappa pessima, Cretenses, Cilices, Cappadoces, maximam partem homines mendaces; & nimium quam potentes lingua *Politica*, quæ mendacium novit tegere. Plato solerter advertit, notatque urbes & regiones maritimas (qualis est Creta) plerunque mores non optimos præ se ferre: Nam cum mercibus, inquit, & cauponando talis civitas repleatur, dolosos animos, instabiles & infidos mores parit: unde parum ipsa ad seipsam, & minus ad alias gentes fidem & amicitiam stabilem colit.

His

Plato  
lib. 4 de  
legibus.

# 378 C A P V T X L V I.

His tamen vitiis lingua Politica pulcherri-  
 mum mantelum novit injicere. Siracides  
 hominem Cretifantem describens : In con-  
 spectu oculorum tuorum, inquit, condulca-  
 bit os suum, & super sermones tuos admi-  
 rabitur: novissime autem pervertet os suum,  
 & in verbis tuis dabit scandalum. Nimirum  
 hi politici, aliud lingua promptum, aliud  
 pectore clausum habent; non sunt sani in  
 fide. Fidelis ille famulus Christi Domini  
 optime rogat : Verbum verum & stabile da  
 in os meum, & linguam callidam longe fac  
 à me. Quod pati nolo, omnimode cavere  
 debeo. Politicus, ut verbis Salomonis utar :  
 Comede & bibe, dicet tibi, & mens ejus  
 non est tecum. Cibos quos comederas, evo-  
 mes, & perdes pulchros sermones tuos.  
 Nempe tu ebrius cum sobrio, nec decore  
 nec caute loqueris. Nam politicus, stylo  
 Siracidæ, est vir astutus, multorum erudi-  
 tor, & animæ suæ inutilis est. Quam pro-  
 prie Cretifans politicus hic notatus est ! op-  
 time dixit Ambrosius : Turpis est omnis  
 fraus, quantumcunque videatur speciosa.  
 Vlpianus quidem explicat qua ratione vete-  
 res distinxerint, dolum bonum & dolum  
 malum, nam primum illum dexteritatem,  
 solertiam, urbanitatem dixerunt : quicquid  
 sit, Turpis est omnis fraus. Pacificas istas ac  
 politicas fraudes damnamus, non stratage-  
 mata militaria. Isaias olim minatur: In die  
 illa visitabit Dominus in gladio suo duro,  
 & grandi, & forti, super Leviathan serpen-  
 tem vectem, & super Leviathan serpentem  
 tortuosum, & occidet cetum qui in mari est.  
 Leviathan piscis magnus squamis arcte co-  
 hærentibus, serpens vocatur quia lubricus  
 & tortuosus, multiplici se volumine cōvol-  
 vit, cum stringitur, elabitur. Lingua Poli-  
 tica torquere se novit, refugere, tergiversari,  
 amba-

*Eccli.*  
*c. 27.*  
*v. 26.*

*Init.*  
*Christi.*  
*lib. 3.*  
*c. 45.*  
*n. 4.*  
*Prov.*  
*c. 23.*  
*v. 7.*

*Eccl.*  
*c. 37.*  
*v. 21.*

*Amb.*  
*lib. 9.*  
*Offic.*  
*c. 9.*

*Isai.*  
*s. 27.*  
*v. 1.*



ambages quærere, tanta caussarum & rationum & argumentorum varietate, ut jures, eam omnium linguarum optimam, sanctissimam: sed tortuosus coluber est, obliqua dat responsa expectationis variæ, nec ad Dei honorem, sed ad suum; se spectat, suumque commodum. Atque hæc prima Politicæ Linguae vena est Cretismus.

I I. Altera vena linguæ Politicæ Syncretismus dicitur. Auetis nosse, quid syncretismus sit? dolosus ignis est sub quieto cinere; falsa, simulata, insidiosa pax, malitia in occasionem ultionis intenta, umbra foederum, simultas officii ostentatione blandiens. Cum Isaias vates Ezechiae regi nuntium ferret acerbiorem, diceretque: Ecce dies venient, & auferentur omnia quæ erunt in domo tua, & quæ condiderunt patres tui usque in diem hanc, in Babylonem: non remanebit quidquam, ait Dominus. Cui Ezechias: sit tantum pax & veritas in diebus meis. Simili ferme modo lingua Politica loqui assolet: Modo mea mihi salva, quicquid aliis fiat, quicquid posteris proffit, aut noceat: viderint illi, ego mea tueor; sit tantum pax in diebus meis. Proximus sum egomet mihi: Omnes sibi melius esse malunt quam alteri. Pacem volo, sed mihi bonam, cuicunque demum mala sit.

Quid amoenius pace? pacem te poscimus omnes, si tamen pax fida sit & sincera; si vero ea sit quæ diu durare non possit, quam pars adversa in omnem nocendi occasionem flectat, pax miserrima est, & bello pejor. Gratissimus est olivæ ramus, si autem is strictum gladium jugulo imminentem tegat, faceffat hæc oliva. Sunt qui velint inducias pacisci cum Morte atque Inferis: Percussimus foedus, inquiunt, cum morte, & cum inferno fecimus pactum. O pacem non  
*Isai. c. 28. v. 15. stabi. & 18.*

Hier.  
c. 6.  
v. 14.

stabilem, ô non duratura fœdera! Mors in omne momentum intenta, occasionem subito non sumet, sed rapiet, & insurget truculentior, inferi profundius hiabunt. Et delebitur fœdus vestrum cum morte, & pactum vestrum cum inferno non stabit. Confecturus pacem cum carne & carnis concupiscentiis, seipsum turpissime fallit. Videte, obsecro quibuscum inducias agitetis, ne inter eos censeamini qui dicebant, Pax, Pax, & non erat pax. Pax intuta formidolosior bello. Apologus rem declarabit. Erinaceus ad Lepusculi cavum accessit, rogavitque hospitium. Cui Lepusculus mini responsio: Doleo, inquit, mi frater, quod te cogar excludere; vestis tibi nimis est hispida: sub uno tecto quod ipse facile conjicias, profecto non conveniremus. O mi optime frater, inquit Erinaceus, si de mea veste solum lis sit, hospitium spero non negabis; ita me contrahere possum, ut meipso minor sim: quicquid aculeorum est, velut vagina condo, ut neminem lædam. Quod si bellum ingruat, ducem me simul & militem habebis, pro te, meque pugnabo. Non est quod amici mea arma formident, illa ego in hostes expedio. Quicquid porro Lepusculus objecit, id Erinaceus verbis tam blandis refutavit, ut demum hospitio receptus sit. Sed non diu novus hic hospes naturam dissimulavit, aculeos sensim laxavit, atque se quantum potuit, dilatavit. Hic Lepusculus: Ohe frater, inquit, hoc quidem pacta & promissa tollit: aliud sponderas; aliud præstas. At Erinaceus irridens: Hic meus est mos, inquit, si cui non placet, exeat. Agnoscite, quæso, in Erinacei moribus linguæ Politicæ nequitiam; hic sincretismus est. Ergo vide cui fidas, cum quo transigas; si is semel iterumque fefellerit, non illi unquam facile fidas.

Augu-



# DE POLITICA LIN. 381

Augustinus hac in re fidelissimus moni- *Aug.*  
 tor : Nullæ, inquit, occultiores sunt insidiæ, *l. 10. de*  
 quam quæ latent in simulatione officii, nam *divit.*  
 eum qui palam est adversarius, facile caven- *cap. 5.*  
 do vitare potes. Est ergo longe periculosis-  
 simum, cum morte & inferis, cum carne &  
 concupiscentiis, cum linguis politicis, cum  
 erinaceis tam aculeatis pacisci velle, quam-  
 primum enim similes pacificatores occasio  
 invitat, mox pacta, conventa, foederaque  
 omnia rescinduntur. Erinaceus objicit : Ita  
 soleo, iste meus mos est. Nec aliter Mors,  
 aut Inferi : sic vita hominum est, ajunt. Ita  
 & caro : Pro mea hoc consuetudine facio :  
 Ab exemplis mille jam scitur, quam ego  
 blande in exitium traham eos, qui mihi fi-  
 dunt. Qui cum lupo pacem cogitat, dentes  
 ei excutiat. Non est pax impiis, non est ;  
 nec illam in seipsis habent, nec cum aliis  
 servant. Talis lupo Antiochus Epiphanes,  
 qui ad cives Hierosolymæos quæstorem  
 suum misit, Et locutus est ad eos verba pa- *1. Mac.*  
 cifica in dolo, & crediderunt ei. Et irruit *cap. 1.*  
 super civitatem repente, & percussit eam *v. 31.*  
 plaga magna, & perdidit populum multum *6.*  
 ex Israël. Talis Lupus Bacchides, talis Al- *v. 33.*  
 cimus : Et locutus est cum eis verba pacifi- *1. Ma.*  
 ca, & juravit illis dicens : Non inferemus *cap. 7.*  
 vobis malum neque amicis vestris. Et cre- *v. 15.*  
 diderunt ei. Et comprehendit ex eis sexa- *6.*  
 ginta viros, & occidit eos in una die. De sin- *v. 16.*  
 cretismo hoc unum adde, quod Ambrosius *Amb.*  
 dixit : Hæretici contra se discordant, sed *l. 1. de*  
 contra Ecclesiam concordant. Nimirum *fide*  
 Pilatus & Herodes amici sunt, quando de *c. 4.*  
 Christi capite agitur. En ipsam sincretismi  
 effigiem, dolosam pacem ; sed progredior.

III. Tertia linguæ politicæ vena est,  
 Pharisaismus. Capitaliores hostes Hieroso-  
 lymis non habuit Christus Dominus quam  
 illos.

illos ipsos qui se sacrorum Antistites profitebantur, Pontifices, Phariseos, Scribas, Rabbinos, legis interpretes, morum doctores. Hos omnes, nequam hominum catenam dixeris, quæ Christum irretire moliebatur. Omnes, paucissimis exceptis, vapidam sub pectore vulpem gestabant. Nam ut odium atque invidiam tegerent, verbis

*Matth.*  
*c. 22.*  
*v. 16.* Christum blandissimis affati: Magister, ajunt, scimus quia verax es, & viam Dei in veritate doces. Et ut verbis adderent facta, etiam ad mensam vocarunt, appararunt convivium, nec quidquam insidiosæ humanitatis omiserunt: legatos miserunt, conscientiae quæstiones proposuerunt, etiam ægros curandos obtulerunt, nihilominus odium gesserunt adversus Christum implacabile. Sed quia homines erant politicissimi, non apertis odiis pugnarunt, concilii specie pleraque ab illis gesta sunt. Atque ut omnia in Christum molimina sanctioris senatus auctoritas firmaret, principes sacerdotum, seniores populi, primi ordinis senatores convenerunt. Et quam illud compe, quam politice propositum? Quid facimus, quia hic homo multa signa facit? si dimittimus eum sic, omnes credent in eum, & venient Romani, & tolent nostrum locum & gentem. Ergo resistendum mature, ne quid Respublica detrimenti capiat: si pax nobis cordi sit, si urbis incolumitatem amamus, clavus huic homini per linguam adigendus est, ut filere discat: convenientissimus illi lectulus crux erit. Et quam etiam illud politice ac caute:

*Matth.*  
*c. 26.*  
*v. 5.*  
*Aug.*  
*tract.*  
*49. in*  
*Joan.* Non in die festo, ne forte tumultus fiat in populo. De politicis his linguis insigniter Augustinus: Temporalia, inquit, perdere timuerunt, & vitam æternam non cogitaverunt, ac sic utrumque amiserunt. Diabolus in vitro, & Lingua Politica in amictu holoserico



serico admodum bene conveniunt; nam pares cum paribus facillime congregantur. Quod si Lingua Politica magnæ sit auctoritatis, plerunque multos trahit assecclas: benigne auditur, stricte observatur, religiose colitur. Sed illa clandestino dolo tam noxia est, ut sæpe diabolus conatibus suis omnibus atque viribus tantum nocere non potuerit, quantum Politica Lingua unica nocuit, quæ Phariseo schemate magnifice incescit.

IV. Quarta linguæ Politicæ venenata vena est *Herodianismus aut Machiavellismus*. Sicut autem Græci dicere solebant; Aut Plato Philonizat, aut Philo Platonizat, tanta in utroque sensuum & dictionis similitudo: ita nos absque injuria dicemus, aut Herodes Machiavellizat, aut Machiavellus Herodianizat; vix ovum ovo similis est. Non nescio Machiavellum pluribus commendatissimum esse, imo alicubi infantes pæne in cunis, scriptoris hujus documentis imbui. Sed revera hic prudentiam excludit affectus, & subinde parum meminimus nos esse Christianos; politica sic tractamus, ut obliviscamur æterna. De Machiavello, ut rem dicam, idem prorsus sentio quod Iustus Lipsius, cujus viri doctrinam & judicium, omnis eruditorum senatus jure merito veneratur. Lipsius ergo in Politicum scriptorem illum ex æquo & bono pronuntians: Machiavelli ingenium, inquit, non contemno, qui utinam Principem suum recta duxisset ad templum illud Virtutis & Honoris! Sed nimis sæpe deflexit (audite ô boni Politici, mali Christiani) nimis sæpe deflexit, & dum commodi illas semitas intente sequitur, aberravit à regia hac via. Machiavellus argutus, sed sæpe pravus. Hunc Iustus calculum tulit in Machiavelli libros. Nec aliter, puto, sentiet, quisquis rem sine affectu examinarit.

*Iam ante mentionem fecimus.*

*Lipsius initio Politicorum, post præfationem ad Reges & Principes, de consilio & forma operis.*

Herodem ego & Machiavellum non male cotes dixerō, quibus exacuantur Politicæ linguæ. Suas certe his cotibus exacuentes Priscillianistæ dederunt, quorum illud est: Iura, perjura, secretum prodere noli. Suam hic linguam & Iulius Cæsar exacuit: si violandum est jus, inquit, regnandi gratia violandum est: aliis rebus pietatem colas. Hinc & regium illud: Qui nescit dissimulare, nescit regnare. Dictum cetera non malum, si melior fuisset interpretatio. Nec extra Politicorum numerum fuit rex Hebræus Saul, qui Davidi detulit connubium filiæ, ut insidiaretur vitæ. Rex ipse David ceteroqui sanctissimus, hic turpiter impegit, qui Vriam è castris evocavit humanissime, sed tales illi commendatitias Bellerophontæas litteras dedit, quæ caput abstulerunt Vriæ. Politicam Absalonis linguam quis ignorat? Peregrinationem vovit hæc vulpes, non ut Deo sacrificaret, sed ut parenti diadema excuteret. Idem Amnonem fratrem ad epulas invitavit, ut vinum sanguine miscendum propinaret. Sed herbam hac in re nemini porrigunt Herodianæ stirpis nobilissimi tres surculi. Herodes Antipas à Christo vulpes nominatus, Ioannis Baptistæ tam fidelis atque integer amicus fuit, ut illius caput in mensam pro ferculo adferri jussit. Herodes

*Act. 12.* Agrippa minime degener Politicus, occidit  
*v. 3.* Iacobum fratrem Ioannis, gladio. Videns  
autem quia placeret Iudæis, apposuit apprehendere & Petrum, emerendo Iudæorum

favori. At vero Herodes Magnus Ascalonita, ille latronum dux & coryphæus, qui quatuordecim millia Hebræorum infantum  
*Mat. c. 2. v. 8.* jugulavit: Renuntiate mihi, ait, ut & ego  
veniens adorem eum. Quid fingi, dicique potuisset plausibilius? quam callide cruentam sicam Politica velavit lingua!

Alca-



DE POLITICA LIN. 585

Aleator aulicus æque facetus & hilaris est, cum infelices subsultant canes, & cum aurum perdit, atque cum Venerem jacet & aurum lucratur:

*Spem vultu simulat, premit altum corde dolorē. Lib. 4.*  
 Hic genius est Politicæ linguæ; non facile *Æneid.*  
 se noscendam præbet, proditam se credit,  
 cum nota esse incipit. Sed illa vel invita  
 symbolum illius contemplerur. Est hoc:  
 Crocodilus tergo insidentem vehit felem,  
 addita hac inscriptione: *Flemus & Mulcemus,*  
*ut fallamus.* Crocodilus animal amphibium  
 aqua terraque vivit, antequam hominem in-  
 vadat, laceret, glutiat, lacrimas fundit, perin-  
 de si dicat: Mi sociene tui causa doleo, te  
 mihi victimam oblatam: quia tamen occa-  
 sio me ultro invitat; ades dum, meus es, &  
 nobili fera sorberis. Non aliter se gerit lin-  
 gua Politica: quid illa humanius, quid mi-  
 tius? vel ad lacrimas subinde pia est. Sed  
 cum occasionem sibi tam faventem habet,  
 nocentes innocentes devorat, superfluum  
 censens discrimen facere. Hæc lingua du-  
 bium illud animal est, quod terra marique  
 ingentes edere strages inter triumphos suos  
 numerat. Sane nocendi occasionem vix un-  
 quam negligit, ita tamen hoc agit, ut nihil  
 minus quam hoc agere putetur, & etiam  
 prodesse censeatur. In eam rem felem dor-  
 so vehit. Felis non solum inter astutas ani-  
 mantes numeratur, sed omnium pæne ani-  
 mantium mundissimum videri potest, adeo  
 frequenter nunc pedes lambit, nunc pellicu-  
 lam lingua extergit, nunc pectus aut tergum  
 polit, se totam assidue comit. Quid politica  
 lingua cultius aut comptius, quid ea san-  
 ctius? nil illa sine ratione molitur: causas  
 struit sexcentas, & subinde, quod putat, ur-  
 gentissimas: plena rationum est, nec unquam  
 illi deest, quo se suaque dicta defendat.

V. Aulas subi, & videbis quam illic venales sint linguæ Politicæ: Amicitia & sincerus amor, rarum in aula nomen. Quam non multi sunt qui suadeant, quod decet, quod oportet. Principis enim frontem intuentur, ac inquam ille partem inclinat, in hanc se prono corpore propellunt. justum nimirum probumque illis, quod justum probumque princeps judicaverit. Dum enim placere student & offendere verentur, in sententiam illius eunt omnes. Non facerent, si principem, non fortunam illius amarent, aut si plus virtuti, quam commodis suis studerent: si majora à Deo quam à principe sperarent. Nunc præsentium amore, æternorum obliviscuntur. Hi subinde id solum spectant, ne gravius quid delinquant in jus civile; ceterum, nullus amor religionis, cura nulla rerum sacrarum, virtutis solidæ neglectus maximus, sed occultus. Modo illi sub sua vite & ficu quieti maneant, susque deque vertantur cetera, id illos non cruciat. Reipublicæ causam agere videntur, dum agunt suam: sancte loquuntur, ut efficacius fallant. Difficile est linguam tam \* astutam, tam politam & comptam satis dignoscere à melioribus. Quin ergo hanc paullo melius in lucem protrahimus & noscendam damus. Lingua Politica quod maxime deberet, sæpe non audet negare; annuit ad omnia. De quo sapienter Brutus: Male mihi videtur, inquit, adolescens florem ætatis collocasse, qui nihil negare audet. Et Plutarchus narrat joco quempiam dixisse, Homines Asiaticos ab unico rege in servitutem redactos, quod unicam syllabam, N O N, efferre

*Plutar.  
de vi-  
tioso  
valere.*

\* Eyn glatte / gestrehlte / halschleiz-  
chende Jung.



ferre non possent: Multos præterea, quod negare nescirent, quæ maxime negata vel-  
lent, sæpe rem, aliquando etiam vitam perdi-  
disse. Athenodorus Philosophus cum missio-  
nem peteret ab Augusto Cæsare, audiretque  
illam impetrandam si prius utile in omnem  
vitam præceptum daret, dedit liberrime  
istud: Domine, cum ira te stimulaverit,  
prius viginti quatuor Græcorum litteras re-  
cense, quam verbum loquaris. Hoc sa-  
piens liberumque monitum ita placuit Au-  
gusto, ut mox sententia mutata diceret: Tu  
vero mecum mane; tua opera mihi vehe-  
menter opus est. Sed ajunt Politici, alia  
nunc esse tempora, alios hominum sensus:  
rectius nunc agendum, vix ab ullo principe  
tam apertam libertatem tolerari. Erratis, ô  
boni, largiter: sint etiamnum Athenodori,  
erunt etiamnum Augusti: sint Ambrosii  
qui libere moneant, non deerunt Theodosii,  
qui pacate id ferant. Sed lingua Politica  
confundit & turbat omnia, aut importuno  
silentio, cum loquendum, aut maligno con-  
silio, cum tacendum foret. Silere est consen-  
tire, cum possis arguere. Nec male Ambro-  
sius metuens: Si pro otioso sermone, in-  
quit, rationem reddemus, videamus, ne &  
reddamus pro otioso silentio. Lingua Poli-  
tica fallit & loquendo, & silendo. Sed licet  
tribunalia omnia fallat, non fallat ultimum.  
Quisque suæ caveat linguæ, ne politicam  
hanc vafritiem addiscat. Venite parvuli, ade-  
ste simplices, vobiscum loquitur Deus: Abi-  
te Politici, exeste fallaces, vos averfatur  
Deus: Cum simplicibus sermocinatio ejus.

Prov.  
c. 3.  
v. 32.

## CAPVT XLVII.

*Lingua temere PROMITTENS quibus  
nos malis implicet.*

*Carda.  
l. 10. de  
Subtil.  
mihi  
pagina  
245.*

**H** Ieronymus Cardanus vir eruditus, linguam bovi extractam toto die palpitare afferit. Tantum animæ remanet, in hac animantis parte jam evulsa, ut motus inde proveniat toto die. Addit & illud Cardanus: si lingua juvenco erepta in aquam conjiciatur, non tantum palpitat, sed & movet se, quod ego tamen, inquit, nondum expertus sum. Cum hac tremula bovis lingua, non male comparem vani promissoris linguam. Hæc plerunque longa est & robusta, bovis esse dixeris, varie se movet, præsertim cum vino immaduit; his illis plurima pollicetur, tametsi sat sciat, domini sui manus jam præmortuas, nec unquam facile daturas, quod oris vanitas promiserit. Hic montes parturiunt, sed demum ridiculus mus nascitur: promissa fiunt, sed non perficiuntur.

*Horat.  
de arte  
poet.*

— Amphora cæpit

*Institui; currente rota cur urceus exit?*

Figulus quandoque vas magnum clibano promittit, sed figuli manum celeritate sua prævertit rota, & ollula vel urceolus prodit. Sic lingua promittens non raro amplissime procurrit, & fidem audacter obligat: tandem magnum est inane, nec promissis statuitur, nec fides servatur, & longa spes vano hiatu deluditur.

De robusta hac bubula temere Promittente lingua, quæ nunquam non dives est pollicitis, hac dissertatione agendum.

I. Lingua quæ Græca fide promittit, triplici se malo implicat. Primum est, remorsus conscientiæ. Alterum, jactura amicitiae. Tertium, restitutionis obligatio. De conscientia



scientiæ pleuritide significanter Salomon :  
 Est qui promittit , & quasi gladio pungitur *Prov.*  
 conscientiæ. Cuperet quidem nil promissis-*c. 12.*  
 se, velletque, si modo poneret honeste, resilire; *v. 18.*  
 interea promissis angitur , occultum con-  
 scientiæ vulnus urit. Sed nec levis amicitiae  
 iactura hinc oritur. Qui plures cupit nume-  
 rare hostes, pluribus daturum se promittat ,  
 nihilque det, & satis hostium habebit : Lu-  
 culente testatur Siracides : Est qui præ con- *Eccli.*  
 fusione promittit amico , & lucratus est *c. 20.*  
 eum inimicum gratis. Postulata vix audet *v. 25.*  
 negare , adactus verecundia ; Sed quia non  
 vult, aut non potest pollicita efficere, amici-  
 tiam aut turbat , aut dissolvit. Ea de causa  
 Siracides monens : Non spondeas , inquit, *Idem*  
 super virtutem tuam : quod sponderis, *c. 8.*  
 quasi restituens cogita. Nec Deo nec homi- *v. 16.*  
 ni quidquam pollicere , quod vel non possis  
 præstare, vel non nisi dinicillime. Promissi-  
 sti ? obligatum te noris ad tuam fidem libe-  
 randam : *quasi restituens cogita.* Da illius par-  
 tem, si dare nequeas totum quod promissisti.  
 Ideo coercenda est temeritas ne quid illa  
 more suo inconsiderate promittat , præser-  
 tim Deo. Eorum nos supplicia terreant, qui  
 promiserunt quidem, sed promissis non ste-  
 terunt. Deus non irridetur, nec vanis polli-  
 citationibus placari potest. Ideo David vo-  
 ciferatur : Vovete & reddite Domino. Fie- *Pf. 75.*  
 ri non potest , ut ille virtutem amet , qui *v. 12.*  
 Deo fidem fregit. Annos atque sæcula re-  
 cense , & hos tales plerunque hæresum au-  
 ctiores deprehendes ; veteres illos Iovinianum , Pelagium , Eutychetem taceo : prio-  
 ri ævo plurimi emerierunt è cœnobiis ,  
 qui obstrictam Deo fidem fefellerunt. De  
 quibus omnibus vere dixeris ; homini fi-  
 delis non erit, qui fidem Deo fieverit. Hic  
 ergo lex ista sit : Priusquam promittas ,

590 C A P V T X L V I I.

delibera ; postquam promiseris , ne procrastina.

*Jamb. vetus.* Vox, umbra facti est : ergo utrunque consonet.

Hominem ore liberali magna promittentem Salomon hac imagine spectandam proponit : Nubes & ventus, & pluviae non sequentes , vir gloriosus , & promissa non complens. Sæpe Auster imbricus largissimas promittit pluvias , sed nubes pumicis parsimoniam induunt , nec guttulam fundunt ; ita sunt homines gloriosi , qui pro certo pollicentur maxima , & ea quandoque stipulata manu , interposito jurejurando confirmant , sed demum nubes omni pumice aridiores sunt. Larvatus in monte demon omnia mundi regna , & gloriam eorum , loquente manu demonstrans Christo :

*Prov. c. 25. v. 14.* Hæc, inquit, omnia tibi dabo, si cadens adoraveris me. Promissio longe audacissima , cultori suo præmia prorsus aliena pronuntiare. Nemo honeste polliceri , quod suum non est , potest. plurimi linguas habent actione longe sublimiores , cum Venusino vate magnifice spondent :

*Mat. c. 4. v. 9.* Hæc, inquit, omnia tibi dabo, si cadens adoraveris me. Promissio longe audacissima , cultori suo præmia prorsus aliena pronuntiare. Nemo honeste polliceri , quod suum non est , potest. plurimi linguas habent actione longe sublimiores , cum Venusino vate magnifice spondent :

*Horat. de Arte poet.* Fortunam Priami cantabo, & nobile bellum. audiamus ergo ;

Quid dignum tanto ferat hic promissor hiatus. Tibi puto non immerito Plautinum illud objiciemus :

*Plautus* Bene promittis multa : ex multis omnia incassum cadunt.

*Pænulo adus 1 scen. 2. v. 148.* II. In pharmacopoliis picturam mendacem non unam reperire est. Stant illic decora serie pyxides complures , suis quæque signata titulis , grande valetudini auxilium pollicentur : hæc saccharum rosatum , illa flores violarum, ista Rhabarbarum, hæc tincturam violarum, aliæ Cassiam, Manna, & speciosissima quæque nomina præ se ferunt. Aperi quæso , & latentem thesaurum

seru-



scrutare; in plurimis illarum araneas & inanias meras reperies : Ita vani promissores æthera stipulationibus onerant, & hiantem verbis ducunt; cum explicandæ sunt manus, cum dandum est, negant illi se domi esse, quod Ennius Nasicæ respondit. En ventum *Cic. l. 2.* & nubes, & pluvias non sequentes. Quibus *de Oratione.* dam scilicet exiguæ sunt manus & adstrictæ, sed lingua protensissima largissime promittunt, promissi munus nunquam confecturi. Præclarum, ajebat Phocion, non magna dicere, sed magna facere. Quot sponsalia solis constituuntur pollicitis? scribuntur tabulæ, ampla doti pecunia dicitur, nova nupta domum ducitur. Vbi nuptiæ finiunt, sola restant nomina, jamque inter lares domesticos Dearum præcipua est, splendida Paupertas. Eadem sæpe ratio in contrahendis aut firmandis amicitiiis servatur. Est qui dicat : Me tibi semper amicissimum habebis; fores meas seu interdiu seu noctu pulses, illas nunquam non patulas, me nunquam non promptum reperies; vel meam tecum animam partiri si liceat, non recusaverim; mea tibi omnia patere cogita, ad ipsum usque cor : in hoc promissionum æstu, domus aureæ, nectaris flumina, frumenti montes, maria gemmea promittuntur. Cum venit ad rem, pro malam fortunam ! iterum nemo domi est. Abi amice, abi; de verbis plurimum, de factis nihil habebis. Quod si huic fæci hominum tam turpem magnificæ promissionis inconstantiam objicias : Quid vultis vos, ajunt, humani moris ignari? verba honoris erant; hæc neminem ligant. Album vobis panem pinsuimus (quod prisci dicebant) sed cum illum furno eximeremus, invenimus nonnihil ambustum. Quibus Valerianus apte respondens : Inde est, *S. Valerianus* inquit, quod interdum amicitiarum fides læ- *sa* *hom. 4.*

sa suspiret. Inimicitias enim est indixisse, promissa denegasse.

Placentarum genus est, quarum tres totam implent patinam, adeo artificiose turgent, sed hæc ad messorum famem inane sunt ludibrium: orexin famelici ventris non tantum non sedant, sed & iram excitant. His placentis simillimi sunt illi amici, quorum arduæ sunt promissiones, quæ verborum plurimum habent, rei nihil. \* Ollarium amicorum copiosa est seges, auxilium magna penuria.

Mendacium est ut nivis globus, qui quo diutius volvitur, atque revolvitur, eo fit major: promissum quod non exsolvitur, honestum ac palliatum est mendacium, nec ab simile massæ nivæ; sed hæc nemine movente diffuit ad solem, subit terram, evanescit: sic vana promissa oblivione velut terra obruuntur. Recte monuit Sarisberien-  
*So. Sarisber.  
l. 3. de nugis  
Curial.  
c. 11.*

Si promissionis implendæ facultas non suppetit, temerarium est promittere, quod præstari non potest. Si vero potestas affuerit largiendi, nisi voluntas beneficii producat effectum, promissor non gratiam de promisso, sed maculam contrahit de mendacio.  
*Eccli.  
c. 29.  
v. 5.  
ad 10.*

\* Es gibt vil Grund / aber wenig Nothelfer. Grund in der noth / gehn zwölff an ein loth.



dium, & computabit illud quasi inventionem. Sin autem; fraudabit illum pecunia sua, & possidebit illum inimicum gratis: & convicia & maledicta reddet illi, & pro honore & beneficio reddet illi contumeliam. Ita solent hi tales oris mercenarii homines, cū eos rigida premit necessitas, quam altum vociferantur: Iuva, domine, juva; mille nominibus me tibi obstrictum habebis, nec gratuitam mihi opem conferes; me sane gratissimum experieris. Sed ubi per æumnas eluctatus nonnihil emerferit, promissionis suæ vix jam memor, protolli tempus cupiet, id si non impetret, verbis asperrimis molestus erit. Nimirum hoc spondebat. Cum Deo sic agunt plurimi, cum aut morbo aut aliis exercentur calamitatibus, amplissima quæque pollicentur, seriam emendationem vitæ, exactissimum virtutis famulatum: Iuvantur, revalescunt, æumnas evadunt; sed promissa non perficiunt, sibi serviunt, non suo servatori. Ipsissimus Iudæorum hic genius est, cui psaltes indignatus, quartum repetit: Et clamaverunt ad *Psal.*  
Dominum, cum tribularentur, & de necessi- *106.*  
tatibus eorum eduxit eos. Cito fecerunt, *v. 6.*  
obliti sunt operum ejus, & non sustinue- *13. 19.*  
runt consilium ejus. Sic divina beneficia *28. Ps.*  
pensamus injuriis. Quod Hieremias vates *105.*  
obstupefescens: Nunquid, ait, redditur pro *v. 13.*  
bono malum? Non est Deus quasi homo *Hier.*  
ut mentiatur: fidelis Deus in omnibus ver- *c. 18.*  
bis suis. Ergo si quid vovisti Deo, ne mo- *v. 20.*  
reris reddere. displicet enim ei infidelis & *Psal.*  
stulta promissio, sed quodcunque voveris *144.*  
redde. *v. 13.*  
*Eccl. c.*  
*5. v. 3.*

**III.** Nos Dei negotiatores & agricolæ sumus. Nobis dictum est: Negotiamini *Luc.*  
dum venio. Sua cuivis negotiatio est, mo- *c. 19.*  
do eam bona fide faciamus. Porro ut agri- *v. 13.*  
colæ

Idem  
c. 9.  
v. 62.

colæ monemur: Nemo mittens manum suā ad aratrum & respiciens retro aptus est regno Dei. Si ergo \* mercatorū & agricolarum munus nobis commissum, meminerimus ab his maxime fidem obligatam exigī. Sed nos æstivum cælum æmulamur, hoc si mane aureolum rutillet, & nescio quam serenitatem polliceri videatur, vesperi pluvias ac tempestatem fert: ita sunt homines, plerunque qui liberalissime promittunt, promissa minime persolvunt; sed hoc pessimæ famæ est, quæ omnem boni nominis nitorem extinguit. Nauci homo creditur, qui pollicitationes suas, velut lepus suos catulos tuetur: ii olim mores erant, ut unicum generosum *Ita vel Non*, aut manus manui conferta majus habuerit pondus, quam instrumentum septem sigillis consignatum. Nunc quandoque consignationes & stipulationes omnes negando evertimus. Bilbilitanus vates hunc talem vanissimum promissorem facete sic irridet:

Mart.  
lib. 10.  
Epigra.  
16.

*Si donare vocas promittere, nec dare, Cai;  
Vincam te donis, muneribusque meis.*

*Accipe Callaïcis quicquid fodit Astur in arvis,  
Aurea quicquid habet divitis unda Tagi.*

Demum more suo colligens, quicquid sparsim dixerat: Omnium, inquit, bona tibi dono, sed eo modo, quo tu soles donare: nihil das, nihil accipe.

*Quicquid habet omnes, accipe, quomodo das.*

Gulielmus Peraldus, Lugdunensis præsul domesticum hortum inambulans, hanc sibi quæstionem sumpsit disceptandam, quæ omnium arborum stultissima, quæ vero sit omnium sapientissima. In eam denique sen-

\* Baur und Kaufleuten gebürt  
zu halten/was sie geloben.



tentiam descendit, ut omnium arborum stultissimam pronuntiaret Amygdalum, quæ primo vere floreret, suosque flores periculo committeret, ultimo pæne autumnò, fructus maturos portigeret: At contra Morum sapientissimam esse, quæ omnium ultima floreret, & fronderet, & pæne prima fructus offerret: stultæ sunt amygdali, promissores illi qui intempestive quid velint, quid possint garriunt, jactantque grandia: arbores cautæ tardius flores, sed citius fructus ferunt: tarde promittendum, sed mature perficiendum est promissum. Hoc tamen de promissis licitis dictum velim: nam si sint iniqua, nec impleri possint, nisi Deo, divina lege, conscientiaque læsis, etsi millies promiseris, nunquam tamen standum est promissis.

I V. Ipso jure cautum est, ut nulla promissio quæ turpem aut tristem habeat exitum, impleatur. Herodes qui saltatriculæ societatem regni promisit, fidem potius ruperit, quàm divinum Baptistæ caput secuerit. Ita recte Isidorus: In malis promissis, inquit, rescinde fidem; in turpi voto muta decretum: *Isid. l. 2. Soliloq.* impia est promissio quæ scelere adimpletur. Nos quod de promissoris constantia diximus, eam in promissis æquis ac honestis necessariam affirmamus: in his profecto turpe est, diverticula, explicationes, effugia, callida glossematia quærere. Nam, quod observatum Livio, perfidos nunquam causa deficiet, cur pactis non stent; semper aliquam fraudi speciem juris imponunt. Ideo si Tullium audiamus: Semper in fide quid senseris, non quid dixeris, cogitandum est. *Cic. l. 1. Offic.* Quod affirmas, quasi Deo recte promiseris, id tenendum est. Quisquis eam induit audaciam, ut promissionem quam injuratus fecit, rescindat, is paulatim promittere, & omnes Deos

Deos jurare, fidem nihilominus fallere audebit. Petrus cum se Christi discipulum primitus negaret, non juravit; cum easdem voces secundum repeteret, juramento & tunc abstinuit. At vero cum tertium suæ ipse promissioni contradiceret, coepit detestari, & jurare. His gradibus itur ad perjurium. O Petre, quam longe alia promiseras! Caput tuum votis obligaveras; carceris imo & mortis societatem conceptissimis verbis pollicitus. quantum divertunt hæ voces in Caiphæ atrio, ab illis in Christi cænaculo missis! illæ leonem spondebant, hæ cervum timidissimum arguunt. O Petre, quisquis promittit, debitor est, & veritatis urgente sententia, sponsionis fidem compellitur implere:

*Non est amici polliceri, sed dare.*

Valde deformis est Oratio, si res non comitetur verba. Aversatur hanc humanitatem Deus, quæ tam exporrecta est promittendo, tam adstricta præstando. Vult ille homines inter se sincere agere, nec linguam tam procul abire ab animo. Et quemadmodum Deus mutuum à nobis amorem exigit, sic mutuam quoque fidelitatem, quæ amoris filia est. Nec pæna illos claudopede sequitur, qui fidem aut negligunt, aut violant. Quoniam qui malignantur, exterminabuntur. Malignari, est, ingentia in os polliceri, phaleratis verbis ducere, in spem maximam impellere, verbis dapsilem esse, re ipsa Euclionem agere. Et quid his moribus vulgatius? Nec illud vulgi carmen à vero abludit:

*Ps. 36.  
v. 9.*

*Annis mille jam peractis,*

*Nulla fides est in pactis,*

*Mel in ore, verba lactis,*

*Fel in corde, fraus in factis.*

Manus ergo longas & liberales, linguam.



# DE PROMITT. LING. 597

guam modicam & brevem habeamus. Longæ sint manus, quæ Artaxerxi cognomen dederunt Longimani, quod præsentibus atque absentibus aperta protensaque manu benefaceret. At vero lingua sit adstricta & brevis, quæ non in longos logos, aut prolixas deplorationes, aut multa promissa excurrat. Ita promittat ut promissa perficiat. Displicet Deo infidelis & stulta promissio.

*Ecl. c.  
5. v. 3.*







Q

Linguam **QVERVLAM** dabit noscendam  
 Ionas Hebraeus vates. An sub Hedera, an vero  
 sub Cucurbita umbra confederit Ionas, non dis-  
 putamus. Nos hic cum 70 Interpretibus. & ad  
 mentem Augustini pinximus Cucurbitam. Li- <sup>Augu.</sup>  
 tem alii definiant. Vide C. 17. §. 4. <sup>tom. 2.</sup>

Porro lingua **MVRMVRANTIS** & <sup>epist.</sup>  
**QVERVLÆ** varium discrimen est, etiam <sup>10. ad</sup> Hieron.  
 istud: Lingua Murmurans sapissime suo se fre-  
 mitu fatigat; sibi canit, & suo domino, quamvis  
 pessime canat, & \*ima voce. At vero Querva-  
 la plerunque aures alienas quarit, in quas la-  
 mentationes ac questus suos egurgitet. Atque  
 hoc fusius dicto capite describimus.

\* Eyn groben baß.



## CAPUT XLVIII.

*Lingua QVERVLA multiplicia sua improbitatis dat specimina.*

*Alii,  
Pit-  
taso.*

**P**lutarchus peritissimus ille morum magister, elegantem inter ceteros libellum de garrulitate vulgavit. In hoc scripto refert ab Amasi Ægypti rege, Bianti seni missum bovem jam in victimam assatum, & simul monitum Biantem, partē bovis & optimam & pessimam eximeret. Ille linguam exemit solam, & remisit cum dicto, Nil pejus, nil melius esse lingua. Dictum ex tripode credendum.

Post tot linguas, linguas sane pessimas, non melior prioribus adest lingua, quam *Querulam* vocant, monstrum horrendum, ingens, quod ab improbitate multiplici, Orbe toto notissimum est. Hanc linguam hac dissertatione sumpsimus explicandam.

*Gen.  
c. 1.  
v. 31.*

**I.** Lingua Querula tam ubique potens est, ut suis querimoniis Orbem impleat, nec ea unquam primum caput Geneseos potest addiscere, tam stupida & nullius memoriæ est Geneseos liber narrationis principio hoc testatur: Viditque Deus cuncta quæ fecerat, & erant valde bona. At vero lingua Querula in rebus omnibus mali quid invenit quod deploret. Et quamvis hæc lingua Christianum os occupet, occultis tamen & obliquis questibus Deum ipsum laceffit, cum vix ulla res creata sic illi probetur, ut de ea non conqueratur, sed inaniter & impie. Ecclesiastæ monitum est: In die bona frui bonis, & diem malam præcave: sicut enim hanc, sic & illam fecit Deus, ut non inveniat

*Eccles.  
c. 7.  
v. 15.*



niat homo contra eum justas querimonias. Deus olim Abrahamo de Ismaële ex ancilla nascituro prædicit: Hic erit ferus homo; *Gen. c. 15. v. 12.* manus ejus contra omnes, & manus omnium contra eum; & è regione universorum fratrum suorum figet tabernacula. Talem plane se gerit lingua Querula, omnium hostis. accusat omnia; quicquid ei displicet, in jus ducit, & actionem movet. Linguarum querularum refertus est Orbis. Vbi domus, ubi xenodochium, ubi coenobium, ubi palatium est, ubi latebræ ul-  
læ sunt, in quibus non omnia his linguis perstrepan? Et quemadmodum diversissimi palati in discernendis cibis, ita dissimilimi genii sumus in effundendis querelis. Et quid, obsecro, in rerum natura est tam sanctum aut laudabile, de quo nemo conquerratur?

Lingua Querula toto die abunde habet quod queratur, & ut sibi semper similis sit, ad diei auspiciū, etiamnum in lecto incipit ejuscemodi querulas voces spargere: Equidem non satis diu dormivi; pessimus canis somnum latrando sæpius interpellavit: & jam importunus excitator adest, & rumpit quietem. Subinde & sol reprehenditur tanquam nimium moratus in via: Et quando tandem, ajunt, luceſcet? Cum oculi extersi, cum vestes jam induendæ, querelæ iterum innumeræ; hoc plus æquo follicat, hoc nimis strictum, hoc laxum nimis est, istud non satis adhæret corpori, hoc pedī non apte respondet, illud nimis rugosum est, hoc planum nimis. Cum libri aperiendi, cum manus admovenda chartæ,

*Tum querimur, crassus calamo quod pendeat humer,* *Perf. sat. 3. v. 27.*

*Nigra quod infusa vanescat sepia lympa:*

*Dilutas querimur geminet quod fistula guttas.*

Neque hic querelarum finis : Iam caput dolet, jam stomachus resolvitur, jam destillationes vexant, nunc malum in humeris, nunc in cruribus est ; jam calculus infestat, jam dentes verminant, jam angina cruciat, jam cibi fastidium affligit, jam alia atque alia torquent: sæpe plures morbi quam membra, quia unum subinde à diversis doloribus exercetur : hos autem aperire, consilium petere, remedia quærere minime vetitum, nec indecorum, at vero queri & cum indignatione miseras suas deplorare, sapientis linguæ non est. Hæc linguæ querulæ spuma est. Quod si plures ejuscemodi lamentatrices linguæ convenient, tunc sane plenis tibiis cantatur. Vix autem unquam duo colloquuntur, quin aut novas fabulas, aut veteres querelas referant.

II. Fuit ut viri duodecim magna familiaritate conjuncti sermonem ita conferrent, ut quilibet querelarum aliquid in commune diceret. Primus, in tempestatem & cælum peroravit, quod modo ut nimbosum nimis & tempestuosum, modo ut nimis serenum ac sudum accusavit, modo ventos, modo malaciam, modo imbres, modo siccitatem nimiam, modo nimios æstus, modo frigora nimia ; jam inconstantem & nubilantem aërem reprehendit. Et en, ait, quam hæc fæda est, quam turbida, quam atrox & immoderata tempestas ! Ita huic dicendi & conquerendi materiam præbuit cæli serenitas, & gravitas. Ita nec cælum nec Deus placent omnibus.

Alter, in uxorem querelarum plaustrum exoneravit. Vxor mala, inquit, quam gravis, quam longa, quam intolerabilis crux ! Di Deæque qualem ego nactus sum uxorem ? improbam oppido, & vix unquam taciturnam, nisi cum dormit ; sed & in som-



somnis garrit Canidia, trivenefica.

Tertius, stipendium ac salarium tam suum, quam aliorum in jus vocavit: Maximis, inquit, ac continuis laboribus urgeor, salario autem perquam tenui, & exiguo ludificor: quis sumptu tam modico vitam toleret? equidem domino meo placeret, si laborarem ut asinus, aurum congererem ut gryphes, foliis victitarem ut bombyces. Iure queror; domini mei avaritia nimis vilem pensiunculam præbet.

Quartus in magistratum copiose bilem effudit. Ecquis ait, non queratur? Magistratus in quosdam tam facilis ac clemens est, in alios tam rigidus & severus. Dat veniam corvis, vexat censura columbas. Hic offam interit, alteri exedundum est. hic dimittitur noxius, ille insons punitur. Disciplina deferitur, connivetur, amplum est sceleribus patrocinium. Et quis tot pecuniariis exactiōnibus par sit?

Quintus, in annonam querelas plurimas evomuit. annonæ structor videri potuisset, tam grandi supercilio pistorēs omnes damnavit, suum pani pondus, farinam, operam deesse caussatus. Ita querelas in Curiam, pistrina, molendina, granaria, frumentatores & triumviros panarios effudit largissime.

Sextus, militiam sibi sumpsit querelis lacerandam. Hic, ajebat, nimis lenti sunt & cunctabundi, hic præcipites nimium, hic vero nihil fit: hic honores desunt, hic munera; hic concilium militare hallucinatur, hic à ducibus est error; hic avaritia, hic superbia omnem militarem successum corrumpit: ita rem bellicam varie deploravit.

Septimus, de templo & divino cultu est questus. In hac æde, dicebat, conciones nimis prolixæ, in illa nimis breves: in ceteris quamdiu expectandum, dum rei divinæ ini-

tiū fiat? hic erratur in cantu, illic in ceremoniis; hic omnia nimis operose fiunt & sumptuose, illic neglectim & nimis perfunctorie: istic confessarii vehementes nimis, & impatientes sunt, alibi mites nimium & plane ficulnei, ac propemodum elingues. Sint hæc vera, linguis tamen querulis non sunt enuntianda.

Octavus, in ancillas & famulos querelis grassabatur: Hi homines, inquiebat, nimis jam imperiosi, contumaces, pigri, insatiabiles sunt, nullis jussibus, sed nec Manlianis imperiis in officio satis continendi.

Nonus, in sacerdotes & viros religiosos examen querelarum emisit: Et isti quidem, agebat, poculis rem agunt: hos effert superbia, istos inquinat avaritia, illos perdit otium, hi sacra bonæ Deæ non ignorant. Sic à querelis ad detractiones transitur.

Decimus, vitiosissimum ævum & degeneres ab avis posteros queribundus deflevit, nec dixit, Ego tuque sceleratorum hominum pars sumus, sed omnem tempori culpam impegit.

Vndecimus, Dei satellites & apparitores. Morbum, Mortem, diabolos querelis onerans: Mors, inquit, immanissima præmature mihi amicorum optimum abripuit: illic tragœdias diabolus tragicissimas excitavit, cædis & malorum omnium mandator. Hujus hominis querelæ vix ipsi Deo pepercerunt.

Duodecimus, in suos obrectatores & inimicos innumeras querelas ore pleno ejiciens: Hic, inquit, torvis me oculis intuetur; hic salutatus non resalutat; hic asperis in me verbis investus est. Querulus iste homo non ante querelarum finem fecit, quam alii veterem telam ordirentur, repeterentque querelas jam auditas, quod linguæ huic proprium,



## DE QVERVLA LING. 605

primum, idem sæpius recantare. Atqui hi sunt, *Iuda*  
ut Thaddæus Apostolus loquitur, murmu- *epist.*  
ratores, querulosi, secundum desideria sua *Canons.*  
ambulantes, & os eorum loquitur su- *v. 16.*  
perba.

**III.** Porro quid vos, auditores, de his  
sentitis, quis horum primum præmium ob-  
tinet? Si rationem & jus consulamus, pri-  
mum præmiū debetur illi, qui sic queritur,  
perinde ac si divina dispositio ei nō perplace-  
at, & idcirco modū Deo constituendū cen-  
seat. Alterum præmium ei debetur, qui ma-  
gistratū querelis suis allatrat: non exigui res  
momenti est, iudicum agere velle iudicem.  
In tertiis consistit, qui tot tantasque queri-  
monias de aliis hominibus habet, ut cum  
primis certet. Apertissimum Christi dictum  
est: Amen dico vobis, quamdiu fecistis uni *Matth.*  
ex his fratribus meis minimis, mihi fecistis. *c. 25.*  
*v. 40.*  
In Mosen & Aaronem Iudæi querelas plu-  
rimas congefferant. Sed illi querelis respon-  
derunt: Non contra nos est murmur ve-  
strum, sed contra Dominum. Verum *Exodi*  
duodecim illis querulis censoribus breviter *c. 16.*  
respondendum est; sua quemque censura *v. 8.*  
feriat.

Primus de tempestate & injuriis cæli que-  
stus est. Respondemus: Homo patientiæ  
non ignarus, contra neminem magis quam  
seipsum queritur. Divinam Ordinationem  
non tangit. Illud unum assidue ingeminat:  
Bene omnia fecit. Hominum aliquis peccat? *Marci*  
Non aliud secum quam hoc repetit: Quis *c. 7.*  
ego sum, qui iudico servum alienum? Domi- *v. 37.*  
no suo stat aut cadit. Sed nec contra rem *Rom.*  
aliā creatam queritur. Alter de uxore que- *c. 14.*  
stus est. Respondemus: Quod tute tibi in- *v. 8.*  
trivisti, tibi exedundum est. Vxorem habeas  
ut nactus.

Tertius de suo salario questus est. Re-

## 606 C A P V T X L V I I I .

*Spondemus: Qui non nescit se frustra & incassum queri, nec tamen querelas desinit, is numos suos in pertusum sacculum mittit; quieti suæ consuleret, si taceret.*

*Quartus contra Magistratum questus est. Respondemus; Qui toties errat in gubernanda domo sua, stulte magistratum accusat, qui urbem aut provinciam gubernat. discat ille prius pauculos suorum regere, vix demum alios docere poterit, qua ratione populus sit regendus. ita in alienis lynces, in nostris talpæ sumus.*

*Quintus de annonæ caritate questus est. Respondemus: Vbi demum omnia & ubique locorum ad rectissimam amussim erunt composita, nos non amplius erimus superstites. Hoc interim re ostendamus, vectigal magnum esse parsimoniam: pistoribus & molitoribus sui sunt iudices, qui farinam inspiciant; vitam nos nostram inspiciamus, & illud sæpius cogitemus: Bona verba non raro meliora esse quam dona.*

*Sextus contra nostratis militiæ rationem questus est. Respondemus, & una quærimus: Quot obsecro querulus hic homo stipendia fecit, quibus ducibus militavit? an unquam in hostem gladium strinxit? an unquam plumbeam glandem extorsit? Ergo, ne sutor ultra crepidam. Milites de armis, Mathematici de stellis, architecti de ædificiis, navarchi de ventis, medici de morbis eruditius, quam alii loquentur.*

*Septimus de templorum administris & maxime de concionatoribus questus est. Respondemus: Qui sine peccato est, primus in illos lapidem mittat. Vbi quis munus suum exactissime, & ad unguem exsecutus fuerit, alios fortassis rectius docebit.*

*Octavus de famulis & ancillis questus est. Respondemus: Aut talis nunquam*  
*serviit,*



serviit, aut memoriam omnem perdidit. Plato ait, neminem regem non ex servis esse. *Seneca*  
se oriundum, neminem non servum ex regi- *epi. 44.*  
bus.

Nonus de sacris hominibus & religiosis viris conquestus est. Respondemus: Vrbs munda conservatur hac ratione, si quis paterfamilias viam publicam ante ædes suas conservet mundam; reliqua curabit magistratus. Optima scientia est, Notitia sui: qui seipsum novit, in alios non temere sententiam dicet. Deinde iniquum est, uno delinquente omnes accusare. De Religiosorum domibus idem pæne dicendum, quod de sua Augustinus: Neque mihi, ait, arrogare *Aug. epist.*  
audeo, ut domus mea melior sit, quam ar- *137.*  
ca Noë, ubi tamen inter octo homines u- *ad Cle-*  
nus reprobis inventus est; aut melior sit *rum*  
quam domus Abrahæ, ubi dictum est: E- *pop.*  
jice ancillam & filium ejus, &c. aut me- *Hipp.*  
lior sit quam cohabitatio ipsius Domini Christi, in qua undecim boni perfidum & furem Judam tolerarunt; aut melior sit quam cælum ipsum, unde Angeli ceciderunt.

Decimus de temporum iniquitate questus est. Respondemus: Senecæ conjux famu- *Seneca*  
lam habuit Harpasten fatuam. hæc subito *epi. 50.*  
desiit videre, se tamen cæcam esse non sci- *initio.*  
vit: ideo totam domum ut tenebrosam accusavit; tenebræ in ipsius oculis fuerunt. Idem nobis accidit; accusamus tempora, cum nostra sit culpa.

Vndecimus de morbis & morte questus est. Respondemus: Olla olim de figulo quæta est, quod eam parieti allisisset: at nemo hanc querelam non stultissimam dixit: hoc jus figuli est, fingere vasa & frangere prout ipsi placet.

Duodecimus de suis obtrectatoribus & inimi-

inimicis questus est. Respondemus: Augustæ Vindellicorum duo religiosi viri ostiatim mendicarunt. his pro stipe homo improbus restim porrexit: quem illi reverenti osculo acceperunt & gratias egerunt, ædificio suo rem fore percommendam asserentes. Omnium inimicorum nostrorum nequitiae & technæ funes sunt & restes, quibus nostra onera, nosque ipsi attrahamur in cælum. Quid ergo habemus justæ querelæ? gratiæ potius sunt agendæ.

2. Reg.

c. 19.

v. 28.

IV. Sed objicias: Ergo anxias & acerbas ægritudines explicare non licet? imo vero licet, sed eo loco atque iis hominibus quibus oportet. hoc non est querelam effundere, sed medicinam petere. At vero tam multis aliis, & toties molestias suas oggerere, conquestio supervacanea, & plerunque damnosa est. Deinde inter querelas ita nonnunquam effervescit animus, ut tacito passu ad obrectationes & calumnias fiat transitus, quas nos justas querelas nominamus. Sed objicias iterum: Quis adeo ligati oris sit, ut cum scierit se non nisi vera locuturum, querelas tamen omnes comprimat? quandoque solatio est eas effudisse. Si effundantur in amicum sinum, è quo consilium speretur vel auxilium, subinde non obfuerit: at vero querimonias ubique spargere; omnium aures iis fatigare, malum asperat, & ulcus facit grandius, præsertim si hoc resciscant illi, de quibus querimur. Quamvis & ii hic monendi sunt, quos querelæ petunt, ne ea quæ de se dici audiunt, contemptim transeant, velut inania murmura, & merissimas querelas; ne dicant; Servis & subditis nunquam desunt intempestivæ querelæ: quin potius examinent rem quæ aliorum questus provocat, an ea nihil æquitatis habeat; pensent singula, num juvare pos-



possint, num parcere debeant, an non nihil cedere, & onus levare conveniat. Iniquum est si domini omne sibi jus in servos aut subditos tribuant: Nemo bonus iudex in causa propria.

Sionis Rex David à Ioabo, quem suæ militiæ præfecerat, acerrimis querelis flagellatus, non tantum hominem benigne audit, sed & executus est, quæ suus sibi famulus dictarat exequendum. Nunc igitur surge & 2. Reg. procede, inquit Ioab, & alloquens satisfac c. 19. servis tuis. Surrexit ergo rex, & sedit in v. 7. porta. Quid potuisset mitius aut dicere, aut 6. 8. facere potentissimus regum ad querelas acerbissimas? Has audiit mitissimus regum, sed non retorfit; suum illud potius usurpavit: Domine, ut jumentum factus sum a- Psa. 72. pud te, & ego semper tecum? neminem ac v. 22. cuso nisi meipsum; de nullo conqueror, nisi de meipso; paleis an hordeo pascor, fileo; jumentum sum.

Hebræus propheta Ionas non semper Domini jumentum esse voluit. Et hic ipse est qui luculentum querulæ linguæ specimen præbens, contra divinos justus varie conquestus est. Cumque jam pæne non haberet contra quem quereretur, in res inanimas linguam querulam emisit. Nam hederam à vermiculo perrosam gravibus querulis convulsit. Cui Deus: Putasne, inquit, bene irasceris tu super hederam? Cui Ionas audacter: Bene irascor ego, usque ad mortem. En judicem, sed malum & queribundum: qui causam propriam censet æquissimam. Quemadmodum igitur par est ut magistratus & domini, servorum ac subditorum querelas, non primo aspectu rejiciant, sed examinent atque perpendant, ita subditi suas querelas non pertinaciter, velut æquissimas defendant. Sæpissime utraque

# 610 C A P V T X L V I I I .

pars errat, errorem fateri & corrigere neutra-  
*imit.* vult. Ille imitator Christi prudenter : Do-  
*Christi* mine, inquit, quid possum conqueri, si me  
*libr. 3.* deseris? Si recte me inspicio, nunquam mi-  
*c. 40.* hi facta est injuria ab aliqua creatura; unde  
*41.* nec julte habeo conqueri adversum te. Ju-  
 mentum nec de pabulo, neque de lecto, ne-  
 que de domicilio queritur. Cum sapientissi-  
*Psa. 72* mo rege sapit, qui hoc idem de se affirmare  
*v. 23.* audet : Ut jumentum factus sum apud te, &  
 ego semper tecum.

V. Isaias divinam benevolentiam polli-  
*Is. c. 58* cetur : Si, ait, abstuleris de medio tui cate-  
*v. 9.* nam, & desieris extendere digitum, & loqui  
 quod non prodest : tunc invocabis, & Do-  
 minus exaudiet; clamabis, & dicet: Ecce ad-  
 sum. Primo omnium auferenda est catena.  
 Heu quam misera est vita, quæ noxas noxis,  
 scelera sceleribus velut annulū annulo con-  
 nectit! tollatur hæc catena, & redibit divina  
 gratia. Alterum est; Contine digitum, ne  
 minare, ne illude: minaces, iracundi, illufo-  
 res intento digito loquuntur. Tertium est;  
 si desieris loqui quod non prodest. Inter  
 sermones prorsus inutiles pæne inutilissi-  
 mus est querela, quæ rarissime prodesse, fere  
 semper nocere solet. Iobus : Quia, inquit,  
*Iob.* querelas in me reperit, ideo arbitratus est  
*c. 33.* me inimicum sibi. Sint querelæ veræ, sint  
*v. 15.* justæ, sed quid tum postea? quid querimo-  
 niis juvamus? causam bonam vix unquam  
 adjuvant, causam malam plerunque dete-  
 riorem faciunt querelæ. Ergo desine loqui  
 quod non prodest: Siracides etiam horta-  
*Eccli.* tur : Fili in bonis non des querelam, &  
*c. 18.* in omni dato. Tot sanctissimi martyres  
*v. 15.* minime omnium queruli fuerunt, quos  
 Ecclesia vel ideo etiam veneratur & lau-  
 dat : Non murmur resonat, non querimonia, sed  
 corde tacito mens bene conscia conservat patientiam.

Hanc



# DE QUERVLA LING. 611

Hanc laudem jure optimo tulit sanctissimum par conjugum Zacharias & Elisabe-<sup>Luc. c.</sup>tha; Nam, erant justi ambo ante Deum, in-<sup>1. v. 6.</sup>cedentes in omnibus mandatis & justificationibus Domini, sine querela. Nemo de illis queri potuit, sed nec ipsi de aliis questi sunt; sorte sua contenti vixerunt, vere *sine querela*.

Prisci dicere solebant, non decere sapientem, modo in hunc, modo in illum declamando, veritatis oculis caliginem offundere. Male audit de quo dicitur: *Est homo querulus, nemo ei satisfacit, cum omnibus injuriam expostulat*. In viro religioso hoc grande vitium est: Quamobrem abbas Pastor distitabat: Qui querulus est, monachus non est. Homo religioni addictus non facile de re ulla conqueratur, instar jumenti, cujus fortunæ omnes à nutu domini pendent. Monstrosius, sic dicam, monstrum videri potest, coenobita querulus, quam asina loquens.

Hominem serio probum Ecclesia hoc afficit encomio: Ecce homo sine querela, verus Dei cultor & permanens in innocentia sua. De querulo mutatis vocibus canendum: Ecce homo plenus querela, ventris sui cultor, & permanens in stultitia sua, quicquid ad suum stomachum non facere putat, repudiat. Tanto inter omnes pretiosior Iobus & unice æstimandus, quia à Satana tam dire<sup>Iob. c. 1</sup> habitus ut nihil sui corporis haberet, quod<sup>v. 22.</sup> sanum diceret præter linguam, fors ideo non<sup>c. 19.</sup> ulcerosam, ut eam in querelas laxaret, ut<sup>v. 20.</sup> cælum omnesque cælites execraretur, ut hostibus suis omnibus pessime precaretur; Et tamen in omnibus his non peccavit Iob labiis suis. Ipse quidem de se affirmat: *Derelicta sunt tantummodo labia circa dentes meos. Læsa & afflicta erant omnia, una supererat lingua, qua usus est non ad querelas, sed Dei laudes & gratiarum actiones: Sit nomen*

612 CAP. XLVIII. DE QVER.

nomen Domini benedictum. Non est melior, non est brevior, non est suavior can-  
tiuncula, in miseriis & ærumnis, in rebus  
adversis omnibus quam hoc ipsum Iobi car-  
men: Sit nomen Domini benedictum. Ni-  
hil agimus querelis, nisi quod causam no-  
stram plurimum labefactemus, perinde ut  
qui funiculos implicatos nec solvere potest,  
nec rumpere; dum luctatur, arctius eos  
implicat, & pluribus nodis constringit.  
Quin ergo aulicum illum imitamur, qui in  
cultu regum consenuerat, cujus notissima  
vox est. Nam cum illum quidam interro-  
garet: Quomodo rarissimam rem in aula  
consecutus esset, senectutem? Injurias, in-  
quit, accipiendo, & gratias agendo. Sæpe  
adeo injuriam vindicare non expedit, ut ne  
fateri quidem expediat. Et nos profecto  
tanto chariores Deo famuli erimus, quan-  
to minus queruli. Probissimi hominis illu-  
stre prorsus indicium est; De nulla re con-  
queri, nisi coactum.

*Sen. l. 2  
de Ira  
c. 33.*





R r





# R

*Linguam secreti REVELANTEM* monstrat dolium Danaidum A. rimarum plenum; quicquid huic infuderis, mox iterum effunditur. Vide C. 18. S. I. Vnde tot quotidie de amicis prodeunt querelæ, nisi quia quos fidiſſimos habebamus, invenimus infidos, & arcani proditores? Nempe non omnibus Rex Macedonum Alexander os annulo impresso claudit & obſignat, uti ille ſuo Hephæſtioni poſt lectas litteras. Heracliti dictum eſt: Vulgus non differre à fractis urceis, cum nihil continere poſſit, ſed diffuſat nugando.

## R

## CAPVT XLIX.

*Lingua REVELANS secreti, quadruplici  
nos malo afficit.*

**M** Alum ovum malus corvus; veteri verbo jactatur. De ovis peissimis Isaias vates præmonens: Conceperunt laborem, inquit, & pepererunt iniquitatem. Ova aspidum ruperunt, & telas aranæ texuerunt: qui comederit de ovis eorum, morietur: & quod confotum est, erumpet in regulum. Aspidis ova, ut Bartholomæus Anglicus testatur, excludit rubeta; rana non minus aspide venenata. cum rubetæ fomento rupta est ovi crusta, exit regulus, aspide & rubeta venenator, qui vel oculis necat; at primum quod ab eo necari solet, est rubeta mater. Quisquis de absentibus contumeliose loquitur, & id tanquam arcanum non evulgandum alienis auribus committit, is alteri aspidis ovum supponit cui incubet. alter aliquanto tempore fovet ovum silentio, demum garrulitate ac imprudentia excludit. atque hinc regulus qui nonnunquam patrem & matrem, auctorem & fautorem necat. Idcirco ingenti circumspectione opus, quidnam arcani, & cujusnam id auribus committatur. Neque eum dumtaxat, qui hæc talia narrat, attentum volumus & circumspectum, sed & illum qui narrantem audit: huic sedulo cogitandum quid sibi & à quo committatur, ne istud temere ac imprudenter emanet. Si secus fiat, ingentia hinc damna oriuntur. Hanc ob causam Alphabeti series ad litteram caninam nos ducit, quæ linguam pessimæ famæ demonstrat.



ca Revelans arcanum nominari solet. Quantum vero nocummenti adferat hæc lingua, quantis discordiis orbem misceat, qua demum ratione hæc pestis coercenda sit, hoc capite demonstrabimus.

I. Arcanum hic & secretum id dicimus, quod vel secreto ab aliis auditum, vel certe à se tale quippiam est quod silentium exigat. Subinde res adeo arcana non est, sed quoniam alter rogavit; \* *Tecum habeto*, profecto edicenda non est. Et multo magis clausa sunt habenda consilia, quod ipsum etiam iurandum poscit. quicquid denique inter duos aut plures occultis arbitriis disceptatur, alto silentio premendum est. Quisquis tale quid edicit, jure \* *futilis gerro* dicitur, ut qui linguam habeat rimarum plenam, hac atque illac diffluentem, uti sunt Danaïdum dolia semper pertusa, quibus quicquid infunditur, perditur. Atque hinc mala nascuntur plurima: numeremus.

Primum est: Magna levitas animi, & puerilis simplicitas se prodit in eo homine, qui nihil secreti potest tegere, sed audita mox obviis enuntiat. imperitus lusor est qui favente sorte pictas chartas aliis ostendit, seque ridiculum facit. Sed ut vulgus arguitur, quatuor sunt, quæ abscondi nequeunt, Palma in clivo, stramen in calceo, fusus in sacco, arcanum in fatuo. Nec sapientiores ii, sed & nequiores, qui dicta ejuscemodi ab aliis expiscantur, quæ proximo cuique venditent. & sit quandoque ut narrationem celandam audiat is ipse de quo male instituta est. Siracides hos locutuleios prægnanti fe-

R r 3

minæ

\* *Laß bey dir bleiben.*

\* *Klappermaul / Bloderer / Ofsenburger.*

*Eccli.*  
c. 19.  
v. 11.

minæ confert, quæ partui vicina dolet, ingemiscit, luctatur; sic, A facie verbi parturit fatuus. nec quiescit miser dum partum suum enixus sit in lucem, & quæ auribus concepit, totis buccis effuderit. Si quid ad canis aut felis caudam alligetur, quanta inquietatio sequitur? ut currunt, ut saliant, ut furunt inquietæ animantes? nec ullo loco consistunt, dum alligatum excusserint: Non aliter *Revelans lingua* impetu fertur ad eloquendum. & ea sæpe gestit libidine sua effutendi, ut non visa solum & audita narret, sed illa quoque misceat, quæ suspicatur, quæ fingit: falsa sint an vera, juxta habet. Grande hoc malum est, animi sui levitatem sic omnibus spectandam proponere, ut quam plurimi norint hominem mentis inopem esse.

*Eccli.*  
c. 27.  
v. 17.

Alterum malum est, qui secreta reteggit, fidem amittit, nemo est qui se suaque velit illi committere. Siracidæ hoc credimus: Qui denudat arcana amici, fidem perdit, & non inveniet amicum ad animum suum. erit qui par pari reddat. Hanc profecto viam tenet divina providentia, & potissimum in linguæ vitiis, ut quemadmodum ille de isto contumeliose loquitur, sic alii de illo; & sicut iste commissæ sibi effutit, ita nec alii arcana illius celent. Salomon luculente pronuntiat: Qui ambulat fraudulenter, revelat arcana, qui autem fidelis est animi, celat amici commissum. Nimirum hoc discrimen est: qui ambiguae fidei vir est, audita mox foras eliminat; fidus & prudens secum habet quæ audiit. Arcanorum revelatio à fraudulenta & infida plurimum mente proficiscitur; fidelis enim commissæ concreditaque sibi alto premit silentio; qua enim fide ab amico rem accipit, eadem servat. Ille in hujus sinum reposuit? iste committentis affectui respondebit, & non fallet. Si vero pro-

*Prov.*  
c. 11.  
v. 13.

dit,



dit; fallit, infidus est, amicus non est. Proinde nihil illi credendum. Venusinus vates cavendum eum monet :

*Fingere qui non visa potest ; commissâ tacere* Horat.  
*Qui nequit, hic niger est , hunc tu, Romane ca-* de arte  
*veto.* poet.v.

434.

Addit , quam suaviter arcanum exprimi soleat:

*Tulene tormentum ingenio admoves* Horat.  
*Plerunque duro : tu sapientium* l. 3. od.  
*Curas, & arcanum jocosâ* 21.  
*Consilium reteris Lyao.* med.

Hæc lenia tormenta, subsequitur cæcus amor sui,

*Et tollens vacuum plus nimio gloria verticem* Idem  
*Arcaniquæ fides prodiga, perlucidior vitro.* l. 1. Oda

Luctator dolosus est vinum , ut Plautus  
 putat, pedes captat primulum, imo vero lin- 18.  
 guam, cui sic captæ secretum facile rapit. *fine.*

**II.** Tertium malum est : Qui sibi dicta mox foras eliminat, non tantum fidem , sed & amicum perdit. Siracides hoc affirmans : Est, inquit, concordatio, excepto convicio , & improperio , & superbia, & mysterii revelatione, & plaga dolosa ; in his omnibus effugiet amicus. Omnis amicitiae nexus solvitur , & vix unquam iterum copulari potest , quæ his modis dissoluta est. 1 Conviciis ultro citroque jactis. 2 Improperiis , cum aut iste donum exprobrat, aut ille doni vilitatem exaggerat. 3 Fastuoso amici contemptu. Amicitia aut pares accipit , aut pares facit : hinc perit illa , si alter alterum velut inferiorem despiciat. 4 Vulnere per fraudem inflictio : Gravius sentitur damnum quod ex obliquo venit. 5 Revelatione mysterii : Difficile est amicos componere post hanc injuriam detecti arcani. Deum quidem omnibus his modis lædimus, sed reconciliari Deo facillime possumus. Non eadem in-

ter homines est ratio : non raro qui fidem semel violavit, semper infidus creditur; qui semel offendit, semper hostis censetur.

Ergo cui cordi est fides & amicitia, non tantum secreta non aperiat, sed & societatem eorum caveat, qui ore lubrico quod audiunt, mox effundunt. Ita leges divinæ serio mandant : Ei qui revelat mysteria, & ambulat fraudulenter, & dilatat labia sua, ne commiscearis. Erudite Ambrosius : Cum omnia, inquit, nobis nostra essent communia, individuus spiritus, individuus affectus, solum tamen commune non erat secretum amicorum, ut fidem servaremus. Sapientissimus regum vel hanc unam ob causam, ne arcanum pereat, vinum dari regibus ita vetat : Noli regibus. ô Lamuel, noli regibus dare vinum; quia nullum secretum est, ubi regnat ebrietas. Facundi calices quem non fecere arcani proditorem? Homo potulentus totus translucet, totus effluit, & nullo cogente se, tanquam si quæstione interrogatus esset, arcana omnia manifestat.

Quartum hic malum est : qui arcana fido pectore non occulit, non tantum fidem & amicum perdit, sed ita quidem perdit, ut recuperari nequeant. Eam ob rem Salomon providus consuasor : Quæ, inquit, viderunt oculi tui, ne proferas in iurgio cito, ne postea emendare non possis cum dehonestaveris amicum tuum. Quid heroum fortissimo Samsoni vires, oculos, libertatem, vitam rapuit, nisi garrula futilitas, quæ Dalilæ urgenti secretum enuntiavit, & omnia perdidit. In Romanis sacris vas aquæ hauriendæ adhibebatur, quod humi deponere nefas erat; ideo pede carebat, ne uspiam è manu deponi posset. Os vasis istius amplum, in angustiores conum desinebat, perinde ut in conviviis nostris vitrea sunt, quæ campanas dici-

*Prov.  
c. 20.  
v. 19.  
Amb.  
de obitu  
fratris  
sui Sa-  
tyri.*

*Prov.  
c. 31.  
v. 4.*

*Prov.  
c. 25.  
v. 8.*



dicimus, quas nisi vacuas, in mensa reponere  
 piaculum foret. Atque illud suum Romani  
 vas, *Futile*, vocabant, quod quicquid conti-  
 neret, effundendum esset. Huic vasi apposi-  
 te confertur homo tam patuli ac lubrici o-  
 ris, ut quicquid auditione acceperit, id mox  
 iterum effundat locutione, perinde ac si ne-  
 fas sit auribus quippiam accipere, quod non  
 quamprimum os reget at. Hæc tamen inter  
 vas illud & os humanum differentia est; va-  
 se illo nullum unquam incendium excita-  
 tum est, sed ore hominis sæpissime; illud ig-  
 ni extinguendo fecit, hoc creberrime sus-  
 flando. Arcana non celasse ingentium malo-  
 rum sæpius origo fuit. Divinus testis Sira-  
 cides: Denudare, inquit, amici mysteria, de-  
 speratio est animæ infelicitis.

Ecclesi.

c. 37.

v. 24.

III. Illud Romanorum columen Me-  
 tellus senex, militiæ peritissimus, tanti æsti-  
 mavit secreta posse contegere, ut interroga-  
 tus, quid in sequentem diem juberet, dixe-  
 rit: Si scirem intimam meam tunicam arca-  
 ni mei consciam, in ignem eam abjicerem.  
 nec enim solum linguæ vitium est, aliena  
 secreta effutire, sed etiam sua, præsertim a-  
 pud imprudentem. Metellum secutus Pe-  
 trus Aragonius; Comburam, aiebat, tunicam  
 meam intimam, si consiliorum meorum esse  
 gnaram sciero. Sapientissime monuit Salo-  
 mon: Causam tuam tracta cum amico tuo, *Prov.*  
 & secretum extraneo ne reveles. Quam ob *c. 25.*  
 causam abbas Antiochus dixit: Vnicuique *v. 9.]*  
 obvio concedere sui pectoris arcanum, id  
 peculiare est animæ prorsus ineruditæ. Ne-  
 cesse est igitur circumspecte & comite con-  
 silio agere omnia.

Infans cum manu glaciem tenet, brevi  
 lusu se decipit, cuperetque perlucidum hoc  
 crystallinum non dimittere, sed quia gelu  
 manus adurit, gaudium suum manibus elabi

finit, quod nequit retinere : ita hi pertusi oris homines, vellent quidem non infidi ac leves videri, sed quia rimarum pleni sunt, hac atque illac perfluunt, uti vas fluxum & pertusum, dolium Danaïdum.

*Eccli.  
c. 42.  
v. 1.*

Salomonem & Siracidem locupletissimos testes sæpicule adhibuimus, ii tamen paratissimi sunt longe sæpius in vitiosam linguam testimonia denuntiare, præsertim in hanc ipsam de qua agimus. Siracides quidem hic neminem non cautissimum exoptans: Non duplices, inquit, sermonem auditus de revelatione sermonis absconditi, & eris vere sine confusione. Perinde si dixisset: Quod tibi primo dictum, tu ne secundo dicas; ne duplices sermonem. Illud vero ridiculum admodum & stultum est, quod tunc primum, cum jam aliquid enuntiavimus, os alteri obferare cupiamus. Exemplo rem demonstramus.

Narravit mihi Sertorius nuperrime Pol lionem senatu movendum, Thraseam aula excludendum narrationis suæ epilogum adjecit hunc: Cave ulli hoc dixeris; nam res adhuc dum alto premenda est silentio. Ego autem amicorum fidissimo hoc ipsum narra vi, sed & clausulam hanc adjeci: Obsecro te, ne hoc aliis enuntia; etiamnum obscure ferendum est. At ille familiarium meorum intimus, uxorem inter illos alios non numerans: O mea conjux, ajebat, quando tu alter ego es, arcanum tibi commissum præter me neminem scire crediderim: audi rem miram & novam; Pollio senatu movebitur, Thraseas excludetur aula; sed occultum hoc habeto. Illa byssinæ sed lubricæ linguæ mulier, vix duabus horis tam grande secretum continuit, & in vicinæ aures mox egurgitavit, illam quoque speciosissimam clausulam attexens, secum hoc haberet; audita in vul-  
gus



gus minime spargenda. Mulier vicina fidem non falli arbitrata, nisi arcanum publice narraret, clam in unius alteriusve aures hoc de Pollione & Thrasea insusurravit; mox urbe tota volavit fama, & tragoedia inde nata est non una.

Quis hujus tragoediae auctor obsecro? primus ille, qui tacenda non tacuit. Sed dicet: Ego tamen obnixe rogavi te, nemini hoc enuntiares. Quid me rogabas, o stultissime mortalium? cur non rogasti teipsum, & os tuum? si tu recessus mentis tegere non potuisti, quid de alio sperare poteris? si nesciri hoc volebas, cur ulli alii narraisti? Ego enim sic mecum ratiocinabar, Si potuit id mihi uni committere, possum & ego uni alteri, hic alter tertio, tertius quarto, hic quinto, ab hoc celeriter ad sextum, inde ad decimum, ad quinquagesimum, ad centesimum res delata est. Singuli quidem rogabant. Hoc tecum habeto, istud nemini dixeris. Verum hae ipsae preces audaciam suggerebant ad propagandum secretum. Chrysostomus ineptissimas has preces & ipse irridens ac detestatus: Hoc vero ridiculum magis est, inquit, quod talem habentes vitam, & propria negligentes, cum aliquid arcanum dixerint, rogant audientem & adjurant, ne cuiquam amplius alteri dicat: declarantes quod rem reprehensione dignam commiserunt. Si enim illum, ut nemini dicat, rogas; multo magis te priorem huic dicere non oportebat. In tuto sermonem habebas: postquam vero alteri prodidisti sermonis custodiam, superflua facis & inutilia, admonens & obtestans pro delictorum custodia.

IV. Quicquid ergo deblaterari non vis, hoc in tuo pectore, hoc in ore tuo moriatur, & computrescat. vivere finis, & ex ore tuo profiliere? jam actum est; brevi ora omnium

per-

Chrys.  
som. 5.  
hom. 3.  
ad pop.  
michi  
pa. 31.

Seneca  
epist.  
105.

persultabit. Divine hic Seneca philosophatur, & hoc ipsum quod dicimus, rationibus affirmans: Nihil, ait, æque proderit, quam quiescere, & minimum cum aliis loqui, plurimum secum. Est quædam dulcedo sermonis, quæ irrepit & blanditur, & non aliter quam ebrietas, aut amor secreta producit. Nemo quod audierit, tacebit: nemo quantum audierit, loquetur. Qui rem non tacerit, non tacebit auctorem. Habet unusquisque aliquem cui tantum credit, quantum ipsi creditum est: ut garrulitatem suam custodiat, & contentus sit unius auri-  
*Quipopulum faciamus, mox sequentibus verbis explicatur.*

Quipopulum  
faciamus,  
mox se-  
quenti-  
bus  
verbis  
explica-  
tur.

Romanus senatus occultum aliquod consilium per aliquot dies intra se agitaverat, cumque res ea multum obscuritatis haberet, variasque excitaret suspiciones, quendam senatorum, mulier alias pudica, sed tamen mulier, majorem in modum precibus urgebat, ut arcanum sibi aperiret: dejerans interim, se silentio rem tecturam, & ni faceret, diris se devovens execrationibus, flensque & quiritans fidem sibi non haberi. Ille ut stultitiæ eam suæ coargueret: Vincis, ait, mea uxor; proinde audi terribilem rem atque prodigiosam. Relatum ad nos est à sacerdotibus, \* cassitam visam esse volantem cum galea aurea & hasta: de eo ostento una cum auguribus deliberamus ac anxie disquirimus, bonine an mali aliquid portendat; tu vero tace. Hæc locutus in forum processit. At vero mulier ancillam, quæ primum intraverat, arripiens, pectus suum plangens & crines  
 scin-

\* *Alaudam, eyn Lerch.*



scindens : Eheu, inquit, mi vir, & o mea patria quid nobis fiet? volens docensque ancillam quærere. Quidnam igitur evenit? inquit ancilla, & simul silentii fidem obstringit. Postquam interroganti & fidem danti mulier rem narravit, addidit communem omnis loquacitatis clausulam : Cave ne cui hæc dixeris, & tace. Vixdum à domina ut est digressa, una servienti alteri, quam maxime videbat otiosam, narrationem injicit, illa herili famulo curiosius sciscitanti exponit. Hoc modo fabula in forum devoluta, ita ut præcurreret auctorem. Quidam ad eum notus accurrit, & an recens domo adveniat quærît. Ait ille. Nihil ergo, inquit, inaudisti novi? Ad quem ille : Quidnam obsecro? an novi aliquid evenit? Tum alter : Cassita, inquit, conspecta est volans, cum hasta & aurea casside, atque de hoc ostento principes senatum habent. Vbi ridens iste : Laudo, inquit, mulier celeritatem tuam, qua factum est, ut me in forum euntem sermo hic anteverterit. Proinde ad magistratum accessit, eumque trepidatione liberavit. Vt autem mulierem ulcisceretur, domum reversus : Mulier, perdidisti me, inquit, pruritu linguæ : compertum est enim è domo mea in publicum elatum esse arcanum : itaque ob tuam incontinentiam solum mutare cogor. Euntique inficias, & dicenti : Quasi vero tu non trecentesimus hæc audieris? Quomodo, inquit, trecentesimus, qui te urgente ut periculum facerem, possesne audita reticere, infutucconfinxerim? Atque hic quidem mulieris suæ continentiam probavit, & veluti in vas fatiscens, non vinum aut oleum, sed aquam infudit.

Ita femineum hoc vitium est. Nam viri est frenos linguæ injicere, & ante vitam ponere, quam concredita, retegere : effutire  
com-

commissa muliebris est ingenii, ad colum & acum nati. Homo futilis perforato bibit poculo; plus effundit quam bibat. Ecquid autem ab eo speres, cui nihil tuto credi potest? qui consilia in fronte & manibus gerit? parere fors poterit, imperare non poterit.

*Eccli.*  
*8.10.*  
*v.10.*

Tutissimum ergo est, si quid publicari nolis, tu ipse primus taceas. Quod Siracides fidelissimus monitor, nobili documento instillans: Audisti verbum, inquit, adversus proximum tuum? commoriatur in te, fidens quoniam non te dirumpet. In omnem hoc calumniam, obrectationem, maledicentiam dictum est. quicquid enim alterius nomen famamque accidit aut denigrat, id in narrationibus locum penitus non habet: nec ullius momenti est illud dicere; *Prout emi, sic vendo.* Malas & vitiosas merces emisisti deceptus; nunquid ideo decipies alios, ut easdem vendas? monetam plumbeam ab impostore accepisti; nunquid eam iterum erogabis, ut imponas & aliis? Frange, projice hos nummos luce publica indignos; omitte, amputa narrationes ulli hominum damnosas. nec illud te unquam excusaverit: *Do, prout accepi.* Audisti verbum adversus proximum tuum; commoriatur in te. Euripides secreti tenacissimus, cum ei nescio quis animam fœtentem exprobraret: Ne mireris, inquit, vir bone, multum arcani in hoc ore cōputruit. Ergo commoriatur in te, putrescat, & emoriatur intra tuas fauces, quod aures tuæ receperunt. Christus Dominus quam istud exemplo suo efficaciter monstravit! In eadem secum mensa, idque in cena ultima sceleratissimum proditorem habuit, hoc tamen secretum non prodidit. Vnus vestrum, inquit, me traditurus est. Non dixit, Oeconomus noster hoc faciet: non dixit, Iudas Iscariotes, meus proditor est. filuit ista, ut & arcanum tegeret, & hominem nefarium corrigeret. V. In

*Matth.*  
*x.26.*  
*v. 22,*



V. In priscae legis ritibus præcepit Deus, ut *Edi*  
 in templo ad manus essent lebetes parvi aqua *c. 37.*  
 pleni in quos lampadum & cereorum mu- *v. 23.*  
 cus conjiceretur, ut sic fumus ac fætor tem-  
 plo arcerentur. Non aliter Spiritus sanctus  
 per Salomonem præcipit: Audisti verbum  
 malum adversus proximum tuum? commo-  
 riatur in te: sit cor tuum aqualis instar, aut  
 lebetis aqua pleni, in quo quicquid malevo-  
 lorum dictorum est, mergatur, ne fumus ac  
 fætor latius abeant; commoriatur in te,  
 quicquid alienam famam inficit.

Alexander Rex Macedo in ea, quam con- *Curtius*  
 tra Darium susceperat, expeditione, omni *l. 4. c.*  
 cura vestigans, quam regionem Darius pe- *19.*  
 tiisset, tamen explorare id non poterat: mo-  
 re quodam Persarum arcana regum mira-  
 celantium fide, non metus, non spes elicit  
 vocem, qua prodantur occulta. Vetus disci-  
 plina regum silentium vitæ periculo sanxe-  
 rat. Lingua gravius, castigatur quam ullum  
 probum: nec magnam rem magis sustineri  
 posse credunt ab eo, cui tacere grave sit,  
 quod homini facillimum voluerit esse na-  
 sura.

Festive is, quem dixi, Alexander Macedo  
 hanc in arcanis tegendis taciturnitatem do-  
 cuit, hoc modo. Epistolam Alexander à ma-  
 tre missam, quæ occultas accusationes & ca-  
 lumnias in Antipatrum continebat, ubi per-  
 legit, ab amicissimo Hephæstione, uti cōsue-  
 verat, eandem passus est legi, sed ea lecta, di-  
 gito detraxit annulū, & Hephæstionis ori,  
 quasi signum impressurus, admovit, & Con-  
 tine hæc, inquit, ne quid eorum effu-  
 tias. Signatorius hic annulus illorum labris *Amb.*  
 potissimum imprimendus foret, quorum os *in psa.*  
 nullo sigillo clauditur. Beatus Ambrosius *118.*  
 graviter, ut solet: Quicunque, ait, est facilis *torn. 4.*  
 in verbis, velut plenus rimarum, hac atque *mibi*  
 illac *pagina*  
*143.*

illac effluens, interiora evacuat sua, & exterioribus passionibus inundatur, tegere se nesciens, nec tenere verbum quod acceperit, sicut sancta Maria, quæ conservabat omnia verba in corde suo, ne quod ex ore ejus deflueret.

V I. Quod vero tam necessaria taciturnitas toties violetur, licet periculosum sit non solum falsa dicere, sed etiam vera, quatuor assignantur causæ. Nam istud vel à vitio adulationis, vel avaritiæ, vel jactantiæ, vel loquacitatis provenit. Etenim secretorum proditor aut palpare vult & blandiri, eam ob rem filenda deblaterat; aut lucri causâ proditorum præmium ambit, venditque lingua quæ silentio erant involvenda; aut videri vult scire paucis aut nulli cognita. Satyra hunc tangit:

*Persius* Scire tuum nihil est, nisi, te scire, hoc sciat alter.  
*sat. 1.* Aut certe imprudenter & immeditate id lo-  
*v. 26.* quitur, quod mille meditationes secuturæ non emendarint.

Hinc Anaxandridas erudite dixit: Qui sermonem instar depositi sibi commissum evulgat, aut injustus, aut admodum incontinenens est: Injustus quidem, si lucri causâ id facit: sin absque lucro, certe incontinenens dicendus. Quisquis igitur erubescit vel adulator, vel arrogans, vel avarus, vel loquax haberi, secretum & arcanum omne occulat fidiſſimo pectore, & ori velut ostium seram appendulam injiciat. Ratio ante hoc ostium semper excubet, rigideque examinet, quicquid per hanc oris januam vel ingressum vel egressum quærit. Quod sapiens Chilo erudite monens: Non committendum est, inquit, ut lingua præcurrat animum, nescit enim vox missa reverti. Si vallum hoc hostis occupet; totam urbem expugnavit. Arcanum ante omnia velandum: nec amor, nec odium




odium extorqueat quod fidis, ut putabatur,  
auribus commissum est

*Qui per iram arcana amici prodit, hostis est duplex.*

Violatione secretorum, res fere maximæ,  
regnaque perierunt integra: ut merito quis  
dixerit, evertendis imperiis rebusque natum  
hoc malum, cum una sæpe agendarum re-  
rum prosperitas à silendorum tenacitate de-  
pendeat. Vulgasti? periit bene gerendæ rei  
ocasio; & elapsa non raro manibus præda  
est, verbo uno aut altero intempestive prola-  
to: imperiaque non postrema jacent, ad ci-  
neres deducta magnorum secretorum im-  
provida violatione. Proditor est, omnis  
commissorum violator. Illud inter Romana  
incunabula pulcherrimum, quod arcana con-  
silia Patrum conscriptorum multis sæculis  
nemo senator evulgavit, cum non unum, sed  
neminem audisse crederes, quod multorum  
auribus fuerat commissum. Nunquam enim  
taciturnitatem, optimum ac tutissimum ad-  
ministrandarum rerum vinculum, labefa-  
ctari volebant. Hinc non improbe sentiunt,  
qui silentium in principum consiliariis vitæ  
periculo sancendum putant, veterum Persa-  
rum more, nec unquam consiliis eum admo-  
vendum, cui aut metus, aut spes, aut auri sua-  
vissima vis tacendorum vocem exprimat.

Innumera cum publica tum privata mala  
Linguae Revelanti debentur. Atque hinc  
Hieronymi monitum est: Si quis voluerit  
tuis misceri amicitias, & hunc videris prio-  
ris amici pandentem secreta, eum veluti per-  
fidum cave. Quid magni expectes ab eo cui  
tacere grave est?





# S

*En, uno aspectu Scurvilem, Subfannantem, Suspen-*  
*dentem & Susurronum linguam.*

*Formosulum hunc puerum, cum naso tam largo ne-*  
*mo miretur, nam saepe,*

*Et pueri nasum Rhinocerotis habent.*

*Martii.*

*Hic puer linguam SCVRRILEM A. gla-*  
*dio quo accinctus est; SVBSANNAN-*

*lib. 1.*

*epig. 3.*

*TEM manibus asininas auriculas imitanti-*  
*bus B. SVSPENDENTEM promi-*  
*nentiore naso C. significat. Vide C. 19. & 20.*

*Pulchella hac femina D. nec Helena multum*  
*absimilis, incendiariam SVSVRRO-*  
*NVM linguam graphice sub aspectum subji-*  
*cit. Attente hoc monstrum contemplantum est,*  
*quo studiosius carveri possit. Vide C. 52.*

## S

## CAPUT L.

*Linguam SCVRRILEM nominatim à beato Paulo vetitam esse.*

**C**Areon juvenis garrulus & immodicæ linguæ in disciplinam se tradere satagebat Isocrati eloquentiæ magistro, ut ab eo scite loqui disceret. Isocrates altero tanto grandius minerval petiit quam ab aliis, hoc est, \* viginti millia philippeorum. Eho, ajebant cognati, nimium petis, magister, & quæ obsecro duplicandi minervalis causa est? Quibus Isocrates: Nemo id miretur, ait, nam & duplex huic juveni ars tradenda est: primo quidem docendus est prudenter & opportune silere: & hoc sane non discet stans pede in uno. Deinde docendus est etiam loqui, idque ad leges Rhetoricæ. Ad hoc quidem docendum, alteram minervalis partem exigo. Non inique.

In omnibus pæne linguæ vitiis hæc docendi ratio servanda, ut prius quicquid vitiosi est, dediscatur, quo deinde perfectius addisci possit, quod virtus tradit. Inter linguas valde vitiosas SCVRRILIS est, quam & petulantem nominemus. Hæc in sacris paginis nominatim perstringitur. nam à beato Paulo SCVRRILITAS graviter notata turpissimis vitiis accensetur, de qua nunc plura differemus.

I. Veteri apologo narratur coitio hunc in modum instituta. In venerabili murium concilio etiam forices affederunt consulturi in medium. Hic unus aliquis forex de voce & cantu insolenter gloriari instituit. Sunt enim

\* 20000 Thaler.



enim sorices minores quidem muribus, sed strident clarius. Hanc insolentem jactantiam non tulit mus ætate provectior, & : Quid de hoc gloriaris, ait, stultissime \* galatopota, quod tibi plus obest, quam profit? nescin inter homines verbo titissimo jactari : Sorex ipse suo se prodit indicio? Ergo disce sapere, illoque te non effer quod nec utile, nec honestum est. Sed adolescentulus senator senem irridens, altius stridebat, ita ut domus incolæ intellexerint latere mures, & muscipulam instruxerint omine bono. Primus omnium captus est sorex, & tamen etiamnum stridebat. Audiit hoc grandævus ille mus, & ad suos musculos: Videte, inquit, filioli mei, extremam improbitatem linguæ, quæ in ipsis etiam suppliciis pertinaciam non emendat: sorex jam captus, adhucdum stridet.

Petulantis seu scurrilis linguæ genius non obscure hac fabella proditur. quo enim illa plus monetur & corrigitur, eo plus crepat & nugatur. Siracides commonet: Indisciplinatæ loquelæ ne assuescat os tuum: non effunde quicquid in buccam venerit; frena linguam, vix tamen omnem cavebis noxam. Ad rem dixit Beda: Per indisciplinatum linguam cuncta facinora aut concinnantur, aut perpetrantur, aut excusantur. Lingua adulteriorum, cædium, latrociniorum, veneficiorum egregia concinnatrix est: testimonium corruptum, jusjurandum falsum, obrectationes & calumniæ, omnisque generis injuriæ à lingua sunt; hæc perpetrat facinora tam illustria: at ubi perpetravit, tegere novit, defendere scit & excusare. Acuendæ cautionis Salomon commonefaciens: Hominis est, inquit, animam præparare, & Do-

*Ecclesi.  
c. 23.  
v. 17.*

*Prov.  
c. 16.  
v. 1.*

mini gubernare linguam. Quid dicendum sit, serio præmeditandum est : neque deerit huic præmeditationi divinus favor, velut auriga, dirigens hunc currum. quod si lingua petulans aut scurrilis frenos non admiserit, velut equus calcitro temonem rumpet, & currum evertet.

*Eph. c. 5. v. 4.* Divinus Paulus serium mandatum afferens : Fornicatio, inquit, & omnis immunditia, nec nominetur in vobis sicut decet sanctos ; aut turpitudine aut stultiloquium, aut SCVRRLITAS, quæ ad rem non pertinet, sed magis gratiarum actio. Lingua scurrilis sales insulsos, nugas aniles, facetias inveniustas, urbanitatem stultam & frigidam, dicta illiberalia & sordida miscet, vomitque largo spiritu.

*Cic. l. 1. Offic.* II. Aristoteles, Augustinus, Thomas Aquinas, & Philosophi, ceterique Theologi, virtutem laudant, quam Eutrapeliam nominant. Hanc recte dixeris esse *Modestiam in ludicris*. ea est enim quæ ludis & jocis rationis modum imponit, ut decorum servetur. Arcus subinde remittendus est, & suæ ingenio feræ permittendæ ; joculari licet quandoque, sed temperanter, & moderate. Assentitur Tullius, & : Ludo, inquit, & joco, uti illo quidem licet ; sed sicut somno & quiete, tum, cum gravibus seriisque rebus satisfecerimus. Verum, ut pueris non omnem ludendi licentiam damus, sed eam, quæ ab honestatis actionibus non sit aliena : sic in ipso joco aliquod probi ingenii lumen eluceat. Nam duplex est jocandi genus ; alterum illiberale, petulans (linguam scurrilem tangit) flagitiosum, obscænum : alterum elegans, urbanum, ingeniosum, facerum. Nec Augustinus contradicens : Volo tandem tibi parcas, inquit, sapientem enim interdum remittere aciem, rebus agendis intentam, decet.

Ne



# DE SCVRRILI LING. 635

Ne autem hic limites transiliamus, Ambrosius sic submonet: Caveamus, ne dum relaxare animum volumus, solvamus omnem harmoniam, & quasi concentum quandam bonorum operum. Ipsum certe jocandigenus non profusum nec immodestum, sed ingenuum, facetum, loco, tempori, personis congruum esse debet: quod si vero sit pungens, mordax, importunum, sordidum, inhonestum, non Ευτεραπelia sed βωμολογία & scurrilitas, dicenda erit, quæ divinis quidem paginis parcat, sed verbis sacris ad profanissimos quosque sermones abutitur. Non levis hæc noxa est, quam & sacer Tridentinus senatus severe prohibens mandat, & præcipit, ne de cetero quisquam ullis sacræ scripturæ locis utatur ad scurrilia, fabulosa, vana, adulationes, detractiones, superstitutiones, impias & diabolicas incantationes, divinationes, sortes, libellos famosos &c: jubetque hos tales per Antistites puniri.

III. Oppositum Eutrapeliæ vitium est Morositas, quæ quod scurrilitas excessu, illa defectu peccat. Hinc reperias homines \* morosos, tetricos, difficiles, fastidiosos, agrestes, inhumanos, morologos, quorum lingua nunquam non aceto stillat. Neque hos laudamus, nam æque vitiosum est hac aut illac virtutis semitam deferere. Verum animus non est, austeram hanc & asperam morologiam persequi: scurrilitas flagellanda est, quæ jam olim à poëtis etiam largiter vapulavit.

Ille à pistrino Comicus, linguas scurriles hac ratione depingit:

Nil est profecto stultius; neque stolidius.

Neque mendaciloquius, neque argutum magis,

Sic 4

Neque

\* Saurampffer/ Mauderer/  
Muffer.

Plautus  
Trinummus  
Act. 1  
Scen. 2.  
v. 162.

Neque confidentiloquius, neque perjurius,  
 Quam urbani aſidui ciues, quos ſcurras vocant.  
 Atque egomet me adeo cum illis una ibidem  
 traho.

Qui non illorum verbis falſis acceptor fui:  
 Qui omnia ſe ſimulant ſcire, nec quidquam  
 ſciunt.

Quod quiſque in animo habet, aut habiturus eſt,  
 ſciunt.

Id quod in aërem Rex Regina dixerit,  
 Sciunt, quod Iuno fabulata eſt cum Ioue,  
 Qua neque futura, neque facta ſunt, tamen ii  
 ſciunt.

Falſone an vero laudent, culpent quem velint,  
 Non flocci faciunt, dum illud quod lubeat, ſciant.

Chryſ.  
 tom. 4. muſ, ſcurrilitatem omnem penitus elimina-  
 bō. 18. tam vult: Nullus igitur, inquit, ſit nobis ſer-  
 poſt. mo otioſus. ex otioſo quippe ſermone incidi-  
 med. in mus & in abſurdos. Præſens tēpus non effun-  
 c. 5. ad dendi gaudii, ſed luctus eſt, tribulationum &  
 Ephes. lamentationū: tu vero leviter urbanis face-  
 mihi tiis jocularis? Belli tempus eſt, & tu quæ tri-  
 pagina pudantium ſunt, uſurpas? Ludis, delitiariſ,  
 258. facetias dicis ac riſum moves, nihil iſta cu-  
 rans? Quot ſunt ex facetiis perſuria, quot  
 incommoda, quot ſtultiloquia? Sed tales,  
 inquis, non ſunt facetiæ. Verum audi quod  
 omnem facetiarum urbanitatem rejecerit  
 Apoſtolus; Belli tempus eſt, pugnæ, vigilia-  
 rum, cuſtodix, armaturæ & aciei. Nullum  
 hic locum habet ridendi tempus; illud enim  
 Mundi eſt. Vbi turpitudine, ibi & urbanæ fa-  
 cetiæ. Pari ratione Baſilius, Hieronymus,  
 alique è priſcis Patribus, ridiculos ſales &  
 facetias arcent à Chriſtiana integritate, cui  
 flere ac lugere magis conveniat.

Neque tamen omnem loquendi urbanita-  
 tem Chryſoſtomus aut alii Patres damnant,  
 ſed intemperantem illam & immoderatam,  
 quam



quam suo nomine scurrilitatem appellamus. Ideo & Paulus Apostolus dixit; *qua ad rem non pertinet*, quæque sibi tum maxime placet, cum risum movet. Eo autem fine hilarius aut festivius loqui, ut labor mitigetur, aut ut vegetior quis ad laborem redeat, Christianis moribus non indignum est. Fecerunt hoc sanctissimi viri, qui subinde etiam jocati, sed temperanter prorsus & sobrie; omnis illorum hilaritas & sermo modestiæ sale perspersus fuit. Quod beati Pauli documentum est: Sermo vester semper in gratia sale sit *Col. c.* conditus, ut sciatis quomodo oporteat vos *4. v. 6.* unicuique respondere. Cibus non salsus aut nimium salsus, ingratisissimus: ita sermo prudentiæ sale sit conditus, & ut Anselmus loquitur, in dulcedine charitatis, bono sit exemplo; gravitatem, modestiam, humanitatem præ se ferat.

Ejus rei sal admonet, qui infantulorum ori, cum lustrali rore tinguntur, inseritur. Lingua profecto ejuscemodi membrum est, quod primum in putredinem, facile scaturit vermibus. Hinc recte monet Anselmus linguam sale adspargendam, ne putrescat faetateque, ne vermiculis mendaciorum & turpium facetiarum ebulliat. Chrysostomus monitum illud Paulinum in concionatores trahit, perinde si dixisset Paulus: Sermo vester, ô sacri oratores, jucundus sit, & simul salutus; st ringat, obturet, purget, acuat: lenibus acrimoniam, dulcibus misceat amaritiam: Vobis à Domino dictum: Vos estis *Matth.* sal terræ. Hinc nemo prudens moleste fert, *cap. 5.* si concio salsa sit, & mordeat: putredini vi- *v. 13.* cina sale perfricanda sunt. Malus Ecclesiastes est, qui solum mulcere novit; oleum habet, vinum non habet; nec aliud fere convivis suis apponit, quam dulcia pruna, quæ sine sale coquuntur. Ergo & concionatores,

& Christiani omnes sermonem sale condi-  
ant, ut scurrilis & nimium iocosa dicacitas  
vitetur.

*Eccli.*  
*c. 19.*  
*v. 21.*  
*Prov.*  
*c. 26.*  
*v. 9.* I V. Hoc ipsum Salomon & Siracides  
diversa sub imagine proponunt: Siracides :  
Sagitta, inquit, infixæ femori canis, sic ver-  
bum in ore stulti. Idem paullo aliter elocu-  
tus Salomon: Quomodo, inquit, si spina nas-  
catur in manu temulenti, sic parabola in ore  
stultorum. Homo probe appotus spinam  
inhærentem dextræ non sentit, seque aliof-  
que lædit, ita homo fatuus jocos velut spinis  
nescit uti, alios & seipsum vulnerat. Et quo-  
ties liberiores facetiæ graviter offenderunt,  
& ex amicis reddiderunt hostes? disertissi-  
*Chryso.* me id affirmans Chrysostomus: Necessè est  
*loco pro-* etiam, inquit, urbanis deditum facetiis mini-  
*xime* me necessarias in sese recipere inimicitias  
*citato.* eorum quos salibus suis temere lædit, sive  
præsentés sint, seu absentes hoc audiant.

Ita res è joco nascitur, & acerbæ risum  
*Eccli.* lacrimæ consequuntur. Est odibilis, teste  
*c. 20.* Siracida, qui procax est ad loquendum. Pu-  
*v. 57.* tat is quidem se plausum ferre, si sint qui ri-  
deant, at passim scurra & cavillator audit.  
Proinde sibi dictum existimet: Foede ad  
*Prov.* cachinnos moveris, foedius moves. Nimi-  
*c. 10.* rum os stulti confusione proximum est. irri-  
*v. 14.* detur, spernitur, exsibilatur, sed post sipa-  
rium, & à tergo.

Quod si scurrilitatis originem indage-  
*S. Tho.* mus, Thomas Aquinas eam aperte monstrat  
*2. 2.* his omnino verbis: Inepta lætitia, S C V R-  
*quæst.* R I L I T A S, immunditia, multiloquium  
*148.* & hebetudo mentis circa intelligentiam,  
*art. 6.* quinque sunt G V L Æ filiæ. Sic ubi Gula  
*concl.* imperat, illinc plerunque non exulat scurri-  
litas. Bene esse, bene bibere, male & scurri-  
liter loqui ut plurimum cognata sunt. Pro  
*Greg. in* testimonio dixit Gregorius: Nisi gulæ dedi-  
*Past.* tos



# DE SCVRRILI LING. 639

tes immoderata loquacitas raperet, dives ille <sup>part. 3.</sup>  
 qui epulatus quotidie splendide dicitur, in <sup>c. 20. in</sup>  
 lingua gravius nō arderet. \* Vtricularis tibia <sup>princi-</sup>  
 tunc maxime stridet, cum vento plena est. <sup>pia.</sup>  
 Volubilis lingua tunc plurimum garrit, cum  
 vino permaduit; cum fame flaccet ilia,  
 modestiam ostendit lingua.

Chrysostomus aliam mali originem as- <sup>Chryf.</sup>  
 signans: Orta, inquit, ex immoderato risu <sup>tom. 2.</sup>  
 scurrilitas, à scurrilitate turpiloquium, à <sup>in c. 27</sup>  
 turpiloquio operatio turpis profecta est. <sup>Matth.</sup>  
 Ideo Bernardus hic auribus cavendum do- <sup>hō. 88.</sup>  
 cens: Verbum scurrile, inquit, quod fa- <sup>post</sup>  
 ceti urbanive nomine colorant, non sufficit <sup>med.</sup>  
 peregrinari ab ore procul; & ab aure rele- <sup>Berna.</sup>  
 gandum est. <sup>l. 2. de</sup>  
<sup>confid.</sup>  
<sup>ad Ex-</sup>  
<sup>gen.</sup>

Nec mitiorem sententiam in ludicra &  
 scurrilia hæc tulit Clemens Alexandrinus,  
 vir sanctissimus juxta & doctissimus. Audite <sup>Clem.</sup>  
 loquentem: Cum verba omnia à cogitatio- <sup>Alex.</sup>  
 ne & moribus emanent, fieri non potest ut <sup>l. 2. pæ-</sup>  
 verba aliqua mittantur ridicula, quæ non <sup>dag.</sup>  
 procedant à moribus ridiculis. Siquidem ex <sup>cap. 5.</sup>  
 abundantia cordis os loquitur. Vana verba,  
 vani cordis indices sunt. Integrane an fra-  
 cta sit campana, è sono facillime dignosci-  
 tur; plenumne an inane sit ac vacuum do-  
 liolum, tinnitus prodit. Chrysostomo res <sup>Chry. in</sup>  
 certa est: Quale cor unusquisque habet, <sup>c. 4. ad</sup>  
 talia verba loquitur, & talia opera facit. <sup>Ephes.</sup>  
<sup>hō. 29.</sup>

V. Ille spiritus magister Ioannes Avila  
 sermones facetos à Christiani hominis in-  
 stitutione alienos esse judicavit, (quid de  
 scurrilibus dixisset?) quod ut exemplo suo  
 sanciret, nullum ipse unquam facetum ver-  
 bum per omnem vitam protulisse legitur.  
 De Ioanne Chrysostomo Metaphrastes te-  
 statur,

\* Die Sackpfeiff Fürzt/ wanns  
 voll ist.

statur, non ipsum modo ab ejusmodi ridiculis sermonibus abstinuisse, sed neque aliis ut de re simili loquerentur, unquam permisisse. Basilius talia locutum à ceterorum consortio convictaque separavit unius hebdomadis spatio: quod sacri anathematis quædam imago fuit. & eo spectavit, ut hac luce infecti, hac ferula castigarentur & curarentur, sanis autem & integris hanc scabiem non affricarent.

Miretur quis non immerito, quosdam parentes solerter cavere, ne filii paganos mores addiscant, non cavere tamen, sed nec curare quidem, etiamsi verba sordida & scurrilia primis annis sic combibant, ut ea balbutiendo etiam imitentur. quasi vero gravior sit jactura, moribus minus aulicis & politis, quam ore scurrili & spurco esse! Ita scilicet animum negligimus & conscientiam, modo splendeant exteriora.

Gemma Martyrum Ignatius Antiochenus Præsul, in ipso tormentorum impetu, augustissimum nomen I E S V assidue ingeminavit. Ejus rei causam rogatus: Hoc nomen, inquit, cordi meo altissime infixum gesto. Obita morte, & aperto corpore, repertum dicitur: hec ipsum nomen in medio cordis efformatum. Agedum, homo ridicule, si cor tuum ipse inspicias, quibus illud notis compunctum, quibus petulantibus aut sordibus inscriptum reperies? Qui ore scurrilitatem egerit, quid nominis inscriptum cordi habebit? Menitum Paulinum repeto: Turpitude, aut scabuloquium, aut scurrilitas quæ ad rem non pertinet, nec nominetur in vobis, sed magis gratiarum actio. Placere non potest, quicquid honestati adversatur.



## CAPVT LI.

*Lingua SVBSANNANS & SVS-  
PENDENS noscenda dantur.*

**E** Os qui podagra laborant, ceretis loquaciores esse ajunt. Quid tandem causæ assignabimus? Alphonsus Aragoniæ & Neapoleos Rex, hoc ipsum sciscitantibus ita respondit: ii, quos podagra pulvillis & lectulis affigit, ob pedum vitium ambulare non possunt; ideo lingua quæ plerunque in iis sanissima, velut ambulatione quadam crebrius utuntur, ne ex toto torpeant. Idem de iis quos chiragra exercet, dicendum videtur. Morbus illis manuum usum negat, prohibetque calamus ducere: ergo lingua vice calami utuntur. qua ratione scribunt innumera, & totos sæpe dies hoc unum habent negotii, sic scriptitare. Quivis illorum cum psalte dixerit: *Lingua mea calamus scribæ* *Psa. 44*  
*velociter scribentis. Sed, uti diversa est* *vers. 2.*  
*scriptio, ita longe diversissima est locutio.*  
quod Isidorus explicans: Corde, inquit, bene loquitur, qui charitatem non dissimulat. *Isido-*  
Ore bene loquitur, qui veritatem annuntiat. *rus in*  
Factis bene loquitur, qui alios bono exemplo ad probitatem format. Corde male loquitur, qui cogitationes noxias secum ipse *senten.*  
agitat. Lingua male loquitur, qui jure reprehensus murmurat. Factis male loquitur, qui male vivendo, mores improbos aliis dictat. *lib. 2.]*  
Addit Isidorus: Semel bene loquitur, qui seipsum post admissam noxam redarguit, & corrigit: Bis bene loquitur, qui quod recte dicit, non minus recte facit. Bis male loquitur, qui nec bene vivit, nec bene docet, vitam vitiis, doctrinam erroribus infamans: bis male loquitur, qui & male cogitat, & male cogitata non verecundius explanat. *c. 29. de*  
*serm.*

Tarsensis Paulus in litteris ad Corinthios  
 1. Cor. datis : Gratias, inquit, ago Deo meo , quod  
 e. 14. omnium vestrum lingua loquor. Sed in Ec-  
 clesia volo quinque verba sensu meo loqui ,  
 v. 18. ut & alios instruam ; quam decem millia  
 e. 19. verborum in lingua. Maluit Paulus pauca  
 loqui , sed quæ auditores caperent , quam  
 idiomate peregrino longissimos sermones  
 rexere , quos nemo satis intelligeret. Inter  
 flagitiosas linguas, quæ nec ab omnibus, nec  
 plene volunt intelligi. Lingua *Subsannans* &  
*Suspendens* est , par nobile nequam ancilla-  
 rum , quæ hoc unum agunt , ut & alios, &  
 suum denique dominum aliis deridendum  
 propinent. De utraque hac lingua *Subsannan-*  
*te* & *Suspendente* breviter dicemus : suffecerit  
 utramque atro calculo notasse , utrique ni-  
 grum fixisse Theta.

Hoc  
 est, pe-  
 regrina.

Linguam iridentem jam supra depinxi-  
 mus. Hanc subsannans eo superat, quod ir-  
 risiones plerunque gestu augeat, dum vel ip-  
 sa per informem oris hiatum sese provolvit,  
 vel digitum manumve, vel nares aut frontis  
 rugas facit loquentes. Sanna veteribus irri-  
 sio erat, non simplicibus verbis, sed cum ge-  
 stu. Linguam subsannantem omnium op-  
 time videtur expressisse nebulosus ille saty-  
 ricus:

Pers.  
 sat. I.  
 v. 58.

O Iane, à tergo quem nulla ciconia pinsit,  
 Nec manus auriculas imitata est mobilis albas.  
 Nec lingua, quantum sitiât canis Appula,  
 tantum

Occipiti caco, postica occurrere sanna.

Felicem te Iane, inquit poëta, quem nullus  
 laudator pictus pone subsannat. Tres san-  
 narum modi sunt, quibus veteres utebantur.

Primus est cum indice digito , in eum  
 quem ridebant, directo, crebra ejusdem cur-  
 vati motitatione ciconiam rostro pinsentem  
 imitabantur, vel propter prælongum avis  
 istius



istius rostrum, vel quia symbolum erat ciconia, non solum grati animi, verum etiam prudentiæ. Beatus Hieronymus in epistola ad Rusticum monachum: Ne credas, inquit, laudatoribus tuis: imo irrisoribus aurem ne libenter accommodes: qui cum te adulationibus foverint, & quodammodo mentis impotem effecerint: si subito respexeris, aut ciconiarum post te colla curvari deprehendes, aut manu auriculas agitari asini, aut æstuantem canis protendi linguam. Vult ciconiam colli motu exprimi, non ut dicebamus, digiti motitatione. Potest fieri ut utrumque sannæ genus ciconia diceretur.

Alter subsannandi modus est auriculas asininas imitari manu; Quos enim esse asinos arguere prisca volebant, opposito temporibus pollice, & manu commota sannam eis faciebant. Ratio autem est, quia solus fere ex animalibus homo aures à natura accepit immobiles; asinus contra maxime mobiles. Huic sannæ affine est, quod ad contemptum rei alicujus exprimendum, caput movebant, quia aliter aures non poterant. Hos modos sannarum lingua suis solet ineptiis commendare.

Tertius sannæ modus est, linguam instar sitientis canis exertare ad contumeliam alicujus. Nemo est qui ignoret canes fessos, cum cælo æstuantem currunt, solitos linguam ex ore patulo projicere. Ita Gallus ille miles *Gellius lib. 9.* inusitatæ magnitudinis homo Romanos provocabat, si quis secum depugnare vellet. *Not.* Cum nullus se duello sistere auderet, ob formidandam viri molem, Gallus eos exerrante lingua ut imbelles irridebat. *Attic. c. 13.* Id subito perdoluit Tito Manlio, qui Romanam virtutem à sannis vindicavit illustri victoria.

Ita plerunque subsannantis linguæ petulantia contunditur. Isaias id vaticinatus: Et qui

*Isa.* qui spernis, inquit, nonne & ipse spernêris?  
*c. 33.* si desint homines, qui paria faciant, **D E V S**  
*v. 1.* ipse deludet illusores. sed lingua hæc à di-  
*Prov.* vinis judiciis sibi non prætimet; facit quod  
*cap. 3.* solet, & hos quidem voce ac gestu irridet,  
*v. 34.* illis vitia corporis, aliosque defectus oppro-  
*Iob.* brat non sine irrisu. Ita, quod Iobus queri-  
*cap. 12.* tur, deridetur iusti simplicitas. Iudæi cum  
*v. 4.* maxima invidia ferrentur in Christum, nec  
 tamen sanctissimo illius mores aut doctri-  
 nam argumentis possent convellere, ad exse-  
 crationes & sannas progressi: Nonne bene-  
*Joan.* dicimus nos, inquit, quia Samaritanus es  
*cap. 8.* tu? Nunquid tu maior es patre nostro Abra-  
*v. 48.* ham, qui mortuus est? & prophetæ mortui  
*53. 57* sunt. Quem teipsum facis? Quinquaginta  
*59.* annos nondum habes, & Abraham vidisti?  
 Quid hoc, nisi sannæ & sarcasmi? Demum  
 conclusio subsannantis hujus syllogismi, e-  
 rant filices. Nam ubi sannis profecerunt ni-  
 hil, neque divinam sapientiam disputatio-  
 num suarum laqueis irretire, aut in angu-  
 stum concludere potuerunt, tulerunt ergo  
 lapides ut jacerent in eum. Nemo est in Or-  
 be tam integrorum morum, nemo est tam  
 probatæ sanctimonix, cui Lingua hæc non  
 audeat insultare. Testis Siracides: Equus  
*Eccli.* emissarius, inquit, sic & amicus subsannator,  
*c. 33.* sub omni suprasedente hinnit. Petulans hic  
*v. 6.* equus & succussor, etiamsi Regem vehat,  
 etsi Cæsarem, etsi Pontificem, vel etsi Chri-  
 stum vehat, hinnit tamen & perridiculis as-  
 surgit insolentiis. Hinc istud linguæ vi-  
 tium, etiam *Mycterismus* dicitur, hoc est, ser-  
 mo non sine sanna & naso, seu subsannatio  
 cum suspensione nasi. Quem in modum cum  
*Exodi* Mose & Aarone locutus Pharaó: Sic Do-  
*cap. 10.* minus, inquit, sit vobiscum, quomodo ego  
*v. 10.* dimittam vos & parvulos vestros. perinde  
 si sugillando illos, dixisset: Tam non opitu-  
 laturus



laturus est vobis Deus, quam ego vos non dimissurus sum.

II. Achabus rex panopliam indutus & armatus undique, parte tamen lateris non magna patebat ictui. Commisiss jam exercitibus, sagitta illac qua paruit, illapsa vitam hausit. Nam, ut Regum fasti memorant, vir quidam tetendit arcum, in incertum sagit-<sup>3. Reg. c. 22.</sup> tam dirigens, & casu percussit regem Israël<sup>v. 34.</sup> inter pulmonem & stomachum. Vix ullus tam vitiosus homo est, qui non qua indolem, qua mores habeat quod laudari possit; at volans illud jaculum, subsannans lingua, non ea parte ferit qua quis tectus est, sed qua vulneri patet; non indolem commendat, non eruditionem laudat, non virtutes memorat, sed ingenium accusat, stuporem exprobrat, vitæ maculas ac nævos sugillat, omniaque tam joculariter exaggerat, ut ei subinde, quem sic ludos facit, pæne vitam extorqueat.

Qua in re lapillo illi, quem Nabuchodonosor Rex vidit, hæc lingua non absimilis est. Lapillus ille in prægrandem statuam delapsus, non aurum statuæ, non argentum, non æs aut ferrum, sed luteos pedes tetigit, & contrivit: Subsannator aut sannio si quid de alio narret, non virtutis aurum, non boni nominis argentum, sed vitiorum lutum attingit, huc collineat, huc quicquid sannarum domi habet & irrisionum confert, idque eo quo diximus modo: Lingua aut agilem manum, aut corrugatas nares, aut caperatam frontem, aut subductum vultum conducit, ut quem sibi designavit, efficacius cavilletur: manus, frons, oculi, nares subsannantis linguæ velut satellites sunt, qui dominam suam, quaqua excurrit, commitentur. Hic nemini ceditur, parcitur nulli.

Tobias & Iobus viri sanctissimi, substantiam tamen linguam non evaserunt. Vxores illorum hanc in illos furiam immiserunt. Vxor Tobiae netrix manupretium accepit hoedum, & domum adduxit. hunc cum balantem audisset cæcus Tobias, metuens ne forsan furtivus esset, suo illum domino iussit restitui. quia non licet nobis, ajebat, aut edere ex furto aliquid, aut contingere. Hic uxor irata, & instructa sannis: Manifeste, inquit, vana facta est spes tua, & eleemosynæ modo apparuerunt. Atque his & aliis hujuscemodi verbis exprobrabat ei. Parentes ipsi & cognati non suavioribus cavillis Tobiam irridentes: Vbi est spes tua, inquiunt, pro qua eleemosynas & sepulturas faciebas? Nec Iobum parcus improba uxor ludificans: Adhuc tu permanes, inquit, in simplicitate tua? benedic Deo, & morere. Quid potuisset acerbius simul & dicacius dici?

*Gilius Corrosettus de singulavis urbis Paris.* Ludovicus XI Galliarum Rex, modestius, non minus tamen aculeate potuit irridere. Intellexerat is à Nicolao Paulino Burgundiæ Cancellario, valetudinarium publicum recipiendis exteris esse conditum. Fuerat autem Paulinus in exigendis multis, & pauperibus premendis paullo severior. Quod Ludovicus non sine aculeo notans: Hoc, ajebat, rationi admodum consentaneum est, ut qui plures pauperes effecerit, tandem iis excipiendis domum constituerit. Quo simul iudicum in multando rigorem, & in pauperum causis ignaviam & teporem accusabat.

*Paulus Iovius l. 1. Elogior.* Uguccio Fagiolanus notus à mensa princeps, cum in urbem Lucam properaret, ad Castruccium quem in vinculis habebat, securi feriendum, & prandenti nuntiatum esset. Pisanos armis rem gerere, prandium tamen



men continuavit, tanquam parum verus, aut spernendus esset nuntius. Sed adest alter & tertius: Pisis res perditas esse; Lucenses quoque ad arma convolasse, carcerem effregisse, vinctum compedibus Castruccium eduxisse, & Civitatis principem salutasse. Vguccio rebus desperatis cum prætoriano satellite ad Iulium Cæsarem Scaligerum Veronam confugit. Recipitur non sine honore atque benevolentia, & dies plusculos laute habetur. Inter epulas forte fortuna injecta mentio de edonibus, ubi subjunxit gloriabundus Vguccio, se juvenem quatuor altiles capos, totidem perdices, assam hædi suffraginem, infarctum vitulæ pectus, præter salsamenta cetera, recta cena unica consueisse absumere. Aderat in mensa, & audiebat hæc vir ingeniosus & salsus Petrus Nanus, qui dignam sannis edacitatem & lingua & loquente manu perstringens: Non est, inquit, quod miremur à te juvene tantum cibi assumptum, cum jam senex, paucis & invalidis dentibus, duas omnino urbes integras prandio uno consumpseris. Nam fama erat, Vguccionem, si à prandio temperasset, nascentis tumultus initia sedaturum, & urbem utramque servaturum fuisse.

Hic docemur tum solum noxis vacuam esse linguam subsannantem, quando non tã vitiosos quam vitia irrifu plectit, neque lædere vult, sed corrigere. Hujus certe animi fuit vir integerrimus Thomas Morus, qui erudite noverat vitiosis moribus illudere. Istud in specimen damus.

Matrona quæpiam cultu fastuque turgida, & veste induta, cui bonam fundi & agrorum partem impenderat, præsentem Moro conquesta est, se nimio indumentorum pondere gravari. Salse Morus irridens: Non est mirum, inquit, ô bona, te vestium onere la-

borare, cum amplius quam quatuor terræ jugera veste circumferas.

Quod si Lingua subfannans hoc unum agat, ut fugillet, & omnibus quos non amat, proterve illudat, inter vitiosissimas linguas censenda est. Sed ad vicinam transeamus, quam *Suspendentem* appellavimus.

III. Suspendio in Rhetorum scholis inter orationis decora numeratur. Nimirum ubi res postulat protrahenda est auditorum expectatio, & acuenda. Vates Venu-

*Persius*

*sat. 1.*

*vers.*

*117.*

*sinus id laudis olim fert à satyrico :*

*Omne vaser vitium ridenti Flaccus amico*

*Tangit, & admissus circum præcordia ludit,*

*Callidus excusso populum suspendere naso.*

Hic ipse in suspendendis auditoribus laudatus artifex, Balatronem scurram hoc encomio afficit:

—— *Balatro suspendens omnia naso.*

Matheleos magistrum fuisse ajunt, qui discipulos non paucos numerabat. Die quodam cum Mathematicus hic professor de solaribus horologiis docte ac copiose differuisset, ad quæstionē sane arduam delapsus: *Quid* autem, inquit, arcane artis tunc expromendum est, cum sol nubibus sepultus, nihil radiorum in horologii numeros emit- tit? qua ratione diei & horarum ordinatissimus fluxus tunc dignosci poterit? unica reliqua censuerim opus. Hic ingens omnium expectatio, intentique ora tenebant; nemo non aures arrigere, & rarissimum artificium addiscere velle, quod solaris jubaris absentiam suppleturum credebatur. Postquam omnes adunco suspensi naso, demum Matheleos doctor, vultu quam maxime serio pronuntiat: Cum sol non lucet, opus est patientia. Hoc omne suspendentis linguæ artificium est. Ab eadem & istud est:

Perdiderat quis tres capellas vicini furto  
abla-



ablatas. Rem suam ad tribunal iudicis re-  
petiturus pro se dicere iussit caussidicum.  
Hic exordium ingens texuit. nam magna  
voce, manuque tota sonabat Cannas Roma-  
norum clade nobiles, & bellum Mithridati-  
cum, & victoriam Carthaginiensium: Sul-  
lam etiam, & Marium atque Mutium; eo-  
rumque facinora percensebat. Expectatio  
omnium erat maxima quid magni venisset  
in controversiam. Demum hic prælargi pul-  
monis caussidicus monitus est: Iam tan-  
dem de tribus capellis diceret.

*Martia*  
*lib. 9.*  
*Epigr.*  
*16.*

Ita sæpissime quod Flaccus canit: Partu-  
riunt montes, sed ridiculus mus nascitur.  
Suspendens lingua hos partus enititur. Ab-  
undat Orbis infami hac sobole. Ubique  
cernere est præcelsum vanæ spei patibulum;  
in hoc alteri alteros appendimus. Expecta-  
mus sæpe grandia & illustria, tandem post  
longam spem, post operosam expectatio-  
nem, aut nulla se produnt aut humilia Hinc  
illæ tot querelæ: Longo me naso suspendit,  
verba dedit, ductavit me dolis, lactavit spe  
falsa, illusit mihi turpiter. Sic alter alterum  
speciosissimis verbis & circumvenit, & sus-  
pendit.

*Horat.*  
*de Ar-*  
*te poet.*

Israëlis populus omnis in hoc vanissimæ  
spei patibulum suspendi se passus, auxilium  
expectavit ab Ægyptiis, sed in suam perni-  
ciem. Hinc Isaias infamiam illis & probrum  
vaticinatus: Ambulatis, inquit, ut descenda-  
tis in Ægyptum, & os meum non interro-  
gastis, sperantes auxilium in fortitudine  
Pharaonis, & habentes fiduciam in umbra  
Ægypti. Et erit vobis fortitudo Pharaonis  
in confusionem, & fiducia umbræ Ægypti  
in ignominiam.

*Is. c. 30*  
*v. 2.*  
*¶ 3.*

Vsitatissima est ubique locorum hæc sus-  
pensio; nusquam non parturiunt montes.  
hinc muscoli, qui nascuntur inde, innumeri.

## 650      C A P V T   L I I .

Sed hoc linguæ vitium non raro graviter lædit, & subinde omnem amicitiam dissolvit.

*Iamb.*      *Odio beneficium est, expectatum quod diu est.*  
*vetus.* Nec enim semper innocenti joco fit suspensio, frequenter damnum infligit non leve: nam quoties,

*Troch.*      *Expectatione futuri perdimus presentia?*

*vetus.* Cui charitas cordi est, suspendium hoc odit, cavetque tam suspendere alios, quam ab aliis suspendi. Lingua Eucharis (& secunda gratiæ) in bono homine abundat, inquit Siracides. Deus est mare dulcedinis, si lingua sit inde rivulus, maris illius dulcedinem servabit. Lingua Christiano ritu dulcis, studiosius metuit ne quemquam circumveniat, quam ne circumveniat.

## C A P V T   L I I .

*Linguam SVSVRRONVM, linguam esse pestilentissimam.*

**C**estius civis Romanus, homo nasutissimus simul & dicacissimus, sed vix ullius ingenii, Marcum Ciceronem acerbe & penitus oderat, sed hoc ei admodum malecessit. Nam cum Ciceronis filius Prætor Asiæ obtineret, Cestio convivæ suo in epilogum cenæ, fustuarium apposuit, ea, quam dicemus, arrepta occasione. Sed prius Cicerō junior noscendus nobis est, nam à patris virtute ac ingenio longissime deflexit, plane degener filius, qui præter indoctam urbanitatem nihil habuit, quo laudari posset. Paternum ingenium omne poculis sepelivit; memoriam, quam antea non magnam habuit, inter assiduas comestationes, omnē penitus amisit. Cū ergo Cestium haberet convivā, subindequæsit, qui vocaretur qui imus sederet? Cui servus aliquoties dixit: *Cestius est.* Sed Ciceroni, qui congiorū quam nominum



num capacior erat, Cestii nomen nunquam non iterum elapsum est. Ideo servus sæpius quærenti, quis imus accumberet? ut domino suo veterem saltem memoriam refricaret: Hic est Cestius, inquit, qui negavit patrem tuum litteras scisse. Evigilavit \* Tricongius Cicero ad hanc patri factam injuriam, & mox Cestii flagra jussit adferri, eaque in convivam imum expediri. Ita Ciceroni de tergo Cestii datum est supplicium; quod ore miser deliquerat, id luit tergore.

Linguam hic adfero nullis unquam flagellis, nullis taureis satis expiandam, linguam malam, linguam omnino pessimam. Qui hac utuntur, proprie **SUSURRONES** appellantur. Quam autem hoc genus hominum omnibus exitiosum sit & pestilens, hac dictione declarabimus.

I. Inprimis constare debet, quam grave sit hoc linguæ vitium. Est enim susurratio, ut theologus ille loquitur, peccatum mortale, quod probo, inquit, quatuor rationibus: primo, ratione præcepti, contra quod agit; secundo, ratione nocumenti, quod intendit; tertio, ratione maledicti & supplicii, quod incurrit; quarto, ratione vitri, quod excedit. *Rayne-vius de Pisis tom. 2. mibi pagina 1072.* **A** susurrone legem divinam violari, infra demonstrabitur.

De nocumento quod infert susurro, res ipsa loquitur, omnem enim amicitiam inter duos pluresve diffuit. Quod Ecclesiasticus affirmavit: Vir peccator, inquit, turbabit amicos, & in medio pacem habentium immet inimicitiam. Illud autem satis est supplicii, maledici à Deo, quod idem Ecclesiasticus in susurronem pronuntiat. Gravius autem esse

T t 4

\* Novem nostrates mensuras cena una facile capiebat.

Tergilla binos congios

( 6 unferer teuts

schē Maß ) simul haurire solitum, ipsi obje-

cit. Plin., l. 14. nat. hi st. c. 22, seu ultimo, medio.

S. Tho.  
2. 2.  
quæst.  
74.  
art. 1.  
q. 2.

hoc linguæ vitium ipsa etiam detractiōe, Theologorum princeps Thomas Aquinas explicans: Tametsi, ait, maxima sit inter obrectationem & susurrationem similitudo (nā per utramque bona proximi fama clanculum arroditur, atque minuitur) differunt tamen. Primum sine, quod obrectationi imminutio famæ proximi: Susurrationi vero discordiarum inter amicos disseminatio, sit proposita. Deinde nocuenti & peccati gravitate: magis enim nocet graviusque peccat, qui proximum amico, quam qui eundem fama vel honore privare conatur. Hoc ipsum idem sanctissimus doctor confirmans: Nam quanto, inquit, amicitia honori præstat, tanto Susurratio, per quam amicitia tollitur, detractiōe, per quam honor læditur, gravius est peccatum. Siracides consentiens: Amico fideli nulla est, inquit, comparatio, & non est digna ponderatio auri & argenti contra bonitatem fidei illius. hunc autem avertit susurro, & hostem efficit. Nec Aristoteles dissentit, qui melius esse ait amari quam honorari: hinc gravius delictum susurratio, quæ omnem tollit amicitiam, quam detractio vel contumelia, quæ famam tollunt, aut honorem. De lingua susurronum, illud Maronis vere affirmari potest:

Ecclesi.  
c. 9.  
v. 15.

Arist.  
tom. 5.  
lib. 8.  
Eth. c. 1  
princip.

*Monstrum horrendum, informe, ingens, cui lumen ademptum.*

Malum inquietum, indomabile, perturbationis & inquietudinis seminariū. Hæc lingua principes, reges, imperatores, altissima hominum fastigia concussit, & nonnunquam evertit: hæc inter familiares, cognatos, amicos, hæc inter innumeros omnis ordinis & sexus homines, discordias & inimicitias nonnunquam inextricabiles conflavit. Vnde odiis & invidiis, & armis concurritur certaturque, nec aliud utrinque queritur, quam



quam pernicies extrema & exitium; rem alterius funditus perire, illumque eradicari uterque cupit.

II. Susurronis officium hoc est, ut quod ab uno aliquo audit, arrectis mox auribus excipiat, & recta referat ad alium, dicatque: En ille hoc contra te dixit. dicta plerunque auget additque de suo, quo citius flammam excitet. Et tu (solet dicere susurro) eum tibi amicum credebas; nihil minus est: etiam istud coram aliis de te ausus est dicere. Nonnunquam mendaciis narrationem aspergit, ut eum cui talia narrat, gravius in alterum inflammet. Et licet non nisi verissima diceret, id tamen sine scelere non faceret. Eo enim talis narratio quantumvis vera se effundit, ut duos mutuis inter se odiis committat. Imo hoc nonnunquam ex destinato agit susurro, ut utramque partem in mutuas similitates excitulet, lites ac discordias utrinque ferat. nam quemadmodum à primo excepit quod in alterius aures egeffit malevole, sic ab alterius ore pariter excipit, quæ in primi aures refundat. hinc utrinque ardent odia, hinc semper grande malum nascitur: hoc est canes & feles in mutua vulnera instigare.

Susurronibus Seneca hanc notam apprimt: Pessimum genus hominum videbatur, qui verba gestarent: sunt quidam qui vitia gestant. Horum sermo multum nocet. nam etiam si non statim officit, semina in animo relinquit, sequiturque nos etiam, cum ab illis discefferimus, resurrecturum postea malum. Accipiendum hoc de lingulacis, adulatoribus, & maxime susurronibus, qui ab aliis accepta servant, & velut ad alios ferunt & deponunt. Non enim patiuntur perire verba, sed ea tollunt & gestant.

Homines sane pestilentissimi sunt ejusmodi susurrones, in nulla familia, in nullis

Prov.  
c. 26.  
v. 20.

cætibus, in aula nulla tolerandi. vix enim spes ulla emendationis est in tam nequam homine. Ideo Salomon cavendum hoc malum præcipiens: Cum defecerint ligna, inquit, extinguetur ignis: & susurrone subtrahito, jurgia conquiescunt. Susurronis lingua pro jucundo spectaculo habet, duos pluresve inter se ita collidere, ut mutuo attritu concidant. Putrida membra sunt susurriones, quæ nemini non suam putredinem affricant, vicina omnia inficiunt letali toxico.

III. Horum hominum vilissima est annona; ubique reperiuntur immixti probis, imo & ipsi sæpe probissimi volunt videri, adeo clam fallunt. Davidi Iessæo, nondum regi, cum occasio sese offerret occidendi Saulis, illico susurriones advolarunt, quiurgerent dicerentque: Ecce dies de qua locutus est dominus, Ego tradam tibi inimicum tuum, ut facias ei sicut placuerit in oculis tuis. At vero David virum se gessit, nec audiit susurriones istos, sed contra generoso spiritu obtestatus Numen: Propitius sit mihi Dominus, inquit, ne faciam hanc rem domino meo, ut mittam manum meam in eum, quia Christus Domini est. Et confregit David viros suos sermonibus, & non permisit eos, ut consurgerent in Saul. Quam illustri mansuetudo in capitalem hostem! Nec diu post, abeunte jam Saule, clamabat David; Domine mi rex. Et respexit Saul post se: & inclinans se David pronus in terram, adoravit, dixitque ad Saul: Quare audis verba hominum loquentium, David quærit malum adversum te (susurriones notat) Ecce hodie viderunt oculi tui, quod tradiderit te Dominus in manu mea in spelunca, sed percipit tibi oculus meus, &c. En David omnem causam odii Saulini contra se in susurriones conjicit: Quare audis verba hominum lo-

Ibid.  
v. 9.  
10, 11.

quen-



*quentum* ? Ita enim sentiunt , ita loquuntur & decernunt principes regesque , prout diverforum narrationibus imbuuntur , cum enim ipsi in rem præsentem rarissime veniant , ab ore aliorum pendent , & auribus hausta suis vocibus remittunt. Hinc in aulis sæpissime non exiguus susurronum numerus. hoc enim pro se quisque agit, ut domini aures occupet, & aliis , maxime æmulis, ad has aditum præcludat.

Quamvis Susurrones nusquam defunt, etiam in sacris cætibus inter religiosos viros feminasque inveniendi. Nec in unum contentus sæviisse qui talis est, sævit in omnes, cum universam sedibus suis moveat familiam. Nam & apud Præsides suos detractum it sociis , maxime si suboffensos illos è quacunque causa senserit ; & apud socios damnat Præsides , idque potissimum cum exacerbationis aliquid inaudierit. Quin si quem viderit commotioiem , ubi se in illius familiaritatem insinuaverit , exasperat animum , sinistraque Majorum iudicia dum recenset , & acrioribus etiam exacuit , auget alienationes, ac tanquam dolosis suppotis ignibus accendit flammæ. Decurrit inde ad unum è Majoribus denuntiaturus quæ audivit, quorum ipse fere auctor & incensor primus , dictaque acerbiora sua ori adnectit aliorum, quo fortius superioris animum exulceret. Inde mutuas fovet dissensiones , & ementitis etiam ultro citroque narrationibus accendit , novamque alienationum materiam indefessus utrimque suggerit. Et dum utriusque partis gratiam venatur , ac placentia grataque offensis animis enarrat , mutuos odiorum ignes accendit. Neque magni moliminis ea res est, aientia enim ligna scintilla pertenui succenduntur. Et licet nulla dissensionum vestigia religiosus

*Scriba-  
nias  
Super.  
Relig.  
lib. 1.  
c. 22.*

giōsus hic susurro reperiat, illarum tamen semina ultro spargit, & falsis plurimum delationibus, altius illa pectoribus inserit, quam multorum annorum labor evellat. Sed his omissis ad profanos susurrones transeo: quamvis illorum nemo dici possit religiosus.

IV. Idumæus Doëg pastorum rex, & Ziphæi cives (quod Regum Fasti memorant) cum observassent Saulem graviter in David commotum, mox regias aures occupare studuerunt, & pessima quæque de David narrare, calumnias struere, David in majus odium adducere; verbo, graphice susurronum munus exequi. Hos tales Chrysostomus regiis in Babylone servis comparat, qui sævam fornacem illam naptha, & stupa, & pice & malleolis succendebant, & effundebatur flamma super fornacē. Sed quid novi aut miri sic sæviisse ignem tam lauto pabulo animatum? Tales omnino sunt ii qui ad hos & illos deferunt, quid alii contra ipsos dixerint, fecerint; addunt de suo, demunt, mentiuntur, ignemque tam validum ac sævum fornaci subjiciunt, ut iracundiæ flamma erumpat undique. Hos fornacarios & calefactores oracula divina merito maledictos nominant. Siracides aperte: Susurro, inquit, & bilinguis maledictus, multos enim turbavit pacem habentes. Nec male filii Belial vocantur. Hoc eos nomine beatus Gregorius insigniens: Si jure, inquit, filii Dei vocantur qui pacem faciunt, procul dubio Satanæ sunt filii, qui pacem turbant. Eam ob rem Salomon inter homines Deo invisissimos, supremo loco collocat eum qui seminat inter fratres discordias.

Specimen præbeat Theodorus Santabarrenus homo perditissimus. Hic cum non nesciret apud Leonem jam nominatum Impera-

Dan.  
cap. 3.  
v. 46.  
v. 47.

Ecdi.  
c. 18.  
v. 15.

Prov.  
cap. 6.  
v. 19.

E Zo-  
nara,  
Europa-  
tata,



peratorem se gratia non valere, hanc stro- <sup>aliis</sup>  
 pham commentus est. Leoni etiamnum ju- <sup>Baro-</sup>  
 veni, Basilii Imperatoris filio, simulata be- <sup>nus</sup>  
 nevolentia persuasit, ut cum venatum iret <sup>Anno.</sup>  
 cum patre, pugionem occultum ferret vel in  
 879.

feras, vel in suos aut parentis insidiatores.  
 Non displicuit consilium, nec dolum susur-  
 ronem observavit. Hoc apud Leonem filium  
 confecto, ad Basilium parentem se contulit  
 Santabareus, & velut fidissimus famulo-  
 rum monuit, porro sibi à filio caveret, qui  
 testissimas strueret insidias, & parenti ne-  
 cem moliretur. neque vero se cupere, suis so-  
 lum verbis haberi fidem; rem ipsam locutu-  
 ram, modo in venatu pugio furtivus quære-  
 retur. Quæsitus & inventus est. Hic pater ira  
 furere, filium perditum velle, nec ullam filii  
 defensionē admittere. Et certe oculos eru-  
 isset Leoni, Santabareno instigante, ni se-  
 natus assiduis precibus sententiam mitigas-  
 set. Susurronem non solum odit Deus, sed  
 etiam execratur. Aperte Salomon: Sex  
 sunt, inquit, quæ odit Dominus, & septi-  
 mum detestatur anima ejus, Eum scilicet  
 qui seminat inter fratres discordias: Et eum  
 utique multo magis execratur, qui inter pa-  
 rentem & filium, velut unius animæ duo  
 corpora, tam pestilentem agit susurronem.

V. Aves sunt, quæ dicuntur incendiariæ.  
 hæ adeo rapaces sunt, ut ipsum etiam ignem  
 furentur. nam ubi prunas vident, carbonem  
 vivum inde subtrahunt, sed quia urentem  
 prædam unguibus sinunt excidere, de facili  
 incendunt domos: Non aliter Susurrones,  
 ubicunque viderint scintillare igniculum, u-  
 bicunque audierint sinistre quid dici contra  
 alium, mox advolant incendiariæ hæ aves,  
 excipiuntque quod mox gliscente lingua in  
 alterius aures deferant. hinc tot incendia.  
 Id Siracides affirmans: Homo nequam, ait,  
 in

Eccli.  
c. 23.  
v. 21.

in ore carnis suæ non desinet donec incendat ignem. Atque tunc maxime suo se officio præclare functum credit, cum ignis luculentus vixerit. Hoc sane diaboli artificium est, unum ab altero distrahere, veterem conjunctionem dirimere, amicitias diffuere, familiaritates extinguere: at vero Christi est, oves dispersas colligere, lites componere, animos jungere, pacem conciliare, & hos & istos in pristinam concordiam reducere. Ideo

Matth.  
c. 12.  
v. 30.  
c. 5.  
v. 9.

proclamat: Qui non congregat mecum, spargit. Beati ergo pacifici quoniam filii Dei vocabuntur. Diabolus ejusque affectu hoc agunt, ut amicum cum amico, domum cum domo, urbem cum urbe, populum cum populo committant per incendiarias has linguas. Os susurronum, diaboli est armamentarium, è quo arma promuntur, quibus liberi in parentes, fratres in sorores, mariti in uxores, cognati in cognatos utuntur. Atque istud quidem subtili fit nequitia. Audies enim susurrones, qui dicant: *Obsecro te, cave dixeris hoc tibi à me narratum, ne res innotescat: ego certe sub rosa hæc tibi velim dicta: quod si alii hoc rescirent, ea res mihi fraudi foret, negaremque me talia unquam dixisse.* Ideo ille qui ejuscemodi prunas à susurrone accepit, clauso eas servat pectore. atque hinc immortalia odia, clandestinæ simulae, pertinax invidia: amici non salutantur, cognati vitantur, veluti famæ ac nominis pestes: mirantur alii subito mutatos, præsertim cum offensionis causam ignorent. Hoc omne malum à susurronibus est. Ex his reperias qui alterius aures atque animum ejuscemodi verbis occupent: *Equidem vehementer doleo, mi optime Ioannes, te ita passim traduci; mallet ab alio id audires quam à me: quia tamen fidelitatis hoc officium esse arbitror, silere nequeo, quam horrenda de te spargat ille ipse, in*  
quens



quem plurimum beneficii contulisti; miror sane quod talia de te foras efferre audeat. Ita flare solent diaboli folles; hoc flatu concitatur ignis. Verissime dixit Salomon : Verba susurronis *Prov. c. 26. v. 22.* quasi simplicia, & ipsa perveniunt ad intima ventris.

Sed alium audias susurronem, qui ubi plurima mentitus, dicat nihilominus, non aude- re se omnia dicere, vix rerum dimidiam par- tem à se recensitam; admiranda magis ab a- liis audienda. En avem incendiariam, ut pru- nas subjiciat moliendo incendio ! Atque hoc longe deterius est, quam si omnia fusa deblaterasset.

Spoleti anus nequissima è media susurro- num fæce notum sibi dominum accessit, & tanquam fida monitrix: Mi domine, ajebat, ille tuus æmulus militem conduxit, ut vitæ tuæ armatas strueret insidias; tuum erit pru- denter has declinare, aut vim vi repellere. Eadem furia illum ipsum, quem alteri detu- lit ut insidiatorem, accedens; O bone domi- ne, ajebat, iste vim parat contra te, ego tuæ incolumitatis amans monere volui, ne forte hosti occurreres imparatus. Ab his vocibus pugnae tumultuariæ sunt ortæ, sed plane sanguinariæ, quas illa Canidia, vetularum pessima, oratione non longa concitavit. Nunquid & huic anui diabolus par calceo- rum porrexerit longa pertica, dixeritque quod illi triveneficæ; *Me longe sapientior es.*

Neque susurrones tantum, sed ii etiam, qui eos benevole audiunt, gravi supplicio vindicabuntur: Dici solet, si non haberet fur, cui furta venderet, non furaretur; ita prorsus si deessent susurroni benevoli auditores, de- fineret & ipse obgannire ad aurem; desint furum hospites, demum & fures non erunt: desint susurronum patroni, tandem nec su- surrones erunt.

*Ita  
Luthe-  
rus in  
Colloq.  
edit. ¶  
Franco.  
c. 24.  
circa  
finem  
mibi  
pag.  
216.*

*Eccli.**c. 28.**v. 16.**¶ 17.*

VI. Quam vere questus est Siracides: Lingua tertia multos commovit, & disperfit illos de gente in gentem. civitates muratas divitum destruxit, & domos magnatum effodit. Est lingua verax & est mendax: lingua susurronis: lingua tertia est è duabus illis composita: quæ modo vera, modo falsa proloquitur, modo ungit, modo pungit, præfentes laudat, absentes vituperat. Hæc lingua, si conatum illius spectes, Dei regnum turbat universum, & evertit: Qualenam hoc regnum Dei? Beatus Paulus opportunissime respondet: Non est enim regnum Dei esca & potus, sed iustitia & pax & gaudium in spiritu sancto. Susurronum lingua iustitiam conculcat, pacem eliminat, discordiam excitat, & tristitiam. Atque hoc nonnunquam inde provenit, quod susurro amborum, quos inter se committit, gratiam exambiat. At sæpe non gratiam, quam cuniculis tam iniquis quæritat, sed grave odium reportat. Quod

*Eccli. c.**s. v. 17**¶**c. 21.**v. 31.*

apertissime vaticinatus Siracides: Susurrotori autem, inquit, odium, & inimicitia, & contumelia. Susurro coinquinabit animam suam & in omnibus odietur. Hanc ille gratiam meretur, idque jure meritissimo. Nam hoc unum linguæ vitium ceterorum plurima complectitur, adulationem, mendacium, detractionem, & si quæ hujus generis sunt. & ipsi susurrones plurimis titulis insigniuntur: nam \* assentatores, aurium servi, Sathanæ folles, bellorum incentores, diaboli tubicines vocantur.

Tubicen olim bello captus, & neci additus est. At ille infimis precibus rogare instituit,

\* Ohrenblaser / Knüpfser / Ohren-  
trager / Lärmenblaser / Meis-  
macher.



tit, vitæ suæ parcerent, mortalium neminem à se occisum. Cui judices responderunt: At eos qui plurimos occiderunt, ad cædes incendisti classico: actum de te; occidendus es. Eodem forsan nomine susurrones se purgaverint, neminem à se jugulari: sed eos, ô improbi, qui alternis vulneribus se jugulant, in cædes animatis, vestrum est:

*Ære ciere viros, Martemque accendere cantu.* *Vv. l. 6*

Vos odia struitis, & contentiones inimicis incenditis, diabolo charissimi tibicines. *Æncid. post initia.*

Eam ob causam Deus hoc linguæ vitium peculiari lege vetuit: Non eris criminator nec susurro in populo. Et quemadmodum *Levit. c. 29. v. 16.*

Deus alia pleraque linguæ vitia, ita & hoc punire solet, ut quod susurro aliis, hoc idem illi fiat ab aliis. Luculentum ejus rei paradigma est Antipater Herodis filius, qui immodica regni cupiditate incensus in Alexandrum & Aristobulum fratres, alterum ex altero vafrementum commentus est, quo eos apud parentem in odium adduceret, itaque regno excluderet. iis certe sermonibus paternas aures oneravit, ut uterque fratrum jugulatus fuerit. Sed tandem etiam nequissimi susurronis fraus omnis detecta est, & à patre, à quo gratiam moliebatur, jussus & ipse occidi. *Fusa narratio apud Josephum lib. 16. c. 17. Anti-quit. Judaic.*

Hoc quivis persuasissimum sibi habeat, in suum se damnum loqui, quicquid denuum furtivis ejuscemodi sermonibus contra alios loquatur. Projectus in altum lapis in jacientem recidet: Perillus in suo ardebit bove: sic lingua noxia suum jugulabit auctorem. Disertissime monuit Siracides: Non appelleris susurro, & lingua tua ne capiaris, & confundaris. Laqueum gerit faucibus, quisquis talem linguam: Hæc non solum alios, sed & eum dominum illaqueabit. *Ecc. c. 5. v. 16.*





# T

- A.** Ajunt acetum domesticum non esse acre. nisi & acris sit materfamilias. Hinc acetum in hac domo acerrimum, quia talis est domus domina.
- B.** Maritus ad comprimendam uxoris **TV-MVLTVOSAM** linguam, crepida illam percussit. Quomodo autem ipsa prius maritum malleo lotorio verberarit, Vide C. 53. S. 5.
- C.** **TVRPILOQVAM** linguam limaces & cochlea ex ore dormientis rustici prorepentes, insigniter sub oculis ponunt. Vide jucundam narratu historiolum C. 54. S. 1.

## T

## CAPVT LIII.

**TVMVLT VOSA** *Lingua grande vitium describitur.*

**N**on immerito miratur Magnus Iacobus Apostolus, omne genus animalium tam serpentium & gradientium, quam volantium & natantium domari posse, & etiam subinde cicurari, linguam tamen esse indomabilem. Canem institutio humana pæne simiam efficit; in macellum mittitur, ut œconomus; perferendis litteris alio ablegatur, ut tabellarius. quam varia condiscunt equi? humanos mores proxime imitatur Elephas. Omnis natura bestiarum & volucrum, & serpentium, & ceterorum domantur & domantur à natura humana: linguam

*Plin. 8. 3* autem nullus hominum domare potest. *v. 7.* *v. 8.* Plane indomabilis est lingua, superatque vel ferocissimum equum. Quis peritus satis magister ac moderator ad hunc perdomandum? Bucephalus neminem nisi suum regem admittit fessorem; solus rerum conditor satis frenavit linguam. Hæc cum furoribus inflammatur, lupo ac vulture rapacior, vulpe astutior, leone immanior, sævior tigride est.

*Plin. Nat. hist. l. 10. c. 74.* In Ægypto, ut Plinius refert, aspis ad mentem cuiusdam veniens alebatur assidue. Hæc catulos erixa, à quorum uno filius hostis interemptus, illa ad cibi consuetudinem reuera, cum intellexisset culpam, & necem intulit catulo, nec postea in illas ædes rediit. Imperatori Anastasio ex Indiis missa tigris ad humanas manus feritatem dedidit. Si Paulo Veneto credimus, Magnus Rex Tartarorum Leones, Leopardos, Tigri-



Tigrides, Lynces, Vrsos mansuefactos in venatum educit, & his venatoribus feras congeneres capit. Delphini humanam amicitiam ultro ambiunt; ipsi etiam Crocodili aquatiliū animantium sævissimi edomantur. Picæ, corvi, psittaci doctores admittunt, & humanas voces addiscunt. Vultures, falcones, aquilæ ad domini manum revolant, & prædam apportant fido famulatu. Rhinoceros ferocissima bellua in florilegæ virginis gremium ferociam omnem deponit. Nullum pæne animal indomabile. Et quamvis leones dentibus ac unguibus armentur, tamen veneno carent; serpentibus venenum est, iis tamen dentes, cornua, ungues negantur. Hem sola lingua est indomabilis: hæc dentes habet acutissimos, ungues rapacissimos, cornua robustissima, letalissimum venenum. Serpentes non lædunt nisi proximos: lingua & in absentes & in mortuos sævit, etiam ad centum miliaria diffitos invadit, & lacerat. Præclare dixit Augustinus: Homo domat feram, non domat linguam, domat Leonem & non refrenat sermonem; domat ipse & non domat seipsum. Inter indomabiles has linguas numeranda est etiam Lingua

*Aug. serm. 4 de Verb. Dom.*

\* *Tumultuosa*, de qua tamen ritu Laconum strictim differemus.

I. Irato mari vix quidquam terribilius aut indomabilius, marinos tamen furores Deus, solo voluntatis suæ nutu, inter arenas carceres coërcet. Iobus ut Præceptor Iob. maris locutus: Circumdedit illud terminis. 38. meis, inquit, & posui vectem, & ostia, & v. 19. dixi: Usque huc venies, & non procedes amplius & hic confringes tumentes fluctus tuos.

\* Ein Schrey-grill-böck-böck-der-trow-Trutzung.

tuos. Qui hi maris termini, quæ ostia & scæ-  
ræ, quibus ira illius cohibetur? *Dixi huc ve-  
nies*: solum Dei præceptum, cui etiam ina-  
nima obsequenter serviunt. Vt linguam  
Deus in officio contineret, æterno eam car-  
ceri addixit, & in caveam compegit, quam  
osseis dentium clathris communiit, insuper  
etiam catenis vinxit, Variis scilicet gutturis  
& palati vinculis; quin etiam intelligentia  
eam regit, gratia protegit, pænis corrigit.  
Nihilominus lingua hanc conditoris provi-  
dentiæ eludit, & licet captiva sit, ita tamen  
sæpius furit, & bacchatur, ut mortalium  
pæne maximum sit negotium, tumultus à  
lingua concitatos comprimere.

*Ecdi.*

*g. 22.*

*v. 33.*

Hinc Siracides ardentè optans: Quis da-  
bit ori meo custodiam, inquit, & super labia  
mea signaculum certum, ut non cadā ab ip-  
sis, & perdat me lingua mea? Non vanæ sunt  
excubiæ ad seditiones & motus linguæ, præ-  
sertim Tumultuosæ sedandos.

Lingua, quam Tumultuosam vocamus,  
modo clamat, & altum vociferatur, modo  
furit & bacchatur, præsertim si vapido sub  
pectore ardeat iræ flamma & cogitationes  
instar aquæ bullientis agitentur, hic lingua  
Tumultuosa partes suas strenue agit, nec ul-  
lo modo teneri se patitur; clathros frangit,  
catenas rumpit, repagula perrumpit, tonat,  
grandinat, fulminat, cælum terramque mis-  
cet, perturbat omnia, verborum agmina vel-  
ut fluctus evomit. balænam dixeris quæ  
mare quod sorbuit, per caput violenter e-  
gurgitat in naves.

II. Sunt homines tam turbulenti & im-  
petuosi, ut subinde nonnemo de tali quæ-  
rat: quæso quid hoc hominis est tam vehe-  
mentis & violenti, quam furentes is habet  
impetus? Hac ratione profecto ab homine  
intelligente, & emunctæ naris,

*Non*



*Non pulchrum est digito monstrari, & dici, hic  
est*

Homo ille procellosus, cui lingua est velut amnis exæstuans & ripas transgressus. Hic talis vix quidquam sine clamoribus agit. Cum quippiam petit, clamat; cum negat petita, clamat; cum quid imperat, magis clamat, quidquid demum loquitur, turbulenter id facit, nec sine tumultu verborum sese mutuo impredientium. Atqui serii esse possumus, jubere, imperare, etiam objurgare possumus, licet omnis verborum tumultus absit. Quinimo rigidum mandatum sereno vultu placidisq; verbis temperandum est & molliendum. Pleraque omnia rectius efferruntur sine hoc verborum tonitru.

Inter homines religiosos lex est, voce submissa loqui; vociferationibus, scilicet & indecoris clamoribus vitandis, qui videntur esse hominum aut non sanorum, aut rusticianorum, aut certe surdastrorum. Quorum ultimi cum suam ipsi vocem non audiant; nec ab aliis se audiri putant, proinde in familiari etiam colloctione clamosi sunt, & immodice vocem efferunt. Hoc humanæ aures moleste ferunt, neque id certe ingenuis moribus decorum. Hinc ii omnes qui mores formant, tumultuosas linguas inter prima vitia damnant. Hac disciplina & exemplo suos alumnos imbuunt Plato, apud quem educatus puer, cum ad parentes relatus vociferantem videret patrem; Nunquam, inquit, *Sen. l. 2 de Ira* hoc apud Platonem vidi. *c. 22.*

Tullius post multa encomia Catulorum *Cic. l. 1. 1. Offic.* bene loquentium: sine contentione, inquit, vox nec languens nec canora. Deinde docet ex contentione vocis & summissione facile judicari quid apte fiat, quid ab officio naturæ discrepet. Annæi quoque præceptio est: *Vox sit sine clamore.*

Hinc Tumultuosa Lingua, cum lenissime peccat, decorum offendit.

*Basil  
serm. de  
Re-  
munt.  
Bene-  
dict. in  
Reg.  
c. 7.  
gr. 11.  
Theoph.  
c. 4. de  
Charac.  
mor.* III. Christianæ Religionis lumen Basi-  
lius jam olim decernit : Interrogatus de re  
aliqua , gravi & submissa voce responde.  
Idem beatus Benedictus à suis exigit : Ne  
sint clamosi. Clamorem certe aures non pa-  
ganæ multum averfantur. Hinc recte Theo-  
phrastus insignem rusticitatis notam asse-  
rit, Voce magna & contenta loqui. Nec leve  
argumentum est moderati animi, vocis mo-  
deratio.

*Is. c. 42  
v. 2.  
Matth.  
c. 12.  
v. 19.* De Christo servatore Isaias ut singulare  
quid prædicat his verbis: Non clamabit, ne-  
que accipiet personam , nec audietur vox e-  
jus foris. Eodem sensu Matthæus: Non  
contendet, inquit, neque clamabit, neque au-  
diet aliquis in plateis vocem ejus. Non ne-  
gandum, nonnunquam clamasse servatorem,  
ubi voce opus fuerat elatiore , præsertim in  
concionibus. Isaiam & Matthæum expli-  
cans Hieronymus: Non clamabit, ait, erit e-  
nim mitis atque mansuetus , & non levabit  
in altum vocem suam.

*Ephes.  
c. 4.  
v. 31.* Divinus quoque Paulus clamorantem ac tu-  
multuosam linguam ab ore Christiano ar-  
cens : Omnis, inquit, amaritudo , & ira, &  
indignatio & Clamor &c. tollatur à vobis  
cum omni malitia, idque ob eam causam ,  
ne vel irati , vel similes iratis esse creda-  
mur ; iratorum enim proprium est clama-  
re atque tumultuari. Bernardus superbix  
signa enumerans , inter ea etiam *clamorem in  
locutione* censet. Clemens Alexandrinus Tu-  
multuosam Linguam insanix adscribens :  
*Bern. l.  
de in-  
ter. do-  
mo  
c. 41.  
Clem.  
l. 2.  
Pædag.  
c. 7.  
Ibid.* Elatus, inquit, clamor pronuntiationis , est  
res insanissima. Addit : Modesti est in voce  
Moderatio, à magnitudine simul & prolixi-  
tate , celeritateque & multitudine coercens  
suam orationem.

Ejus-



Ejusdem animi Ambrosius : Ipsum , in- *Amb.*  
quit, vocis sonum libret modestia : nec cu- *l. 1.*  
jusquam offendat aurem vox fortior. Quod *Offi.*  
si sapientis est, loqui suaviter & demisse, ut *cap. 18.*  
vult Bonaventura, certe insipientis & stulti *Bona.*  
erit, acerbe & tumultuose loqui. Salomon *par. 1.*  
toto capite hic annuens: Vidisti, ait, homi- *Spec.*  
nem velocem ad loquendum? Stultitia ma- *cap. 5.*  
gis speranda est quam illius correptio. Ho- *Prov.*  
minis male sani proprium est, ore turbido *c. 29.*  
procellas in obvium quemque ejicere, & sæ- *v. 20.*  
pe de rebus vilissimis tumultus maximos  
ciere. At plerunque ubi multum clamoris,  
ibi parum rei aut veritatis est. Nisi res ipsa  
clamorem exigit, & ut sic dicam, tumul-  
tum vocis. Veritas ex ore mansueto & mi-  
nime clamoso, longe pulchrior prodit &  
amœnior, quam è tumultuoso & clamori-  
bus assueto.

IV. Fit nonnunquam ut in domo aliqua  
interiore, aut in conclavi à plateis averso eæ  
sint turbæ & clamores, ut in plateis trans-  
euntes audiant & mirentur hanc domus  
tempestatem: quid si domum hanc ingrede-  
rentur, & in ipso turbarum loco consiste-  
rent, quam offensis auribus detestarentur  
inconditos illos ululatus? In hominis ani-  
mo, in penetralibus his abstrusissimis omne  
genus affectuum latet, hic ira, tristitia, impa-  
tientia, injuria, lascivia, & omne hoc vulgus  
delitescit ac tumultuatur, publice nihilomi-  
nus hi tumultus audiuntur, cum scilicet pa-  
tet ostium, Lingua; quæ jam inquies, quan-  
ta seditio in ipso erit pectore? dum clausum  
& obseratum est domus ostium, servi &  
ancillæ rebelles coërceri possunt; cum fo-  
res patent, seditiosa familia domesticum tu-  
multum dividit in plurimos: ita quamdiu  
quis silet, aut verba profert mitia, tamdiu  
fores habet custoditas, & in iram plurimum

potest; perinde ut in incendiis civicis, quamdiu ignis non erumpit, magistratus patremfamilias non punit, & incendium facilius sopiri potest; ubi vero in apertum evolarit flamma, signum è turri datur, fax noctu, de die labarum protenditur, accurritur, jamque magistratus ob neglectos ignes jus habet puniendi: sic clausi pectore affectus, suo quidem domino, sed aliis non nocent, & minori negotio coërceri possunt, ubi vero per tumultuosam linguam eruperint, & aliis nocent, & difficilius reprimuntur.

Quamobrem S. Diadocus utilissime præcipiens: Volo, inquit, te esse breviloquum, raro loquum, & submissa voce loquentem. Nam pravi sicut in sensu leves, sic in locutione præcipientes, clamosi, vehementes sunt. Regius Psalter Tumultuosam ejuscemodi linguam objurgans: Dilexisti, ait, omnia verba præcipationis. Linguae Tumultuosæ prima virtus est, præcipitare verba, & velut per scalas dejicere, ut una quasi ruina effundantur omnia.

Linguae Tumultuosæ affinis est *seditiosa*, quæ fragore grandi prorumpit; gladios, bombardas, sanguinem loquitur. Ab hac erat cruentum illud, *Tolle, Tolle, Crucifige*. Ab illa sunt hæ voces non ignotæ: *Cæde, lacera, per fenestras præcipita, præcipitatos jugula*. Hæc lingua servos in dominum, cives in Magistratum, subditos in principem armat: Venite, clamant, excutiamus jugum: Ad arma, ad arma; \* libertas vindicanda est. Hæc lingua bellis ardere jussit Germaniam per tot jam annos. Sed ubi hæc lingua est, tibi auris plerunque nulla est: nil audit, nil moniti admittit

\* *Dran dran, es muß ein anders werden.*



mittit aut consilii : ideo nos illam monere definimus; ad Tumultuosam redimus.

III. Sermo mitis ac moderatus inter Principum ac Regum necessarias virtutes numeratur. Hierosolymæus Rex David se ipsum hac in re accusans : Quoniam tacui, *Psa. 37* ait, inveteraverunt ossa mea dum clamarem *v. 3.* tota die. Quis hoc satis assequatur? quomodo clamavit, si tacuit? aut quomodo tacere potuit, dum clamaret? Hæc aliaque in speciem sibi contraria effrenis ac tumultuosa lingua facere simul potest, & tacet & clamat; studiose tacet id omne quod in alterius laudem ac commendationem est, clamat & altum vociferatur, cum habet quod carpat, quod accuset, quod reprehendat & damnet, hic turbæ & tumultus ingentes, hic repetitæ plagæ & ictus non perfunctorii.

Fuit qui tumultuosam hanc linguam \* malleo lotorio comparandâ censeret. Non inerudite. idque confirmatur verboso conjugum duorum dissidio. Non procul Witemberga maritus uxorem crepida percussit. *10a.* Ægre id tulerunt cognati uxoris, & de *Man-* consilii sententia maritum ad se vocarunt. *lins* Cum præsentē expostulatum de injuria *tom. 2.* quam suæ conjugi cognatæ ipsorum fecisset. Porro meminisset, non ancillam sibi aut *mihî* mancipium nupsisse : si quid dissensionis intercederet, non illico verberibus & pugnis *pagina* de re decidendum. His auditis maritus iræ *178.* continens, vultu sereno & ad omnem humanitatem composito : Affines optimi, agebat, admonitionem vestram boni consulo, sed hoc unum rogo, ne quid inaudita parte altera severius statuatis. Equidem fateor me con-

\* Wäschblaw oder Wäschfolbē.

Vide imaginem.

conjugi offensiorem, non continuisse manum, sed illius impulsu hoc factum, nam illa me prius percussit, & quidem longe immitius, nam malleo lotorio est usa. Vos igitur iudices convenio; decernite, an non gravior plaga sit, à malleo lotorio quam à crepida plagas accipere. Mirantur cognati, & quærent qua ratione lotorius malleus in iratas conjugis manus venerit? Hic ille subridens, Lingua, inquit, me verberavit, quam ego lato illi malleo non ab similem, sed eo longe graviolem censeo. Vtrinque risus, & gratiæ conciliatio.

Sane lingua improba præcipue Tumultuosa malleus est, sed latus & lotorio similimus, à quo ictus omnes sonori valde sunt & clamosi, præsertim cum panni madidi tunduntur. Væ tibi quisquis es, quem hic malleus pulsarit, qui nec regibus parcat. Philippus Rex Macedo, si qua alia virtute, certe contumeliarum patientia illustris fuit. Demochares ad illum, Parrhesiastes, ob nimiam & procacem linguam appellatus, inter alios Atheniensium Legatos venerat: audita benigne legatione Philippus: *Dicite*, inquit, *mihi, facere quid possum quod sit Atheniensibus gratum?* Excepit Demochares, & lingua nimis quam tumultuosa & præcipiti respondit, *Te suspendere*. Indignatio circumstantium ad tam inhumanum responsum exorta est: quos Philippus conticescere iussit, & Therситam illum salvum incolumemque dimittere. At vos, inquit, ceteri Legati nuntiate Atheniensibus, multo superbiores esse, qui ista dicunt, quam qui impune dicta audiunt. Verissime dixit Annæus: Proprium est magnitudinis veræ, non se sentire percussum. Et hoc profecto est lotorium illum malleum sustinere sine damno.

Rex Regum, Messias Orbis, exemplo suo

*Sen. l. 3  
de Ira  
c. 23.*

*Ibid.  
c. 25.*



suo nos docuit non tantum lingua non tumultuari, non clamare, sed & tolerare linguas tumultuosas, & vincere taciturna lenitate.

## CAPVT LIV.

TURPILOQVA *Lingua omnibus Christiani Orbis finibus proscribitur.*

**N**on mihi si linguæ centum sint, oraque *Vv. l. 6*  
centum, Omnes improbæ linguæ lap- *Æneid.*  
siones enumeravero. In tanta errorum varietate hanc aliqui gradationem constituunt inter multiloquium, vaniloquium, stultiloquium, Turpiloquium, quorum alterum altero gravius delinquit. *Multiloquium* peccat defectu modi, verba enim agglomerat, eaque totis modis effundit. *Vaniloquium* defectu finis delinquit, inutilia prorsus garriendo. *Stultiloquium* priora duo superat, quando non tantum inutilia, sed & fatua protrudit, & fabulatur sine ratione: *Turpiloquium* eo pæne alia illa transcendit, quod linguam lascivam proxima cognatione attingat, & à beato Paulo plus simplici vice damnetur, sic enim Ephesios instruit: For- *Eph. e. 5. v. 3.*  
nicatio autem, & omnis immunditia, nec nominetur in vobis, sicut decet sanctos, aut turpitudine, aut stultiloquium, aut scurrilitas, quæ ad rem non pertinet. Qua præceptione non tantum obscenas fabulas & prætextatos ac lascivos sermones, sed omnia turpicula verba tanquam Christianæ verecundiæ multum adversantia prohibet, quando quidem turpitudinem, & omnem immunditiam, à Christianorum colloquiis excludit. Nos ergo cum beato Paulo *Turpiloquium*, & omnem verborum immunditiam (linguis lascivis jam confixis) hoc capite persequemur.

I. Sunt

Gell. l. 1.  
Noſt.  
Attic.  
c. 15.

I. Sunt homines, inquit Gellius, in verba provec̃ti, quos & garrulos, loquaces, blaterones & linguaces dicimus, quorum lingua tam effusa ad loquendum, infrenisque est, ut teterrima quadam colluvione verborum fluat semper & æstuet. Hic suis sane coloribus Turpiloquium, quo de agimus, depictum est. quid enim hoc aliud nisi tetra valde colluvies sordidissimorū verborū, quæ proprie *illota*, & ab iis sermones \* illotos dicimus.

Sunt quædam domus instrumenta adeo retusa, & nullius usus, ut cum purgamentis & sordibus in latebras conjiciantur: ita quædam in colloquiis natura sua tegi volunt, & silentio tanquam latibulo abscondi, sed has sordes & purgamenta hæc studio in lucem eruit lingua Turpiloqua, ut ridiculum forum faciat, & emptores si non alliciat, saltem habeat spectatores: Sicut circumforanei & agirtæ solent, qui radículas, lumbricos, succos, fucos & fumos in foro circulisque, concione advocata vendunt, & Stentorea voce proclamant, laudantque quas volunt extrudere merces, ut simpliciores & agrestes hianti rictu attonitos & attendentes argento emungāt: sic omnino Lingua Turpiloqua merces suas dicacitate foeda venales facit.

Ponuntur subinde quæstiunculæ quæ verbis non impuris constant, sed sensu. Et eorū jam nequitia subtilitate profecisse diabolus videtur, ut foedissima quæque honestissimis subinde verbis efferantur. In aulis non ignotum hoc diaboli artificium, quod etiam verecundiam quandoque ac innocentiam facit erubescere, dum homines oris pudici verba proferunt minime sordida, aliorum tamen interpretatione ad turpitudinem trahuntur.

Roma-

\* Unge waschne/wüſte/unſaubere/grobe Wort.



DE TURPILOQ. LIN. 675

Romanos veteres hic minime accuso, qui quædam naturæ requisita verecundo prorsus & casto loquendi ritu enuntiare soliti sunt: Christianos illos arguo, & damno, qui verbis minime impudicis interpretationes & sensus affingunt impurissimos. O homines minime Christianos! *Et omnis immunditia non nominetur in vobis.*

Immundam hanc oris eluviem limacibus & cochleis, præsertim illis quæ è dormientis ore prorepserunt, rectissime comparavero. Rusticus fuit quem apud Oenipontanum hospitem (cui nomen **Grölich**) edundarum cochlearum gula inceserat. His delitiis quidem paganus homo assuetus non erat, satis fecit tamen huic cupidini, & sic crudas cochleas pipere tantum & sale nonnihil perspersas ingenti numero glutiit. Vere glutiit, uti cæcus Ninivitanum vatem; sed & vinum dulce addidit, vehiculum huic cibo, dein pone fornacem in scamnum se abiecit, manibus pedibusque liberaliter extensis. Atque dum toto proflat de pectore somnum, patuloque hiat ore, en tibi cochleæ, alia super aliam, qua iverunt, viâ relegunt, & dormientis faucibus proreptant, ligneosque fornacis cancellos occupant. Qui tunc temporis huic spectaculo interfuerant, non sine animi sui voluptate reducem hunc & vivum cibum viderunt, idque publice alibi narrarunt. Atque hi testes etiamnum in vivis sunt.

Huic reptili cochlearum plebi verba Turpiloquæ linguæ non absimilia sunt. Ex ore rustico prorsus & ebrio aliorum auribus inserpant. Addo & istud: Limaces & cochleæ lentissime rependo arbores & conscendunt & depascuntur folia, quæcunque autem repunt vestigium sui relinquunt, tenacem & glutinosum humorem:

*Ita  
Clariss.  
D.  
Guar.  
non.  
l. 2. de  
Exe-  
crandis  
Orbis  
c. 38.  
fine.*

ita omnino verba sordida & illota undecunque ad aures perferantur, impuritatis aliquid & turpitudinis affricant, nocentque semper tam dicenti quam audienti. Auditor quidem aut offenditur, aut dolet occulte, præceptum illud Paulinum (*omnis immunditia nec nominetur in vobis*) inter Christianos tam esse inefficax, ut ei vix quidquã loci sit.

Sed sunt sæpe auditores qui illis ipsis sordibus quas audiunt, delectantur, quo modo, dum nesciunt, lædantur. Sordidus vero locutor non aliis solum, sed & ipse sibi officit, dum enim verba non pudica fundit, pudorem sensim dediscit. Nam uti Gregorius loquitur: Sæpe, dum ab otiosis verbis nequam lingua compescitur, ad temeritatem quoque stultæ increpationis effrenatur. Quibusdam enim ruinæ suæ gradibus desidiola mens in foveæ lapsus impellitur: nam dum otiosa verba cavere negligimus, ad noxia pervenimus, ut prius loqui aliena libeat, & postmodum detractionibus eorum vitam, de quibus loquitur, lingua mordeat: quandoque autem usque ad apertas contumelias prorumpat. Sic dum sordida non vitamus, ad lasciva delabimur. ita placere incipit quod tuto frequentatur.

Hinc Zeno sapienter dixit: Satiùs est cadere equo, quam verbo incomposito. Vbi autem sermones tam illoti & sordidi, quid puri cordis latere suspiceris? Ex abundantia cordis os loquitur. Ex Augiæ stabulo tam immundo, quis odor nisi gravis & teter? Sodomorum vineæ dederunt odorem suum. Contra pudicæ mentis homo cum Psalte dixerit: Eructavit cor meum verbum bonum. Vt pyxides amomo aut cinnamo plenæ, vel sacculi Pæstaniis rosis turgidi, cum primum aperiuntur, odorem spirant suaveolentissimum, sic animus Deo plenus, Deum & divina loquitur.

I I. No-

Greg.

l. 7. mo.

c. 18.

C. ult.

Matth.

c. 12.

v. 54.

Psa. 44

v. 1.



II. Nobilissimum Virtutis specimen Comes Ariani Elcearius, uti omnia sensuum exteriorum officia ad omnem modestiam composuerat, ita & linguam. Hic cognatæ suæ nuptiis, quæ quinque dies occupabant, interfuit, sed sane invitus, nec sine oculorum & aurium crebris vulneribus. Aderat ex more magna hominum nobilium frequentia, fiebatque quod in nuptiis solet; dies noctesque epulæ, confabulationes, cachinnationes, tripudia, choreæ, & quicquid Thallasio & Hymenæo licitum putabatur, neque enim nuptialis licentia ad pudicitiae amussim dirigebatur. Quam hæc autem ad Elcearii stomachum non erant! Verecundissimus certe juvenis inter has delitias, tanta sermonis honestate & pudicitia utebatur, ut ei ne unum quidem non dicam lascivius, sed nec petulantius ullum aut sordidius verbulum exciderit. Interim alii tanto proterviores, liberrime & loqui & facere, quæ sacris nuptialibus congruere videbantur, neque enim verba solum, sed & gestus parum pudicos edere, quibus & oculi & aures Elcearii gravissime sauciabantur. Quicquid Venerei mellis hinc illinc spargebatur, castissimo juveni fel erat merissimum. Hoc unum confirmatius didicit, à Hieremia Hie. c. 8. v. 6. vate verissime dictum: Nemo quod bonum est loquitur. & à Ioanne Apostolo: Ioan. c. 5. v. 29. Mundus totus in maligno positus est.

Innumeræ ubique sermonis turpitudines sunt, quas nemo satis effugerit, nisi qui non solum castus, sed & surdus fuerit. Enimvero maximi refert quibus sermonibus aures assuescant dum teneræ sunt, & culturæ patientes.

Comes Elcearius, quem dixi, à Roberto Rege Carolum filium natu maiorem, eundemque Calabriae ducem regis artibus im-

buendum accepit. Carolus exultantis ingenii mores minus compositos præ se tulit, lascivorum sermonum aut hominum, quam proprio Principe futuro, amantior, uti natura ipsa cupiditates adolescentiæ profundit, maxime si cum fortuna bona & ingenio animi mobiliore sit; si jam hominum impurorum usus, quibus aula interdum infestatur, accedat, quid mirum est si proximus ardeat Vcallegon? At vero si nihil quod impudicitiam oleat, attingere debet limina, intra quæ puer est, quanto sanctiora esse debent, intra quæ puer regius est. Hoc Elcearius mature considerans, simul etiam alumni sui genium æquo liberiolem advertens, Carolum ad se vocatum his verbis aggressus est: Ab omni quidem ore Christiano & aure sermones illoti & turpes procul arcendi sunt, maxime vero à Principum & Regum colloquiis. Insignem & regiam personam nihil minus decet, quam vel audire vel proferre hæc verborum dedecora. Omnes virtutis nervos elidit immunda hæc oris eluvies: Quicquid agis, Carole, fuge, fuge contaminatissimos homines istos, qui tam lutei, tam cæno polluti sunt, ut vel spurcidicos versus, vel carule-nas inverecundas, vel Fescenninos jocos effutiant; quidquid fere loquuntur viperinam Veneris saniem ructant. Horum omnium sermo vitandus est: hi sunt qui vitia tradunt, pessimum genus hominum. Venenum quod auribus instillant, diutius hæret quam auditur: nec facile est animo dulcem sonum excutere. prosequitur & durat, & ex intervallo recurrit. Ideo claudendæ sunt aures his vocibus & quidem primis. Quare fuge, mi Carole, fuge, tam pestilens loquendi vitium, eique nec os nec aures præbe, isto & illis exclude. Regium sanguinem iis ornamoribus qui deceant Regem.

Hæc



DE TURPILOQ. LIN. 679

Hæc Elcearius animo etiamnum tenero ac flexibili, oratione tam nervosa impressit, ut Carolum brevi tempore ad omnem pietatem ac pudorem adduxerit, non sine totius aulae admiratione. Hinc illæ vulgi voces: *Dominus Dux in alium hominem mutatus est.* Alii magis aulice dicebant; *Comes Ariani cum Principe locutus est.* Hoc quasi brevi elogio, & Caroli mores & Elcearii sapientiam commendaturi: certe ipse Carolus non tantum postea verbum obscœnius nullum fecit, sed nec audire sustinuit.

III. Carolo Calabriæ Principi Principem Castilionis jungo Aloysium Gonzagam, qui Societatem Iesu Iuvenis amplexus est, & vitam in ea, usque ad mortem religiosissime perseveravit. Hic etiamnum adolescens, parente Marchione cum copiis ad *Virgi-* Tunetum profecto, Castilionem remissus *lius Ce-* est, ubi eundem, quem ingressus erat Casale, *parius* vivendi modum tenuit. Atque ut est plerun- *l. 1. vi-* que militum vulgus ad verborum licentiam *ta A-* turpitudinemque projectum, ipse quoque ex *loysi* eorum consortio nonnullas ejusmodi voces *c. 3. e-* hauserat, quas ignarus quænam esset eorum *dit. 2.* notio, interdum jactare cœpit. Id cum aliquando Petrus Franciscus Turcius audisset, qui ejus pueritiæ moderator fuit, tanta vi in eum invectus est, ut ipse postea moderator confirmarit, nullum unquam ei deinde nisi honestum decensq; verbum effluxisse: Quinimo, si quem deinde licentius loquentem audiret, è vestigio oculis pudore suffusus, humique defixis, aut aliorsum conversis, vel animum advertisse dissimulabat, vel dicta sibi auditu molesta fuisse significabat. Ex quo licet intelligi, nunquam eum hoc genere sermonis usurum fuisse, si, quid sibi vellet, ante didicisset. Nam simul ac flagitiosa atque à suo dignitatis gradu genereque aliena esse

didicit, tantus eum pudor incescit, ut postea sit fassus, ne sacerdoti quidem suæ conscientiae quæsitore, ut ea nominatim aperiret, animum inducere potuisse. Ea erat puerilis animi verecundia. Neque vero unquam, dum vixit, hujus eum gravissimi, ut ipse sentiebat, criminis poenitentia deseruit.

Iob

c. 39.

v. 37.

v. 38.

Iobus profecto in causa non valde ab simili poenitentiam agens: Qui leviter, inquit, locutus sum, respondere quid possum? manum meam ponam super os meum. Vnum locutus sum, quod utinam non dixissem: & alterum; quibus ultra non addam. Manum super os ponere, gestus est agnoscentis peccatum oris & verborum; sicut manu pectori admota agnoscimus & fatemur peccatum cordis. *Vnum*, inquit Iob, locutus sum, & *alterum*. En sincerissimam ab ore confessionem *Quod utinam non dixissem*: en verissimam peccati detestationem in corde. *Quibus ultra non addam*: en firmissimum emendationis propositum, ipso exequendum opere.

Acto.

c. 28.

v. 5.

Ah, manum imponat & ori & auri, quisquis Turpiloquium unquam vel mutua colloctione, vel auditione benevola promovit: doleat talia dixisse ac detestetur dicta, sed iis ultra non addat; excutiat à se viperinam linguam. Paulus Orbis Ecclesiastes cum post periculosissimam navigationem, cælo frigido ac pluvio in insula Mitylene focum strueret, eique sarmenta pabuli vice ingereret, serpens sarmentis immixtus ab igne resiliuit, & Pauli manum invasit. *Et ille quidem*, inquit sacer historicus, *excutiens bestiam in ignem nil mali passus est*. Turpiloquium, reptile viperinum est, quod aures invadit, & inde per omnem animum virus suum dividit. Excutiat hanc viperam qui lædi non vult, & illos ignes æternos consideret, in quibus non epulonum duntaxat aut helluonum, sed



# DE TURPILOQUA LIN. 681

sed vitiosorum omnium linguæ ardebunt, guttulam in refrigerium mendicabunt, sed & guttula iis negabitur.

Ergo quod Chrysostomus hortatur, Christi loquamur lingua, non diaboli: Quemadmodum enim, inquit, si Romanus forte fuerit iudex, non percipiet rationes tuas, nisi Latine loquaris: sic etiam Christus non audit, neque attendit, nisi lingua sua utaris. Discamus igitur ita loqui ut Rex no-

Chrys.  
tom. 2.  
hō. 80.  
in c. 23  
Matth.  
mihi  
pagina  
559.

ster, & ea lingua proferre, qua ipse utitur. Imitemur diligenter illam linguam in omnibus. Victis Ephratæis, uti Iudicum fasti memorant, Galaaditæ Iordanis transitum occuparunt. Cum autem è dissipato exercitu palantes milites venirent cuperentque Iordanem transire, interrogabantur, num Ephratæi essent? si negassent, jubebantur vocem scibbolet proferre, hæc est, spicam plenam. quod si litterula una omiſsa dixissent sibboleth, jugulabantur miseri, constabat enim vel ex ipsa pronuntiatione hostes esse. Eodem plane modo Turpiloqua lingua non raro seipsam prodit voce unica sordente & minus casta. Qui enim sæpius inquinatè loquitur, velut Ephratæus hostis sibbolet pronuntiat, non scibboleth, paleas ructat, non spicas plenas, colloquia sordida & impura amat, hostis est verecundiæ.

tom. 5.  
hō. 52.  
mihi  
pagina  
298.

Has ergo sordes aversetur plurimum, qui pudicitiae videri vult amicus. Exulet Lingua Turpiloqua ab universis Christiani Orbis finibus. Satiùs est mutum videri quam Turpiloquum.





# V

- A.** *Linguam VINDICANTEM in oculis constituit Martius hic homo ex eorum numero qui è draconis dentibus in terram satis emerse-  
runt. Neque hic aliud quam Vindictam spirat.  
Vindictam clamat. Vide C. 55. initio, ante S. I.*
- B.** *Sutor cum in Apellea pictura crepidam male  
pictam carperet, toleratus est; cum eadem cen-  
sura crus etiam perfringeret, merito ad sutri-  
nam, & ad calceos remissus est, ne vituperare pet-  
geret, quod ignoraret. Vide C. 56. S. I.*

## V

## CAPVT LV.

*Linguam VINDICANTEM gladium  
esse Deo præreptum; omnibus damnosissimum,  
qui eo fuerint usi.*

**A** Genoris in Phœnicia regis filius Cadmus, ubi raptam sororem diu quæsiisset, nec invenisset uspiam, redire ad patrem non ausus, nova sibi domicilia condidit. Cum vero suorum comitum aliquot à dracone interfectos amisisset, ut poetæ memorant, draconis dentibus terram obsevit. Ex horribili hac semente viri profilierunt armati, qui armis in seipsos illico versis, mutua cæde corruerunt.

*Dent.  
c. 32.  
v. 24.*

Manfuetissimus Moses & vatum antesignanus ira fervens aliena: Dentes bestiarum, inquit, immittam in eos, cum furore trahentium super terram atque serpentium. Sunt qui hos dentes interpretentur, dicantque iis indomitos linguæ furores designari, qualis certe Lingua est, quæ *Vindicans* appellatur. Lingua ferox, furibunda, indomabilis. Hujus sementis educator & altor, seminator & sator diabolus est, qui saccos frumentarios habet plurimos draconum dentibus plenos. His agrum ille suum conferit, unde innumera Linguæ vitia succrescunt, præsertim atrocissimæ illius Linguæ, quæ à suis clamoribus recte *Vindicans* vocatur. De hac lingua inter malas pessima nunc disse-  
rendum.

**I.** Lingua *Vindicans*, eos præ se fert mores, ut, cum herum suum esse læsum intelligit, mox sueclamet, *Vindica, Domine, Vindica.* Aut seipsam hortatur & extimulat; *Vindica, vindi-*



DE VINDICAN. LIN. 685

*vindica.* Aut minas spargit, & ore tragico vociferatur, *Vindicabo. Viscer hoc probe. Pœnas mihi dabit ille mastigia.* Miratubundas ejuscemodi voces nunquam spargebat Christus: Qui cum pateretur, non comminabatur. <sup>1. Pet.</sup> Qui comminari consuevit, stultiozem se ostendit quam sit. nam plurima minatur, quæ facturus est nunquam. Noster hic loquendi stylus est. Aut minamur, aut quod minari poteramus, manu & gladio exequimur.

Ad colles Olivarios olim partes nimium quantum dispares consistebant, ut beatus Lucas commemorat, & res in conflictum spectabat. Videntes autem hi qui circa ipsum erant, quod futurum erat, dixerunt ei, Domine, si percutimus in gladio? Et percussit unus ex illis servum Principis Sacerdotum. At mansuetissimus Iesus pugnam hanc mox dirimens: *Converte, inquit, gladium tuum in locum suum, omnes enim qui acceperint gladium, gladio peribunt.* <sup>Luc. 22 v. 49. & 50. Matth. c. 26. v. 52.</sup> Notandæ religiosissime sunt hæ voces: Qui acceperint ipsi gladium, gladio perituri sunt, non ii quibus datus fuerit gladius: ita prorsus lingua, si vindictam quæ Deo debetur, sibi arrogarit, gravi supplicio vindicabitur.

Iter fecerat Christus Hierosolyma, præmisitque in urbem Samaritanam duos discipulorum velut diversorii designatores. his autem civium inhumanitas negavit hospitium. Itaque ad Dominum reversi: Domine, ajunt, vis dicimus ut ignis descendat de cælo, & consumat illos? Quibus mitissimus magister non sine reprehensione respondit: Nescitis, ejus spiritus estis. Filius hominis non venit animas perdere, sed salvare. Et abierunt in aliud castellum. Nescit profecto Lingua Vindicans, quam maligno feratur spiritu.

In lege prisca spiritus Eliæ concitator in

quingenta milites bis ignem cælo evocavit. Vehementioribus his remediis tunc operatur. At nunc aliam vivimus ætatem, mansuetiora nunc sunt tempora, illa Iustitiæ fuerant atque vindictæ, hæc nostra sunt misericordiæ. Nescitis cuius spiritus estis, ô mei discipuli, ego vos longe alia docui, alterius spiritus specimen vobis ego præbui; meus spiritus est spiritus mansuetudinis. Spiritus Domini super me, eo quod unxerit Dominus me; ad annuntiandum mansuetis misit me.

Isa.  
c. 61.  
v. 1.

Psal.  
149.  
v. 2.  
Luc.  
c. 1.  
v. 52.  
Iacobi  
c. 3.  
v. 14.

Aliter olim David canebat, aliter nunc canit Zacharias. Ille: Ad faciendam vindictam in nationibus. Iste; Ad faciendam misericordiam cum Patribus nostris. Vos quidem hoc esse putatis zelum rectitudinis; est zelus, sed amaritudinis. Quod si zelus amarum habetis, nolite gloriari, & mendaces esse adversus veritatem. Non continuo cum læsi sumus, paranda est ultio; nolite damnare, & non damnabimini; vindictæ cupidus sentiet vindictam: neque vero de homine ullo quantumvis improbo, dum spirat, desperandum est.

Considerate statuarium, is trabem ante se habet informem, impolitam, statuæ dissimillimam: quis vero tam præceps aut fatuus, qui protinus clamet: *Ad ignem, ad ignem hoc rude & informe lignum.* Parcius ista: hoc lignum artifex dolabit, poliet, formabit in pulchram & artificiosam statuam. Exemplo sint illi ipsi Samaritani, quos Apostoli mox igne cælitus misso consumendos putabant. Nam ubi res Christiana propagari coepisset, Samaritani primi fuerunt, qui Christo auctorabantur.

Mat.  
c. 8.  
v. 12.

Si Deus latronem Dismam post unum alterumve latrocinium protinus neci dedisset, quomodo in Cruce patronum Christi egisset?



egisset? Si Deus Saulum Ecclesiæ vastatorem præservidum mox tolli voluisset, qui Paulum Orbis concionatorem habuisset? Possit artifex è rudi ligno æmulam vitæ imaginem formare, non possit Deus è flagitioso homine pium ac sanctum efficere? Procul igitur ab ore Christiano sit Lingua Vindicans, quæ more suo cum florent impii & multis nocent, mox altum vociferatur, *Impios ad leonem, ad bestias; Noxios ad furcam, ad rotam, ad rogam; sceleratos ad Orcum, ad Inferos.* Ah, ista parcus, ô linguæ vindicantes.

Si Deus, quoties peccant homines, mox ignem suaque mittat fulmina, Orbis terrarum brevi unus rogos, unumque fiat bustum. Nos nobis misericordiam flagitamus, in alios justitiam poscimus. Iniquæ sunt hæ preces, clamores pessimi. Hoc non est eadem metiri mensura: Quod si omnia metiamur vindicatione, erit qui ad hanc ipsam mensuram remetiatur nobis. Qui à Christo stant, ab amoris & mansuetudinis spiritu non dissentiant.

Olim aliquo in numero fuit lex ista: Oculum pro oculo, dentem pro dente, manum pro manu; nunc aliis vivimus legibus. Vulgus quidem animosa miratur, & audaces apud eum in honore sunt, placidi pro inertibus habentur. Sed longe aliter judicat virtus. Illi duo Apostoli robur ostendere conabantur ulciscendo, at vero Deus ostendit parcendo. Nos Apostolos hoc uno perperam æmulamur: vix læ si mox omnia æra Martia \* pulsamus, etiam ignem è cælo, si liceret, devocaturi.

Longe aliter Deus, qui potentiam suam miserescendo potissimum, non ultionem petendo patefacit. Ecclesia sic precari solet:

Deus

\* *Nur gleich Sturm geschlagen.*

Dem.  
10.  
post  
Pen-  
tecost.  
preces  
Eccle-  
sia.

Psa. 58  
v. 10.

Deus qui omnipotentiam tuam parcendo maxime & miserando manifestas. Divinum hoc ingenium æmulatus David : Fortitudinem meam , inquit , ad te custodiam. Vtar fortitudine mea non ad hostes meos deji- ciendos , sed ad te placandum. Vera virtus ultionis studium non habet.

1. Cor.  
c. 2.  
v. 14.

II. Sanctus Anselmus triplicem ait esse facultatem animi, Rationem, Voluntatem, Appetitum : Ratione assimilamur Angelis , Appetitu brutis, voluntate utrique, nam in- ter duas illas facultates velut media est Vo- luntas, quæ modo Appetitui, modo Rationi suffragatur. Rationem & rationabilia sapere dicitur , cum rationi subscribit ; cum vero Appetitui assentitur, carnalis appellatur: ni- mirum animalis homo non percipit ea quæ sunt Spiritus Dei.

Ergo ex affectu dignoscendum quo quis feratur spiritu, cælesti an terreno Apostoli quia vindicantem linguam plus æquo exer- cuerunt, objurgationem audierunt: Nescitis ejus spiritus estis: non vos è cælo spiritus afflavit, sed è terra vindictam spirans. Igno- rabant viri simplices quo spiritu agerentur. hinc quod ipsis videbatur zelus Iustitiæ , e- rat spiritus vindictæ. Hic linguam concitat, ut quemadmodum Hebræa plebs succlama- bat Tolle, Tolle, crucifige, crucifige; ita hæc voci- feratur, vindicta, vindicta. Imo plus audet, & velut jus gladii Deo præripiens: Domine, in- quit, gladium mihi cede, tu nimis bonus, aut tardus nimis es puniendo , ego istum & i- stum sic feriam, ut feriri se sentiat. Hoc pro- fus est destinatam vindicandi potestatem Deo præripere.

Deus quidem , veluti magistratus supre- mus inferiores nobis decimas omnes per- mittit, unigenam filium dat obsidem: ecquid bonorum subditis negat ? vindictæ tamen

except



exceptione usus: Mea, inquit, est ultio, & ego retribuam. Et ne quis ignorantiam culpæ *Deut. c. 32.* prætexeret, illud ipsum Paulus per omnem *v. 35.* Orbem promulgavit his verbis: Mihi vindictam, & ego retribuam, dicit Dominus: Non *Rom. c. 12.* patitur Deus ab ullo mortalium vindictæ *v. 19.* gladium sibi præripi. Sed in eam subinde *1<sup>a</sup> He. c. 10.* iram accendimur, eo prolabimur furoris, ut *v. 30.* lingua Vindicans clamare audeat: Mea, Domine, est ultio, mea est, & ego retribuam: tu facile nimis exorari te sinis; sera nimis est vindicta tua. Qua quidem ratione, tametsi pars læsa simus, auctoritate tamen propria iudices simus, sententiam dicimus, vindictam imperamus. O improbe furiosi, & in vestrummet caput crudeles! Contra vos & Christus clamat: Sic & Pater meus cælestis *Matth. c. 18.* faciet vobis, si non remiseritis unusquisque *v. 35.* fratri suo de cordibus vestris.

Vix quidquam est, puto, quod dum vivimus, scire malimus, quam istud: An Deus delictis nostris veniam dederit, & an deinceps quoque daturus sit. At vero id signum est evidens, nec dedisse, nec daturum esse quamdiu clamamus, *vindica*, aut. *vindicabo*. Illud Augustini hic certissimum: Talem unusquisque indulgentiam accipiet à Deo, *Aug. tract. 5.* qualem fecerit proximo. Vindictam sentiet *in 104.* quisquis expetit vindictam. Iam olim hoc Siracides prædicens: Qui vindicari vult, inquit, à Domino inveniet vindictam, & peccata illius servans servabit. Relinque proximo tuo nocenti te, & tunc deprecanti tibi peccata solventur. Homo homini reservat iram, & à Deo quærit medelam? In hominem similem sibi non habet misericordiam; & de peccatis suis deprecatur? Ipse dum caro sit, reservat iram, & propitiationem petit à Deo? quis exorabit pro delictis illius?

Hic mihi obsecro & numerosas & nervosas Siracidæ rationes perpendite.

1. Qui vindictæ cupidus est, vindictam incurret. Archigrammateus fidelissimus omnia ipsius peccata minutatim perscripta *servans servabit.*

2. *Relinque proximo tuo nocenti te.* Qui te læsit, amicus, socius, tibi proximus, conjunctissimus tibi est naturæ lege. Vide jam, ne dum ignem iræ in eum evomis, eodem & tu exuraris.

3. *Homo homini reservat iram & à Deo quarit medelam?* qui te offendit, qui damno affecit, nō Angelus, non Deus, sed homo est, qualis & tu es, mille erroribus obnoxius.

4. *In hominem similem sibi non habet misericordiam, & de peccatis suis deprecatur?* Cogita quæso quid hoc novi sit aut miri te offensum esse: tu alios nunquam offendisti? en nunc similem monetam tuæ. Sed & hoc tibi perpendendum: si veniam neges alteri, veniam & tibi à Deo negandam, nec eam ullis unquam precibus exorabis.

5. *Ipse dum caro sit reservat iram.* Qui noxam intulit, carne constat fragili, quæ ad noxas semper pronissima. quid igitur caro in carnem sævit? Et nunquid bellissima est hæc precatio? Domine non secundum peccata mea facias mihi, neque secundum iniquitates meas retribuas mihi: sed ego, Domine, huic nebuloni secundum merita illius faciam illi, & secundum offensas illius retribuam ipsi: vindicta dignus est. Nimirum hæc preces nostræ sunt, hæc nostra est mansuetudo.

6. *Quis exorabit pro peccatis illius?* Si Cælitales omnes huic homini vindictæ tam cupido veniam rogent, nunquam impetraverint. Deus enim vindicans vindicabit. Sed audiamus quam præclara dictis objiciantur.

Eccl. c.  
5. v. 3.

III. 1. Est



III. 1. Est qui dicat: Vindictam non moliar, & linguam obmutescere jubebo, sed ut has ego injurias oblivione sepeliam, id vero mihi nemo persuaserit: servabo istud in animo meo.

Hoc quidem stultissima fraus est, & merissimus fucus clementiæ, nolle quid ulcisci, & tamen oblivisci non velle. Hoc est dicere; os amicum geram, non pectus. Tu si quid donas, dona integre. Illud Christi severum nosti: Sic & Pater meus cælestis faciet vobis, si non remiseritis unusquisque fratri suo DE CORDIBVS VESTRIS. Injurias oblivisci nolle, non est eas DE CORDE remittere.

2. Improbius me atque \* indignius tractavit, quam ut veniam tam facilem impertiar.

Et nos homunculi quam indigne ac improbe tractamus Deum? quantis verborum ac rerum acerbitatibus nullo adhibito modo eum afficimus, & subinde vel uno die quoties has noxias repetimus?

3. Honor, inquis, defendendus est; munere publico fungor.

Obsecro, Christiani, non simus plus æquo subtiles. & Stephanus, & Apostoli, & Christus publico fungebantur munere, & tamen veniam capitalissimis hostibus condonarunt. Non nescimus, officii & status gratia subinde tuitione ac vindictis opus esse, sed innoxiiis, & quæ certa lege stringantur. In ceteris omnibus venia semper in promptu sit.

4. Nullam, ais, illi nebuloni causam dedi, ut me tam hostiliter laceraret.

Si causam dedisses, injuriam ille non intulisset, calculus par positus esset, æquales forent

\* Hat mirs zu grob gemacht.

forent \* utrinque rationes. Quid Ioseph fratribus causæ dedit, cum innoxium summum percensuit? & tamen tantum odium omnesq; injurias generoso silentio concoxit.

V. Non leviculum est, quod ille trifurcifer in me molitus est.

Quid exaggeramus injurias, & velut nummum in latissimas bracteas deducimus? Si levis sit injuria, levius erit præmium condonata; grandissimum, si grandis fuerit offensa.

Sed injuriam tibi factam inspiciamus; quanta demum ea est? Nunquid ferram edius cum Simone vel Isaia sectus es? nunquid cum Stephano vel Paulo lapidatus es? nunquid cum Apostolis flagellatus es? nunquid cum Christo crucifixus es? Ad rem dixit Hieronymus, Deus faber est, hostes tui limæ sunt & mallei, quibus te velut rubiginosum ferrum hic faber expolit.

V I. Sed sum nobilis & tantæ auctoritatis.

Rom.  
c. 13.  
v. 7.

Sint hæc omnia: non nego, *cui honorem, honorem*; sed scias velim, hostium tuorum animas tua non esse deteriores: si corpus spectemus, lorum estis; tu forsan paullo melius: Quod si te, inquit Tertullianus, libido vindictæ vincat; non generosus, non nobilis, sed peccati servus es.

V I I. Et licet, inquis, me non ulciscar, tamen ut me ulcisci nolim, non possum. Possumus omnino, possumus, modo adnoscimur, sed hic ignis non novis quotidie schidiis nutriendus est. At ego, inquis, ardeo vindicta. Nisi mature hunc ignem extinxeris, accedet stygius, nunquam extinguendus. Tolle igitur minitabundos vindictæ clamores, & ad exempla mansuetiora te compone.

\* *Nulla von Nulla gieng auff.*



ne. Non ego tibi sanctissimos aut mitissimos hominum propono. Saltem idololatriis non esse velis deterior, quibus sæpe nec ad irascendum causa defuit, nec ad ulciscendum potestas.

IV. Quid enim facilius fuit regi Antigono quam duos manipulares milites duci jubere, qui regio tabernaculo proximi faciebant, quod homines & periculosissime & libentissime faciunt, de rege suo pessime locuti. Audierat omnia Antigonus, utpote cum inter dicentes & audientem solum aulæum interesset, quod ille leviter commovit, & Longius, inquit, discedite, ne vos Rex audiat. En Christiane, quam nullus hic clamor mortem imperans.

Idem rex quadam nocte, cum quosdam è suis militibus exaudisset, omnia mala imprecantes regi, qui ipsos in illud iter & inextricabile lutum deduxisset, accessit ad eos qui maxime laborabant: & cum ignorantes, à quo adjuvarentur, è luto explicuisset: Nunc, inquit, maledicite Antigono, cujus vitio in has misérias incidistis: ei autem bene optate, qui vos ex hac voragine eduxit. Nec dum nos linguam omnia vindicantem corrigimus? Neque solum civium suorum, sed & hostium maledicta mitissimo animo Antigonus rexit. Itaque cum in parvulo quodam castello Græci obsiderentur, & fiducia loci contemnentes hostem, multa in deformitatem Antigoni jocarentur, & nunc staturam humilem, nunc collisum nasum deriderent: Gaudeo, inquit Rex, si in castris meis Silenum habeam. Cum autem dicaces hos Græculos fame domuisset, adeo non ultus est tam gravem injuriam, tam nihil supplicii de illis sumpsit, ut eos qui militiæ utiles erant, in suas cohortes describeret, ceteros præconi subiceret: id quoque se negavit.

vit facturum fuisse, nisi expediret his dominum habere, qui tam malam haberent linguam.

Regie prorsus, imo & Christiane, nam proprium est veræ magnitudinis non sentire se percussum. Sic inhumanis fera minorum canum latratus obaudit: sic irritus ingenti scopulo fluctus assultat: sic sæpe nobilissima est ultio, ad probra nil respondisse, aut certe pauca, nec sine miti joco. Diogenes philosophus Stoicus reipsa id docuit. Nam cum illi de ira differenti adolescens protervus inspueret, tulit hoc ille leniter ac sapienter, &: Non quidem irascor, inquit, sed dubito tamen an irasci oporteat. Diogene melius Marcus Cato Romanus. Cui cum caussam agenti, in frontem mediam, quantum poterat attracta pingui saliva, inspuiisset Lentulus, homo factiosus & impotens, absterfit faciem Cato, &: Affirmabo, inquit, omnibus ô Lentule, falli eos qui te negant os habere. Iocose. Vulgo ajebant Lentulum sine fronte & ore esse, ob insignem impudentiam. Cato patronum se offert in hac parte, paratus ab experientia testari, Lentulum os habere, & amplum quidem ac grande, è quo tam liberaliter expuisset. Sanctius Catone Constantinus Imperator, cum enim susurriones de violata statua garrientes vulturnum ejus fœde vulneratum saxis dicerent, ille faciem manu oberrans: Ego vero, ajebat, nihil sentio.

V. Ex his utilissima hæc præceptio sumitur: *Cum verbis ureris, aut tace, aut jocare.* Cum te sermo à quocunque profectus, mordet, aut file, quod sæpe tutissimum, aut certe joco dilue quamcunque dicti amaritudinē.

Etenim si vis ut alterius verba, quæ ille velut faces in te jecit, non ardeant, tu illa jocando refrigera, & sic ea omni igni exarmabis:



bis : Scite Romanus sapiens : Circumscribenda, inquit, multis modis ira est. pieraque in lusum jocumque vertantur. Socratem ajunt colapho percussum nihil amplius dixisse, quam, *Molestum esse quod nescirent homines, quando cum galea prodire deberent.* Non quemadmodum facta sit injuria refert, sed quemadmodum lata. Ioco bellissime refutantur plurima.

Tu, si moneri te, si argui, si reprehendi, si vituperari, si convicium in te dici audias, & tacendum non putes ( quod tamen plerumque optimum ) joco sic responde : Quæso te ne me ita in faciem laudes. Aut dic : Nondum omnes virtutes meas enumerasti; quid jam amplius? Ita joco adversarium magis feries, quam si grandem in illum falaricam intorsisses; putabit enim telum suum tam fuisse hebes, ut à te nec sentiat quidem.

De Lyfandro memorat Plutarchus, cum tam continentis linguæ, tamque hilaris patientiæ fuisset, ut, cum plurimis contumeliis à quodam afficeretur, hoc unum sereno vultu responderit: Dic, ô amicule, dic, dic; & nihil omittas, si qua forte tuum animum malis, quibus videtur plenus, exonerare possis. Ingentis animi argumentum, nec ira quidem dignum arbitrari maledicum, licet in promptu sit ultio.

Timotheus dux belli fortunatissimus *Plutar.* fuit. At viri fortuna, ut solet, non caruit in- *in apo-* vidia. Æmuli ejus pinxerunt civitates, quæ *phieg.* sese ultro in dormientis rete implicarent. Cavillatio erat utcunque acerba. At Timotheus ut contumeliam joco dilueret, urbane ac facete : Si tantas urbes, inquit, vel dormiens capio, quid facturus sum vigilans?

Ita Sisinnius episcopus, Suida teste, vir *Suida.* eloquens, & philosophiæ peritissimus, qui *in Si-* moribus tam festivis fuit, ut erudite joci, *sm.*

& dictoria sine offensa ferre, & eleganter atque ex tempore quæstionibus respondere potuerit. Silentium, aut jocos, omnem verborum amarulentiam diluere novit.

Phœ-  
bæa  
veri-  
tas. Er-  
ratque  
sapien-  
tissi-  
mus  
sapien-  
tiam.

Dicat etiam quisque sibi, quoties laceffitur: Nunquid potentior sum rege Philippo, aut Cæsare Augusto, quibus impune maledictum est. O quanto satius est sanare injuriam, quam ulcisci? Itaque prudentiori cedamus, stultiori remittamus, pro quocunque illud respondeamus nobis, sapientissimos quoque viros multa delinquere. Hic te rogo, mi Lector, non pigeat relegere hac de re, quæ in Zodiaco Christiano, symbolo nono uberius differuimus.

Iusti-  
nian.  
Rhi-  
notime-  
ius. de  
quo  
Baron.  
tom. 8.  
anno  
702.

Verum enimvero, quantumvis clament omnes Sapientes, minentur Prophetæ, dehortentur Cælites, vociferentur Angeli, Apostoli rogent, quantumvis ipse Angelorum Rex, Apostolorum Præceptor Christus, potestate maxima non suadeat sed præcipiat, vindictam esse remittendam, nihilominus vindictam etiamnum contumaciter clamamus, tam robusta est lingua Vindicans, tam cæca est ulciscendi libido. Sic omnes Sapientes, Prophetas, Cælites, Apostolos, Angelos clamore superamus. Iustinianus Imperator natu minor, cui prius præsectæ nares, imperio deinde pulsus est. Hic anno à Virginis partu septingentesimo secundo, è Chersona insula solvens, maritimum iter ingressus est; imperium denuo recuperaturus. Orta in mari tempestate & periculo vitæ jam proximo, unus fidissimorum è familiaribus: Ecce, inquit, morimur domine; Quin Deo voves, imperio reddito injurias illatas non ulcisci? Cui Iustinianus: Quid tu, ait, puerilium votorum hic ingeris? I-stud ego voveo, si pepercero vel unico illorum, qui fuerunt in me injurii, hoc loci sub-



submergar. Et tamen periculum incolumis  
evasit; anno sequente imperium recupera-  
vit. Quam admiranda sunt tua, ò Deus, ju-  
dicia? Hoc nescire non possumus, ultionem  
& vindictam à te severissime prohibitam.

Lex prisca clamat: Non quæras ultionem, *Lev.*  
nec memor eris injuriæ civium tuorum. *c. 19.*  
Clamat Salomon: Ne dicas, Reddam ma- *v. 13.*  
lum pro malo. Ne dicas, quomodo fecit *Prov.*  
mihi, sic faciam ei. Clamat Paulus: Videte *c. 20.*  
ne quis malum pro malo alicui reddat: sed *v. 22.*  
semper quod bonum est sectamini invicem, *c. 24.*  
& in omnes. Et rationem reddit: Qui enim *v. 29.*  
injuriam facit, recipiet id quod inique ges- *1. Thef.*  
sit. Ergo, Nulli malum pro malo reddentes, *c. 5.*  
omnem vindictam Deo transcribamus. Tu *v. 15.*  
vero, quisquis ultioni tam promptus es, ne- *Col. c. 3*  
mini magis quam ipse tibi officis. Perinde *v. 25.*  
si cum altero rixeris; & ille quidem vestem *Rom.*  
tuam laceret, tu vero brachium tuum præ *c. 12.*  
ira ipse faucies: quis grandius tibi damnum *v. 17.*  
intulit? ita prorsus, hic quidem fortunas  
tuas aut corpus tuum lædit; animum, si no-  
lis, lædere non potest: tu vero cum vindi-  
ctam expetis, animum non solum lædis, sed  
& occidis. Apiculæ cum adeo excandes-  
cunt, ut aculeum non tantum infigant, sed  
etiam in vulnere relinquunt, seipsas vita pri-  
vant, sic qui injuriam nova ulciscitur inju-  
ria velut aculeum perdens in vulnere, seip-  
sum necat.

Recitat Pausanias, Theagini Thasio pu- *Pau-*  
gilum laudatissimo statuam æream esse po- *san. in*  
sitam. Hanc obtrektor Theaginis & æ- *Eliasis.*  
mulus non una nocte cecidit flagris. nec ei  
hoc satis. Nam ut plagas in arena acceptas  
ulcisceretur, statuam movere loco, & deji-  
cere conatus est. Loco movit; sed dum ea  
ruit, ultorem oppressit: ita quicumque vin-  
dictam ardet dejecturus alterum, subinde

quem sibi destinavit, dejicit, sed ultor, hoc casu primus obteritur: sibi nocet plurimum dum sæpe prodest alteri.

*Prov.*  
*c. 12.*  
*v. 6.*  
VI. Interrogatus Abbas Pastor super iis verbis, *Non reddas malum pro malo*: hæc respondit: Vindicta geminis incedit viis: Prima à corde ad oculos; altera à lingua ad manus ducit. Vlturus se, primo cogitat ac circumspicit, qua parte hostem feriat: deinde hoc ipsum ore agit, & manus evocat ad audendum, dicitque, cum potuero, reddam. Verba impiorum insidiantur sanguini. Tu igitur primam cordis viam include. patet ista? iter impedi per alteram. Sic alter alteri cor, oculos, Linguam, manus à sanguine pura conservet. Lingua Vindicans semper cruenta est, quemadmodum os canis, qui totos dies macello inerrat, & fauces semper cruentas gerit. Hanc cruentam & Vindicantem Linguam ad Christi crucem figamus, & eam Lingua Christiana commutemus, quæ clamare norit: *Pater dimitte illis: Non mea, Domine, sed tua est ultio.* Opportunissime hic *Aug.* Augustinus interrogans: Vindicari vis, inquit, ô Christiane? Nondum vindicatus est Christus. An tu passus es improbum, & ille non passus est? Nonne prior pro te passus est, qui non habebat quod pateretur? Nam in te tribulatio, fornax aurificis est, si tamen aurum sis. & non palea; ut sordibus careas, non in cinerem convertaris. Hæc Lingua non sanguinem & vindictam, sed misericordiam & veniam poscit.

Nihil ergo habet in se utile teter ille & hostilis ulciscendi affectus; at omnia è contrario mala. Pudore calcato, nihil vacuum relinquit à scelere, non gloriæ memor, non infamiæ metuens, inemendabilis, cum ex ira in odium occalluit.

Hannibal Poenus pulverem pede projiciens:



ciens : Inter Carthaginem & Romam , inquit , bellandi finis tunc erit , cum harum urbium alterutra in pulverem subsederit. Sic inter Christianos nonnunquam nullus vindicandi finis est , dum alter è duobus in sepulchrales cineres fatiscat. Adeo contumax vindictæ spiritus est. Mature hic igitur resistendum. sibi quisque ut alteri dicat : Quid juvat tanquam in æternum genitas *Sen. l. 3* iras indicere , & brevissimam ætatem diffi- *de Ira* pare? Quid juvat dies quos honestissimis stu- *c. ult.* diis impendere licet , in dolorem alicujus tormentumque transferre ? Quid ruimus in pugnam ? quid certamina nobis accersimus ? quid imbecillitatis obliti , ingentia odia suscipimus , & ad frangendum fragiles confurgimus ? Quid tumultuamur , & vitam seditiosi conturbamus ? Dies quos labi aut excidere tristibus & pravis curis patimur , eos fatum colligit tamen & in Expensi tabulis ponit : Mors propius ac propius accedit. Istud tempus quod alienæ destinās morti , fortasse circa tuam est. Quin potius vitam brevem colligis , placidamque & tibi & ceteris præstas ? quin potius amabilem te , dum vivis , omnibus exhibes : desiderabilem , cum excefferis , reddis ? Quid nobis cum vindicatione & insidiis ? Quietis potius pacatique , quantulumcunque superest , exigamus. Et quantulum est temporis quo aut hostis tuus poena sua torqueatur , aut tu malum gaudium ex aliena percipias ? Dum inter homines sumus , colamus humanitatem : non timori cuiquam , non periculo sumus : detrimenta , injurias , vellicationes , convicia , vindicationes , omittamus aut contemnamus , & magno animo breviter feramus incommoda. Dum respicimus , quod ajunt , versamusque nos , jam mortalitas aderit ductura nos ad immortalitatem.

## CAPVT LVI.

*Linguam VITUPERANTEM* *scilicet*  
*Censoriam nemini non exosam esse.*

*Philosophus*  
*à Ma-*  
*daura*  
*lib. 1.*  
*Florid.*  
*initio.*  
*Eccli.*  
*c. 27.*  
*v. 7.*  
*& 8.*

**S**Ocrates cum decorum adolescentem & diutule tacentem conspicatus foret: Vt te videam, inquit, aliquid loquere. Scilicet Socrates tacentem hominem non videbat. Hæc eadem Philosophia etiam in sacris paginis locum habet. Nam & Siracides non absimili modo Philosophatus: Ante sermonem, inquit, non laudes virum. Sicut rusticatio de ligno ostendit fructum illius: sic verbum ex cogitatu cordis hominis. Qualis arbor, tales & frondes & fructus: quales hominis cogitationes, tales plerunque & voces, & actiones:

*Navita de ventis, de tauro narrat arator,*

*Enumerat miles vulnere, pastor oves.*

Eum qui epulas & generosum vinum adeo commendat, an non gulonem & catillonem dixeris? qui adeo disertus est in aliena forma prædicanda, indicium facit amoris non adeo casti. Qui se suaque crebrius ac liberalius laudat, à nemine non superbus iudicatur. Qui omnium dicta carpere, mores omnium censere, nemini non notam inurere, rebus omnibus ceram miniatulam apprimere perquam dextre novit, an non is omnium voce Criticus & vituperator dicitur? Atqui Vituperans hæc lingua hoc ævo usitatissima est.

*Quisque calculum de aliorum moribus fert e suis;*

*Quisque censor est alieni, nemo sed censor sui est.*

Tanto graviores rerum alienarum vituperatores, quanto nostrarum facundiores laudatores sumus, nemo suæ manticæ quod in tergo est, videt. Hinc lingua Vituperans, quæ

hone-



honestiore nomine *Censoria* solet appellari ,  
de qua breviter differemus.

I. Solet in urbibus quorundam supellex auctione vendi. \* Is qui præest auctioni , in assignando cuiusvis rei pretio peritissimus sit necesse est, id enim muneris habet, pronuntiare, tanti hæc tabula, tanti hoc poculum, tanti vestis hæc, tanti hæc cista veneat. Lingua de qua loquimur, hoc officium sedulo exercet, suum rebus omnibus ponit pretium, hoc centum valet assibus, hoc tribus, hoc nullo, istud vix triobolare, illud mille sestertiorum est. Hæc lingua omnia censere, carpere, vituperare; rebus omnibus auctoritatem addere, demere, rerum omnium defectus & vitia explicare scit. Romani censores olim Magistri morum erant, Magistratu amplissimo eoque quinquennali fungebantur. Plurimum illis imperii & juris in Senatores, Equites, plebem. illos Senatu movere, istis equum adimere, hos capite censere poterant. iidem urbis templa, vias, aquas, ærarium tuebantur. Censura olim potestatis erat plurimæ. Hanc sibi potestatem vindicat Lingua *Vituperans* seu *Censoria*, non in senatores solum & equites ac plebem, sed in ipsa fastigia, in Principes, Reges, Cæsares, in ipsos pæne Cælites, quibus non semper ex toto parcat. Apud eos potissimum hæc lingua officiosissima est, qui sibi videntur pleno pectore sapere, qui etiam dinumerare se stellas & † metiri magnitudinem posse arbitrantur. Quamvis etiam apud indoctissimum quemque hæc lingua in promptu sit. Imo, Et pueri nasum Rhinocerotis habent. Etiam

Y y 5

pueri

\* Gantner.

† Sie das Graß hören wachsen.

*Marti.* pueri adhuc balbutientes sibi jus censendi,  
*l. 1. epi.* damnandi, irridendi sumunt. Nec mirum

*3. supra* Nam facilis cuiusvis rigidi censura cachinni.

*facta* Maxima ubique ridendi carpendique libido  
*mentio.* ac licentia est. Ubique tribunalia, ubique  
*Iuven.* iudices & judicia, sed quales sunt iudices,  
*Sat. 10* talia & judicia, hoc est prava & temeraria.  
*v. 31.*

Quamvis hoc loco de judiciis temerariis nos  
 nihil, lingua enim non iudicat, & id alibi fu-

*In* se persecuti sumus. Hic illam Linguæ licen-  
*Amus.* tiam compressum imus, qua omnia quæ in  
*seu Re-* oculos auresque incurrunt, censentur &  
*sta In-* carpuntur. Hæc lingua, mirum dictu, om-  
*tentio-* nium scientiarum gnaram se fingit, perinde  
*nel. 2.* ac si ejus dominus & Grammaticus, &  
*cap. 7.* Poëta, & Rhetor, & Philosophus, & Medi-  
 cus, & Iurisconsultus, sed & Theologus

*Ecc. c. 7* sit. Hæc lingua non tantum infinitis se mis-  
*v. 30.* cet quæstionibus, sed earum etiam discep-  
 tatricem se gerit & iudicem: quidquid non  
 placet, audacissime censet & vituperat.

Lex est à Doctorum moralium senatu fi-  
 xa: *Si quem laudare non potes, ne vitupera.* Et  
 certe veterum mos fuit, neminem sepelire,  
 nisi prius laudatum. Sepeliendus itaque fue-  
 rat homo non magnæ frugis. Vivorum  
 omnium altum ubique silentium de illo.  
 Tandem prodiit tonsor, qui de mortuo di-  
 xit hoc elogii: Fuisse hominem supra mo-  
 dum forfici habilem, & capitis, ad manus  
 tonsoris, aptissimi. Vnde intellectum est,  
 vix quemquam esse tam illaudatæ vitæ, qui  
 non à re aliqua laudari possit.

Ergo, *si laudare non potes, saltem ne vitupera.*  
 Hanc legem exacte servavit Christus. si-  
 quidem interrogatus ab Hebræo Pontifice  
 de discipulis & doctrina: Ad hanc quidem  
 interrogationis partem de doctrina respon-  
 dens: Ego, inquit, palam locutus sum Mun-  
 do: ego semper docui in synagoga quo om-  
 nes

*Ioan.*  
*e. 18.*  
*v. 19.*



nes Iudæi conveniunt, & in occulto locutus sum nihil. De discipulis penitus siluit. Quid ita? Ah, ne hoc quæras: laudare illos non potuit, ideo nec vituperare voluit. Et quomodo eos laudasset, qui ea ipsa nocte, dum submissionem verbis & exemplis docerentur, de primis ipsi dignitatibus litigabant, qui vigilare toties moniti stertebant, qui carceris & mortis societatem polliciti, fugiebant. Vix poterant hæc laudari, ideo modesto silentio transmittenda erant. Si quem ergo laudare non possis, saltem ne velis vituperare. Pari ratione quod artem & scientiam tuam excedit, non facile unquam cense, aut carpe.

Apelles, Plinio narrante, perfecta opera *Plin. lib. 35.* picturæ proponebat in pergula transeuntibus, atque post ipsam tabulam latens, vitia *nat. histor. c. 10.* quæ notarentur, auscultabat, vulgum diligentiorem judicem quam se præferens. *ante med.* Feruntque à sutore reprehensum, quod in crepidarum una intus pauciores fecisset ansas. Tulit hoc Apelles & tacuit. Cum vero idem postero die prioris admonitionis emendatione jam superbior, circa crus nescio quid cavillaretur, indignatus Apelles prospexit, denuntians ne supra crepidam sutor judicaret, quod & in proverbium venit. Ita pæne legem sanxit nobilissimus hic pictor, ne quis censorem ageret in rebus quæ non sui officii, artis, opificii, facultatis essent. Quid lingua coci in rebus architectonicis censeat? longe aliud est ædificia struere, aliud pulres ac jacula parare: de ollis & cacabis cocus, de structuris & fabricis architectus sententiam dicat. Quid medicum Iureconsultus docet, aut hunc ille? Quid militiæ ducem ignavus sartor reprehendit? diversa sunt acum filumque, & militum agmina ducere. Quid navarchum caussidicus vituperat?

Disimil-

Diffimillima sunt, in foro verba facere; & in pelago triremem regere. Quid oratorem exagitat bambalo? ipse prius loqui discat, & linguæ suæ plumbum emendet, quam aliorum eloquentiam corrigat. Quid testudo tardiolem anseris volatum ridet? Quid corvus columbæ gemitus carpit? ingratissimæ sunt hæ censuræ. Et quamvis Musarum alumnus in scholis educatus non imperite censere possit Martis alumnus in castris exercitatus, melius tamen censuram substringet. Censores & vituperatores licet peritos rerum nemo non odit. Quod si censor sit imperitus, nausea est, & stomachum nemini non evertit; pro præmio grande in se odium concitat, cum mollissime punitur, liberaher irridetur. Salse poëta vetus censoriam linguam irrisit brevi hoc carmine:

Martii.  
lib. 1.  
Epigra.  
74.

*Cum tua non edas, carpis mea carmina, Læli:  
Carpere vel noli nostra, vel ede tua.*

Poëta vis videri, Læli, aliosque carpis. Hoc nemini non promptum. Nam facilis est cuiusvis rigidi censura cachinni. Multis hic morbus sedet, qui, cum ipsi nihil possint, censendis aliis hoc moliuntur, ut aliquid posse videantur. Frustra. Risum ferunt, non plausum.

II. Rex Ptolemæus de re musica copiose differens, quædam sibi minus perspecta carpserat. Hic unus aliquis aulædorum imperterritus: aliud est, inquit, ô Rex, sceptrum, aliud plectrum. Rex Macedo Alexander non minus audaci responso iussus est censuram substringere. Solebat Alexander ad Apellem, quem dixi, charissimum sibi artificem sæpius revifere, & varia de pingendi arte garrere, quæpiam etiam imperitius censere. Apelles silentium ei comiter suadens: Optime Rex, inquit, si me audias hac de re suavius filebis, ne pueri, qui colores terunt, te rideant.

Mo-

Pli.ca.  
supra  
2077.



Mornus, ut Hesiodus canit, somni & noctis pulchellus filius, & à tantis parentibus minime degener, otium habet pro negotio, nec pæne alium laborem subit quam nihil laborare, omnium tamen labores inspicere, censere, carpere, quid perperam factum, liberrime dicere. A quo & nomen duxit *Mornus*, seu reprehensor, vituperator.

Terrarum orbis, quod tuto affirmem, plenissimus est Mornis, censuræ vituperiis mixtæ ubique plurimæ, & quidem de eadem re sæpe contrariæ. Eandem vestem quam ille nimis longam judicat, hic ait nimis esse brevem. Eandem scriptionem aliqui putant excultam nimis, & pæne ad vitium elegantem, alii nimis rudem & impolitam dicunt. Idem epulum alii ut lautissimum commendant; alii delicatioris gulæ, ut tenue ac paupertinum vituperant. Beneficium idem ab isto largum æstimatur, ab alio nihili fit. Momorum plena sunt omnia, quemadmodum stultorum: horum & illo- Ecc. c. i  
v. 15.  
rum infinitus est numerus. Et quamvis non omnes stulti sint Momi, omnes tamen Momi stulti sunt. Insignissima certe stultitia est, alienos nævulos rigidissima censura perstringere, nævos suos ingentes non videre. Ita cæci & nostri amantes, alienam festucam cernimus, trabem nostram non cernimus: Quæ carpimus in aliis, ea ipsi facimus. Aliis severi sumus, nobis indulgentissimi. Ridet alter alterius dementiam, nemo suam. Vix ullus est qui non Censorem agat, & tamen vix ullus etiam reperitur, qui Censores non pessime oderit. Illud virtutis & innocentiae absolutissimum exemplar Christus Dominus, quam acerbos & rigidos habuit Censores Phariseos, qui velut Epidaurii serpentes oculis acutissimis observabant, num in conviviiis, in concionibus, in collo-

colloquiis cum Christo aliquid deprehenderent quod vituperarent. Cum autem nequissima hæc solertia in Virtutis magistro nil vitii reperire posset, discipulos observare coepit. Manus Apostoli non lavabant? mox adfuit censura & vituperans lingua. Ieiunia non tam crebra servabant? Censura denovo & vituperium secutum.

Idcirco nullus ægre ferat se suaque rigidissime censerī & vituperari: censoribus os obstrui non potest. Nec in Orbe quidquam est tam exasciatum atque perfectum, quod censerī aut vituperari nequeat. Nulla virtus tantæ auctoritatis est, quæ omnem censuram subterfugiat. Quem ergo lingua Vituperans & Censoria tam rigide flagellat, is secum assidue in animo volvat: Mihi hoc non soli fit; doctissimis, sapientissimis, sanctissimis id æque perferendum est: velis nolis \* subeundus est runcinarū raptus. Sed norint illi, qui è stirpe Momi sunt, quorum lingua censere ac vituperare tam expedite scit, exosissimos se fieri apud omnes: nam ab omnibus Critici, Censores, Aristarchi, Syndici appellantur, ut qui Momum ubique agere, omnes dicteriis figere, omnia convellere norunt & carpere; qui nunquam serenam & matutinam frontem induunt, qui semper secum limam censoriam ferunt, qua ferrum impositum castigant & poliant. O Momi quorum potissimus labor est, labores aliorum maledico dente rodere. O Momi, publicum estis odium, ad Garamantas & Indos deportandi! Quamvis non nesciam olim genus hominū huic simile Romæ apud quosdam in delitiis fuisse. Afirmat Seneca, &: Eadem causa est cur nos mancipiorum nostrorum urbanitas, in dominos

*Sene. l.  
de Sa-  
pientis  
Constā-  
tia*

c. 11.

\* *Nicht über den Hobelbank.*



minos contumeliosa, delectet: quorum audacia ita demum sibi in convivas jus facit, si coepit à domino. Vt quisque contemptissimus, & ut maxime ludibrio est, ita solutissimæ linguæ est. Pueros quidam in hoc mercantur procaces, & eorum impudentiam acciunt, & sub magistro habent, qui probra meditate effundant: nec has contumelias vocamus, sed argutias. An capitis istud ô Critici? ad Censoriam hanc dicacitatem non conducuntur nisi mancipia, pueri, contemptissimi hominum & impudentissimi, qui ut convivas eo liberius dictis vellicent, à domino permittuntur initium facere. Hunc ubi censura parcente ac innoxia liberaverint, ceteros deinde audacissime carpunt. Istius moris vestigium hodieque illic permanet, ubi sanniones, scurræ, moriones mensis inerrant, & liberrime dente joculari, sæpe non innoxio, quicquid lubet, arrodunt.

III. Cum his jure comparem importunissimos seu Censores seu vituperatores illos, qui velut in convivio spargunt dictoria, & modo illud, modo istud vellicant. Huic tali homini nemo satis bonus videtur, nemo satis doctus, nemo nobilis, nemo dives satis; nemo satis liberalis aut pius: ut bene de te loquatur sentiatque, nulla morum probitate impetrabis.

*Rubiginosis cuncta dentibus rodit.*

*Hominem malignum forsân esse tu credas:*

*Ego esse miserum credo, cui placet nemo.*

*Mart.*

*l. 5. epi.*

*29.*

Imo miserrimus est cui nihil placet, cruciatur enim semper, & semper irascitur, amat nullum, odit omnes, & plerunque cui nemo placet, is ipse placet nemini. Eo carpendi & vituperandi libido perducit, ut tandem pudori non sit omnes allatrare, aspernari omnia. Verum, uti jam sæpe monuimus,

mus, primum improbæ linguæ supplicium est, ut in casses quos aliis tetendit & ipsa incidat, suisque pereat inventis. Itaque tu qui alios censes, nonne censeberis & ipse? qui alios vituperas, an non & ipse vituperaberis? Pedicas quas aliis posuisti, & tui pedes sentient. Æquissimum prorsus est, ut plurimos habeat censores, qui unus omnium censor fuit.

Quemadmodum vero Apelles sutorem ad sutrinam remisit; iret porro & suos calceos ac crepidas contemplaretur: ubi lynceus illic omnia pervidisset, veniret, & cruris male picti errorem monstraret: Ita prorsus censor & vituperator seipsum in domum suam, in cor suum compellat, dicatque ipse sibi: Hic cense, hic vitupera tot pessimos affectus tuos, tot inolita tua vitia. quid dicis de præcipiti tua ira, quid de tua tenacitate & ambitione? incontinentiam tuam non reprehendis? animum tuum libidinosum non accusas, non punis? socordiam tuam præsertim in rebus animi tam supinam non damnas? Hic loquere, hic calculo atro utere, hic nigrum tibi theta fige: quid cessas ignave? Censoriam potestatem hic ostendas,

*Te corrigas prius, alterum quam corrigas.*

Quod si lingua hæc vituperans & censoria suum ipsa dominum vellicaret, & abditos illi defectus opprobaret, rem sane bonam faceret, ferretque operæ pretium. Hinc maxima in orbe quies & tranquillitas sequeretur; omnia longe quam alias ordinatius succederent; si quisque suus sibi censor & vituperator esset. Hoc & Christus, hoc & discipuli Christi omnibus inculcant:

1. Cor.

c. 11.

v. 31.

Quod si nosmetipsos dijudicemus, non utique judicemur. Ergo calculus noster in nosmetipsos feratur, lima nostra censoria in nostrammet acuatur stultitiam; quem-



quemadmodum scorpio effugium desperans, seipsum sua cuspidē ferit, seipsum leo ad iram cauda provocat: sic & nos irascamur contra nos: hæc nobis ira permittitur.

Irascimini, & nolite peccare. sic vituperii *Psa. 4.*

nostri aculeus nos ipsos fodiet. Omnes in- *v. 5.*

consulti & improvidi sumus. omnes incerti,

queruli, ambitiosi. Quid lenioribus verbis *Sen. l. 3.*

ulcus publicum abscondo? omnes mali su- *de Ira*

mus. Quicquid itaque in alio reprehendi- *c. 26.*

tur, id unusquisque in suo sinu invenit. Quid

illius pallorem, istius maciem notas, tu ipse

pallidissimus, & torridus macie? Quid illius

imprudētiā culpas, tu ipse imprudentissi-

mus? Quid hujus supercilium tangis, arro-

gantia & fastu plenissimus? Quid istius ava-

ritiam incusas, tu omnium maximus Eu-

clio? Quid amici voracitatem carpis, cum

tu inter Phagones & Novellios tricongios

omnes excellas? Quid tarditatem meam ob-

jurgas, cum ipsa sis pigritia? Quid vicini ira-

cundiam fugillas, cum ipse sis furor, & ne-

mo te sæpius irascatur? Quidquid itaque in

alio reprehenderis, id in sinu tuo invenies.

Quapropter suo quisque censori dixerit,

quod priscus poëta ei à quo carpebatur ob-

jecit:

*Allatres licet usque nos, & usque.*

*Et gannitibus improbis laceffas:*

*Nos hac à scabie tenemus unguēs.*

*Mart.*

*l. 5. epi.*


*§ 8.*

Morbus est, scabies est tam effusa quoslibet

carpendi licentia: qui morbum hunc odit,

ungues teneat, linguam coërceat, aut hanc

scabiē magis magisque irritabit.





# X

**A.** *Hic homo cum laterna incendium contemplatur, nec linguam tenet, quin domesticis incuriam sic objiciat: O incola, si vos custodissetis ignem, fuisset & vestra domus custodita. Propterea ego Vulcanum in cornu inclusum gero, ne famelicus erumpat, & prandio unico ades meas devoret.*

*Lingua ignis est, omnium assensu, & quidem vehemens ac plane furiosus. Qui plurima cavere vult incendia, caveat verba, custodiat linguam, eamque dentibus, velut ignem, laminis corneis clausam coërceat.*

*Porro laternam Angelus & hydriam protendit pro flammeo gladio, ad omnes priores Alphabeti litteras spectato. Nos namque sequentibus capitibus, non vitia lingua, sed artificia ad vitiosam linguam vel emendandam vel tolerandam explicabimus. Et quidem Cap. 57 & 58 cur lingua sit adeo custodienda, docebimus.*

## X

## CAPVT LVII.

*Cur Lingua sit adeo custodienda.*

**R**Omani Alphabeti literas viginti numeravimus, tres restant priori numero addendæ. de litera hic proxime appicta *Quintilianus: Et nostratum, inquit, ultima* X. qua tamen carere potuimus, si non quæfissimus. Pythagorica illa litera Y. Græcorum propria est, de qua nos infra suo loco. Prisci qui peregrinas literas non admittebant, quintam Latinorum vocalem substituebant illius vicem. *Affirmat Tullius, regem Epirotarum nunquam Pyrrhum ab Ennio, sed Purrrum nominatum. Ultimus Alphabeti character Z. à Græcis tamquam proprium ipsorum Elementum vindicatur; ab antiquissimis illis qui peregrina respuebant non usurpatus. Nos ævi nostri morem secuti loquemur cum multis, & hoc Latini Alphabeti auctarium addemus hac ratione, ut ad literam X. quæramus, quare lingua & quomodo sit custodienda. Litera Pythagorica Y. duodecim medicamenta suggeret, quibuscunque vitiosis linguis inducenda. Ultima demum alphabeti litera Z. septemplex artificium docebit quo pessima quæque lingua, si non doceri ac corrigi, sustineri saltem & tolerari possit.*

Atque hic quidem dum ordimur, antepenultimum Alphabeti elementum in memoriam mihi reducit piscem qui Xiphia dicitur, de quo Plinius miranda maris commemorans: Trebius Niger auctor est, inquit, piscem Xiphiam, id est gladium, rostro mucronato esse: ab hoc naves perfossas mergi

*Plin.  
l. 32.  
hist.  
Nat.  
t. 2. an-  
te med.*

in



in Oceano. Lingua vitiosa Xiphiae pisci simillima, semper mucronatum gerit rostrum, non ligneas solum naves, sed etiam domos vel ferreas perfossura, vere \* Xiphia, nam hoc molitur, ut naves quas perfoderit, mergat, ut hostes quos contigerit sternat, ut domos quas perforarit, subruat. Hoc ipso jam liquet, quam caute mucronatum hoc monstrum sit custodiendum, ne adeo multis noceat. Sed istud paullo explicatius nunc docebimus, causas in genere assignaturi, ob quas lingua tam sollicitè servanda. Et id puto rectè ad literam X. trademus, hæc enim velut crux decussata, duas habet obliquas trabes sibimet insertas: ita nos gemina dissertatione exponemus, quare lingua sit adeo custodienda, & quomodo possit custodiri. Primum hoc capite, alterum sequente prosecuturi.

I. In epulo cælesti in quo Christus convivor Corpus & Sanguinem suum comedendum & bibendum apponit, convivarum lingua plurimum honoratur. nam etsi convivæ divinum hunc cibum potumque intra viscera recipiant, omnium tamen membrorum prima est lingua, quæ suum Dominum velut gremio suo complexa suscipiat.

Prima igitur generalis causa sit, cur lingua tam studiose coercenda, quod ea omnium membrorum prima virgineum corpus & sanguinem Servatoris, ipsum Dei filium hospitaliter excipiat. Disertissimus Chrysostomus hoc unum nunquam sibi visus est satis inculcasse, quod divinum honorem adeo vel augeret vel imminueret. Audite O- *Chrys.*  
ratorem aureum ita differentem: Magna a- *tom. 1.*  
nimadversione opus est, inquit, ut linguæ *horr. in*  
potestate caute & secure utaris. Cogita *Psal.*  
*140.*

Z z 3

apud

\* Schwerisich.

*Notetur ob-  
secro,  
hæc  
vox  
sacrifi-  
cium.*

*Idem  
tom. 2.  
hō. 46.  
in c. 13  
Matth.  
mihi  
pagina  
386.*

apud te hoc esse membrum per quod cum Deo colloquimur. Hoc est membrum per quod imprimis reverendum summa veneratione dignum sacrificium suscipimus. Sciunt fideles quod dicitur, & ideo oportet id esse liberum ab omni accusatione, maledicto, verbo obsceno & calumnia. Et si nos aliqua lasciva & impudica cogitatio urgeat, ea intus est suffocanda, nec permittendum ut in verba exeat. Et si pusillus & demissus animus facit ut loqui non audeas, sed apud te murmures, ea quoque radix est exsecanda. Tuta sit porta oportet, & perfecta custodia, nec permittendum est, ut intus mala consilia pariantur: & si pariuntur, ea sunt intus suffocanda, & est radix eorum exsecanda. Hanc habuit Iob custodiam & ideo nullum verbum inconcinnum aut absurdum protulit, sed maxima quidem ex parte tacuit. Tum demum enim solum loquendum est, quando quæ dicuntur, plus prosunt quam silentium. Idem Chrysostomus: Linguam, inquit, oraturus deterge. Nam si quis pedes tuos stercore sordidatis manibus tangeret, non modo non exaudires, verum etiam calcibus expelleres. Quomodo igitur audes tu hoc modo Deum orare? nam qui orat, quasi manu lingua utitur, qua genua Dei supplicando attingit. Nolite igitur ipsam maculare, ne Deus ad vos dicat: Si multiplicaveritis deprecationem non exaudiam vos. Magis igitur quam pupillam oculi linguam tuam custodias. Regius quidam equus est lingua nostra: si ergo ei frenum immiseris & doctrina tua gradarium feceris, ascendet in eum rex & quiescet in eo: si autem nullo freno domueris, sed huc atque illuc infrenem iactari permiseris, diaboli eam vehiculum fecisti. Nec cessat Chrysostomus idem altius animo insigere, nam



nam in illud Hieremiæ Prophetæ : Si sepa- *Hier.*  
 raveris pretiosum à vili , quasi os meum e- *c. 15.*  
 ris, pro suggestu explicans: Cum itaque lin- *v. 19.*  
 gua tua, inquit, tanquam Christi lingua sit,  
 & os tuum quasi Patris os fiat, & sancti Spi-  
 ritus sis templum . quis jam huic fuerit æ-  
 qualis honor? Nec enim si tuum ex auto fo-  
 ret os compositum , aut ex pretiosis lapidi-  
 bus, ita fulgeret ut nunc mundo mansuetu-  
 dinis illustratum. Audacis est, os diabolo si-  
 mile possidere , & linguam maligni dæmo-  
 nis habere similem, quam habere non opor-  
 tet Christi mansuetudinis sectatorem : præ-  
 fertim talium participem mysteriorum , &  
 ipsi dominicæ carni communicantem. Ad *Idem*  
 dit : Videamus , & quo modo formetur os *tom. 5.*  
 diaboli, ne unquam illud comparemus. Quæ *hö. 52.*  
 liter itaque fingitur ? per imprecationes, per *ad*  
 contumelias , per invidiam & perjurium : *Pop.*  
 cum enim illius verba quis loquitur , illius *Ans.*  
 linguam sumit. Quam igitur habebimus ve- *mihi*  
 niam? vel potius quam non subibimus poe- *pagina*  
 nam, cum linguam, qua carnem gustare do- *297.*  
 minicam digni sumus habiti , negligamus *& seq.*  
 diabolica loquentem? Ne negligamus, quæ-  
 so , sed utamur omni studio, ut eam doceamus  
 suum imitari dominum. Si enim eam  
 docuerimus, hoc nos cum multa fiducia an-  
 te Christi tribunal constituet. Nisi quis ita  
 loqui sciverit, neque iudex eum audiet. Sed  
 necdum Chrysostomus finem facit dicendi  
 & monendi hoc ipsum , ut importunis sal-  
 tem clamoribus surdam improbitatem ex-  
 pugnet. ita porro Constantinopolitanus hic  
 Orator pergens: Cogita, inquit, quam pri- *Idem*  
 mum verbum protuleris , quid sis locutus , *tom. 4.*  
 & quæ sit oris tui dignitas. Patrem vocas *hom.*  
 Deum, & fratrem mox vituperas? Cogita , *15. in*  
 unde sit , quod Patrem vocas Deum. A na- *c. 4. ad*  
 tura? non poteris dicere. A virtute? neque *Ephes.*

istud poteris. Sed unde? ex sola benignitate, commiseratione & multa misericordia &c. Ergo, Patrem vocas Deum & vituperas? Atqui non sunt ista filii Dei, sed porro aliena. Quod ergo opus est filii Dei? Inimicis ignoscere, pro crucifigentibus precari, pro odio habentibus sanguinem fundere, ista demum digna sunt filio Dei, inimicos, ingratos, fures, improbos, insidiatores; fratres & hæredes facere, non eos qui fratres facti sunt, veluti mancipia vituperare. Cogita quæ verba sit os tuum locutum, qua dignatum mensa, quæ contingat, quæ deguster, quo cibo fruatur. Perpende cum quibus tempore mysteriorum adstes, nempe cum Cherubim, cum Seraphim. Seraphim neminem vituperant, sed unus & idem usus ora illorum adimplet; nempe benedicendi & glorificandi Deum. Quomodo ergo potes cum illis dicere Sanctus, Sanctus, Sanctus, qui ore tuo ad vituperium abuteris? Dic quæso, si vasculo regio, quod semper cibos habeat regio & ad illos ordinatum sit, ad stercorea ministrorum quispiam abuteretur, an auderet illud cum reliquis ad eadem edulia regia deputatis, stercore refertum denuo reponere? Nequaquam. Atqui ejusmodi est, quod fratrem accusas, quod vituperas. Cur itaque teipsum sordidum reddis & pollutum? In cælis consistis, & vituperas? Cum Angelis conversaris, & vituperas? Osculo dominico dignatus es, & vituperas? Tot ac tantis rebus os tuum adornavit Deus, utpote hymnis Angelicis, cibo non tantum Angelico, sed Angelicâ etiam dignitatē superante, osculo suo, complexibus etiam suis, & vituperas? Noli obsecro. Magnorum malorum causam habens res ista quam longissime absit à mente Christiana. Claudamus oris nostri januam, objiciamus repagulum, mordeamus



deamus nos ipsos, si quando grave ac durum quoddam verbum dentes nostros transilire voluerit. Precemur Deum, precemur proximum conviciis affectum, nihil hujus ægre feramus. Nos ipsos percussimus, non illum.

II. Ita Chrysostomo indignissima res visa est, lingua qua Deum alloquimur, qua Dei filium amplectimur, qua Cælites salutamus, ea ridiculas fabulas, graves obtrectiones, libidinosas spurcicias spargere. Aude ne Christiane, Dominum Deumque tuum in spelæum colubris ac basiliscis plenum introducere? aude ne purissimum illud Domini corpus contingere lingua tua, quæ sentina & cloaca est iniquitatis? Narrationem hic attexo quæ melius rem oculis subjiciat.

In urbe celebri non infimæ sortis femina habitabat hæreticorum domibus septa, quamvis Catholicorum mysteria illinc non penitus exularint. Idcirco matrona illa morbo correpta divinam synaxin à Catholico curione petiit ad se deferri. Hic jam deliberatum est inter cognatos, quandoquidem domus duplici erat ingressu, qua ædium parte, antica vel postica Corpus dominicum inferretur, erant autem non procul postico sellæ Patroclianæ. Fuerunt qui dicerent, cavendis vicinorum irrisionibus & sannis, Eucharistiam per posticum inferendam, illic enim non facile irrisorem fore, ubi nulla esset hominum frequentia. At boni homines, non hoc spectabant, ne ferculum cæleste irrideretur, sed ne facerent quod vicinis displiceret. Non tulit hoc animorum frigus matrona ægra, & cognatos increpans: Quid istud, inquit, suadetis frigidi? non ita fiet. per anticam Christus inferatur. rideant qui velint; sinamus, quod vetare non possumus. Ego certe Dominum meum hac ignominia non afficiam, ut eum juxta latrinam inferri

curem. Ita controversia animose ac prudenter decisa est. Interroga, oro, mi Christiane linguam tuam, aut ea tacente, conscientiam tuam, quantum illa sordium contrahat uno die, hebdomade una, mense aut anno uno, an non ea demum exundans cloaca erit tot otiosis, inutilibus, foedis, noxiis sermonibus stipata? & tu hac ipsa lingua Christum non transeuntem, sed in te ingredientem, vis excipere, contingere, amplecti? At lota est, inquis, piaculari confessione. Quidquid sit; tanti hospitis honori necdum fatis consultum. Si ego tibi piscem apponam delicatissimum, in ea tamen patina, quæ manuum pedumque sordes & omne genus sputorum aliquanto tempore exceperit, num hoc tibi ferculum appetentiam ciebit? Quid indignaris? jam lota est. Sit lota, inquis, & nauseam non moveat, honori tamen nequaquam est, prandium etiam dapsile tali præbere patina. Et tu tibi persuades, non displiciturum Christo, si eum lingua, quæ omnium spurcitiarum fuit receptaculum, velut patina cibum suscipias?

Ergo lingua vel ideo solertissime custodienda est, quod ea omnium prima cælestem panem contingat. Sacram mensam sæpius accedis? tanto igitur purior sit lingua, quanto crebrius tantum dominum & puritatis auctorem recipis. raro corpore Christi pasceris? tanto igitur frequentius laberis lingua, quanto rarius biberis ex hoc fonte Gratiarum. Vide igitur & attende, *Mat. c. 7. v. 6.* ne in te dictum sit: Nolite dare sanctum canibus.

III. Altera causa Linguae studiosissime custodiendæ hæc est: Qui linguam velut ignem custodit, ab innumeris se malis defendit. Iacobus Apostolus: Linguam inquietum malum, plenam veneno mortifero dixit.



dixit. Quid in udum hoc agileque membrum dici potest gravius? si extrema linguæ cuspis venenata foret, quis non jure istius jaculi venenatam cuspidem timeret? enimvero lingua non leviter infecta; veneno plena est. bufonum toxicum propinat, non arterias solum occupat, cor petit & jugulat. Linguam putes scintillam modicam, sed silva sit quæ Orbem terrarum æquet, hanc scintilla illa unica & incendere potest, & comburere. Sane in numeros redigi nō possunt Iliades malorum, quæ ab una atque unica lingua proveniunt. Ergo sopienda est favilla ne surgat in flammam, surculus amputandus ne crescat in silvam, gutta exsiccanda ne tumescat in fontem. Linguam non impetus sed intellectus ad loquendum solvat. nec enim oculi tantum clausi, sed & lingua servanda est vineta. Nam ut bene ratiocinatur Gillebertus: Lingua prava iracundia & indignationis occasiones requirit, injurias vel falsas simulat, vel veras exaggerat, quas debuerat dissimulare: ad offensam officia etiam interpretatur, & venenati sermonis scintillas adhibet ad commovendum cor suum. Quid lingua nequam cordi tuo talem adhibes flammam? sufficiat illi flamma sua, sufficiat illi concupiscentiæ ardor carnalis, & levitatis calor innatæ, quibus cor tuum ut volubilis rota impellitur. Noli ignem igni adhibere, & concupiscentiæ addere malitiam. Ignem hunc quem evomis, hauris de gehenna. Inde incipit, & illo rapit. An non igitur hic ignis ne latius serpat coercendus, ne ad orcum rapiat, extinguendus? Ety-  
mon Linguæ Bernardus investigans, Lingua, inquit, dicitur, quia lingit adulando, mordet detrahendo, occidit mentiendo.

Gillebertus  
 Bertus  
 Bernardo  
 succenturiatus,  
 ser. 24.  
 in Cat.  
 propius  
 finem.

Bern.  
 de in-  
 ter do-  
 mo  
 e. 50.  
 mihi  
 pagina  
 1085.  
 Ruben.

de aur.  
 Ling.  
 c. 59.

Leonardus Rubenus Abbas in S. Benedicti familia, corruptæ Linguæ centum viginti

viginti quinque vitia seu mala compendio percenset. Putem ego vitiosæ Linguae nocumenta nullis numeris posse comprehendī, res infinita est. Equis numeret? *Uniuersitas iniquitatis*. Lingua effrenis : Orbis Phaëthon est.

*Suid.*

*V.*

*γλωσσ-*

*σα,*

*ποῖ*

*προσέειπεν;*

I V. Suidas, alloquendo Linguam interrogat : Lingua quo vadis? Cui illa respondet : Urbem eversura aut instauratura. Tantæ sunt vires huic carnis particulæ; civitates totas vel subruere, vel excitare potest; multum si velit profutura; si nolit, obfutura plurimum. Hebræus sapiens pronissime assentitur, & : Benedictione Iustorum, inquit, exaltabitur civitas, & ore impiorum subvertetur. Totum Orbem potest, nedum urbem subvertere hic Phaëthon. Pompejus certe dicere ausus est : \* Si pede vel semel terram feriat & arma vocet, totum terrarum orbem ad arma ruiturum. Suidas, quem dixi, juvenem producit ita loquentem : Boni patris filius ego sum, linguam quidem ignavam, manum autem habui operosam. Nunc ista periclitatus, video mortalibus linguam, non facta omnium rerum esse ducem. Mox additur velut responsum: Lingua tu quidem polles : virum ego vero scio neminem bonum, qui perpetuo videri vult se recte dicere. Nam improbi oris esse judicatur, qui sermone semper vult esse victor.

Et quis nostrum est, qui non vel invitatus fateri cogatur : O lingua, lingua, quot mihi pericula struxisti, quot quantaque mihi damna inflixisti. Quoties, ô quoties tuo vitio Deum offendi, homines læsi, meipsum per-

*Ergo verissimum hoc :*

\* Ein gute Jung vil gutes  
stift.

Ein böse Jung vil Leut vergift.



perdidi. Sed impofterum ero cautior, fallacias tuas vigilantius obfervabo, impetus tuos animofius coërcebo; ligabo te & catenis vinciam, ne rationis injuffu temere prorumpas. Novi Salomonem fapientiffime dixiffe: Qui custodit os fuum, custodit animam fuam: qui autem inconfideratus eft ad loquendum, fentiet mala.

Prov.

c. 13.

v. 3.

Si conftet aliquod provinciæ vel regni propugnaculum velut clavem effe, ad eam provinciam feu regnum hofti referandum vel occludendum & obferandum, ignavus fane princeps aut rex fit, fibique malevolus, qui propugnaculum illud militaribus excubiis non firmet, qui curas & cogitationes non conferat in eum locum, de quo vere dicatur; qui custodit hoc oppidum, custodit regnum: tuta funt omnia, fi huic caftro fatis profpectum: fi hoftis hinc arceatur, alibi fruftra oppugnabit; fi hoc castrum expugnet, incaffum alia propugnabuntur. Atqui nos fcimus veriffime dictum: qui custodit linguam fuam, is custodit & animam fuam: qui unicum hoc malum cavet, innumeris fe malis fubducit.

In eo igitur homine difciplina omnis collapsa fit neceffe eft, qui propugnaculum hoc tanti momenti negligit; hoftem nunquam cavet, fi hic non caveat, animam perdidit, qui linguam non fervavit.

V. Ajunt hominem Hebræum Rabbi Iehuda, virum facetum in foro proclamaffe, fibi effe domi aquam auream maximi pretii, quæ reftituendis viribus & producendæ vitæ plurimum faceret. Audiit hoc filiola Rabbi Iodai & domum nuntiavit patri, venales effe pretiofiffimas merces. Mox emptores affluere, & de aqua vitæ aurea curiofe quærere, pecunias amplas fpondere; quibus ille domum perductis & Bibliis apertis trigefimi

gesimi tertii Psalmi versum decimum tertium recitavit: Quis est homo qui vult vitam, diligit dies videre bonos? prohibe linguam tuam à malo, & labia tua ne loquantur dolum. Et hæc illa est, inquit, aqua vitæ

*Doctrinale* aurea, *Prohibete linguas vestras à malo, vitam & dies videbitis bonos.*

*Hebr.*  
c. 12.

Hoc illud, ô cives & Orbis incolæ, nobilissimum pharmacum est adversus innumera mala: *Prohibete linguas vestras à malo.*

Trojanus Rex Æneas consulturus oraculum, Sibyllam obnixe rogat:

*Vir. l. 6* *Foliis ne carmina manda.*

*Æneid.* Folia sunt hominum verba. Bernardo id credamus ita scribenti: Vilis & volatilis res verbum hominis, nullius molis, nullius ponderis, nullius pretii, nullius soliditatis. Ærem verberat, unde & verbum dicitur, & sicut folium quod vento rapitur, effluit, & non est qui consideret.

*Apost.*  
*Pet. &*  
*Pauli*  
*serm. 2.*  
*initio.*

Sunt qui quicquid iræ, quidquid indignationis & lasciviæ animo conceperunt, id istis foliis inscribant. Hinc confusio rerum & perturbatio plurima. Ne quæso carmina tam stulta, tam lasciva foliis mandate; grande vos malum expectat. Ne cogitationes tam impuras & plenas furoris per verba effundite. *Prohibete linguas vestras à malo, à malis imo innumeris.*

*Chrys.*  
*rom. 4.*  
*hō. 15.*  
*in c. 4.*  
*Ephef.*  
*mihi*  
*pagina*  
*944.*

Ad rem egregie dixit Chrysostomus: Tale os omnium malorum est causa: imo non os sed qui illo male utuntur. Hinc vituperia, convicia, blasphemix, incendia, & fomenta voluptatum, cædes, adulteria, furta, breviter hinc omnia mala generantur. Et quomodo cædes, inquis? A contumelia in iram, ab ira in plagas, à plagis ad cædem progressus es. Itaque si sermone tuo ædificationem subvertis, melius est ut taceas & nunquam loquaris.

Nec



Nec aliter Bernardus : Vanus sermo , in- *Bern. de inter  
domo  
ser. 43.*  
quit, cito polluit mentem , & facile agitur,  
quod libenter auditur. Vanus enim sermo  
vanæ conscientiae est index. Mores homi-  
nis lingua pandit , & qualis sermo ostendi-  
tur, talis animus comprobatur, quoniam ex  
abundantia cordis os loquitur. Sermo va-  
nus non erit absque iudicio , quia ab omni  
rectitudinis statu depereunt , qui per verba  
vana dilabuntur.

Quid clarius dici potest aut gravius ? Ab  
omni rectitudinis statu depereunt , qui per verba  
vana dilabuntur. En Lernam malorum , lin-  
guam non religiose custoditam ! Qui Lin-  
guam non custodit, in lernam hanc incidit.  
Prius ergo, quod Chrysostomus monet, ru- *Chryf.  
iō. i. in  
cap. i.  
Genes.  
mihi  
pa. 20.*  
minentur & librentur verba, & postea pro-  
ferantur.

## CAPVT LVIII.

*Modus custodiendi linguam , observare loquendi  
circumstantias.*

**I**N Thracia , locis ridentibus vulpes, ani-  
mal alioqui solerti auditu amnes gelatos  
lacusque non nisi ad pastum itura reditura-  
que transit. Observatum eam aure ad gla-  
ciem apposita conjectare prius crassitudi-  
nem gelu , & explorare num forte falsura  
transeuntem glacies , num subterlabentes  
aquæ audiantur quæ indicium faciant , fal-  
laciem crustam vestigiis cessuram. Quisquis *Pli. l. 8  
hist.  
nat.  
c. 28.*  
ad loquendum os pandit , glaciem subit pe-  
riculosissimam. Idcirco iter hoc omne præ-  
tendendum est, ne cæca vestigia fallantur.

Siracidæ votum est : Quis dabit ori meo *Eccli.  
c. 22.  
v. ult.*  
custodiam , & super labia mea signaculum  
certum , ut non cadam ab ipsis , & lingua  
mea perdat me. Tanta opus circumspectio-  
ne , tot expendendæ circumstantiæ locu-  
turo ,

turo, tantæ omnino molis est recte loqui, ut vel sapiens non immerito certam sibi damnationem metuat è sola lingua, & ardentibus votis scire cupiat, ecquando aperiendum, claudendumque sit hoc oris ostium. Ad errandum quippe, vel unius circumstantiæ defectus satis est; ad recte loquendum sedula omnium circumstantiarum observatione opus est. Philosophiæ scitum est, Bonum confurgit ex integra causa, malum è quocunque defectu.

Quapropter recte convenienterque à priscis Patribus Basilio, Ambrosio, Bernardo, atque aliis circumstantiæ loquendi proponuntur, iis observandæ sedulo, quibus curæ est loquendo non errare. Sequamur ergo duces quos habemus sanctissimos, & ordine loquendi circumstantias adnumeremus.

I. Prima loquendi circumstantia, *Recta Intentione loqui*. In limine offendit, & ad ipsam domus januam impingit, qui aut nullo fine, aut non bono loquitur. Neque enim satis, ut suum verbis sit pondus, illaque à se non mala sint, sed & certus bonusque finis necesse est iis respondeat.

Est non nemo (beati Bonaventuræ iudicio) qui linguam à profanis sermonibus substringit, sed eo fine, ut spiritualis habeatur: alius ideo loquitur, ut acuti ac limati homo ingenii, vel ut disertus & eloquens audiat: illud hypocrisis, hoc vanitas est & superba stultitia. Sunt qui loquantur ut risum moveant, alii ut fletum ac lacrimas eliciant, sed non pias & parum profuturas: hi verba eo congerunt ut hominem sibi designatum ad indignationem & iram provocent: alii loquuntur tantum ut loquantur, horasque optimas non tam fallant quam perdant. Prava Intentio, pessimi fines.

Quare



Quare locuturus ante suum ipse os interroget : *Cur moveris, cur panderis, cur loqui vis ?* aut causam loquendi ede, aut tace. Vide obsecro, mi Lector, quæ de recta Intentione differuimus duobus libris in Amussi, eo te volentem, puto, amandamus, ideoque nunc pergimus.

Altera loquendi circumstantia, *Circumspecte loqui*. Illud de quo sermo instituendus diligentissime considerandum est, neque vel verbum unquam efferendum sine circumspectione. Dicas : quis omnia verba ad aurificis libellam examinet ? Is omnino, mi Christiane, accurate hoc faciet, qui audierit jubentem : *Aurum tuum & argentum tuum conla, & verbis tuis facito stateram, & frenos ori tuo rectos, & attende ne forte labaris in lingua.* *Eccli. c. 28. v. 29. & 30.*

Attentam hanc circumspectionem in verbis ipsa nos natura docet, quando linguam non una duntaxat janua munivit, dentium una, labiorum altera, ita pariete gemino sepsit. Chrysostomus id diserte asseverans : *Deus eam, inquit, velut muro duplici voluit circumdari. Nam dentium tegmine & labiorum custodia continetur, ne verba improvida garrulitate proferantur. Refrena igitur linguam, & si non patitur reticere, dentium morfu quiescat, & tamquam carnifici tradatur dentibus, nam hoc est eam conducibilius sustinere, quam postea aquæ stillationem nullatenus promereri. Hinc ille absurdi quippiam locutus interrogatur :* *Chryf. tom. 5. hom. ad bapt. 2. mibi pagina 623.*

*Dentis claustra tui quæ vox elapsa reliquit ?* *Gel. l. 1. No Et.*

Cum igitur natura linguam vallo dentium & septo labiorum cinxerit, cum aures dederit patulas, non solum parce loquendum, sed etiam considerate, imo ut possis parcius loqui, loquere consideratius.

Duas, ut ajunt, venas exporrigit lingua,

A a a

illam

illam ad cor, ad cerebrum istam, ubi sedes intellectui assignata: quo quidem erudimur, id omne quod à lingua prodit, plenum esse debere rationis. Atque hoc inter hominem fatuum & sapientem discriminis est, quod fatuus cor suum ore reponat, sapiens os suum in corde recondat; illum ad verba provocat garrulitatis libido, suadetque omnia quæ libet licere loqui; prudens in corde os continet, quicquid enim ab ore abit, consilio, ratione, judicio libratum venit.

Qua de re Cyprianus ita ratiocinatur: sicut homo sobrius & temperans nihil ciborum trajicit in stomachum quin illud ante præmanderit, & dentium mola subegerit. ita vir prudens nil lingua in publicum protrudit, quod non prius in pectore digesserit. Oratio bilanci rationis non imposita, & rixas & plurimum mali excitat.

Par esset omnino, ut non minus tardi ac difficiles ad solvendam linguam, quam ad aperiendam crumenam essemus. Quam lente, quam & considerate, Deus bone, loculos diducimus, nunquam deliberatior mora est, nunquam magis lyncei sumus, quam cum pecuniam expendimus, hic omnem in pectus senatum cogimus; hic variæ quæstiones, an non nomen jam expunctum per conjugem, per liberos, per cognatos, per servum? & quam levis est tamen jactura numi inconsulto expensi, si cogitetur damnum sermonis male prolatis hic moremur, hic deliberemus; in nullo laudabilius cunctabundi erimus, quam in loquendo. Cogitet prudens cunctator quid locuturus, quid de re, & quam ob causam?

II. Tertia loquendi circumstantia, *Verecunde loqui*, seu, quis & apud quos loquaris perpendere, an juvenis coram sene, discipulus coram magistro, coram sacerdote pro-



profanus, coram patre filius, coram domino servus, an contra coram liberis parentes, coram discipulis magistri, coram tiro-nibus veterani.

Sacræ paginæ monent: Noli verbosus *Ecc. c. 7*  
 esse in multitudine presbyterorum. Audi *v. 15.*  
 tacens, & pro reverentia accedet tibi bona *c. 32.*  
 gratia. Adolescens loquere in tua causa vix: *v. 13.*  
 si bis interrogatus fueris, habeat caput re- *seq.*  
 sponsum tuum. In multis esto quasi inscius,  
 & audi tacens simul & quærens. In medio  
 magnatorum non præsumas; & ubi sunt  
 senes non multum loquaris.

Divo Bernardo teste, silentium est maxi-mus actus verecundiæ. Est etiam indolis bonæ & educationis ingenuæ signum, se-nioribus juvenem concedere; & ipsa decori ratio exigit tacere, aut parce loqui, ubi sunt qui dignius loquantur.

Quarta loquendi circumstantia, *Accommo-*  
*date loqui*, præsertim loco & tempori. Pri-marium prudentiæ munus est, scire loqui tempore locoque congruo. Quod affirmans *Ecclesi.*  
 Siracides: Homo sapiens, inquit, tacebit us- *c. 20.*  
 que ad tempus: lascivus autem, & impru- *v. 7.*  
 dens non servabunt tempus. At vero sedu-lum istius circumstantiæ observatorem o-racula divina sic laudant: Mala aurea in le- *Prov.*  
 ctis argenteis, qui loquitur verbum in tem- *c. 25.*  
 pore suo. Neque vero placere potest quod *v. 11.*  
 profertur tempore non suo. Nam ut Sira- *Ecclesi.*  
 cides testatur: Ex ore fatui reprobabitur *c. 20.*  
 parabola: non enim dicit illam in tempore *v. 22.*  
 suo.

Huc spectat modestiæ præceptum: Ser-monem alterius non interrompere; quod non solum urbanitas fieri vetat, ut agreste quid, sed & Humilitas damnat, ut super-biolam. Hebræus Sapiens sic pronuntiat: *Prov.*  
 Qui prius respondet quam audiat, stultum *c. 18.*  
 est *v. 13.*

se esse demonstrat, & confusione dignum.

*Eccli.*

*c. 11.*

*v. 8.*

*Alii  
legunt  
senio-  
rum.*

Hoc ipsum Siracides confirmans: Priusquam audias, inquit, ne respondeas verbum, & in medio sermonum ne adjicias loqui. Expecta sis igitur dum alius sermonem quem coepit, finiat, tum tu ordire proferre tua, alioqui garrulæ fatuitatis signum præbebis. Addit hic Basilus: Si quid in plurium confessu interrogetur, tu respondendi vices aliis ne præripe; tace dum sigillatim dicere jubearis, est enim superbiæ, ultro sese offerre aut ingerere, & principem respondendo locum præoccupare.

Quinta circumstantia est, *voce submissa loqui*. Est modus non solum in rebus, sed etiam in sermonibus. Hipponensis præsul Augustinus in illud Marthæ cum Magdalena breve colloquium: Et vocavit Mariam sororem suam silentio, dicens: Magister adest, & vocat te. Quomodo, inquit, silentio vocat cum loquatur, dicatque, Magister te vocat? Et respondet, vocem depressam silentium vocari. Sed de voce submissa egimus cum linguam tumultuantem castigarem.

*Idem.*

*c. 11.*

*v. 28.*

Ad hanc loquendi circumstantiam reducit à sancto Bonaventura oris serenitas, & in gestu decorum. nam os contorquere, nares corrugare, labia nimium diducere, frontem caperare, caput ventilare, & decen- tiam graviter offendunt, & signa sunt animi male compositi. Sic & voci moderandum, ne illa nimium fracta sit & remissa, ac si loquentem loqui tædeat. Sermonem suavitas condat, vultum serenitas aperiat.

Non solum voces omnium sapientum, sed & divini libri mirifice commendant serenitatem oris. Siracidæ præceptum est: In omni dato hilarem fac vultum tuum. Quicquid agis exporrigere frontem, exue tristio- rem

*Eccli.*

*c. 35.*

*v. 11.*



rem ac severiorem vultum : homines tranquillæ bonæque mentis aspice , In omni *Ecclesi.*  
tempore vultus illorum hilaris. *c. 26.*

III. Hic ego Magnates, procures, principes, regesque universos submississime obtestor, sed & patresfamilias, religiosorum majores, & quoscunque alios præsides rogo, Salomoneum illud oraculum attentissime perpendant : In hilaritate vultus regis, *Prov.*  
vita; & clementia ejus quasi imber serotinus. *c. 26.*  
Nam facies regis amœna & hilaris incolumitatem, & vitam quodammodo afflat, inspiratque subditis. Sicut auroræ jamjam appetentis jubar caliginem noctis discutit, ita jucunda regum facies mœorem ac metum pavefactis adimit. *v. 18.*

Annæus Seneca cogitare jubet, utrum *Sen. l.*  
Mundi status gratior oculis pulchriorque sit *de Clē.*  
sereno & puro die, an cum fragoribus crebris omnia quatiuntur, & ignes hinc atque illinc micant? Atqui non alia facies est quieti moderatique imperii, quam fereni cæli & nitentis. Crudele regnum turbidum tenebrisque obscurum est, inter trementes & ad repentinum sonitum expavescentes, nec eo quidem, qui omnia turbat, inconcussio. *c. 7.*

Decorum est omnino, ut principes regesque non solo nomine, sed & vultu animoque sint *Serenissimi*, cælum nobis innube ac purum repræsentantes: regii vultus nubi-la plus quam ætheris minacem tristitiam horremus. Quisquis imperat, vultum induat serenum, & longe suavius, & efficacius ut plurimum imperabit. Contracta frons, & acerbior vultus exosum reddunt Imperium. In hilaritate vultus regis, vita. Atque ut fronti vicina est lingua, ita dictum illud sapientissimum mihi videtur, quo non magnates tantum, nec soli Principes, Reges, Imperatores, quamvis hi præcipue, sed qui-

cunque alii vel familiam solum gubernantes monentur, frontem, os, pectus ea ratione observare, Vt in fronte sal, in ore mel, in pectore sale gerant seu mare. Explicamus.

Primum gubernationi cuicunque necessarium est, *In fronte sal*, seu naturalis quædam Prudentia, saltem mediocritati propinqua. Imprudens & temerarius Phaëthon non regit currum, sed evertit.

Alterum ad temperandam potestatem pernecessarium est, *Mel in ore*, seu suavitas sermonis & iustus. imperia inhumana & aspera sunt exosissima. Roboamus Rex Israël & Iudæ, imperio immiti unico, omne Israël regnum perdidit. Cui minus est prudentiæ, plus mellis affundat; imo & prudentissimus quisque si melle careat, inter barbaros & crudeles dominos numerabitur. Aut igitur non impera, aut imperium mitiga.

Tertium quod ad gubernationem requiritur est, *In pectore sale*, seu mare, quod pectoris amplitudinem designat: angusti animi homo, ad tenendum imperii clavum tam non idoneus est, quam lepus ad tenendum tympanum; omnia ille metuit si vel mus obstrepat. In regum fastis asseritur: *Dedit quoque Deus Salomoni (ad gubernandum) quasi arenam quæ est in littore maris.*

Ergo in gubernatoris & præsidis cuicunque capite sit Sal, in ore Mel, in pectore Sale. Et licet mel oris, suavitasque sermonis, ubique grata & pæne semper sit necessaria, præcipue tamen, cum aut monemus, aut reprehendimus. Qui alium castigat iratus ipse aut perturbatus, videtur id nequaquam facere ut emendet, sed ut vulneret, *Virtus enim cum vitio non recte docetur, nec per superbiam humilitas instillatur, nec per impatien-*  
tiam

*Sale  
priscis  
idem  
quod  
mare.  
En-  
nius  
l. 14.  
An-  
nal.  
Carn-  
leum  
spumat  
sale  
conferta  
rate  
pulsam.  
3. Reg.  
c. 4.  
v. 29.*



tiam patientia commendatur. Si me flere vis, flendum prius ipsi tibi est: si objurgare me vis, omitte quod prius in te foret objurgandum. Beato Ambrosio maxime placeat, *monitio sine asperitate, & hortatio sine offensione.* *Amb.*

Monitum Ambrosii, præceptum Pauli *lib. 1.* confirmat: Seniore[m] ne increpaveris, sed *Offic.* obsecra ut patrem, juvenes ut fratres. Quic *c. 22.* quid docere ac persuadere volueris, mansuetudinis exemplo & citius docebis & efficacius persuadebis. *1. Tim. cap. 5. v. 1.*

IV. Hic etiam jure vitio vertitur affectata & nimis compta dictio, quæ numeris modulisque Rhetoricis instructa nimiam spirat prudentiam, & argutias miscet non placituras. Hic ego Concionatores hujus ævi convenio. Pace vestra dixerim, ô Viri, nonnulli vestrum hoc ipso furiarum genere inquietantur, qui cultui dictionis intenti, in seipsis spiritum, in auditoribus fructum prius eripiunt quam adferunt. Quid verba colligimus, quid vocolas componimus, & cælestem doctrinam his lenociniis infamamus?

Procul à Christianorum templis delinificam illam facundiam, quæ vulneri cicatricem mentitur, quæ auditorum animos voluptate inani perfundit, quæ verbis ad venustatem compositis laudes eblanditur, quæ concinnam elegantiam, & nescio quid nugarum ac vanitatis affectat ut placeat.

Procul à sacris cathedris ventosam & enormem loquacitatem: Christus prædicandus est, & hic crucifixus; Poenitentia suadenda, & quidem stabilis ac constans; quatuor hominis ultima sunt inculcanda; Dei voluntas, & humanæ cum eadem conformatio explicanda; æternitas identidem ingerenda; ad dissertationes istas non opus mellitis verborum globulis, non modulato

currentis facundiae sonitu, non quaesitarum  
vocularum vanissimo strepitu: Spiritu hic  
opus est, & amore in Deum incenso, qui uti  
facundiam non spernit, ita nec quaerit, imo  
etiam odit & respuit, si sit affectata. Et  
quemadmodum aqua illa censetur optima,  
quae nullo sapore est imbuta, ita dictio illa  
pulcherrima, quae affectatione nulla est cor-  
rupta.

*Hie. ep.  
de Vir-  
ginit.*

Sed à suggestu & publica dictione ad lo-  
quendi circumstantias redeo, & receptui ca-  
no inter priscorum Patrum monita. Hiero-  
nymus tam succincte dixit, quam nervose:  
Sermo prolatus, est lapis emissus, quapropter  
diu antequam sermo proferatur, cogi-  
tandus est.

*Amb.  
lib. 1.  
Offic.  
cap. 2.*

Ambrosius hoc confirmans: Aliae sunt  
viae, inquit, quas debemus sequi, aliae quas  
custodire; sequi vias Domini, custodire no-  
stras, ne in culpam dirigantur. Potes autem  
custodire, si non cito loquaris. Vtrumque  
reddit confirmatissimum Hebraeus sapiens,  
qui homini circumspectae loquelae tranquil-  
lam felicitatem pollicetur hoc chirogra-  
pho: Qui custodit os suum & linguam  
suam, custodit ab angustiis animam suam.  
Cum enim lingua intemperans plurima pec-  
cet, mens utique rea in angustias & mœro-  
res quam plurimos conjicitur, quos effugit  
qui prudenter & custodite verba facit.

*Prov.  
c. 21.  
v. 23.*

Porro iis qui imprudenter & incaute lo-  
quuntur, verba non in pectore, sed in ore  
nascuntur, quos priscus philosophus per-  
stringens: Qui sunt leves, inquit, futiles &  
importuni locutores, quique verbis humidis  
& lapsantibus defluunt, eorum orationem  
bene existimatum est in ore nasci, & non in  
pectore. Huic accedens Egidius Diaconus:  
Quoties, inquit, oratio in lingua solum nas-  
citur, pectus conceptam magno nixu poeni-  
ten-

*Mada.  
de  
Dogm.  
Plato-  
nis.*



tentiam parit. Solet enim è temere dictis  
provenire poenitudo, quæ Conscientiam ve-  
lut inequuleum rapit, & erroris lapsusque  
confessionem ab illa exprimit. A tot mole-  
stis & doloribus immunem se reddit, qui  
quæ locuturus est, circumspicit. Qui custo-  
dit os suum, & linguam suam, custodit ab  
angustiis animam suam.







# Y

A. Avaritia nummos aureos in libellam mittit, eosque anxia sedulitate examinat.

B. Circumspectio autem vult frenos oris rectos ex auro fieri, prout Hebraeus sapiens monet, & ad libram librum ponderat, quo vel oculos doceat, verba omnia oportere consideratissima esse, perinde si libro sint inscribenda. Vide C. 59. S. 3. C. 60. & C. 61. His Capitibus documenta duodecim suggerimus regenda lingua utilissima, & summe necessaria.

Angelus & trutinam, & frenum Circumspectionis paratissimus est dare omnibus, quibus est cordi, moderari Lingua.

## Y

## CAPVT LIX.

*Vitiosa Lingua quomodo sananda sint : prima quatuor medicamenta traduntur.*

**A** Pollonius Thyanæus , ille Orbi notus philosophus ( uti de eo prodit Philostratus ) suos discipulos ea loquendi lege imbuunt, ut aurora vicina cum Diis; diei progressu de Diis loquerentur; ceterum tempus humanis sermonibus sed eruditis impenderent. Lex pulchra, & utilis. Duo Christi servatoris discipuli Emauntem tendentes, hunc crediderim, servarunt ordinem. 1. Antequam se viæ committerent, utique se Deo precibus commendarunt, qua quidem ratione cum Deo locuti sunt. 2. Die ad umbilicum jam deducto, de Christo Dei filio loqui coeperunt. 3. Christum Dominum peregrini habitu tectum invitarunt ad hospitium; mane nobiscum quoniam advesperascit, & inclinata est jam dies: & coegerunt illum. 4. Concionati sunt demum, & quidem ipsis concionatoribus, Apostolis. Nam surgentes eadem hora regressi sunt in Hierusalem & invenerunt congregatos undecim, & eos qui cum illis erant, dicentes, *Quod surrexit Dominus vere, & apparuit Simoni.* Et ipsi narrabant quæ gesta erant in via, & quomodo cognoverunt eum in fractione panis.

*Luc.  
c. 24.  
v. 28.  
c. 29.  
Lu. ib.  
v. 33.  
c. 29.  
segg.*

Hi profecto non male diem expendebant, lingua præclare usi. Nec mirum; Præceptorem habuerunt è cælo, sed revera serium, & qui discipulos non indulgenter habuit, nec illis blanditus est; severa eos disciplina irrigans: O stulti, ait, & tardi corde



corde ad credendum. Qua quidem prælectione tam insigniter eos erudit, ut ab iis velut jam Magistris didicerint Apostoli, quomodo loquendum de Christo redivivo.

De universis Linguæ vitiis nos hæcenus locuti sumus; multa quidem, si verba numeremus; pauca, si maximum malorum numerum spectemus. Enimvero bonus ludimagister non solum ostendit characterem male formatum, sed docet insuper qua ratione formandus sit; boni artificis est non tantum discipuli errores in artem commissos reprehendere, sed etiam docere quomodo ii sint corrigendi. Plurima linguæ vitia percensuimus, hoc unum nunc superest, ut qua ratione illa sint corrigenda doceamus. neque enim satis est scire se ægrota- re, nisi præsto sint & pharmaca, quæ convenient ægroto. Quando igitur tanti refert non tantum vitiose loqui dedidicisse, sed artem etiam recte loquendi condiscere, hoc jam agamus, & tribus his ultimis dissertationibus remedia & medicamenta comparemus, quibus vitiosæ linguæ subveniendum. Huic triplici dissertationi significandæ litteram Pythagoream Ypsilon præfigimus, litteram tricornem aut tricuspitem, nam inferius unum, superiora duo habet cornua. Affirmat Plinius Indicos boves & unicornes & tricornes reperiri. Nos contra universa Linguæ vitia, dissertationem triplicem, velut bovem tricornem statuemus hac quidem ratione, ut in singulis trium capitum istorum aliquot præcepta, seu medicamenta tradamus, quibus Linguæ vitiositas omnis emendari possit. Atque ut memoriæ quoque consulamus, præceptiones dabimus nec longas, nec obscuras, sed quæ dictu & captu faciles sint: Ipsæ tot leges confundunt & obruunt memoriam.

Pli. l. 8  
Nat.  
hist. c.  
21. in.

riam. Atque ita hac quidem dissertatione prima præcepta seu medicamenta quatuor; altera, quatuor alia, tertia demum, quatuor ultima remedia perſanandæ linguæ proſequemur.

I. Primum remedium ad vitioſam linguam curandam eſt ORATIO. Sapien-  
tiæ oraculum Salomon clare pronuntiavit:  
*Prov.* Hominis eſt animam præparare, & Domi-  
*c. 16.* ni gubernare linguam. Hoc dixit: Tu tibi  
*v. 1.* Deum precibus propitia, & animum adver-  
te, non deerit rerum omnium auctor qui  
linguam, aliter intractabilem regat. Lucu-  
lente prorſus Auguſtinus hoc ipſum affir-  
*Aug.* mans. Intelligamus, inquit, chariſſimi, ſi  
*10. 10.* linguam nullus hominum domare poteſt,  
*ſerm. 3.* ad Deum confugiendum eſt qui domet lin-  
*de ver.* guam noſtram. Si enim tu eam domare vo-  
*Dom.* lueris, non poteſ, quia homo eſ: linguam  
*ini. c. 1.* & 2. nullus hominum domare poteſt. Eodem  
animo dixit Baſilius: Os ſuum orationibus  
*Baſ. de* communiet, jugiter atque plus aliis orans:  
*vera* Pone Domine cuſtodiam ori meo. Nulla  
*virgin.* beſtiarum ſeiſſam domat: ſolius hominis  
eſt cicurari à ſeiſſo, vel ut rectius dicam,  
ultro ſeiſſum offerre cicurandum. Augu-  
ſtinum iterum excellentiſſime hac de re diſ-  
ferentem audiamus: verba illius fide opti-  
*Aug.* ma recitabo. Homo, inquit, domat feram,  
*ibid.* non domat linguam. Domat leonem &  
non refrenat ſermonem. Domat ipſe, &  
non domat ſeiſſum. Domat quod timebat,  
& ut ſe domet, non timet quod timere de-  
bebat. Addit: Attendite ſimilitudinem ab  
iſſis beſtiis quas domamus. Equus non ſe  
domat; Camelus non ſe domat; Elephan-  
tus non ſe domat; Aſpis non ſe domat;  
Leo non ſe domat; ſic & homo non ſe do-  
mat. Sed ut dometur equus, bos, camelus,  
elephantus, leo, aſpis, quæritur homo:  
Ergo



DE VITI. LIN. MED. 739

Ergo Deus quærat, ut dometur homo. Ergo, Domine, refugium tu factus es nobis. Conferimus nos ad te, & bene nobis erit de te. Malum est enim nobis de nobis. Quia dimisimus te, dimisisti nos nobis. Inveniamur ergo in te, quia perieramus in nobis. Quid ergo fratres mei? dubitare debemus quia mansuetos nos faciet Dominus, si nos domandos ei præbeamus? Domuisti leonem, quem non fecisti: non domat te qui fecit te?

Hoc igitur studiosissime laboremus ut nos nostramque linguam Deo domandam, per preces præbeamus. Ipsemet Augustinus quod sermone docuit, exemplo firmavit. Siquidem de seipso fassus: Quo-  
*Aug. lib. 10. Conf. c. 37. initio.*  
 tidiana, inquit, fornax nostra est humana lingua. Imperas nobis, Domine, & in hoc genere continentiam. Da quod jubes, & jubere quod vis. Tu nosti de hac re ad te gemitum cordis mei, & flumina oculorum meorum. En Augustinum non solum orantem, sed & plorantem, ad evitandum linguæ venenum. Quisquis igitur, bene vult loqui, bene oret: primum & pæne princeps vitiosæ linguæ remedium est ORATIO.

I. I. Alterum est ASSIDUA COGITATIO DEI VBIQUE PRÆSENTIS. Heu quales per Orbem sermones volant, quam impuri, quam pestilentes! Quisquis es, obsecro, vel sola cogitatione Orbem obi, & ausculta, quam ridicula, vana, foeda, noxia loquantur homines, perinde si nullus sit Deus qui omnia singulaque audiat, omnia singulaque iudicaturus & puniturus. Illorum insipientium infiniti sunt, qui dicant in corde suo, Non est Deus. Is certe Deus his talibus non videtur esse qui lenissimos quosque susurros & occult-

occultissimas quasque cogitationes audiat. Hinc nemo quod bonum est loquitur, nemo quod purum sanctumque est cogitat.

*Luc.*  
*c. 14.*  
*v. 17.* Siquis hodie Cynicus Diogenes cum la-  
ternula obeat, seseque confabulantium cir-  
culis inferat, ponatque illam Domini quæ-  
stionem: Qui sunt hi sermones, quos con-  
fertis ad invicem? Plurimi, vix dubitem,  
faterentur quod res est, & hi quidem dice-  
rent: \* acuius linguas & absentes egregie  
vellicamus; se tamen obtrectatores esse ne-  
garent. Alii: miseras nostras vicissim que-  
rimur; hoc pallio murmuraciones hi tegunt.  
Alii: rumores novos narramus. Deberent di-  
cere, nugas, fabulas, nec non mendacia tra-  
ctamus. Isti: bona verba damus, hoc est,  
adulamur & palpamus. Illi: est nobis de a-  
liquo controversia, sic rixas & jurgia hone-  
sto nomine defendere solemus. Essent qui  
dicerent: † Fallendo temporis sermonis sym-  
bolas conferimus; rectius responderent o-  
tiosa miscemus colloquia, susurriones agi-  
mus. Sed neque inverecundis & lascivis de-  
esset larva, quam suis spurcitiis oppanderent,  
\* facetos se atque hilares esse affirmarent. Ita  
pessimis quibusque colloquiis honestos  
titulos præfigimus. Nemo quod bonum est  
*Hier. c.*  
*s. v. 6.* loquitur. quod inde fere provenit, quia ne-  
mo Deum ubique præsentem reveretur.  
Quod si Christianus aliquis Diogenes inter-  
rogando pergat: Quid sunt hi sermones ve-  
stri? quo in numero censendi, quo præmio  
afficiendi, vel supplicio? num eos Deo place-  
re creditis? Hic fere risus & irrisio responsi  
vice sequeretur, aut certe frigidissimum im-  
probæ

\* Wir richten die Leut auß.

† Wir tragen die Häfele zusamē.

\* Wir seind lustig vnd guter ding.



probæ linguæ patrociniū. Nam etsi Deum  
ubique præsentem credimus, certe non co-  
gitamus. Hanc autem cogitationem Grego-  
rius Neocæsariensis reprimendæ verborum  
levitati efficacissimam ducebat, quando va-  
niloquiis nostris Majestas divina (si posset)  
in tristitiam daretur. Certe beatus Paulus  
cum jussisset Ephesios omni sermone malo  
abstinere, tanquam rationem reddens: Et  
nolite, inquit, contristare Spiritum sanctum.  
Veteris Philosophiæ præceptum est: Sic lo-  
quendum esse cum hominibus, tanquam  
Dii audiant; sic cum Diis tanquam homines  
audiant. Hoc fere sensu sapienter præcipit  
& Seneca: Sic vive cum hominibus, tan-  
quam Deus videat; sic loquere cum Deo,  
tanquam homines audiant. Profecto ad om-  
nem vitæ licentiam & improbitatem pluri-  
mis expeditissima via est, hæc unica cogita-  
tio: *Solus sum, & nemo me videt.* Tunc mala  
consilia agitant: tunc aut aliis aut sibi futura  
pericula struunt: tunc cupiditates improbas  
ordinant: tunc quicquid aut metu aut pudore  
celabat animus expromit, tunc audaciam  
acuit, libidinem irritat, iracundiam instigat.  
Ita se solum esse credere, à nemine videri, à  
nemine audiri, scelerum grandis stimulus  
est. Quisquis igitur cupit frenare linguam,  
assidue Dei præsentiam cogitet. Tanto quis  
cautius loquetur, quanto sibi altius impresserit  
hoc unum: *Audiris; Angeli audiunt, Deus  
audit, & tu dictorum rationem posceris suo tempore.*  
Beatus Petrus ad id hortatus: Si quis loqui-  
tur, inquit, quasi sermones Dei. Deus ubi-  
que præsentissimus, & spectator & auditor  
est omnium. Hic te rogo, mi Lector, Nice-  
tam meum non gravate adi, & vide quæ il-

Ephes.  
cap. 4.

v. 30.

Macro.

lib. 1.

Saturn.

Sen.

Epist.

10.

fine.

10.

fine.

10.

fine.

10.

fine.

10.

fine.

10.

fine.

10.

fine.

10.

fine.

10.

fine.

10.

fine.

10.

fine.

10.

fine.

10.

fine.

10.

fine.

10.

fine.

10.

fine.

10.

fine.

10.

fine.

10.

fine.

10.

fine.

10.

fine.

10.

fine.

B b b

lic. 10.

Quic-

quid autem Anno 1621 per sacros dies Adventus Domini-  
ci, coram Serenissimo Electore ac Duce Bavariæ Maximilia-  
no, de Dei præsentia pro suggestu explicatum est, id omne in  
epitomen velut cliquatum, dicto capite proponitur.

lic de Dei præsentia in omni loco explicate traduntur. Quare alterum curandæ linguæ remedium est, *Affidua Dei ubique præsentis cogitatio.*

III. Tertium est PRÆMVNITIO ET ANIMI PROVISIO AD LOQVENDVM. Hic nobis commodum est jam proxime priori dissertatione monuisse observandas in loquendo circumstantias. Quod prisci patres varie confirmant. Ambrosius particulatim: Sapiens, inquit, priusquam loquatur, multa considerat: quid dicat, cui dicat: quo loco, quo tempore dicat. Nimirum hæc prius animo cogitanda, quam laxanda lingua. Augustinus erudite: Sicut eligis, inquit, quo vescaris, sic elige quod loquaris. Cibum per os ingressurum examinas, cur non etiam egressurum per os verbum, quod sæpe graviores tragœdias excitat in tua domo, quam cibus in tuo stomacho. Bonaventura opportune: Pro-

*Aug. in psa. 51.*

*Bona. par. 3. Be.c. 3.* vide tibi, ait, antequam prodas sermonem, prudentique consideratione omnia præveni. Quemadmodum egressurus domo, undique se circumspicit, an vultus, an vestis, an omnia decore in publicum efferantur: ita locuturus videat quid publico committat. Et sicut propugnaculi portæ non nisi cautissime & post omnia solerter explorata referantur, ita nec os, arcis animatæ ostium, prius pandendum quam vigilanter omnia circumspiciantur. Eo spectant tot Hebræi sapientis monita: Noli citatus esse in lingua tua. Ne temere quid loquaris: verba prudentium statera ponderabuntur. Nec Hieronymi monitum abludit: Prius verbum transeat per limam quam per linguam. Et quamvis omnibus actionibus necessaria sit lima, maxime tamen sermoni. Et sicut stupam hami ferrei pectunt, lanam ferreus pectunt



ten carminat, sic verba prius peccenda sunt  
& carminanda quam venalia in forum pro-  
trudenda.

Pæmenius abbas antequam ceteros so-  
ciorum accederet, prius animum hora una  
iussit esse præsentem, & quid loquendum  
esset, cogitatione complexus est. Et hunc  
sibi morem voluit esse perpetuum, quem  
homines religiosi hodieque imitantur hac  
ratione, dum singulis diebus prima diei ho-  
ra animum in id defigunt quod ea die plu-  
rimum profit ad bene agendum & loquen-  
dum. Alicubi moris est inter religiosos vi-  
ros, ut post mensam non prius inter se col-  
loquantur, quam in templo \* locuti fuerint *Aut*  
cum Deo. Mos probus, & pluribus imitan- *proximo*  
dus. Hanc animi præmunitionem seu præ- *facello.*  
parationem ad loquendum Siracides insig-  
nite docens: Aurum tuum, inquit, & argen- *Eccli.*  
tum tuum conflagra, & verbis tuis facito stete- *c. 28.*  
ram, & frenos ori tuo rectos, & attende ne *v. 29.*  
forte labaris in lingua, & cadas in conspectu *Eccl. 30.*  
inimicorum insidiantium tibi, & sit casus  
tuus insanabilis in mortem. Et libellam &  
habenam ex argento & auro exigit hic præ-  
ceptor, ut sic omnia quæ ab ore prodeunt,  
vel ad Dei honorem vel ad aliorum bonum  
referantur. Sic animus ad loquendum præ-  
muniendus est. Sed sequitur.

IV. Quartum remedium, adversus omne  
vitium, Linguae præsertim, potens est,  
MVLCTAM SIBI DICERE, EAMQUE  
A SEIPSO EXIGERE. Omnes vitiosos ha-  
bitus à se remove non difficile illi erit, qui  
capitalem triumvirum in seipsum egerit. E-  
gregiæ virtutis est seipsum apud se accusare,  
reprehendere, mulctare, sibi nihil condona-  
re. Christiano sensu Seneca: De nullo, in- *Sen. l. 5*  
quit, queri possum alio quam de me. Ego *de Ben.*  
mihi irascor, &, Ego à me poenas exigam. *cap. 7.*

Nos contrarium plerunque facimus, errores nostros tegimus, excusamus, comimus, polimus, & errasse nos negamus, alios audacissime accusamus. quin ergo saltem facimus, quod malus scriba, qui creberrimos errores suos scalpello eradit, aut malus pictor qui penicillo inducit: ita & nos si quid erratum est, voluntariis poenis deleamus ipsi, nec expectemus, dum alii à nobis poenas repetant. Ille omnino in virtutum studio plurimum proficit, qui quotiescunque peccasse se cognoscit, mox aliqua se poena mulctat & ipse suus sibi monitor est: En, ait, iterum iurasti, mentitus es iterum, iterum maledixisti, de aliis iterum (quod jam sæpissime) detraxisti: in poenam hoc stipis da pauperi, has preces recita. Qui superbix delictum in se observasset, sibi non male imperaret: procumbe ô superbe, & matrem tuam, terram osculare. Idem in delictis aliis utilissime fit. Et certe, si nosmetipsos dijudicaremus, non utique iudicaremur. Hæ tales voluntariæ poenæ non tantum hominem sibi ipsi, sed & Deum homini mire conciliant, & lapsus futuros sæpissime de facili cavent.

1. Cor.  
c. 11.  
v. 31.

Zib. 4.  
Formic.  
cap. 3.  
Ioannes  
Nyder  
qui  
anno  
1430.  
No-  
rimber-  
ge  
Anti-  
stes  
fuit in  
S. Do-  
minici  
fami-  
lia.

E Sancti Dominici familia vir pius & eruditus narrat, fuisse virum nobilem ævo suo, qui à puero assueverat Deum & Cælites verbo violare, aliis pessime precari. Has voces puer in aula hauserat, quas & senex assidue jactarat. Displicuit viro inolitum hoc suum vitium, statuitque apud animum suum sæpius tam fædam loquendi labem dediscere, nec tamen dediticit: pugnavit secum aliquamdiu, raro victor, nam lubricæ linguæ præcipitio abreptus ruebat in antiqua. Quare sacerdotem, super hac re consuluit rogavitque pharmacum suggereret, huic morbo expugnando. Sacerdos mitior quam par erat, molli spongia hanc vomitum non rupit, sed



sed demulsit. Interim vir ille nobilis in eundem morbum identidem revolvebatur. Aliquid vitii amputatum erat, non extirpatum vitium. Quocirca seipsum vir generosus aggreditur, & hanc sibi poenam decernit, ut quotiescunque lingua Deum hominesve peteret, eo die carnibus abstineret. Et ne sibi quidquam ipse indulgeret, famulis severe præcepit, ut execrationes suas & maledicta numerarent, & quemcunque numerum subnotassent, jussi dicerent. Principium, ut solet, tam fuit difficile, ut anno fere dimidio, à carnium esu non sine violentia se continuerit, ne animi sui decretum violaret. Et quamvis aliquanto tempore in Principis cujusdam aula degeret, nihilominus instituti tenax perseveravit quod cæpit. Hac demum abstinencia ita seipsum triumphavit, ut quicquid vitii pessima consuetudine contraxerat, generose prorsus expugnarit, victor sui sui tantum? diabolorum omnium. Eo sane tempore, inquit, quo virum familiariter nosse cœpi, nec ullam amplius voculam impiã misit. Addit prioribus:

Civis Augustanus simili urgebatur vitio, qui hanc ipse sibi poenam indixit, ut quoties verba impia jaceret, graphio vel cultello alio guttam sanguinis eliceret, è manu aut brachio. Non multum sanguinis fudit, & improbam consuetudinem feliciter vicit. Tanti est vitium quodcunque hac parte aggredi, & velle vincere. Vicit quisquis ita vincere voluit. Et ut dicta firmemus, idem ille scriptor subjungit ista. Civis Memmingæ opulentus in eandem execrandi consuetudinem prolapsus, hanc sibi multam statuit, ut quoties divinum nomen minus reverenter appellaret, aut aliter lingua delinqueret, eo die genium vino fraudaret, & fontem biberet, idque sine ulla ex-

ceptione vel venia. Non diu aquam bibit, & linguam domuit, à consuetudine tam improba penitus liber. Quid nos? an dicemus, tanti non emimus linguæ victoriam? nihilne ignavi facere aut pati sustinebimus, ut oris vitia extirpemus? an Christum clamantem non audimus? Bonum tibi est ad vitam ingredi debilem vel claudum, quam duas manus, vel duos pedes habentem mitti in ignem æternum?

*Matth.*  
*c. 18.*  
*v. 8.*

Quisquis igitur vel linguæ procacitatem, vel aliud quodcunque vitium in se cupit expugnatum, hoc agat, & voluntariis se poenis toties moneat, quoties deliquisse contigerit. Non est efficacior, non est sanctior vindicta quam sui ipsius. Hoc prorsus modo & domari lingua, & quicquid vitiosi vivit in animo, superari poterit.

## C A P V T L X.

*Alia quatuor Medicamenta vitiosa Linguae curanda.*

**F**Vit qui lautissimam suppellectilem in domo aliena curiose intuitus, aliquid tamen deesse diceret. Cumque interrogaretur: quidnam illud sit quod desit? Respondit: Instrumentum quod humanæ genti summe necessarium. Interrogatus porro, quale hoc instrumentum sit? At ille: Linguarium, inquit, quo lingua occludi solet. Sane rem dixit: pars nulla suppellectilis tam necessaria est, atque hoc ipsum, quod diximus.

*Sen. l. 4*  
*de beneficiis*  
*c. 36.* Romanus sapiens linguæ temerariæ mentione injecta: Verba mea redimam, inquit, & aurem mihi pervellam: damno castigabo promittendi temeritatem Ecce ut doleat, ut postea consideratius loquaris: quod dicere solemus, linguarium dabo. Coepimus & nos



& nos Linguarium dare, & Remedia suggerere linguis omnibus tam temere loquentibus. Quatuor omnino medicamenta distavimus, polliciti addere plura. Nunc addimus quatuor alia quæ linguam incautam aut nimis licentiosam coërceant.

I. Quintum Medicamentum, PROPOSITA QVOTIDIANA. Qui sanam cupit linguam diebus singulis cum Hebræo Psalte seipsum his extimulet: Dixi, dico, dicamque millies. Custodiam vias <sup>Pf. 38.</sup> meas, ut non delinquam in lingua mea; <sup>v. 1.</sup> Posui, ponamque ori meo custodiam. Nisi quotidie hoc animi decretum innovetur, oblivione facillime sepelitur. Viator eques si maximi momenti literas, aut multum auri in equo secum vehat, aliquoties de die & oculis & manibus explorat, an hippoperam etiamnum habeat: qui sacculo summi momenti clavem circumfert, sæpius in die sacculum manu pertentat, num clavem illam non amiserit. Clavis oris in area cordis sit: qui rei suæ serius est custos, saltem semel iterumque quot diebus ad hanc clavem attente respicit. Iobus de seipso: Gloria <sup>Iob.</sup> mea, inquit, semper innovabitur, & arcus <sup>c. 29.</sup> meus in manu mea instaurabitur. <sup>v. 20.</sup> Hoc agam ut vires meæ, meaque brachia non languescant, nec consenescat robur meum, sed augeatur potius & crescat: sic omnino qui recte loquendi artem condiscere desiderat, ad discendum se quotidie componit; meditatur, reputat, perpendit, quibus demum modis linguam efformet modestam & parcam verborum.

Sed objeceris: Non præsto quæ propono, cur proponam frustra? Pusillæ fidei homo; tu modo conare ac propone: si non omnia, multum tamen præstabis eorum quæ proposueris, quæ honesta mente con-

Ma-  
dauren-  
sis Phi-  
los.

2. Par.  
c. 15.  
v. 14.

Prov.  
c. 10.  
v. 21.

ceperis. Nam si paria propositis facta responderent, quid nobis esset sanctius? Interim non est, quod contemnamus proposita bona, & bonis cogitationibus plena præcordia. Studiorum salutarium, etiam citra effectum, laudanda tractatio est. Omnibus bonis in rebus conatus in laude, effectus subinde in casu est. Si Deum & promissa divina spectes, in plurimis firmissime proposuisse, idem est quod fecisse. non tantum facultas præmium habet à Deo, sed sola etiam voluntas. Neque vero nos languidum & iners propositum exigimus: vix ullarum est virium frigidissimum illud, *volo facere, volo frenare linguam.* Hebræi olim regem Asam secuti (quod regii Fasti memorant) juraverunt Domino voce magna, in jubilo &c. in omni enim corde suo juraverunt, & in tota voluntate quæsierunt eum & invenerunt. Tale tuum, mi Christiane, sit propositum, quale illorum erat juramentum: *In omni corde tuo, & in tota voluntate tua* propone ac statue: Custodiam vias meas, ut non delinquam in lingua mea. Hactenus toties mentitus, alios toties calumniatus, toties lasciva sum locutus; antehac frequenter murmuravi, frequentius inaniter me jactavi, aliorum laudibus frequentissime obtrectavi; quis numeret, quoties juraverim? Dixi, iterumque dico; deinceps emendatius loquar; Propono ac statuo firmissime, *& in omni corde meo*, non mentiri, non calumniari, nil obscœni loqui amplius: deinceps me jactare, aliis detrahare, obmurmurare & jurare studiosissime cavebo. Sic lingua tua semper innovetur, sic arcus tuus in manu tua quotidie instauretur. Hæc propone diebus singulis, non frustra id facies, bonis conatibus nunquam excides. Labia justī erudiunt plurimos. Eruditionem autem quam cum aliis commu-



communicant, nec sibi ipsis per sancta proposita negant. Ergo, Beatus vir cuius est *Pf. 83.* auxilium abs te, Domine, ascensiones in corde suo disposuit. Non solum ascensiones disponit bonas, sed & bene ascendit, qui quotidie linguæ custodiam efficaciter proponit. Sed ulterius.

II. Sextum Medicamentum. C O L L O Q V I A P I A. Divinæ paginæ cælum sæpius referatum memorant, id tamen nunquam sine gravi causa & grandi utilitate factum. Israël's populo æther quotidie patuit, cum manna, roscidum illud pabulum è cælo sereno ac puro demissum. Mandavit *Pf. 77.* nubibus desuper, & januas cæli aperuit, & *v. 23.* pluit illis manna ad manducandum. Cum Ioannes Christum Iordanis aqua tingeret, Ecce aperti sunt ei cæli, & vidit spiritum *Matth.* Dei descendentem sicut columbam. Cum *c. 3.* Stephanus lapidum imbre obrueretur, clamavit, Ecce video cælos apertos, & filium *v. 16.* hominis stantem à dextris Dei. In sacris *Act. 7.* paginis homo mentis puræ confertur cælo. *v. 56.* Hoc sensu dictum: Cæli enarrant gloriam *Pf. 18.* Dei. Cælorum istorum janua est Lingua: *v. 1.* hanc cæli januam pandi non vult Deus nisi iusta de causa, ut vel submittatur manna, vel sacra descendat columba, ut sermo vel boni sit exempli, vel eruditionis non spernendæ: colloquia quamvis non noxia, si tamen otiosa, cælo certe non descendunt. Quod vapores exhalet terra, quod paludes & stagna progenerent ranas, nil novi est, natura fit auctore: quod cælo ranæ decendant, quod vapores inde descendant, novum quid est, & extra naturæ leges fit: quod homines impuri & impii scurriliter, inverecunde, mendaciter, lascive loquantur, quod de multis detrahant, multos irrideant, plerisque omnes contemnant, quod jurent & B b b 5 pejerent,

pejerent, nil miri est, terra sunt, tales illa vapores ruſtat; paludes & ſtagna ſunt, has illa ranas generant. At vero quod ii Chriſtiani qui probi ac ſancti videri volunt, qui cælo conferri cupiunt, non ſaniora vel caſtiora proloquantur, quod æque ac fæx hominum, his maledicant, hos mordeant, illis adulentur, iſtos conviciantur, quod majoribus obloquantur, inferiores calumniantur, quod etiam hi verba otioſa, falſa, ſubinde & foeda proferant, quod vaniloquentiam, ſtultiloquium, ſuperbiloquentiam ſermonibus miſceant, hoc mirum, ter mirum ſit. Et unde quæſo hæ ranæ ab hoc cælo? quomodo tam foedi vapores ex hoc æthere delapſi? Vide, mi Chriſtiane, quale ſis cælum, & quam impurus aër, è quo non manna deſluit, non columba deſcendit, ſed culices, ranæ; turpes, pernicioſæ beſtiolæ, ſermones vani, ſpurci, noxii, exempli peſſimi delabuntur. Si cælum haberi vis, manna deplue, religioſum quid loquere; Deum, divina, divos colloquiis miſce. Subinde, obſecro, ſubinde ſaltem ſpiritale quid ſermonibus inferatur; hoc animum nutrit & roborat: & tales etiam quærendi ſunt ſocii, qui de his talibus ſermonem cum aliis copulare norint.

*Prov.  
c. 20.  
v. 15.*

Eſt aurum, inquit Salomon, & multitudo gemmarum, vas autem pretioſum, labia ſcientiæ. Eſſi ſermo eloquentiam Atticam non habeat, modo pietatem Chriſtianam redoleat, & aurum & multitudinem gemmarum ſuperabit.

Beatus Ludovicus, Tolofanus præſul, magnus animo & virtute, qui vana colloquia cane & angue pejus oderat, dicere ſolebat, quod & vere ſentiebat: Grata mihi piorum & bonorum familiaritas, quia ab his eruditio & pietas eſt, non ſecus atque ab aromatibus odor.

Divus



Divus Chrysostomus hoc auditoribus indentidem inculcans : Utinam , inquit , cum *Chrysos. to. 3. serm. de premiis Sancti. mihi pag. 830.* cenatur , cum prandium sumitur , cum lavatur , cum denique reliqua peraguntur , de gehenna fieri & apud vos mentionem : nec enim illius formidine , aut hic adversa videntur gravia , aut pro suavibus prospera haberentur. Hæc certe ridicula videbuntur , si cum gehennæ incendio comparentur. Ad-

dit : quorum narratio frequentius iteranda est , quando gehennæ ejusmodi recordatio nos eam incidere haud finit. Idem sanctissimus Orator , ut vel precibus hoc persuadeat : Et ideo rogo , inquit , ut *Chrys. to. 1. in Ps. 111. med. mihi pag. 697.* gehennæ memineris , de gehenna loquaris. Ita animam tuam compone , pulchramque ac decoram effice. Magna est enim horum verborum utilitas. Et ideo diabolus omnia facit & molitur , ejus volens auferre memoriam. Noli eam è memoria ejicere , nec dicas , Quid me importuna afficiam tristitia ? Importuna erit , quando angeris in gehenna. Hoc est tempus tristitiæ , non illud.

Augustinus colloquium cum matre initum narrans : Deo , inquit , ita disponente accidit , ut ego & ipsa soli staremus incumbentes ad fenestram , unde prospectus in hortum. Colloquebamur ergo soli valde dulciter , & præteritorum obliti quære-  
*Aug. l. 9. Confes. c. 10.*  
 bamus inter nos , qualis futura esset vita æterna sanctorum , quam nec oculus vidit , nec auris audivit , nec in cor hominis ascendit. Cumque ad eum finem sermo perduceretur , ut carnalium sensuum delectatio quantalibet præ illius vitæ jucunditate , non comparatione , sed nec commemoratione quidem digna videretur ; erigentes nos ardentiori affectu in id ipsum , perambulavimus gradatim cuncta corporalia , & ipsum cælum. Et adhuc

adhuc ascendebamus cogitando & loquendo te, & mirando opera tua, & venimus in mentes nostras, & transcendimus eas, ut attingeremus regionem ubertatis indeficientis, ubi pascis Israël in æternum veritatis pabulo. Dum loquimur & inhiamus illi, attingimus eam modice toto ictu cordis, & suspiravimus, & reliquimus ibi religatas primitias spiritus & remeavimus ad strepitum oris nostri, ubi verbum & incipitur & finitur. Dicebamus talia, etsi non isto modo & his verbis, tamen Domine tu scis, quod illo die cum talia loqueremur, & mundus iste nobis inter verba vilesceret, cum omnibus delectationibus suis.

En nobile paradigma pii colloquii, simul & illius maximos quæstus. Pium colloquium nunquam suis destituitur emolumentis.

*Chrys.*  
*tom. 5.*  
*hom.*  
*15. ad*  
*pop. mi-*  
*hi pag.*  
*116.*  
III. Septimum Medicamentum. O C-  
C A S I O N V M F V G A. De hac insignissime Chrysostomus: Iuxta præcipitium vadens, inquit, quamvis non decidat, tremit tamen, & sæpenumero ab ipso subversus tremore decidit: ita & non procul peccata fugiens, sed secus ipsa vadens, cum timore vivit, & in ipsa labitur sæpius. Etenim alienas curiose spectans formas, quamvis non mœchetur, tamen concupivit, & juxta Christi sententiam factus est adulter: sæpius autem ab ipsa concupiscentia in peccatum re ipsa deferitur. Vis modestus esse? ne tantum fugias adulterium, sed etiam petulantem aspectum. Vis à verbis turpibus abesse? ne verba tantum turpia fugias, verum & risum solutum, & omnem concupiscentiam.

Facile autem scire est; tali aut tali loco fabulatores conveniunt, hic nugæ & mera somnia narrantur, hic foedi & impudici sermones, hic rixæ atque jurgia miscentur, illic



lic grandiloquentiam stultiloquentia comes deducit, isthic obtrectiones merissimæ in medium proferuntur: fuge, quisquis es, fuge hos linguarum improbos mercatus, has pestilentes nundinas, fuge insidiosas has panegyres, quæ non crumenam vulnerant, sed conscientiam.

In conviviis quam animosa loquacitas dominetur, res nota est. Hinc non illepide nescio quis dixit: In conviviis primum est silentium; Conticuere omnes, sequitur stridor dentium. Hunc excipit clamor gentium: ubi convivæ vino incaluerè, nemo non loquitur; imo nemo non clamat. Hic attende tibi, hic cave, aut tutius non accede. Quis nescit has apud se rationes ponere? quotiescunque ad hunc usque diem inter hos homines, in hac domo fui, minor homo redii, semper querelas, semper obtrectiones non tantum audiui, sed etiam adjuvi, & meam quoque linguam colloquiis malis commodavi: ergo & hanc domum, & hos homines, quantum potero, studiosissime cavebo.

Quam multi non possunt seipfos non eatenus nosse, quin apud animum suum taciti fateri cogantur, & iste quidem hoc: Quoties probe appotus sum, toties rimarum plenus sum, poenitenda promitto, stultissima quæque garrio, & omnia effutio; arcanum apud me nullum est, cum mea lingua vino permaduit: Iste vero hoc sibi de se fatetur: Cum irascor, instar tauri sum, qui omnia rupit vincula, imo urus sum indomitus, omnia sternens & calcans. Quapropter ebrietatis ille, hic iræ occasiones omnes fugiat. Labia justî considerant placita, & os *Prov.* impiorum perversa. Homo recti amans stultissimè declinat, quicquid ansam præbet *c. 11.* vetitæ dicacitati: homo pertusæ conscientiae ultro amplectitur quicquid invitat ad loqua-

loquacem stultitiam. Verissime dixit Chrysostomus : Magnus laqueus est linguæ pertulancia , & multæ refrenationis indigens. Hic vero laqueus fugiendo effugitur. Occasiones fugere statuisti ? jam pæne hunc laqueum effugisti. Hos occasionum laqueos non fugis ? occinetur tibi sæpius : Illaqueatus es verbis oris tui , & captus propriis sermonibus. Olim ad Abbatem Lucium venit Longinus Abbas , & animum suum aperuit , velle se peregrinari , idque sibi jam pæne certum esse. Lucius ut & ipse sincere diceret quod sentiret : Mi Longine , inquit , nos ipsos frustra fugimus , & labore irritò peregrinamur , nisi eo loci ubi sumus , linguam in vincula damus : si hic linguam tuam non continueris , quocunque iveris , peregrinus non eris. Linguam , ubi es , hic refrena , & eris peregrinus , tametsi locum non mutaris. Sic est : non raro cum locum ex loco mutamus , occasiones quas quieti vitare poteramus , adimus , & charybdim fugientes in scyllam incidimus. Vide igitur ut occasiones perite fugias , contentiosos , iracundos , contumeliosos , caute declines , quod Hebræus sapiens varie monet : Non litiges cum homine potente. Non contendas cum viro locuplete. Non litiges cum homine linguato , & non strues in ignem illius ligna. Verbosus & linguax homo ignis est ; qui jurgatur cum tali , perinde facit , ac si ligna ministret igni , & flammam bene sopitam male suscitet. Quapropter contentiones & plurimam oris intemperiem vitabit , qui occasiones fugerit.

IV. Octavum remedium , MODERATIO SERMONIS , seu , PAVCULOQVIVM. Ut bene loquaris , plurimum juverit , parce , moderate , submisce , & minime properanter loqui. Qui verba  
cum

Chrys.  
tom. 5.  
hom.  
15. ad  
pop. m.  
hi pag.  
116.  
Prov.  
c. 6.  
v. 2.  
Pelag.  
lib. 10.  
n. 33.  
apud  
Ros-  
sweid.

Eccli.  
c. 8.  
v. 1. 2.  
et 4.



cum tumultu fundit & præcipitat, proximus est multiloquio, ubi multiloquium est, proximum plerunque peccatum est. Sapientum monitum est : Auribus frequentius utere quam lingua. Hoc Siracidæ tot præceptiones confirmant : Priusquam audias ne respondeas verbum. Audi tacens, & pro reverentia accedet tibi bona gratia. In multis esto quasi inscius, & audi tacens simul & quærens. Quocirca qui odit multa vel præva loqui, in hoc omni studio incumbat, ut libentius audiat quam loquatur, & ubi loquendi fuerit vel necessitas vel facultas, ea non sine grandi verborum parsimonia utatur. In hunc finem conducet tractum dicere quæ proferenda erunt, nec agglomerare verba vel convolvere : blatero stans pede in uno centuriam verborum profundit, antequam alter vix decuriam pronuntiarit. Siracides hic aurem acriter pervellens : Noli, ait, citatus esse lingua, & remissus in operibus tuis. Vnam epistolarum Seneca sic claudit : Summa ergo summarum hæc erit : Tardiloquum te esse jubeo. Voce pressiore loqui præsertim apud ægrotos, valde convenit, & alias etiam clamare uti inurbanum & agreste, & subinde molestum aliis, sic signum est eum qui loquitur, aut à vino aut certe ab affectu ebrium esse, aut parum rei latere sub verbis adeo tumultuantibus : Terribilis est in civitate sua homo linguosus, inquit Siracides, & temerarius in verbo suo, odibilis erit. At contra de veris Orbis delictis, Christo, prædixit Isaias, ore divini Patris locutus : Ecce servus meus, suscipiam eum, electus meus, complacuit sibi in illo anima mea : dedi spiritum meum super eum, judicium gentibus proferet. Non clamabit, neque accipiet personam, nec audietur vox ejus foris. Ita qui rixas odit, clamores vitat ;

Eccli.

c. 11.

v. 8.

c.

c. 32.

v. 9.

c. 12.

Eccl.

c. 4.

v. 34.

Sen. e.

pif. 40.

fine.

Eccli.

c. 9.

v. 25.

Isai.

c. 42.

v. 1.

c. 2.

Ex

Ps. 33.

v. 13.

Chryf.

20. x. in

Ps. 33.

mibi

pag.

727.

C seq.

tat; clamare & rixari plerunque vicina sunt. Ergo si vis videre vitam, inquit Chrysostomus, si vis invenire dies bonos, Cohibe linguam tuam à malo. Quanti modo dicunt, *Nolo*, qui dicebant, *Volo*: Qui veteraverunt in detractionibus, qui mordent & comedunt humanas carnes, detrahendo, non timentes ne ab invicem consumantur; qui adulationibus suis linguam impendant. Quisquis es, si vitam vis, si dies bonos diligis, cohibe linguam tuam a malo, imo etiam quandoque à bono cohibe, ut cohibere possis à malo. Parce loquere, & omnem verborum redundantiam præcide: laudabilior est verborum parsimonia, quam pecuniæ, imo etiam sæpe utilior: qui numos profundit, tanto magis prodest aliis quanto minus sibi, qui prodigus est verborum, & sibi nocet & aliis. Pauciloquium, vitiosæ linguæ pharmacum est saluberrimum.

## CAPVT LXI.

*Ultima quatuor Medicamenta ad improbam linguam emendandam.*

**M**EL non solum dulce ac delectabile, sed etiam salubre, cum temperanter sumitur. Galenus & præcipue Arabes omnes moderatum mellis usum maximis laudibus ferunt. Sapientissimus Regum Salomon, eruditam linguam laudaturus: Favus mellis, inquit, composita verba: dulcedo animæ, sanitas ossium. Septuaginta Interpretes Hebræi sic loquuntur: Mellis favi, sermones boni, dulcedo autem eorum sanitas animæ.

De his favis, & de melle isto Chrysostomus, lingua nescio an aurea, an mellea disferens: Hoc enim mel, inquit, non silvestres quæpiam apes floribus insidentes colligunt, neque rorem maturantes alvearibus

immit-



immittunt : sed spiritus sancti gratia con-  
 struens pro favis & alvearibus & fistulis, in  
 Sanctorum oribus recondit , ut volenti li-  
 ceat cum libertate jugiter vesci. Et, si vis il-  
 lorum discere mensam , accede propius , &  
 eos experieris talia eructantes. Omnia mi-  
 tia & jucunda, & spirituali odoris suavitatem  
 plena. Nullum turpe verbum possunt illa  
 ora emittere, nihil scurrile, nihil asperum ,  
 sed omnia cælis digna.

Et quemadmodum mel, quia cibus est, re-  
 ficit; delectat, quia dulce; medetur, quia sa-  
 lubre; sic & lingua melle illo imbuta & do-  
 cet, & delectat, & movet. De lingua hac Au-  
 gustinus sic loquitur; Vnde dixit quidam e-  
 loquens , & verum dixit : Ita dicere debere  
 eloquentem , ut doceat, ut delectet , ut fle-  
 ctat. Docere necessitatis est , delectare sua-  
 vitatis , flectere victoriæ. Mellis favi , ser-  
 mones boni. Ideo Hebræus rex hortatur ;  
 Comede, fili mi, mel quia bonum est, & fa-  
 vum dulcissimum gutturi tuo. Sed est alius  
 linguæ favus , sed heu noxius & fatalis ,  
 quem idem regius scriptor studiosissime ca-  
 vendum monens : Favus stillans, inquit, la-  
 bia meretricis , novissima autem illius ama-  
 ra, quasi absinthium , & acuta quasi gladius  
 biceps. Hanc ob causam Hieronymus di-  
 xit : Lingua nil medium habet , aut grande  
 bonum est, aut grande malum.

Propterea sane operæ pretium est nervos  
 omnes intendere , ad comparandam eam  
 laudem quæ muto jam facundo tribuitur ,  
 Et loquebatur recte. Eo spectant remedia prio-  
 ribus dissertationibus suppeditata. Ex pro-  
 misso addimus, octo illis , ultima quatuor ,  
 omnia vitiosæ linguæ plurimum , si velit ,  
 profutura.

I. Itaque nonum linguæ morbidæ reme-  
 dium est SILENTIVM. Pauciloquium  
 Ccc tutum

tutum est in hostes propugnaculum, tutissimum vero silentium. Sæpe quis paucalocutus est, & maximum sibi aliisque damnum intulit. Loquendo innumerum, tacendo pauci delinquant, nisi cum nefas est tacere noxas. Arsenium nunquam tacuisse poenituit, locutum sæpe. Silentium optimus loquendi magister, bonarum cogitationum sanctorumque instinctuum causa est. Certe quod Ecclesiastæ credendum, prius est tempus Tacendi, quam tempus loquendi. Notum est illud priscorum:

*Eccles.*

*c. 3.*

*v. 8.*

*Trochai.*

*vet.*

*Iamb.*

*vet.*

*Obfuit multis loquela, nemini silentium.*

Oraculum est è tripode illud: semper tacere præstat, quam loqui indecentia. Ergo,

*Aut dic aliquid melius silentio, aut file.*

*Expers periculi est primum silentii.*

Integerrimus silendi magister Epictetus præceptiones auro scribendas tradens: Præscribe, inquit, tibi formam quandam aut legem quam custodias: quamque & ipse tecum, & in congressibus hominum observes.

*Epict.*

*Enchir.*

*c. 40.*

*41. 42.*

Ac majori quidem ex parte silentium præstetur; aut necessaria dicantur, eaque paucis. Raro autem cum se obtulerit occasio ad dicendum veniemus: sed non quidvis dicemus; non de gladiatoribus, non de ludis Circensibus, non de pugilibus, non de cibis aut potionibus, quæ res passim inculcantur. In primis autem de hominibus cum verba fiunt, ne eos vel laudemus, vel comparemus, caveatur. Quod si potes familiarium tuorum sermones tuis sermonibus, eo quo decet, traducito. Sin a peregrinis circumventus fueris, fileto. Præcepta vere Christiana, sancta. Nec alia tradit Annæus, qui Epicteto non inferior sapientia, silentium sic commendat: Nihil æque proderit, quam quiescere, & minimum cum aliis loqui, plurimum secum. Quamvis non Epictetus so-

*Sen. ep.*

*105.*

*vet.*

lum.



lum & Annæus silentii encomiastæ sunt & præceptores. Vox olim Sapientum erat :

*Athenea turris omnibus silentium est ;*

*Iambæ  
vet.*

*Silentium rebus gerendis omnia est ;*

*Vtilior haud est ulla res silentio.*

Charilaus apud Lacedæmonios celebratissimus philosophus , rogatus aliquando , cur nam Lycurgus tam paucas leges Lacedæmoniis sanxisset , respondit , ideo id factum , quod Lacedæmonii gens silentio assueta verborumque parca , non egeret multis legibus. Nec sacræ paginæ dissentiant. Sicut enim. In multis sermonibus invenietur stultitia : ita silentio sapientia comparatur , aut jam comparata demonstratur. Index non modestiæ solum , sed & sapientiæ silentium. Socrati olim nullum esse verissimilius sapientiæ signum præ silentio visum. Hinc illæ priscorum voces :

*Quandoque nil sapientius silentio ; Et*

*Stultus potest sapiens haberi dum filet.*

Qua de re interpres Epicteti Simplicius erudite : Omnis institutionis ratio , inquit , eo refertur , ut & à rebus externis , & à brutis suis affectionibus . & à corpore ad seipsum revocetur animus , ut suo more eodemque perpetuo tenore vivat. Quam ad rem silentium plurimum confert. Quæ causa Pythagoreis fuit , ut disciplinæ suæ efficacissimum jacerent fundamentum quinquennii silentium. Ut enim sensus animum ipsos auscultantem ad externa trahunt ( quod ii declarant , qui cum in sese descendere , & animi attentionem excitare volunt , oculos claudunt ) sic animum etiam sermo ad exteriora effundit , cujus effusionis remedium est silentium. Aut igitur tacendum , aut necessaria dicenda , & paucis interroganti respondendum. Lingua velut canis invadens omnes aut allatrans , catena constringenda , silentio domanda est. *Simpli-  
cius in  
c. 41.  
Epict.*

Sed quærit religiosissimus ille scriptor :

*Tho. de  
Remp.  
l. 1.  
Imit.  
Christi  
c. 10.*

Quare tam libenter loquimur , & invicem fabulamur : cum tamen raro , sine læsione conscientiæ , ad silentium redimus ? Quia per mutuas locutiones ab invicem consolari quærimus. Sed pro dolor , sæpe inaniter & frustra. Et unde obsecro inter homines profanos tam rarum est orationis aut piæ meditationis donum ? quia nullum inter eos viget silentium , totos dies garriunt & confabulantur , linguas nunquam non occupatas habent. Et sicut in molendino nemo discit submisce loqui , ita nec quisquam inter garulos pie meditari. Silentium canalis est quo aqua in altum agitur : Deum precari , seu pia meditari , & tacere. simul sint necesse est.

*3. Reg.  
c. 19.  
v. 9.*

*Thren.  
c. 3.*

*v. 28.*

*Ose.*

*c. 2.*

*v. 14.*

*Aug.*

*l. 7.*

*Confes.*

*c. 10.*

*initio.*

*Clim.*

*c. de*

*Loqua-*

*citate.*

*Prov.*

*c. 14.*

*v. 23.*

*Iob.*

*c. 11.*

*v. 2.*

Deus cum Mose solo loquitur extra turbas in monte Sinai ; cum solo Elia in monte Horeb. Nam cum venisset illuc (Elias) mansit in spelunca : & ecce sermo Domini ad eum. Cum omnibus prophetis, cum sanctis omnibus loquitur Deus , sed cum solis, sed silentio. Sedent solitarii & tacent, & levant se supra se. Deus nimirum , ducit eos in solitudinem ; & loquitur ad cor eorum. Augustinus de seipso faretur : Admonitus redire ad memetipsum , intravi in intima mea duce te , intravi & vidi qualicumque oculo animæ meæ lucem Domini incommutabilem. Ita dictum Climaci verissimum : Studiosus silentii appropriat Deo, eique iungitur. At vero Salomone teste , ubi verba sunt plurima, ibi frequenter egestas ; non solum pecuniæ, sed & sapientiæ, sed & sanctimonix, & amicitix cum Deo. Nunquid enim vir verbosus justificabitur ? Quisquis igitur vult discere loqui , prius silere discat , sciatque silentium , præsertim cum id nec læsi rumpimus, fortissimi animi argumentum esse. Verissime dici solitum à priscis :



*Ladi & filere, summa est Fortitudinis.*

*Iamb?*

Siquidem sede in una non bene conveniunt *vet.*

Silentium & Ira. Silentium vitiosæ linguæ  
primarium medicamentum.

**II. Decimum, DAMNORVM  
QVÆ A LINGVA SVNT, AT-  
TENTA CONSIDERATIO.**

Quodnam obsecro damnum est in orbe, cu-  
jus magna primave caussa non sit Lingua,  
damnorum & calamitatum fecundissima  
mater? Os lubricum operatur ruinas: & *Prov.*  
quidem alias post alias. Linguam malorum *c. 26.*  
omnium lernam à nullo unquam satis ex- *v. 28.*  
hauriendam, Chrysostomus, prout par erat,  
vehementer idque sæpius cum exagitans,  
tum deplorans: Lingua, inquit, omnium ma- *Chrys.*  
lorum caussa, si negligatur: quemadmodum *to. 1. i.*  
bonorum, si in ea studium ac cura ponatur. *Pf.*  
Mala enim innumerabilia parit linguæ faci- *140.*  
litas ac levitas. Quemadmodum ergo nihil *mihi*  
juvat domus, non urbs, non moenia, non *pag.*  
portæ, non ostia, nisi sint qui ea custodiant, *1073.*  
& sciant quando oportet ea quidem claudere,  
quando vero aperire: ita etiam oris &  
linguæ nulla est utilitas, nisi sit ratio, cui  
scienter, accurate, & circumspecte ea clau-  
dere & aperire permissum sit, & sciat quæ  
sint efferenda, quæ vero retinenda. Non tot  
gladio, quot lingua ceciderunt. Diabolus  
namque non habet instrumentum aptius ad  
perdendos nos, quam linguam. Quod idem  
Chrysostomus disertissime affirmans: Dæ-  
mon undique, ait, nobis insidias præparare *Idem*  
consuevit, sed facilius lingua & ore peccan- *to. 5.*  
te. Nullum enim æque congruum illi orga- *hom. ad*  
num in ministerium est interitus atque pec- *baptiz.*  
cati. Nam inde nobis mors, inde lapsus, in- *de Spi-*  
de perditio, inde naufragium præparatur. *rit. mi-*  
Nam & mentium lapsus ex linguæ garruli- *lit. mihi*  
tate venientes quidam declarans ait; Multi *pag.*  
Ccc 3 ceci-

cecidērunt per gladium, sed non tanti, quanti per linguam. Refrena igitur linguam, & si non patitur reticere, dentium morſu quieſcat, & tanquam carnifici tradatur dentibus. Hoc ipſum alias perorando repetit: Com-  
*Et to.* morde illam undique dentibus acriter. Præ-  
*2. in* ſtat illam nunc fluere ſanguine, quam tunc  
*c. 16.* concupiſcere guttam, nec impetrare poſſe  
*Luce* refrigerium; præſtat illam temporarium  
*conc. 4.* ferre dolorem, quam tunc perenniter & im-  
*mibi* mortalibus malis cruciari.  
*pag.*  
*1160.*

Beatus Macarius ubi magnos in virtute  
 progreſſus ſibi viſus eſt feciſſe, inter preces  
 ſe compelli audiit his vocibus: Macari,  
 duarum mulierum quæ in proxima urbe ha-  
 bitant, virtutem nondum eſt aſſecutus. Hic  
 Macarii animus hærere, angere, dolere, mirari  
 etiam, viros ſanctitate vitæ à mulierculis  
 vinci, ſed & obſtupeſcere tantos eremi ri-  
 gores ab urbicis delitiis ſuperari. Ergo vi-  
 rum cupido inceſſit urbem ingrediendi &  
 audita ſolertius explorandi. Urbem ingreſ-  
 ſus eſt, & omnia quam potuit ſolertiſſime  
 exploravit, comperit demum feminas illas  
 matrimonio junctas eadem domo habitare,  
 jamque annis quindecim, quod miraculi lo-  
 co ſit, pacem & concordiam nec verbulo  
 unquam turbaffe, alteri cum altera, magis  
 quam ſorori cum ſorore optime convenire.  
 Ab utraque quidem religioſum vivendi ge-  
 nus ardentibus votis expetitur, cum vero  
 per maritos non liceret mutare vitam, eas ſi-  
 bimetipſis hanc dixiſſe legem: Nil profani  
 unquam nedum impuri quidquam prolo-  
 qui, idque ſtriſtiſſimo ſœdere ad uſque mor-  
 tem ſervandum. His auditis Macarius jam  
 magis quam antea miratus, in has omnino  
 voces prorupit: In veritate non eſt virgo, ne-  
 que maritata, neque monachus, neque ſæcu-  
 laris: ſed Deus tantum propositum quæ-  
 rit,



rit, & spiritum vitæ ministrat omnibus.

Beatus vir, sed & mulier beata, quæ non  
est lapsa ex ore suo. Modesta lingua, mode- *Ecclesi.*  
sta mens; corrupta lingua, corrupta mens: *c. 14.*  
*v. 1.*

Linguam bene rexisse, est corpus & ani-  
mum optime custodiisse; linguam non do-  
muisse, est corpus & animum perdidisse.  
Immodica & proterva lingua ignes ubique  
struit pestilentissimos, hinc tricæ, conten-  
tiones, rixæ, simultates, discordiæ innume-  
ræ: hinc inveterata odia & morte acerbior  
invidia: hinc bella, cædes, parricidia. Propu-  
diosa lingua conscientiam peccatis implet,  
& quicquid melioris sensus in animo resi-  
det, expellit. Repeto quod dixi: Lingua om-  
nium malorum lerna est. Hanc cave, & ma-  
la cavisti innumera.

III. Undecimum linguæ medicamen-  
tum est, CHRISTI PATIENTIS  
QUOTIDIANA CONTEMPLA-  
TIO. Constantinus Imperator è clavis, *Hieron.*  
quibus servator Orbis affixus est Cruci, u- *in c.*  
num galeæ, alium freno inferuit, ut com- *12. Za-*  
plures melioris notæ scriptores ajunt. Mal- *char.*  
lonius de caussis ejus facti differens: Mone- *Gregor.*  
mur, inquit, hoc Constantini consilio, ut *Turon.*  
Linguam nostram indomitam, freno ac cla- *de glor.*  
vo, hoc est, Dominicæ Passionis meditatio- *Mart.*  
ne perdomemus. Christus Patiens, si quid- *c. 6.*  
quam, certe docuit Tacere. Aut enim tacuit *Daniel*  
Agnus innocentissimus, aut pauca, mansue- *Mallo-*  
tudine admirabili respondit. Quoties illa lu- *nus in*  
gubris historia de Christo asserit? *Al-*  
*Iesus au-* *phon-*  
*tem tacebat.* Impio servo colaphum incutien- *sum*  
ti, mansuetissimum hoc dilemma opposuit: *Palao-*  
Si male dixi, testare: si bene, cur cædis? Pon- *rum de*  
tio Romano præsidi, quanta verborum & *Sacra*  
parsimonia & placiditate respondit? Pilatus *Christi*  
supercilium grande attollens, & ore turgi- *Sindo-*  
do: Mihi, ait, non loqueris? nescis quia pote- *ne*  
statem *c. 19.*

statem habeo crucifigere te? Cui placidissime Christus: Non haberes potestatem adversum me ullam, nisi tibi datum esset desuper. Sed iterum Pilatus tumultuosa lingua intumescens: Numquid ego Iudæus sum, inquit, Gens tua & Pontifices tradiderunt te mihi, quid fecisti? Christus iterum suavissime: Regnum meum, inquit, non est de hoc Mundo: si ex hoc Mundo esset regnum meum, ministri mei utique decertarent, ut non traderer Iudæis. Cetera omnia quæ obiciebantur silentio mitissimo refutavit; *Iesus autem tacebat*. Hanc Domini suavissimam taciturnitatem obstupescens Isaias, multis annorum centuriis ante prædixit: Sicut ovis ad occisionem ducetur, & quasi agnus coram tondente se obmutescet, & non aperiet os suum. Si nostræ impatientiæ admirandam illius in tolerandis cruciatibus patientiam imitari difficile, amantissimum saltem silentium imitemur. Nam, Christus passus est pro nobis, vobis relinquens exemplum ut sequamini vestigia ejus. si non patiundo, saltem tacendo, & voces improbas premedo.

Consilium Salomonis non ignoramus: Responsione molli frangi iram, sermone duro suscitari furorem. Et nostri nobis oculi affirmant, lumen in conclave illatum necessario extinguendum, si cereus accensus imponatur mensæ, fenestras autem utrinque patulas ventus permeet. quod si fenestrarum una solum sit aperta, altera quæ respondet è regione clausa, lumen non difficulter conservari poterit: ita prorsus si duorixosi homines inter se velitari, & verba commutare incipiant, patulas utrinque fenestras cogita, vento flante vehementi; hic certe charitatis lumen diffilabitur: quod si alteruter saltē linguam velut fenestram clausam



sam teneat, & stomachantem alterum oratione deliniat, amoris Christiani facem in se tuebitur. Cadit statim similtas & ira, ab altera parte deserta: nisi par non pugnat. Si utrinque certabitur, ille est melior, qui prior pedem retulit: victus est qui vicit. Quod si uterque in verba aspera prorumpat, actum est de illo de quo diximus lumine, periit amor & concordia. Hic sibi quisque attendat, hic generoso silentio commonstret, quantum animi habeat ad Christum patientem imitandum; flagella forsitan & spinas, & setosa indusia horremus? lingua saltem rigido stringatur cingulo.

Narrat Guilielmus Baldesanus juvenem à viro religioso petiisse vestem setis horrentem, coërcendæ carni. At vir ille religiosus os digito signans: Vere, inquit, mi juvenis, optimum est cilicium, vigilanter attendere quid per hoc ostium egrediatur. Divo Bernardo juvenis verbosus & eloquentiæ studiosus, si sapientiæ sit inanis, non aliud est, quam justitiæ hostis. Nemini difficile videatur Christum patientem imitari tacendo.

Bern.  
flores.  
mihi  
pag.  
3008.

IV. Duodecimum vitiosæ linguæ Medicamentum, TREMENDI AC DIVINI IUDICII PROFUNDA MEDITATIO. Perpende, o homo, perpende obsecro, quid loquaris: Ex verbis enim tuis justificaberis, & ex verbis tuis condemnaberis.

Matth.  
c. 12.  
v. 37.

Voces Christi agnoscis? Ille hoc in te pronuntiat, qui nec falli potest, nec fallere; qui non tantum quid loquaris, sed etiam quid cogites, audit, qui rationem exactissimam, non tantum actuum, sed & verborum, sed & cogitatum exigit; nec ea solum verba rapiuntur ad poenas, quæ aliorum famam & propriam conscientiam læserunt, sed etiam vana, frivola, otiosa. Æternæ veritatis

*Math.* est Dominicum hoc effatum : Dico autem  
*c. 12.* vobis , quoniam omne verbum otiosum ,  
*v. 36.* quod locuti fuerint homines, reddent ratio-  
 nem de eo in die iudicii. Dico vobis, ut ma-  
 ture præcogitetis , quod supplicium maneat  
 obrectationes , mendacia , spurcitas, blas-  
 phemias, cum etiam vana, ludicra, otiosa, ne-  
 mini noxia verba in iudicium severum sint  
 vocanda. Ad rem eximie dixit Bernardus :

*Bern.* Quis sane numeret quantas modicum lin-  
*serm. de* guę membrum contrahat sordes, quam mul-  
*triplici* ti-plex in labiis incircumcisis immunditia co-  
*custodia* aguletur , quam sit gravis perniciēs oris in-  
*ante* circumspecti. Est enim lingua dissoluta in  
*med.* sermonibus otiosis, est lingua impudica, est  
*mihi* & magniloqua , quarum prima lascivię, se-  
*pag.* quens arrogantię famulatur. Est etiam lin-  
*386.* gua dolosa , & item lingua maledica , qua-  
 rum altera in falsiloquam & adulatoriam  
 subdividitur : altera vero nunc in facie con-  
 tumelias irrogat , nunc detrahit in occulto.  
 Quod si de omni vel otioso verbo, quodcun-  
 que locuti fuerint homines, Deo sunt reddi-  
 turi rationem in die iudicii : quanto distri-  
 ctius de verbo mendaci, mordaci & injurio-  
 so, de elato vel lascivo, de adulatorio aut de-  
 tractorio iudicabuntur ? Quam vera senten-  
 tia, fratres, in multiloquio non effugiendum  
 peccatum. Vt enim præteream cetera , si  
 propterea est otiosum verbum, quod nullam  
 rationabilem causam habeat , quam ratio-  
 nem de eo reddere poterimus, quod est præ-  
 ter rationem ? Hoc suis ipse verbis confir-  
 mans : O quantus terror , inquit , iudex sa-  
 pientissimus, qui numerat omnes pluvie gut-  
 tas , discretor omnium tentationum , om-  
 nium hominum à primo Adam usque ad ul-  
 timum in fine sæculi , vult audire rationem  
 verborum omnium otiosorum, cum sederit  
*Idem* in sede maiestatis iudicii sui , ubi non jam  
*de Pas-* miseri-



miseriordia, sed iudicium cantabitur Domino. Quid tum miseri & miserabiles faciemus?

Atque hoc tremendum Dei iudicium verbis etiam otiosis jam indictum, abbatem Sisoium movit, ut contra seipsum pro seipso annis plurimis orarit. Nam, teste Pelagio, ipse Sisoius de se fassus: Crede mihi, ait, jam annis triginta Deum deprecor, & hoc oro u.  
 nicum: Domine Iesu Christe, protege me à lingua mea. Hanc obsecro precatiunculam, dicamus omnes, & quandoque sepius de die: Domine Iesu, protege nos à lingua nostra. Tam necessarium quam utile Bernardi monitum est: Bis ad limam veniant verba, quam semel ad linguam, plus diligas audire quam audiri. Volat verbum irrevocabile, tempus irremeabile volat, nec advertit insipiens quid amittat.

Pelag.

l. 4.

n. 39.

apud

Rosv.

in Vita

PP.

Bern.

in mi-

scel. mi-

hi pag.

1786.

Et

serm. de

triplici

custodia

pag.

385.







# Z

Hic prisca novis, & anea tormenta jaculis miscemus. Pictori hac licere credimus.

Quemadmodum David A. citharædus regius, Saulis furores musico carmine placavit, & ad humanam mansuetudinem reduxit; ita sermone molli, aut decoro silentio furibunda lingua revocatur ad lenitatem, aut certe, si ea pergat furere, facilius toleratur.

Et quemadmodum aneorum tormentorum globi, cum in saxæas turres feruntur, muros rumpunt & perforant B. cum in saccos laneos C. emittuntur, irritò conatu recidunt; sic lingua jaculum, cum hominem mitem ac placidum petit, non facile ladir; cum aque asperum ac ferocem ferit, grandi nocumento afficit. Virumque imago loquitur. Hinc & Angelus citharam furoris lenimen, & scutum præfert, quo volantem lingua gladium retundit. Nam ultimo hoc capite docemus, quibus artificiis lingua improba sit superanda.

## Z

## CAPVT LXII.

*Vitiosæ aliorum lingua quibus artificiis toleranda.*

*Apud  
Virgil.*

*Plin.  
l. 24.  
hist.  
Nat.  
c. 13.  
initio.*

**G**Rues cuneatim volantes, Ypsilon, litteram Pythagoricam exprimunt, & ob id earum ordo litteratus vocatur ab Hieronymo. Eadem humanæ vitæ figura est. Inventionem hujus litteræ Palamedii tribuunt, quod eam è gruum volatu didicisset. Quod vero vetus epigramma de hoc charactere asserit : Littera Pythagoræ discrimine secta bicorni: Hoc de Lingua verius affirmari potest, quæ semper plurimum aut prodesse valet aut obesse : *Lingua mors, Lingua vita*. Neque solum erudita & ad omnem modestiam composita lingua nobis commodat, sed rudis etiam & vitiosa. In eo situm est, quem nanciscatur auditorem, qua ratione illius impetus sustineatur. Quando igitur Pythagoream litteram tricorneri è præcedente triplici dissertatione didicimus; Vltimum nunc alphabeti elementum superest Z. quod memoriam mihi refricat validissimi contra scorpiones remedii. Paliurus, Plinio teste, spinæ genus est. Semen ejus Afri ZVRAM vocant, contra scorpiones efficacissimum. Tricorni Pythagorico characteri triplex assignavimus caput, quo primaria vitiosæ linguæ medicamenta docuimus.

Sed forsitan est non nemo, qui dicat : Linguam improbam docere velle ne quem lædat, est idem ac docere velle scorpionem, ne quem feriat: utriusque, & scorpionis & linguæ nequissima est indoles, ad lædendum atque feriendum pronissima.

Accipio quod dicitur. Neque vero negare licet



licet linguam improbam scorpioni simillimam, quæ modo hos, modo illos, modo clā, modo aperte feriat. Neque nescio quam hoc petulans & pæne indomabile membrum difficulter corrigatur. Dicamus sane illud inemendabile, non tamen continuo esse intolerabile pronuntiabimus. Plurima sunt quæ corrigi nequeunt, tolerari tamen possunt, & sæpe debent. Idem de Lingua dicendum: si nulla proficiat ars qua illam ad frugem corrigamus, ars certe non deerit, qua illam in nostrum commodum perferamus.

Canis rabidus nocentissimum animal est, ab illo ipso tamen petuntur pili, quibus canis rabidi morsus sanetur. Si linguam furiosam emendare non possimus, sæpe tamen tolerare debemus. Hoc fine paliuri semen Z V R A M ego nunc porrigere statui, efficacissimum in scorpionem hunc antidotum. Sed ante omnia scire oportet, quam arte hoc semen sit applicandum huic malo.

Istud itaque jam agemus, & quo artificio vitiosam linguam quamcunque, in nostros usus & grande bonum possimus vertere, explicabimus.

I. Tametsi Deus contumeliarum auctor non est, est tamen illarum director, ut hac potius quam altera petamur. Eo sensu rex Sionis David, contumeliis Semei vulneratus imperat: Dimittite eum ut maledicat: Dominus enim præcepit ei ut malediceret David, & quis est qui audeat dicere, quare sic fecerit? Sicut umbone repellitur umbo, ita licere vim vi repellere, rudissimum vulgus putat. Nimirum fabas largienti, pisa fere rependuntur, tantum pro tanto: qui asinum aut stultum vocat, asinus aut stultus audit. Ita malo nodo cuneum malum querendum; ita remedio amaro bilem amaram diluendam putamus, sic amicis amici, inimicis infesti.

2. Reg.

c. 16.

v. 10.

Rom.  
c. 12.  
v. ult.

infesti, clamoris clamosi, impudentibus sumus impudentes; eadem remetimur mensura; atque hoc, hostimentum credimus non iniquum. Sed longe aliud nos docet cælestis magister. Morbus pessime curatur morbo; malum simili malitia nequaquam retundendum est, sed vincendum in bono malum.

Vt autem hoc sibi quisque persuadeat, cogitet serio qui læsus est: An non & tu similibus dictis alios non semel tantum confixisti? An non & tua quoque lingua plurimos fauciat? jam tolera quod fecisti. Quid quereris? tua tibi moneta redditur: maledicti merentur audire maledicta, ita quidem ut non sibi maledictum sed responsum putent. Mutuum bona fide, & aliquando cum fœnore ipsis restituitur.

Iudith  
c. 8.  
v. 8.

Quid esse causæ dicamus, quod illa Israëlitis fortissima Iuditha inter suos cives tam bene audierit, *Nec erat qui loqueretur de illa verbum malum.* In promptu causa est: civitatem illa non oberrabat, nec circulos frequentabat, in quibus de aliorum fama detrahi solebat, sed manebat in superioribus domus suæ, ubi secretum cubiculum sibi fecerat, in quo clausa morabatur, adeoque nec illa loquebatur de ullo verbum malum; filebat altissime de omnibus Iuditha, itaque altissime etiam ab omnibus de illa filebatur. Quisquis igitur contumelias audit & maledicta in se conjici, mox calculum ponat, an non & ipse simillima fecerit aliis? quocirca patiatur, quod fecit. Siquidem qui quæ vult dicit, quæ non vult audiet. Affecti sumus injuria? succurrat, non tantum quid patiamur, sed quid fecerimus. Nam alii sæpe non faciunt injuriam, sed reponunt. Si volumus æqui rerum iudices esse, hoc primum nobis suadeamus, neminem nostrum esse



esse sine culpa, præsertim linguæ. Hinc enim maxima indignatio oritur, quod quilibet sibi blandiatur: *Nihil peccavi, nihil feci.* Imo nihil fateris. Melius diceres: *Hac & ipse commisi.*

Tiberius Imperator, tunc pæne melior seipso, quibusdam maledicorum conviciis laceffit: In civitate libera, inquiebat, liberas esse linguas oportet. Nec male Cato, qui probriis cujusdam vexatus, respondisse dicitur: Impar mihi tecum certandi conditio est. Nam, ut male dicere, & male audire, tibi facillimum est; sic mihi male dicere insuave, & male audire insuetum est.

Qua in re præclarissime sentit Augustinus, qui nos contra nos ipsos incitans: Non, *Aug.* inquit, opus habes fortitudine, quando tibi *in ps.* aliquis detrahit absenti, quia non audis, nec *92.* sentis. Si autem in faciem tibi dicat, opus est *post med.* ut fortis sis. Quid est fortis sis? Ut feras. Ne forte ideo te putes fortem cum audieris, quia percutis pugno, victus convicio. Non est ista fortitudo, si conviciatus percutias, quoniam ab ira victus es. Et valde stultum est hominem victum, fortem dicere, cum dicat scriptura: Melior est qui vincit iram, quam qui capit civitatem. Habes igitur adversarium Magnum in teipso.

Primum igitur artificium est, ad improbam alterius linguam tolerandam, *Seipsum accusare.* & omnino æquum judicare, similia facientem similia pati.

II. Alterum ad tolerandam linguæ improbitatem artificium est, *Se submittere, ac emendationem deinceps constituere.* Incredibile dictu est quantarum sit virium in linguam improbam demissio animi. Nam sicut tormenta bellica majora saxeas turres perumpunt & commolunt, saccos tamen laneos vix offendunt; ita summissio linguam pro-

terram frangit, enervat, dejicit; superbia attollit, animat, impellit.

Quam multis profuit ab improba lingua percussos esse, qui abstrusum in se vitium sibi ignotum sic moniti correxerunt, aut notum sed neglectum emendarunt. Quam multos alienæ linguæ protervia & cautiores reddidit, & ad virtutem incitatiores. Ex hoc plumbo hoc aurum est eligandum.

Virgilio Maroni visa est opportunissima medicina, si lingua ictus velit sapere, moresque promittat emendatiores. Cum enim quidam ejus amicis, Cornificii in eum maledicta narraret: Et quam putas, inquit Virgilius, istius maledicentiae causam esse? Nam Cornificium amo, nec eum unquam offendi. Cui amicus: An, inquit, Hesiodi sententiæ non meministi? Architectum architecto invidere, & poëtam poëtae? De malis, ait Maro, id Græcus intellexit, nam boni eruditos amant. Sed ego magnam cum mea laude ac gloria vindictam in manibus habeo; majore cura virtuti me dedam. Quo autem melior fiam, hoc ille invidia rumperetur vehementiore. Pulcherrimum vindictæ genus est, emendare quæ carpuntur, aut ea certe emendaturum statuere quæ ab adversariis arro-  
duntur. Sic obstruitur os loquentium iniqua.

*ps. 62.  
v. ult.*

*vide  
c. 58.  
o. 3. in  
hac  
parte.*

Supra, mi Lector, mel tibi propinavi, sed falsum. Nimirum suaseram, iis omnibus qui aliquid in alios imperii haberent, salem in capite, mel in ore, sale, seu maris amplitudinem in pectore ferendam. Quo hæc commendatiora sint, melli nunc butyrum addo.

Quod divini à Bethlehem pueri, quod nostri Emmanuelis infantia mel & butyrum



rum in cibum habuerit, testatus Isaias: Mel, *Is. c. 7.*  
 inquit, & butyrum comedet, ut sciat repro- *v. 15.*  
 bare malum & eligere bonum. Hoc tibi  
 mel, mi Christiane, & hoc maxime butyrum  
 ingero. Et ut appetentia sit excitatior, En  
 butyrum, quo vescaris artificiosissimum, id-  
 que non è vili tugurio.

Regiæ domus opulentiam nonnemo vel-  
 ut oculatus testis hunc fere in modum de-  
 scribit. Tori ubique purpura strati; stragu- *Vere an*  
 la duplici bysso insignia plus artificio debe- *falso*  
 bant quam naturæ. Præterea cultu mirabili *narrat.*  
 stabant dispositæ per cubicula statuæ, quæ  
 sudantium vultus exprimere videbantur.  
 Ego admiratus, inquit hospes, ingeniosam  
 statuarum novitatem, propius accessi, &  
 materiam audaci digito scrutatus sum. Sed  
 profundius, quam vellem, fragilis materia  
 manum admisit. Perturbatus igitur imagi-  
 nis cicatrice, fugæ consilium cepi, cum ad  
 latus se applicuit sedulus minister, spuman-  
 temque generoso potu pateram humanissi-  
 me obtulit. Cumque incerto vultu æstua-  
 rem, putavit ille tantis conventibus insue-  
 tum numerosæ domus frequentia perterre-  
 ri. Itaque vanitatem timoris mei non in-  
 grata consolatione permulcens: Quid, in-  
 quit, exhorrescis hospes; ad regalem strepi-  
 tum, quid triumphum credis quotidianæ fa-  
 milix rationem? Tu vero in aliud tempus  
 stuporem differ; utere principalis domus be-  
 neficiis, & audaci manu frange statuæ buty-  
 raceæ auriculam. Præsto sum qui saturatis  
 suavissimam potionem affundam. Cum e-  
 go negarem deformari statuam oportere,  
 ultro irrisit servus aulicus, & cervicem ima-  
 ginis amputavit brevi gladio, qui ad hoc ex  
 catenis argenteis de cingulo pendeat, & :  
 Nondum scis, inquit, septemdecim esse cu-  
 bilia in quibus singulis ejusmodi quatuor

imagines è marmore angulos adornant ; præcisiss cervicibus, quæ quotidie recentissimo butyro reparantur ; tum ut populus in ientaculum destruxit extemporaneos vultus, frons subinde alia atque alia reponitur, & in diem septies ac decies renovatur delicatissimum munus. Nondum hora diei nona est, & jam centum quadraginta butyri pondo hoc palatium absumpsit. His atrien-

*Lufin. part. 1. Sat. mihi pag. 318.* sis dictis sumpsi audaciam destruendi formosum artificium, & inhiantem gulam liberalissime propitiavi tam opportuna butyri promulside.

Hoc ergo butyrum tam artificiosum hic ingero gustandum ; Christianam submissiorem ac mansuetudinem suadeo exhibendâ. Hic aude, Lector, & imagini butyraceæ vel auriculam, vel nares, aut potius mollissima præscinde labra, & tuam inde linguam instrue. Disce petulanti linguæ non pari respondere petulantia : Disce, non turbulenter, non ferociter, non insolenter, non contumeliose, non arroganter & contumaciter laxare linguam : Disce si non mel & rosas, certe butyrum loqui. Hoc ajo ; modeste, submisso loquendum ei, cui concordia & pax cordi est. Mollis responsio, quam Salomon adeo dilaudat, hoc illud elegans butyrum est, de quo loquimur. Ad frangendam alterius iram, non est præstantius, sed nec præsentius pharmacum ullum aliud, quam butyrum istud, *responsio mollis*.

*Prov. c. 15. v. 1.*

Olim infantibus recens lustratis, lac & mel dabatur, quod etiamnum Æthiopes faciunt. De prisco ritu clare Tertullianus : Inde, ait, suscepti lactis & mellis concordiam prægustamus. Idque ideo fiebat, ut Christianis omnibus submissio infantilis & mansuetudo altius imprimeretur. Ad rem Bernardus : Duo sunt, inquit, in lacte ovis, butyrum

*Tertull. l. de Corona milit. c. 3. Bern. serm. 2.*



tyrum & caseus : bene parvulus noster elide *de Ad-*  
gere novit; qui butyrum comedens, caseum *ventu*  
utique non comedit. Imitare tuum domi- *Domini, me-*  
num, Christiane, & asperi sermonis coagu- *dio.*  
lum repudia, apage hunc caseum, butyrum  
comede; furiosæ linguæ rabiem responsis  
frange quam potes mollissimis; non cultros,  
non gladios, sed butyrum loquere. Sub-  
mitte te, & linguam quantumcunque impro-  
bam vicisti.

Pueris, cum dentiunt, mel & butyrum,  
suasu medicorum datur, doloribus mitigan- *Gale-*  
dis: ego tibi mel & butyrum porrigo, ne *nus*  
dentias. Non est mollis responsio, quam *l. 10. de*  
exerti dentes comitantur. Iobus & David *medic.*  
hos dentes graviter senserunt. Hinc illi ab *Simpli.*  
utroque clamores: Infremuit contra me *c. 10.*  
dentibus suis hostis meus. Dentes eorum, *Plin.*  
arma & sagittæ. Frenduerunt super me den- *l. 28.*  
tibus suis. Hos dentes, mi homo, non hu- *c. 19.*  
manis carnibus fatiga; butyrum comede; *Iob.*  
verbis lenibus responde. Submitte te, & *c. 16.*  
triumphas. *v. 10.*

**III.** Tertium artificium est ad vitiosam *Pf. 34.*  
alterius linguam tolerandam, *v. 15.* Deum adire, ac  
precari; contumelias omnes Deo conqueri.  
Regi Sionis David usitatissimum fuit hoc  
artificium. Fatetur ipse: Pro eo ut me dili- *Psal.*  
gerent, detrahebant mihi, ego autem orabā. *108.*  
Vt imitemur hoc, quemlibet nostrum rex *v. 4.*  
ille sanctissimus hortatur: Revela Domino *Pf. 36.*  
viam tuam, & spera in eo, & ipse faciet. Et *v. 5.*  
educet quasi lumen justitiam tuam, & judi- *6.*  
cium tuum tanquam meridiem: subditus e-  
sto Domino, & ora eum. Ne dubita, æquis- *Pf. 71.*  
simus ille iudex, qui trans cortinam videt *v. 4.*  
omnia, humiliabit calumniatorem. Si Deus *Rom.*  
pro nobis, quis contra nos? Tu ora eum, & *c. 8.*  
ipse faciet. Sapientissime dixit Siracides: *v. 31.*  
Beatus, qui tectus est à lingua nequam, qui

*Eccli.* in iracundiam illius non transivit, & qui  
*c. 28. d.* non attraxit jugum illius, & in vinculis e-  
*v. 23.* jus non est ligatus: jugum enim illius, ju-  
*ad 28.* gum ferreum est, & vinculum illius, vincu-  
 lum æreum est. Mors illius, mors nequissi-  
 ma, & utilis potius inferus quam illa. Per-  
 severantia illius non permanebit, sed obti-  
 nebit vias injustorum: & in flamma sua non  
 comburet justos. Qui relinquunt Deum, in-  
 cident in illam, & exardebit in illis, & non  
 extinguetur, & immittetur in illos quasi  
 leo, & quasi pardus lædet illos. Num audi-  
 sti, mi Christiane, quantum mali sit mala  
 lingua? Sed num & illud audisti, & intelle-  
 xisti? *Qui relinquunt Deum, incident in illam,*  
*& exardebit in illis &c:* Tu ergo Deum ne re-  
 linque, sed puris amplexibus tunc potissi-  
 mum stringe, crebris precationibus tunc ma-  
 xime fatiga, cum linguarum mallei te tun-  
 dunt. Tu ora eum, & ipse faciet.

*Tacitus*  
*l. 1.*  
*histor.*

Sed dicas: si pessimi quique secretis cri-  
 minationibus me infament ignarum, & quo  
 incautior decipiar, palam laudatum. Quid  
 hic faciendum? Quid Seneca fecit? Sed ex-  
 emplis gravioribus te urgebo. Quid fecerunt  
 tot sanctissimi viri? quid Christus fecit?

Quid multis ante Christum sæculis fecit  
 Moses? Vir longe mitissimus; quis tamen eo  
 uno fortior? quis rursus minus ultionis cu-  
 pidus? qui quo populum infestiores habuit,  
 & ad convicia proniores, eo impensius cæli  
 Numen his propitium reddere perseveravit.  
 Nam quanto magis pervicax populus insanis  
 clamoribus ac querimoniis urgebat, tanto  
 Moses ardentiores ad Deū preces fundebat.  
 Imo cum jam lapides furibunda plebs mi-  
 naretur, hoc unum Moses in sui defensione  
 objecit, *refugere ad Deum.* Huic uni & soli in-  
 jurias conquestus: Quid faciā, inquiebat, po-  
 pulo huic? adhuc paullulū, & lapidabit me.

*Exodi*  
*c. 17.*  
*v. 14.*

Hic



DE VITI. LIN. TOL. 779

Hic à Deo iussus in populi gratiam aquas è rupe producere, ut injurias beneficiis pensaret, promptissime paruit. Sed neque Aaroni fratri conviciatus est, nec sorori, quod connubium Æthiopicum sibi exprobrasset, ideo minus benevole opitulatus est. Ita mansuetissimus virorum sæpius multiplicis linguæ furores precibus sedavit.

Quid Saram eximiae sanctitatis feminam *Vide* commemorem? Iaciebat in eam ancillaris *supra c.* temeritas maledicta & probra, interfectricem virorum nominans, quæ pluribus nup- *33. de* sisset, sed in nullo connubium diurnum es- *Calumnia* set sortita; quæ septem maritos subita nece *s. 2.* præcipitasset in tumulum. Et ut calumnia hæc graviore pondere sauciaret: Numquid & me vis occidere, aiebat famula, sicut jam occidisti septem viros? Ad hanc vocem Sara perrexit in superius cubiculum domus suæ, & tribus diebus, & tribus noctibus non *Tob. c. 3* manducavit, neque bibit, sed in oratione *v. 9.* persistens deprecabatur Deum. Ita nec Sa- *10. 11.* ra flammæ à maledica lingua immixtas potentius restingui posse censuit quam Oratione.

Incendium à præcipiti Phaëthonte factum, felicissime compescit oratio.

I V. Hoc igitur quartum hic artificium est; *Suam hac in re patientiam ad exempla sanctiora erigere.*

Narcissum Hierosolymorum Antistitem *Euseb.* virum eximia virtute præditum, & præfer- *Cesar,* tim in castigandis vitiis animosum homines *l. 6. c. 6* perditissimi, monitori optimo nimisquam *Nic. l. 5* asperi, foedis calumniis infamare sunt ag- *c. 9.* gressi, & prout consutis dolis inter se convenerant, jurejurando etiam criminationes firmarunt, quo magis fidem facerent plebi cito credulæ. Illorum unus dejerans: Si falsum, inquit, dixerò, male peream incen-

dio. Alter: Si fefellerō, ait, me lues pessima invadat. Tertius non minus seipsum execratus si mentiretur: Omnem, inquit, oculorum diem perdam, ni talis, ut dixi, sit Narcissus. Vix tamen ulli sunt reperti, qui vel juratis crederent, ob testatissimam tot annis castimoniam Narcissi. Et quid ad hæc ipse Narcissus? Falsissimæ criminationi graviter indignatus, sed quia solitudinis ac sapientiæ amantissimus erat, tacuit, cessit, calumniatorum oculis se subduxit, Deo sibi que vacaturus inter feras, quæ saltem calumniari nescirent. At sublimis ille Oculus qui conspicit omnia, nefariorum hominum scelus quod non potuit non videre, mox in apertum protraxit illis ipsis suppliciis, quæ sibi scelerati optaverant. Et primus quidem obtrectatorum, scintilla in incendium gliscente, in suamet domo cum omni familia miserrime conflagravit. Reperit quod optavit. Et videbatur facinus illud non unius sed plurium vel innocentum capitibus expiandum. Alter calumniator ille, capitali peste, quam imprecatus sibi fuerat, à calce ad verticem infectus, Numine sic vindicante contabuit. Hoc habet; votis suis periit. Tertius sociorum calamitate doctus resipiscere, confictas à se atque sociis calumnias publice fassus est, nec tamen ultorem Deum penitus effugit. nam tanta poenitudinis acerbitate percellebatur, in fletum tam uberem solutus, ut utrumque lumen lacrimis extinxerit. Vivus, sed cæcus, & ad productius supplicium superstes. Ita Narcissus sceleratas linguas superavit tolerando.

Theodosius Imperator hac improbarum linguarum victoria plane admirandus. Verba Theodosii agnoscite: Si quis, inquit, modestiæ nescius, & pudoris ignarus, improbo petulantique maledicto nomina nostra credi-



crediderit laceffenda, ac temulentia turbul-  
lentus obtreſſator temporis fuerit, eum  
pœnæ nolumus ſubjacere, neque durum ali-  
quid, neque aſperum ſuſtinere: quoniam ſi  
id ex levitate proceſſit, contemnendum; ſi  
ex inſania, miſeratione digniſſimum; ſi ab  
injuria, remittendum. Audiant & imiten-  
tur Chriſtiani principes. Ab obtreſſatori-  
bus nemo liber, nec ſumma quidem ſaſtigia.

Cato Porciæ gentis princeps, ſenator op-  
timus, Imperator præclariffimus, orator  
exactiſſimus, quater & quadragies cauſſam  
dixit, diverſis odiorum & contumeliarum  
machinis appetitus: ſemper abſolutus eſt.  
Camillum exulem ni vidiſſet Roma, peri-  
ſſet. Scipionem Carthagine & Africa ſua  
majorem pœne viciffet calumnia.

Quis magnorum inter Chriſtianos non  
retulit vulnera ab hoc detractiōis morſu,  
quis non venena ab hac vipera? Chriſtus ipſe  
an non audiit: *Samaritanus es, Dæmonium ha-*  
*bes; vini potator, populi ſeduc̃tor?* Ecquem non  
ambuſſit hæc flamma?

Optime dixit Gregorius Nazianzenus:  
In bonam partem hoc accipe ſancta Tri-  
nitas; nec tu ſtultorum linguas penitus effu-  
giſti.

Chriſto Domino in os objectum: In  
Beelzebub principe dæmoniorum ejicit dæ-  
monia. Quam vere Lingua, *Vni-verſitas iniqui-*  
*tatis, dicitur!*

Sunt certæ diei horæ quas Superbia, &  
Avaritia, & Luxuria inter ſe dividunt: Lin-  
gua, non unam tantum diei partem, omnes  
ſibi horas vendicat, Mundus iniquitatis eſt,  
omnia capit, omnia continet. Qua demum  
ratione? Qua charta ſolet geographica de-  
ſcriptum Orbem. In hac explicato digito,  
Hiſpaniam, Italiam, Poloniam, Galliam,  
Germaniam, aliasque Orbis partes designa-  
mus.

mus. Sed chartæ huic geographicæ, coloratæ Linguae nemo fidat; mendacissima est, grandia minuit, parva extendit, alta depri-  
mit, ima extollit, pro libitu pingit & fingit. Quantum, putas, Deus à mendacio distat? Quantum Christus à Beelzebub? Immen-  
sum, infinitum. Lingua tamen audet, & Deo mendacium, & Christo dæmonium af-  
fingere. Quod si patremfamilias Beelzebub  
*Matth. c. 10. v. 25.* vocaverunt, quanto magis domesticos ejus? Ergo non sanæ mentis, & plane fatuus est, qui viam quam ad cælum facit, ad chartam tam mendacem dirigit. Innumeris modis Lingua decipit, terret, seducit, dejicit, con-  
figit.

Si patremfamilias Beelzebub vocave-  
runt, certe nec domesticis ipsius parcent. Non est servus melior Domino suo.

Et Detractio quidem fulmen imitatur, quod improvidum & imparatum ante peri-  
mit quam periculum denuntiet; quodque firmissima fere impetit, vilissima & humi  
serpentia negligit, ita illa in optimos quos-  
que sævit, ut prope signum sit viri aut mag-  
ni, aut ad magna nati, pati linguas detrahen-  
tium. Nam cum Detractio fere ab æmula-  
tione proficiscatur, solaque magnitudo aut  
parta aut sperata æmulationum materia sit,  
in magnos exsurgunt hæ linguæ, ac non nisi  
in tales venena jaculantur. Magnitudinem  
*Sen. in Pol. l. 1. c. 17.* enim alienam famamque, cum dedecus  
suum æmulus existimet, consurgit in ad-  
versarium, eumque densa linguæ grandine  
*Chrys. ferm. de calu. Episto. lib. 4. differt. c. 6. med.* velut saxeo imbri obruit. Fieri non potest, inquit Chrysostomus, ut qui virtute excel-  
lunt, apud omnes bene audiant. Nequa-  
quam tamen dolendum est, si male audia-  
mus, sed si jure male audiamus. Quo sensu  
præclarissime dixit Epictetus: Quid vero  
Antisthenes ait? An id nunquam audivisti?

Re-



Regium est, Cyre, cum recte facias, male audire.

V. Quintum ad nequitiam linguæ vincendam artificium est, *Contemne hæ linguarum, aut calamorum vulnera.* Contemne, & vicisti. Nam hæ linguarum insidiæ sæpissime non lædunt, nisi volentem. Adyantō herba licet aqua perfundatur aut immergatur, sicca tamen similis est; sic cum homini probo contumelia infertur, non inhæret. Quod si tu sapias, nulla re magis testatam facies innocentiam tuam quam calumniarum & detractio-  
num contemptu ac neglectu. Vt scias, omnis calumnia & obtre-  
ctatio foetidæ similis est cloacæ, quæ quo plus movetur, plus foetet. Nosti, Camerinam non esse movendam. Neque enim miser est, qui audit convicium, sed qui facit. Con-  
vicium porro potentissime regeritur, cum convicio non respondetur. Non enim acer-  
bius est convicium, quam conviciatorem neglectu ostendere indignum cui respon-  
deatur. Ille magnus & nobilis est, qui mo-  
re magnæ feræ, latratus minutorum canum securus exaudit. Ita molossos generosiores aut leones imitemur, qui circumlatrantibus catellis non solent allatrare, mera imparium indignatione & contemptu. Contemne & tu has linguas, quæ non sauciant nisi resi-  
stentes.

Ad naturam rei præclarissime dixit reli-  
giosus ille scriptor: Quid enim sunt verba, *Thom.*  
nisi verba? Per aërem volant, & lapidem *de Re-*  
non lædunt. Si reus es, cogita quod liben-  
ter emendare te velis: si nihil tibi conscius *lib. 3.*  
es, pensa quod velis libenter pro Deo hoc *Imit.*  
sustinere. Et quare tam parva tibi ad cor *Christi*  
transeunt, nisi quia adhuc carnalis es, & ho-  
mines magis quam oportet, attendis. Ec-  
quid verba, quid calami nocere possunt ani-  
mo qui

mo qui Deo nititur? Quod grando testis, quod fluctus rupibus, hoc calumnia potest, cum in virum inciderit. Vis vincere? vis hostem frangere? de inimico triumphum agere? Contemne. certa est victoria in solo *Seri. l. c.* contemptu. Vis adversarium mœroribus exedi? ride. Vis indignationibus lancinari? nec verbo dignare. Vis videre supplicem beneficiis cumula.

At durum, acerbum, ac miserum est tot pungentibus linguis. velut jaculis configi. Durum, sed sæpe fructuosum, acerbum sed salutiferum, miserum sed gloriosum. Exosculemur hanc bene merendi materiam, hanc messem cælo invehendam, hanc vindemiam dominicis cellis inferendam.

At excido, inquis, Principum gratia. Modo non excidas Dei. At forsitan ideo spoliari opibus? Nemo te spoliabit æternis. Privari dignitate? Nemo te bona conscientia privabit. Vituperant te homines? Sed honorabunt Angeli. At multos experiris inimicos & vexatores? Modo amicum habeas & protectorem Deum. Contemptus jaces? Exurge cælo. Condemnaris? Iudice Deo absolveris. Animum ergo adversus hæc para, & scito vix ullum virum bonum ab his linguæ jaculis vivere invulneratum. At satius est criminationibus sordidari cum bonis, quam falsis laudibus honestari cum improbis.

Pericles, qui quadraginta annis Atheniensium Rempublicam gubernavit, vir disertissimus, suggestum consensurus ut ad populum diceret, diis vota faciebat, ne ullum sibi verbulum, se imprudente aut invito efflueret, quod ad Rempublicam minus pertineret: Hic, inquam, Pericles temerarium & insolentem conviciatorem, per diem integrum, idque in publico patienter tulit. Neque



que vesperi cum se domum reciperet, adhuc maledictis insectantem à se repulit. Postremo, cum jam in domus limine, sub primam noctem, consisteret, conversus ad servum Pericles: Heus, inquit, mox facem expedito, & hunc civem domum reducito. Sic homo improbus ab injuria & contumelia gratiam reportavit.

Hoc prorsus est convicia, calumnias, & maledicta magnanimo contemptu digerere.

Quid igitur hæc linguarum tonitrua tantopere nos terrent? in fumum evanescent: Quid detractiones & calumnias, quid probum & infamiae notam adeo reformidamus? Augustinus contra hæc nos animans: Opprobria hominum, inquit, nolite metueret, & detractione eorum ne superemini, nec quod nos spernant magni duxeritis, sicut enim vestimentum, ita per tempus absumentur. Et dicti rationem reddens solidissimam: Crimen falsum, inquit, reum non facit hominem, nisi apud judicem hominem: ubi autem Deus judex est, nullus falso crimine læditur. Deus qui justificat, quis est qui condemnet?

*Aug.  
tom. 2.*

*epist.*

*137.*

*circa  
med. &  
in*

*psa. 18.  
vers.*

*134.*

*Rom.*

*cap. 8.*

*v. 34.*

VI. Sextum est: *Silere*, ac generosa taciturnitate detractiones & calumnias conquire. Sile igitur, alioqui crabrones irritabis refutando. Sile, ne pervulgentur, quæ nescienda potius & sepelienda essent. Cum respondetur, cum excusatur, cum jure agitur, longe lateque infamiae nota perfertur, quam multo tutius silentium sepeliisset. Quade re Seneca illustrissime: Qui primis, inquit, defungi malis potuimus, in majora devolvimur. Quosdam unius verbi contumelia, non æquo animo lata, in exilium projecit: & qui levem injuriam silentio ferre noluerant, gravissimis malis obruti sunt.

*Sen. l. 2*

*de Ira*

*c. 14.*

*in-*

indignatique aliquid ex plenissima libertate diminui, servile in sese attraxerunt jugum. Quod si reprehenderis à quo non deberes, nec modo quo deberes, illud velim cogites, quod sapienter dixit Romanus scriptor: Nul-

*Plinius*  
*Secun.*  
*l. 7. epi.*  
*20. ad*  
*Dionys.*

li patientius reprehenduntur, quam qui maxime laudari merentur. Itaque silendo reprehensionem admitte, illamque in encomium tuum taciturna patientia converte.

Sunt quædam vulnera, quæ melius sit non tetigisse;

*Plurima curando fieri pejora videmus:*

*Eccli.* Neglige, & tace; ita sanabis. Homo sapiens  
*e, 20.* tacebit usque ad tempus.

*v. 7.* *Contra verbosos noli contendere verbis.*

Sile & dissimula, ut adversarius arbitretur detractiones suas à te nesciri. Nam plerunque qui sua dicta putat sentiri, putat etiam de vindicta cogitari: itaque se parat, ne hostis inveniat imparatum.

Quemadmodum vero Fabius Maximus (quem olim Ovem appellabant) pugnam opportune fugitans, & Annibalem magis eludens quam conflictu frangens, ducem antea invictum, mora vicit & patientia; ita qui cedit & filet, linguamque verberantem non reverberat, sed declinat dextre, hic victor est, hic vacillantem concordiam restituit cedendo & silendo. Ita Socrates Xantippen uxorem clamosissimam placavit non respondendo. Medicamentum injuriarum & contumeliarum omnium probatissimum est silentium. Tam injurias ferentem quam inferentem sanat: sola offensus commemoratione animorum vulnera recrudescunt. Silentium ad dolentis animi perturbationem sedandam valet plurimum. Optime miseras ferunt qui abscondunt. Hinc Rex iratam non sine causa Reginam sic alloquitur:

*Desine*



*Desine meque tuis incendere, teque querelis.* *Virgil.*

Canum in pagis allatrantium ira non me *lib. 4.*

lius defervesceat, quam transeuntis viatoris *Aenei.*  
 silentio, cautaque patientia. Apum circum-  
 volitantium aculeos non difficulter exit il-  
 læsus, quisquis inter eas fuerit quietus; re-  
 pugnans & procax læditur. Pax silentii effe-  
 ctus, & velut filia est.

Angeronam silentii Deam ore obsignato  
 repræsentarunt præci. Hanc autem, Macro-  
 bio teste, in templo Volupiae, quæ delecta- *Macro.*  
 tionis & gaudii Dea fuerat, collocarunt, ut *lib. 1.*  
 tacite significarent, eum qui silere, & inju- *Saturn.*  
 rias toleranter ac placide ferre didicisset, in-  
 genti delectatione, voluptate maxima per-  
 fundi. Nimirum in templo Volupiae sedet  
 Angerona: oris obsignati homo placidæ  
 Voluptatis ædem incolit.

Sed & hoc insuper habet hominis læsi si-  
 lentium; plerunque patrocina & hominum  
 & ipsius Dei læso conciliat. Moses ad suos  
 proclamatur: Dominus pugnabit pro vobis, & *Exod.*  
 vos tacebitis. Magdalensæ silentis & lacri- *c. 14.*  
 mantis patrocinium suscepit Christus, non *v. 14.*  
 solum adversus Iscarioten, sed etiam adver-  
 sus hospitem suum & convivatorem. Et  
 ipsius Christi tacentis ad tot tamque capita-  
 les hostium accusationes Pilatus quantus ex  
 judice patronus est factus?

Maronem poëtarum principem Filistus  
 quidam orator, facetiis vexare solitus, au-  
 diente Augusto Cæsare, elinguem dixit, sed  
 nec si linguam haberet, causam propriam  
 tueri posse objecit. Cui Maro: Tace, inquit,  
 rabula. Nam mea hæc taciturnitas causæ  
 meæ defensorem fecit Augustum: & hac  
 tuba, cum volo, loquor, quæ ubique & diu-  
 tissime audietur.

At dicas: Qui se pro ove gerit, à lupis de-  
 vorabitur.

Neque

Neque nos ubique, & in omni caussa tace-  
 cendum dicimus. Interdum pax ambienda  
 est responsione, sed ea mollissima. In curia  
 & iudicio si rei familiari, si famæ aut vitæ  
 periculum sit à silentio, loquendi locus erit.  
 At vero domi, in mensa, in platea, in agro, in  
 iurgio, in lusu, in symposio tutissimum sem-  
 per silentium, præsertim cum in linguam  
 improbam pugnandum est. Hic vetus Ger-  
 manorum verbum verissimum: \* Duorum  
 sapientior, tacebit prior. Nam ille sapien-  
 tior est & melior, qui citius retulit pedem,  
 cum utrimque certatur. Neque hoc ignaviæ  
 signum, sed fiduciæ.

*Philip.  
 Bosq.  
 Care.  
 Laur.  
 cen. 7.*

*Sur. 10  
 Octobr.  
 c. 9. in  
 vita.*

Res certa est: plerunque manu tardissimi  
 sunt, qui promptissimi lingua; multiloqui  
 ac magniloqui, vix unquam strenui. Home-  
 ricum Therfiten hominem ignavissimum,  
 sed protervissime conviciantem Achilles  
 pugno interfecit, Goliathum David lapide  
 prostravit. Nimirum canes illi magis dege-  
 neres minime mordent, qui plurimum la-  
 trant. Et Hieronymi sensu: canis latratu  
 tam bonus facile fugatur.

Cum virorum ille mitissimus Ioannes  
 Canonicus, ut vocant, regularis, cum amicis  
 familiariter colloqueretur, domesticorum  
 unus in conclave irrupit, & minis atque cla-  
 moribus omnes exterruit improbus latra-  
 tor; in Ioannem singulariter velut è plaustro  
 jecit convicia. Ioannes fellis expers, colum-  
 ba placidissima insanum nec verbulo percus-  
 sit. Hic amicorum quispiam: Cur obsecro,  
 inquit, mi domine, ad dicta tam atrocia files?  
 tuam ipse famam conculcas. Ejice foras ca-  
 lumniatorem. Huit Ioannes sedate: Si flam-  
 ma, inquit, domum corripuerit, num tu o-  
 leum affundas? Hic homo totus ardet, &  
 furit:

\* Der gscheider schweigt vor.



furit: at nosti, nihil esse deformius, quam furiosis respondere. Sicut in morbis nihil perniciosius, quam pharmacum immaturū.

Primam iram nemo audeat oratione mulcere; surda est & amens; dandum illi spatium, dum remittat. Atque hoc medicorum scitum est, qui negant in accessionibus medendum.

Huic homini, hoc quidem tempore velle medicinam adhibere, esset occidere. Vbi remittente insania, non nihil ad se redierit, curationem admovebimus.

*Pf. 63.*

Hoc est prorsus Davidem agere, & furiosum Saulem placare cithara. Contra iratorum contumelias pharmacum est præclarissimum, T A C E R E. Aut enim potentior de te male locutus est, aut imbecillior: si imbecillior, parce illi, si potentior, parce tibi, & noxam cave. Sunt qui cum audiunt vel leviter sibi detractum ab aliis, mox grandem meditantur vindictam: ita sagittæ parvulorum factæ sunt plagæ eorum. At iniquum est pueruli sagittula vix læsum, mox vulnera & cædes coquere. Non est argumentum certius magni animi, quam improba lingua verberatum non reverberare. Gloria nostra *2. Cor. cap. 1. v. 12.*

Hic pulchre Gregorius: Quid enim, inquit, si homines laudent, & conscientia accuset? aut quæ debet esse tristitia, si omnes accusent, & sola conscientia nos liberos demonstret? Valde miror cur vos qui cor fixistis in cælo, verba hominum agitent in terra. Dux bonorum Paulus dicit: Opus suum probet unusquisque, & sic in semetipso tantum gloriam habebit, & non in altero. Si laudibus lætamur, & detractibus frangimur, gloriam nostram non in nobis, sed in aliorum ore posuimus. *Gal. c. 6. v. 4. Gre. l. 8 epi. 45. & l. 9.*

Quid autem aliud detrahentes faciunt, nisi *e. 39.*

E e e

nisi in pulverem sufflant, atque in oculos suos terram excitant, ut unde plus detractio-  
*Chrys.* nis perflant, inde magis nihil veritatis  
*homs. de* videant. Quæ omnia Chrysostomus suo etiam  
*Susanna.* calculo confirmat, nam de calumniatoribus & detractoribus mentionem injiciens: Possum, inquit, facere malam famam, sed  
*Isa. c. 7* non interficere conscientiam. Tu igitur,  
*v. 4.* quod Isaias monet, vide ut fileas; noli timere, & cor tuum non formidet. Longe gloriosius est, ad imitationem Christi, injuriam tacendo tolerare, quàm superare respondendo.

V I I. Septimum in tolerandis aliorum linguis artificium est, *Caleste præmium suspicere.* Ecquid queri potes de conviciis, detractio-  
 ne, calumniis, cum hæc augmenta sint cælestis præmii? Contumelias omnes & injurias centuplo Deus æternoque fenore pensabit. Detrectas luctam? recusas gloriam, abjicis coronam. Qui certare non vult, is præmium aspernatur; qui pati abnu-  
 it, cælum sibi displicere non dissimulat. Quæ enim hæc justitia, quæ esset verecundia, sperare præmium, repellere laborem? Ab incunabilis Mundi semper passa est innocentia.

Historiam omnem, Græcam, Latinam, barbaram; sacram, profanam volve, & nusquam non cernes Virtutem jaculis petitam, præcipue venenatis jaculis Linguae.

Nil in Orbe tam sanctum cui Lingua vitiosa parcat. Hæc lapides jacit, & tela spargit, ut viam ad cælum si non inviam, certe reddat impeditam. Quid trepidamus, quid in via subsistimus, quid oculos retro flectimus? hanc semitam ad cælum dux Christus, totque centena millia comitum signarunt sanguine. Neque tamen nos ad sanguinem hic provocamur: mollior detractio-  
 num pugna est, quæ vix supremam cutem ferit, ac ne ferit quidem, si contempseris. Sin alte in  
 ani-



animum admiseris, non verba sunt, sed vulnera, quibus tamen præmium cæleste promissum non est. Lingua feriri, & non referre, hoc Christianum, hoc cælo dignum est.

In hanc rem expedit, non omnia videre, non omnia audire. sic multæ nos injuriæ transibunt: ex quibus plerasque non accipit, qui nescit. Non vis esse iracundus? ne sis curiosus. Qui inquit quid in se dictum sit, qui malignos sermones etiam si secreto habiti sint, eruit, seipse inquietat.

Verborum in te prolatorum ruminatio, scrutatio, & pro tuo sensu explicatio eo perducit, ut videantur esse injuriæ quæ profecto non sunt. Abduc ergo animum ab auditis, & erige ad alta.

Et quis prudens omnium ore & calamis, dicta factaque sua probanda speret? stultitiæ hoc magnæ est. Prudentia liberiore locutione non offenditur, imo gloriatur cum patitur linguas, quæ fere in magnos venena sua jaculantur; uti fulmina in firmissima quæque sæviunt, transeunt mollia, velut robore suo indigna.

Sed nimis quam dolet, inquis, cum lingua nocente verberatur innoxius. In promptu solatium est; cum Iobo animose dicat sic saucius: Ecce in cælo testis meus, & con-  
*Job.*  
 sciens meus in excelsis. Si ergo nobis, inquit  
*c. 16.*  
 Gregorius, est testis in cælo, testis in corde,  
*v. 20.*  
 dimitte stultos foris loqui quod volunt. Qui  
*Gre. l. 2.*  
 vitæ suæ in cælo testem habet, judicia (& *epi. 45.*  
*ad Pal-*  
*linguas*) hominum in terra pertimescere non  
*ladium.*  
 debet. Apostolus suo id exemplo docens: & l. 9.  
 Mihi autem, inquit, pro minimo est, ut à  
*epi. 39.*  
 vobis judicer, aut ab humano die. Humanis  
*ad*  
 major, facile judicia & linguas hominum  
*Theoti-*  
 contemnet. Quid enim refert cujus auxilio  
*stam.*  
 cælum conscendas? satis est conscendere. Ni  
*utraq;*  
 hil interest an nomen tuum morbus, an gla-  
*dignif-*  
 rius, *simale.*  
*gi tota*

dus, an lingua inscribat cælo: modo inscribatur; tu beneficio fruire. Et ut æger pulsa in valetudine, rigidas medici manus præmio donat, ita tu has linguas honora, sine quibus res secundæ fortassis oblivionem Dei conciliaissent. Nam prospera plures excludunt cælo quam adversa.

*Cassianus sac.  
Coll. 18  
c. 14.*

Impetravit olim, quod Cassianus narrat, ab Athanasio urbis antistite Alexandrina matrona tam dives quam nobilis, ut una aliqua è viduis, quæ sacri ærarii sumptibus alerentur, sibi daretur alenda. Data est illi mulier miti suavique ingenio, & lingua prorsus modesta. Sed optimæ matronæ satis factum non est. Siquidem patientiam suam hac ratione nihil profecturam credidit, cum sciret virtutem sine adversario marcere. Itaque aliam sibi dari ab antistite poposcit. Athanasius mentem feminæ non satis affecurus, dari iussit aliam, sed inhumanam, pervicacem, iracundam, & multo pessimæ linguæ feminam. Hanc matrona nobilis domum adduxit. Mox furia illa ingenium detexit, nam pro pia liberalitate ac lauto hospitio convicia solum, & obrectationes atque maledicta, imo & verbera reddidit. Nihil in ea obsequii, nulla gratiarum actio; quicquid fere prolocuta est, scædissima oris spuma, & merum jurgiorum semen fuit: vix quidquam pro sana loqui noverat. Hic matrona nobilis sibimet applaudere, & multum gratulari; hic in sinu gaudere, cælumque sitientibus oculis suspicere; hic Deum ardentibus precibus venerari, eique gratias agere, quod suam patientiam his exercitiis erudiret; denique ad Athanasium redire, eique pariter amplas habere gratias, quod sibi eam demum dedisset viduam, per quam ad patientiæ cultum jugiter exerceretur, atque sic via longe certiore duceretur ad cælum. Hæc profecto heroidem



DE VITI. LING. TOL. 793

dem sapiunt Christianam. Imitemur, si cælum amamus. Spe certa cæleste præmium expectat, qui Linguae flagellum patienter tolerat.

Agnoscamus ergo Domini voces: Beati estis cum maledixerint vobis homines, & persecuti vos fuerint, & dixerint omne malum adversum vos mentientes, propter me: gaudete: & exultate quoniam merces vestra copiosa est in cælis. *Matth. cap. 5. v. 11.* Æternis nati, deligamus æterna.



## Epilogus

in

## P H A E T H O N T E M.

**V**olumini prolixiori, Lector, da veniam, quam bis terve jam supra, sed obscurius petii. Quædam dicenda, quædam sæpiusculè ingerenda, quædam etiam inculcanda fuerant; *Opportune, importune*, Tarsensis Ecclesiastæ monitu.

2. Tim.  
cap. 4.  
v. 2.

Sed objicias: Quid prodest aperta monstrare, quid clara explicare? Plurimum. Et causam à Romano sapiente audi: Multa vel ante oculos posita transimus; sæpe animus etiam aperta dissimulat ingerenda est itaque illi notitia rerum etiam notissimarum. Plurima scimus, sed non facimus. Scimus, non esse ditioribus & potentioribus adulandum, iis tamen adulamur: scimus, non temere jurandum, non mentiendum, non obmurmurandum, nihilominus & juramus, & mentimur, & obmurmuramus audacissime. Itaque reducendi sumus ad memoriam, idque frequentius. Sæpe agitari debent, sæpe versari salutaria hæc monita, ut non tantum nota sint nobis, sed etiam parata. Hinc dictioni sæpius laxandæ fuerant habenæ, quando aliqua non monstranda tantum, nec tantum explicanda, sed sæpius iteranda, & prorsus inculcanda sunt. Atque hinc

Juven.  
sat. 1.  
initio.

— summi plena jam margine libri  
Scriptus, & in tergo necdum finitus Orestes.

Scripserat olim Euripides, poëta tragicus Orestis furiosi juvenis res gestas. Poëtam hunc verbosior secutus alius, qui ubi margines omnes versibus implevit, etiam in tergo voluminis, contra quam veteres solebant,

ver-



versus exaravit, nec tamen tragœdiam finit.

Idem pæne hic accidit, Orestem plane scripsi, aut simillimum Oresti Phaëthontem, juvenem furiosissimum, qui sibi plurimum sapere videbatur, cum nihil saperet. Quod placidum quidem, sed periculosissimum furiarum genus est.

Phaëthontis, seu, Aberrantis Linguæ præcipitia, quantum subsecivis horis licuit, explicavi. Sed nullus etiamnum finis est scribendæ hujus tragœdiæ. Ita

— *in tergo necdum finitus Orestes.*

Orestis aut Phaëthontis furores nondum omnes, nondum satis percensui. Post multa jam dicta, dicenda restant plurima. Optime dixit Alphonsus Salmeron, Linguam esse Alphabetum seu congeriem omnium vitiorum. Quis est enim, ait sapiens Hebræus toties nominatus, quis est, qui non deliquerit in lingua sua? Eccli. c. 19. v. 16.

Augustinus ubi dixisset, hoc elogio Ciceronem affici:

— *Romani maximus auctor*

*Tullius eloquii* —

Nullum unquam verbum, quod revocare vellet, emisit: sapienter addens: Quæ quidem laus, inquit, quamvis præclarissima videatur, tamen credibilior est de nimium fatuo; quam de sapiente perfecto. Quis ergo est qui lingua non deliquerit?

Omnem hominis ætatem lingua inficit. Ceterorum vitiorum indoles plerunque certam vitæ partem occupat: gula pueritiam, juventam incontinentia, viriles annos ambitio. Vitia deinde pleraque omnia cum senescentibus senescunt, & sensim cum suis dominis emoriuntur. Solum linguæ vitium ætatem omnem, & omne vitæ curriculum varie inflamat. Non raro quo adultiores & seniores, hoc & loquaciores sumus; comœ-

*Lucan.*

*l. 7. cir-*

*ca ini-*

*tium.*

*Aug.*

*epist. 7.*

*ad*

*Mar-*

*celli-*

*num,*

*post*

*ini-*

*tium.*

dias recitamus & tragoedias longissimas; ut nec in tergo quidem finiatur Orestes. Attende jam decrepitos quosdam, sed eximie garulos senes, qui omnem vitæ suæ historiam prolixis oppido narrationibus exponunt. Membra omnia in ipsis fracta, vires exhaustæ; vix gradi possunt, vix spirant, lingua tamen in eis etiamnum est vivacissima; dies totos garriendo frangit, nec tamen fatigatur.

O malum irrequietum! ô rotam sponte currentem, & indefessam! Phaëthon stultissime, quo excurris, quo præcipitas? Sepulchrum tibi quæris, sed grande. Totus terrarum Orbis tuus est tumulus, quem dum totum imples, totum incendis. Nec satis tibi est in hunc tumulum injicere teipsum; mille tecum (quid ajo?) sexcenta millia rapis funera tuis incendiis ambusta.

Trojam olim, Saguntum, Numantiam, Corinthum, Carthaginem, nobilissimas civitates arsisse, prisca narrat historia. Parum est hoc temerario Phaëthonti, Linguae præcipitanti, unam alteramve urbem incendere; toti Orbi flammam subjicit loquendo, & unum facit rogi tot amplissima regna. Nulla enim est regio, nulla civitas, nulla curia, aula nulla, tribunal nullum, nulla platea, nulla domus, sed nec ullæ sunt latebræ, quas iste Phaëthon, vitiosa lingua, litibus, calumniis, obrectationibus, mendaciis, libidinibus, perjuriis, tumultibus non impleat. Orbem inspicere, & verum me dixisse fateberis. Ne-  
*Hier. c. 6. v. 8.* mo, quod bonum est, loquitur.

Olim domorum ostiis inscribatur Tuscorum lingua, \* **A R S E V E R S E**, hoc est, Ignem averte, seu, Caute custodi. Hoc suo quisque pectori rectius inscribat: Linguae ignem cautissime custodi. Pessimus au-  
 riga

\* *Hutets Semr wol.*



riga Phaëthon, Lingua temeraria, incendit terras, Iros & Cedros, Cræsos & Darios amburit; ardet Orbis, nusquam non incendium vivit.

Quid hic consilii, obsecro, quid auxilii est? \* Quas fitulas, quos harpagones his ignibus admovebimus? Iam supra duodecim monstravi fitulas huic incendio, si non extinguendo penitus, ex parte saltem compescendo: Duodecim suggesti remedia Linguae improbæ curandæ. Proximum ex his, & plerunq; tutissimum, est silentium, quod flammæ subinde miraculo etiam domare potest.

Narrat Cameracensis proëpiscopus, quem *Thomas Cantuariensis Præfatus l. 2 de suis avi miraculis c. 13 n. 4. Bruxelles ad jacet, notum Belgis & celeberr.* supra sæpius laudavi, in Brabantia cœnobium esse. Affligemium, sancti Benedicti familiæ assignatum, viros in eo moribus religiosissimis vivere. Erat in hoc cœnobio monachus, cui Radulphus nomen, silentii amantissimus. Inde Radulphus Tacens est appellatus, nam totos sedecim annos nec verbum cum ullo mortalium est locutus; totus alloquiis divinis deditus. In eam porro familiaritatem Dei se dedit, ut orto illic incendio, jamque per totum monasterium grassante, ignis furorem lingua sistere sit aggressus. Cum enim Radulphus humana subsidia jam succumbere videret, tanto animosior divinam opem sperare cœpit. Mox igitur in genua procumbens, precibus quam potuit ardentissimis, auxilium è cælo imploravit. Nec frustra. A precibus ingenti plenus animo, linguam tot annis velut sepultam jussit vivere, dixitque hæc omnino verba: *Stes ignis hac hora.* Sterit profecto ignis, & suæ voracitatis oblitus vocis humanæ paruit. Ita incendium sine vi alia penitus extinctum est. En vires ac potentiam silentii!

E e e j

Hoc

\* Gewerkübel und Gewerhaggen.

Hoc ajo. Phaëthontis ignes, seu, Linguae incendium nihil potentius sedat silentio. Silentium est illa fitula, quæ in Linguae flammæ effundenda. \* Silendo avertimus

*Philo. l. 1.* ignem. Sapienter scripsit Philo: Tace, & au-  
*Quis* di, pulcherrimum præceptum. Qui narrant,  
*divina-* quæ non decet, non eloquentiam ostendunt,  
*rum re-* sed silendi impotentiam. Et propterea non  
*rum* ad canoram & stridulam cicadam, sed ad la-  
*hæres,* boriosam & taciturnam formicam nos mit-  
*initio.* tit Salomon. Vbi Lingua silentii frenos ex-  
*Amb.* cutit, ibi præcipitium certum, & incendium.  
*lib. 7.* Cum gemitu dixit Ambrosius: Fovea alta est  
*epi. 44.* os malevoli, grâde innocentiae præcipitium.

Vide primam omnium in fronte imagi-  
nem, ubi ruptis retinaculis equi quadrijuges  
infreni volitant per æthera cursu, demum in  
præceps ruituri. Talis est lingua taciturnita-  
tis impatiens. Imo, Theophrasti sensu, ma-  
gis fidendum est infreni equo, quam incom-  
posito verbo. Eam ob causam, Boni viri,  
cum beato Gregorio loquor, freno consilii  
retinent præcipationem verbi, & caute  
considerant, ne relaxantes linguae lasciviam,  
auditorum conscientiam incauta locutione  
transfigant. Qui os claudit, cum ira, vel vin-  
dicta similisve malignior affectus stimulat,  
non aliud facit, quam qui insano gladium e-  
ripit. Revera turpe non est, mutum & elin-  
guem videri, cum loquendi periculum est.

*Petrus* Cum Valentiae beatus Vincentius verba  
*Rau-* faceret ad numerosissimum populum, natali  
*sanus* die Ioannis Baptistæ, mulier ab ortu muta  
*Panov-* per confertam plebem ad sacrum oratorem  
*mit. in* illum perducta est. Vincentius spem ac fidem  
*vita* eorum qui feminam adduxerant, miratus, o-  
*S. Vin-* culis cælo sublatis, dictionem tantisper inter-  
*centii l.* misit,  
*s. c. 1.*

\* Mit stillschweigen verzedt  
sich niemand.



misit, & ad mulierem versus: Quid vis, aje-  
bat, ô filia? Mox illa non impeditè respon-  
dens. *Panem*, inquit, & *Linguam*, ô domine. Ad  
quam denuo vir sanctus: Panem, ait, quoti-  
dianum, dum vixeris, habebis; officium lin-  
guæ non impetrabis. Tu vero gratias age di-  
vinæ bonitati, quæ tibi negat obfutura Lin-  
gua tua nisi sic esset ligata, esset mordacissi-  
ma, animi corporisque interitum allatura.  
Cave igitur hoc in posterum à Deo petere,  
quod non concedet nisi iratus. Atque ab eo  
tempore, ut prius, omni usu linguæ caruit.  
Septennio post hæc superstes, pane non  
eguit, nec linguam amplius desideravit, reli-  
gioseque obiit.

O ergo periculosas preces! Da Deus, Pa-  
nem & Linguam. Vitam quam panis servat  
& nutrit, plerunque perdit, aut certè inficit  
Lingua. \* Longe tutius peteremus panem  
atrum ac sordidum; Linguam candidam ac  
mundam. Hoc regum sanctissimus, hoc pru-  
dentissima reginarum, hoc optimi quique vi-  
ri petierunt.

Rex David precatur: Domine labia mea *Pf. 50.*  
aperies, & os meum annuntiabit laudem *v. 17.*  
tuam. Non loquar, nisi tu clave tua refera-  
veris os meum, ad tuas non meas laudes ef-  
ferendas. Ergo, Repleatur os meum laude, *Pf. 70.*  
ut cantem gloriam tuam. Fuit cum esuriret *v. 9.*  
rex David, & pane mendicato viveret. Hoc  
tamen non deprecatur, neque rogat ut nun-  
quam desit panis: potiora poscit, linguam  
flagitat in Dei laudes expeditam.

Nec aliter precata Esther regina: Tribue, *Esth.*  
inquit, sermonem compositum in ore meo. *c. 14.*  
Idem *v. 13.*

\* Grob Hauffbrot/und ein from-  
me gschlachte Jung / sehn  
nicht ubel bey ein ander.

*Ephrē  
de Pas-  
sioni-  
bus  
Ani-  
mi.* Idem beatus Ephrem his verbis expetit :  
 Digitus gratiæ tuæ, Domine, semper moveat  
 linguam meam, tanquam nervum citharæ  
 ad gloriam tuam. Concede mihi, Salvator,  
 petitionem cordis mei, fiatque lingua mea  
 velut cithara ad resonandum jugiter laudes  
 tuas.

Hæ preces tutæ sunt. Da igitur, ô Deus,  
 Panem & Linguam. Non primarium, non  
 \* niveum & dominicum duntaxat & simila-  
 gineum postulamus, satis est nobis plebejus  
 etiam & cibarius panis: modo simul des  
 linguam candidam, ab omni fraudum &  
 mendaciorum furfure purgatam. Ita non  
 improbe rogabimus *Panem & Linguam*. Alio-  
 qui sanctius peteremus: Da panem, & lin-  
 guam nega: Arcam panariam repera; Arcam  
 Linguae obpera. Nam inde nutrimentum vi-  
 tæ; hinc plerunque toxicum & spumam  
 mortis depromimus, nostroque nos gladio  
 jugulamur.

Lingua velut gladius, dum vagina latet,  
 non est terrori, non sauciat, non sanguine se  
 proluit: at ubi furibundus è vagina proru-  
 perit, hic jam attendat, quisquis in hostium  
 numero habetur. Omnia ferit, omnia ster-  
 nit, omnia vorat, depascitur omnia; nemini  
 parcat, in quosvis temere debacchatur hic  
 linguae gladius: extra silentii vaginam est;  
 cavete, obvios invadit, & vix quidquam est  
 quod ictus eludat tam certos. Gladio ferreo  
 vel jaculo scutum objicitur; quid objicies  
 linguae, nisi taciturnam patientiam? Hoc ple-  
 runque munimen optimum adversus hunc  
 hostem.

*Valer.  
hom. 5.  
de Iris  
inso-  
lentia.* Sanctus Valerianus aciem illius gladii  
 considerans: Nihil est, inquit, sævius, nihil  
 \* **Lauter Gemlen und Herzen-  
 brot.**



## EPILOGVS. 807

violentius amaris, asperisque sermonibus, quorum vulnera tanto difficilius curantur, quanto facilius inferuntur. Ferri per cælum volantis spicula facile scuti objectione contemnis, verborum vero jactus, nec revocari potest, nec prohiberi; multo enim velociores sagittis sunt.

Et quod mirum, quo retusior & mollior videtur esse hic gladius, eo foedius vulnerat, eo minus mollis, quo magis mollis est. Cave sermones super oleum mollitos, ad usque medullas penetrant, ut occidant.

Non ignoravit hoc Satan, qui Iobum tot jam vulneribus faucium, tot calamitatibus quassatum, conjugis demum & cognatorum linguis liberalissime flagellavit. E Iobi fortunis quod auferri posset nil supererat; plura ulcera recipere corpus vix poterat jam pæne unum ulcus effectum, sed magnum; jam decies in liberis suis mortuus erat ærumnosissimus parens. Hunc tamen virum toties jam mortuum ad novam lanienam expetit Satan. O Iobe, paullo majora canamus: gravissimis suppliciis graviora restant. Ad linguæ gladium damnatus es, gladium sane formidandum: ipsa uxor tua, ipsi cognati tui hoc gladio te petent. Hic te virum præsta: experieris vulnera verborum acerbiora esse quam ferri. Sed animum obfirma, hic ultimus est cacodæmonis aries, quem tibi admovebit ut evertat te. Non habet vehementius fulmen quod in te torqueat, quam tuæ conjugis & cognati sanguinis linguas. Videt: \* stygius ballistarius, post subversas omnes fortunas tuas, post necatos omnes liberos tuos, post omne corpus tuum jam pæne absumptum & funeratum, te etiamnum stare: Videt hoc, & dolet se  
vin-

\* Der schwarz; Büchsenmeister.

vinci; fremit ac sævit. Quare ultimam suarum machinarum jam expediet in te; jam omne sui furoris ingenium effundet, jam ad extrema descendet, suarum virium vim maximam tentaturus: Vxor̃is & amicorum linguis in te pugnabit. Hic animis opus, ô Iobe, hic pectore firmo. Ergo animose, ergo fortiter & intrepide. Sta, & virulentas linguas partim silentio, partim mitiore responso elude, & vicisti.

Stetit revera Iobus, stetit, & partim siluit, partim mitissime respondit. Ita vicit, ita triumphavit omnes cacodæmonum legiones.

Quin audemus paria, ô Christiani, quin sequimur animosissimum ducem? Silendo, aut mansuete respondendo, cum nostras, tum aliorum improbas linguas quascunque vincimus. Non difficilis pugna; paratissimus est triumphus.

Sed patientissimo Iobo longe patientiorem ostendo. In altum eant oculi. En Dominum I E S V M suffixum cruci. Et hic cacodæmon expertus est extrema. Verissime dixerimus: Bis cruci-fixus est Christus: primo clavis, deinde linguis. Iam flagra Servator, jam spinas, jam & clavos corpore receperat, jam altum in cruenta trabe spectaculum pependerat, jam morte vicina crucis tormentum videri poterat exhaustum: cum, ecce, diabolus novam & formidabiliorem crucem erigit; in hac Dei Filius non quatuor tantummodo clavis confixus est: tot altera crux ista trabales clavos habuit; quot Christus insultantes linguas sustinuit. Ad rem præclare facit hoc Bedæ testimonium: Bis petra percutitur, bis Christus crucifigitur, & manibus militum, & Iudæorum linguis percussus.

Neque vero Christus tot in corpore venas,

De  
quatuor  
crucis  
Domi-  
nicæ  
clavis  
res jam  
certa  
vide-  
tur. At  
hic nul-  
lus dis-  
putan-  
di locus  
est.  
Bedæ in  
c. 20.



nas, tot ossa vel nervos habuit, quot ejusce- *Num-*  
 modi clavos toleravit. Verum, quod Iobus *1011772*  
 tot ærumnis pressus, id Christus tot clavis *v. 11.*  
 confixus multo verissime de se dixerit: Non- *Iob.*  
 ne dissimulavi? nonne silui? nonne quievi? *c. 3.*  
 Revera, quod etiam Isaias affirmat, Tacuit *v. 26.*  
 semper, siluit, patiens fuit. *Isa.*

Christus quidem in cruce testamentarias *c. 42.*  
 tabellas toti humanæ genti scripserat, sed ea *v. 14.*  
 verborum parsimonia, ut ingens hoc testa-  
 mentum septem versibus nec totis comple-  
 xus sit. Omne aliud in cruce tempus silendo  
 & precando duxit, dum aliis atque aliis, &  
 pæne innumeris linguarum clavis confige-  
 retur.

Heu, quam non imitamur hoc nostrum  
 Caput? quam non dissimulamus, quam non  
 silemus, quam non quiescimus! Verborum  
 injurias vel minimas tam impatienter tole-  
 ramus, quam audacter magnas inferimus.  
 Vix tangimur, & gladium linguæ stringi-  
 mus; vix leviter offendimur, & fulmen mit-  
 timus.

Verbum priscis tritissimum erat: Qui pro-  
 cul à Iove, procul à fulmine. Ego longe ve-  
 rius, Procul à fulmine, qui procul à Lingua,  
 non aliena tantum, sed & sua.

Ruffinus & Pelagius Græci scriptores *Ita*  
 memorant, Arsenium olim Arcadii & Ho- *Ruf.*  
 norii Imperatorum præceptorem, cum eti- *finus*  
 amnum in aula degeret, ardentem à Numine *Aqui-*  
 hoc unum petiisse: Domine, ostende mihi *leiensis*  
 viam, per quam possim salvari. Et vocem *n. 190.*  
 cælo missam audiit. *Pela-*  
*gius l. 2*  
*n. 3.*  
*Arzeni, fuge homines, & hac*  
*salvaberis* Fugit ergo Arsenius, & aulam mu- *verba*  
 tavit solitudine. Hic inter precandum denuo *habet:*  
 ad aures allapsa vox est: *Arzeni, fuge, quiesce, enim*  
*tace. Hac sunt principia salutis.* *sunt*

Omnia, quæ de Linguæ vitiis dixi, oracu- *radices*  
 lo haud meliore, quam hoc ipso clausero. *nō pec-*  
 Quis- *candi.*

Quisquis es , cui salus cordi est , FVGE ,  
QVIESCE , TACE.

FVGE , non alios solum homines , sed  
quandoque teipsum , cum tibi à te peccandi  
periculum est.

QVIESCE , in unica Dei Voluntate.  
Extra cælum hæc una & unica quies est ;  
aliam fortasse quæres , sed non invenies.

TACE , quotiescunque honeste non li-  
cet , aut non expedit loqui.

## FINIS.

*Omnia ad maiorem DEI , Deipara , &  
omnium Sanctorum Angelorum  
honorem & gloriam.*



# INDICVLVS

in

## PHAETHONTEM.

De

Linguae Vitiis.

- Caput I. Adulatio, quam per vulgatum sit vitium, & quibus titulis adulatores affiendi. pag. 2
- Cap. II. Adulatio & Adulatores melius depinguntur: simul exponitur quam istud adulandi artificium nostro aeo sit excultum, & subtile. 17
- Cap. III. Adulationis damna maxima explicantur. 30
- Cap. IV. Bacchea, Bombilans, Blæsa Lingua quid sit. 48
- Cap. V. Quid Lingua Bifida sit, & quam noxia. 59
- Cap. VI. Blasphemia quam grave sit peccatum, & quam varie punitum. 65
- Cap. VII. Blasphemia jure denuo flagellatur, & dicta firmantur exemplis. 81
- Cap. VIII. De Lingua maligne Consulente; simul dictum exponitur, Consilium malum consultori pessimum. 92
- Cap. IX. Casareorum, Reginum, Principum, & quorumcunque demum, seu sacrorum, seu politicorum Consiliariorum ac Senatorum Consultrix Lingua contra lapsus firmatur. 104

E f f

Cap.

# INDICVLVS.

- Cap. X. *Lingua Contentiosa, quam sit exitiosa, & quam lites studiose cavenda.* 129
- Cap. XI. *Quæ sit Lingua Convicians, & quid inferat damni.* 141
- Cap. XII. *Derisionis proprium esse, nemini parcere.* 156
- Cap. XIII. *Derisorum natura, & derisionis damna ulterius explicantur.* 169
- Cap. XIV. *Derisores quam graviter saepe puniti sint.* 177.
- Cap. XV. *Quid Detractio, quotuplex, & quam grave sit peccatum.* 186
- Cap. XVI. *Quantorum malorum mater sit Detractio; & de fama restitutione.* 200
- Cap. XVII. *Quibus titulis affiendi Detractores, & quibus suppliciiis sæpe sint affecti.* 213
- Cap. XVIII. *Auditores Detractorum quam graviter delinquant.* 224
- Cap. XIX. *Excusatio quam pervulgatum, & multiplex sit vitium.* 242
- Cap. XX. *Exprobratio quam molesta sit omnibus; & exprobrare beneficia, esse ea perdere.* 258
- Cap. XXI. *Quid sit Lingua Fraudulenta, Fallax, Fucata, quod inter has discrimen, & quibus legibus hæ lingue teneantur.* 266
- Cap. XXII. *Fallacem, seu dolosam Linguam tã esse crebram, quam noxiã* 273
- Cap. XXIII. *Garrula Lingua quibus potissimum, & quantum obsit.* 288
- Cap.



# INDICVLVS.

- Cap. XXIV. Hyperbolica & Hypocritica Lingua quomodo utraque noscenda & fugienda. 302
- Cap. XXV. Quantum Lingua Imprudens, Importuna, Irreverens incommodent. 314
- Cap. XXVI. Lingua male Imprecantis, seu maledica ingentia, maxima damna proponuntur. 328
- Cap. XXVII. Lingua Imprecantis, seu, maledica damna testimoniis, & rerum gestarum monumentis confignantur. 338
- Cap. XXVIII. Lingua Iuramentis assueta quam sit exitiosa. 349
- Cap. XXIX. Quid Sancti Patres, Chrysostomus, Augustinus, Bernardus de Lingua Iurante senserint. 364
- Cap. XXX. Quibus objectionibus Iuramenta soleant excusari, & quibus modis ea extirpari possint. 377
- Cap. XXXI. Quod Linguarum Donum sit, & qua omnium lingua Sanctissima. 390
- Cap. XXXII. Kalumnia depingitur, & Kalumniatoris genius describitur. 404
- Cap. XXXIII. Kalumnia quam grave, quamque pervulgatum sit vitium, & qua ratione solitum puniri. 415
- Cap. XXXIV. Lingua Lasciva quam detestabilis sit, & ob quas causas. 430
- Cap. XXXV. Quid sit Mendacium, ac quotuplex; & an omne Mendacium sit peccatum. 442

# INDICVLVS.

- Cap. XXXVI. *Quam multiplici argu-  
mento exitiosum sit Mendacium.* 453
- Cap. XXXVII. *Quae soleant tuendis  
Mendaciis objici, & qua ratione  
Mendacium crebrius punitum.* 466
- Cap. XXXVIII. *Quam varie &  
quam graviter Lingua Mordax no-  
ceat.* 480
- Cap. XXXIX. *Lingua Murmurans  
quam ubique obvia, & supra modum  
noxia sit.* 488
- Cap. XL. *Quid monstri sit Lingua Nu-  
gigerula, & quam ea Mendacio af-  
finis.* 504
- Cap. XLI. *Otiosam Linguam diverse  
perniciosam esse, & de illius poena.* 516
- Cap. XLII. *Objurgans Lingua, prout  
par est, objurgatur.* 533
- Cap. XLIII. *Quam frequens & inso-  
lens sit Lingua Ostentatrix.* 539
- Cap. XLIV. *Quibus in rebus Ostenta-  
trix Lingua se potissimum efferat.* 548
- Cap. XLV. *Qua plerunque poena Lin-  
guam Ostentatricem comitari so-  
leat.* 564
- Cap. XLVI. *Qua Lingua Politica  
sit, & de quatuor illius venenatissimis  
venis.* 576
- Cap. XLVII. *Lingua temere Promit-  
tens, quibus nos malis implicet.* 588
- Cap. XLVIII. *Lingua Querula, multi-  
plicia sua improbitatis dat specimina.* 600
- Cap. XLIX. *Lingua Revelans secreti,  
quadruplici nos malo afficit.* 616
- Cap.



# INDICVLVS.

- Cap. L. *Linguam Scurrilem nominatim à beato Paulo vetitam esse.* 632
- Cap. L I. *Lingua Subannans & Suspendens noscenda dantur.* 641
- Cap. L II. *Linguam Sufurronum, linguam esse pestilentissimam.* 650
- Cap. L III. *Tumultuosæ Lingua grande vitium describitur.* 664
- Cap. L IV. *Turpiloqua Lingua omnibus Christiani Orbis finibus proscribitur.* 673
- Cap. L V. *Linguam Vindicantem gladium esse Deo præreptum, omnibus qui eo fuerint usi, damnosissimum.* 684
- Cap. L VI. *Linguam Vituperantem seu Censoriam, nemini non exosam esse.* 700
- Cap. L VII. *Cur Lingua sit adeo custodienda.* 712
- Cap. L VIII. *Modus custodiendi linguã, observare loquendi circumstantias.* 723
- Cap. L IX. *Vitiosæ lingua quomodo sananda sint : prima quatuor medicamenta traduntur.* 736
- Cap. L X. *Alia quatuor medicamenta vitiosis linguis curandis.* 746
- Cap. L XI. *Vltima quatuor medicamenta ad improbam linguam emendandam.* 756
- Cap. L XII. *Vitiosæ aliorum lingua quibus artificijs toleranda.* 770

LECTORI  
BENEVOLO  
AUCTOR.

**D**Iv prorsus, mi Lector, hærebam, quo nomine exitiosissimum Orbis malum insignirem. Nec uno tantum anno hæc cogitatio me fatigabat. Tandem pæne idem quod Attalus pronuntio. Sanctissimus hic martyr interrogatus, quod nomen haberet Deus? Mox ille: Nomen, inquit, nullum habet, prout habere homines solent. Sic ego: Improbitas Linguae tanta est, ut vix ullo sat grandi nomine possit affici; nullum habet nomen. Quid enim? *Gladium*, aut, *Sagittam*, *Spiculum*ve nomen? Est sane *gladius*, & *sagitta*, *spiculumque* venenatissimum. Sed universam Linguae malitiam nondum satis expressi. *Viperam*, *Aspidem*, *Hydram* nuncupem? & *Viperas*, & *Aspides*, & *Hydras* vel centum capitum longe superant vitiosæ linguae. *Progeniem viperarum*  
voci-

*Euseb.  
lib. 5.  
Eccle.  
hist.  
cap. 5.*



AD LECTOREM.

vocitem? Plus dixi; nondum fatis.

Enimvero *Malorum Iliadem* dicam? Convenientissimum nomen, si ullum, re tamen sua inferius; nec æquat infandam mali atrocitatem. Qui Linguae virus *Univerſitatem iniquitatis* vocat, grande illi nomen assignat: non damno, sed aptius quæro. Quid ergo? E sacris paginis ei titulum assignam? *Feram singularem, Feram peſſimam, Novaculam Dalila, Pharetram Malitia, Frameam Nequitia, Rhomphaeam inferna Furia* appellem? Speciosi tituli pro monstro tam nobili, sed minus robusti. Quo igitur te nomine, ô malum malorum nominatissimum vocem? Aut ego te nomen habere nullum dixerò, aut Orbis Incendium appellaro. Hoc placet: Incendium Orbis, Orbis Phaëthon es.

At obducis hic, Lector, & : Profanum est, inquis, hoc nomen, atque à fabulis petatum. Ignosce, ô bone, nesciebam te tam serium profani osorem esse. *Horat. lib. I. serm. sat. I.*  
Sed quæso te, Ridentem dicere

AD LECTOREM.

verum quid vetat? Sed est fabula, inquis, & poëtarum risus Phaëthon. Sit fabula; at desinit esse fabula, cum dicitur de Lingua. Rem voce abditam examinemus. Quod de Solis filio auri-ga temerario fictum, id de Linguae lapsu creberrimo nimis est quam verum. Liceat igitur pace tua Phaëthontis nomen non ab-jicere huic malo longe aptissimum. Res loquitur. Linguae celeritatem spectas? Plane Phaëthon est; cælum & terram momento brevi pervolat: qua impetus agit, hac sine lege ruit. Horribilia Linguae præcipitia intueris? Ipsissimus est Phaëthon; seipsam, & una secum plurimos quotidie præcipitat. In Lingua vim nocendi consideras? Rapidissimus ignis, Phaëthon est verissimus. Innumera nocumenta cogitas? Orbem terrarum perdit, vastat, incendit, Orbis exitium. Nec cœlo parcit; flammæ suas & in astra spargit; superos, beatosque cælites, Deum lace-sit. Nulla nocendi vi Phaëthon-te



AD LECTOREM.

te inferior est. Quin imo terras  
penetrat, & ipsum quoque Tar- *Disi.*  
tarum terret, ipsos etiam manes *lit om-*  
suis ignibus involvit. En verissi- *ne so-*  
mam, sic loquar, fabulam, non *lum.*  
Phaëthontis, sed Linguae, quæ *pene-*  
velut igneus sed imperitissimus *traque*  
auriga Orbem terrarum suis in- *in*  
cendiis jam dudum pessundat: *tartara*  
*rimis*

*Fumat uterq; polus, Atlas en ipse laborat*  
*Vixque suis humeris labentem sustinet Or-*  
*ber.* *Lumē.*  
*& in-*  
*ferri*  
*terret*  
*cum*


Hic, mi Lector, tuam patientiam *conju-*  
convenimus, ut, quæ primam *ge re-*  
hujus incendii cladem spectare *gem.*  
sustinuit, spectet & hanc alte- *Ovid.*  
ram. Vbi Phaëthontæa flamma *lib.2.*  
nonnihil desævierit, aquam af- *meta-*  
fundemus. Nec, putem, nimis *morph.*  
fero. Modum namque docebi- *initio.*  
mus quo linguae improbæ, si non  
emendari, saltem tolerari pos-  
sint.

Vale, mi optime Lector, & in-  
ter cautissime custodienda me-  
mento esse Linguam. Artificium  
sumum, sed rarum, recte lo-  
qui.

FINIS.




































93-B7364 c. 2



